

শ্রীমৎ রূপসনাতন শিক্ষামৃত

দ্বিতীয় খণ্ড

শ্রীমৎ সনাতন-শিক্ষামৃত

বক্তুং পারমহংস-পদ্ধতিমিহ ব্যক্তিং গতানাং হি যঃ ।
সিদ্ধানাং ভবনে বভূব সনকাদীনাং তৃতীয়ঃ পুরা ॥
সাপ্তং ভক্তিরসং রহস্যমধুনা ভক্তেষু সঞ্চারয়-
শ্লোকঃ সৌহবততার বিশ্বগুরবে পূর্ণায় তস্মৈ নমঃ ॥

ললিতমাধব নাটক

শ্রীরসিকমোহন বিদ্যাভূষণ প্রণীত ।

শ্রীমতী নিকুঞ্জবিদ্যা দেবী দ্বারা
২৫নং বাগবাজার ষ্ট্রীট হইতে প্রকাশিত
সন ১৩৩৪ সাল ।

মূল্য ৪ টাকা

উঃ সপ্ত-পত্র

ভক্তিময়ী রাণী শ্রীমতী রাধারানী দাসী

মাতৃমহোদয়্যার

শ্রীকরকমলে---

শ্রীকৃপের শিক্ষামৃত ভক্তিসুধাসার ।
সঁপিযাছি তব কবে জননি আমাব ॥
সনাতন শিক্ষামৃত—প্রেমভক্তিসিন্ধু ।
সঁপিলাম তব করে তার একাধন্দ ॥
ব্রজের বালিকা তুমি, ওমা রাধারানি ।
কৃষ্ণপ্রেমে গড়া তব ও মূর্ত্তিখানি ॥
দিবানিশি তব মুখে শ্রীনাম উপন ।
দিবানিশি কর তুমি গোবিন্দ স্মরণ ॥
শ্রবণাদি নববিধ ভক্তি আচরিতা ।
রেখেছ গোকুলচন্দ্রে হৃদয়ে বাধিতা ॥
এক-দেহে রাধাকৃষ্ণ শ্রীকৃষ্ণ চৈতন্য ।
কলির জীবের যিনি সতত শরণ্য ।
তাঁহার পার্শ্বদ শ্রীল রূপ-সনাতন ।
তাদের সৌভাগ্য কেবা করিবে বর্জন ॥
মহামহীয়সী শক্তি হৃদে সঞ্চারিতা ।
ব্রজের অশেষ রস-তত্ত্ব বুঝাইয়া ॥

প্রেমভক্তি রস-তত্ত্ব করিলা প্রকাশ ।
 প্রেমময় গৌরশশী ভক্তি-বিলাস ॥
 প্রচার করিতে সেই শিক্ষা জগন্মাঝে ।
 তোমার হৃদয়ে শুভ বাসনা বিবাজে ॥
 এই দুই গ্রন্থে সেই বাসনা-লতার ।
 ফলিলা মৃগল ফল, কৃপায় তোমাব ॥
 অর্থের সাফলা,—ভক্তি গ্রন্থের প্রচারে ;
 নরনারী সকলেই আশীর্বাদ করে ॥
 পাঠ-মাত্রে ধন্য হয় নরনারীগণ ।
 তাঁহারাও ধন্য,—ধারা করেন শ্রবণ ॥
 শ্রীগৌর-গোবিন্দ কৃপা কখন তোমারে ;
 সুখে থাক সदा পতিপুত্র সহকারে ॥

বাসন্তী পঞ্চমী

১৩৩৪ সাল ।

চিরশুভাকাঙ্ক্ষী—

শ্রীরসিকমোহন শর্মা

শ্রীমৎ সনাতন-শিক্ষা

প্রথম অধ্যায়—প্রবর্তনা

জীৱ-তত্ত্ব

২২ প্রসাদাদজ্ঞো হি সত্যঃ সৰ্বজ্ঞতাং ব্রজেৎ ।

স শ্রীচৈতন্যদেবো মে ভগবান সংপ্রসাদ তু ।

১৮শ ঐলাস হরিভক্তিবিলাসে ।

শ্রীশ্রীমহাপ্রভু উন্নত মানব সমাজের জন্ম যে সকল উপদেশ জগতে প্রচার করিয়াছেন ইন্মধ্যে শ্রীমৎ সনাতন ও শ্রীপাদরূপের প্রতি কৃপা করিয়া যে সকল উপদেশ দিয়াছেন, তাৎ সকল সৰ্বশাস্ত্রের মহাসার এবং মনুষ্যজাতেরই অশেষ কল্যাণজনক । যাহারা চিন্মাত্র ব্রহ্মের মননপরায়ণ, শ্রীশ্রীমহাপ্রভুর উপদেশে তাহাদেরও প্রচর জ্ঞাতব্য আছে । যাহারা বাস্তবিকই ভগবানের জন্ম বাকুল হন, ধর্মের জন্ম প্রকৃত পক্ষেই মাহাদের হৃদয়ে তৎকাঙ্ক্ষায়, তাহারা এই উপদেশামূর্ত্তেই যথার্থ তৃপ্তি লাভ করিতে পাবিবেন । চিন্মাত্রব্রহ্ম ভিন্ন বেদান্তে অপর ব্রহ্মেরও সন্ধান নিহিত আছে । চিন্মাত্র ব্রহ্মের কথা বলিয়াও পরম করণামণী শ্রীমৎ রস-ব্রহ্মের উপদেশ প্রদান করিয়াছেন । সেই রস-ব্রহ্ম ঘনীভূত অবস্থায় শ্রীগোবিন্দ নামে অভিহিত হন । তিনি অনন্ত শক্তির অধীশ্বর, তিনি তাহার স্বরূপভূতা ফ্লাদিনার মহাসার আনন্দ-চিন্ময়রস-শক্তি প্রতিভাবিত্তা মূর্ত্তিমতী আনন্দময়ী শক্তিগণের সহিত যে লীলা-রস প্রকট করেন, ভক্তিরস ব্যতিরেকে তাহার সন্ধান অন্তকোনও উপায়ে পাওয়া যায় না । শ্রীপাদরূপের উপ-

দেশে সবিশেষরূপে মহাপ্রভু এই ভক্তিরস-বিবরণ প্রদান করিয়াছেন এবং ভাব-বিতাব-অনুভাব ও সঞ্চারিতাব প্রভৃতি দ্বারা নিম্নরূপ রস-আন্বাদন সম্বন্ধে উপদেশ করিয়াছেন।

শ্রীপাদ সনাতনের প্রতি তিনি যে উপদেশ প্রদান করিয়াছেন, তাহাতে অখিলরসামৃত শ্রীকৃষ্ণই যে উপাস্য-তত্ত্বের চরম বস্তু, তিনি যে কেবল ঐশ্বর্যাদি বহুল গুণযুক্ত নহেন, মাধুর্যই যে তাঁহার প্রকৃত স্বরূপ, এবং বিশুদ্ধ প্রেম ভক্তি দ্বারাষ্ট যে তাহা লাভ করা যায়—সেই অখিল রসামৃত মূর্তির আন্বাদন করা যায়, গোপীভাবের ভজনই যে তাঁহার উপাসনার চরম তত্ত্ব,—এই সকল কথা অতি বিস্তৃত ও ধারাবাহিকরূপে শাস্ত্র যুক্তি প্রমাণ-বলে বিবৃত করা হইয়াছে। শ্রীচরিতামৃতের মধ্য লীলার ২০শ পরিচ্ছেদ হইতে ত্রয়োবিংশ পরিচ্ছেদের শেষ পর্যন্ত শ্রীপাদ সনাতনের প্রতি উপদেশের সারমর্ম অতি সংক্ষিপ্ত ভাবে বর্ণিত হইয়াছে। শ্রীপাদ কবিরাজ গোস্বামিমহোদয় এই ভক্তি-রসামৃতের জাহাজী ব্যাপারী, মহামূলধনী। তাঁহার নিকট হইতে দুই এক কপর্দক ঋণ করিয়া এই লেখক সেই উপদেশামৃত সিন্ধুর বিন্দুমাত্র স্পর্শ করিয়া সম-প্রাণ সমানবিস্তৃত সমানচিত্ত কালাল-দের জন্ম “ফেরিওয়ালার” ব্যবসায় প্রবৃত্ত হইয়াছে। ইহাতে লেখকের আপন সমাজে ও আপন জনগণের মধ্যে কিছু কিছু উপকার হইতে পারে এমন আশা করা বোধ হয় অসঙ্গত হইবে না। সিদ্ধান্ত-বিরোধ, রসাতাস ও রস-বিরুদ্ধভাবে আশঙ্কা পদে পদে হইতে পারে এবং হইবে; তথাপি একটা সাহসের কথাও আছে, শ্রীপাদরূপের উক্তিই সেই সাহসের হেতু। তিনি শ্রীবিদগ্ধ মাধব নাটকের প্রারম্ভে আত্মকর্ম সমর্থনার্থ লিখিয়াছেন :—

মমান্বিন সন্দর্ভে যদপি কবিতা নাতি ললিতা ।

মুদং ধাস্ত্র্যস্যাস্তাং তদপি তরি-গন্ধাদ্ বুদ্ধগণাঃ ॥

অপঃ শালগ্রামাপ্রবন-গরিমোদগার-সরসাঃ ।

সুধাঃ কোবা কোপীরপি নমিতমূর্ধা ন পিবতি ॥

শ্রীরূপ লিখিয়াছেন—আমার এই গ্রন্থে কাব্যের কোন লাগিত্য নাই, তথাপি আমার ভরসা আছে, ইহা হরিগুণগন্ধবৃক্ষ হওয়ার পণ্ডিতগণ ইহাতে অবশ্যই শ্রীতিলাভ করিবেন। কেন না, কুপোদকে শালগ্রাম শিলা স্নানিত হইলে সেই গৌরবে কুপোদকও শ্রীচরণায়ত হন এবং সুধীগণ অবনত মস্তকে ভক্তিসহ তাহা পান করিয়া কৃতার্থ হন।” এই শ্রেণীর গুণের ইহাই এক মহা সৌভাগ্য। শ্রীভগবানের চরণ চিন্তা করিয়া এই পুরুষের কার্যো প্রবৃত্ত হইয়াছি ; ইহাই একমাত্র ভরসা।

শ্রীশ্রীকৃষ্ণচৈতন্যমহাপ্রভু শ্রীবৃন্দাবন হইতে প্রত্যাভর্তনকালে মহাতীর্থ প্রয়াগে শ্রীপাদরূপ গোস্বামী তাঁহার কৃপা প্রাপ্ত হইলেন এবং প্রভুর আদেশে শ্রীবৃন্দাবনে গমন করিলেন। শ্রীরূপের পক্ষে মহাপ্রভুর সঙ্গ-বিরহ অত্যন্ত ক্লেশজনক হইল। কিন্তু অগতের ভিত্তে অল্প যিনি অগতে অবতীর্ণ হইয়াছেন, ব্যক্তিগত সুখদুঃখের গণনা করিয়া প্রকৃত উদ্দেশ্যের হানি করা, তাঁহার বিধান সম্ভব নহে। শ্রীবৃন্দাবনে বাস করিয়া শাস্ত্রগ্রন্থ বিরচন, নৃপতীর্থের উদ্ধার, শ্রীমন্দির ও শ্রীবিগ্রহ স্থাপন এবং সমাজে সঙ্গ-চার প্রবর্তনের জন্য শ্রীপাদরূপকে মহাপ্রভু শ্রীবৃন্দাবনে প্রেরণ করিলেন। তিনি কাশীধামে আগমন করিলেন। চন্দ্রশেখর শিবশঙ্করের অধিষ্ঠিত কাশীক্ষেত্র—বিবেক-বৈরাগ্য ও ব্রহ্মজ্ঞানের সুবিখ্যাত সিদ্ধপীঠ। শ্রীশ্রীকৃষ্ণ-চৈতন্যচন্দ্র এখানে আসিয়া তাঁহার একান্ত ভক্ত শ্রীচন্দ্রশেখরের আগ্রহে তাঁহার আবাসে অবস্থিত হইলেন। এখানেও শ্রীকৃষ্ণ-কথা ও শ্রীকৃষ্ণ নামের বঙ্গা প্রবাহ, সাগর-তরঙ্গরঙ্গে জ্ঞানভূমি কাশীকে ভক্তিরসে পরিষিক্ত করিয়া তুলিল! সকলের মুখেই শ্রীকৃষ্ণচৈতন্য নাম, সকলের মুখেই তাঁহার রূপগুণের কথা প্রচারিত হইল।

এই সময়ে রাজমুক্ত সুধাংশুর জ্বর শ্রীপাদ পনাতন সংসার-মারামোহ-বিমুক্ত হইয়া নানা কৌশলে যখন-রাজের কারাবন্ধন ছিন্ন করিয়া নানা বিষয় বিপত্তি অতিক্রম করিয়া হৃদয়ের অমুরাগে কাশীধামে শ্রীশ্রীমহাপ্রভুর

শ্রীচরণাঙ্কিকে উপনীত হইলেন। জ্ঞান-বিবেক-বৈরাগ্যের সিদ্ধপাঠে অমুরাগীভুক্ত সনাতন বৈরাগ্যের বেশ—কোপীন-বহির্কাস পরিধান করিলেন, চিত্তের ভাবের সহিত বহির্বেশের মিলন হইল। জ্ঞান-গুরু যোগীশ্বর শ্রীশ্রীশঙ্করের সিদ্ধক্ষেত্রেই প্রেমগুরু শ্রীশ্রীকৃষ্ণচৈতন্য, সনাতনকে শ্রীকৃষ্ণের স্বরূপতত্ত্ব ঐশ্বর্য্য-মাধুর্য্য ও ভক্তিরস-তত্ত্বের উপদেশ করিলেন।

শ্রীকৃষ্ণ-স্বরূপ-মাধুর্য্যেশ্বর্য্য-ভক্তিরসাশ্রয়ঃ ।

তত্ত্বং সনাতনায়েশঃ কৃপয়োপদিদেশ সঃ ॥

পরম দয়াল মহাপ্রভু সনাতনকে পাইয়া প্রেমবিহ্বল হইলেন, তাঁহাকে আলিঙ্গন করিলেন। সনাতন ইহাতে ক্লেশ বোধ করিলেন—নিজের দীনতা প্রকাশ করিলেন। মহাপ্রভু বলিলেন—সে কি কথা, তোমার ঞ্চান্ন ভক্ত-দর্শন মহাসোভাগ্যের ফল। তোমাকে দর্শন করিলে নয়ন সফল হয়, তোমায় স্পর্শন করিলে দেহ পবিত্র হয়। তুমি ইহাতে ক্লেশ বোধ করিও না। তোমাকে দেখিয়া আমি আনন্দে বিহ্বল হইতেছি। যাহা হউক, তুমি যে কারা-বন্ধন হইতে, বিশেষতঃ সংসার-বন্ধন হইতে মুক্ত হইয়াছ ইহা পরম আনন্দের কথা :—

তোমা দেখি তোমা স্পর্শি গাই তোমার গুণ ।

সর্ব্বেন্দ্রিয় ফল, এই শাস্ত্র নিরূপণ ॥

এত কহি কহে প্রভু শুন সনাতন ।

কৃষ্ণ বড় দয়াময় পতিত পাবন ।

মহারোরব হইতে তোমায় করিল উদ্ধার ।

কৃপার সমুদ্র কৃষ্ণ গস্তীর অপার ॥

পরম বিনয়ী সনাতন বলিলেন, আমি কৃষ্ণ জানি না। আমি তোমাকেই আমার উদ্ধারের কর্তা বলিয়া জানি। প্রভু আমি অতি নীচ, অধম ও অতি অজ্ঞ, কিছুই জানি না ; কৃপা করিয়া যদি উদ্ধার করিয়াছ, এখন আমার কর্তব্য কি, উপদেশ কর :—

রূপা করি যদি মোরে করিয়াছ উদ্ধার ।
 আপন রূপাতে কহ কর্তব্য আমার ॥
 কে আমি কেন আমারে জারে তাপত্রয় ।
 ইহা না জানিলে কেমনে হিত হয় ॥
 সাধ্য সাধনতত্ত্ব বৃথিতে না জানি ।
 রূপা করি সব তত্ত্ব কহত আপনি ।

আমি কে ইহা অতি গুরুতর প্রশ্ন । মানব সমাজের জ্ঞানোন্মেষেব সঙ্গে সঙ্গেই এই প্রশ্নের সূত্রপাত হইয়াছে । দেহ-ইন্দ্রিয়-প্রাণ-মন-বুদ্ধি প্রভৃতি লইয়া একট মাতৃষ । এই সকলের একটা সমষ্টপিণ্ডট কি আমি ? যদি তাহাই হয় তবে মৃত অবস্থায় দেহ থাকে, চক্ষুরাদি ইন্দ্রিয়ও থাকে কিন্তু সে বস্তুটা আমি বলিয়া অভিহিত হয় না, সে অবস্থায় তাহার তো কোনও পরিচয় পাওয়া যায় না,—তবে আমি কে ? আমি কি দেহ-ইন্দ্রিয়াদির সংঘাতোদ্ভব কার্য্য-বিশেষ ? তাই বা কিরূপে বলা যায় । দেহেইন্দ্রিয়াদির বস্তুগত অন্তসন্ধানে যাহা জানা গিয়াছে, তাহাতে প্রতিপন্ন হইয়াছে,—দৈহিক পদার্থগুলি অচেতন—অচেতন বস্তু হইতে চেতনার উদ্ভব অস্বীকৃতিক । যাহা যাহাতে নাই, তাহা হইতে তাহা উদ্ভূতই বা কি প্রকারে হইবে ? জড় হইতে চেতনার উদ্ভব তো একবারেই সম্ভবপর নহে । আমার মনন, আমার চিন্তন, আমার অনুভাবন প্রভৃতি চেতনা-পরিচায়ক । এ গুলি অচেতন হইতে পারে না । তিলে তৈল পদার্থ থাকে বলিয়াই তিল হইতে তৈল উৎপন্ন হয়, কিন্তু বালুকা-নিষ্পেষণে কখনও তৈল-লাভ হয় না । দেহ ইন্দ্রিয় ও মন ইহারা অচেতন । ইহাদিগ হইতে চেতনার উদ্ভব সম্ভবপর নহে । কিন্তু আমি যখন চিন্তা করি, ভালমন্দ বুঝি, আমার যখন রাগধেষাদি আছে তখন আমি যে চেতন ইহাতে তো কোন সন্দেহ নাই । অথচ এই চেতনা দেহের ধর্ম্ম নহে—কোন চেতন বস্তুর যোগেই দেহ সচেতন হয় । রসায়নবিজ্ঞানবিৎ

পণ্ডিতগণ তাঁহাদের কারখানায় অক্সিজেন, নাইট্রোজেন কার্বন, হাইড্রোজেন প্রভৃতি পদার্থ লইয়া জীব-উৎপাদন করিতে বহুল চেষ্টা করিয়াও চেতনার লেশাত্মক এ পর্য্যন্ত প্রদর্শন করিতে পারেন নাই। সূক্ষ্ম জৈব পদার্থ বস্তুটি কি,—জড় পদার্থের মধ্যে তাহার ভূয়োভূয়ো অনুসন্ধান করা হইয়াছে, কিন্তু জড় পদার্থ হইলে চেতন বস্তু নির্মিত হয় নাই। জড়শক্তিতে ও চিৎশক্তিতে অনন্ত স্পষ্ট পার্থক্য চিরদিনই সমান রহিয়াছে। আমি কে, এই প্রশ্নের রহস্য উদ্বেদ করার প্রয়াস মানবসমাজে বহুগুণ চলিয়া আসিতেছে। কিন্তু এ পর্য্যন্তও ইহার সর্বসম্মত মীমাংসা হয় নাই।

আমি কে, ইহা না জানিলে জীবনের উদ্দেশ্য নির্দেশ হয় না। আমি যদি একটা কৃত্রিম অস্তিত্ব মাত্র হই, দুই দিনের ভরে এ জগতে আসিয়া প্রজাপতির ন্যায় উড়িয়া বেড়াইলাম, দেখিতে দেখিতে জীবন শেষ হইল, আর ইহার সহিত পাপপুণ্য, ভালমন্দ, আশাতরসা, বিদ্বেষ ভালবাসা চির দিনের মত সকলই ফুরাইল, যদি ইহাই জীবন-রহস্য হইত, তবে জীবনের অনেক দুশিক্ষা লঘুতর হইয়া পড়িত। মানুষের মধ্যে এক শ্রেণীর চিন্তাশীল ব্যক্তি কখনও সেরূপ ভাবিতে পারেন না। তাঁহাদের মতে জীব সে প্রকার অস্থায়ী বস্তু নয়, ইহা অতীত, বর্তমান ও ভবিষ্যতের সহিত নিত্য সম্বন্ধে সম্বন্ধ। ইহা ধর্ম বিশ্বাসের ভিত্তি। এই ধর্ম-বিশ্বাসেই তাঁহারা জাগতিক কার্য নিয়মিত করেন, ইহার উপরেই তাহাদের ধর্ম-ধর্ম পাপ পুণ্যের দণ্ড পুঙ্কার নির্ভর করে। এই বিশ্বাসে তাঁহারা তাঁহাদের চরিত্র গঠন করেন—ইহাই তাঁহাদের জীবনের নিখিল ব্যবহারের নিয়ামক।

ঋষিগণ ও সাধুসজ্জনগণের চিন্তা সর্বপ্রথমে আত্ম পদার্থের অস্তিত্ব-বধারণে আকৃষ্ট হইয়াছিল। তাঁহারা দেখিলেন এই দেহ-ইন্দ্রিয়-প্রাণ-মন-বুদ্ধি ইহাদের কিছুই “আমি” নহে। ইহারা সকলই নশ্বর—ইহাদের অভাব

হইলেও আমিত্ব জ্ঞানের বিলোপ সাধন হয় না বা দেহের কোন ইন্দ্রিয় বা কোন অঙ্গ-প্রত্যঙ্গের অভাব হইলেও আমিত্ব-জ্ঞানের পূর্ণতার এক বিন্দুও বিনষ্ট হয় না। আনার চক্ষু কর্ণ নাসিকা জিহ্বা প্রভৃতি জ্ঞানেন্দ্রিয় বিনষ্ট হইলেও আমি থাকিব, হস্ত পদ বাগিঙ্গির সম্পূর্ণ বিধ্বংস হইলেও আমিত্বজ্ঞানের কেশাগ্র পরিমিত অংশও বিলুপ্ত হয় না। সুতরাং আমিত্ববোধ দেহেন্দ্রিয়াতিরিক্ত অপব কিছু হইতে উচিত হয়। ইন্দ্রিয়জ্ঞানাদির সংস্কার সেই পদার্থে বিন্যস্ত থাকে এবং ইন্দ্রিয়াদি দ্বারা আমাদের যে সকল জ্ঞান উপলব্ধ হয়, সেই সকল পদার্থ, ইন্দ্রিয়ের অত্রাত হইলেও আমরা তাহাদিগকে অনুভব করিতে পারি—ইন্দ্রিয়াদি নষ্ট হইয়া গেলেও তাহাদের গুণগ্রাম আমাদের সেই কোন-কিছু পদার্থে আঙ্কিত থাকে—ইহাই আত্মা। তিন্দু দার্শনিকগণ এই আত্ম-তত্ত্ব সম্বন্ধে বহু পর্যালোচনা করিয়া স্থির কারিয়াছেন, আমাদের নিখিল জ্ঞান এই আত্মাতেই প্রতিষ্ঠিত থাকে। জন্মের পর জন্ম হয়, দেহের পর দেহ বিনষ্ট হয়, আবার আমরা নূতন দেহ প্রাপ্ত হই—মৃত্যুতে জনসাধারণের পূর্বজন্মের স্মৃতি বিলুপ্ত হয়। কিন্তু জাতিস্মরণ যোগিগণের পূর্বজন্ম-বৃত্তান্ত-জ্ঞান বিলুপ্ত হয় না। উহা প্রোজ্জলরূপে আত্মার বর্তমান থাকে। তাঁহারা স্মৃতির সহায়ে সেই সকল বিষয় আবার চিত্ত-পটে পুনরানয়ন করিতে পারেন। সময়ে সময়ে পুরাতন অনুভূত পদার্থ স্মৃতির প্রভাবে সত্ত্ব প্রত্যক্ষের দ্বায় অনুভূত হয়—ইন্দ্রিয়গুলির সমক্ষে সেই সকল পদার্থ উজ্জলরূপে উপস্থিত হয়। সুগন্ধি পুষ্পের বিষয়ে ধ্যান প্রগাঢ় হইলে উহার সকল গুণই প্রত্যক্ষবৎ অনুভূত হয়। উহার রূপরস গন্ধাদি খাঁটি প্রত্যক্ষের দ্বায় উপস্থাপিত হয়। ক্যাষ্টার তৈলের স্বাদ একবার অনুভূত হইলে কাহারও কাহারও উহার স্মৃতি মনে মনে আসিলেই গুকারজনক গন্ধ, সান্ধাৎ সম্বন্ধে নাসিকার উপস্থিত হয়, বিশ্বাদে রসনা বিকৃত হয়, বিবমিষা উপস্থিত হয়। পদার্থের অভাবে কেবল স্মৃতিদ্বারাই এই সকল কার্য সাধিত হয়। এই অনুভূতি চেতনারই কার্য।

জড় পদার্থে অনুভূতি বা চেতনার কার্য সম্ভবপর হয় না। ইহা হইতে প্রতিপন্ন হয় যে জড়াতিরিক্ত শক্তি বিশেষ অবশ্যই আছে, মনস্তত্ত্ববিদগণ উহাকেই “আত্মা” নামে অভিহিত করেন।

জাগ্রত স্বপ্ন ও সুষুপ্তি আমাদের চিত্তের এই তিনটা অবস্থা অতি সুস্পষ্ট। জাগ্রত অবস্থায় জাগতিক প্রত্যেক ঘটনা আমাদের জ্ঞান-গোচর হয়। ইন্দ্রিয়-লভ্য জ্ঞানগুলিকে আমরা কেবল ইন্দ্রিয়ের উপায়ে জানিতে পারি না। চক্ষু না থাকিলে আমাদের দর্শন-জ্ঞান জন্মিত না ইহা সত্য। কিন্তু চিত্ত-বৃত্তির ক্রিয়াব অভাবে চক্ষুরাদি ইন্দ্রিয় না থাকিলেও তো দর্শন জ্ঞান হয় না। চিত্তে যখন কোন ভাবনা দৃঢ়রূপে প্রতিষ্ঠিত থাকে তখন চক্ষুরাদি ইন্দ্রিয়ের সম্মুখ দিয়া বৃহৎ ব্যাপার চলিয়া গেলেও তাহার প্রত্যক্ষ হয় না। ইন্দ্রিয় সমূহে বাহ্য জগতের সন্ধান হইলেও চিত্ত-বৃত্তি নিয়োজনের অভাবে উহা জ্ঞানে পরিণত হয় না। তজ্জন্ম স্বীকার করিতে হয়, ইন্দ্রিয়াতিরিক্ত চিত্ত নামে স্বতন্ত্র পদার্থ আছে। তাহা হইতে সংবিদ্ বৃত্তির (Consciousness) ক্রিয়া নিস্পন্ন হয়। আমাদের সুখদুঃখানুভূতি আছে, ঔদাসীন্য আছে, ইন্দ্রিয়জনিত জ্ঞান আছে। আমাদের ইচ্ছা-অনিচ্ছা আছে, সঙ্কল্প-বিকল্প আছে। আমরা ইচ্ছানুসারে অঙ্গ প্রত্যঙ্গ সঞ্চালন করি, আমরা হেয় উপাদেয়ের ত্যজ্য-গ্রাহ্য নির্ধারণ করিয়া তদনুসারে কার্য করি। সুবিধা-অসুবিধা ভাল-মন্দ প্রীতিকর-অপ্রীতিকর এই সকল বৃত্তিতে পারি এবং তদনুসারে কার্য করি। অতি সূক্ষ্ম কীটেও এই সকল ব্যাপার দৃষ্ট হয়। যেস্থলে জীব চৈতন্য আছে সেই খানেই এই সকল ব্যাপার ঘটিয়া থাকে। বৃক্ষাদির মধ্যে যে জীব চৈতন্য আছে, মহাভারতে তাহার উল্লেখ আছে। এই চিৎ-পদার্থ ও উহাদের অশেষ বৃত্তি জগতের সর্বত্রই পরিচক্ষিত হয়।

আমাদের বুদ্ধিবৃত্তি (Intellect), হৃদবৃত্তি (Emotions, feelings) এবং ইচ্ছাবৃত্তি (Volition, desires) প্রভৃতি যেমন আত্মতত্ত্বের

পরিচায়ক, উদ্ভিদাদিতেও তেমনই এই সকল ব্যাপার কিয়ৎ পরিমাণে পরিলক্ষিত হয়।

চিদ্বৃত্তি ও হৃদ্বৃত্তির প্রকাশ না থাকিলে সমগ্র জগৎ কেবল জড়ীয় শক্তিরই লীলাস্থলীতে পরিণত হইত,—চিৎশক্তির, হৃৎশক্তির ও ইচ্ছা-শক্তির কোনও নিদর্শন পরিলক্ষিত হইত না।

জড়ত্ব ও জ্ঞানত্ব এই দুইটা ভাব জগতে অতি সুস্পষ্ট। আমাদের ইন্দ্রিয় জ্ঞান (Sensations), প্রত্যক্ষানুভূতি (Perceptions) হৃদ্বৃত্তি (Sentiments or Emotions) চিদ্বৃত্তি (Intellection or Thoughts) এই সকল ব্যাপার জড়ীয় শক্তির (Material force) কার্য্য নহে।

এই সকল ব্যাপারের পর্যালোচনা করিলে অহম্বৃত্তি ও ইদম্বৃত্তির পার্থক্য সুস্পষ্টতঃই বুঝা যাইতে পারে। আমি ও আমার অতিরিক্ত আর কিছু আছে। (Self and Not-self অহম্ ও ইদম্) এই দুই প্রকার জ্ঞান আমাদের স্বাভাবিক। এই ভাবে আত্ম-প্রত্যয় দ্বারা আত্মার জ্ঞান উপলব্ধ হয়। এই অহম্বৃত্তি প্রসারিত হইয়া আমাদের অনুভূতির স্থায় অপর ব্যক্তিরও যে সুখ-দুঃখ জ্ঞান আছে, সেই জ্ঞান জন্মে। কণ্টকবিদ্ধ হইতে আমার ক্লেশ হ্র, ইহা হইতে আমি বৃদ্ধিতে পারি যে এই ব্যাপারে অণ্ডেরও ক্লেশ হয়, এমন কি উদ্ভিদ পর্য্যন্ত যে আত্ম-শক্তির লীলাস্থল তাহাও ঋষিগণ প্রকাশ করিয়াছেন, আধুনিক উদ্ভিদ তত্ত্ববিদগণ আমাদের আত্মার স্থায় উদ্ভিদাত্মার (Plant-souls) অস্তিত্ব স্বীকার করেন।

সৃষ্টির আরও নিয়ন্ত্রণে অবশ্যশক্তির পরিচয় পাওয়া যায়। যে আণবিক বস্তু অচেতন বলিয়া আমরা জানি, এক শ্রেণীর পণ্ডিতগণ উহাদের মধ্যেও স্রীতি-ও বিষেষের অস্তিত্বানুভব করেন, উহাদেরও ছেয়-উপাদেয় জ্ঞান আছে, উহারা কোনটার সহিত আগ্রহের সহিত আত্মীয়তা করে, একত্র হয়, মিলিয়া মিশিয়া কার্য্য করে, আবার আর এক জাতীয় পরার্থের সহিত একবারেই উহাদের মিলমিশ হয় না। একজন অপর জনকে দেখিয়া

দূরে যায়, দূরে থাকিতে ভালবাসে এবং সেই জড়ীয় পদার্থের সহিত উহাদের একত্র ঘর করা চলে না। (১)

আমরা এই চেতনার বহুস্তর দেখিতে পাই। একপ্রকার চৈতন্য সর্বব্যাপক। প্রত্যেক পদার্থেই এই চৈতন্যের অস্তিত্ব আছে, “সর্বং খন্দিৎ ব্রহ্ম” বলিলে তাহাই বুঝায়। “যা দেবী সর্বভূতেষু চিত্তিরূপেণ সংস্থিতা” এই বাক্যও বেদান্ত বাক্যেরই প্রতিধ্বনি। ইহা বিশ্বাত্মার অস্তিত্ব-বোধক। সমগ্র বিশ্বেই পরমাঙ্গার তটস্থ জীবশক্তি (Universal life) বিরাজমান। অচেতন বিশ্বের অন্তরালে লুক্কায়িত ভাবে (in potential form) জীবশক্তি ক্রমশঃ উদ্ভিদে ও অপরাপর জীবাণু সমূহে আত্ম প্রকাশ করিতে করিতে অবশেষে উহা উচ্চতম মানব জ্ঞানের আকারে প্রকাশ পায়। অতঃপরে ভগবদ্ভুক্ত মানবে উহার পূর্ণতম বিকাশ অনুভূত হয়। শ্রীভাগবতের তৃতীয় স্কন্ধের ২৯ অধ্যায়ে এই জৈবক্রম-বিকাশের প্রমাণ দৃষ্ট হয়। উহার শ্রীধরী টীকার উপসংহারে দেখা যায় যে তিনি মহাত্মারত হঠতেই উদ্ভিদাত্মার প্রমাণ প্রদর্শন করিয়াছেন। সর্ব স্বার্থত্যাগী ভগবৎ পরায়ণভক্ত জীবেরই উহার চরম বিকাশ।

কিন্তু সূক্ষ্ম পর্যালোচনায় জানা যায় যে এই বিশ্বব্রহ্মাণ্ডে সর্বদাই জীব-শক্তি বর্তমান। আমাদের দর্শন ও পুরাণাদির ইহাই অভিপ্ৰায়। পাশ্চাত্য দার্শনিক বৈজ্ঞানিকগণ এখন এই মহাসত্য ক্রমশঃই বন্ধিতে

(১) But the inorganic kingdom is for that reason not absolutely void of an analogous, although we may grant, a lower kind of subjectivity. Chemicals apparently exercise choice, for we find, they eagerly seek one another or abandon one liaison for the sake of a preferred partner; and we have no other means of clearly describing their behaviour than by allegories selected from analogous occurrences in the human world, that is, by characterising them as “affinities.” p. 12. Whence and whither.

পারিতেছেন, অচেতন প্রকৃতির অন্তরালে ও জীব-চেতন লুক্কায়িত ভাবে বর্তমান। (২)

শ্রীপাদ সনাতন অতি দীনতার সহ ও আর্ন্তভাবে শ্রীমন্নহাপ্রভুর নিকটে তত্ত্বজিজ্ঞাসু হইলেন।

সনাতন স্বভাবতঃই অতি বিনয়ী। তাঁহার বিনয়পূর্ণ বাক্য শুনিয়া মহাপ্রভু বলিলেন,—সনাতন, তুমি সিদ্ধপুরুষ, পরম ভক্তিমান্। তোমার প্রতি শ্রীকৃষ্ণের পূর্ণ রূপা ; তোমার আবার তাপত্রয়ের আশঙ্কা কি ? এবং তোমার অজ্ঞাতই বা কি ? তোমাতে কৃষ্ণশক্তি বিরাজিতা, তত্ত্ব সমস্তই তোমার সুবিদিত কিন্তু সাধুদের একটা স্বভাব এই যে, তাঁহারা জানিয়াও দৃঢ়তার জ্ঞপ্তি পরিগ্রহ করেন। যাহা হউক তুমি ভক্তি-প্রদর্শনার ও ভক্তি-প্রচারের অতি উপযুক্ত পাত্র। আমি তোমার নিকট ক্রমে ক্রমে তত্ত্বকথা সকল প্রকাশ করিয়া বলিব। তুমি জীবতত্ত্ব সম্বন্ধে জানিতে চাহ ইহা অতি উত্তম কথা। জীবতত্ত্ব না জানিলে কোন তত্ত্বেই প্রবেশ করা যায় না। জীব আপন জ্ঞানে এই বিশ্বতত্ত্ব জানিতে পারে এবং ভগবৎতত্ত্ব জানিতেও প্রয়াস পায়। জীবের দ্বারাই জ্ঞানের উৎকর্ষ, ভক্তনের উৎকর্ষ, উপাসনার পারিপালি, ভগবানের সৌন্দর্য্য মাধুর্য্যের আন্বাদন সম্পন্ন হয়, এই সকল ব্যাপারই উচ্চ প্রকৃতিবিশিষ্ট নরনারীগণ দ্বারা সাধিত হয়।

সুদূর গগনমণ্ডলে কোথায় কোন নক্ষত্র কি ভাবে বিরাজমান, কোন্ নক্ষত্রের সহিত কোন নক্ষত্রের কি সম্বন্ধ, উহাদের আকার প্রকার, দ্রুত গতি প্রভৃতি জানিবার জ্ঞপ্তি মানুষের অমুসন্ধিৎসা ব্যাপ্ত হয়। অগাধ গভীর অতল সমুদ্রের অন্তস্তরে কি কি বস্তু আছে, কি কি জীব আছে,

(২) But we are driven to the conclusion that the potentiality of feelings lies in latent in inorganic nature, and its rise is simply due to a peculiar interaction of its molecules such as actually takes place in the living substance of all animal creatures, from the amæboids upwards to the highest organisms of the Zoological Kingdom. p. 14 Whence and whither.

তাহাদের স্বভাবই বা কিরূপ, তাহাদের আকার প্রকার ভাবভঙ্গী প্রভৃতি পরিজ্ঞানের জন্য মানুষ অনুসন্ধিৎসু হয়। ভূধরে ভূতরে, সুদূর অতীতে কোন্ পদার্থ কিরূপ ভাবে অবস্থান করিত, কিরূপেই বা কোন্ কোন্ পদার্থের সংযোগে এই সকল পদার্থ বিরচিত হইল তৎসম্বন্ধে অভিজ্ঞতা লাভের জন্য মানুষের বুদ্ধি ব্যাকুল হয়, কোন্ অরণ্যে কোন্ কোন্ প্রকার উদ্ভিদ জন্মে, তাহাদের শাখা-প্রশাখা ফুল-ফল কি প্রকার এবং তৎসকল দ্বারা মানুষের কি কি কার্য সাধিত হইতে পারে, মানুষ তৎসকল জানিবার জন্যও বলবর্তী বাসনা প্রকাশ করে।

সহস্র সহস্র বৎসর পূর্বে ভূপৃষ্ঠের অধিবাসিগণ কিরূপ ছিল, পশু পক্ষী কীট পতঙ্গই বা কত জাতীর ছিল, তরুলতা ফুলফলই বা কি প্রকার ছিল এবং জীবগণ কি প্রকারেই বা সেই সকল পদার্থ ব্যবহার করিত, মানুষের অগম্য চিরনীহারাত্ম পৃথিবীর উত্তর নেরুর অবস্থা কি ? তাহা জানিবার জন্যও মানুষ লক্ষ লক্ষ মুদ্রা ব্যয় করে। এই প্রকার অসংখ্য ব্যাপারে মানুষের বুদ্ধি, অনুসন্ধিৎসা, জিজ্ঞাসা ও প্রশ্ন পরিপ্রশ্নের নিত্য নিয়োজন পরিলক্ষিত হয়। কিন্তু আশ্চর্যের বিষয় এই যে মানুষ নিজের তত্ত্ব নিয়ে জিজ্ঞাসু হয় না এবং কোথা হইতে মানুষের উৎপত্তি হইল, জীবের প্রকৃতি কি, জীব কোথা হইতে আসিল, মৃত্যুর পর কোথায় যাইবে, জীবের কর্তব্যই বা কি, জীবের দুঃখেরই বা হেতু কি এ সকল প্রশ্নোত্তরীয় প্রশ্ন অতি অল্প লোকেই উত্থাপন করিয়া থাকে। আমি তোমার প্রশ্নে নিরতিশয় সুখী হইলাম এবং যথাসম্ভব ইহার উত্তর দানেও প্রবৃত্ত হইলাম। তুমি শ্রবণ কর :—

“জীবের স্বরূপ হয় কৃষ্ণের নিত্য দাস।

কৃষ্ণের উটস্থা শক্তি শুদাতেন প্রকাশ ॥

সূর্যাংশ কিরণ যৈছে অগ্নি জালাচয়।

স্বাভাবিক কৃষ্ণের তিন শক্তি হয় ॥”

দ্বিতীয় অধ্যায়

জীব-তত্ত্ব

আমি এখন বিশদরূপে তোমার নিকট এই সকল তত্ত্ব ব্যাখ্যা করিয়া বলিহেছি । পদ্মপুরাণে উক্তর খণ্ডে প্রণব ব্যাখ্যানে আর্ষাত্মনি বলেন :—

জ্ঞানাত্মনো জ্ঞানগুণশ্চেতনং প্রকৃতেঃ পরঃ ।

ন আতো নির্বিকারশ্চ একরূপঃ স্বরূপতাক্ ॥

অগ্নিত্যে ব্যাপ্তিশীলশ্চিদানন্দাত্মকস্তথা ।

অহমর্থোহব্যয়ঃ কেন্দ্রী ভিন্নরূপঃ সনাতনঃ ॥

অদাহোহিচ্ছেন্ত অক্রেন্ত অশোষাকর এব চ ।

এবমানি গুণৈর্যুক্তঃ শেষভূতঃ পরস্ত বৈ ॥

সকারেণোচ্যতে জীবঃ কেন্দ্রজঃ পরবান্ সদা ।

দাসভূতো হরেরেব নান্নশ্চৈব কদাচন ॥

আত্মা ন দেবো ন নরো ন তিথ্যাক্ স্থাবরো ন চ ।

ন দেহো নেত্রিয়ঃ নৈব মনঃ প্রাণো ন চাপি ধীঃ ॥

ন অড়ে। ন বিকারী চ জ্ঞানমাত্রাত্মকো ন চ ।

স্বস্মৈ স্বয়ং প্রকাশঃ স্তাদেকরূপঃ স্বরূপতাক্ ॥

অহমর্থঃ প্রতিকেন্দ্রঃ ভিন্নোহগুর্নিত্যনির্মলঃ ।

তথা ধাতৃকর্তৃকৃতোকৃত্ব নিজ ধর্মকঃ ॥

পরমাশ্চৈকশেষস্বভাবঃ সর্বদা স্বতঃ ॥

এই শ্লোকগুলিতে জীবতত্ত্ব বর্ণিত হইয়াছে । জীব সেহ নর, ইন্দ্রিয় নর, মনপ্রাণ প্রকৃতিও নর,—জীব জ্ঞানের আশ্রয় । কিন্তু তাই বলিয়া

এই জ্ঞান বৈশেষিক প্রভৃতির সিদ্ধান্তিত আশ্রয় আগন্তুক ধর্ম নহে। গন্ধের সহিত ফুলের ঘেরুপ সঘন, তাপও প্রকাশিকা শক্তির সহিত অগ্নির যে সঘন, জ্ঞানের সহিত জীবাশ্রয় সেইরূপ সঘন। জ্ঞান ইহার সেইরূপ গুণ। দেহেন্দ্রিয় প্রাণ-মন-বুদ্ধি প্রভৃতি অচেতন পদার্থ। নিরীশ্বর সাংখ্য-দর্শনকার ইহাদিগকে অচেতন বলিয়াছেন। শ্রীভগবান্ ইহাদিগকে অপর্যাপ্ত প্রকৃতি বলিয়া অভিহিত করিয়াছেন, কিন্তু জীব,—চেতন। সুতরাং স্থূল সূক্ষ্ম, নিখিল অচেতন পদার্থ হইতে জীবের লক্ষণ অতি তির। কাষ্ঠস্থিত অগ্নি যেমন কাষ্ঠ হইতে ভিন্ন, দেহীও সেইরূপ দেহ হইতে ভিন্ন, ইন্দ্রিয় মন ও বুদ্ধি হইতেও ভিন্ন। জীব সমস্ত পদার্থের দ্রষ্টা ও প্রকাশক, নিজেই নিজের দ্রষ্টা ও প্রকাশক। জীবাশ্রয় জড়পদার্থ নহে, জড় পদার্থ হইতে উৎপন্ন ও নহে। চার্বাকাদি নাস্তিকগণের বিশ্বাস দেহ হইতেই চেতনার উৎপত্তি হয়, কিন্তু তাহা অসম্ভব। জড়ে কখনও চেতনার কোনও ধর্ম নাই। জড়ীয় শক্তিতে ও চেতনা শক্তিতে বহু পার্থক্য আছে। জড় পদার্থের যোগে যদি চেতনার উৎপত্তি সম্ভবপর হয়, তবে বালুকা হইতেও তৈলের উৎপত্তি সম্ভাবিত হইতে পারে, কিন্তু তাহা অসিদ্ধ। দৈহিক অণুপরমাণুর সংযোগে দেহের উৎপত্তি হয়, সেই দেহ মৃত্যুবস্থায় বিনষ্ট হয় কিন্তু জীবের বিনাশ নাই। মৃত্যুর পরে জীব কর্মকালে দেহান্তর প্রাপ্ত হয় অথবা ভক্তির প্রভাবে ভগবৎ-পার্বদ দেহ ধারণ করিয়া ভগবদ্ধামে নিত্যানন্দে বাস করেন। পার্থিব দেহ পৃথিবীতে পঞ্চদ প্রাপ্ত হয়। জীব চন্দ্রলোক হইতে পৃথিবীতে আগমন করেন, এইরূপ প্রতিও দৃষ্ট হয়। কেহ কেহ বলেন, সূর্যালোকই শুদ্ধ জীবাশ্রয় অধিষ্ঠান ক্ষেত্র। সূর্যকিরণ অবলম্বন করিয়া খাচ শস্তাদিতে জীব সকল অধিষ্ঠিত হইয়া কর্মকালে ভিন্ন ভিন্ন দেহে এই অগতে ঠিক ঠিক স্থানে থাকে। কোবীতকী উপনিষদ্ বলেনঃ—যে কেহ এ লোক হইতে প্রাণ করে, সে দেহ পরিত্যাগ করিয়া লোকান্তর গামী হয়; সে চন্দ্রলোকে গমন করে।

কর্ম করিবার অন্ত আবার চন্দ্রলোক হইতে উহার পুনর্বার এই লোকে আগমন করে। (৩)

যাহারা বলেন সূর্যালোক শুদ্ধ জীবের আধারক্ষেত্র, তাহাদের উক্তিও বেদসম্মত। আমাদের ব্রহ্মগায়ত্রী তাহাদের এই উক্তির গোষক। জীব জ্ঞানস্বরূপ, সূর্য্যদেব হইতে আমরা জ্ঞান প্রাপ্ত হই। চিৎকণ জীব সূর্য্যমণ্ডল হইতে সমাগত হয়। মেঘের বারিকণার স্তম্ভ জীব সহ সূর্য্যের কিরণ কণা অধিষ্ঠিত হইয়া ঋতুশস্ত্রে প্রবেশ করে। ঋতু-শস্ত্র বীর্ষ্যরূপে পরিণত হইয়া অগতে জীবসৃষ্টি করে। এ সম্বন্ধে অতঃপরে সবিস্তাররূপে বলিব।

শুদ্ধ জীব নির্বিকার, দেহ বিকারময়। শাস্ত্র বলেন :—

বিসর্গাত্মাঃ শ্মশানাস্তা ভাবা দেহস্ত নাশ্বনঃ ।

কলানামিব চন্দ্রস্ত কালেনাব্যক্তবর্জনা ।

(৩) যে বৈ কে চান্মালোকাত্‌প্রায়স্তি চন্দ্রমসমেব তে সর্কে গচ্ছন্তি ।

(কৌষীতকী ১১২)

২

Mr. Richard 'A' Bush নামক একজন ইংরাজ গ্রন্থকার একখানি গ্রন্থ লিখিয়াছেন, "whence have I come?" অর্থাৎ "আমি কোথা হইতে আসিয়াছি?" জীবাশ্মার মূলতত্ত্ব সম্বন্ধে এই গ্রন্থে সংক্ষেপতঃ অনেক আলোচনা আছে। ইহার একস্থানে লিখিত হইয়াছে,—Some think that the face of man was originally produced on some other planet or the moon.

Hindus and Buddhists, comprising nearly half the population of the world, believe, roughly speaking, that man is but a living vessel that contains, or is an expression of a particle of, the divine universal Spirit, that the re-incarnation or re-expression is repeated until (he or it) is absorbed into the universal Spirit whence it originally emanated. In fact, that the whole universe is a transitory, ever-changing manifestation of Spirit. P.P. 14.

চক্ষের কলার যেমন হ্রাস বৃদ্ধি হয় কিন্তু চক্ষের হয়না, সেইরূপ দেহের হ্রাসবৃদ্ধি হয় কিন্তু দেহীর হ্রাসবৃদ্ধি হয় না, দেহী নিবিচার। দেহীর ক্রম বরণ বৃদ্ধি কর প্রকৃতি দোষ নাই। জিবাত্মা, অণু মিত্য ব্যাপ্তিশীল চিনানন্দাত্মক, অহমর্ষ বৃত্ত, অব্যয়, ক্ষেত্রী, ভিন্নরূপ, সনাতন, অদ্বৈত, অচ্ছিন্ন, অক্লেশ, অশোষা, অক্ষর ইত্যাদি গুণযুক্ত। ইনি পরমাত্মার শেষভূত। এই জীব শ্রীহরিরই দাস, অন্নকাহারও নহে।

জীব—দেব নহে, নর নহে, তিথ্যক বা স্বাবরও নহে, দেহ-ইন্দ্রিয়-মন প্রাণ ইহার কিছুই নহে। এই জীব জাতা, কর্তা ও ভোক্তা, কর্মীস্বারে ইহার গতাগতি হইয়া থাকে। ইনি পরমাত্মারই তটস্থ শক্তি, ভিন্ন ভিন্ন ক্ষেত্রে ভিন্ন ভিন্ন ক্ষেত্ররূপে অবস্থিত। অবশেষে ইহাও বক্তব্য যে, এই জীব পরমাত্মক শেষত্ব স্বভাব। পরমাত্মা হইতে জীব অন্ন, পরমাত্মারই স্বভাববিশিষ্ট। সূর্যের সহিত তাঁহার কিরণকণার যে সম্বন্ধ, পরমাত্মার সহিত জীবের সেইরূপ সম্বন্ধ। শক্তিমান্ পরমাত্মার জীব তটস্থশক্তি। বিশেষ কথা ইহাই মনে রাখিতে হইবে যে, জীব—শ্রীহরির দাস। স্বন্দ-পুরাণে প্রত্যাস ধণ্ডে জীব-নিরূপণে লিখিত আছে :—

ন তন্তুরূপং বর্ণো বা প্রমাণং দৃশ্যতে কচিৎ ।

ন শক্যঃ কথিতুং বাপি সূক্ষ্মচানন্তবিগ্রহঃ ॥

বালাগ্র শতভাগস্য শতখা কল্পিতস্য চ ।

তস্মাৎ সূক্ষ্মতরো দেবঃ সা চানন্ত্যায় কল্প্যতে ॥

আদিত্যবর্ণং সূক্ষ্মাতমক্বিকর্মিব পুঙ্করে ।

নক্ষত্রমিব পশ্যন্তি যোগিনো জ্ঞানচক্ষুষা ॥”

জীবতত্ত্ব সম্বন্ধে আখ্যায়িকের বেদবেদান্তে, দর্শনশাস্ত্র সমূহে ও পুরাণ সমূহে প্রচুর পরিমাণে আলোচনা রহিয়াছে। এই গ্রন্থের কৃষিকার এবং এবং শ্রীগানরূপ-শিক্ষার ইত্যুর্বে এই বিষয়ে অনেক প্রকার আলোচনা করা হইয়াছে। সেই সকল আলোচনার সংক্ষিপ্ত বৈকল্য-সিদ্ধান্ত-সার এই

যে, জীব পরমাণুরই উচ্চশক্তি । জীব নিত্য জন্মাদিরহিত অণুপরিমিত, জ্ঞানাত্মক, সূত্রাং চেতন, জাতা কর্তাও ভোক্তা । জীব এক নহে,—বহু । এই অনন্ত বিশাল ব্রহ্মাণ্ডের যেরূপে দৃষ্টিপাত করিবে, সর্বত্রই জীব ও তাহার লীলাখেলা দেখিতে পাইবে । ঐ যে শ্রামল সুন্দর নগ্ননানক জনক দুর্ধ্বা দেখিতে পাইতেছ, উহার একটামাত্র পত্র হইত শত শত জীব বর্তমান । তুমি রিক্তনয়নে উহাতে ক্ষুদ্র ক্ষুদ্র জীবের অস্তিত্ব দেখিতে পাইবে না বটে, কিন্তু অণুবীক্ষণের সাহায্যে দেখিতে পাইবে একটা ক্ষুদ্রতম উদ্ভিদের একটা ক্ষুদ্র পত্রও শত শত জীবাণু খেলিয়া বেড়াইতেছে । উহাদের জন্ম আছে, ক্রমা-ভ্রুষ্ণ আছে, বিকাশ বিবর্ধন আছে, বংশবৃদ্ধি আছে এবং মৃত্যুও আছে ।

জীবের প্রসার,—সেতো অনন্ত অসীম,
দৃশ্যাদৃশ্য স্থল স্থল প্রতি দ্রব্য মাঝে
বিরাজে অনন্ত জীব,—খেলিয়া বেড়ায় ।
ভ্রাসবৃদ্ধি জন্ম মৃত্যু ক্রমা ভ্রুষ্ণ আদি
উহাদেরও আছে সব আমাদেরি মত
ন্যানাধিক পরিমাণে জীব-অনুপাতে ।
মূর্ছতে জনমি কেহ, মূর্ছতেই মরে
রেখে যায় বংশ তবু ধরার মাঝারে ;
একটা জীবাণু হ'তে মূর্ছতেক মাঝে
সহস্র জীবাণু সৃষ্টি,—অদ্ভুত ব্যাপার !
রিক্তনেত্রে নহে দৃশ্য কিন্তু সত্য অতি
অণুবীক্ষণের যোগে হেরে মহামতি ;
যোগিজন আরও দেখে যোগের নয়নে,
বিচিত্র ব্যাপার বিশ্বে দেখে অল্পকণে ।

একটি ক্ষুদ্র অক্ষরের একটি ক্ষুদ্র পাতার জীবের প্রসার প্রত্যাব ও প্রতিপত্তি যদি এইরূপ হয়, তবে সমগ্র জগতের উদ্ভিদ রাশ্যে যে অনন্ত কোটি ভিন্ন ভিন্ন জীব বর্তমান তাহা অতি সহজেই বুঝা যায়। সূক্ষ্মদর্শী ঋষিগণ জীবের অনন্তত্ব সম্বন্ধে যাহা বলিয়াছেন সর্বত্রই উহার যথার্থতার প্রমাণ পাওয়া যায়। জলে স্থলে, ভূধরে ভূস্তরে সর্বত্রই জীবলীলা! বড় বড় সমুদ্রে তিমি তিমিঙ্গল প্রভৃতি বৃহত্তমাকারের জীব হইতে আরম্ভ করিয়া অতি ক্ষুদ্র ক্ষুদ্র জলজীবের নাম উল্লেখ করা যাইতে পারে। সমুদ্র-নদ-নদী-খাল-বিল-হ্রদ-তড়াগ-সরোবর পরীক্ষা করিয়া দেখা যায় যে, একবিন্দু জলের মধ্যেও লক্ষ লক্ষ জীবাণু ভাসিয়া বেড়াইতেছে, কাহারও দেহে অপব দেহের সংঘর্ষ হইতেছে না। জীব এতই সূক্ষ্ম এবং এত অনন্ত। আণুবীক্ষণিক জীবাণু ও উদ্ভিদাণু অধুনা বৈজ্ঞানিকদিগের আলোচ্য বিষয় হইয়া উঠিতেছে। জলও যে অনন্ত জীবের আবাস, ইহাতে তাহাও প্রতিপন্ন হইল।

ঐ যে চা খড়ি দেখিতে পাইতেছ কিম্বা পর্বতস্থ পাষণবৎ দ্রব্য দেখিতে পাইতেছ, তুমি কি বুঝিতে পার উহার কি? বিজ্ঞানবিৎ পণ্ডিত তোমাকে বুঝাইয়া দিবেন যে, উহার অতি প্রাচীন জীব-বিশেষেরই কলেবরের পরিণতি। উহার কোনও সময়ে সমুদ্রের অন্তস্তলে মলাক্ষা নামক জীব ছিল। এখন তাহাদের এই পরিণতি! ভূস্তরের স্তরে স্তরে, ভূধরের স্তরে স্তরে অসংখ্য জীব বিলুপ্ত হইয়া গিয়াছে, এবং এখনও অনন্ত কোটি সংখ্যায় বিরাজ করিতেছে। প্রকৃতি এইরূপে সর্বত্রই জীবশক্তি লইয়া খেলা করিতেছেন।

যে বায়ু আমাদের গলায় পরিবেষ্টন করিয়া রহিয়াছে, যাহাতে আমরা গরুর বংশধর ঈগল পাখীর স্থায় বড় বড় বিহঙ্গরাজদিগকে বিচরণ করিতে দেখিতে পাই, সেই বায়ুরাশির মধ্যে আণুবীক্ষণিক অতি সূক্ষ্ম অনন্ত জীবের অস্তিত্বের পরিচয় পাওয়া যায়।

গবাকের তিতর দিয়া অথবা কোন ক্ষুদ্রতম বৃক্ষের তিতর দিয়া স্তের কিরণ যখন অন্ধকার ঘরে প্রবেশ করে, তখন সেই সূক্ষ্মতম কিরণ কণার মধ্যে অনন্ত কোটি জীবের লীলা-খেলা অনেকেই দেখিয়া থাকিবেন,— একদল আসিতেছে আর একদল যাইতেছে, কোন দল উর্দ্ধদিকে উখিত হইতেছে, কোন দল নিম্নের দিকে নামিয়া পড়িতেছে—বিবিধ সমুদ্রল স্ত্রোতির্ময় বর্ণ-বিন্দুর মধ্যে লক্ষ লক্ষ জীব খেলা করিয়া বেড়াইতেছে। অনন্ত কোটি ব্রহ্মাণ্ডে জীবের অনন্তত্ব সম্বন্ধে ইহাতে কিঞ্চিৎ আভাস পাওয়া যাইতে পারে।

বায়ুরাশিতে কত ধূলিকণা আছে তাহার সংখ্যা কেহ করিতে পারেন কি? ইহার প্রত্যেক ধূলিবিন্দুতে অতি ক্ষুদ্রতম ও সূক্ষ্মতম জীবরাশি (Zoophytes) বর্তমান, আবার এই জীবাণুগুলির অনন্ত ক্ষুদ্র ক্ষুদ্র উদ্ভিদ আছে, উহা Cryptogamia নামে অভিহিত হয়। উহারা জান্তব জীবাণু। আবার জলবৎ তরল কাথ বিশেষে উদ্ভিদাণু আকাশ হইতে নিপতিত হয়। পরাঙ্গপুষ্ট (Parasites) উদ্ভিদ ও জীবের শ্রেণীও জগৎব্যাপিয়া রহিয়াছে, উৎকুন, ছারপোকা প্রভৃতি মানবদেহের পরিপুষ্টী লাভ করে, বৃক্ষগণেরও পরাঙ্গপুষ্ট জীব আছে যেমন লাইকেন্, Lichen ও ক্রীস্টো-গেমিয়া Criptogamia, আবার এই সকল পরাঙ্গপুষ্টেরও সূক্ষ্ম সূক্ষ্ম পরাঙ্গপুষ্ট আছে। অশ্বখ বৃক্ষ হইতে লাইকেন্ নামক পরাঙ্গপুষ্ট জীব তুলিয়া লইয়া অণুবীক্ষণের সাহায্যে উহাকে পরীক্ষা করিলে দেখা যাইবে যে এই ক্ষুদ্র ও সূক্ষ্ম পরাঙ্গপুষ্টের মধ্যে সহস্র সহস্র সূক্ষ্মতম পরাঙ্গপুষ্ট জীব আছে।

এইরূপে দেখা যায় যে, জল, স্থল, আকাশ সকলই সূক্ষ্ম সূক্ষ্ম জীবে পরিপূর্ণ। এতদ্ব্যতীত আরও সূক্ষ্ম স্থান আছে যাহা ইথার (Ether) নামে পরিচিত। যতই উর্দ্ধে উখিত হওয়া যায় ততই বায়ুর বিরলতা এবং তন্দ্রা সেই সকল স্থলে এখানকার জীববাসের অযোগ্যতা অস্বীকৃত হয়। সাত বা আট কিলোমিটার পরিমিত উর্দ্ধস্থানে আমাদের শ্বাস গ্রহণ কার্য অচল

হইয়া পড়ে, এইরূপ উর্দ্ধে উত্থিত হইতে হইতে বায়ুহীন প্রদেশ পরিলক্ষিত হয়। সেখানে বায়ু নাই অথচ বায়ু হইতেও তরল এক প্রকার পদার্থ আছে, উহাই ঈথার (Ether) নামে অভিহিত হয়। উহা বায়ু হইতেও অধিকতর পাতল। অস্তরিক্কে বস্তুর গতাগতি উহাতে কিয়ৎ পরিমাণে বাধা প্রাপ্ত হয় বলিয়া বৈজ্ঞানিক পণ্ডিতগণ উহাকেও বস্তু নামে অভিহিত করিয়াছেন। গ্রহ নক্ষত্রাদি এই ঈথার সাগরে ভাসিয়া বেড়াইতেছে। এই ঈথারেও সূক্ষ্ম জীব বাস করে। আমাদের শাস্ত্রকারগণ গ্রহ-নক্ষত্রাদিতেও যে জীবের বাস আছে তাহা স্পষ্টতঃই পুরাণাদিতে প্রকাশ করিয়াছেন। বায়ু যেমন অক্সিজেন্, নাইট্রোজেন্ ও হাইড্রোজেন্ দ্বারা রচিত, ঈথার সেইরূপ কোন পদার্থের অতীত নহে। ঈথারের গঠনো-পাদান এখনও জানা যায় নাই। মানুষের এবং এই জগতের অন্যান্য জীবের শ্বাস প্রশ্বাসের জন্ত অক্সিজেন্ প্রয়োজনীয়। ভূবায়ুতে যে পরিমাণ অক্সিজেন আছে, উর্দ্ধে উঠিতে গেলে বায়ুর উপাদান বিশেষতঃ অক্সিজেনই অধিক পরিমাণে কমিয়া যায়। সুতরাং পরিমাণের উর্দ্ধে উত্থিত হইলে মর্ত্যজীবের শ্বাসরুদ্ধ হইয়া যায়। কিন্তু ইহা অনুমিত হয় যে চন্দ্রমণ্ডলে অতি সূক্ষ্ম হাইড্রোজেন আছে। চন্দ্রমণ্ডল হইতে যে জীবের এই পৃথিবীতে আগমন হয় এবং পৃথিবী হইতে বিসৃদ্ধ জীব যে চন্দ্রমণ্ডলে গমন করেন কোষীতকী উপনিষদ্ হইতে ইতঃপূর্বে এই প্রস্তাবে তাহাও আমরা উদ্ধৃত করিয়া দিয়াছি।

আমাদের শাস্ত্রকারগণ চন্দ্রমণ্ডলকে সূক্ষ্ম জড়মণ্ডলময় বা রসমণ্ডলময় বলিয়া জানিতেন। ঋগ্বেদ সংহিতায় ইহার প্রমাণ আছে। চন্দ্রের হ্রাস-বৃদ্ধির সহিত আগতিক জীব ও উদ্ভিদের হ্রাসবৃদ্ধির সঙ্গ আছে। পরমাশ্রু সন্দর্ভে লিখিত আছে,—“চন্দ্রশ্চ জলময়মণ্ডলস্বাৎ কলানাং সূর্য্য-প্রতিচ্ছবিরূপভ্যোতিরাশ্বস্বাৎ” ইত্যাদি। ইহা হইতে এই সিদ্ধান্ত করা যাইতে পারে যে, সূর্য গগণমণ্ডলে গ্রহনক্ষত্রগণের অধ্যুষিত অনন্ত নীল

আকাশ হাইড্রোজেন্ গ্যাস বা অলঙ্ঘন বায়ুতে পূৰ্ণ (৪) এবং গ্রহ নক্ষত্র-গণের মধ্যেও জীবের বাস আছে।

অনন্ত বিশাল বিশ্ব ব্রহ্মাণ্ডে সৰ্বত্রই জীব আছে। জীব জগবানেরই শক্তি, সুতরাং সৰ্বত্রই তাহার বাস সম্ভাবিত হইতে পারে। কিন্তু এক জগৎ ধাম তির জীবের দুঃখানুভব সৰ্বত্রই স্বতঃসিদ্ধ। শুকাবস্থা ব্যতীত জীবের দুঃখ অনিবার্য। জীবতত্ত্ব সম্যকরূপে জানিতে হইলে আধুনিক বিজ্ঞানের নিকট বা আধুনিক দার্শনিকের নিকট সে প্রশ্নের সম্যক সূচক সমুত্তর পাওয়া যাইবে না।

“কে জানি আমারে কেন আরে তাপত্রয়।

ইহা না জানিলে জীবের কৈছে হিত হয় ॥”

ত্রীশাদ সনাতনের এই প্রশ্ন অবলম্বন করিয়া বৃহৎ বৃহৎ গ্রহ রচিত হইতে পারে। পাশ্চাত্য প্রদেশে এই সম্বন্ধে অনেক বড় বড় গ্রন্থ লিখিত হইয়াছে। বৈজ্ঞানিকগণ “Origin of life” “The Genesis of the Ego” “Whence and whither” “Life in Nature” প্রভৃতি নামে শতাধিক গ্রন্থ লেখিয়া এসম্বন্ধে পর্যালোচনা করিয়াছেন। ইহাদের মধ্যে

(4) It seems not unlikely that the planetary ether may be composed of hydrogen gas, excessively rarefied. that is to say, of an extremely light gas, still further rarefied and rendered infinitely more subtle by the absence of all pressure. We are induced to conclude that the ether in which the planets revolve is hydrogen, because, from observations made of late years during the solar total eclipses, it has been ascertained that the sun is surrounded by burning hydrogen gas—The Day After Death P.P. 28.

কেহ আন্তিক, কেহ নাস্তিক, কেহ অড়বাদী, কেহ বা স্যাগ্‌নস্টিক (Agnostic অজ্ঞাতবাদী), কেহ বা স্কেপ্টিক (Sceptic সন্দেহবাদী) কেহ বা স্পিরিচুয়ালিষ্ট (Spiritualist), শ্রীপাদ সনাতনের প্রশ্ন অতি গভীর। সমস্ত প্রকার আলোচনার সহিত এই তর্কের আলোচনা এই স্থলে করা যাইতে পারে না। কিন্তু শ্রীমন্মহাপ্রভু ইহার যে সংক্ষিপ্ত সারগর্ভ সুসিদ্ধাস্তময় উত্তর প্রদান করিয়াছিলেন, এস্থলে তাহারই আভাস লিখিত হইবে।

ফলতঃ এই প্রশ্ন দার্শনিকতার নিগূঢ় রহস্যপূর্ণ। ব্রহ্ম, জীব ও জগৎ এই তিন বিষয়ই দর্শনশাস্ত্রের প্রধানতম আলোচ্য বিষয়। আমরা সকলেই জীব। আমাদের প্রকৃত স্বরূপ কি, এখনই বা কি অবস্থার পরিণত হইয়াছি, তাহা জানা একান্ত আবশ্যিক। এ জগতে জীবের ক্লেশ সর্বসম্মত তাই শ্রীসনাতন বলিতেছেন,—“আমি কে এবং ত্রিতাপইবা আমাকে কষ্ট দেয় কেন?”

সংসারক্লিষ্ট, ত্রিতাপদগ্ধ জীবমাত্রের হৃদয়েই এইরূপ প্রশ্নের উদয় হওয়া অতীব স্বাভাবিক। রোগাক্রান্ত হইলে আমরা অসুস্থতা বোধ করি, চিকিৎসকের শরণাপন্ন হই, কিন্তু এই যে নিদারুণ ভাবরোগে আমরা নিরন্তর অশেষ যাতনা ভোগ করিতেছি, এই রোগের প্রশমনের নিমিত্ত আমাদের হৃদয়ে কখনও প্রতীকারের বাসনা সমুদিত হয় কি? ক্লেশের বিরাম নাই, মুহূর্ত্তের তরেও হুশিলা দুর্ভাবনার ভীষণ যাতনার বিশ্রাম নাই, কিন্তু তথাপি ইহার প্রতিকারের নিমিত্ত আমাদের হৃদয়ের কোন প্রযত্ন পরিলক্ষিত হয় না। মায়া মোহের এমনই প্রভাব!

আমরা আমাদের স্বরূপজ্ঞান হারাইয়া বিকৃত হইয়াছি। তাই আমাদের স্বরূপ অবস্থার সাক্ষাৎ ফল সুখ শান্তি ভোগ দূরীকৃত হইয়াছে। আমরা অহর্নিশি ত্রিতাপে জলিয়া পুরিয়া মরিতেছি। শ্রীপাদ সনাতন আমাদের স্মার্য ত্রিতাপসমস্ত জীবের পরিত্রাণের নিমিত্তই এই অশেষ মঙ্গলকর প্রশ্নের

অবতারণা করিয়াছিলেন। কৰুণাময় শ্রীশ্রীমহাপ্রভু শ্রীগাদ সনাতনের প্রব্দের উত্তরে বলেন,—

“জীবের স্বরূপ হর কৃষ্ণের নিত্যদাস।

কৃষ্ণের তটস্থাপক্তি-ভেদাভেদ প্রকাশ ॥”

এই দুই ছত্রের অভ্যন্তরে, দার্শনিক সিদ্ধান্তের রাশিকৃত আলোচনা নিহিত রহিয়াছে আমরা এখানে জানিতে পারিলাম, “জীব কৃষ্ণদাস”— জীবের এই কৃষ্ণদাসত্ব একদিন বা দুইদিনের সম্পর্ক নহে, সম্পর্ক নিত্য ও শাস্ত। কৃষ্ণ কে?—জীবইবা কি প্রকার দাস?—এরূপ প্রশ্ন স্বাভাবিক। বেদবেদান্তের চরম মীমাংসায় জানা যায়, শ্রীকৃষ্ণ অখিলপ্রেমরসানন্দমূর্তি, তিনি নিত্য রসস্বরূপ, নিত্য প্রেমস্বরূপ এবং নিত্য আনন্দস্বরূপ। সূর্য্যের কিরণের ন্যায়, অগ্নির ফুলিঙ্গের ন্যায় জীব এই অখিল প্রেমরসানন্দ মূর্তিরই অংশ। সূর্য্যর বিস্তৃত প্রেমরসানন্দই জীবের প্রকৃত স্বরূপ বা প্রকৃত স্বভাব। আনন্দই ব্রহ্ম এবং পরমানন্দ স্বরূপ শ্রীকৃষ্ণই পরমতত্ত্ব। এই আনন্দ হইতেই জীবগণের উৎপত্তি, এবং আনন্দেই জীবগণের লয় যথা :—

“আনন্দো ব্রহ্মেতি ব্যজনাৎ।

আনন্দাদ্বেব ঋত্বমানি ভূতানি জায়ন্তে ॥

আনন্দেন জাতানি জীবন্তি,

অনন্দং প্রযন্ত্যভিসংবিশন্তীতি ॥”

অর্থাৎ ব্রহ্ম আনন্দস্বরূপ, আনন্দ হইতেই ভূতগণ জাত হর, আনন্দ দ্বারাই তাহারা জীবিত থাকে, উহারা আনন্দেতে গমন করে এবং আনন্দে-তেই প্রবিষ্ট হর।

কলতঃ প্রেমানন্দই জীবের প্রকৃত স্বরূপ। আর্শ্বেন দার্শনিক ফিক্টও যেন এই বৈষ্ণব সিদ্ধান্তের প্রতিধ্বনি করিয়া প্রাচীন উপনিষদ্ মতের অনুসরণ করিয়া বলিতেছেন ;—

“Life is itself Blessedness. It can not be otherwise ; for life is love, and whole form and power Life consist in love and spring from Love.”

অর্থাৎ জীব নিজেই সুখরূপ, তন্নিমিত্ত ইহা অপর কিছু হইতে পারে না, যেহেতু জীব প্রেমরূপ। জীবের সমগ্র আকার ও সমগ্র শক্তি প্রেমময়, এবং প্রেম হইতেই জীবের উৎপত্তি।

এই আনন্দরূপ জীবের এ সংসারে এত নিরানন্দ কেন? এত হাহাকার কেন? ত্রিতাপের অঙ্কুশ তাড়নায় জীবের এত আলা ও সন্মাস কেন? এই তত্ত্ব বুঝাইবার নিমিত্ত শ্রীমন্মহাপ্রভু বলিতেছেন, “জীব কৃষ্ণের তটস্থা শক্তি।” জীব অন্তরঙ্গ ও বহিরঙ্গ শক্তির মধ্যে অবস্থিত। অন্তরঙ্গ ভগবৎশক্তির আকর্ষণ প্রাপ্ত হইলে জীব তদভিমুখ হইয়া থাকে। তখন জীব নিত্যানন্দ নিত্যসুখ ভোগ করে, আবার অপর পক্ষে বহিরঙ্গামায়ার আকর্ষণে জীব মায়ামুগ্ধ হইয়া অশেষ সংসার ক্রেশে ক্লিষ্ট হয়। যাহা হউক অগ্রে শক্তি তত্ত্বের যৎকিঞ্চিৎ আলোচনা এখানে আবার করা যাউক।

অন্তরঙ্গ, বহিরঙ্গ ও তটস্থা ভেদে ত্রীভগবানের তিন শক্তি শাস্ত্রে কীর্তিত হইয়াছে। যথা :—

একদেশ স্থিতশ্চাগ্নেজ্যেয়াংস্মা বিস্তারিণী যথা ।

পরশ্চ ব্রহ্মণঃ শক্তিস্তথৈদমখিলং জগৎ ॥

বিষ্ণুপুরাণ ১ম অংশ ৩২ অঃ ৫০ শ্লোক ।

অর্থাৎ একদেশস্থিত অগ্নির কিরণ যেমন চতুর্দিকে বিস্তীর্ণ হয়, তদ্রূপ এই অখিল জগৎ পরব্রহ্মেরই শক্তি।

শক্তয়ঃ সর্বভাবানামচিদ্য জ্ঞানগোচরাঃ

যতোহতো ব্রহ্মণস্তাস্ত্ৰ সর্গাত্ম্যাত্মাব শক্তয়ঃ ।

ভবন্তি তপতাং শ্রেষ্ঠ পাবকশ্চ যথোক্ততা ॥

বিষ্ণু পুঃ ১ম অংশ, ৩য় অঃ ২য় শ্লোক ।

অর্থাৎ এই জগতে সর্বপ্রকার ভাবেরই শক্তিস্বরূপ, অচিন্ত্যজ্ঞানগোচর ।
ব্রহ্মের জগৎ সৃষ্টির হেতু স্বভাবসিদ্ধ । অন্যের যেমন উক্ততা স্বভাবসিদ্ধ,
ব্রহ্মেরও সেইরূপ শক্তি স্বীকার্য ।

বিশুদ্ধশক্তিঃ পরাপ্রোক্তা ক্ষেত্রজ্ঞাখ্যা তথাপরা ।

অবিদ্যা কর্মসংক্রান্তা তৃতীয়া শক্তিরীক্যতে ॥

বিশুঃ পুঃ ৩৪ অংশ, ৭ম অঃ ৬১ শ্লোক ।

অর্থাৎ কৃষ্ণের স্বভাবিক তিন শক্তি । বিশুদ্ধশক্তি তিন প্রকার,
ক্ষেত্রজ্ঞাখ্যাপরা, অবিদ্যা-অপরা এবং এতদ্ব্যতীত অপরাণী কর্মশক্তি নামে
কথিত ।

ধেয়ং ক্ষেত্রজশক্তিঃ সা বেদিতা নৃপ ! সর্বগা ।

সংসার তাপানখিলানবাগ্নোত্যজ সন্ততা ন ॥

তয়া তিরোহিতদ্বাচ্চ শক্তিঃ ক্ষেত্রজসংক্রিতা ।

সর্বভূতেষু ভূগাণ তারতম্যান বর্ততে ॥

অর্থাৎ সর্বগা ক্ষেত্রজ শক্তি অবিদ্যা কর্তৃক আবৃত হইয়া অখিল সংসার
তাপ প্রাপ্ত হয় । অবিদ্যা কর্তৃক আবরণ নিমিত্ত জীবশক্তি সর্বভূতে
তারতম্যরূপে বর্তমান আছে । বস্তুতঃ জীবগণের অকর্মেতৎস্বরূপতা নিমিত্ত
তারতম্য নাই । গীতার শ্রীকৃষ্ণ বলেন :—

অপরেয়কিতধন্যঃ প্রকৃতিং বিদ্ধিমে পরাং ।

জীবভূতাং মহাবাহো ! ধ্যেয়ং ধার্ম্যতে জগৎ ॥

অর্থাৎ পূর্বোক্ত আট প্রকার প্রকৃতি অপরা তাহা হইতে তির আর
একটা আমার জীবভূত প্রকৃতি (শক্তি) আছে, সেই প্রকৃতি যে এই
জগৎ ধারণ করিয়া রহিয়াছে ।

পূর্বোক্ত বিশুদ্ধশক্তির প্রমাণ বচন শুনি আমরা নান্দীর পুরাণের ৪৭
অধ্যায়েও কিঞ্চিৎ পরিবর্তিত আকারে এক পদ ব্যাঙ্গ্য সহ দেখিতে পাই
উদ্ভা :—

যেরং কেন্দ্রশক্তিঃসা বেষ্টিতা নৃপর্ষজ ।
 অসারভূতে সংসারে প্রোক্তা তত্র মহামতে ॥ ৩৮
 সাসারতাপানখিল নবাপ্নোত্যত্র সন্ততান্ ।
 তন্না তিরাহিতত্বাৎ তু শক্তিঃ কেন্দ্রজ সংজিতা ৩৯
 সর্বভূতেষু ভূপাল তারতম্যেন লক্ষ্যতে ।
 অপ্রাপবৎসু ধন্বনা স্থাবরেষু ততোহধিকা ॥ ৪০
 সরীসৃপেষু তেভ্যোশ্চপ্যাতিশক্ত্যা পতত্রিষু ।
 পতত্রিভ্যো যুগন্তেভ্যঃ স্বশক্ত্যাপশবেহধিকা ॥ ৪১
 পশুভ্যো মহুজাশ্চাতিশক্ত্যাপুংসঃ প্রভাবিতাঃ ।
 তেভ্যোহপি নাগগন্ধর্বা বক্ষাদ্যা দেবতা নৃপ ॥ ৪২
 শত্রু সামন্ত দেবেভ্য স্ততশ্চাতি প্রজাপতিঃ ।
 হিরণ্যগর্ভেহপি ততঃ পুংসঃ শক্ত্যুপলক্ষিতঃ ॥ ৪৩
 এতাশ্চশেষরূপানি তস্ম রূপানি পার্ধিব ।
 যতস্তুচ্ছশক্তি যোগেন যুক্তেন নভসা যথা । ৪৪
 দ্বিতীয়ং বিষ্ণুসংজ্ঞস্ত যোগিধোরং মহামতে ।
 অমূর্তং ব্রহ্মণো রূপং যৎপাদদ্যুচ্যতে বৃধৈঃ ॥ ৪৫
 সমস্তাঃ শক্তয় শ্চেতা নৃপযত্র প্রতিষ্ঠতাঃ ।
 নহি স্বরূপরূপংবৈ রূপমন্তকরেমহৎ ॥ ৪৬
 সমস্তশক্তিরূপানি তৎ করোতি জনেশ্বর ।
 দেবতির্ষাণ্ড মনুষ্যানাং চেষ্টবস্তি স্বলীলয়া ॥ ৪৭
 অগত্যমূপকরায় তস্ম কৰ্মনিমিত্তয়া ।
 চেষ্টা তস্মাপ্রেমেরশ্চ বাপিতৃবিহিতাশ্চিকা ॥ ৪৮
 অরূপং বিখরূপস্ত চিত্তং যোগবৃথা নৃপ ।
 তস্মদ্বাখ্যা বিস্তুদ্যর্থং সর্বকিঞ্চিৎকরণম্ ॥ ৪৯

শ্রীবিষ্ণুপুরাণের এই শ্লোকসহ ভগবৎশক্তি ভবের ব্যাখ্যা তাগরত-

সন্দেহ' এবং সর্বসংবাদিনীতেও আলোচিত হইয়াছে। জীব শ্রীভগবানের তটস্থ শক্তি। জীবশক্তি সম্বন্ধে পরমাশ্রমসন্দেহ'ও আলোচনা করা হইয়াছে।

জীব শ্রীকৃষ্ণের নিত্যদাস এবং শ্রীকৃষ্ণের তটস্থ শক্তি, ইহাই জীবের স্বরূপ। ব্রহ্মসূত্রের ২ অঃ ৩ পাদের ৪৩ সূত্রের ('অপি স্বধ্যতে') ভাষ্যের স্মৃতির একটি প্রমাণ-বচন উদ্ধৃত হইয়াছে তদ্ব্যথা :—

দাসভূতোহরেরেব নানুশ্চেব কদাচন ।

অর্থাৎ জীব হরির দাস, অপরের দাস কখনও নহে ।

শ্রীনারদ পঞ্চরাত্রে জীবকে "তটস্থ" বলা হইয়াছে যথা :—

যৎতটস্থ চিত্তপং স্বস্বেষ্টাদ্বিনির্গতং ।

রঞ্জিতং গুণরাগেণ সজীব ইতি কথ্যতে ॥

অর্থাৎ চিৎ পদার্থ, স্বীয় স্বেচ্ছা, মূল পরমপূর্ণ পদার্থ হইতে বিনির্গত এবং তটস্থ হইয়া থাকেন ; গুণরাগ দ্বারা রঞ্জিত তটস্থ চিত্তপট জীব সংজ্ঞায় অভিহিত ।

নির্বেশেষ ব্রহ্মবাদী বেদান্তিগণ ব্রহ্মের গুণশক্তি প্রতীতি স্বীকার করেন না। বৈষ্ণব বেদান্তিগণ তাঁহাদের উক্ত সিদ্ধান্ত শাস্ত্রযুক্তি প্রমাণবলে খণ্ডিত করিয়াছেন। শক্তিতত্ত্ব সম্বন্ধে সর্বপ্রথমে শ্রীজীব গোস্বামিকৃত ভবৎসন্দেহ' হইতে আলোচনা করা যাইতেছে :—

তত্র বস্তুনস্তস্ম সশক্তিব্রহ্মাহ :—

"বেদ্যং বাস্তবমত্রবস্ত" ইতি । (ভাঃ ১।১২)

অস্তবিশেষণ্যভ্যামেব "শিবদং" "তাপত্রয়োমূলনমিত্তি" শিবং পরমানন্দং তদানঞ্চ স্বরূপশক্ত্যা । তাপত্রয়ং" মায়ী শক্তিকার্য্যম্, তদ্ব্যমূলনঞ্চ তরা (স্বরূপশক্ত্যা) । ইতি শ্রীব্যাসঃ । ১১ ।

অর্থাৎ সেই পরবস্তু যে শক্তিশালী তৎসম্বন্ধে বলা যাইতেছে :— শ্রীমহাগবতের ১।১২ শ্লোকে ইহার প্রমাণ আছে । এই শ্লোকের "শিবদং"

এবং “তাপত্রয়োমূলম্” এই দুইটা বিশেষণ পদ আছে। তাপত্র—মায়া শক্তির কার্য ; স্বরূপ শক্তির প্রভাবেই ত্রিতাপের উন্মূলন হয়। মায়াশক্তি ও স্বরূপশক্তি পরস্পর বিরুদ্ধ ; উহাদের বৃত্তি ও আপন অঙ্গপনগণ পরস্পর বিরুদ্ধ, আরও কথা এই যে উহারা অনেক, কিন্তু তাহা হইলেও এই সকল পরস্পর বিরুদ্ধ বৃত্তি ও গণের নিদান এক যথা :—

বহুতরোবদতাং বাদিনাং বৈ ।

বিবাদসম্বাদভুবো ভবন্তি ।

কুর্কস্তুং চৈবাং মুহুরাশ্রমোহৎ ।

তস্মৈ নমোহনন্তগুণায় ভূয়ে ॥ (ভাঃ ৬।৪২৬)

অর্থাৎ ঈহার শক্তিসমূহ বাদী ও বিবাদিগণের বাদ প্রতিবাদের স্থানস্বরূপ, এবং ঈহার শক্তিসমূহ এই সকল বাদিপ্রতিবাদিগণের আশ্রমোহের সৃষ্টি করিয়া থাকেন, আমি সেই অনন্তগুণশালীর ভূমা পুরুষের প্রণাম করি ।* ব্রহ্মবাদী বৈষ্ণব বেদান্তীদের মতে শ্রীভগবান্ অনন্ত শক্তিময় ও অনন্ত কল্যাণময় । ইহারা সাংখ্য বৈশেষিক প্রভৃতির সিদ্ধান্ত খণ্ডন করিয়া বলেন প্রধানাদির বিশ্বরচনায় যোগ্যতা নাই । জগৎ রচনা ভগবৎশক্তিরই কার্য, এবং ইহাতে কেবল সেই ভগবৎ শক্তিরই যোগ্যতা আছে । এই বিশ্বের সৃষ্টি, নিয়মন, ধারণ, রক্ষণ, পালনাদির অবাধ, অনন্ত গুণ কেবল শ্রীভগবানেরই আছে । শাস্ত্র বলেন তিনি অনন্তকল্যাণগুণাত্মক এই বিশাল বিশ্বব্রহ্মাণ্ড যে জ্ঞানময় সশক্তি পুরুষের সৃষ্টি ইহাই ত্রীপাদ বৈষ্ণব পণ্ডিতগণের অভিमत ।

পূজ্যপাদ সনকস্বর্গকার আরও একটি পদ উদ্ধৃত করিয়াছেন যথা :—

যশ্বিন্ বিরুদ্ধগত্যো হনিশং পতন্তি

বিভাদরো বিবিধশক্তয় আশুপূর্ব্যা ॥

তদ্ব্রহ্ম বিশ্বভব মেকমনন্তমাস্ত

আনন্দমাদিবিচারমহং প্রপদ্যে ॥

অর্থাৎ বিচারি বিবিধ শক্তিসমূহ পরস্পর বিরোধী হইলেও যে একমাত্র ব্রহ্ম হইতে অহনিশ উদ্ভূত হয়, সেই বিশ্ববীজ আত্ম, এক, আনন্দমাত্র, অবিকার ব্রহ্মের শরণাপন্ন হইলাম।”

শ্রীপাদ শ্রীজীব গোস্বামি মহোদয় ভগবৎসন্দর্ভে “আত্মপূর্ব্য” পদের ব্যাখ্যায় লিখিয়াছেন :—“স্বস্ববর্গে উত্তমমধ্যম কনিষ্ঠভাবে বর্তমানঃ” অর্থাৎ শক্তিসমূহ নিজ নিজ বর্গে উত্তমমধ্যম কনিষ্ঠভাবে বিদ্যমান। “পতন্তি” পদের ব্যাখ্যায় লিখিত হইয়াছে, “প্রবর্তন্তে—স্বস্ব ব্যাপারং প্রকুর্বন্তি।” অর্থাৎ ইহারা আত্মপৌর্বিিক ক্রমে স্বস্ব কাৰ্য সম্পন্ন করিয়া থাকে। এই প্রমাণেও ব্রহ্মের সশক্তিত্ব সপ্রমাণ হইয়াছে। অপর প্রমাণ—

সর্গাদি যোহস্মানুন্নন্ধি শক্তিভি

দ্রব্যক্রিয়া কারকচেতনাস্বভিঃ।

তস্মৈ সমুন্নদ্ধবিরুদ্ধশক্তয়ে

নমঃ পরস্মৈ পুরুষায় বেধসে। (ভাঃ ৪।১৭।২৮)

যিনি দ্রব্য (মহাভূতসমূহ), ক্রিয়া (ইন্দ্রিয়সমূহ), কারক (দেবতা), চেতনা (বুদ্ধি), আত্মা (অহঙ্কার), এই সকল শক্তি দ্বারা এই জগতের সৃষ্টিস্থিতি ও প্রলয় সাধন করেন সেই সমুন্নদ্ধ বিরুদ্ধ শক্তিশালী মহান্ পরম পুরুষকে নমস্কার করি।”

এই সকল বচন দ্বারা সপ্রমাণ হইল যে, যিনি পরমতত্ত্ব, তিনি শক্তিসমূহের—বিরুদ্ধ শক্তিসমূহের—সমাশ্রয়। শক্তির অনন্তত্ব পরিলক্ষিত হইলেও শক্তির আধার স্বরূপ শ্রীভগবান্ এক ও অদ্বিতীয়।

এই শক্তিসমূহ যে অচিন্ত্য, পূজ্যপাদ সন্দর্ভকার শ্রীজীব গোস্বামি-তাহাও সপ্রমাণ করিয়াছেন। উপসংহারে বক্তব্য এই যে

“তটস্থা শক্তি হইতেই জীবের উদ্ভব। যিনি যত কথাই বলুন,

সৌকুম্ভৈতন্যদেব ও তৎসহচর ও অতুচ্চরগণ নিখিল শাস্ত্রসিদ্ধ

এই সিদ্ধান্ত স্থির করিয়াছেন যে জীব তটস্থা শক্তিরই কণা

সুতরাং চিৎকণ, অজ, নিত্য। জীব এক নহে, এই জীব জ্ঞাতা কর্তা ও ভোক্তা। শ্রীভগবান্ মায়াবীশ জীব মায়াপরাবশ। তিনি জীবশক্তি ও জগৎশক্তির মুলাধার। (৫)

অতঃপরে শ্রীভগবানের শক্তিতত্ত্ব সম্বন্ধে শ্রীমন্মহাপ্রভু যে উপদেশ প্রদান করিয়াছেন, জীবতত্ত্বের মূলবীজ প্রদর্শনের অন্তর্গত শ্রীপাদ সনাতনের নিকট তিনি সেই শক্তিতত্ত্বের উল্লেখ করেন। এই গ্রন্থের ভূমিকায় শক্তিতত্ত্ব আলোচনায় জীবতত্ত্ব ও মায়াতত্ত্ব বিস্তারিতরূপে আলোচিত হইয়াছে। এখানে পুনর্বার উহার আলোচনা করা দ্বিকৃষ্টি মাত্র। উহার সংক্ষিপ্ত সার মর্ম এই যে, জীব তত্ত্বতঃ ভগবানেরই শক্তি।

কৃষ্ণের স্বাভাবিক তিন শক্তি-পরিণতি।

চিৎশক্তি, জীবশক্তি আর মায়াশক্তি ॥

এস্থলে বিষ্ণুপুরাণ হইতে শ্রীচরিতামৃতে তাহারই প্রমাণ দেওয়া হইয়াছে। নারদীয় পুরাণেও ঠিক এইরূপ ভাবেই শক্তিতত্ত্ব বর্ণিত হইয়াছে। জীব, শ্রীভগবানেরই তটস্থ শক্তি এবং তাঁহারই দাস। ইহাই জীবতত্ত্বের চরম সিদ্ধান্ত।

(5) "God is sufficiently minute, local, and immediate in his providences to impart life and beauty to everything throughout the innumerable ramifications of infinite creation. He possesses within himself the principles of all motion, all life, all sensation, and all intelligence. F is the Infinite germ of the great universal tree of C tion, and according to the absoluteness of self-ex and consequent necessity his celestial essences and tial principles unfold and flow with the minutes into the smallest atoms and organizations :
A. G. Davis.

তৃতীয় অধ্যায়

তাপত্রয়

এখন আলোচ্য এই যে, জীবের স্বরূপ কৃষ্ণের দাসত্বই যখন জীবের নিত্য স্বরূপত্ব, তখন আবার জীবের দুঃখ হয় কেন? শ্রীপাদ সনাতনের প্রশ্ন এই যে;—

‘কে আমি আমারে কেন জারে তাপত্রয়’।

এই প্রশ্নের প্রথমাংশ জীবতত্ত্ব বিষয়ক; তাহার উত্তর যথাসম্ভব সংক্ষেপে প্রদত্ত হইল। তাপত্রয়ই জীবকে দুঃখ দেয় কেন, ইহাটি প্রশ্নের দ্বিতীয়াংশ। এই প্রশ্নের উত্তরে মহাপ্রভুর শ্রীমুখের উক্তি শ্রীচরিতামৃতে লিখিত আছে। তাহার আলোচনার পূর্বে ‘তাপত্রয়’ সম্বন্ধে কিঞ্চিৎ আলোচনা করা প্রয়োজন। আমার মনে হয় ‘তাপত্রয়’ এই পদটির ভাব দর্শনশাস্ত্রসমূহের মধ্যে সাংখ্যদর্শনেই যেন সর্বপ্রথমে ব্যবহৃত হইয়াছে। পুরাণ সমূহের মধ্যে এই পদের বহু প্রয়োগ দৃষ্ট হয়। শ্রীভাগবতের মঙ্গলচরণেই ‘তাপত্রয়োন্মূলনং’ এই পদটি লিখিত আছে। সাংখ্যকারিকায় ঈশ্বর কৃষ্ণ, তাপত্রয় না লিখিয়া ‘দুঃখত্রয়’ লিখিয়াছেন যথা—“দুঃখত্রয়াভিঘাতাৎ জিজ্ঞাসা” ইহার টীকায় সর্বদর্শন-শাস্ত্রবিদ বাচস্পতি মিশ্র লিখিয়াছেন,—“দুঃখানাং ত্রয়ং দুঃখত্রয়ং; তৎখন্ অধ্যাত্মিক মাধিভৌতিক মাধিদৈবিকঞ্চ।” মহর্ষি কপিল ঋষিবৃন্দের নিখিল দুঃখসমূহকে তিন ভাগে বিভক্ত করিয়াছেন:—

আত্মিক দুঃখ দুই প্রকার শারীর ও মানস। বাতপিত্তশ্লেষ্মা—দেহস্থ

ন ধাতুর বৈষম্যে শারীর শ্রেণীর অন্তর্গত, আত্মিক দুঃখ ঘটে;

অম-ক্রোধ-লোভ-মোহ-ভয়-ঈর্ষা-বিষাদ-বিষয় বিশেষ হইতে যে দুঃখ

মানসিক শ্রেণীর অন্তর্গত আত্মিক দুঃখ। বাচস্পতি মিশ্র

সকল দুঃখ আন্তর-উপায়-সাধ্য বলিয়াই ইহাদিগকে আত্মিক

দুঃখ বলা হইয়াছে। ইহাতে মনে হয় দেহস্থ ধাতু-বৈষম্য জনিত যে জ্বরাদি রোগ হয়, তাহাও আন্তর-উপায়-সাধ্য। কাম-ক্রোধাদির জন্ম যে সকল দুঃখ হয়, তৎসমস্ত যে আন্তর-উপায়-সাধ্য এবিষয়ে কোন সন্দেহ নাই। কিন্তু জ্বরাদি রোগ, ঔষধাদি বাহ্য দ্রব্য দ্বারা উপশান্ত হয়, ইহাই তো জনসাধারণের ধারণা এবং তদনুসারে চিকিৎসা করাই আয়ুর্বেদের উপদেশ। সুতরাং রোগাদি আন্তর উপায়-সাধ্য বলিয়া আধ্যাত্মিক দুঃখ নামে অভিহিত হইবে কেন, তাহা বিচার্য। আধ্যাত্মিক পদটির ব্যুৎপাদন প্রণালী এই যে, আত্মাকে অধিকার করিয়া যাহা ঘটে বা সম্ভবপর হয়, তাহাই আধ্যাত্মিক। রোগাদি আত্মাকে অধিকার করে না, দেহকেই অধিকার করে। কাম-ক্রোধাদি জনিত যে মানসিক দুঃখ ঘটে, তৎসকলও আত্মাকে অধিকার করিয়া ঘটে না। মন ও বুদ্ধিকে অধিকার করিয়া ঘটে, এবং মানসিক উপায়েই সে দুঃখ প্রশান্ত হয়। সুতরাং মিশ্র মহাশয়ের এই ব্যাখ্যার তাৎপর্য বুঝা একটুকু কঠিন। আন্তর উপায়ে যে সকল দুঃখ নিরাকৃত হয়, তাহা যদি আধ্যাত্মিক হয়, তবে জ্বরাদি রোগের প্রশমনার্থ ইহলোকে আয়ুর্বেদ-সম্মত ঔষধাদি প্রয়োগের বিধান নিষ্ফল বলিয়া মনে করা অসঙ্গত নহে। প্রত্যুত আন্তর উপায় সাধ্য দুঃখই আধ্যাত্মিক দুঃখ কিনা তাহা বিচার্য।

বাচস্পতি মিশ্র মহাশয়ের মতে বাহ্য উপায় সাধ্য দুঃখ দুই প্রকার, আধিতৌতিক ও আধিদৈবিক। মানুষ পশু পক্ষি সরীসৃপ ও স্থাবর নিমিত্ত দুঃখ সমূহের নাম,—আধিতৌতিক; আবার দক্ষ রাক্ষস বিনায়ক গ্রহাদির আবেশনিবন্ধন দুঃখই আধিদৈবিক। ইহাই সাংখ্যতত্ত্ব-বেদ্যকার বাচস্পতি মিশ্র মহোদয়ের ব্যাখ্যা-তাৎপর্য।

সাংখ্যকারিকার অপর ব্যাখ্যাতা,—গৌড়পাদমুনি। ইহা নাম 'সাংখ্যকারিকা-ভাষ্য'। ইনি লিখিয়াছেন,—“দুঃখ আধ্যাত্মিক, আধিতৌতিক, ও আধিদৈবিক। আধ্যাত্মিক . . . —

যথা শারীরিক ও মানসিক ; বাতপিত্ত ও প্লেগ্মাদির বিপর্যয়জনিত জ্বর
অতিসার রোগাদি শারীরিক ; এবং প্রিয়বিয়োগ ও অপ্রিয়-সংযোগ-জনিত
ক্লেশ মানসিক । আধিভৌতিক চারি প্রকার ;—ভূত সকল হইতে অর্থাৎ
জরায়ুজ, অণুজ, শ্বেদজ ও উদ্ভিজ্জ;—যথা মনুষ্য, পশু, যুগ, পক্ষী, সরীসৃপ,
দংশ, মশক, যুক, মৎস্য, মৎকুণ, মকর, গ্রাহও স্থাবরাদি হইতে
উৎপত্তমান ক্লেশচর । আধিদৈবিক অর্থাৎ দেবতা হইতে উৎপন্ন ;
যথা—শৈত্য, উষ্ণতা, বাত, বর্ষা, ব্রহ্মপতন-জনিত ক্লেশ ।”

সাংখ্যসূত্রে লিখিত হইয়াছে,—“অথ ত্রিবিধ দুঃখাত্যন্তনিবৃত্তিরত্যন্ত
পুরুষার্থঃ” ; ভাষ্যকার বিজ্ঞানভিক্ষু ইহার যে ভাষ্য করিয়াছেন, তাহাতে
ত্রিবিধ দুঃখ সম্বন্ধে তিনি যে ব্যাখ্যা করিয়াছেন, তাহার বঙ্গানুবাদ এই,—
আধ্যাত্মিক, আধিভৌতিক ও আধিদৈবিক, শাস্ত্রে এই ত্রিবিধ দুঃখ নির্দিষ্ট
আছে । যে দুঃখ শরীর ও আত্মাকে অধিকার করিয়া প্রবৃত্ত হয়, তাহার
নাম আধ্যাত্মিক দুঃখ । ঐ আধ্যাত্মিক দুঃখ আবার দ্বিবিধ ; শরীর ও
মানস । রোগাদি উপস্থিত হইলে যে শরীর গত দুঃখ অনুভূত হয়, তাহার
নাম শারীর দুঃখ, আর কামাদি জন্ম দুঃখকে মানস দুঃখ বলা হয় ।
প্রাণীকে আশ্রয় করিয়া যে দুঃখ প্রবৃত্ত হয়, তাহার নামে আধিভৌতিক
দুঃখ ; ব্যাঘ্র চোরাদি দ্বারাই এই দুঃখ উৎপন্ন হয় । অগ্নি, বায়ু প্রভৃতি
দেবতাকে লক্ষ্য করিয়া যে দুঃখ প্রবৃত্ত হয়, তাহাকে আধিদৈবিক দুঃখ বলা
যায় ; দাহশীতাদি এই দুঃখের কারণ । যদিও দুঃখমাত্রই মানসিক হয়,
তথাপি মনোমাত্রজন্ম ও তদন্তজন্মভেদে দুঃখের মানসিকত্ব ও
শারীরত্ব ভেদ হইয়াছে । যেহেতু কতকগুলি দুঃখ শরীরাদিতে উৎপন্ন হইয়া
মনের গ্রাহ হয় ; সুতরাং দুঃখ মনোমাত্র গ্রাহ হইলেও তাহাকে শারীর
মানস বলিয়া নির্দেশ করা যাইতে পারে ।

এই সকল ব্যাখ্যায় কিঞ্চিৎ কিঞ্চিৎ পার্থক্য থাকিলেও অত্যন্ত অধিক
পার্থক্য নাই । দুঃখের বীজ অবিদ্যা বা মায়ী । মায়ী অনন্ত আকারে

জীবদিগকে দুঃখ দিয়া থাকে। কপিলদেব সর্বপ্রকার দুঃখকে তিন শ্রেণীতে বিভক্ত করিয়া এই তিন সংজ্ঞা দিয়াছেন। সংজ্ঞা-নির্দেশ অতি কঠিন ব্যাপার। পাশ্চাত্য দার্শনিক পণ্ডিতগণও দুঃখ সম্বন্ধে বহুল আলোচনা করিয়া গিয়াছেন। তাঁহাদের মধ্যে কেহ কেহ দুঃখের শ্রেণী-বিভাগও করিয়াছেন। এহলে বেঙ্হাম্ (Bentham) কৃত ব্যবস্থা-নীতি-সিদ্ধান্ত (Principles of Legislation) নামক গ্রন্থ হইতে দুঃখের কয়েক প্রকার বিভাগ উল্লেখ করা হইতেছে। তিনি বলেন, অনেক প্রকার ইন্দ্রিয়জ্ঞান প্রতি দণ্ডেই আমাদের অনুভবের বিষয়রূপে গণ্য হয়, কিন্তু যেগুলি স্পষ্টতঃ আমাদের কোন প্রকারে সুখ বা দুঃখ জন্মানা, অথবা সেই প্রত্যক্ষ ফলকে কোন বিচারের অধীন করে না, আমরা সেই সমস্ত ইন্দ্রিয়-জ্ঞানকে প্রায়শই তুচ্ছ করিয়া যাই কিন্তু যাহাতে আমাদের সুখ-দুঃখানুভব হয়, আমরা তাহাদিগকে গণ্যের মধ্যে আনয়ন করিয়া থাকি। কি কি কারণে আমাদের দুঃখ হয়, তাহাট প্রদর্শন করার জন্ত বেঙ্হাম দুঃখসমূহকে দুই ভাগে বিভক্ত করিয়াছেন। সরল কারণত্বক দুঃখ এবং জটিল কারণত্বক দুঃখ। তিনি বলেন; সুখবিশেষের অভাব-অজ্ঞান-নিবন্ধন আমাদের দুঃখ বোধ হইয়া থাকে, যেমন ইন্দ্রিয় সুখের অভাব, পঞ্চেন্দ্রিয়ের দ্বারা আমরা যে সুখলাভ করি, তাহার কোনপ্রকার অভাব হইলেই দুঃখ হইয়া থাকে। ক্ষুধা-তৃষ্ণা জনিত দুঃখ, ও অপ্রীতিকর ইন্দ্রিয়-ভোগ্য পদার্থ সংযোগে বহুল দুঃখ ঘটিয়া থাকে, অত্যন্ত শীত এবং অত্যন্ত উষ্ণতা হইতে যে দুঃখ হয়, উহা অগ্নি-ইন্দ্রিয়ের অপ্রীতিকর ভোগ সংযোগ-জনিত দুঃখ। প্রত্যেক ইন্দ্রিয় সম্বন্ধেই এইরূপ দুঃখবোধ ঘটিয়া থাকে।

১। সুখকর বিষয়ের অভাবজনিত দুঃখ—যেমন :—

(ক) অবিতৃপ্ত বাসনা জন্ত (খ) নৈরাশ্রজনিত দুঃখ (গ) অনুতাপ জনিত দুঃখ। সংক্ষেপতঃ বলিতে হইলে বলা যায় যে, ঐ সকল দুঃখই অভাব বোধ জনিত (Pains of Privation)।

২। ইন্দ্রিয় জ্ঞানোথ দুঃখ—ক্ষুধা, তৃষ্ণা, পঞ্চজ্ঞানেন্দ্রিয়ের অপ্রীতিকর অনুভবজনিত দুঃখ, সর্বপ্রকার রোগ, দেহ 'ও মনের ক্লান্তি (Pains of Sense)।

৩। কার্যাদিতে বিফল উত্তম বা পরিশ্রম-বিফলতাজনিত দুঃখ (Pains of mal-address)।

৪। অসহ্যবহারজনিত দুঃখ—লোকদের অপ্রীতিকর ব্যবহার হইতে এই দুঃখ খটে। (pains of Enmity.)

৫। অখ্যাতিজনিত দুঃখ (pains of reputation)। অসম্মান-জনিত দুঃখ (pains of dishonor)।

৬। অধর্মভাবজনিত দুঃখ, যেমন পাপকার্য্য দ্বারা শ্রীভগবানের অসন্মোহ উৎপাদন করা হইয়াছে বলিয়া দুঃখ (pains of piety)।

৭। দয়াজনিত দুঃখ—জীবের ক্লেশ দেখিলে এই জাতীয় দুঃখের উদয় হয়—(pains of Benevolence)।

৮। পরশ্রীকাতরতাজনিত দুঃখ—যাহাদিগকে আনরা ঘৃণা করি ন্যাহাদের উৎকর্ষ দেখিলে এই জাতীয় দুঃখের উদয় হয়—(pains of malevolence)।

৯। স্মৃতিসজ্জাত দুঃখ (pains of memory)।

১০। মনঃকল্পনাজনিত দুঃখ (pains of Imagination)।

১১। ভয়জনিত দুঃখ (pains of fear)।

হিতবাদী সম্প্রদায়ের (utilitarian) ভূতপূর্ব সুপ্রসিদ্ধ নেতা বেঙ্হাম-প্রকাশিত এই একাদশ প্রকার দুঃখ-বিভাগ কর্তনাকে আরও বাহুল্যে পরিণত করা অপর পক্ষে আরও সন্মোচিত করিয়া এই ত্রিভাগের অন্তর্ভুক্ত করা যায়। দুঃখের শ্রেণী বিভাগ যতই হউক না কেন, কিন্তু দুঃখের বিষয়ে অবিদ্যা বা মায়ী, ভারতীয় শাস্ত্রকারমাত্রেয়ই তাহা স্বীকার্য্য। মায়ীই জীবের দুঃখদায়িনী। মায়ী-তত্ত্ব কৃষিকাতে সবিধেব আলোচিত হইয়াছে।

এখন শ্রীমন্মহাপ্রভু এ সম্বন্ধে শ্রীপাদ সনাতনকে যাহা বলিয়াছেন, তাহাই বলা হইতেছে। প্রভু বলেন :—

কৃষ্ণভুলি সেই জীব অনাদি বহিমুখ ।

অতএব মায়া তাহাে দেয় সংসার দুঃখ ॥

কভু স্বর্গে উঠায়, কভু নরকে ডুবায় ।

দণ্ড্যজনে রাজা যেন নদীতে চুবায় ॥

প্রভুর উপদেশ শ্রীচরিতামৃতে অতি সংক্ষিপ্ত ভাবেই লিখিত হইয়াছে ; প্রভু যাহা শ্রীপাদ সনাতন ও শ্রীপাদ রূপকে বলিয়াছিলেন, শ্রীপাদ শ্রীজীব স্যোষ্ঠপিতৃব্যঘের শ্রীচরণতলে বসিয়া তাঁহাদের শ্রীমুখে শ্রীমন্মহাপ্রভুর উপদেশ শ্রবণ করিয়া স্বীয় গ্রন্থসমূহে সেই সকল উপদেশ সম্বন্ধে সংরক্ষিত করিয়া রাখিয়াছেন। ফলতঃ শ্রীরূপের গ্রন্থসমূহও শ্রীমন্মহাপ্রভুর উপদেশ-রত্নসমূহের মঞ্জুষিকা।

জীবের সংসার দুঃখ কেন হয়, শ্রীমন্মহাপ্রভু তৎসম্বন্ধে পার্শ্বদ ভ্রাতৃ-মুগলকে যে সকল উপদেশ দিয়াছিলেন শ্রীপাদ শ্রীজীব সে সকল উপদেশ-রত্ন পরমাত্মসন্দর্ভে ও ভক্তিসন্দর্ভে লিপিবদ্ধ করিয়া রাখিয়াছেন। পরমাত্ম-সন্দর্ভে লিখিত হইয়াছে :—

অনস্তা এব জীবাত্তটস্থাঃ শক্তয়ঃ । তত্র তাসাং বর্গদ্বয়ম্ । একো-
বর্গোহনাদিত এবঃভগবদ্বমুখঃ । অনৃত্বনাদিতঃ এব ভগবৎ পরাশ্মুখঃ । স্বদীয়
জ্ঞানাভাবাত্তদীয় জ্ঞানা * * * * * অপরন্তু তৎপরাশ্মুখস্বদোষেণ লক-
ছিত্রয়া মায়া পরিভূতঃ সংসারী ।

জীব পরমাত্মার তটস্থশক্তি ও অনস্ত। জীবের দুই বর্গ—এক বর্গ অনাদি কাল হইতেই ভগবদ্বমুখ, আর এক দল অনাদি কাল হইতেই ভগবৎ পরাশ্মুখ। ভগবদজ্ঞানের অভাবে জীব তাহার স্বকীয় তত্ত্ব সম্বন্ধেও অজ্ঞ হইয়া থাকে। মায়া ভগবৎপরাশ্মুখস্বদোষে ছিত্র পাইয়া জীবকে পরাভূত করিয়া সংসারী করে এবং দুঃখভাজন করে।

ভক্তিসন্দর্ভে এই কথাটি আরও বিশদরূপে বর্ণিত হইয়াছে, তদ্যথা :—
পরমাত্মা বৈভব-গণনে চ তৎতটস্থ শক্তিরূপাণাং চিদেকরসানামপি
অনাদিপরতত্ত্বজ্ঞানসংসর্গাভাবময়তদ্বৈমুখ্য-লক্ষচ্ছিদ্রয়া তন্মায়মাবৃত স্বরূপ-
জ্ঞানানাং তয়েব সত্ত্বরজন্তমোময়েজ্জড়ে প্রধানে রচিতাশ্চতাবানাং জীবানাং
সংসায়দুঃখঞ্চ জ্ঞাপিতম্।

ইহার অর্থ এই যে পরমাত্মবৈভব গণনায় জীব পরমাত্মার তটস্থশক্তি
মধ্যে পরিগণিত হইয়াছে। এই জীব পরমাত্মার তটস্থা শক্তি,
বিশেষতঃ চিন্মাত্র—ইহাই জীবে স্বরূপ। এতাদৃশ জীবেরতো সংসার দুঃখ
হইবার কথা নয়। তবে সংসার দুঃখ হয় কেন? তাহার কারণ এই 'যে,
জীবের অনাদি পরতত্ত্বজ্ঞানের সংসর্গাভাবময় ভগবদ্বৈমুখ্য-নিবন্ধন মায়া
ভগবদ্বিমুখতারূপ-চ্ছিদ্র পাইয়া জীবের স্বরূপ জ্ঞানটিকে উহার আবরিকা
বৃত্তি দ্বারা সনাবৃত করে এবং নিক্ষেপিকা বৃত্তি দ্বারা ত্রিগুণাত্মক জড় দেহই
আমিহ বোধ করায়। এই কারণে জীবের সংসার দুঃখ হয়।"

শ্রীচরিতামৃত হইতে উদ্ধৃত পয়ারের ইহাই আকর স্থানীয়। মায়া বা
অবিद्याই সর্বপ্রকার দুঃখের কারণ। ভগবদ্বিমুখতার চ্ছিদ্র পাইয়া মায়া
জীবদিগের দণ্ডবিধান করেন। অবিद्या বা মায়া শ্রীভগবানের পরিচারিকা।
ভগবদ্বিমুখ জীবগণের শাসনের জন্ত মায়া দণ্ডবিধান করেন। মায়া
তাঁহার প্রভুর প্রতি জীবের অবজ্ঞা সহ্য করিতে পারেন না; এই জন্ত
দণ্ডবিধান করেন। পূর্বে অপরাধীদিগের শাসনের জন্ত নানাপ্রকার দণ্ড
দিবার প্রণালী ছিল, তন্মধ্যে একটা প্রণালী এই ছিল যে দণ্ডব্যক্তিকে জ্বনে
মজ্জিত ও উন্মজ্জিত করা হইত, সেই দণ্ডবিধান প্রণালীর ভাবাবলম্বনে মায়া
দণ্ডবিধান এস্থলে নিখিত হইয়াছে, "কভু স্বর্গে উঠায়, কভু নরকে ডুবায়"—
কুহকিনী মায়া জীবদিগকে কখনও সুখের প্রলোভন দিয়া উর্ধ্বে উঠাইতেছে
কখনো বা নৈরাশ্রের বিষময় বিষাদে নিমজ্জিত করিতেছে। সুখাত্মস-
ন্তোগের পর দুঃখ আরও ভীষণতর ও ক্লেশকর হয়। সুতরাং মায়িক

অগতের সুখ, সুখ নয়—দুঃখেরই নামান্তর অথবা দুঃখবন্ধনেরই অন্ততর উপায় মাত্র। উহা মায়ারই ছলনা। জীব অনবরতই বিপদের ভয়ে ভীত ও সন্ত্রস্ত ভাবে জীবন যাপন করে। মায়ী হইতেই এই ভয় জন্মে। শ্রীভাগবতে একাদশ স্কন্ধে ২য় অধ্যায়ে লিখিত হইয়াছে :—

ভয়ং দ্বিতীয়ানভিনিবেশতঃ স্মাদ্
ঈশাদপেতশ্চ বিপর্যায়োহ স্বতিঃ ।
তন্মায়য়াতো বুদ্ধ অভিজ্ঞেভঃ
ভক্ত্যেকয়েশং গুরুদেবতায়্যা ॥

ভগবদ্বিমুখ জনের ভগবদভিনিবেশ বাতিরেকে অপরাপর বিষয়ে চিত্তের অভিনিবেশ হওয়ায় চিত্ত সর্বদাই ভয়ে উদ্ভিন্ন থাকে। এইরূপ হওয়ার কারণ এই যে জীব মায়ার প্রভাবে নিজের নিত্যানন্দ স্বরূপ ভুলিয়া যায়। উহা মায়ার আবরিকা বৃত্তির কার্য। আবার মায়ার বিক্লেপিকা বৃত্তির কার্যে বিপর্যায় বুদ্ধি ঘটে, এক বস্তুতে অপর বস্তুর প্রতীতি হয়, জড়ীয় দেহকে অজ্ঞত চিহ্নয় আত্মা বলিয়া প্রতীতি হয়, দেহের বিকৃতিতেই আমি সুখী, আমি দুঃখী এইরূপ প্রতীতি হইয়া থাকে। রোগের নিদান জানিলেই রোগের চিকিৎসার প্রণালী সহজে বুঝা যায়। এস্থলেও দেখা যাইতেছে ভগবদ্বিমুখতাই যখন আমাদের নিখিল ক্লেশ-ভোগের কারণ, তখন ভগবৎসাম্মুখ্যই ক্লেশের প্রতীকার-উপায়। শ্রীঃ-পাদপদ্ম আশ্রয় করিয়া সাধক গুরুকেই আত্মা ও দেবতা বলিয়া বিশ্বাস করিয়া একান্ত ভক্তি পূর্বক ভগবান্কে ভজনা করিবেন। ভগবদ্বিমুখতাই দুঃখের হেতু। তাঁহার অভিমুখে উন্মুগতাই মায়ী-নিস্তারের উপায় :—

সাধুশাস্ত্র কুপায় যদি কুষণমুখ হয় ।
সেই জীব নিস্তরে, মায়ী তাহারে ছাড়য় ॥

ভগবদগীতাতে স্বয়ং শ্রীভগবানেরও এই উপদেশ যথা :—

নৈবী হেমা গুণময়ী মম মায়া দুৰভয়া ।

মামেব যে প্রপত্তস্তে মায়ামেতাং তরস্তি ভে ॥

শ্রীভগবান্ বলেন—আমি অবিচিহ্ন্যতকৈশ্বর্যাশালী ; আমার মায়াও ত্রেণময়া সূতরাং জীবের বন্ধনে অতি নিপুণা ও অতিদৃঢ়তা । ইহাকে ছিন্ন করা সহজ নহে । যাহারা আমার শরণ গ্রহণ করে, তাহারাই মায়ার বন্ধন হইতে নিস্তার পায় ।

চতুর্থ অধ্যায়

দুঃখনিবৃত্তির উপায়

শ্রীভগবান্ শ্রীপাদ সনাতনকে আরও বলিতেছেন :—

মায়াবন্ধ জীবের নাই কৃষ্ণস্বতি জ্ঞান ।

জীবের কারণে কৃপার কৃষ্ণ কৈল বেদপুরাণ ॥

শাস্ত্র,—গুরু আত্মরূপে আপনা জানান ।

কৃষ্ণ মোর প্রভুত্বাত্মা জীবের হয় জ্ঞান ।

দয়াময় ভগবান্ অজ্ঞজীবের অজ্ঞান বিনাশের জন্য ঋষিগণের হৃদয়ে শাস্ত্রভঙ্গ ফুরিত করিলেন, তাহারা শাস্ত্র প্রকাশ করিলেন । পরম কারুণিক শাস্ত্রোপদেশে জীবের অজ্ঞান তিরোহিত হয় । ভক্তি সন্দর্ভের প্রারম্ভেই লিখিত হইয়াছে :—“ততত্ত্বদর্থং পরমকারুণিকং শাস্ত্র মুপদিশতি ।” শাস্ত্রোপদেশে অবগে মোহ নিবৃত্তি হয় ।

যে সকল নরনারী ভগবৎতত্ত্বার্থবোধে অগ্নাসুরীর সংস্কার প্রাপ্ত অথবা যাহারা এই অন্তর্ভুক্ত মহৎকৃপাতিশয়লক, তাহারা শাস্ত্র-প্রবণমাত্রই ভগবৎ

সাম্মুখ্য ও ভগবদনুভব যুগপৎ প্রাপ্ত হইয়া থাকেন। কিন্তু পাপ দ্বারা যাহাদের হৃদয় মলিন থাকে তাহাদের হৃদয়ে শাস্ত্রোপদেশ বা গুরুবাক্যরূপ উপদেশ সত্ত্ব সত্ত্ব প্রতিফলিত হয় না। সংস্কৃত শাস্ত্র শ্রবণে বহু জন্মের পুণ্যফল স্বরূপ প্রেমাঙ্গি জন্মে। ভক্তি সন্দর্ভে লিখিত আছে :—

খাবৎ পাপৈস্ত্ব মলিনং হৃদয়ং ভাবদেব হি ।

ন শাস্ত্রে সত্যবুদ্ধিঃ স্মাৎ সদ্বুদ্ধিঃ সদৃশুরৌ তথা ॥

অনেক জন্মজনিত পুণ্যরাশি-ফলং মহৎ ।

সংস্কৃত-শাস্ত্র-শ্রবণাদেব প্রেমাঙ্গি জায়তে ॥

প্রেমাঙ্গি অনেক জন্মজনিত পুণ্যরাশির মহৎফল, সংস্কৃত ও শাস্ত্রাদি শ্রবণ দ্বারা এই মহৎফল লাভ হইয়া থাকে।

বেদান্তশাস্ত্রের চারিটা অনুবন্ধ আছে যথা—অধিকারী, সম্বন্ধ, অভিধেয় ও প্রয়োজন। ভক্তিসন্দর্ভেও এই অনুবন্ধ চতুষ্টয়ের উল্লেখ আছে। “বাচ্যবাচকঃ, সম্বন্ধঃ”—শাস্ত্র বাক্যেরই বাচক। শাস্ত্র সমূহের প্রতিপাদ্য বিষয়—উপাস্ত্রতত্ত্ব। যট্ সন্দর্ভের আদ্য চতুষ্টয়ে সম্বন্ধতত্ত্ব বর্ণিত হইয়াছে। ব্রহ্ম, ভগবান্ পরমাত্মা ও শ্রীকৃষ্ণ সম্বন্ধে সন্দর্ভ চতুষ্টয়ে যথাক্রমে আলোচনা আছে। ভগবৎতত্ত্বের চরম বিকাশ,—শ্রীকৃষ্ণে। সেই শ্রীকৃষ্ণ-প্রাপ্তির উপায়ই অভিধেয়তত্ত্ব। ভক্তিই অভিধেয় এবং প্রেম প্রয়োজন-তত্ত্ব। শ্রদ্ধাবান্ ব্যক্তিই অধিকারী।

বেদশাস্ত্র কহে সম্বন্ধ অভিধেয় প্রয়োজন ।

কৃষ্ণ প্রাপ্য সম্বন্ধ, ভক্তি,—প্রাপ্যের সাধন ॥

অভিধেয় নাম ভক্তি ; প্রেম,—প্রয়োজন ।

পুরুষার্থ-শিরোমণি প্রেম মহাধন ॥

ভগবদ্বৈমুখ্যই জীবের দুঃখের কারণ, তৎসাম্মুখ্যই মায়ার প্রভাব হইতে নিস্তারের উপায়। ভগবৎসাম্মুখ্য-লাভের অল্প শাস্ত্রাহুসারে যে সকল কার্য্য করিতে হয় তন্মধ্যে ভক্তি পথের কার্য্যগুলি সর্ব্বাপেক্ষা সুকলপ্রদ

এবং ভগবৎপ্রাপ্তির মুখ্য উপায়,—ভক্তি। ভগবদনুভবই প্রয়োজন। এই প্রয়োজন,—অনুভবই ভগবৎসাক্ষাৎকারস্বরূপ। এই অনুভবই ভগবদনুভবই প্রেম। এই প্রেমোদয়েই দুঃখ-নিবৃত্তি হয়।

যদিও অভিধের ও প্রয়োজন পূর্বত সিদ্ধ উপদেশেই অভিপ্রেত হইয়াছে তথাপি এসম্বন্ধেও উপদেশের আবশ্যক। যেমন তোমার গৃহেই লুকায়িত অর্থ-নিধি আছে এই কথা শুনিয়া দরিদ্র যেমন উহা পাইতে প্রযত্নশীল হয়, এবং তাহা প্রাপ্তও হয় তথাপি তাহার শৈথিল্য নিরসনের জন্য উহার উপদেশের আবশ্যক। ভক্তি সন্দর্ভের এই উক্তি অবলম্বনে শ্রীচরিতামৃতে লিখিত হইয়াছে :—

“এক সর্ষঙ্গ এক দরিদ্রের বাড়ীতে আসিয়া বলিলেন, তোমার বহু ধন আছে, তুমি এত দুঃখী কেন? তোমার পিতা তোমার বাড়ীতে বহুধন স্তম্ভিকার নিম্নে রাখিয়া অন্ত্র প্রাণত্যাগ করিয়াছেন, তোমাকে বলিয়া যান নাই। দৈবজ্ঞের বাক্যে বিশ্বাস করিয়া দরিদ্র ধন খুঁজিতে লাগিল। কিন্তু কোথাও কিছু পাইল না। দৈবজ্ঞ বলিলেন ধন এই স্থানেই আছে, দক্ষিণে খুঁদিলে ধন পাইবে না, কিন্তু ভীমরুল ও বোলা আছে; উহারা তোমায় দংশন করিবে। পশ্চিমে এক বক্ষ আছে, সেদিকে খুঁদিও না; সে বিষ করিবে, ধন হাতে পড়িবে না। উত্তরে এক ভয়ানক কৃষ্ণসর্প আছে। সেখানে খুঁদিলে ধনতো পাবেই না, প্রত্যুত প্রাণের আশঙ্কা ঘটিবে। পূর্ব দিকে অল্প খুঁদিলেই ধর্মের জারী তোমার হাতে পড়িবে।”

ভগবৎ প্রাপ্তির বহুবিধ সাধনা আছে। শাস্ত্রে সকল প্রকার সাধন-প্রণালীর উল্লেখ আছে। কিন্তু সর্বপ্রকার সাধনায় শ্রীভগবৎ প্রাপ্তি ও তাঁহার সৌন্দর্য-মাধুর্যের আনন্দন হয় না। এমন কি, কোন কোন সাধনার পথ এত সঙ্কীর্ণ যে উহাতে নাস্তিকতার পথেই পতিত হইতে হয়। নির্বিশেষ জ্ঞানের সাধন—কৃষ্ণসর্পের মত ভীষণ। উহাতে অবশেষে প্রায়শঃই অন্ধকার দেখিতে হয়। কর্মকাণ্ডের সাধনা বহু ক্লেশকর, ভীমরুল

বোলতার দংশনের ছায় সে সাধনায় কেশ ভিন্ন সুখ নাই । পশ্চিমের
যক্ষ,—যোগের সহিত উপমিত হইয়াছে । যক্ষ কেবল ধন রক্ষাই করে কিন্তু
আস্বাদন করিতে পারে না, অশুকেও দেয় না । এইরূপে কর্মযোগ ও
জ্ঞানের সাধনায় অপবাদ দিয়া ভক্তির সাধনাই শ্রেষ্ঠ বলিয়া উপদিষ্ট
হইয়াছে । ইহাতে অল্প শ্রমেই সিদ্ধিলাভ ঘটে । একটা প্রাচীন পद्यেও
এই ভাবটা পাওয়া যায় যথা :—

স্বর্গার্থী বা ব্যবসিতি রসৌ দীনয়ত্যেব লোকান্
মোকপ্রেক্ষা অনয়তি জনান্ কেবলং দুঃখ-ভাজান্ ।
যোগাদযোগী পরমোবিরসস্তাদৃশৈঃ কিং প্রয়াসৈঃ
সর্বং ত্যক্তা মমতু রসনা কৃষ্কৃষ্ণেতি রৌতু ॥

সুতরাং ভক্তির সাধনাই সর্বশ্রেষ্ঠ । তাই শ্রীমন্মহাপ্রভু শ্রীপাদ সনাতনকে
বলিয়াছেন :—

ঐছে শাস্ত্র কহে, কর্মজ্ঞান যোগ ত্যজি ।
ভক্ত্যে কৃষ্ণ বশ হয়, ভক্ত্যে তারে ভজি ॥
“ন সাধয়তি মাং যোগো ন সাংখ্যং ধর্ম উদ্ধব ।
ন স্বাধ্যায় স্তপ স্ত্যাগো যথাভক্তির্মমোজ্জিতা ॥

শ্রীভাগ ১১।১৪।১২

হে উদ্ধব, প্রবৃদ্ধশীলা ভক্তি আমাকে যেরূপ বশীভূত করে, অষ্টাঙ্গযোগ,
সাংখ্য যোগ, বেদাধ্যয়ন, তপস্শা এবং সন্ন্যাস ও আশ্রম সাধনায় তদ্রূপ
ফলপ্রদ নহে ।

ভক্ত্যাহমেকমা গ্রাহ গ্রাহ শ্রদ্ধয়াত্মা প্রিয়ঃ সতাং ।
ভক্তিঃ পুমাতি মরিষ্ঠান্ খপাকানপি সন্তবাং ॥

শ্রীভাগ ১১।১৪।২০

হে উদ্ধব, শ্রদ্ধাপূর্ব্বিকা কেবলা একমাত্র ভক্তি দ্বারা আমি বশীভূত হই,

যেহেতু আমি সতের আত্মা ও প্রিয় ; আমাতে দৃঢ়ভক্তি চণ্ডালকেও জ্ঞাতিদোষ হইতে পবিত্র করে ।

অতএব ভক্তি কৃষ্ণপ্রাপ্তির উপায়, এই জন্ম ভক্তিই অভিধেয় নামে শাস্ত্রে অভিহিত । এই ভক্তিলাভ হইলে শ্রীকৃষ্ণে প্রেম জন্মে—প্রেম হইলেই দুঃখ দূরীভূত হয় ও সংসার যাতনা সর্বপ্রকারে তিরোহিত হয় । দারিদ্র্য নাশ ও ভবক্ষয়,—প্রেমের ফল নহে । প্রেম-সুখই—মুখ্য প্রয়োজন । সংসার-বাসনা-ক্ষয় প্রেমের আনুষ্ণিক ফল—শ্রীকৃষ্ণ-প্রেমাস্বাদই প্রেমের ফল । শ্রীচরিতামৃতে লিখিত আছে :—

তৈছে ভক্তিকল কৃষ্ণে প্রেম উপজায় ।

প্রেমে কৃষ্ণস্বাদ হৈলে ভবনাশ পায় ॥

দারিদ্র্য-নাশ, ভবক্ষয়—প্রেমের ফল নয় ।

প্রেম সুখভোগ,—মুখ্য প্রয়োজন হয় ॥

বেদাদি-শাস্ত্রে সঙ্কল্প, অভিধেয় ও প্রয়োজন এই যে অনুবন্ধ ত্রয়ের উল্লেখ আছে, সবিশেষ শাস্ত্র বিচারে জানা যায়, নিখিল শাস্ত্রের প্রতিপাত্ত—শ্রীকৃষ্ণ । শ্রীকৃষ্ণতত্ত্ব জ্ঞানেই মারিবন্ধ ছিন্ন হইয়া যায় । পদ্মপুরাণে বৈশাখ মাহাত্মে লিখিত আছে :—

ব্যামোহায় চরাচরশ্চ জগতন্তোতে পুরাণাসমাঃ ।

স্তাং তামেবহি দেবতাং পরমিকাং জল্পন্ত কল্পাবধি ॥

সিদ্ধান্তে পুনরেক ভগবান্ বিষ্ণুঃ সমস্তাগম-

ব্যাপারেষু বিবেচন-ব্যতিকরং নীতেষু

নিষ্ঠায়তে ॥

চরাচর জগতের মোহের জন্ম নানাবিধ পুরাণ ও আগম নানাপ্রকার দেবতার পরমত্বের কথা বলিয়াছেন । সেই সকল শাস্ত্র কল্পাবধি আপন আপন কালনিক মতের জন্মনা করুন কিন্তু সমস্ত পুরাণ আগম প্রভৃতির

রুঢ়ি প্রভৃতি বৃষ্টি সকলের * তাৎপর্যালোচনায় এই সিদ্ধাই নিস্পন্ন হয় যে ভগবান্ বিষ্ণুই একমাত্র সর্কোশ্বর ।

পঞ্চম অধ্যায়

সম্বন্ধ-তত্ত্ব

শব্দবোধের মুখ্যবৃষ্টি বা গোণবৃষ্টি অম্বয় বা ব্যতিরেক বৃষ্টি যেক্রপেই অর্থ করা বাউক, বেনাদি সকল শাস্ত্র সর্কপ্রকারে শ্রীকৃষ্ণের পারতম্যই প্রকটন করেন । অর্থাৎ শ্রীকৃষ্ণই যে পরতম, তাঁহার উপরে যে আর

* শাস্ত্র তাৎপর্যা বৃষ্টিতে হইলে শব্দবোধ সম্বন্ধে বহু বিচার দ্বারা শাস্ত্রার্থ বৃষ্টিতে হয় । শব্দবৃষ্টি সমূহ দ্বারা শব্দবোধ জন্মে । স ধু শব্দ মুখ্য লক্ষণা ও ব্যঞ্জনা ভেদে ত্রিবিধ । রুঢ় যোগিক ও যোগরুঢ় ভেদে ত্রিবিধ । সমাস শক্তি বহুবিধ । যোগিক শব্দ সিদ্ধ ও সাধা ভেদে দ্বিবিধ । অভিধা লক্ষণা ও ব্যঞ্জনা ভেদে শব্দ বৃষ্টি ত্রিবিধ । ইহার মধ্যে লক্ষণা জহৎস্বার্থ, অজহৎস্বার্থ, জহদজহৎ স্বার্থভেদে সাধারণতঃ ত্রিবিধ । লক্ষ্য ও ব্যাঙ্গ্য সংযোগ, বিয়োগ, বিরোধ, সহচারিতা, অশু শব্দ সান্নিধ্য, দেশ সামর্থ্যামোচিনী, লিঙ্গ অর্থ, প্রকরণ, কাল, ব্যক্তি, অনুকরণ শব্দের ব্যঞ্জকত্ব, কাকু বৈশিষ্ট্য, দেশবৈশিষ্ট্য, কাল-বৈশিষ্ট্য, প্রসিদ্ধ-বৈশিষ্ট্য, ধ্বনি-নির্ণয়, স্ববীপরীতার্থ, লক্ষ্যক্রম ব্যঙ্গ, অলঙ্কারছোতক শব্দ, শক্তিভূব্যঙ্গ, বস্তুছোদক ব্যঙ্গ, অর্থ শক্ত্যুদ্ভবধ্বনি, পদগতর্থে শক্ত্যুদ্ভব সতঃসম্বন্ধী, পদাংশাদি রস ব্যঞ্জক, প্রকৃতি, প্রত্যয়, কাল, সম্বন্ধ, বচন, পুরুষ, ব্যত্যয়, তদ্ধিত, উপসর্গ, নিপাত, সর্কনাম, কর্মভূতাধিকরণ, অব্যয়ী ভাব পূর্কনিপাত, ত্রিরূপ সর্কর, গুণীভূত ব্যঙ্গ নির্ণয়, অপরাঙ্ক বাচ্যপোষক, সন্দিক্ধপ্রাধাশু, তুকাপ্রাধাশু, কাকুগম্য, অমনোজ্ঞানর, ইত্যাদি বহুবিধ ভাবে শব্দের অর্থবোধ হইয়া থাকে । কবিকর্ণপুর কৃত সুলকার কোস্তম্ব গ্রন্থের পঞ্চম ক্রিণে লিখিত হইয়াছে,— ১৩৪৮২৪০ তের লক্ষ আটচল্লিশ হাজার দুই শত চল্লিশ প্রকারে শব্দার্থবোধ নিনীত হইয়া থাকে । গ্রন্থকার অবশেষে লিখিয়াছেন, ইহাদিগ্দর্শনমাত্র, কেবল স্বরস্বতীই ইহার গণনা করিতে পারেন, ইহা মানুষের সামর্থ্যাতীত ।

কোনও উপাশ্রু তত্ত্ব নাই ইহাই সকল শাস্ত্রের অভিপ্রায় । শ্রীমদ্ভাগবতের ১১ স্কন্ধে ২১ অধ্যায়ে ৪০।৪১ শ্লোকে শ্রীভগবান্ উদ্বকে বলিতেছেন :—

কিং বিধন্তে কিমাচষ্টে কিমনুত্ব বিকল্পয়েৎ ।

ইত্যশ্চা হৃদয়ং লোকে নাশ্চো মদবেদ কশ্চন ॥

আমা হইতে উৎপন্ন বেদের তাৎপর্য্য আশ্রিত । কর্মকাণ্ডে বিধিবাক্যে কাহার বিধান করা হয়, দেবতাকাণ্ডে মন্ত্রবাক্য দ্বারা কাহাকে প্রকাশ করা হয়, জ্ঞানকাণ্ডে কাহাকে অণুবাদ করিয়া বিকল্পনা করা হয় ; ইহার তাৎপর্য্য আমি ভিন্ন অন্য কেহ জানে না ।

মাং বিধন্তেহভিধন্তে মাং বিকল্প্যাপোহতে ত্বহম্

এতাবান্ সর্ববেদার্থঃ শব্দ আশ্রয় মাং ভিদাম্ ।

মায়ামাত্র মনুষ্ঠান্তে প্রতিষিধ্য প্রসৌদতি ॥

বেদ আমাকেই বক্তারূপে বিধান করে, আমাকেই দেবতারূপে প্রকাশ করে, আমাকেই আকাশাদি বলিয়া তক দ্বারা সেই অভিमत নিরাকৃত করে । শব্দরূপ বেদ মায়ামাত্র জগতের নিষেধ পূর্বক আমার অবতারাদি রূপ ভেদকে অবলম্বন করিয়া প্রসন্ন হয় ; ইহাই সকল বেদের তাৎপর্য্য ।

মহাপ্রভু বলিলেন, সনাতন, শ্রীকৃষ্ণই পরমতত্ত্ব, শ্রীকৃষ্ণই সকল অবলম্বনের বীজ, শ্রীকৃষ্ণের স্বরূপ শক্তির অন্ত নাই, বৈভবেরও পার নাই । সংক্ষেপের জন্য তাঁহার জীবশক্তি মায়াশক্তি চিৎশক্তির কথাই সাধারণতঃ শাস্ত্রে উল্লিখিত হইয়াছে । বৈকুণ্ঠাদি ধাম ও অনন্ত ব্রহ্মাণ্ড তাঁহারই শক্তিকার্য্য । এই স্বরূপ-শক্তি সমূহের অনন্ত কার্য্যাবলীর সমাশ্রয়,—একমাত্র শ্রীকৃষ্ণ ভগবান্ ।

কৃষ্ণের স্বরূপ-বিচার শুন সনাতন ।

অদ্বয় জ্ঞান-তত্ত্ব ব্রজে ব্রজেন্দ্রনন্দন ॥

সর্ব আদি সর্ব অংশী কিশোর শেখর ।

চিদানন্দ দেহ সর্বাশ্রয় সর্বেশ্বর ॥

ঈশ্বরঃ পরমঃ কৃষ্ণঃ সচ্চিদানন্দবিগ্রহঃ ।

অনাদিরাদি গোবিন্দঃ সৰ্ব্বকারণ-কারণম্ ॥

ব্রহ্মসংহিতা ৫ম অধ্যায় ১ম শ্লোকঃ ।

অদ্বয় জ্ঞানতত্ত্ব—ব্যাপারটী কি ? ব্রহ্মতত্ত্ব সম্বন্ধে উপনিষদ্ বলিয়াছেন,—
“ওঁ একমেবাদ্বিতীয়ম্” “সত্যজ্ঞানং আনন্দং ব্রহ্ম” ; এই শ্রুতি অবলম্বনেই
সম্ভবতঃ শ্রীকৃষ্ণকে অদ্বয় জ্ঞানতত্ত্ব বলি হয় ; তিনিই পরম ব্রহ্ম ভগবান্ ।
নির্বিণেশ্য ব্রহ্মবাদীদিগের মতে অদ্বয় শব্দের অর্থ “সম্ভ্রাতীয় বিজাতীয়
স্বগতভেদরহিতত্বম্”—অদ্বিতীয়ত্বম্—জ্ঞানং চিদেকরসম্ ।” শ্রীকৃষ্ণ স্বয়ং
ভগবান্, তাঁহার সম্বন্ধে অদ্বয়ত্বের ব্যাখ্যা এরূপ হইতে পারে না । তিনি
লীলার সময় বিগ্রহ,—সম্ভ্রাতীয় বিজাতীয় ভেদ তাঁহাতে অসম্ভবপর,
তাঁহাতে তাদৃশ অতাদৃশ তত্ত্বাস্তর নাই; স্বীকার্য্য । কিন্তু তিনি যখন সচ্চিদা-
নন্দ লীলার সময় বিগ্রহ, তখন তাঁহার হস্ত পদাদি স্বগতভেদ অবশ্যই স্বীকার্য্য ;
তাহা না হইলে তাহাতে ভজনীয় গুণগণের অভাব হয় । উপাসকের
তৃপ্তিও ‘অসম্ভব, কেবল চিদেকরস বলিলেও চলিবে না—তাঁহার
আকার প্রকার অঙ্গপ্রত্যঙ্গ বর্ণ প্রভৃতি ধ্যেয় বিষয় সবিশেষরূপে নির্দিষ্ট
আছে ।”

শ্রীপাদ শ্রীজীব শ্রীভাগবতের একটা সুপ্রসিদ্ধ শ্লোকের ব্যাখ্যায় অদ্বয়
তত্ত্ব সম্বন্ধে সুব্যাখ্যা করিয়াছেন—সে শ্লোকটা এই :—

বদন্তি তৎতত্ত্ববিদস্তত্ত্বং যজ্ঞজ্ঞানমদ্বয়ং ।

ব্রহ্মেতি পরমাশ্বেতি ভগবানিতি শব্দ্যতে ॥

এখানে অদ্বয় জ্ঞানতত্ত্বের কথা পাওয়া যায় । শ্রীপাদ শ্রীজীব ইহার ব্যাখ্যায়
লিখিয়াছেন :—অদ্বয়ত্বং চাস্ত স্বয়ংসিদ্ধ তাদৃশাতাদৃশতত্ত্বাস্তর-ভাবাৎ
ঋশক্ত্যেক-সহায়ত্বাৎ পরমাশ্রয়ং তং বিনা তাসামাসিদ্ধত্বাচ্চ । অর্থাৎ স্বয়ং
সিদ্ধ তাদৃশ ও অতাদৃশ তত্ত্বের ইহার অপর কোনও সহায় নাই—ইনি
সকল শক্তির পরমাশ্রয় । সুতরাং শ্রীকৃষ্ণতত্ত্বই ‘অদ্বয়তত্ত্ব । ইনি চিদেকরসতত্ত্ব

নহেন তবে জ্ঞান ইহারই ভগবন্তার অন্তর্গত তত্ত্ববিশেষ। কেবল চিদেকরস তত্ত্বের পক্ষে জগৎ সৃষ্ট্যাদি সম্ভবপর হয় না।

শ্রুতি স্পষ্টতঃই বলিয়াছেন, পরব্রহ্মের বহুবিধ শক্তি আছে! “পরাস্ত শক্তি বহুধৈব শ্রয়তে, স্বাভাবিকী জ্ঞানবল ক্রিয়াচ”—সুতরাং ব্রহ্মশক্তি-সমূহ আগম্যক নহে,—স্বাভাবিক। জগৎব্যাপারাদি কার্য ব্রহ্মশক্তির প্রভাবেই সম্পন্ন হইয়া থাকে। ইতঃপূর্বে বহুবার বহুস্থলে একথা বলা হইয়াছে। ব্রহ্মসংহিতায় শ্রীকৃষ্ণতত্ত্ব নির্ণয়-সূচক যে শ্লোকটি আছে তাহা এই :—

ঈশ্বরঃ পরমঃ কৃষ্ণঃ সচ্চিদানন্দ বিগ্রহঃ।

অনাদিরাদির্গোবিন্দঃ সর্ব কারণ-কারণম্ ॥

ইহারই পত্নানুবাদে কবিরাজ গোস্বামী লিখিয়াছেন,—

সর্ব আদি সর্ব অংশী কিশোর শেখর।

চিদানন্দ দেহ, সর্বাশয়, সর্বেশ্বর ॥

স্বয়ং ভগবান্ কৃষ্ণ, গোবিন্দ পরনাম।

সর্বৈশ্বর্যপূর্ণ যাত্রার গোলোক নিত্যধাম ॥

শ্রীপাদ শ্রীম্ভীব গোস্বামী ব্রহ্মসংহিতার যে পাঁচ অধ্যায়ের টীকা করিয়াছেন, সেই পাঁচ অধ্যায়ের প্রথম অধ্যায়ে প্রথমেই এই শ্লোকটি বিস্তৃত হইয়াছে। টীকাকার ইহার বিস্তৃত ব্যাখ্যা করিয়াছেন। তাহাতে তিনি লিখিয়াছেন, কৃষ্ণসন্দর্ভে শ্রীকৃষ্ণতত্ত্ব সম্বন্ধে আমি বিস্তারিত রূপে লিখিয়াছি। এস্থলেও তাহা আলোচনা পূর্বক ব্যাখ্যা করা যাইতেছে, এই বলিয়া তিনি শ্রীকৃষ্ণ নামের প্রাচীনত্ব সম্বন্ধে “কৃষ্ণায় দেবকীনন্দনায়” ইত্যাদি প্রমাণের উল্লেখ করিয়াছেন। শ্রীভাগবতের “এতেচাংশকলাঃ পুংসঃ কৃষ্ণস্ত ভগবান্ স্বয়ং” প্রথমতঃই এই প্রমাণটির উল্লেখ করিয়াছেন। অতঃপরে বিষ্ণুপুরাণীয় “নাম্নাং মুখ্যতরং নাম কৃষ্ণাখ্যং মে পরস্তপ” এই প্রমাণটি উদ্ধৃত করিয়া ব্রহ্মাণ্ড পুরাণান্তর্গত,—

সহস্র নাম্নাং পুণ্যানাং ত্রিরাবৃত্ত্যাতু যৎফলং ।

একাবৃত্ত্যাতু কৃষ্ণশ্চ নামৈকং তৎপ্রযচ্ছতি ॥

এই শ্লোক উদ্ধৃত করিয়াছেন এবং শব্দশক্তির রূঢ়িবৃত্তি-বলে গোবিন্দ নামটীও যে ভগবানের একটা প্রধান নাম, তাহাও সপ্রমাণ করিয়াছেন । অতঃপরে শ্রীভাগবত হইতে গুণকর্মামুসারেই যে তাঁহার কৃষ্ণনাম সুপ্রসিদ্ধ তৎসম্বন্ধেও বিচার করিয়া কৃষ্ণ নামের নিরুক্তি শ্লোক উদ্ধৃত করিয়াছেন, যথা :—

কৃষিভূঁবাচকঃ শব্দোণশ্চ নিবৃত্তিবাচকঃ ।

তয়োরক্যাংপরং ব্রহ্ম কৃষ্ণ ইত্যভিধীয়তে ॥

গৌতমীয় তন্ত্রেও অষ্টাদশাঙ্কর মন্ত্র ব্যাখ্যার এতৎতুল্য একটা শ্লোক আছে :—

কৃষি শব্দশ্চ সত্বার্থোণশ্চানন্দস্বরূপকঃ ।

সুখরূপো ভবেদাত্মা ভাবানন্দময়স্ততঃ ॥

মহাভারতে উদ্যোগ পর্বে লিখিত আছে,—

কৃষি শব্দশ্চ সত্বার্থো গশ্চনিবৃত্তি-বাচকঃ ।

বিষ্ণুসদ্যাব-যোগাচ্চ কৃষ্ণো ভবতি সাত্বতঃ ॥

এই সকল নিরুক্তি, যৌগিকঅর্থদ্বারা শ্রীকৃষ্ণের সচ্চিদানন্দ ব্রহ্মত্ব অর্থই প্রকাশ করে । ব্রহ্মশব্দের অর্থ এই যে, যাহা সর্বাপেক্ষা বৃহত্তম, তাহাই ব্রহ্ম । সর্বসত্ত্বার মূলীভূত এবং সর্বানন্দের মূলীভূত যে এক মাত্র বস্তু, তিনি সর্বাপেক্ষা বৃহত্তম বলিয়া ব্রহ্ম নামে অভিহিত হন । বিষ্ণু পুরাণে লিখিত আছে,—“বৃহত্ত্বাৎ বৃংহণত্বাচ্চ যদ্ব্রহ্ম পরমং বিদুঃ ।” শ্রুতি-তেও লিখিত আছে,—“অথ কস্মাদুচ্যতে ব্রহ্ম বৃংহয়তীতি ।” বৃহদ্ গৌতমীয় তন্ত্র বলেন :—

কৃষিশব্দশ্চ সত্বার্থো গশ্চানন্দস্বরূপকঃ ।

সত্বমানন্দয়োৰ্যোগাৎ তৎপরং ব্রহ্মচোচ্যতে ॥

কৃষ্ণ ধাতুর আকর্ষণার্থেও এই শ্লোকের অর্থ অণু প্রকার করা যাইতে পারে। সে অর্থ এই যে, যিনি সর্বাাকর্ষণশক্তিবিশিষ্ট আনন্দাত্মা, তিনিই কৃষ্ণ। ইনি সর্বাাকর্ষক সুখরূপ। আবার অণু অর্থ এই যে, ভূ ধাতুর অর্থ ভাব, তাহার অর্থ প্রেম। সেই প্রেমময় আনন্দ আছে যাহাতে,—তিনিই শ্রীকৃষ্ণ। তিনি স্বরূপ এবং গুণদ্বারা সর্বািপেক্ষা বৃহত্তম। তিনিই সর্বাাকর্ষক এবং আনন্দ স্বরূপ, এই অণু তাঁহার নাম কৃষ্ণ। ক্রটি ভাবে দেবকীনন্দনই শ্রীকৃষ্ণ শব্দবাচ্য। ইহার সর্বাানন্দকত্ব গুণ, বাসুদেব-উপনিষদে দৃষ্ট হয়, যথা,—“দেবকীনন্দনো নিখিলানন্দময়াৎ”। ইনি যে পরব্রহ্ম, ভাগবতে তাহার বহু প্রমাণ আছে, যথা,—“গূঢ়ং পরং ব্রহ্মমক্ষুয্যালিঙ্গম্” “যন্মিত্রং পরমানন্দং পূর্ণং ব্রহ্ম সনাতনম্”। বিষ্ণুপুরাণেও লিখিত আছে,—

“যত্রাবতীর্ণং কৃষ্ণাখ্যং পরং ব্রহ্ম নরাকৃতিম্”। গীতা বলেন,—“ব্রহ্মণোহি প্রতিষ্ঠাহম্” তাপনৌশ্রুতি বলেন,—“যোহসৌ পরং ব্রহ্ম গোপালঃ” বৃহদ গৌতমীয়ে আরও লিখিত হইয়াছে যে, ইনি আকর্ষক, সুতরাং কৃষ্ণ।

অথবাকর্ষয়েৎ সর্বং জগৎস্থাবরজঙ্গমং ।

কালরূপেণ ভগবাৎ স্তেনায়ং কৃষ্ণ উচ্যতে ॥

ইনিই অনাদি ; কেননা ইহার আদি নাই। ইনিই সর্বাদি এবং সর্ব-
কারণ। গৌতমীয় তন্ত্রে দশাক্ষর মন্ত্র কথনে লিখিত আছে :—

গোপীতি প্রকৃতিং বিদ্যাজ্জনস্তত্র সমূহকঃ ।

অনয়োরাত্ময়োর্ব্যাপ্তা কারণেভেনচেৎসরঃ ॥

সাম্প্রানন্দং পরং জ্যোতি বাল্লভেন চ কথ্যতে ।

অথবা গোপীপ্রকৃতির্জন কৃত্রাংশ নগুণঃ ॥

অনয়োর্বল্লভঃ প্রোক্তঃ স্বামী কৃষ্ণাখ্য ঈশ্বরঃ ।

কার্য্যকারণরোরীশঃ শ্রুতিভিস্তেন গীয়তে ॥

অনেকজন্ম সিদ্ধানাং গোপীনাং পতিরেববা ।

নন্দনন্দন ইত্যুক্ত স্ত্রৈলোক্যানন্দবর্দ্ধন ॥

শ্রীমদ্ভগবত্ বসিলেন, “সনাতন,—এই শ্রীকৃষ্ণই স্বয়ং ভগবান্ ।
শ্রীভাগবতে লিখিত আছে :—

বদন্তি তত্ত্ববিদস্তত্ত্বং যজ্ঞজ্ঞানমধ্বয়ং ।

ব্রহ্মেতি পরমাশ্চেতি ভগবানিতি শব্দ্যতে ॥”

শ্রীচরিতামৃতেও সংক্ষেপতঃ পদ্যানুবাদে ইহার নিম্নলিখিত ব্যাখ্যা
করা হইয়াছে,—

জ্ঞান যোগ ভক্তি—এই তিন সাধনের বশে ।

ব্রহ্ম আত্মা ভগবান্ ত্রিবিধ প্রকাশে ॥

ব্রহ্ম, অঙ্গকাস্তি তাঁর নির্বিশেষ প্রকাশে ।

সূচ্য যেমন চক্ষু চক্ষে জ্যোতিঃস্বর ভাসে ॥

পরমাশ্চা যিহো কৃষ্ণের এক অংশ ।

আত্মার আত্মা হন কৃষ্ণঃ সর্বঃ অবতঃশ ॥

ভক্ত্যে ভগবানের অন্তর্ভবে পূর্ণরূপ ।

একই বিগ্রহ তাঁর অনন্ত স্বরূপ ॥

শ্রীচরিতামৃতে ব্রহ্ম বুঝাইবার জন্য ব্রহ্মসংহিতার একটা পদ্য উদ্ধৃত
হইয়াছে, তাহা এই :—

যস্য প্রভাপ্রভবতো জগদণ্ডকোটি-

কোটিষশেষবসুধাদিবভূত্ভিত্তিভঙ্গং ।

তদ্ব্যক্ত নিষ্কলমনস্ত মশেষ ভূতঃ

গোবিন্দমাদি পুরুষং তমহং ভজামি’

কোটি কোটি ব্রহ্মাণ্ডের অশেষ বসুধাদি বিভূতি দ্বারা যিনি ভেদ
প্রাপ্ত হইয়াছেন সেই নিষ্কল, অনন্ত, অশেষভূত ব্রহ্ম যাহার প্রভা, সেই
আদি পুরুষ গোবিন্দকে আমি ভজনা করি ।

পরমাশ্চার উদাহরণের জন্য শ্রীমদ্ভাগবত হইতে এবং ভগবদ্গীতা হইতে
যে দুইটি প্রমাণ-বচন লিখিত হইয়াছে, তাহা এই :—

কৃষ্ণমেনমবৈহি ত্বমাত্মানমখিলাত্মনাং ।

অগচ্ছিতায় যোহপ্যত্র দেহীভাভাতি মায়য়া ॥

শ্রীভাগবত ১০।১৪।৫৩

হে মহারাজ, তুমি এই শ্রীকৃষ্ণকে অখিল আত্মার আত্মা অর্থাৎ পরম-স্বরূপ বলিয়া অবগত হও । তিনি তথাবিধ হইয়াও অগতের হিতের অন্ত স্বায় যোগমায়া প্রভাবে সাধারণের নিকট সংসারী জীবের ন্যায় প্রকাশ পাইতেছেন ।

অথবা বহনৈতেন কিং জ্ঞাতেন তবার্জুন ।

বিষ্টভাহমিতং কৃৎস্নমেকাংশেন স্থিতোজগৎ ॥

হে অর্জুন, আমার বিভূতি বিষয়ে তোমার এত অধিক আনিবার প্রয়োজন কি ? আমি একমাত্র প্রকৃতিাদির অন্তর্যামী পুরুষাখ্য অংশ অর্থাৎ পরমাত্মরূপে এই চিৎস্রড়াত্মক জগৎ ব্যাপিয়া অবস্থিত আছি ।

কিন্তু ভগবৎ সন্দর্ভে ব্রহ্ম ও ভগবানের যে ব্যাখ্যা করা হইয়াছে তাহা এইরূপ,—এক শ্রেণীর জ্ঞানী সাধক আছেন, তাঁহারা ব্রহ্মলোকের আনন্দ সমূহকে তুচ্ছ করিয়া খুৎকারের ন্যায় পরিত্যাগ পূর্বক ব্রহ্মজ্ঞানবলে সৌহৃৎ ভাব প্রাপ্ত হন । এই শ্রেণীর সাধকের হৃদয়ে,—অশেষ কল্যাণগুণময় ভগবানের বহুল শক্তি-বৈচিত্র্য থাকা সত্ত্বেও—সেই সকল শক্তিবৈচিত্র্য ক্ষুণ্ণিপ্রাপ্ত হয় না । শক্তি ও শক্তিমানের পৃথক্ ভাব তাঁহারা বুঝিতে পারেন না । ইহাদের হৃদয়ে যে কিঞ্চিন্মাত্র চিদেকরনের ক্ষুণ্ণি হয়, তাহাই ব্রহ্ম বলিয়া অভিহিত হইয়া থাকেন । শক্তিবর্গ ও উহাদের ধর্মের কোন ক্ষুণ্ণি তাঁহাদের হৃদয়ে প্রকাশ পায় না । সুতরাং ব্রহ্মশক্তি ও তাঁহার বৈচিত্র্য-সমুখিত ভাবসমূহ তাঁহাদের নিকট অসার ইন্দ্রজালবৎ মিথ্যা বলিয়া অনুভূত হয় । কেবল চিন্মাত্র জ্ঞানকেই ইহারা ব্রহ্ম বলিয়া অভিহিত করেন এবং সেই চিন্মাত্রেরই সহিত অহম্ প্রত্যয়ের ঐক্যসাধনই ইহাদের সাধনার চরম পরাকাষ্ঠা ।

কিন্তু আর এক প্রকার সাধক আছেন, তাহারা মনে করেন পরমতত্ত্ব নিখিল শক্তিসমূহের একমাত্র সমাশ্রয়। এই সকল শক্তির মধ্যে হলাদিনী শক্তিসমূহ ভিন্ন ভিন্ন আকারে মূর্তিমতী হইয়া তাঁহার লীলাসুখ সম্পাদন করেন। ব্রজবালাগণ ইহার দৃষ্টান্ত। স্বয়ং পরমতত্ত্ব ষড়ৈশ্বর্য পরিপূর্ণ। এই পরমতত্ত্বের যাহারা উপাসনা করেন, তাহাদের হৃদয়ে সশ্চিৎ ও হলাদিনী শক্তির সাররূপা পরমশ্রেষ্ঠা ভক্তিবৃত্তির আবির্ভাব হয় এবং উহার ফলে ভগবদনুভবানন্দ-সনোহাস্তভাবিত তাদৃশ ব্রহ্মানন্দময় ভাগবত পরম-হংসগণের অন্তঃকরণে ও বহিরিন্দ্রিয়ে,—শক্তি ও শক্তিমানের বিবিধ অবস্থায় যে পরমতত্ত্বের স্মৃতি হয়, তাহাই ভগবৎ তত্ত্ব নামে অভিহিত।

ইহার ফলিতার্থ এই যে জ্ঞানিগণের দৃষ্টিতে ব্রহ্ম ও ব্রহ্মশক্তির বিশ্লিষ্ট-জ্ঞান হয় না। চিদেকরসময় কেবল ব্রহ্মজ্ঞানী, বিশ্লেষণী-শক্তির প্রক্রিয়া জানেন না, তাঁহারা ব্রহ্মের শক্তি থাকা সত্ত্বেও সেই শক্তির বৈচিত্র্য বুঝিতে পারেন না। অপর পক্ষে ভক্তসাধক ভক্তির বিশ্লেষণী প্রক্রিয়ায় ভগবৎশক্তির অনন্ত বৈচিত্র্য-সমুখ বহুল লীলা-বৈচিত্র্য দেখিতে পান। যেমন সূর্য-কিরণে সাত প্রকার বর্ণ-বৈচিত্র্য থাকা সত্ত্বেও আমরা মূল জ্ঞানে কেবল উহাকে শুভ্র বলিয়াই দেখিয়া থাকি কিন্তু বিশ্লেষণী প্রক্রিয়া-বিশেষে (Spectrum Analysis) সাহায্যে উহাতে রামধেনুবৎ সাতটা বর্ণের অস্তিত্বময় সৌন্দর্য অনুভূত হইয়া থাকে, কেবল ব্রহ্মজ্ঞান ও ভক্তিবিত্তভাবিত ভগবৎতত্ত্ব-জ্ঞান সম্বন্ধেও সেইরূপ বুদ্ধিতে হইবে। আবার অপর পক্ষে যোগিগণ আত্ম-প্রত্যয়ের দ্বারা স্বহৃদয়ে যে সজাতীয় প্রত্যয়ানুগত চিৎস্বরূপের অনুভব করেন, তাহাই পরমাত্মতত্ত্ব। ষট্ সন্দর্ভের প্রথম সন্দর্ভে ব্রহ্মতত্ত্ব, দ্বিতীয়ে—ভগবৎতত্ত্ব, তৃতীয়ে—পরমাত্মতত্ত্ব, চতুর্থে—শ্রীকৃষ্ণতত্ত্ব অতি বিস্তারিতরূপে বর্ণিত ও ব্যাখ্যাত হইয়াছে। যে সকল পাঠক সবিস্তাররূপে এই সকল তত্ত্ব জানিতে ইচ্ছা করেন, তাঁহারা সন্দর্ভ গ্রন্থ পাঠ করিবেন।

অতঃপরে শ্রীমন্নহাপ্রভু শ্রীকৃষ্ণের অনন্ত ঐশ্বর্যের শাস্ত্রীয় প্রমাণ প্রদর্শনার্থ ব্রহ্ম সংহিতার পঞ্চম অধ্যায়ের যে শ্লোকটা শ্রীপাদ সনাতনকে শ্রবণ করাইলেন, এখানে আবার উহা বিস্তৃত আলোচনার্থ উদ্ধৃত হইল :—

যস্য প্রভাপ্রভবতো জগদণ্ডকোটি—

কোটিষশেষবসুধাদি বিভূতিভিন্নম্ ।

তদ্রূপ নিম্নলম্বনস্তমশেষভূতং

গোবিন্দমাদি পুরুষং তমহং ভজামি ॥

এই পংক্তির কিঞ্চিৎ বিস্তৃত ব্যাখ্যার প্রয়োজন ; ইহাতে মহাসিদ্ধান্ত নিহিত রহিয়াছে । শ্রীচরণ চরিতামৃতের বহুস্থানে শ্রীভগবৎশক্তি উল্লেখ আছে । অনন্ত শক্তিশালী স্বয়ং ভগবান্ শ্রীকৃষ্ণের ঐশ্বর্য সম্বন্ধে কিঞ্চিৎ জ্ঞান প্রদান করাই শ্রীমন্নহাপ্রভুর উদ্দেশ্য । শ্রীচরিতামৃতে বহু স্থলে সেই বিষয় প্রকাশ করার জন্য নানাপ্রকার শাস্ত্র যুক্তির আলোচনা করা হইয়াছে । চরিতামৃতের আদিনালায় দ্বিতীয় পরিচ্ছেদে এই পংক্তির প্রথমতঃ উদ্ধৃত হইয়াছে । তৎপরে শ্রীচরিতামৃতে ইহার যে পর্যায়ে ব্যাখ্যা আছে তাহা এই :—

তাঁহার অঙ্গের শুদ্ধ কিরণ মণ্ডল ।

উপনিষৎ কহে তাঁকে ব্রহ্ম সুনির্মল ॥

চক্ষু চক্ষে দেখে যৈছে সূর্য্য নির্বিশেষ ।

জ্ঞান মার্গে লৈতে নারে কৃষ্ণের বিশেষ ॥

কোটি কোটি ব্রহ্মাণ্ডে যে ব্রহ্মের বিভূতি ।

সে ব্রহ্ম, গোবিন্দের প্রভা হয় অঙ্গকাস্তি ॥

সে গোবিন্দ ভক্তি আমি তেহো মোর পতি ।

তাঁহার প্রভাবে মোর হয় সৃষ্টিশক্তি ॥

ব্রহ্ম, স্বয়ং ভগবানের নির্বিশেষ প্রকাশ । নিখিল শক্তিবর্গ এবং উহাদের ধর্মাতিরিক্ত কেবল জ্ঞানই ব্রহ্ম নামে অভিহিত । শ্রীভগবানের

যে আবির্ভাব অন্তর্যামিক্রমে জীবে প্রকাশ পান এবং যিনি মায়াক্রম-
বিশিষ্ট এবং প্রচুর চিহ্নক্যংশবিশিষ্ট জ্ঞানস্বরূপ, তাঁহাকেই পরমাত্মা
বলা হয়। পরিপূর্ণ সর্বশক্তিবিশিষ্ট জ্ঞানই ভগবান্। কোটি কোটি
ব্রহ্মাণ্ডের অশেষ বসুধাদি বিভূতি দ্বারা যিনি অখণ্ড অভিন্ন হইয়াও ভেদবৎ
প্রতীয়মান হন, সেই নিষ্কল অনন্ত অশেষভূত ব্রহ্ম ঈহার প্রভা,—সেই
আদি পুরুষ গোবিন্দকে আমি ভজনা করি।”

এই পদ্যটি হইতে দুইটি কারিকার সৃষ্টি হইয়াছে, তাহা এই :—

নিষ্কলাদি স্বরূপং তদব্রহ্মাণ্ডার্ক্বে কোটিষু
বিভূতিভির্ধরাঢ়াভির্ভিন্নং ভেদমুপাগতম্ ।
সদা প্রভাবয়ুক্তস্য ব্রহ্ম যস্য প্রভা ভবেৎ
তৎ গোবিন্দং ভজাম্যতি পদ্যস্বার্থঃ স্মৃটাকৃতঃ ॥

ব্রহ্ম সংহিতার এই পদ্যের অর্থ শ্রীপাদ শ্রীজীব লিখিয়াছেন, ব্রহ্ম
শ্রীকৃষ্ণেরই আবির্ভাব-বিশেষ। শ্রীগোবিন্দ ধর্মী। ব্রহ্ম উঁহারই ধর্ম-
বিশেষ। সূর্য্যমণ্ডল এবং সূর্য্যকিরণবৎ গোবিন্দ ও ব্রহ্মের সম্বন্ধ।
শ্রীগোবিন্দ সূর্য্যমণ্ডল স্বরূপ, ব্রহ্ম তাঁহারই কিরণকণাসদৃশ। গীতায়
শ্রীভগবান্ বলিয়াছেন, আমিই ব্রহ্মের প্রতিষ্ঠা। শ্রীভাগবতের একাদশ
স্কন্ধে ভগবানের বিভূতি গণনায় পরব্রহ্মও ভাগবত-বিভূতির মধ্যে গণিত
হইয়াছেন। সে শ্লোকটি এই :—

পৃথিবী বায়ুরাকাশ আপোজ্যোতিরহং মহান্ ।
বিকারং পুরুষোব্যক্তং রজঃসত্ত্বংতমঃ পরম্ ॥

টাকাকার শ্রীধর স্বামী এস্থলে পরম্ শব্দের অর্থ করিয়াছেন,—‘পরংব্রহ্ম
আবার অষ্টম স্কন্ধে মৎসুদেব বলিয়াছেন :—

মদীয় মহিমানঞ্চ পরং ব্রহ্মেতি শব্দিতং
বেৎসম্ভুগ্ণহীতং মে তৎপ্রশ্নে বিকৃতং হৃদি ।

আবার ভাগবতের অষ্টত্রয়ো লিখিত আছে :—

যা নিবৃতি স্তম্ভতাং তব পাদপদ্ম-
 ধ্যানাদ্ভবজ্ঞান-কথা-শ্রবণেন বা স্মাৎ
 সা ব্রহ্মণি স্বমহিমশ্চাপি নাথ মাভূৎ ইত্যাদি ।

সুতরাং শ্রীগোবিন্দের রূপ-গুণ-লাবণ্য প্রভৃতি আত্মারামগণেরও
 চিত্তাকর্ষী ; শ্রীভগবতে তাহাও লিখিত হইয়াছে যথা :—

আত্মারামশ্চ মুনয়ো নিগ্রহাহপ্যপ্যুরক্রমে ।
 কুর্ষ্বন্ত্যহৈতুকাং ভক্তিমিখন্তুতগুণোহরিঃ ॥

শ্রীপাদ শ্রীজীব এই পণ্ডের এইরূপ ব্যাখ্যা করিয়া লিখিয়াছেন যে,
 বিশেষ জিজ্ঞাস্ত থাকিলে শ্রীভগবত সন্দর্ভে তাহা দ্রষ্টব্য ।

আসল কথা এই যে, এই পণ্ডে এবং ব্রহ্মসংহিতার অষ্টত্রয়ো পণ্ডেও
 আমরা অনন্ত কোটি বিশ্ব ব্রহ্মাণ্ডের কথা জানিতে পারি ; আদি লীলার
 বিতার পরিচ্ছেদে লিখিত আছে :—

তৃতীয় কারণ শুন শ্রীভগবান্ ।
 অনন্ত ব্রহ্মাণ্ড বহু বৈকুণ্ঠাদি ধাম ॥
 ইথে যত জীব তার ত্রিকালিক কর্ম্ম ।
 তাহা দেখ সাক্ষা তুমি জান সব মর্ম্ম ॥

আবার এই পরিচ্ছেদেরই অষ্টত্রয়ো লিখিত আছে :—

চিচ্ছক্তি স্বরূপ শক্তি অন্তরঙ্গ নাম ।
 তাহার বৈভবানন্ত বৈকুণ্ঠাদি ধাম ॥
 মায়ামক্তি বহিরঙ্গা জগৎ কারণ ।,
 তাহার বৈভবানন্ত ব্রহ্মাণ্ডের গণ ॥
 জীবশক্তি তটস্থান্য নাহি যারঅন্ত ।
 মুখ্য তিন শক্তি তার বিভেদ অনন্ত ॥

এইত স্বরূপগণ, আর তিন শক্তি ।
 সবার আশ্রয় কৃষ্ণ, কৃষ্ণে সবারস্থিতি ॥
 যতপি ব্রহ্মাণ্ডগণের পুংষ আশ্রয় ।
 সেই পুরুষাদি সবার কৃষ্ণ মূলাশ্রয় ॥
 স্বয়ং ভগবান্ কৃষ্ণ, কৃষ্ণ সর্বাশ্রয় ।
 পরম ঈশ্বর কৃষ্ণ সর্ব শাস্ত্রে কয় ॥

এই সকল কথার অন্তরালে এক বিপুল মহাসত্য প্রতিষ্ঠিত রহিয়াছে !
 উর্ধ্বে ও অধোদিকে, দক্ষিণে ও বামে যদিকেই আমরা দৃষ্টি করি না কেন,
 আমাদের অধ্যুষিত এই জগৎটুকুই আমাদের জ্ঞানের নিকট কত বিশাল,
 অসীম ও অনন্ত বলিয়া মনে হয় । ইহাতে কত জীবাণু কিরূপ ভাবে জন্ম
 জড়া-মৃত্যুর চক্রে পড়িয়া আবর্তিত হইতেছে, কত কোটি কোটি অণু
 অনুপ্রাণিত হইতেছে, ইহারা সকলেই চিদ্বিন্দু । আবার আমাদের
 এই ব্রহ্মাণ্ড অপেক্ষাও অনন্তকোটি বিশাল অনন্ত ব্রহ্মাণ্ড রহিয়াছে ।

রাত্রিকালে নীলাকাশের প্রতি চাহিয়া দেখুন ;—অনন্ত নক্ষত্রমালা
 কুসুম কাননের গুঁঠ ফুলের মত রজত শুভ্র কিরণে নিলীম প্ৰগনে ফুটিয়া
 রহিয়াছে,—উহার প্রত্যেকটা আমাদের অধ্যুষিত এই পৃথিবী অপেক্ষা
 অনেক বড় ; উহারা লক্ষ লক্ষ ক্রোশ দূরে রহিয়াছে বলিয়া অত ক্ষুদ্র
 দেখাইতেছে । আমরা রজনী কালে যে চন্দ্র দর্শন করি, ইনি আমাদের এই
 জগৎ হইতে ন্যূনাধিক দুই লক্ষ আটত্রিশ হাজার মাইল দূরে অবস্থান
 করিতেছেন ।

ইনি আমাদের এই পৃথিবীর অতি নিকটবর্তী । ইহার পরিমাণও
 আমাদের এই পৃথিবী অপেক্ষা অনেক ছোট । কিন্তু দূরে দূরে এমন অনেক
 নক্ষত্র আছে, যাহা এই পৃথিবী অপেক্ষা অনেক বড় । যে সূর্য্যটা আমরা
 দেখিতে পাই, এই সূর্য্যটা আমাদের এই পৃথিবী অপেক্ষা চৌদ্দ লক্ষ গুণে
 বড় । ইহা অপেক্ষাও অনেক বেশী গুণে বৃহদাকারের তারকা ঐ গগন-

মণ্ডলের দূর-দূর-দেশে বর্তমান রহিয়াছে। জ্যোতির্বিজ্ঞান প্রভাবে আধুনিক জ্যোতির্বিদগণ ব্রহ্মাণ্ডের অনন্ততার ও বিশালতার বহুল প্রমাণ প্রদর্শন করিয়া শিক্ষিত ব্যক্তিবর্গকে চমৎকৃত করিয়া তুলিতেছেন। এস্থলে অতি সংক্ষেপে এ বিষয়ের যৎকিঞ্চিৎ আলোচনা করা প্রয়োজনীয় বলিয়া মনে হইতেছে।

বৈজ্ঞানিক জ্যোতির্বিদগণ অনন্ত আকাশের চন্দ্র সূর্য গ্রহ (Planets) নক্ষত্রমালা (Asteroids) এবং উপগ্রহ (Satellites of the Planets) ধর্মকেতু প্রভৃতির বিষয় পর্যালোচনা করিয়া দেখিয়াছেন যে এই সমস্ত লইয়া আমরা যে সৌর জগতে (Solar system) বাস করি, উহা নিখিল বিশ্ব ব্রহ্মাণ্ডের এক কণামাত্র। বিপুল সর্ষপ-শস্ত্র-ভাণ্ডারের মধ্যে একটা সর্ষপের ছায়, সমুদ্রতটে অগণ্য অনন্ত কোটি বালুকারাশির মধ্যে একবিন্দু বালুকার ছায়, মহাসমুদ্রের জলরাশির মধ্যে এক ফোটা জলের ছায়,—অতি নগণ্য, অতি ক্ষুদ্র। শাস্ত্রকারগণ ব্রহ্মকে অপার অসীম অনন্ত বলিয়া ঘোষণা করেন কিন্তু আলোচনা করিলে মনে হয়, সেই ব্রহ্ম হইতে উপজাত,—তাঁহার কোটি-কোটি অংশ হইতেও অতি ক্ষুদ্র সমগ্র বিশাল বিশ্ব ব্রহ্মাণ্ডের আকার-প্রকারের সংখ্যা মানুষের জ্ঞানের নিকট একবারেই অপার অসীম ও অনন্ত। এক ইঞ্চি পরিমিত স্থানে প্রতিনিয়ত জাগতিক ব্যাপারের যে কার্য হইতেছে, তাহাই মানবীয় জ্ঞানের অনায়ত্ত। মেঘনিম্মুক্ত নৈশ নীলাকাশের প্রতি দৃষ্টিপাত করিলে নগ্ন নগ্ননে যে নক্ষত্রমালা দৃষ্ট হয়, তাহাি আমরা গণনা করিয়া শেষ করিতে পারি না।

তাঁর দৃষ্টিশক্তিশালী ব্যক্তি নগ্ন নেত্রে যে সকল নক্ষত্র দেখিতে পান, অসীম আকাশের অধিবাসী প্রকৃত নক্ষত্র পুঞ্জের কোটি অংশের এক অংশও তাঁহার দৃষ্টিগোচর হয় না। ভাল একটা দূরবীক্ষণ যন্ত্র (Telescope) সাহায্যে আকাশের কোন একটি স্থানে দৃষ্টিপাত করুন, যেখানে নগ্ননেত্রে

(naked eye) কেবল আকাশের স্বভাবসুলভ নীলীমা ভিন্ন কিছুই দৃষ্টি-গোচর হয় নাই, সেই নিছক শূন্য স্থলেও বহু বহু নক্ষত্রপুঞ্জ দৃষ্টিগোচর হইবে, সমুজ্জল কিরণকণা দৃষ্টিক্ষেত্র জুড়িয়া বসিবে। সুনীল ভেলভেটে হিরকখচিত শোভাবৎ নক্ষত্রশোভা দেখিয়া আপনি বিমোহিত হইবেন। আপনি উহার প্রতি পুঞ্জ পৃথক্ পৃথক্ নক্ষত্র দেখিতে পাইবেন। দূরবীক্ষণ ছাড়িয়া শাদা চক্ষে চাহিয়া দেখুন, সেখানে নীলাকাশের নীলীমা ভিন্ন আর কিছুই নাই।

এই যে দিবাভাগে অদৃষ্ট আকাশের নক্ষত্র মালার কথা বলিতেছি, ইহাদের নানাবিধ বিবরণ বৈজ্ঞানিক জ্যোতির্বিদগণ অন্তসন্ধান পূর্বক আবিষ্কার করিয়াছেন। আমাদের এই জগতের পক্ষে সূর্য্য যেমন আলোক-দাতা, তাপ-প্রদাতা এবং পৃথিবীর গতিনিয়ামক ; তদ্ব্যতীত আরও শত প্রকার কার্যসাধক ;—এক একটা নক্ষত্রেও অপরাপর জগতের সূর্য্যসদৃশ। উহারও গ্রহ উপগ্রহ এবং ক্ষুদ্র ক্ষুদ্র অগণ্য নক্ষত্রমালার উপর প্রভাব প্রতিপত্তি ও কর্তৃত্ব রহিয়াছে। উহারাও তৎতৎ সৌরজগতের সূর্য্য সদৃশ।

যে সকল গ্রহ,—নক্ষত্র-বিশেষকে পরিভ্রমণ করিয়া বেড়ায়, উহাদিগকে নাক্ষত্রিক জগৎ (Stellars worlds) বলা যায়। আমাদের চন্দ্র যেমন আমাদের এই পৃথিবী পরিভ্রমণ পরিভ্রমণ করে, আবার এই পৃথিবী যেমন ৩৬৫ দিনে সূর্য্যকে পরিভ্রমণ করে, আমরা যেমন এই সৌর জগতে অবস্থান করিয়া আমাদের সৌর জগতের গ্রহ উপগ্রহ, নক্ষত্র ধুমকেতু প্রভৃতির সহিত এক সম্বন্ধসূত্রে আবদ্ধ, অপরাপর সৌর জগতেও সেইরূপ নিয়ম। অত্যন্ত দূর নিবন্ধন আমরা বড় বড় জ্যোতিষ্ক মণ্ডলী ভিন্ন শাদা চক্ষে আর কিছুই দেখিতে পাই না। ইহা হইতে সহজেই মনে করা যাইতে পারে যে, ব্রহ্মসংহিতাকার যে কোটি কোটি ব্রহ্মাণ্ডের কথা বলিয়াছেন, তাহা কেবল পৌরাণিকী অতিরঞ্জনময়ী বর্ণনা নহে, উহা প্রগাঢ় বৈজ্ঞানিক সত্য।

অনন্তকোটি বিশাল বিশ্বব্রহ্মাণ্ডের পরিমাণ করা অসম্ভব। ভগবান্ যেমন অপার, অসীম ও অনন্ত,—প্রপঞ্চ প্রকটিত তাঁহার ঐশ্বর্য্যও তাদৃশ অপার, অসীম ও অনন্ত। আমরা আমাদের এই পৃথিবী হইতে আমাদের জগতের জন্ম এক চন্দ্র এবং এক সূর্য্যমাত্র দেখিতে পাঠি, কিন্তু এমন জগৎ (Stellar Systems) ও আছে, যেখানে দুইটি, তিনটি, এমন কি চারটি পর্য্যন্ত চন্দ্র-সূর্য্য বিদ্যমান। তাহা হইলে ইহাও বুঝিতে হইবে যে, আমাদের এই জগৎ হইতে সে সকল জগতের অবস্থা নানা প্রকারেই বিভিন্ন। দিবা-রাত্রি, শীত-গ্রীষ্মাদি ঋতু দ্বারা জগতের বিবিধ অবস্থার পরিবর্তন ঘটে। স্বাবর, জন্ম প্রভৃতির উপর চন্দ্র-সূর্য্য গ্রহ-মক্ষত্রাদির প্রভাব প্রতিমূহূর্ত্তেই দেখিতে পাওয়া যায়। যে জগতে একাধিক চন্দ্রসূর্য্য বিদ্যমান, সেখানকার তাপ, আলোক ও আকর্ষণাদির ব্যাপার আমাদের এই জগৎ হইতে সম্পূর্ণ ভিন্ন। আমরা আমাদের জগতের চন্দ্র-সূর্য্যের আলোক ও তাপ পৃথক্ পৃথক্ ঋতু অনুসারে প্রায় সমানই দেখিতে পাই, কিন্তু যে জগতে একাধিক সূর্য্য আছে, সেখানে উহাদের আলোক ও তাপের হ্রাসবৃদ্ধি প্রায়শঃই পরিলক্ষিত হয়। কখনও দেখা যায়, সূর্য্য অতীব উজ্জ্বলভাবে আলোক প্রদান করিতেছেন, আবার তৎপরে উহার আলোক নিশ্চল হইয়া প্রায় অদৃশ্য হইয়া যায়; আবার সমুজ্জ্বলভাবে সূর্য্যালোক সমুদিত হয়। হয়ত কতিপয় বৎসর পরে সেই সূর্য্যের অস্তিত্বের আর পরিচয় পাওয়া যায় না।

আলোকের হ্রাসবৃদ্ধি সম্বন্ধে জ্যোতির্বিদগণ বহুল আলোচনা করিয়াছেন। ইউরোপের জ্যোতির্বিদগণ বহুবিধ নক্ষত্রের আকার প্রকার গতি-বিধির বহু তথ্য অনুসন্ধান করিয়া বহুল সারণ্ত গ্রন্থ লিখিয়াছেন। সোয়ান্ (Swan), হোয়েল (Whale), হাইড্রা (Hydra) প্রভৃতি নক্ষত্র-পুঞ্জের (Constellation) সম্বন্ধে এম্, ফ্লেমিঙ্গিয়ান্ (M. Flammarion) নামক ফরাসী জ্যোতির্বিদ বলেন, ইহাদের কোন কোন নক্ষত্র কতিপয়

মাস ইহাদের আপন ক্ষেত্রে প্রভূত আলোক ও তাপ বিকিরণ করিয়া আবার সহসা আঁধারের গর্ভে লুকাইয়া পড়ে। সেই সমস্ত স্থানে হয়ত দুই চার মাস রাত্রি বিদ্যমান থাকে ; ঐ সময়ে আবার অপর পক্ষে হয়ত কেবল দিনই বর্তমান থাকিয়া যায়, আদৌ রাত্রি দেখিতে পাওয়া যায় না। আবার কোন কোন জগতে সূর্যের এত অধিক উত্তাপ যে তাহা আমরা ধারণায় আনিতে পারি না। আবার এমন শীত প্রধান চিরতুষারাবৃত দেশের কথাও শুনিতে পাওয়া যায় যে, শৈত্যবৃদ্ধির সঙ্গে সঙ্গে কোটি কোটি প্রাণীর মৃত্যুকাল উপস্থিত হয়। প্রলয়ের মহাঅন্ধকারে এবং তুষারের মৃত্যুহস্ত সর্বত্র প্রসারিত হইয়া প্রাণী মাত্রকেই খণ্ড-প্রলয়ে বিনাশ করিয়া ফেলে। আবার কিয়ৎমাস পরে গগনপটে জগৎপ্রসবিতা, জগৎ-প্রাণ সূর্যের তরুণ-অরুণ কিরণরাশি প্রকাশিত হইয়া ঘনীভূত তুষার সমূহকে বিদ্রাবিত করে, দেখিতে দেখিতে ধরার বক্ষে শ্রামসুধনা বিস্তার করিয়া উদ্ভিদের আকারে আঁবনের চিহ্ন প্রকাশ করিতে আরম্ভ করে।

যে সকল জগতে একাধিক সূর্য প্রকাশ পায়, সেই সকল সূর্যের জ্যোতিঃ এক প্রকার নহে। কোন সূর্যের জ্যোতিঃ আমাদের জগতের এই সূর্যের ন্যায় রক্ততুল্য। আবার কোন সূর্যের জ্যোতিঃ জবা কুসুমের ন্যায় লোহিত, অথবা নীলাকাশের ন্যায় স্নানীল, কিম্বা বৃক্ষপত্রের ন্যায় নয়নরঞ্জন হরিধ্বজ। পার্সিয়ান্স (Perseus) নামক নক্ষত্রপুঞ্জ দুইটা নক্ষত্র স্পষ্টরূপেই উত্তম দূরবীক্ষণের দ্বারা দেখিতে পাওয়া যায়। ইহার একটা সূর্য, একটা নীল। ওফিওকাস (Ophiuchus) নামক নক্ষত্রপুঞ্জে দুইটা সূর্য আছে,—উহার একটা লাল এবং একটা নীল। ড্রেগন্ (Dragon) নক্ষত্রপুঞ্জেও তিন একরূপ। বৃষ বা বুল (Bull) নক্ষত্রপুঞ্জে যে দুই সূর্য আছে—তাহাতে একটা লাল এবং একটা নীল। হারকিউলাস ও কেসেওপিয়া নক্ষত্র পুঞ্জেও এই অবস্থা। আবার কোন কোন নক্ষত্রপুঞ্জে একটা সবুজ, আর একটা হরিদ্রাভ,

অথবা একটা নীল, আর একটা হরিদ্রাভ সূর্য্যও দেখিতে পাওয়া যায়। আমাদের এ জগতে আমরা যে সূর্য্যটিকে দেখিতে পাই, তাঁহাকে প্রাতে ও সন্ধ্যাকালে লোহিত বর্ণ দেখিয়াই আমরা “জবাকুসুক সন্ধ্যাঃ” বলিয়া প্রণাম করি কিন্তু নীল ও সবুজ সূর্য্যের ধারণাই আমাদের নাই। অথচ এই সূর্য্যের কিরণেই যে সাতটা ভিন্ন ভিন্ন বর্ণ আছে তাহা আকাশের ইন্দ্রধনুতে ও ফটিকের বস্তুতে প্রতিফলিত হয়; উহা আলোক বিশ্লেষণী প্রক্রিয়ায় (Spectrum Analysis) পরিলক্ষিত হইয়া থাকে।

আমাদের সূর্য্য এই পৃথিবী অপেক্ষা চৌদ্দ লক্ষ গুণে বড়। ইহার ব্যাস (Diameter) রেখার পরিমাণ প্রায় ৮ লক্ষ ৯০ হাজার মাইল। পৃথিবীর ব্যাস অপেক্ষা প্রায় ১১২ গুণ বড়। নিম্নলিখিত আটটা বৃহৎ গ্রহ এই সূর্য্যমণ্ডলকে প্রদক্ষিণ করেন যথা :—

১। বৃহস্পতি (Jupiter), ২। শুক্র (Venus), ৩। পৃথিবী, ৪। মঙ্গল (Mars), ৫। বুধ (Mercury) ৬। শনি (Saturn), ৭। ইউরেনাস্ (Uranus)। এতদ্ব্যতীত আরও ৩৪টি উপগ্রহ আছে। তাহাদিগকে এষ্টরয়েড Asteroids বা Planetoids বলে।

এই সৌর জগতের কেন্দ্র,—সূর্য্য। সূর্য্য তাঁহার গ্রহ উপগ্রহ লইয়া অপর একটি কেন্দ্র-সূর্য্যকে পরিভ্রমণ করিয়া বেড়ায়। মার্কিউরী গ্রহ অন্যান্য গ্রহ অপেক্ষা অতি নিকট এবং আকারে সর্বাপেক্ষা ছোট। ইহার ব্যাসের পরিমাণ ৩ হাজার মাইল। সূর্য্য হইতে ৩ কোটি ৬৭ লক্ষ ৭০ হাজার মাইল দূরে এইটা অবস্থিত। ৮৮ দিবসে মার্কিউরী সূর্য্যমণ্ডল পরিভ্রমণ করে। দূরবীক্ষণ ব্যতীত ইহা দৃষ্টিগোচর হয় না। সন্ধ্যার পূর্বে অন্তিমিত হয় এবং অতি প্রত্যুষে ইহার উদয় হয়।

ষষ্ঠ অধ্যায়

সঙ্গন্ধ-তত্ত্বে ব্রহ্মাণ্ড-তত্ত্ব

শুক্ৰগ্রহ সূর্য্য হইতে ৬ কোটি, ৮৭ লক্ষ ৫০ হাজার মাইল দূরে। ২২৪ দিন ১২ ঘণ্টায় শুক্ৰ গ্রহ সূর্য্যমণ্ডল প্রদক্ষিণ করে। ইহার ব্যাসের পরিমাণ ৭৭৬০ মাইল। এই গ্রহটীকে আমরা সায়ং সন্ধ্যার এবং প্রাতঃ-সন্ধ্যায় দেখিতে পাঠি। এটা অতি উজ্জ্বল দেখায়। প্রভাতে সূর্য্যোদয়ের অনেক পূর্বে এটা সুখতারি নামে দর্শকগণের নিকট পরিচিত। ইংরাজী ভাষায় তখন ইহার নাম Lucifar, তখন ইহার অবস্থান,—সূর্য্যের পশ্চিমে। আবার সায়ংছে এইটা সূর্য্যের পূর্বভাগে অবস্থান করে। তখন এই সন্ধ্যা তারা পাশ্চাত্য ভাষায় Hesperus নামে অভিহিত হইয়া থাকে। চন্দ্রের মত এই গ্রহের তিথি বিশেষে হ্রাস-বৃদ্ধি আছে।

পৃথিবী, সূর্য্য হইতে ৯ কোটি ৫০ লক্ষ মাইল দূরে। ইহার ব্যাস ৭ হাজার ৯শত ২৫ মাইল। ৩৬৫ দিন ৬ ঘণ্টায় পৃথিবী সূর্য্যমণ্ডল প্রদক্ষিণ করে। প্রতিদিন ১০ লক্ষ এবং অর্ধ মাইল পথ পৃথিবী পরিভ্রমণ করিয়া বেড়ায়। চন্দ্র, পৃথিবী প্রদক্ষিণ করে এবং পৃথিবী অপেক্ষা ২ লক্ষ ৩৮ হাজার মাইল দূরে অবস্থিত। ২৭ দিন ১২ ঘণ্টায় চন্দ্র, পৃথিবীকে প্রদক্ষিণ করে। চন্দ্রমণ্ডলে অনেক পর্বত আছে। আধুনিক জ্যোতির্বিদগণ বলেন, চন্দ্রে যে অন্ধকারের মত দেখায়—উহা জল নয়, পর্বতের ছায়া।

মঙ্গল গ্রহ সূর্য্য হইতে ১৪ কোটি ৪৭ লক্ষ ৮০ হাজার মাইল দূরে। ইহার ব্যাস ৪০৮৫ মাইল। ৬৮৭ দিনে এই গ্রহটা সূর্য্যমণ্ডল প্রদক্ষিণ করে। মঙ্গল গ্রহের অবস্থা কতকটা আমাদের এই পৃথিবীর মত। সেখানেও দিবারাত্রি আছে, শীত গ্রীষ্ম ঋতুভেদ আছে। আধুনিক জ্যোতির্বিদেরা

বলেন, চন্দ্রে যখন জল নাই, তখন এখানে কোন অধিবাসীও নাই কিন্তু মঙ্গলাদি অপরাপর গ্রহে অধিবাসী থাকা সম্ভবপর। আবার কেহ কেহ বলেন, যদিও বা কোন প্রাণী থাকে, তাহাদের প্রকৃতি আমাদের মত নয় কিন্তু মঙ্গলের অবস্থা কতকটা আমাদের এই পৃথিবীর মত। পৃথিবীর মতই জল বায়ু সেখানে আছে।

জুপিটার সর্বাপেক্ষা বড় গ্রহ। ইহার ব্যাসের পরিমাণ ৮৭০৩০ মাইল। সূর্য্য হইতে ৪৯,৪০,০০০০০ মাইল দূরে অবস্থিত। সূর্য্যমণ্ডল প্রদক্ষিণ করিতে ইহার পক্ষে ১২ বৎসর ৫২ দিন লাগে কিন্তু আপন কক্ষায় ইহার গতি বড় দ্রুত। ৯ ঘণ্টা ৫৫ মিনিটে জুপিটার আপন কক্ষে ঘুরিয়া বেড়ায়।

অতঃপরে শনিগ্রহ। শনিগ্রহ সূর্য্য হইতে ৯০ কোটি, ৬০ লক্ষ মাইল দূরে। ইহার একটুকু ধারণা করিতে হইলে তাহার একটা উপায় বলিতেছি। আলোক এক সেকেন্ড সময়ে দুই লক্ষ মাইল দূরে চলিয়া যায়। একমিনিটে আলোকের গতি এক কোটি বিশ লক্ষ মাইল। সূর্য্য হইতে শনিগ্রহে আলোক পৌছিতে এক ঘণ্টা ১৫ মিনিট সময়ের আবশ্যক। এখন ভাবিয়া দেখুন সূর্য্য হইতে শনিগ্রহ কত দূরে অবস্থান করিতেছেন। ২৯ বৎসর ৬ মাসে শনিগ্রহ সূর্য্যমণ্ডল প্রদক্ষিণ করে।

কেহ কেহ বলেন, শনিগ্রহের ঋতু আমাদের এই জগতের মত হইতে পারে। কিন্তু শীত এবং গ্রীষ্ম উভয়ই অত্যন্ত বেশী। শনিগ্রহের আটটা চন্দ্র আছে। পৃথিবী অপেক্ষা ইহার তার একশত গুণ বেশী। আর একটা বৃহৎ গ্রহ আছে, তাহার নাম ইউরেণাস্। উহা সূর্য্য হইতে ১৮২ কোটি, ২০ লক্ষ মাইল দূরে। ৮৪ বৎসরে এই গ্রহটা সূর্য্যমণ্ডল প্রদক্ষিণ করে। অর্থাৎ আমাদের ৮৪ বৎসরে ইহার এক বৎসর হইয়া থাকে।

আর একটি গ্রহ আছে, তাহার নাম,—নেপচন। উহা সূর্য্য হইতে দুই শত ৮৫ কোটি মাইল দূরে অবস্থিত। ১৬৪ বৎসরে নেপচন একবার

সূর্য্যমণ্ডল প্রদক্ষিণ করে। আমাদের ১৬৪ বৎসরে নেপচুন-বাসীর এক বৎসর হইয়া থাকে। এই যে আটটা গ্রহের কথা উল্লিখিত হইল, ইহাদের দূরত্ব সবন্ধে একটি নিয়ম পরিলক্ষিত হয়। মার্কিউরী গ্রহ সূর্য্যের অতি নিকট। ভিনাস্ উহার দ্বিগুণ দূরে। অতঃপরে ঠিক দ্বিগুণ না হইলেও অনেকটা সেইরূপই দেখিতে পাওয়া যায় যথা :—

গ্রহের নাম	সূর্য্য হইতে দূরত্ব
১। মার্কিউরী (বৃধ)	৩৭,৭০০,০০০
২। ভিনাস্ (শুক্র)	৬৪,৭৭০,০০০
৩। পৃথিবী	৯৫,০০০,০০০
৪। মার্স্ (মঙ্গল)	১৪৪,৭৮০,০০০
৫। জুপিটার (বৃহস্পতি)	৪২৪,০০০,০০০
৬। সেটার্ণ (শনি)	৯০৬,০০০,০০০
৭। ইউরেণাস্	১৮২২,০০০,০০০
৮। নেপচুন	২৮৫০,০০০,০০০

জনৈক ফরাসী জ্যোতির্বিদ বলেন, পৃথিবী হইতে সূর্য্যের দূরত্ব ৯ কোটি ৮০ লক্ষ লীগ্ (Leagues)। মনে করুন, কামানের একটি ১২ কিলোগ্রাম (Kilogrammes) ওজনের গোলা ৬ কিলোগ্রাম বারুদের বেগে যদি প্রতিনিয়ত সমগতিতে ৫০০ মিটার (metre) পথ প্রতি সেকেণ্ডে পৃথিবী হইতে পরিচালিত হয়, তাহা হইলে দশ বৎসরে উহা সূর্য্যমণ্ডলে উপস্থিত হইতে পারে। আবার অপর পক্ষে বায়ুর ভিতর দিয়া যদি ঐ গতিতে শব্দ পরিচালিত হয়, তবে সেই শব্দ সূর্য্যমণ্ডলে পৌঁছিতে ১৫ বৎসর সময় লাগিবে। আবার আর একটি দৃষ্টান্ত দ্বারা কথাটা বুঝাইতেছি।

পৃথিবী হইতে সূর্য্য পর্য্যন্ত যদি একটা রেলপথ স্থাপিত করা যায় এবং উহা কোথাও না দাঁড়াইয়া প্রতিঘণ্টার সাড়ে বাড় লীগ্ পথ সমভাবে

প্রধাবিত হয়, তাহা হইলেও ৩৩৮ বৎসরেও উহা সূর্য্যমণ্ডলে পৌছিতে পারিবে কিনা সন্দেহ। মনে করুন, ১৯৩০ সালের ১লা জানুয়ারী হইতে যদি ঐ ট্রেনখানি সূর্য্যমণ্ডলের অভিমুখে ছাড়িয়া দেওয়া হয়, তাহা হইলে উহা ২২৬৮ খৃষ্টাব্দের শেষে সূর্য্যমণ্ডলে পৌছিবে। সূর্য্য হইতে প্রতি-সেকেণ্ডে আলোক ৭৭ হাজার লীগ পথ অতিক্রমণ করে। উহা পৃথিবীতে আসিতে ৭ মিনিট ১৩ সেকেণ্ড সময় লাগে।

কোন্ কোন নক্ষত্র পৃথিবী হইতে কতদূরে তাহার একটা পরিমাণ দেখাইতেছি। মনে করুন, পৃথিবী হইতে সূর্য্য ৩ কোটি ৮০ লক্ষ মাইল দূরে অবস্থিত। সোয়ান্ নক্ষত্র পুঞ্জের একটা নক্ষত্র উক্ত পরিমাণের ৫ লক্ষ ৫১ হাজার গুণ দূরে। অর্থাৎ $৩৮,০০০,০০০ \times ৫,৫১,০০০$ এই দুই অঙ্কের গুণন করিলে যত মাইল হইবে, সোয়ান্ নক্ষত্রপুঞ্জের একটা নক্ষত্র তত দূরে। তথাপি বলিতে গেলে এই নক্ষত্রটীও পৃথিবীর অতি নিকট। এই নক্ষত্র হইতে আলোক প্রতি সেকেণ্ডে ৭৭ হাজার লীগ পথ অতিক্রমণ করিয়া সাড়ে নয় বৎসরে পৃথিবীতে আসিয়া উপস্থিত হইবে। সোয়ান্ পুঞ্জের তারার কথা বলিলাম, এখন আরও কয়েকটা তারার নাম, পৃথিবী হইতে উহাদের দূরের গুণ এবং আলোক পৌছিবার সময়,—নিম্নে প্রদান করিতেছি। মনে রাখিবেন ৩ কোটি ৮০ লক্ষ মাইল ঐ গুণক-দ্বারা গুণিত হইবে। সে অঙ্কগুলি কোতুহলকারী ব্যক্তিগণ নিজেরা গুণন করিয়া জানিবেন।

তারকার নাম	পৃথিবী হইতে দূরত্ব	আলোকপৌছার সময়
সোয়ানের তারা ...	৫৫১,০০০ ...	৯ বৎসর ৬ মাস
ল্যাররের তারা ...	১,৩৩০,৭০০০ ...	২১ বৎসর
বৃহৎসারমার তারা ...	১,৩৭৫,০০০ ...	২২ বৎসর
বৃহৎভরুকের তারা ...	১,৫৫০,৮০০ ...	২৫ বৎসর
মেরু তারা ...	৩,৬৭৮,০০০ ...	৫০ বৎসর

এখন মনে করুন, লায়ারের একটি তারকা, সূর্য্য এই পৃথিবী হইতে যত গুণ দূরে তদপেক্ষা ১৩ লক্ষ ৩০ হাজার গুণ অধিক দূরে অবস্থিত। পূর্বে বলা হইয়াছে, সূর্য্য পৃথিবী হইতে ৩ কোটি ৮০ লক্ষ মাইল দূরে অবস্থিত। সুতরাং এই দুই রাশির পূরণ ফল যত হইবে, লায়ারের একটি তারা পৃথিবী হইতে ততগুণ দূরে অবস্থিত। আলোক যদি এক সেকেন্ডে দুই লক্ষ মাইল দূরে চলে, তাহা হইলে লায়ারের একটি তারকা হইতে পৃথিবীতে আলোক আসিতে ২১ বৎসর লাগিবে। যদি দৈব দুর্ভাগ্যকে লায়ারের কোন তারা বিধ্বস্ত হইয়া যায়, ২১ বৎসরের মধ্যে আমরা তাহার কোন সংবাদ জানিতে পারিব না। কেননা, উহা ধ্বংসের পূর্ব্বের শেষ মুহূর্ত্তে যে আলোক বিকীর্ণ হইবে, ২১ বৎসরের শেষ পর্য্যন্ত এখানে তাহা পৌছিবে।

উপরে যে সকল তারার তালিকা দেওয়া হইল, ইহারা পৃথিবীর অতি নিকটস্থ। জ্যোতির্বিদদের ভাষায় বলিতে হইলে প্রথম মেগ্নিচুডের তারা, দ্বিতীয় মেগ্নিচুডের তারা এইরূপ শ্রেণীবদ্ধ করিয়া বলিতে হয়। তারার উজ্জ্বলতা অনুসারে ইহা নির্দ্ধারিত হইয়া থাকে। আকার বা ভারিত্বের সহিত ইহার কোন সম্বন্ধ নাই। যে তারা যত উজ্জ্বল, সেইটী আমাদের তত নিকটবর্তী। আর যেটি যত মলিন দেখায়, সেইটি তত দূরবর্তী। দূরত্বের অঙ্ক বৃদ্ধির অনুসারে উজ্জ্বলতার হ্রাস হয়। দূরত্বের হিসাবে মেগ্নিচুড বাড়িয়া যায়। এই হিসাবে কেবল প্রথম মেগ্নিচুড ও দ্বিতীয় মেগ্নিচুড, শ্রেণীস্থ তারকাবলীর, অঙ্কের পরিমাণ, তাহার পরে তৃতীয়, চতুর্থ, পঞ্চম, ষষ্ঠ প্রভৃতি তারকার দূরত্ব গণনার গণিতের গণনার পরিমাণ পরাজিত হইয়া পড়ে। ক্রমশঃ সুদূর গগনের সুদূরতম প্রদেশে অতি বৃহত্তম নক্ষত্রও অতিদূরতমত্ব নিবন্ধন আলোক বিন্দুর আকারেই প্রতিভাত হইয়া থাকে। ষষ্ঠ মেগ্নিচুডের তারকাগুলি এত দূরে অবস্থিত যে কোন তারকা হইতে এই পৃথিবীতে আলোক আসিতে ১০৪২ বৎসর সময় অতিবাহিত হয় এবং

কোনটি হইতে ২৭০০ বৎসর পরে পৃথিবীতে আলোক-আসিয়া উপস্থিত হয়।

ষষ্ঠ মেগ্নিচুডের পরের তারকাগুলির অস্তিত্ব কেবল দূরবীক্ষণে অন্বেষিত হয়। কোনটি হইতে ৫০০০ বর্ষে, কোনটি হইতে ১০,০০০ বর্ষের পর পৃথিবীতে আলোক পোছে। জ্যোতির্বিদগণ চতুর্দশ মেগ্নিচুড পর্যন্ত তারকার দূরত্ব নির্দেশ করিয়াছেন। বর্তমান সময় পর্যন্ত দূরবীক্ষণের যে উন্নতি হইয়াছে, তাহাতে ইহার অধিক আর জানা যায় না কিন্তু ইহার পরেও যে আরও কত কিছু আছে, কালে যদি দূরবীক্ষণ ইহা অপেক্ষা আরও অধিকতর উন্নত হয়, তবে আরও অধিক জানা যাইতে পারিবে। চতুর্দশ মেগ্নিচুডের তারকা হইতে জ্যোতিঃ পৃথিবীতে পোছিতে একলক্ষ বর্ষ অতীত হয়। জ্যোতিঃ প্রতি সেকেণ্ডে দুই লক্ষ মাইল পথ প্রধাবিত হয়। এখন ভাবিয়া দেখুন, অনন্ত কোটি বিশ্ব ব্রহ্মাণ্ডগণ অনন্ত, অসীম ও অপার কিনা? ইহাদের অধীশ্বর শ্রীগোবিন্দের ঐশ্বর্য্য যে কত অনন্ত, অসীম ও অপার, ইহা হইতেই তাহা একবার চিন্তা করিয়া দেখুন।

লক্ষ লক্ষ বৎসর অতিবাহিত হইয়া যাইতে পারে কিন্তু শ্রীগোবিন্দের অনন্ত কোটি ব্রহ্মাণ্ডের সুদূরতম প্রদেশের এক বিন্দু কিরণ-কণা এই পৃথিবীতে তখনও পোছিবে না। ভূতত্ত্ববিদগণ বলেন,—এক লক্ষ বৎসর হইল, এই পৃথিবীতে মনুষ্য দেখা দিয়াছে। ইহার পূর্বে এজগতে যে মনুষ্য ছিল, বৈজ্ঞানিক উপায়ে তাহা জানা যায় না। তাহারও লক্ষ লক্ষ বৎসর পূর্বে অসীম গগনে কোটি কোটি তারকাবলী গগনের গায় কিরণ ছড়াইত। এজগৎ হইতে কেহই তাহা দেখিত না। এখানকার কোনও বৈদিকঋষি সে চন্দ্র-সূর্য্য-গ্রহ-নক্ষত্রের সামগান গাহিয়া হৃদয়ের প্রার্থনা জানাইতেন না। আমাদের এই পৃথিবী ব্যতীত আর কোন্ জগতে কত অধিবাসী আছে, তাহাই বা কি করিয়া বলা যায়। আবার অপর

পক্ষে ইহাই বা কি করিয়া বলা যাইবে যে, আমাদের অগৎ ছাড়া আর কোথাও কোন অধিবাসী নাই।

এতক্ষণ পর্য্যন্ত তারকাবলার দূরত্ব সম্বন্ধেই বলা হইয়াছে কিন্তু উহাদের সংখ্যা সম্বন্ধে কিছুই বলা হয় নাই ;—তাহাও অনন্ত। প্রথম মেগ্লিচুডের তারা—২০টী নাত্র, দ্বিতীয় মেগ্লিচুডে ৬৫, তৃতীয় মেগ্লিচুডে—১৭০, চতুর্থ মেগ্লিচুডে—১০০, পঞ্চম মেগ্লিচুডে ১৫০০, ষষ্ঠ মেগ্লিচুডে—৪৫০০, এইরূপ গণনায় দেখা যায় প্রতি মেগ্লিচুডে তিন গুণ করিয়া নক্ষত্রের সংখ্যা বাড়িয়া যায়। আমরা খালি চক্ষে আকাশে দৃষ্টি করিয়া যে সকল নক্ষত্র দেখিতে পাই, তৎসকলকে অগণ্য বলিয়া মনে করি। বাস্তবিক উহারা অগণ্য নহে। উহাদের সংখ্যা ৬০০০ কিন্তু দূরবাক্ষণের সাহায্যে দেখিলে ঐ ছয় হাজারের ঝলে অগণ্য নক্ষত্রমালা রোপ্যবালুকার দ্বারা দৃষ্ট হয়। বৃহৎ জ্যোতিষ নক্ষত্রপুঞ্জ (Constellation of Gemini) খালি চক্ষে দৃষ্টিপাত করিলে দুই একট নক্ষত্র মাত্র দেখায় কিন্তু দূরবাক্ষণ দিয়া দেখিলে অগণ্য নক্ষত্র দৃষ্ট হইয়া থাকে। দ্বাদশ মেগ্লিচুডের নক্ষত্র সংখ্যা ২৫ লক্ষ ৫৬ হাজার। পূর্ব-গণিত আরও কতকগুলি নক্ষত্র ইহাদের সহিত একত্র গণিত হইলে উহাদের সংখ্যা ১ কোটি ৪০ লক্ষ হইয়া থাকে। তৃতীয় মেগ্লিচুডে ৪কোটি ২০লক্ষ নক্ষত্র গণিতহইয়াছে। দূরবাক্ষণের সাহায্যে অধুনা ৫ কোটি ৬০ লক্ষ নক্ষত্র গণিত হইয়াছে। চতুর্দশ মেগ্লিচুডের পরে স্বর্ণবালুকার দ্বারা যে সকল আলোক বিন্দু দৃষ্ট হয়, আধুনিক অত্যন্ত দূরবাক্ষণের দ্বারাও সে সকলের সংখ্যা ভালরূপে নির্দেশ করা যায় না। যদি কালপ্রভাবে দূরবাক্ষণের অধিকতর উন্নতি হয়, তদ্বারা ইহাই প্রতিপন্ন হইবে যে সমগ্র আকাশ হিরকবিন্দু দ্বারা খচিত, উহার প্রত্যেক বিন্দুই এক একটি সূর্য। শ্রীগোবিন্দের বিশ্বব্রহ্মাণ্ড সমূহকে ব্রহ্মা যে অনন্ত কোটি বালরা বর্ণনা করিয়াছেন, তাহার এক বিন্দুও অতিরঞ্জন নহে, সকলই অতি-সত্য।

ইহার উপরে নীহারিকার তত্ত্ব আলোচনার প্রবৃত্ত হইলে মহা অনন্তে

ডুবিতে হয়। এই নাহারিকা সমূহ (Nebulae) কি বস্তু পূর্বে বৈজ্ঞানিক-গণ উহা লইয়া অনেক আলোচনা করিয়াছিলেন। কিন্তু জ্যোতির্বিদগণ দূরবাক্ষণ সাহায্যে সপ্রমাণ করিয়াছেন যে, উহারা গগনের সুদূরতম প্রদেশে ঘন সন্নিবিষ্ট নক্ষত্রপুঞ্জ ব্যতীত আর কিছুই নহে। যদিও উহারা পৃথক পৃথক নক্ষত্রের সমষ্ট, তথাপি ঘন সন্নিবিষ্টতার জন্ত কেবল এক আলোক প্রবাহ বলিয়াই প্রতিপন্ন হয়। বাস্তবিক উহারা পৃথক পৃথক অগণ্যানক্ষত্র সমষ্ট। ঘনসন্নিবিষ্টতার কথা যাহা বলা হইল, তাহাও আমাদের দেখার ভ্রান্তিমাত্র। উহার প্রত্যেক নক্ষত্র কোটি কোটি মাইল দূরে অবস্থিত। যদিও উহাদিগকে একটি সমতল ক্ষেত্রের জায় বলিয়া বোধ হয় কিন্তু প্রকৃত পক্ষে তাহা নহে। উপরে নাচে বহু-দূরবর্তী ওরে ওরে উহাদের অবস্থান। জ্যোতির্বিদগণ অধুনা একটি নেবিউলার পরেচয় দিয়াছেন। উহার নাম,—Nebula of the Centaur, ইহা অতি অদ্ভুত ব্যাপার। কিন্তু জ্যোতিঃশাল নয়নে সুদূর গগনে ইহা একটা অতি নিম্প্রভ আলোক বিন্দুর জায় প্রতিপাত হয়। কিন্তু অতি উত্তম দূরবাক্ষণের সাহায্যে দেখলে দেখা যাইবে যে, ইহা কোটি কোটি নক্ষত্রের সমষ্ট,—উপরে নাচে ভিন্ন ভিন্ন ওরে অবস্থিত ; কেন্দ্রের দিকে ঘন সন্নিবিষ্ট ; প্রাচ্যের দিকে বিরল। নেবিউলাতে যে কত নক্ষত্র আছে তাহা গগণার জন্ত অনেক চেষ্টা হইয়াছে। দূরবাক্ষণের উন্নতি ভিন্ন এ সম্বন্ধে সবিশেষ কিছু নির্ধারণের উপায় হইবে না। ইহাদের আকার প্রকার গতিবিধি অত্যন্ত দুষ্কর। যেমন নানাবর্ণের সূর্য্য আছে, সেই প্রকার লাল, সবুজ, হরিদ্রাভ নেবিউলিও দেখিতে পাওয়া যায়। আমরা যে ছায়াপথ (Milkyway) দেখিতে পাই, এমন কি কাঁচ কাঁচাদানও যে ছায়াপথের বর্ণনা করিয়া লিখিয়াছেন :—

বৈদেহি, পশ্চামলয়ান্, বিভক্তং

মৎসেতুনা কেনিলমসু রাশিন্।

ছায়াপথেনেব শরৎ প্রসন্নম্
আকাশমাবিকৃত চাকুতরম্ ॥

ইহা নীহারিকা প্রণালী (Along series of Nebulae) ব্যতীত আর কিছুই নহে। আমাদের দেশীয় জ্যোতির্বিদগণ ইহাকে “ছায়াপথো নাম জ্যোতিশ্চক্রমধ্যবর্তী কশিচৎ তিরশ্চনোহবকাশঃ” বলিয়া বুঝিয়াছেন। কিন্তু পাশ্চাত্য জ্যোতির্বিদগণের মতে উহার বহুল স্বরূপ নিরূপিত হইয়াছে। তাঁহারা বলেন, পৃথিবী হইতে সূর্যের দূরত্ব ৩ কোটি ৮০ লক্ষ মাইল। ছায়া পথের দৈর্ঘ্য ইহার ১কোটি ৩৭ লক্ষ ৩ হাজার গুণ বেশী। সুতরাং ছায়াপথে কত তারা আছে তাহার গণনা সম্ভবপর হইতে পারে কি? গগনমণ্ডলের এই অনন্ত প্রসারী ব্যাপার সম্বন্ধে ভাবিতে বসিলে বিশ্বয়ের অনন্ত সাগরে মানুষের চিত্ত ডুবিয়া যায়। সুবিখ্যাত জ্যোতির্বিদ হার্শেল (Herschel) একবার উত্তমাশা অক্ষরীপে অবস্থান করিয়া দক্ষিণ গোল-কার্ধের ছায়াপথ পরিদর্শন করিয়াছিলেন। তাহাতে তাঁহার গণনার কেবল মাত্র ১কোটি ৮৭ লক্ষ নক্ষত্র মোটামুটি রূপে দৃষ্ট হইয়াছিল। ছায়াপথের এক প্রান্ত হইতে একটি নক্ষত্র জ্যোতিঃ অপর প্রান্তে পৌছিতে ১৫ হাজার বৎসর অতিবাহিত হয়। ছায়াপথের একটি নক্ষত্রের কিরণ পৃথিবীতে পৌছিতে ৫০ লক্ষ বৎসরের অধিক সময় লাগে।

এস্থলে অপর একটি বৈজ্ঞানিক তথ্যের আলোচনা করা যাইতেছে। উহা আকর্ষণের (Attraction) বিষয়। জ্যোতির্বিদগণ বলেন, চন্দ্র পৃথিবী প্রদক্ষিণ করে। চন্দ্র যখন পৃথিবী প্রদক্ষিণ করে, তখন অবশ্যই স্বীকার করিতে হইবে যে, চন্দ্রের কোন গতিশক্তি (Motion) আছে। চন্দ্র নিজের গতিতে অনন্ত আকাশ-পথে ছুটিয়া যায় না কেন, এবং পৃথিবী প্রদক্ষিণ করিয়াই বা বেড়ায় কেন? ইহাতে বুঝিতে হইবে যে, পৃথিবীর সহিত চন্দ্রের কোন সম্বন্ধ আছে। চন্দ্র চলিয়া যাঁতে চায়, প্রীতিময়ী পৃথিবী তাহাকে ছাড়িয়া দিতে অনিচ্ছুক। ইহা ইহাকে আগন বন্ধে

টানিয়া রাখিতে চাহেন,—আপনার দিকে আকর্ষণ করেন। চন্দ্র সে আকর্ষণ এড়াইতে পারে না, সুতরাং পৃথিবী প্রদক্ষিণ করিয়া বেড়ায়। ঐরূপে সূর্য এই পৃথিবীকে আপনার কেন্দ্রের অভিমুখে আকর্ষণ করে;তাই পৃথিবী ৩৬৫ দিন সূর্যমণ্ডল ঘুড়িয়া বেড়ায়। এই বে কেন্দ্রের অভিমুখে আকর্ষণ ব্যাপার,—বৈজ্ঞানিকগণ ইহাকে Centrepetal Force নামে অভিহিত করেন। বহুভাষায় ইহাকে কেন্দ্রানুগ আকর্ষণ শক্তি বলা যাইতে পারে। আবার যে শক্তির বলে গ্রহগণ আপন বেগে অন্ত্র গমন করিতে চেষ্টা করে তাহা Centrefrugal force নামে অভিহিত হয়, বহুভাষায় উহার নাম,—কেন্দ্রাতিগ শক্তি। বেদে সূর্য গন্ধর্ষ নামে অভিহিত হয় বথা :— “দিব্যো গন্ধর্ষঃ কেতপুঃ কেতয়ঃ পুনাতু।”

এস্থলে গন্ধর্ষ শব্দের যৌগিক অর্থ এই যে, গোঃ পৃথিবী তাং ধাররতীতি গন্ধর্ষঃ সূর্য ইত্যর্থঃ। সূর্য পৃথিবীকে ধারণ করে বলিয়াই গন্ধর্ষ নামে অভিহিত। সূর্য যদি পৃথিবীকে স্বীয় কেন্দ্রাভিমুখে আকর্ষণ না করিতেন তবে পৃথিবী স্বীয় কেন্দ্রাতিগ শক্তি বলে অনন্ত আকাশের কোথাও চলিয়া গিয়া কোন গ্রহের সংঘর্ষে বিধ্বস্ত হইয়া যাইত, কে বলিতে পারে? সূর্য উহাকে আপনার কেন্দ্রাভিমুখে কেন্দ্রানুগ শক্তি বলে আকর্ষণ করিতেছে বলিয়াই পৃথিবী সূর্য প্রদক্ষিণ করিয়া বেড়াইতেছে। সূর্যও ঐরূপ স্বীয় গ্রহ- নক্ষত্রাদি লইয়া (entire system of Planets asteroyds satellits and Comets, which he carries in his train.) অপর কোন সৌরজগৎ প্রদক্ষিণ করিয়া বেড়াইতেছে। জ্যোতির্বিদগণ সেই সৌরমণ্ডলকে Constellation of Hercules নামে অভিহিত করেন। এই সৌরজগৎ প্রত্যেক সেকেণ্ডে দুইলীগ্ চলিয়া প্রতিবর্ষে ৬ কোটি ২০ লক্ষ লীগ্ (League) পরিভ্রমণ পূর্বক বহুলক্ষ শতাব্দে একবার পরিভ্রমণ শেষ করে। আবার তাহা অপেক্ষাও উত্তরোত্তর বৃহদাকার সৌর জগৎ অপর সৌর জগতের কেন্দ্রা-

কর্ষণে ঘুরিয়া বেড়ায়। ইহা হইতে এই ধারণা করা যাইতে পারে যাহা যে, এই অনন্ত কোটি বিশ্ব ব্রহ্মাণ্ডের এমন এক কেন্দ্র আছে, যাহার আকর্ষণে আমাদের দৃষ্টাদৃষ্ট কল্পিত, কল্পনাভীত, অনুমিত, অনুমানাতীত নিখিল বিশ্ব ব্রহ্মাণ্ড আকৃষ্ট হইয়া তাহাতে বিধৃত হইতেছে। তিনি সর্বাধিক, সর্বাধার, সর্বপোষক, সর্বাশ্রয় নিখিল আকর্ষণ ও নিখিল শক্তির পরমাশ্রয় ও পরমানার—**শ্রীকৃষ্ণ গোবিন্দ**।

অনেক কেরাসী জ্যোতির্বিজ্ঞানবিদ লিখিয়াছেন :—

Now, there is nothing to forbid the supposition that all these circles or ellipses traced by myriads of solar systems, have a Common centre of attraction, towards which our system and all the others gravitate. Thus, all these celestial bodies, without exception, all this ant-hill of worlds which we have enumerated, may be turning round one point, one Centre of attraction. What forbids us to believe that God dwells at this centre of attraction for the worlds which fill infinite space ?

ঐহার তাৎপর্যার্থ এই—“এই যে অসংখ্য সৌরমণ্ডল আপন আপন পথে পরিভ্রমণ করিতেছে ও পরিচালিত হইতেছে ঐহাদের আকর্ষণের একটি সাধারণ কেন্দ্র আছে ; যে কেন্দ্রের অভিমুখে নিখিল বিশ্বব্রহ্মাণ্ড পরিধাবি ও আকৃষ্ট হইতেছে। এই যে অগণ্য বিশ্বব্রহ্মাণ্ডের কথা বলা হইল, ইহাদের একটা সাধারণ কেন্দ্র আছে। সুতরাং এ কথা বিশ্বাস করিতে কোনই আপত্তি হইতে পারে না যে, এই অসীম অনন্ত বিশ্বব্রহ্মাণ্ডের মহাকেন্দ্রে স্বয়ং ভগবান্ অবস্থান করিতেছেন। তাঁহার আকর্ষণ পরম্পরায় নিখিল বিশ্বব্রহ্মাণ্ড পরিচালিত ও আকৃষ্ট হইতেছে।”

পাঠক মহোদয়গণ ইহা হইতে অতি সহজেই কৃষ্ণ শব্দের বৈজ্ঞানিক নিরুক্তি বুঝিতে পারিবেন।

ইতঃপূর্বে 'কৃষ্ণ' শব্দের যে নিরুক্তি করা হইয়াছে, তাহাতে বলা হইয়াছে,—শ্রীকৃষ্ণ পরব্রহ্ম । যিনি সর্বাপেক্ষা বৃহত্তম তিনিই কৃষ্ণ । অর্থাৎ কৃষ্ণই সর্বাপেক্ষা বৃহত্তম । তাঁহার অপেক্ষা বৃহত্তম আর কিছুই নাই ।

যদেব পরমং ব্রহ্ম সর্বতোহপি বৃহত্তমং ।

সর্বশ্চাপি বৃহৎতৎ কৃষ্ণ ইত্যভিধীয়তে ॥

বিষ্ণু পুরাণে ব্রহ্মশব্দের এই অর্থই করা হইয়াছে যথা :—

বৃহত্তাং বৃহৎতচ্চ যদ্বৃক্ষ পরমং বিদু ইতি ।

শ্রুতিতেও লিখিত হইয়াছে :—

অথ কস্মাদুচ্যতে ব্রহ্ম বৃহৎতীতি । বৃহৎ গৌতমায় তন্মৈ লিখিত
আছে :—

কৃষি শব্দশ্চ সত্ত্বার্থেণশ্চানন্দ স্বরূপকঃ ।

সত্ত্বানন্দয়োর্যোগাং তৎপরং ব্রহ্মং চোচ্যতে ॥

অদ্বয় বাসিগণও এইরূপে যৌগিক অর্থদ্বারা শ্রীকৃষ্ণকেই পরব্রহ্ম বলিয়া অভিহিত করিতে পারেন । এখানে সত্ত্বা শব্দের অর্থ,—যিনি সর্বপ্রকার নিখিলজ্ঞাত বস্তু সমূহের প্রবৃত্তির হেতু, তিনিই সৎ । শ্রুতি বলেন,—“সদেব সোমোদমগ্র, আসাং ইতি” । গৌতমায় পণ্ডের প্রথমার্ধের অর্থ—সর্বাकर्षण शक्ति विशिष्ट आनन्दात्मा कृष्ण । উহা হইতে পরার্ধের অর্থ ইহাই পাওয়া যায় যে, তিনি সর্বাकर्षक सुखस्वरूप । তাঁহা হইতেই নিখিল জীবের উৎপত্তি এবং তাঁহা হইতেই নিখিল জীবের সুখ হইয়া থাকে । তাহার কারণ, তিনি প্রেম স্বরূপ, তিনিই ভাব প্রেমময়-আনন্দ । ইহাতে ইহাই বুঝিতে হইবে যে, স্বরূপ ও গুণ দ্বারা পরম বৃহত্তম সর্বাकर्षक আনন্দই শ্রীকৃষ্ণ । তিনিই শ্রীদেবকী নন্দন । সাম উপনিষদে লিখিত হইয়াছে,—“কৃষ্ণায় দেবকী-নন্দনায়” ইত্যাদি । বিষ্ণু পুরাণে নারদ কুশোদ্ভব সংবাদে ভগবদুক্তিতে লিখিত হইয়াছে,—“নারা মুখ্যতরং নাম

কৃষ্ণাখ্যং যে পরব্রহ্মপ"। ব্রহ্মাণ্ড পুরাণোক্তং কৃষ্ণের অষ্টোত্তর নাম স্তোত্রে
লিখিত হইয়াছে :—

সহস্র নামাং পুণ্যানাং ত্রিরাবৃত্তাতু যৎ ফলং ।

একাবৃত্তাতু কৃষ্ণস্য নামৈকং তৎপ্রযচ্ছতি ॥

শ্রীভাগবত পুরাণে, "এতেচাংশ কলাঃ পুংসঃ কৃষ্ণস্তু ভগবান্ স্বয়ং" ।
সুতরাং শুক আদি মহাজনগণ কৃষ্ণ শব্দেই পরব্রহ্মের প্রকৃত সার্থকতা
উপলব্ধি করিয়াছেন । ইহার সর্বানন্দকহ বাসুদেব উপনিষদেও দৃষ্ট হয়.—
"দেবকী-নন্দন নিখিল মানন্দময়াদিতি" । এইরূপে শ্রীকৃষ্ণ নাম পরব্রহ্ম-
প্রকর্ষেই রূঢ়ি ভাবে ব্যবহৃত হইয়াছে । কুমারিল ভট্ট লিখিয়াছেন :—

লকাঙ্কিকা সতি রূঢ়ি ভবেদ্ যোগাপহারিণী ।

কল্পনিয়া তু লভতে নাআনং যোগবাধতে ॥

ভাগবতে ও গীতায় পুনঃপুনঃই ইহার পরব্রহ্ম প্রদর্শিত হইয়াছে
যথা,—"গৃঢ়ং পরংব্রহ্ম মনুষ্যালিজম" ইতি ; "যন্মিত্রং পরমানন্দং পূর্ণং ব্রহ্ম
সনাতনম্" ইতি ; শ্রীবিষ্ণু পুরাণে লিখিত আছে—"যত্রাবতীর্ণং কৃষ্ণাখ্যং
পরং ব্রহ্ম নরাকৃতিম্" ইতি ; গীতায় লিখিত আছে,—ব্রহ্মণোহি প্রতি-
ষ্ঠাহম্" ইতি ; তাপনী শ্রুতিও বলেন—"যোহসৌ পরং ব্রহ্ম গোপাল"
ইতি । এই সকল তথা পূর্বেও একবার লিখিত হইয়াছে ।

বৃহৎ গৌতমীয় তন্ত্রে আরও লিখিত হইয়াছে :—

অথবা কৰ্ষয়েৎ সৰ্ব্বং জগৎ স্থাবর জঙ্গমং ।

কালরূপেণ ভগবাংস্তেনায়ং কৃষ্ণ উচ্যতে ॥

ইনিই সর্বকারণের কারণ । মহৎ শ্রীষ্ঠা পুরুষ নিখিল অনস্ককোটি
বিশ্ব ব্রহ্মাণ্ডের কারণ স্বরূপ । ইনি মহৎ শ্রীষ্ঠা পুরুষেরও কারণ । শ্রীভাগবতে
মশম স্বরূপে দেবকী দেবী ইহার গুণে বলিয়াছেন :—

যস্তাং শাংশাংশতাগেন বিশ্বস্থিত্যপরোস্তবাঃ ।

'ভবন্তি কিল বিশ্বাশ্বাংস্তং স্বাস্তহং গতিং গতা ইতি ॥

ইহার টীকায় শ্রীধর স্বামী বলেন, ষাঁহাদের গুণ সমূহের অংশ ভাগ দ্বারা অর্থাৎ গুণ সমূহের পরমাণু মাত্র লেশ দ্বারা অনন্ত বিশ্ব ব্রহ্মাণ্ডের স্থিতি প্রলয় প্রভৃতি হইয়া থাকে, সেই নিখিল কারণের কারণ,—শ্রীকৃষ্ণ ।

কেহ কেহ বলিতে পারেন, যিনি অদ্বিতীয় সর্বকারণ-কারণ, সর্বা-কর্ষক, পরম বৃহত্তম শ্রীকৃষ্ণাখ্য পরমতত্ত্ব, তাঁহার বিগ্রহ সম্ভবপর হয় না । শ্রুতি ষাঁহাকে আনন্দ ব্রহ্ম বলিয়াছেন, তাঁহার বিগ্রহই পরিলাক্ষিত হয় না । ইহা সত্য বটে, কিন্তু শ্রীকৃষ্ণ-বিগ্রহ সিক্ত বাক্যসমূহদ্বারা অবশ্যই স্বীকার্য । ইনি পরম অপূর্ব বস্তু । ব্রহ্মসংহিতায় লিখিত হইয়াছে,—“সচ্চিদানন্দ বিগ্রহঃ” সচ্চিদানন্দ লক্ষণ বিশিষ্ট যে আনন্দ বিগ্রহ, শ্রীভাগবতের দশম ব্রহ্মা-স্তবে লিখিত হইয়াছে,—“তস্যেব নিত্যসুখবোধননো” । তাপনী শ্রুতি এই যে,—“সচ্চিদানন্দরূপায় কুম্ভারাক্রিষ্টে কারণে” । ব্রহ্মাণ্ড পুরাণের অষ্টোত্তর শত- নাম স্তোত্রে দেখিতে পাওয়া যায়,—নন্দ ব্রহ্ম-জনানন্দ সচ্চিদানন্দ বিগ্রহঃ” । দশমে দেবকী-স্বতীতেও—“নষ্টে লোকে” ইত্যাদি পদে ইহার প্রমাণ আছে । গীতায় তাঁহার প্রমুখ-বাক্য এই যে:—

যস্মাৎকরমতিতোহমকরাদপিচোত্তমঃ ।

অতোহস্মিন্ লোকেবেদেচ প্রথীতঃ পুরুষোত্তমঃ ইতি ॥

তাপনী শ্রুতিতে আরও লিখিত আছে—“যোহসৌ গোষু তিষ্ঠতি, যোহসৌ গোপান্ পালয়তি” ইতি । “গোবিন্দান্মৃত্যুবিভেতি” । এই কেবলানুভবানন্দ স্বরূপ শ্রীকৃষ্ণ সচ্চিদানন্দবিগ্রহ । শাস্ত্রকারগণ তাঁহা বিগ্রহবৎ দেখিয়া সম্বন্ধে প্রমাণ প্রদান করিয়াছেন, যথা শ্রীভাগবতে শ্লোকান্তি :—

কৃষ্ণমেনমবেহি ত্রমাত্মানমখিলাত্মনাং ।

জগদ্ধিতায় যোহপ্যত্র দেহীবাভাতি মায়য়া ॥

১০।১৪।৫৩ ।

এই শ্রীকৃষ্ণকে নিখিল আত্মার পরমাত্মা বলিয়া জানিবে । ইনি

স্রাচর জগতের হিতের জন্ত কৃপাময়ী অচিন্ত্য তকৈশ্বর্যময়ী স্বরূপ শক্তিবলে দেহীর হায় এই প্রপঞ্চে প্রকটিত হইয়াছেন ।

এই পঞ্চটা ভগবানের অবতারের একটি হেতু স্বরূপ । গীতায় বলা হইয়াছে,—“সাধুদের পরিত্রাণের জন্ত দুষ্কৃতিগণের বিনাশের জন্ত এবং ধর্ম সংস্থাপনের জন্ত শ্রীভগবান্ অবতীর্ণ হন ।” এতদ্ব্যতীত তাঁহার আপন জনের হৃদয়ে প্রীতিনানের জন্ত এবং স্বকীয় রসনাধুর্য অস্বাদনের জন্তও যে স্বয়ং ভগবান্ অবতীর্ণ হন, শ্রীভাগবতে তাহারও প্রমাণ পাওয়া যায় । ভাগবতামৃত গ্রন্থে নারায়ণাধ্যায় বচন এই যে :—

নিত্যাব্যক্তোহপি ভগবানাক্রতে নিজশক্তিতঃ ।

তামৃতে পরমানন্দং কঃপশ্চেতামিতংপ্রভুম্ ॥

অর্থাৎ ভগবান্ নিত্য অব্যক্ত হইলেও নিজের অচিন্ত্য তকৈশ্বর্য কৃপাময়ী স্বরূপ শক্তিবলে দেহীর হায় লোক-লোচনের গোচরীভূত হন । নচেৎ সেটে অমিত শক্তিশালী পরমানন্দ স্বরূপ শ্রীভগবান্কে কেহ কি কখনও দেখিতে পায় ?

ইহা হইতেই শ্রীভগবানের অবতারতত্ত্ব বুঝিয়া লইতে হয় । গীতায় শ্রীকৃষ্ণ স্বীয় শ্রীমুখে নিজ অবতারের কথা প্রকাশ করিয়াছেন যথা :—

পরিত্রাণায় সাধুনাং বিনাশায়চ দুষ্কৃতাম্ ।

ধর্ম সংস্থাপনার্থায় সন্তুভামি যুগে যুগে ॥

যদা যদাহি ধর্মস্য গ্নানির্ভবতি ভারত ।

অভ্যুত্থানমধর্মস্য তদাত্মানং সৃজামাহম্ ॥

ভগবদগীতা হিন্দু মাত্রেই অতীব সমাদরের গ্রন্থ । অবতার বাদও হিন্দুমাত্রেই গ্রাহ্য কিন্তু তথাপি মায়াবাদী বেদান্তিগণ নির্কিশেষ উন্মের প্রতি যেরূপ সম্মান প্রদর্শন করেন, নিরাকারবাদের যেরূপ পরমত্ব প্রতিপাদন করেন, সাকার বাদের তাদৃশ আদর করেন না । এই নিমিত্ত নিরাকারবাদ ও সাকার বাদ সম্বন্ধে কিঞ্চিৎ আলোচনা করিয়া অবতার-

বাদের শ্রেষ্ঠ স্থাপন এবং অবতারগণ সমূহের বীজ স্বরূপ শ্রীকৃষ্ণই যে উপাস্ত্র মধ্যে পরতম, ইহা প্রদর্শন করা প্রয়োজন।

সপ্তম অধ্যায়

সম্বন্ধ-তত্ত্বে অবতারবাদ

ব্রহ্ম পদমাত্ৰা ও ভগবান্ এই তিন পদের মুক্ত প্রগ্রহবৃত্তি অনুসারে অর্থ কাঃলে উহাদের অর্থ শ্রীকৃষ্ণই পৰ্য্যবসিত হয়, এবং ব্রহ্মত্বাদি যে শ্রীকৃষ্ণতত্ত্বেই পরিষ্কর,—শ্রীকৃষ্ণই যে অনন্ত অবতারের বীজ এই স্থলে হংপ্রদর্শনের চেষ্টা করা যাইবে।

শ্রীকৃষ্ণের স্বয়ং ভগবত্তা প্রতিপাদন করিতে হইলে শ্রীকৃষ্ণ লীলার অন্তকুল শাস্ত্রযুক্তি ও অনেক প্রতিকূল শাস্ত্রযুক্তির খণ্ডন করা আবশ্যিক। প্রথমতঃ লীলাবিগ্রহনয় স্বয়ং ভগবান্ শ্রীকৃষ্ণের স্বয়ং ভগবত্তা প্রতিপাদনে যে সকল প্রতিকূল তর্ক আছে, তন্মধ্যে কেবলাদ্বৈতী বা মায়াবাদীদের তর্ক ও সবিশেষ উল্লেখযোগ্য। মায়াবাদী সম্প্রদায়ের আচার্য্য শ্রীমৎ শঙ্করাচার্য্য নিঃসর্গ পদের যে অর্থ করিয়াছেন, এই প্রসঙ্গে তাহারই আলোচনা করিয়া মায়াবাদের ব্যাখ্যা যে অশাস্ত্রীয়, অসঙ্গত ও অযৌক্তিক তাহা এই প্রস্তাবনার প্রতিপাত্ত। মায়াবাদীদের অভিমত এই যে, ব্রহ্ম—নিঃসর্গ ও চিন্মাত্র, তদ্বিন্ন তাহাতে কোন গুণের আরোপ করিলে তাহার স্বরূপের বিরুদ্ধে কথা বলা হয়। গুণ স্বীকার করিলেই ব্রহ্মে “বিশেষ” স্বীকার করিতে হয়। বিশেষ জ্ঞান অর্থে ভেদজ্ঞান। কিন্তু ব্রহ্ম স্বভাবীয়, বিজাতীয় ও স্বগত ভেদবিবর্জিত। মায়াবাদীদের সিদ্ধান্ত এই যে :—অশেষ-বিশেষ প্রত্যনীয়-চিন্মাত্রঃ ব্রহ্মৈব পরমার্থঃ। তদ্ব্যতীরেকে

নানাবিজ্ঞাতজ্ঞেয়-তৎকৃতজ্ঞান ভেদাদি, সৰ্বং তন্মিমেবপরিকল্পিতম্—মিথ্যা
কৃতম্ ।—অর্থাৎ নিখিলভেদ বিবৰ্জিত চিন্মাত্র ব্রহ্মই পরমার্থ । তদ্ব্যতীত
জ্ঞাতা, জ্ঞান ও জ্ঞেয় প্রভৃতি যে নানাবিধ ভেদ জ্ঞান ঘটে, সেই সকল জ্ঞান
ও জ্ঞানের বিষয় ব্রহ্মেই পরিকল্পিত—এই সকল মিথ্যা ।

নির্কিংশেষত্বের প্রমাণ ।

শ্রীমৎ শঙ্করাচার্য্য নিগুণ ব্রহ্মগোতক যে সকল শ্রৌত প্রমাণের উল্লেখ
করিয়াছেন, তন্মধ্যে নিম্নলিখিত শ্রৌতবাক্যগুলি প্রধান যথা,—ছান্দো—
৬২।১ ; মুণ্ডক—২।১।৫, ১।১।৬ ; তৈত্তিরীয়—২।১।১ ; শ্বেতাশ্বতর—১৬ ;
কেন—১।২ ; বৃঃ আঃ—৩।৪।২ ; তৈত্তিরীয়—৩।৬।১ ; বৃহ—৪।৫।১, ৪।৪।১,
৪।৫।১—৫ ; ছান্দোগ্য—৬।১।৪ ; তৈত্তিরীয়—২।৭।১ ; ব্রহ্মসূত্র—৩।২।১ ;
“অশক মস্পর্শ , “তৎতদ্বদর্শন,” “নসন্দৃশে,” কঠোপনিষৎ ; “বিজ্ঞানাত্মা”—
প্রশ্নোপনিষৎ ; আত্মনি ইত্যাদি বৃঃ আঃ ; যথা নগুঃ—মুণ্ডক ; ব্রহ্মসূত্র—
৩।২।৩ ; বিষ্ণুপুরাণ—১।২।৬, ১।৪।৪০, ১।৫।৪১, ২।১।৫।৩১, ২।১।৩।৮৫, ২।১।৩
৮৫, ২।১।৬।২৩, ৬।৭।২৪, ৬।৭।৫৩ ;—গীতা—১০।২০, ১০।৩২, :৩।২৩
ইত্যাদি ; নিগুণ ব্রহ্মবাদীদের মতে বস্তুত্বনির্ণায়ক এই সকল প্রমাণ বচন
দ্বারা প্রতিপন্ন হইতেছে যে, এক নিগুণ চিন্মাত্র ব্রহ্মই সত্য, আর সকলই
মিথ্যা । এতদ্ব্যতীত জীবব্রহ্মের একত্র প্রতিপাদক শ্রুতিও যথেষ্ট দেখিতে
পাওয়া যায়, যথাঃ—বৃঃ অঃ—১।৪।১০, ৩।৪।৭, ১।৪।৭ ; ছান্দোগ্য—৬।২ ;
ব্রহ্মসূত্র—৪।১।৩, ৩।২।১১ এই সূত্রের শাকর ভাষ্যের নর্থ এই যে,—
স্বপ্নাদিতে উপাধি বিলয় হওয়াতে জীব যে ব্রহ্মসম্পন্ন (যে ব্রহ্মের সহিত
একীভূত) হয়, ইদানীং শ্রুতি প্রমাণ অবলম্বন করিয়া সেই ব্রহ্মের স্বরূপ
নির্ধারিত হইবে ।

শ্রুতিতে সবিশেষ ও নির্কিংশেষ এই দ্বিবিধ ব্রহ্মের বোধক বাক্য আছে,
‘তিনি সর্বকর্ম’ সর্বকাম, সর্বগন্ধ, সর্বরস—ইত্যাদি বাক্য সবিশেষ
ব্রহ্মবোধক এবং তিনি স্থল নহেন, দৃশ্যও নহেন, দীর্ঘও নহেন ইত্যাদি

বাক্য নির্বিশেষ ব্রহ্মবোধক। এষ্ট সকল শ্রুতি দেখিয়া কি বুঝিব, ব্রহ্ম উভয় লিঙ্গ? সর্বিশেষ ও নির্বিশেষ এই দ্বিরূপ? না অন্ততর লিঙ্গ? যদি অন্ততর রূপ বুঝিতে হয়, তবে ইহাও বিচার্য হইবে যে, তাহা কোনরূপ? সর্বিশেষ রূপ? না নির্বিশেষ রূপ?—এক্ষণে এই সংশয়িত পক্ষত্রয়ের মীমাংসা করা যাইতেছে।

প্রথমতঃ দেখা যায়—উভয় চিহ্নাঙ্কিত শ্রুতিবাক্যের অনুরোধে ব্রহ্ম উভয়লিঙ্গ অর্থাৎ সর্বিশেষ নির্বিশেষ এই দ্বিরূপ হইলেও হইতে পারে, এষ্ট প্রথম পক্ষের প্রাপ্তিতে সূত্রকার বলিতেছেন—পরব্রহ্মের স্বতঃ উভয় লিঙ্গতা অর্থাৎ সর্বিশেষ নির্বিশেষ এই দ্বৈরূপ্য উপপন্ন হয় না। বস্তু এক, অথচ তাহা বিশেষ বিশেষ উপাধিযুক্তও বটে, এবং তদ্বিপরীত অর্থাৎ রূপাদিবিহীন বা নির্বিশেষও বটে; ইহা কোনও ব্যক্তিরই স্বীকার্য নহে। কেন না, তাহা বিরুদ্ধ। এক বস্তু স্বতঃ দ্বিরূপ না হউক, কিন্তু স্থানাদি উপাধি দ্বারা দ্বিরূপ হইতে তা পারে? দেখিতে গেলে তাহাও অনুপপন্ন বা অযুক্ত। উপাধিযোগেও এক প্রকার বস্তু অন্য প্রকার হয় না। হওয়ার সম্ভাবনাও নাই। স্বচ্ছস্বভাব ফটক কি কখনও অলঙ্কাদি উপাধিযোগে অস্বচ্ছ স্বভাব হয়? তবে যে রক্ত ফটক বলিয়া প্রতীত হয়, সে প্রতীতি ভ্রম।

পরমাঙ্গার উপাধি অবিজ্ঞা ও অবিজ্ঞাজনিত পদার্থ, সে জ্ঞান সে সকল মিথ্যা। মিথ্যা দ্বারা আবরণ ব্যতীত সত্যের অন্য কোন বৈপরীত্য ঘটে না। অতএব অন্ততররূপে স্বীকার করিতে হইলে নির্বিশেষ রূপই স্বীকার্য। অর্থাৎ সর্বপ্রকার বিশেষ রহিত নির্বিকল্প ব্রহ্মই উপাসকের জ্ঞেয়; এই পক্ষই শ্রেয়ঃ। ব্রহ্মস্বরূপ প্রতিপাদক ইত্যাদি সমুদয় বেদান্ত বাক্যে নির্বিশেষ ব্রহ্মেরই উপদেশ রহিয়াছে। সেই সকল উপদেশ ঐ সিদ্ধান্তের পোষক প্রমাণ। এস্থলে বেদান্তদর্শনের ৩।২।১২ সূত্রের শাস্ত্র ভাষ্যের মর্মানুবাদ প্রদত্ত হইতেছে।

যদি এমন বলি যে, ব্রহ্মকে নির্বিকল্পক একরূপ ও তাঁহার কি স্বতঃ কি পরতঃ (উপাধিযোগে) কোনওরূপ ভেদ নাই বলা হইল, কিন্তু তাহা উপপন্ন হয় কৈ ? প্রতি উপাসনাতেই যে বিভিন্নাকারি ব্রহ্মের উপদেশ আছে—যথা চতুর্ভুজ ব্রহ্ম, ত্রৈলোক্যশরীর ব্রহ্ম, বৈখানর ব্রহ্ম ইত্যাদি প্রকারে অনেক প্রকারভেদ কথন আছে। সুতরাং ঐ সকল অনুসারে ব্রহ্মের সবিশেষত্বও স্বাকাব্য। যদি বল, ব্রহ্মের ঐক্যরূপ্য অসম্ভব, সে কথা বলা হইয়াছে। তাহার প্রত্যুত্তর—সেইরূপ ঐক্যরূপ্য বা সেইরূপ ভেদ বিরুদ্ধ নহে। কেন না, তাহা উপাধিকৃত। (ভেদ উপাধিক—অভেদ বাস্তব)। ইহা অস্বীকার করিলে ভেদবাদী শাস্ত্রের স্থল থাকে না। এই মতের প্রতিবাদার্থ সূত্রকার বলেন, তাহাও নহে, কারণ, শাস্ত্র প্রত্যেক উপাধিকভেদে ভেদ বিপরীত (অভেদ) বলিয়াছেন। ভিন্ন ভিন্ন প্রত্যেক উপাধি অনুসারে ব্রহ্মের ভিন্ন আকার উপদিষ্ট হইলেও অভেদ পক্ষেই শ্রুতির তাৎপর্য এবং শ্রুতি সাক্ষাৎ অভেদবোধক শব্দেও তাহা শুনাইয়াছেন। যথা—যিনি এই পৃথিবীতে তেজোময় ও অমৃতময় পুরুষ, যিনি এই শরীরে আধ্যাত্মিক তেজোময় ও অমৃতময় পুরুষ, তিনি এই—যিনি এই আত্মা ;— ইত্যাদি। এতদ্বারা ব্রহ্মের ভিন্নাকার যে শাস্ত্রীয় নহে, একথা বলা হইল না ;—বলা হইল, ভিন্নাকার পারমার্থিক নহে। ইহাতে যে ভেদের উপদেশ দেওয়া হইয়াছে তাহা উপাসনার্থ। কিন্তু তাহার তাৎপর্য,— অভেদে।

আরও কতিপয় ব্রহ্মসূত্রের শাস্ত্র ভাষ্যের মর্ম্ম নিয়ে প্রদত্ত হইতেছে, যথা—৩২।১৩ সূত্রের শাস্ত্র ভাষ্যের মর্ম্মানুবাদ,—এক শাখা (বেদভাগ) ভেদ দর্শনের নিন্দা ও অভেদ দর্শনের উপদেশ করিয়াছেন। যথা—“এই ব্রহ্ম সুসংস্কৃত মনের প্রাপ্য। ইহাতে কোনওরূপ নানাভ (ভেদ) নাই। যে ইহাতে বৃথা নানাভ দেখে, সে মৃত্যুর দ্বারা মরণ প্রাপ্ত হয়।” “জীব, জীবদৃশ্য—শব্দাদি বিষয় ও তদুত্তরের নিরস্তা দৈশ্বর, পাঠক এই তিন বিকল্প

মনন (বিচার) করিলে কথিত দ্বিবিধ ব্রহ্ম আনিতে পারিবেন”। এই
শ্রুতি,—ভোগ্য, ভোক্তা ও নিয়ন্তা এতলক্ষণ প্রপঞ্চের ব্রহ্ম স্বভাবতঃ
বলিয়াছেন। যদি কেহ বলেন, সাকার ও নিরাকার উত্তর বোধক শ্রুতি
বাক্য আছে, অথচ নিরাকার ব্রহ্ম স্থির করা হয়, সাকার স্থির করা হয় না,
এতৎ প্রতি কারণ কি? তাহার উত্তর যথা ৩২।১৪ শাক্তর ভাষ্যের
মৰ্ম্মানুবাদ :—

“ব্রহ্ম রূপাদি রহিত ইহাই স্থির করা কর্তব্য। রূপাদিমৎ অর্থাৎ সাকার
স্থির করা কর্তব্য নহে। কারণ এই যে ব্রহ্মপ্রতিপাদক সেই সেই বাক্য
নিকর তৎপ্রধান। সে সকল বাক্য নিরাকার ব্রহ্মই মুখ্যরূপে প্রতিপাদন
করে। তিনি স্থূল নহেন—সূক্ষ্ম (পরমাণু তুল্য ক্ষুদ্র) নহেন, হ্রস্ব নহেন,
দীর্ঘও নহেন “অশক্ অম্পর্শ অরূপ ও অবায়” “প্রসিদ্ধ আকাশ নামেব ও
রূপের নির্বাহক নামও রূপ যাহার অন্তরে, তিনি ব্রহ্ম, “তিনি দিব্য, মূর্তিহীন,
পুরুষ (অর্থাৎ পূর্ণ), সূত্রাং বাহিরে ও অন্তরে বিরাজমান, অজ্ঞ অর্থাৎ
জন্মরহিত” “সেই এই ব্রহ্ম অপূর্ব, অনপর, অনন্তর, অবাহ, “এই আত্মা
ব্রহ্ম ও সকলের অন্তর্ভূতি স্বরূপ।” এই সকল বাক্য যে মুখ্যরূপে নিম্প্রপঞ্চ-
রূপে ব্রহ্মাত্ম্য ভাব বোধ করায়, তাহা “তত্ত্বসম্বন্ধাৎ” সূত্রে প্রতিষ্ঠাপিত
হইয়াছে। সেই জগুই বলি, এই সকল শ্রুতিতে শক্য়ানুযায়ী নিরাকার
ব্রহ্ম প্রধান এবং সাকার ব্রহ্মবোধক বাক্য রাশিকে উপাসনা-বিধি-প্রধান
বলিয়া অবধারণ কর। অপিচ সে সকলের মধ্যে বিরোধ না থাকে —
যথাক্রম অর্থ গ্রহণ কর। বিরোধ থাকিলে তৎপ্রধান বাক্যের বলবত্তা
আশ্রয় কর। এই বিনিশ্চয়ের প্রতিহেতু—সাকার নিরাকার এই দ্বিবিধ
ব্রহ্মবোধক শ্রুতি থাকিলেও নিরাকার শ্রুতিতে নিরাকার ব্রহ্মের অবধারণ
করা হয়। বলিতে পার যে তবে সাকার বোধিকা শ্রুতির গতি কি? ইহার
প্রত্যুত্তরার্থ ৩২।১৫ সূত্রের মৰ্ম্মানুবাদে বলিতেছি :—

যেমন সূর্য্যসংক্রীয় অথবা চন্দ্রসংক্রীয় আলোক আকাশ ব্যাপিয়া

অবস্থান করিলেও তাহা ঋজু বক্রাদিভাব প্রাপ্ত অঙ্গুলি প্রভৃতি উপাধির সংসর্গে ঋজু বক্রাদিভাব প্রাপ্তের স্থায় হয়, সেইরূপ ব্রহ্মও পৃথিব্যাতির আকার প্রাপ্তের স্থায় হন। অতএব উপাসনার উদ্দেশে পৃথিব্যাতি উপাধি অবলম্বন পূর্বক ব্রহ্মের যে আকার বিশেষ উপদিষ্ট হইয়াছেন তাহা বার্থ বা বিরুদ্ধ নহে। সাকার ব্রহ্মবোধক শ্রুতিবাক্য সকল একরূপে অব্যর্থ অর্থাৎ সার্থক জ্ঞানিবে। বোদবাক্যের কতক সার্থক, কতক নিরর্থক একরূপ বিবেচনা করা অজ্ঞাধ্য।

সমস্ত বেদবাক্য প্রমাণ। সে বিষয়ে কোনও রূপ ইতর বিশেষ নাই। যদি এমন বল যে, ইতঃপূর্বে বলা হইয়াছে, বস্তুতঃ উপাধিযোগেও পর ব্রহ্মের উভয় চিহ্নতা (অর্থাৎ সাকার ও নিরাকার এই দ্বৈরূপ্য) অসম্ভব ; সম্প্রতি আবার বলা হইল, পৃথিব্যাতি উপাধিসম্পর্কে ব্রহ্ম তদাকার প্রাপ্তির স্থায় হন, সুতরাং পূর্বাপর বাক্য পরস্পর বিরুদ্ধ হইল, এ বিষয়ে আমরা বলি,—বিরুদ্ধ হয় নাই। কেন না, যাহা উপাধিসমূহের নিমিত্ত কারণ তাহা বস্তুর ধর্ম, অর্থাৎ স্বভাব নহে, তাহা অবিদ্যাকৃত। উপাধি নাহলেই অবিদ্যা কর্তৃক উপস্থাপিত। স্বাভাবিকী অবিদ্যা থাকাতেই লৌকিক ব্যবহার ও শাস্ত্রীয় ব্যবহার অবতরিত হইয়াছে বা আছে, একথা তত্ত্বৎ প্রসঙ্গে বলা হইবে ও হইয়াছে।

৩।২।১৬ সূত্রের অনুবাদ :—শ্রুতিও বলিয়াছেন,—ব্রহ্ম নির্বিশেষ, একাকার ও কেবল চৈতন্য, যথা—“যজ্ঞপ লবণ পিণ্ড অনন্তর, অবাহু, সম্পূর্ণ ও রসঘন, তজ্জপ এই আত্মা অনন্তর অবাহু, পূর্ণ ও চৈতন্যঘন (কেবল চৈতন্য)।” ইহাতে ইহাই বলা হইয়াছে যে, আত্মার অকর্তব্য নাই, চৈতন্য ভিন্ন অণু রূপ বা আকার নাই। নিরবচ্ছিন্ন চৈতন্যই আত্মার সর্বকালিক রূপ। যজ্ঞপ লবণ পিণ্ডের অন্তরে ও বাহিরে লবণ রস, ব্যতীত রসান্তর নাই, তজ্জপ আত্মাও অন্তরে ও বাহিরে চৈতন্যরূপী। ইহাতে চৈতন্যাতিরিক্ত রূপ নাই। ৩।২।১৭ সূত্রের অনুবাদ যথা :—শ্রুতি

পররূপ প্রতিবেদন দ্বারা নির্বিশেষ ব্রহ্মই প্রদর্শন করিয়াছেন। যথা—দ্বৈত কথনের পরজ্ঞান কারণ বলিয়া—না,না,অর্থাৎ ইহা নহে তাহাও ব্রহ্ম নহে, এইরূপে উপদেশ করা হয়।” “তিনি বিদিত হইতে ভিন্ন, অবিদিত হইতেও উপরে বা পৃথক্।” “বাক্য ও মন যাহা হইতে প্রতিনিবৃত্ত হয়, অর্থাৎ বাক্য যাহাকে বলিতে ও মন যাহাকে মনন করিতে পারে না তিনিই ব্রহ্ম” ইত্যাদি।

শ্রুতিতে আরও শুনা যায়,—বাস্কলি কর্তৃক জিজ্ঞাসিত হইয়া বাহু নামক ঋষি নিকন্তুরতার দ্বারা ব্রহ্মতত্ত্ব বলিয়াছিলেন। বাস্কলি বলিলেন—“হে ভগবান, ব্রহ্ম অধ্যয়ন করান।” এইরূপ প্রশ্ন করিলে বাহু নিকন্তুর রছিলেন। তিনি দ্বিতীয় ও তৃতীয়বার “ব্রহ্ম বলুন” এই বলিলেন “আমি নিশ্চয় বলিতেছি, তুমি জানিতে পারিতেছ না যে এই আত্মা উপশাস্ত অর্থাৎ অখণ্ডকরম অদ্বৈত।” (অভিপ্রায় এই যে নির্বিশেষতা হেতু ব্রহ্ম, বাক্য পথের অতীত, বলিবার অযোগ্য, সূত্রাৎ নিকন্তুরতাই তোমার প্রশ্নের প্রকৃত প্রত্যুত্তর)।

শ্রুতিতেও পররূপ প্রতিবেদন পূর্বক ব্রহ্মোপদেশ দেখা যায়, যথা “যাহা জ্ঞেয়, তাহা বলিতেছি। যাহা জানিয়া জীব মুক্তিলাভ করে, তাহাই জ্ঞেয়। জ্ঞেয় পরব্রহ্ম অনাদি। তিনি সং নহেন, অসং নহেন, এইরূপে অতিষ্ঠিত হন। (সং প্রত্যক্ষ ; অসং পরোক্ষ। স্বত্যস্তরে বিশ্বরূপধর নারায়ণ নারদকে বলিতেছেন,—“তুমি যে আমাকে দিব্যগন্ধাদিযুক্ত অর্থাৎ মূর্তি-বিশিষ্ট দেখিতেছ, ইহা মায়। ইহা আমারই সৃষ্ট। (এরূপ—মায়িকরূপ-ধারী) না হইলে আমাকে জানিতে পারিতে না।

৩২।১ সূত্রের অনুবাদ যথা :—যে হেতু আত্মা চৈতন্য স্বরূপ, নির্বিশেষ, বাক্য ও মনের অগোচর ; এবং পররূপ (অনাত্মরূপ) প্রতিবেদন দ্বারা উপদেশ ; সেই হেতু মোক্ষশাস্ত্রে তাঁহার উপাধিকৃত মিথ্যা বিশেষ ভাব-প্রদর্শনার্থ অলসূর্য্যের দৃষ্টান্ত গৃহীত হইয়াছে, যথা :—যক্রূপ এই

জ্যোতির্শ্ময় সূর্য্য এক হইলেও বহু জলপূর্ণ ঘটে প্রতিবিম্বিত হওয়ায় বহু সূর্য্যের জায় হন, তদ্রূপ এই জন্মান্দীরহিত স্বপ্রকাশ আত্মা এক হইলেও মারারূপ উপাধি দ্বাৰা বহুক্ষেত্রে (দেহে) অন্তর্গত হওয়ায় বহুর জায় হইতেছে।” “একটি ভূতাত্মা প্রত্যেক ভিন্ন ভিন্ন ভূতে (দেহে) অবস্থিত হইয়া জলচন্দ্রের জায় (জলে যে চন্দ্রের প্রতিবিম্ব পড়ে, তাহাটী এস্থলে জলচন্দ্র) এক ও বহুপ্রকারে দৃশ্য হন।”

৩।২।১, সূত্রের অন্তর্বাদ :—আত্মাতে জল-সূর্য্যের সাদৃশ্য অর্থাৎ দৃষ্টান্ত সঙ্গত হয় না। কারণ এই যে, সে প্রকারে তাঁহার জ্ঞান হয় না। জল, মূর্ত্ত সূর্য্য ও মূর্ত্ত পদার্থ, পরন্তু সূর্য্যাদি মূর্ত্ত পদার্থ হইতে মূর্ত্ত জল পৃথক্—ও দূর দেশস্থ বলিয়া গৃহীত হয়, (জলকে পৃথক্ ও দূরস্থ বলিয়া জানা যায়) অতএব জলে সূর্য্য প্রতিবিম্বের উদয় সঙ্গত অর্থাৎ বুদ্ধিসিদ্ধ, কিন্তু আত্মা অমূর্ত্ত এবং তাহা হইতে পৃথক্ ও দূরস্থ কোনও উপাধি নাই। না থাকার কারণ, তিনি সর্ব্বগত ও সর্ব্বাভিন্ন। সেই জগুই বলা হইল, আত্মার পক্ষে জল-সূর্য্যের দৃষ্টান্ত অযুক্ত, অর্থাৎ ঐ দৃষ্টান্ত সমদৃষ্টান্ত নহে। বিষম দৃষ্টান্তে অভ্রান্ত অনুমান হয় না। এই আপত্তির সমাধান (২।২।২০ সূত্রের অন্তর্বাদে) :—এই দৃষ্টান্ত জায্য। হেতু এই যে, উক্ত দৃষ্টান্তের বিবক্ষিতাংশ সুসম্বন্ধ, বিবক্ষিতাংশ ব্যতীত দৃষ্টান্তদাঁষ্টান্তিকের সর্ব্বসারূপ্য অর্থাৎ সর্ব্বাংশে সমানতা কদাপি কেহ দেখাইতে পারিবেন না। সর্ব্বাংশে সমান হইলে এক হইয়া যায়, কে দৃষ্টান্ত, কে দাঁষ্টান্তিক, তাহা জানা যায় না। সুতরাং দৃষ্টান্ত দাঁষ্টান্তিকতাব উচ্ছেদ প্রাপ্ত হয়। অপিচ ঐ যে জল সূর্য্যক দৃষ্টান্ত, ঐ দৃষ্টান্ত আমাদের কল্পিত নহে,—উহা শাস্ত্রপ্রণীত। সূত্রে ঐ শাস্ত্র-প্রণীত দৃষ্টান্তের প্রয়োজনমাত্র অভিহিত হইয়াছে। যদি কেহ জিজ্ঞাসা করেন, কোন্ সারূপ্য বিবক্ষিত ? (শাস্ত্র কোন্ অংশ বলিতে ইচ্ছুক ?) সেই জন্ত বলিতেছেন, বুদ্ধিহীন ভাস্করিত্যাদি।

জল বাড়িলে বা বিচ্ছিন্ন হইলে জলস্থ প্রতিবিম্ব বুদ্ধিপ্রাপ্ত হয়, জল

হ্রস্ব বা অল্প হইলে অল্প বা হ্রস্ব হয়, জলের কম্পনে কম্পিত হয় এবং জলের নানাভে নানা দেখায়। এইরূপে সূর্য্য, জল-ধর্ম্মাভূষায়ী, কিন্তু পরমার্থ পক্ষে সূর্য্য যেমন তেমনি থাকেন, উল্লিখিত প্রকারের কোনও প্রকার হন না। এই যেমন দৃষ্টান্ত, তেমনি পরমার্থ পক্ষে ব্রহ্ম এক অবিকৃত ও একরূপ হইলেও দেহাদি উপাধির ক্রোড়গত হওয়ার উপাধি ধর্ম্মের হ্রাসবৃদ্ধাদি প্রাপ্ত এতাবনাত্ত বিবক্ষিত এবং ঐরূপেই দৃষ্টান্তদৃষ্টান্তিকের সামঞ্জস্য হওয়ার অবিরোধ অর্থাৎ অবৈষম্য হয়।”

এবিষয়ে শাক্তর ভাষ্যে বহুল বিচার পরিলক্ষিত হয়। উহার শেষ সার সিদ্ধান্ত এই যে,—শ্রীমৎ শঙ্করাচার্য্য বৃহদারণ্যকের দ্বিতীয় অধ্যায়ের তৃতীয় ব্রাহ্মণের মন্ত্রগুলি উদ্ধৃত করিয়া উক্ত সূত্রের বিচার উপস্থাপিত করিয়া সিদ্ধান্ত করিয়াছেন :—ব্রহ্ম,—বাক্য-মনের অবিষয়, প্রত্যগাত্মা এবং নিত্য শুদ্ধবুদ্ধ মুক্ত। নেতি নেতি দ্বারা ব্রহ্মের নিষেধ হয় না; উহাতে ব্রহ্মের রূপ-প্রপঞ্চের নিষেধ করা হইয়াছে এবং তদ্বারা ব্রহ্মকেই পরিশোধিত করা হইয়াছে। সূত্রদ্বারাও মূর্ত্তামূর্ত্ত-লক্ষণ ব্রহ্মের প্রতিষেধ করা হইয়াছে। “নেতি নেতি” পুনঃ পুনঃ বলার উদ্দেশ্য এই যে, শুদ্ধ ব্রহ্মে যে কিছু উৎপ্রেক্ষিত হয় বা হইতে পারে সে সমস্তই মিথ্যা।

অষ্টম অধ্যায়

নির্নিশেষবাদখণ্ড

শাক্তর ভাষ্যে এইরূপ ব্রহ্মের সত্ত্বা ও সাকারত্ব অস্বীকৃত হইয়াছে। কিন্তু যাহারা প্রণিধান সহকারে বেদান্ত-শাস্ত্রের অন্তস্তলে প্রবেশ করিয়াছেন, তাঁহাদের ধারণা,—প্রকৃত বেদান্ত সিদ্ধান্ত, শাক্তরভাষ্যের এই সকল সিদ্ধান্তের

বিপর্যায়। মহর্ষি বেদব্যাস বেদের বিভাগকর্তা, স্বয়ং বেদান্তসূত্র-প্রণেতা। মহাভারত ও শ্রীমদ্ভাগবত প্রভৃতি পুরাণে তিনি যে ব্রহ্মতত্ত্ব প্রকাশ করিয়াছেন, তাহাতে জানা যায়, পরব্রহ্ম গুণবর্জিত নহেন,—প্রত্যুত অশেষ-কল্যাণ-গুণনিধান, তিনি আকারবর্জিত নহেন—অপর পক্ষে চিত্তাকর্ষী সচ্চিদানন্দ বিগ্রহ,—তিনি রূপবর্জিত নহেন—তাঁহার ভুবন-ভুলানো অপ্রাকৃত রূপচ্ছটায় সমগ্র জগৎ বিমুক্ত; তিনি শব্দবিবর্জিত নহেন—তাঁহার মধুর মুরলীধ্বনির মোহন তানে স্বাবর জঙ্গলায়ক বিশ্ব-প্রকৃতি একবারেই বিমোহিত। সমগ্র প্রকৃতি তাঁহার অশেষ কল্যাণগুণ সমূহের মাহাত্ম্য ঘোষণায় নিমুক্ত এবং তাঁহার অপ্রাকৃত অভৌতিক বিদ্য-রূপের মোহনচ্ছটায় বিমুক্ত ও অভিভূত।

তবে যে নিগূর্ণ, নিরাকার অরূপ প্রভৃতি শব্দে নঞশব্দ প্রযুক্ত হইয়াছে, উহা কেবল প্রাকৃত গুণ, প্রাকৃত আকার ও প্রাকৃত রূপের প্রতিষেধার্থ। যেখানে শ্রুতি অপেক্ষাকৃত স্পষ্টতঃ প্রাকৃত রূপের প্রতিষেধ করিয়াছেন, সেস্থলেরও অর্থ প্রাকৃত রূপের নাস্তিত্ব নহে—প্রাকৃত রূপ যে ব্রহ্মের প্রকৃতরূপ নহে, সে স্থলে ইহাই শ্রুতির প্রতিপাদ্য। শ্রীমৎ শঙ্করাচার্য্য বেদান্তগ্রন্থের ভাষ্যের বহু স্থানেই সগুণ ব্রহ্ম, নিগূর্ণ ব্রহ্ম, সর্বিশেষ ব্রহ্ম, নির্বিশেষ ব্রহ্ম, নিরাকার ব্রহ্ম, সোপাধিক ব্রহ্ম ও নিরূপাধিক ব্রহ্ম ইত্যাদি নামে ব্রহ্মতত্ত্বের বিভাগ করিয়া সর্বভেদ-বিবর্জিত, সর্বগুণ-স্তেরত্বের উপযোগী সর্বলক্ষণপরিশূন্য কেবল জ্ঞানস্বরূপ এক ব্রহ্মবাদের কল্পনা করিয়াছেন। শঙ্করের এই কেবল-অদ্বৈত-ব্রহ্মবাদে যে, শুধু শ্রুতির স্বারসিকী ব্যাখ্যা বিনষ্ট হইয়াছে, তাহা নহে, ইহাতে উপাসকগণের উপাস্তৃত্বেরও কদর্থনা করা হইয়াছে। উপাসকগণ শ্রীভগবানের অশেষকল্যাণগুণের নিত্যতায়, তাঁহার সৌন্দর্য্য-মাধুর্য্যের নিত্যতায়, তাঁহার অচিন্ত্যতকৈশ্বর্য্য শ্রীবিগ্রহের নিত্যতায় বিশ্বাস করিয়া তাঁহার ভজন করেন। শাস্ত্রিক ভাষ্যে এই উপাস্ত্র ব্রহ্মকে

মায়িক, ঔপাধিক, পরিচ্ছিন্ন সূত্রাং অনিত্য বলিয়া কদর্থনা করা হইয়াছে।

শঙ্করের এই কুব্যাখ্যায় বৈষ্ণব, শাক্ত, শৈব, সৌর ও গাণপত্য এই পঞ্চ উপাসক সম্প্রদায়ই ব্যথিত ও মর্মান্বিত হইয়াছেন। বৈষ্ণব সম্প্রদায় হইতেই সর্বপ্রথমে ইহার ঘোরতর প্রতিবাদ হয়। ভগবান্ শ্রীরামানুজ সর্ব প্রথমে মহা আড়ম্বরে বিশিষ্টাদ্বৈতবাদ প্রদর্শন করিয়া এই শাক্তিক সিদ্ধান্ত খণ্ডন করেন। তাহার পরে শ্রীমন্নৃসীচাৰ্য্য একবারেই শঙ্করমতের সম্পূর্ণ বিপরীত তর্ক স্থাপন করিয়া পূর্ণভেদবাদ স্থাপন করেন। শ্রীমন্নৃসীচাৰ্য্য দ্বারা বৈষ্ণবানুপ্রতিষ্ঠিত হয়। বিষ্ণুস্বামী বিশুদ্ধাভেদবাদের প্রতিষ্ঠাতা। বর্তমান সময়ে শ্রীবল্লভাচার্য্য সম্প্রদায় এই মতের পোষক। শ্রীমন্ নিম্বাচাৰ্য্য ভেদাভেদবাদ স্থাপন করিয়া সঞ্জ্ঞ ব্রহ্মবাদেরই সমর্থন করেন। অবশেষে গোড়ায় বৈষ্ণব সম্প্রদায় মায়াবাদ নিরসনপূর্বক শ্রীভগবানের মাধুয্য উপাসনার যে উজ্জ্বলত্ব প্রকাশ করিয়াছেন, তাহা একবারেই অতুলা, তাহা শ্রীরামানুজের বিশিষ্টাদ্বৈত বাদেরই পূর্ণতম ও সম্যক বিকাশ-সাধন করিয়াছে।

গ্রন্থবিস্তার-ভয়ে আমরা অতি সংক্ষেপে শঙ্কর ভাষ্যের নিগূর্ণ ব্রহ্মবাদ বিরুদ্ধে বৈষ্ণব বেদান্ত-ভাষ্যসমূহে লিখিত খণ্ডন-সিদ্ধান্তের আলোচনার প্রবৃত্ত হইতেছি।

শ্রীরামানুজ বলেন—শঙ্কর যেভাবে নিগূর্ণ ব্রহ্মতত্ত্বের আলোচনা করিয়াছেন, তাহা নিতান্তই ভ্রমাত্মক। যাহারা উপনিষৎ-প্রতিপাদ্য পরমপুরুষ শ্রীভগবানের ভজনোপযোগি-গুণপরিশূন্য, যাহাদের বুদ্ধি অনাদি পাপবাসনা বিদূষিত, যাহারা শাস্ত্রীয় পদের স্বরূপ ও বাক্যের স্বরূপ জানেনা, এবং পদবাক্যের প্রকৃত অর্থ বোঝেনা, বিশুদ্ধরূপে বিচার প্রণালী যাহাদের অবিদিত, সত্যনির্ধারণের উপায়-স্বরূপ প্রত্যক্ষাদি ও তজ্জনিত জ্ঞান ও উহার ইতিকর্তব্যতা কিরূপ তাহা যাহাদের অবিদিত,

তাহারাই বিকল্পসহ বিবিধ কুতর্ক-কল্পনার ব্রহ্মতত্ত্বের এই কুব্যাখ্যা করিয়াছে। যাহারা প্রত্যক্ষ অনুমান-প্রভৃতি প্রমাণ সমূহের বার্থ উপায় সম্বন্ধে অবগত, তাহাদের নিকট এই সকল শাক্তিক সিদ্ধান্ত একেবারেই অনাদৃত।

প্রথম কথা এই যে “নির্কিংশেষ বস্তু” প্রমাণ গ্রাহ্যই হইতে পারে না। বস্তু-জ্ঞান-লাভের অল্প প্রমাণের প্রয়োজন। প্রত্যক্ষ অনুমান, উপমান, ও শব্দ এই সকল প্রমাণই প্রমাণের মধ্যে প্রধানতম কিন্তু যাহা নির্কিংশেষ ও নিগূর্ণ নামে কথিত হইয়াছে, তাহা এই সকল প্রমাণের মধ্যে কোন প্রমাণেরই বিষয়ীভূত হইতে পারে না। শ্রীরামানুজ বলেন :—“নির্কিংশেষ-বস্তুবাদিভিনির্কিংশেষবস্তুনি ইদং প্রমাণমিতি ন শক্যতে বক্তৃন্—সবিশেষ বস্তু-বিষয়ত্বাৎ সর্বপ্রমাণানাম্।” অর্থাৎ নির্কিংশেষ বস্তু বিষয়ে “এই প্রমাণ আছে” নির্কিংশেষ বস্তুবাদীরা এ কথাই বলিতে পারে না, কেন না সকল প্রমাণই সবিশেষ-বিষয়াত্মক।

নিগূর্ণের ধারণাটি অসম্ভব। অণু ভিন্ন জ্ঞান হয় না। আমরা যাহা কিছু জানি, তাহার সকলট গুণজ্ঞানের উপর প্রতিষ্ঠিত। এই নিমিত্ত তায় দর্শনে উক্ত হইয়াছে “জ্ঞানম্ সবিশয়কম্”। বিষয়কে আশ্রয় করিয়াই জ্ঞানোদয় হয়। নির্বিষয় জ্ঞান আমাদের ধারণার অতীত, প্রমাণের অতীত। (৭)

(৭) পাশ্চাত্য দার্শনিকগণের মধ্যেও অনেকে স্পষ্টতঃ এই কথার সমর্থন করিয়াছেন। Sully বলেন—

“Thinking means setting and arranging the images of the external world.”

Hamilton বলেন—“To think is to condition.”

Bain বলেন—Abstraction does not properly consist in the mental separation of one property of a thing from

শঙ্কর যে নিরুপাধি ব্রহ্মতত্ত্বের কথা বলেন, সে ব্রহ্ম উপাস্ত্র নহেন, সে ব্রহ্ম জ্ঞেয় নহেন, তাঁহাকে আনিবারও কোন উপায় নাই, বস্তু জ্ঞানের যে সকল প্রমাণ আছে, সে ব্রহ্ম কোনও প্রমাণের বিষয় নহেন, যে সকল লক্ষণে বস্তুতত্ত্বের জ্ঞান অন্নে, সে ব্রহ্ম জ্ঞেয়ত্বের সর্বলক্ষণ-বিবর্জিত। শঙ্করের ব্রহ্ম কেবল নাম মাত্রে পর্য্যবসিত। হারবার্ট স্পেন্সার এই নির্বিশেষ পদম আচার সম্বন্ধে লিখিয়াছেন :—

The second self, originally conceived as equally substantial. Now it is semi-solid, now it is airiform, (বায়ুত্বো নিরাশ্রয়ঃ) now it is ethereal. And this stage finally reached, is one in which there ceases to be ascribed any of the properties by which we know existences ; there remains only the assertion of an existence that is wholly undefined.

Datum of Sociology P. 197.

স্বাত্ত্বভবে নির্বিশেষ অসিদ্ধ :—মায়াবাদীরা বলেন—“নির্বিশেষ ব্রহ্ম, প্রমাণের বিষয় না হইলেও স্বাত্ত্বভবসিদ্ধ।” স্বাত্ত্বভবশব্দের অর্থ স্বীয় অন্তত্ব। এস্থলে জিজ্ঞাস্য এই যে—অন্তত্ব ব্যাপারটা কি ?

the other properties, as in thinking of the roundness of the moon apart from the luminosity and apparent magnitude. Such a separation is impracticable, no one can think of circle without color and a definite size..... Neither can we have a mental conception of any property abstracted from all others, we can not conceive justice except by thinking of just actions. Bain's mental and moral science. P. P. 177—180. এতদ্ব্যতীত পাশ্চাত্যদার্শনিকগণের যি Hobbes, Locke, Berkeley, Hume, Dugald, Stewart, Thomas Brown, Hamilton, Mill প্রভৃতিও এই মতাবলম্বী।

কোন বিষয়কে অবলম্বন না করিলে অনুভবই হয় না। অনুভব, কোন-না-কোন বিষয়-আশ্রয়ী, সবিশেষ। নির্বিশেষ ব্রহ্ম অনুভবের বিষয়ী-ভূত হইতেই পারেন না। অনুভবমাত্রই, বিশেষণবিশিষ্ট বিষয়াত্মক। যাহা কিছু আমাদের চিত্তের অনুভবের বিষয় হয়, তাহাই সবিশেষরূপে উপলব্ধ হয়। সুতরাং নির্বিশেষ স্বীয় অনুভবের বিষয় নহে।

প্রতিপক্ষের স্বীকৃত বিশেষ :—ব্রহ্মের নিত্যত্ব প্রভৃতি অনেক বিশেষ আছে। সে সকল বিশেষ-পরিহারের উপায় নাই। সেই বিশেষকে প্রতিপক্ষীয়েরাও প্রকারান্তরে স্বীকার করেন। এষ্ট সকল বিশেষকে বস্তুমাত্র বলিয়া প্রতিপাদন করা যায়না; বস্তুমাত্র বলিয়া প্রতিপাদন করিতে প্রয়াস পাইলেও উহাতে বহুল প্রকারভেদ পরিলক্ষিত হয়, উহা স্বকীয় মতেরও পোষণ করে না। সুতরাং বস্তু যে প্রমাণসিদ্ধ-বিশেষণ-বিশিষ্ট—ইহা নিশ্চয়।

শব্দপ্রমাণেও নির্বিশেষ অসিদ্ধ :—শব্দপ্রমাণ দ্বারাও নির্বিশেষ বস্তুর প্রমাণ হয় না। পদ ও বাক্যরূপেই শব্দময় শাস্ত্রের প্রয়োগ পরিলক্ষিত হয়। শাস্ত্র,—পদ ও বাক্যের সমষ্টি। এই নিমিত্ত শাস্ত্রও সবিশেষ-বস্তু-প্রতিপাদনেই সমর্থ হয়—নির্বিশেষ বস্তু প্রতিপাদনে শব্দের সামর্থ্য নাই। যেহেতু প্রকৃতি-প্রত্যয়ের যোগে পদরচিত হয়। প্রকৃতি-প্রত্যয়ের অর্থভেদেই পদের বিশিষ্টার্থ প্রতিপাদিত হইয়া থাকে—ইহা অপরিহার্য নিয়ম। অর্থভেদেই পদের পার্থক্য হয়। পদ-সমষ্টরূপ বাক্যে বিশেষ বিশেষ অর্থ উপলব্ধি হয়। সুতরাং শব্দ প্রমাণে কখনও নির্বিশেষ বস্তুর প্রতিপাদন হয় না।

প্রত্যক প্রমাণেও নির্বিশেষ অসিদ্ধ :—প্রত্যক দুই প্রকার ;—সবিকল্পক (Concrete) ও নির্বিকল্পক (Abstract) এই উভয়ই প্রত্যকই নির্বিশেষ বস্তু-প্রতিপাদনে অসমর্থ। সবিকল্পক প্রত্যক—জ্ঞান আদি অনেক পদার্থ-বিশিষ্ট-বিষয়ক। সুতরাং সবিকল্পক প্রত্যক

যে সবিশেষ তাহা বলাই বাহুল্য। কিন্তু নির্বিকল্পক প্রত্যক্ষ ও সবিশেষ বস্তু বিষয়কই বলিতে হইবে ; কেন না নির্বিকল্প প্রত্যক্ষে যে সকল জ্ঞাত্যাদি ধর্ম পদার্থ অনুভূত হয়, সবিকল্পক প্রত্যক্ষ কালে সেই সকলেরই অনুসন্ধান বা স্মৃতি দেখিতে পাওয়া যায়। (৮)

যাহা নির্বিকল্প জ্ঞান নামে কথিত হয় তাহাও সবিকল্প জ্ঞান সাপেক্ষ। বস্তুজ্ঞানের সঙ্গে উহার জ্ঞান আকৃতি ও পরিমাণাদির প্রতীতি হইয়া থাকে,—ইহাই সবিকল্প জ্ঞান। পাশ্চাত্য দর্শনে এইরূপ জ্ঞানই Concrete নামে অভিহিত হয়। (৯)

(৮) শ্রীরামানুজ বলেন :—“নির্বিকল্পকমপি সবিশেষবিষয়মেব, সবিকল্পকে স্বস্মিতভূত পদার্থ বিশিষ্টে প্রতিসন্ধানহেতুহাৎ।”

(৯) Bain তাঁহার Mental and moral science নামক গ্রন্থে প্রায় এইরূপ কথাই লিখিয়াছেন :—

“The forming out of abstract elements, images in the concrete is an application of constructiveness. We may join together size, form & colour into a concrete visible image ; as when we are told to fancy to ourselves a golden ingo of given dimensions. So we conceive a building from its plans, elevations & known material. The facility in such case, depends, for the most part upon the idea of colour. When there is great complication of form, something depends on the muscular retentiveness of the eye. Another case in the conceiving of a country from a map the actual dimensions & the coloury being also given. The mind must endeavour to regain as vividly as possible the memories most nearly corresponding to the prescribed elements, and by a voluntary act hold them in the view till they fuse into a concrete, and

নির্বিবকল্পজ্ঞান—কোন কোন বিশেষণ-রহিত জ্ঞান—কিন্তু উহা সর্ববিশেষণ-রহিত নহে। সেরূপ জ্ঞান সম্ভবপরও নহে। তাই শ্রীরামানুজ লিখিয়াছেন :—

“নির্বিবকল্পকং নাম কেনচিদ্বিশেষণে বিযুক্তস্য গ্রহণম্, ন সর্ববিশেষ-
বিযুক্তস্য। তথাভূতস্য কদাচিদপি গ্রহণাদর্শনাৎ—অনুপপত্তেচ্চ। .

শ্রীপাদ রামানুজ এষ্ট সকল যুক্তিবলে সিদ্ধান্ত করিয়াছেন,—প্রত্যক্ষ কেবল সবিকল্পই হইতে পারে, কিন্তু নির্বিবকল্প প্রত্যক্ষ কেবল নামমাত্র। অবিকল্প প্রত্যক্ষের কোন কোন বিশেষণ নির্বিবকল্প প্রত্যক্ষে না থাকিলেও উহা আপনার অসাধারণ স্বভাববলেই সবিকল্প হইয়া পড়ে। তাই শ্রীরামানুজ লিখিয়াছেন :—

“অতঃ প্রত্যক্ষস্য কদাচিদপি ন নির্বিশেষ-বিষয়ত্বম্।”

তিনি অতঃপরে প্রতিপন্ন করিয়াছেন—অনুমান প্রমাণেও নির্বিশেষ বস্তু প্রতিপন্ন হয় না। অনুমান জ্ঞানও সবিসয়াত্মক। প্রত্যক্ষ সবিশেষ-বিষয়াত্মক; অনুমানও প্রত্যক্ষাদিদৃষ্টবিষয়-সম্বন্ধের উপরেই স্থাপিত। অর্থাৎ অনুমানও প্রত্যক্ষমূলক, প্রত্যক্ষ ভিন্ন অনুমানজ্ঞান সিদ্ধ হয় না, সুতরাং অনুমানও সবিশেষবিষয়াত্মক। প্রত্যক্ষ অনুমান ও শব্দ এই তিন প্রমাণই সর্বজন-স্বীকার্য। সবিসয়ত্বই এষ্ট ত্রিবিধ প্রমাণের বিষয়। কোনও প্রমাণে নির্বিশেষবাদ স্থাপিত হইতে পারে না। যিনি বস্তুগত স্বভাববিশেষের কথা তুলিয়া নির্বিশেষত্ব স্থাপন করিতে চাহেন, তাঁহার প্রয়াস—“আমার মাতা বক্সা” এষ্ট উক্তির স্থায় স্বীয় বাক্যবিরোধী।

নির্বিশেষবাদীর একমাত্র প্রমাণ শ্রোতবাক্য। কিন্তু পূর্বেই প্রদর্শিত

strike out & insert portions, till it suit the elements given. It is substantially the same operation to picture to ourselves minerals, plants & animals, from their descriptions, with or without the aid of drawings.

হইয়াছে যে, নির্বিশেষবাদীর মতে শ্রুতিবাক্যও প্রমাণ বলিয়া গৃহীত হইতে পারে না। যাহাই হউক, তথাপি তাঁহারা কতিপয় বেদান্ত বাক্যকে একবারেই নির্বিশেষ-চিদেকরম বস্তু-প্রতিপাদক বলিয়া হিরসিকান্ত করিয়াছেন। সেই সকল বেদান্ত বাক্যের প্রায় সকলগুলিই পূর্বে উদ্ধৃত হইয়াছে।

১। নির্বিশেষবাদীরা—“সদেব সৌম্যোদমগ্র আসীৎ” এই বেদান্ত বাক্যটিকে নির্বিশেষবস্তু-প্রতিপাদক বলিয়া নির্দেশ করেন, কিন্তু ইহা একবারেই যুক্তি-বিরুদ্ধ। ছান্দোগ্য উপনিষদ্ পাঠে জানা যায়, শ্রুতি এই মন্ত্রটী প্রকাশ করার পূর্বে এক বিজ্ঞানের দ্বারা সর্ববিজ্ঞান প্রতিজ্ঞা করিয়া উক্ত প্রতিজ্ঞা-প্রতিপাদনের নিমিত্ত সংপদবাচ্য পরব্রহ্মের জগৎপাদান, জগন্নিমিত্ত, সর্বচ্ছতা, সর্বশক্তিযোগ, সত্যসঙ্কল্পত্ব, সর্বাস্তরত্ব, সর্বাধারতা, সর্বানয়ন—ইত্যাদি অনেক কল্যাণগুণবিশিষ্টতা এবং সমস্ত জগতের ব্রহ্মাত্মকতা প্রতিপাদন করিয়া বলিয়াছেন—হে শ্বেতকেতো, “তুমি এবংমুত ব্রহ্মাত্মক। (তত্ত্বমসি শ্বেতকেতো!)।” ভগবান্ শ্রীরামানুজ বেদার্থ-সংগ্রহ গ্রন্থে এই অর্থ বিস্তারিতরূপে বিবৃত করিয়াছেন। ব্রহ্মসূত্রের ২।১।১৪ সূত্রের শ্রীভাষ্যেও শ্রীমৎ রামানুজ এসম্বন্ধে সুবিস্তৃত আলোচনা করিয়াছেন।

২। “অথ পরা যরা তদক্ষরমধিগম্যতে”—মুঃ ১।১।৫, অর্থাৎ অনন্তর পরা বিদ্যা কথিত হইতেছে, যাহাধারা সেই অক্ষর ব্রহ্মকে লাভ করা যায়। এই শ্রুতিতে পরব্রহ্ম সম্বন্ধে প্রাকৃত হেয় গুণগণের প্রতিষেধ করিয়া নিত্যত্ব, বিভূত্ব, সূক্ষ্মত্ব, সর্বগতত্ব, অব্যয়ত্ব, সর্বভূত-কারণত্ব এবং সর্বচ্ছত্ব, প্রভৃতি শুভ গুণসমূহের যোগই প্রতিপাদিত হইয়াছে।

৩। “সত্যং জ্ঞানং অনন্তং ব্রহ্ম”—তৈঃ ২।১।১—“ব্রহ্ম সত্যজ্ঞান ও অনন্তস্বরূপ।” এই শ্রুতিদ্বারাও নির্বিশেষ বস্তু সিদ্ধ হয়না। “সত্যং জ্ঞানং অনন্তম্” এই তিনটি পদ ব্রহ্মেরই বিশেষণ। সামানাধিকরণ্যে এই

তিনটা বিশেষণ এক ব্রহ্মেরই বিশেষণ-ছোতক ভাবে ব্যবহৃত হইয়াছে। বিভিন্ননাম-প্রযোজ্য শব্দসমূহ যেস্থলে একার্থের ছোতক হয়, সেই স্থলেই সামানাধিকরণ্য হইয়া থাকে। এস্থলে সত্যম্, জ্ঞানম্, অনন্তম্—এই তিনটা পদই প্রবৃত্তি-নিমিত্তভেদবিশিষ্ট অর্থাৎ সত্যশব্দের অর্থ, জ্ঞান শব্দের অর্থ ও অনন্ত শব্দের অর্থ এক নহে, কিন্তু এই ভিন্নার্থ পদগুলি এক ব্রহ্মেরই ছোতক। এইরূপস্থলে বিশেষণবিশিষ্টতা-হেতু এই শ্রুতি ব্রহ্মের সবিশেষতাই প্রদর্শন করিতেছেন।

৪। “একমেবাদ্বিতীয়ম্”—এই শ্রুতিটিও নিরীক্শেষবাদীদের অদলম্বন। কিন্তু ইহাতেও তাঁহাদের অর্থোপলক্ষির ভ্রান্তিমাত্রই দৃষ্ট হয়। এই শ্রুতির অর্থ এই যে, এক ব্রহ্মভিন্ন জগৎ-নির্মাণের আর দ্বিতীয় কর্তা নাহি জগতের অধিষ্ঠাতা নাহি, তিনিই বিচিত্র শক্তিযোগে এই জগৎ সৃষ্টি করিয়াছেন। ইহা দ্বারা তাঁহারই বিচিত্র শক্তি-যোগের প্রমাণ পাওয়া যাইতেছে। শ্রুতি বলেন—(১) “তদৈক্ষত বহুস্যাং প্রজায়েয়” (২) “তৎ তেজোহসৃজত”— ইত্যাদি শ্রুতি ব্রহ্মের বিচিত্র শক্তি-যোগেরই পরিচয় প্রদান করিতেছেন। শ্রীমৎ শঙ্করাচার্য্যও ব্রহ্মসীমাংসার ২।১।২৪ সূত্র ভাষ্যে এই বিচিত্রশক্তি-সংযোগ স্বীকার করিয়াছেন, যথা :—পরিপূর্ণশক্তিকন্তু ব্রহ্ম, ন তস্মাত্তেন কেনচিৎ পূর্ণতা সম্পাদয়িতব্য। শ্রুতিশ্চ তত্র শুভতি :—

ন তস্মাৎ কার্য্যং করণঞ্চ বিদ্যতে
ন তৎ সমশ্চাত্ত্যধিকশ্চ দৃশ্যতে ।
পরাস্মাৎ শক্তির্বহুধৈব শ্রয়তে
স্বাভাবিকী জ্ঞানবলক্রিয়া চ ॥

তস্মাদেকস্মাপি ব্রহ্মণো বিচিত্রশক্তিযোগাৎ ক্ষীরাদিবৎ বিচিত্র পরিণাম উপপদ্যতে ।

এক দ্বিতীয় রহিত অসহায়বান্ ব্রহ্মই যে এই জগতের কর্তা, “এক-

মেবাদ্বিতীয়ম্” এই শ্রুতি দ্বারা তাহাটী সপ্রমাণ হইয়াছে। এই শ্রুতিও নির্বিশেষতাচ্যোতক নহে।

৫। নির্বিশেষবাদীদের আর একটি শ্রুতি এই :—

(ক) নিষ্কলং নিষ্ক্রিয়ং শাস্তং নিরবচ্যং নিরঞ্জনম্।

(খ) দিব্যো হৃতিঃ পুরুষঃ সবাহ্যভ্যহুরো হৃৎস্বঃ ॥

ঐহারা বলেন, এই সকল শ্রুতিদ্বারা ব্রহ্মের সাবয়বত্ব নিরাস হইয়াছে ; ব্রহ্মের অবয়বস্বীকারে ব্রহ্মে অনিত্যতা দোষের আরোপ হয়।” এই সকল কুল্ক-প্রশমন করার জন্ম বৈষ্ণবভাষ্যকারগণ বলেন,—প্রাকৃতগুণ, প্রাকৃতরূপ, প্রাকৃতমূর্তি প্রভৃতি প্রতিষেধের জন্মই এই নঞ-প্রযুক্ত বিশেষণ গুলির ব্যবহার হইয়াছে। ঐহাতে ব্রহ্মের অপ্রাকৃত গুণ, অপ্রাকৃত অবয়ব, অপ্রাকৃতরূপ ও অপ্রাকৃতমূর্তির নিষেধ করা হয় নাই। ঐহার অপ্রাকৃতরূপ অবয়ব ও মূর্তি প্রভৃতি যে নিত্য শাসিত ও হানোপাদান-বর্জিত—তাহার শাস্ত্রীয় প্রমাণও স্থানান্তরে যথেষ্ট প্রদত্ত হইয়াছে।

৬। কোন কোন শ্রুতি-পাঠে মনে হয়, ব্রহ্ম বৃষ্টি জ্ঞান-স্বরূপ ; কিন্তু ঐহাতে এমন বৃষ্টিতে হইবে না যে—ব্রহ্ম নির্বিশেষ, নিগুণ ও নিরবয়ব। কেন না—জ্ঞাতাই জ্ঞানস্বরূপ। মণি, সূর্য্য ও দীপাদি যেমন প্রকাশময় হইরাও প্রকাশ গুণবিশিষ্ট, সেই ব্রহ্ম স্বয়ং জ্ঞান স্বরূপ হইয়াও জ্ঞানগুণের আশ্রয়। জ্ঞান ঐহার গুণ, তিনি জ্ঞানগুণে গুণী। সুতরাং তিনি নিগুণ বা নির্বিশেষ নহেন। নিম্ন লিখিত শ্রুতিগুলি ঐহার জ্ঞাত্ব-গুণই প্রকাশ করেন, তদ্ যথা :—

(ক) যঃ সর্বজ্ঞঃ সর্ববিৎ—(মুণ্ডক ১।১.২) যিনি সর্বজ্ঞ ও সর্ববেত্তা।

(খ) তদৈক্ষত—সেয়ম্ দেবতৈক্ষত—(ছান্দ ৩।৩।২ তিনি দর্শন করিয়াছিলেন—ইত্যাদি।

(গ) স ঐক্ষত লোকাননৃশ্জা—ইতি (ঐত ১।১) লোকসমূহ সৃষ্টি করিব, তিনি এইরূপ আলোচনা করিয়াছিলেন।

(ষ) নিত্যো নিত্যানাং চেতনশ্চেতনানাং একো বহুনাং যো বিদধাতি
কামান্—(কঠ ২।৫।১৩) যিনি নিত্যের নিত্য, চেতনের চেতন, বহুর
মধ্যে একরূপে অবস্থান করিয়া জীবের কামনা সম্পাদন করেন ।

(ঙ) জাজ্ঞৌ স্বাবজাবীশানীশৌ—(শ্বেতশ্ব ১।৩) একটি জ্ঞানী,
অপরটা অজ্ঞ, একটি ঈশ্বর অপরটা অনীশ্বর ।

(চ) তমীশ্বরগাং পরমং মহেশ্বরং তং দেবতানাং পরমঞ্চ দৈবতম্ ।

পতিং পতীনাং পরস্তাং বিদাম দেবং ভুবনেশরমীড়্যম্ ॥ শ্বেতা ৩।৭

যিনি ঈশ্বরগণের পরম মহেশ্বর, যিনি দেবতাগণের পরমদেবতা, যিনি
পতিগণের পরম পতি ;—সেই শুভনায় ভুবনেশ্বরকে আমরা উপাসনা
করি ।

(ছ) ন তস্ম কাৰ্য্যং করণঞ্চ বিদ্বতে—ইত্যাদি । তাঁহার কাৰ্য্য নাই ।

করণ নাই, তাঁহার সমান কেহ নাই । তাঁহা অপেক্ষা অধিক কেহ
নাই, তাঁহার বহুশক্তির স্বাভাবিক জ্ঞান বলক্রিয়ার কথা শুনা যায় ।

(জ) এষ আত্মা অপহৃতপাপুা বিজরো বিমৃত্যাবিশোকো বিজিঘৎ-
সোহপিপাসঃ সত্যকামঃ সত্যসঙ্কল্পঃ । (ছান্দো—৮।১৫)

এই আত্মা পাপরহিত অরামৃত্য শোক ক্ষুধা ও পিপাসাশূন্য তিনি সত্য
কাম ও সত্য সঙ্কল্প ।

জ্ঞানস্বরূপ ব্রহ্মের এই সকল জাতৃত্ব-প্রভৃতি কল্যাণ গুণ,—স্বাভাবিক,
তিনি সমস্ত হেয়গুণবিবর্জিত—এই সকল শক্তি স্পষ্টতঃই এইরূপ
কথা বলিতেছেন । সূত্রাং ব্রহ্ম নির্বিশেষ নহেন । সঙ্গুণ ও নিগুণ
শক্তির কোন বিরোধ নাই । যেখানে নিগুণের উল্লেখ আছে, সে স্থলে
শক্তি ব্রহ্মের হেয়-গুণ-পরিহারের উপদেশ করিয়াছেন ; আবার অন্তত
কল্যাণ গুণের কথা প্রকাশ করিয়াছেন । সূত্রাং শব্দ এই দুইয়ের মধ্যে
বিরোধ দেখাইয়া ব্রহ্মসূত্র ভাষ্যে সবিশেষ শক্তিগুলিকে ঔপাধিক বলিয়া
নিগুণ নির্বিশেষ ব্রহ্মবাদের দ্যোতক স্থির করিয়াছেন, ইহা অসম্ভব ।

তৈত্তিরীয় উপনিষদে “ভীষাস্বাদ্বাতঃ পবতে” অর্থাৎ ইহার ভয়ে বায়ু প্রবাহিত হয়—ইত্যাদি হইতে আরম্ভ করিয়া “আনন্দ-ব্রহ্মণো বিদ্বান্” পর্য্যন্ত ব্রহ্মের অশেষ কল্যাণ-গুণ রাশিই প্রকটন করিয়াছেন। সুতরাং ব্রহ্মকে নিঃশূন্য নির্বিশেষ বলা—অশাস্ত্রীয় ও অযৌক্তিক।

৭। “সোহশ্রুতে সর্কান্ কামান্ সহ ব্রহ্মণা বিপশ্চিতা” তৈঃ ১।২ সেই ব্রহ্মজ্ঞ পুরুষ বিশেষজ্ঞ ব্রহ্মসহ সকল কাম্যফল ভোগ করেন। ব্রহ্ম-জ্ঞানের ফল বোধক এই শ্রুতি-বাক্যও পরব্রহ্মের অনন্ত গুণই প্রকাশ করিতেছেন। ফলতঃ গুণবজ্জিত বস্তু কখনও উপাস্ত হইতে পারেন না।

৮। নির্বিশেষবাদীরা আর একটি শ্রুতি অবলম্বন করিয়া স্বীয় মত পোষণ করেন। যথা—“যশ্চামতং তশ্চামতমিত্যাদি—ব্রহ্ম একবারেই জ্ঞানের ১৪ধর নহেন, যদি তাহাই হয়, তবে “ব্রহ্মবিদ্ আপ্নোতি পরম্” (তৈঃ আঃ ১।১) “ব্রহ্মবিদ্ ব্রহ্মেব ভবতি” (মুণ্ড ৩।২।৯) তাহা হইলে এই দুই শ্রুতিও অর্থহীন হইয়া পড়ে। অপিচ ব্রহ্মজ্ঞানদ্বারা যে মোক্ষ উপদেশের উল্লেখ আছে, সে উপদেশের কোনও মূল্য থাকে না।

অসম্ভেদ স ভবতি অসদ্ ব্রহ্মেতি বেদ চৈৎ ।

অস্তি ব্রহ্মেতি চেদ্ বেদ সন্তমেনং ততো বিদুঃ ॥ তৈত্তিরি় আঃ ৩।১

অর্থাৎ কেহ যদি ব্রহ্মকে অসৎ বলিয়া মনে করেন, তবে তাহার কপায় সে নিঃশূন্যই অস্তিত্বহীন হইয়া পড়ে, আবার যিনি ব্রহ্মকে সৎ বলিয়া জানেন তাহা হইলেও জ্ঞাতারই অস্তিত্ব বজ্জার থাকে। এই শ্রুতিতে ব্রহ্মজ্ঞানের অভাবে আত্ম বিনাশ ও ব্রহ্মজ্ঞানের আত্মসত্যাবের উপদেশ প্রদত্ত হইয়াছে। শ্রুতি সমূহ মোক্ষের অর্থ ব্রহ্মজ্ঞানের উপদেশ করিয়াছেন। জ্ঞান উপাসনাত্মক এবং উপাস্ত ব্রহ্ম সগুণ। নির্বিশেষ ব্রহ্ম যেমন জ্ঞানের বিষয় নহেন, তেমনি প্রমাণ বা উপাসনার বিষয় নহেন। ফলতঃ নির্বিশেষ ব্রহ্ম একটা কথা মাত্র।

৯। “যতো বাচো নিবর্তন্তে অপ্রাণা মনসা সহ” ইহাতে ব্রহ্ম যে জ্ঞানের বিষয় নহেন, এরূপ কথা বলা হয় নাই। বাক্য ও মন যে অপরিমিত গুণ সম্বন্ধে ব্রহ্মের ইয়ত্তা করিতে পারে না, ইহাই বলা হইয়াছে। বেদান্ত সূত্রের ৩২।২২ সূত্রের ব্যাখ্যাও এইরূপ। শ্রীমদ্ভাগবতের দশম স্কন্ধে ব্রহ্ম স্তুতিতে স্বয়ং বেদব্যাস বহু শ্লোকে এই সূত্রের প্রকৃত ভাষ্য করিয়া বুঝাইয়াছেন যে, ব্রহ্মের মহিমা ও গুণের ইয়ত্তা করা যায় না, এই অর্থেই তিনি বাক্যমনের অগোচর বলিয়া শ্রুতিতে বর্ণিত হইয়াছেন।

১০। “ন দৃষ্টেদ্রষ্টারং ন মতেমর্ত্যারম্” (বৃঃ ৫।৪।২) অর্থাৎ দৃষ্টের সাক্ষী ও মতির মস্তাকে জানা যায় না ইহার অর্থ এই যে কুতাকিকের কথায় কেহ যেন আত্মাকে অজ্ঞানরূপ মনে করিয়া সেই ভাবেই আত্মাকে দর্শন ও মনন না করেন। পরন্তু আত্মা স্বয়ং দ্রষ্টা ও মস্তা হইলেও তাঁতাকে দৃষ্টি ও মতিক্রমেই অসম্ভব করিবে ; ইহাটী শ্রুতির অভিপ্রায়।

১১। “আনন্দং ব্রহ্ম” তৈত্তিরীয় উপনিষদের এই শ্রুতিটীও নির্বিশেষবাদীরা স্বীয় মত পোষণের অল্প প্রমাণ রূপে গ্রহণ করেন। ব্রহ্ম জ্ঞানস্বরূপ হইয়াও যেমন জ্ঞাতরূপেই প্রসিদ্ধ, সেইরূপ ব্রহ্ম, আনন্দ হইয়াও আনন্দময় ও অনাদি। সূত্রাং সবিশেষতাই যে শ্রুতিরও বিষয় তাহাতে সন্দেহ নাই।

১২। এই প্রসঙ্গের “যত্র হি দ্বৈতমিব ভবতি,” নেহ নানাস্তি কিঞ্চন,” “মৃত্যোঃ সমৃত্যামাপ্নোতি, “তৎ কেন বা কং পশ্যেৎ” ইত্যাদি যে সকল শ্রুতি নির্বিশেষ বাদীদের অবলম্বন বলিয়া উদ্ধৃত করা হইয়াছে, ঐ সকল শ্রুতি প্রকৃত পক্ষে নির্বিশেষ বাদের সমর্থন নহে, পরন্তু সবিশেষ বাদেরই সমর্থক। উহাদের তাৎপর্য্য এই যে, সমগ্র জগৎ ব্রহ্মেরই কার্য্য— ব্রহ্মই জগতের অন্তর্য্যামা। ইহাতে ব্রহ্ম ও জগতের মধ্যে বাস্তবিকই ঐক্য রহিয়াছে। এই সকল শ্রুতিদ্বারা সেই ঐক্যেরে প্রতিকূল নানাস্ব প্রতিষিদ্ধ হইয়াছে। কিন্তু ব্রহ্ম নিজেই যখন বলিয়াছেন—“একো বহু

স্মাং” আমি এক হইয়াও বহু হইব, এইরূপ শ্রুতিসিদ্ধ ব্রহ্মের বহুত্ব শ্রুতি-
সিদ্ধ হয় নাই। কেহ যদি বলেন যে, শ্রুতিগণ যখন ব্রহ্মের নানাত্ব প্রতি-
বেধ করেন, তখন “বহুস্মাম্” শ্রুতিটি অপারমার্থিক অর্থাৎ উহা পরমার্থ
বিষয়ক নহে; এরূপ অর্থ অসঙ্গত। কেননা—ব্রহ্মের বহুরূপ ধারণ
প্রত্যক্ষান্ধি অপর কোনও প্রমাণের বিষয় নহে, উহা অতি ছুর্বেধ। শ্রুতি
এই দুঃস্থের তত্ত্বের উপদেশ দিয়া আবার নিজেই উহার প্রতিবেধ করি-
বৈন—ইহা উপহাসাম্পদ।

১৩। ব্রহ্ম সূত্রের তৃতীয় অধ্যায়ের দ্বিতীয় পাদের ১১ সূত্র হইতে
উক্ত পাদের ২২ সূত্র পর্যন্ত শঙ্কর ভাষ্য উদ্ধৃত করা হইয়াছে। ঐ সকল
সূত্রভাষ্য শঙ্কর নির্বিশেষত্ব প্রতিপাদন করার জন্যই সূত্র ও বেদান্ত
বাক্যের কাল্পনিক ভাষ্য করিয়াছেন। শ্রীমৎ শঙ্করাচার্য্য বহুস্থানেই সবি-
শেষত্ব প্রতিপাদক শ্রুতি উদ্ধৃত করিয়াছেন। প্রথম পাদের প্রথম অধ্যা-
য়ের ৭র্থ ও ১১শ সূত্রের ভাষ্যে দ্বিতীয় অধ্যায়ের প্রথম পাদের ২৬।২৮।২৯
৩০।৩১ সূত্রভাষ্যে শঙ্কর ব্রহ্মের বিরূপত্বের উল্লেখ করিয়াছেন। সে সকল
সূত্র পাঠ করিলে আপাততঃ মনে হয় তিনি যেন বিরূপ শ্রুতিরই
সমর্থক; কিন্তু বাস্তবিক তাহা নহে। তিনি বিরূপ শ্রুতির উল্লেখ
করিয়া স্থানমত বাদিনিরাসের সুবিধা করিয়া লইয়াছেন কিন্তু অবশেষে
শ্রুতীয় কল্পনায় স বিশেষ শ্রুতিগুলিকে অবিছাবিলসিত উপাধিক বা
নামিক বলিয়া অপারমার্থবিষয়ক বলিয়া তুচ্ছ করিয়াছেন। ব্রহ্মের সবি-
শেষত্ব স্বাকার না করিলে, তাঁহার জগৎ কত্ব ও জগন্নিয়ন্ত্ব প্রভৃতি
অসম্ভব হইয়া উঠে। শঙ্কর যে কঠোপনিষদ হইতে “অশকমস্পর্শমরূপ-
মব্যয়ম্” মন্ত্র উদ্ধৃত করিয়া ব্রহ্মকে নির্বিশেষ বলিতে চাহেন, সেই কঠোপ-
নিষদেই ব্রহ্মের স বিশেষত্ব প্রতিপাদক শ্রুতি আছে, যথা—“আসীনো
দূরং ব্রহ্মতি, শয়ানো যতি সর্বতঃ”। এই শ্রুতি অগ্রাহ্য করার কোন
হেতু নাই। অপিচ, স্বয়ং বেদব্যাস ব্রহ্মসূত্রের প্রথম ও দ্বিতীয় অধ্যায়ে

ব্রহ্মের সগুণত্ব প্রতিপাদক যে সকল সূত্র করিয়াছেন, শঙ্কর সে সকল সূত্রের কোনও প্রতিবাদ করেন নাই। অপরগকে অগুণত্ব প্রতিপাদক বেদান্তবাক্য উদ্ধৃত করিয়া ঐ সকল সূত্রের সমর্থনই করিয়াছেন। ভগবান্ বাদরায়ণ দ্বিতীয় অব্যায়ের প্রথম ও দ্বিতীয় পাতে ব্রহ্মের কর্তৃত্ব সম্বন্ধে যে সকল সূত্র করিয়াছেন ; আচার্য্য শঙ্কর তাহারও কোনও প্রতিবাদ করেন নাই।

১৪। “ন হানতোহপি পরশ্চ উভয়লিঙ্গং সৰ্বত্র হি”—২।২।১ এই ব্রহ্ম সূত্রের ভাষ্যে ভগবান্ শ্রীরামানুজাচার্য্য লিখিয়াছেন ; শ্রুতি স্মৃতিতে পদ-ব্রহ্মকে উভয় লিঙ্গাত্মক বলা হইয়াছে “অপহতপাপ্যা বিজয়ো বিমৃত্যুঃ” ইত্যাদি বৃহদারণ্যক শ্রুতিতে ব্রহ্মের নিরন্ত-নিখিল-দোষত্ব এবং “সমস্ত কল্যাণগুণাত্মকোহসৌ, স্বশক্তিলেশাদুভসর্গঃ” (বিষ্ণুঃ পুঃ ৬।৫।১৭) “তেজোব.গর্শ্বামহাববোধসুবীৰ্য্যশক্ত্যাদিগুণৈকরাশিঃ” বিষ্ণু পুরাণের এই দুই পদে অতিস্পষ্টতঃ ঠাঁহার অশেষ কল্যাণগুণত্ব ধ্বনিত হইয়াছে।

১৫। এতদ্ব্যতীত “পরঃ পরাণাং সকলা ন যত্র ক্লেশাদয়ঃ সস্ত পরাহবরেশে” (বিষ্ণুঃ পুঃ ১।২।৫) “সমস্তহেররহিতং বিষ্ণুখ্যাং পরমং পদম্।” ইত্যাদি শ্রুতি স্মৃতিবাক্যে ব্রহ্ম যে উভয় লিঙ্গাত্মক, তাহা স্পষ্টতঃ স্মৃচিত হইয়াছে।

১৬। “অরূপবদেব হি তৎ প্রাধান্ত্বাৎ (৩।২।১৪) এই বেদান্ত সূত্রের অর্থ এই যে, জীবের জায় শরীরত্বনিবন্ধন ধর্মবশত্ব পরম ব্রহ্মের নাই, কিন্তু ইহাতে ঠাঁহার সচ্চিদানন্দবিগ্রহত্বের বাধকতা হয় না।

১৭। ইহার পরের সূত্রের ভাষ্যে শ্রীরামানুজ বলিয়াছেন, ব্রহ্মকে নির্বিশেষ বলিলে—“সত্যং জ্ঞানং অনন্তং ব্রহ্ম” ইত্যাদি বাক্যের অবৈয়র্থকত্ব হেতু ব্রহ্মের প্রকাশরূপত্ব উপলব্ধি হয়। এতদ্ব্যতীত বহু বেদান্ত বাক্যই ব্রহ্মের সত্য সঙ্গত্ব, সর্বস্বত্ব, অগৎ কারণত্ব, সর্বাশ্রয়ত্ব, নিরন্তনিখিল-অবিজ্ঞা বিদোষত্ব গুণের উল্লেখ আছে। ব্রহ্মকে নিগুণ, নির্বিশেষ নিরবয়ব ইত্যাদি

ভাবে নির্দিষ্ট করিলে ঐ সকল শ্রুতি একবারেই উন্নত প্রমাণের দ্বারা অর্থহান হইয়া পড়ে। ব্রহ্মকে সগুণ বলিয়া আবার তাঁহাকে নিগুণ বলিয়া পারমার্থিক ভাবে শেষ মানাংসা করা শ্রুতির অভিপ্রায় নহে। শ্রুতিতে একবারেই তাহার প্রমাণাভাব ; উহা কেবল মায়াবাদি-গুরুর স্বমতপোষণেরনিমিত্ত স্বকপোল-কল্পিত অসং সিদ্ধান্ত। বেদ-বেদান্তের অভিপ্রায় সর্বথা উহার প্রতিকূল। বেদান্তের “প্রকৃতে তাবদ্ব্যং প্রতিষেধতি” ইত্যাদি সূত্রে ব্রহ্মের ইন্দ্রভারতী প্রতিষেধ করা হইয়াছে, তাঁহার সবিশেষত্ব পৃথক কপাদির প্রতিষেধ করা হয় নাই।

“নেতি নেতি” বাক্যদ্বারা এই ব্রহ্মাতিরিক্ত যে অল্প পদার্থ নাই, ব্রহ্ম হইতে স্বরূপতঃ গুণতঃ যে অল্প বস্তু নাই—ইহাই এই শ্রুতির দ্বারা বলা হইয়াছে। এই গুণটী ব্রহ্মকে নিত্য সমূহের মধ্যে নিগুণ বলিয়া নির্ণীত করা হইয়াছে। শ্রুতিতে বলা হইয়াছে প্রাণা বৈ সগুণং তেষামেব সত্যম্।” মন্বাচার্য্য ও নিম্বাদিত্য প্রভৃতি বৈষ্ণব বেদান্তাচার্য্যগণ এই সকল যুক্তি বিবৃত করিয়া শ্রুতির অর্থাপত্তি ও স্বাংশ বজায় রাখিয়া শঙ্করের নিকির্শেষবাদ গণ্ডন করিয়াছেন।

নবম অধ্যায়

নিরাকারবাদখণ্ডন

উপাসকসম্প্রদায়ের মধ্যে কোন কোন সম্প্রদায় সাকারবাদ স্বীকার করেন না। তাঁহাদের মতে নিরাকার পদার্থের আকার ধারণ করা অসম্ভব। ইহার উত্তরে আমরা বলি যে, আপনাদের নিরাকারকে ধারণা করাই একেবারে অসম্ভব। কেননা, “অদৃশ্যে ধারণা নাশি” বাহার আকার নাই,

তাহার ধারণাই করা যায়না। আকার ব্যতীত কিছুই জ্ঞানের বিষয়ীভূত হয় না। জ্ঞানমাত্রই সবিষয়ক। নির্বিষয়ক জ্ঞানের প্রমাণ নাই। যাহা জ্ঞানের বিষয়ীভূত হয়, তাহাই আকারিত হয়। Hamilton বলেন, To think is to condition অর্থাৎ আপনি যাহা কিছু চিন্তা করিবেন, তাহাই কোন না কোন অবস্থায় আকারে আকারিত হইয়া আপনার জ্ঞানের নিকটে উপস্থাপিত হইবে।

পাশ্চাত্যে দার্শনিক Sully বলেন—Thinking means sorting and arranging the images of the external worlds. অর্থাৎ চিন্তা করা অর্থ এই যে, বাহ্য জগতের চিত্রগুলিকে চিত্তপটে যথাবিধিভাবে বিভাজিত করা। বাহ্য জগতের চিত্র ভিন্ন চিন্তা বা জ্ঞানের আর কোনও বিষয় নাই। শঙ্করের নিঃশূন্য ব্রহ্মজ্ঞানের অর্থ যে প্রায় শূন্যবাদ তাহা আমরা ইতঃপূর্বেই বলিয়াছি। পাশ্চাত্য দার্শনিক Mansel বলেন—Our conception of the deity is bounded by the conditions which bound all human knowledge and therefore we cannot represent the deity as he is but as he appears to us. Metaphysics, P. 384

অর্থাৎ মানুষের জ্ঞানমাত্রই সঙ্গুণ, ঈশ্বর সম্বন্ধে আমরা যে ধারণা করি, তাহাও সঙ্গুণত্বপরিচ্ছিন্ন, সুতরাং ঈশ্বর প্রকৃত কেমন, আমরা তাহা জানিতে পারি না, আমাদের ধারণার নিকট ঈশ্বর যেমন উপস্থাপিত হইলেন, আমরা তাঁহাকে সেইরূপ জানিতে পারি। শ্রীমদ্ভাগবতে বহুশত বর্ষপূর্বে এই মহাসত্য প্রচারিত হয়. শ্রীমদ্ভাগবত বলেন :—

তং ভক্তিব্যোগপরিভাবিতহৃতরোজে

আস্মৈ শ্রুতেক্ষিতপথো নম্ নাথ পুংসাং ।

ষদযদৃষ্টিয়া ত উরগায় বিভাবয়ন্তি

তৎতদবপুঃ প্রণয়সে সদনুগ্রহার ॥

নিরাকার অর্থাৎ আকারের অভাব ;—যেমন আলোকের অভাবই ছায়া। ছায়া কোন পদার্থ নহে, উহা আলোকজ্ঞানের অভাবমাত্র। এইরূপ নিরাকার বলিয়া কোনও পদার্থ নাই—কারণ উহা আকার-জ্ঞানের অভাবমাত্র—একটা Negative idea। নিরাকার, আকাশ কুসুমের স্থায় একটা কথার কথামাত্র—উহা অবাণ্ড্য। আকার-জ্ঞান হইতেই নিরাকার-জ্ঞানের উৎপত্তি। এই আকার-জ্ঞান আমাদের পক্ষে সহজ ও স্বাভাবিক। ফল : নিরাকার কোনও জ্ঞানের বিষয় নহে। আমাদের শাস্ত্রে ব্রহ্মকে কাঁচৎ কাঁচৎ নিরাকার বলা হইয়াছে। তাহার অর্থ এই যে, ব্রহ্ম প্রাকৃত আকার বর্জিত, আমরা প্রাকৃত নয়নে তাঁহার রূপ গ্রহণ করিতে পারি না। অনেক সূক্ষ্ম পদার্থই তো আমাদের প্রাকৃত নয়নের অগোচর। প্রাকৃত নয়নের অগোচর হইলেও তাহা নিরাকার নহে। অদৃশ্য বাষ্প, দৃশ্য বাষ্পে পরিণত হয়, দৃশ্য বাষ্প মেঘাকারে আকারিত হয়। ব্রহ্ম হইতে জগতের উৎপত্তি, ব্রহ্ম হইতেই জীবের উৎপত্তি,—ব্রহ্মকে যখন অমূর্ত বা নিরাকার বলা হয়, তখন তাহার অর্থ,—ব্রহ্মরূপ আধিভৌতিক নহে, ভৌতিক নহে, প্রাকৃতিকও নহে—ব্রহ্ম সচ্চিদানন্দবিগ্রহরূপ। অতিসূক্ষ্ম (Homogenous) পদার্থ বিশেষ। (Nebulae সূক্ষ্মতম নীহারিকা পদার্থ) হইতে এই বৈচিত্র্যময় (Heterogenous) জগতের উৎপত্তি। পাশ্চাত্য বৈজ্ঞানিকগণের মধ্যে হারবার্ট স্পেন্সার-প্রমুখ পণ্ডিতগণ এই সিদ্ধান্ত স্বীকার করেন। বর্তমান সময়ের সুপ্রসিদ্ধ ইংরাজ বৈজ্ঞানিক সার অলিভার লজ্জ বলেন, এই জগৎ শক্তিরই মূর্তি। This universe is nothing but the manifestation of Energy। আমাদের দেবীমাহাত্ম্য চণ্ডী বহুসহস্রবর্ষ পূর্বে জগতে এই তত্ত্ব প্রচার করিয়াছেন,—“নিত্যেব সা জগন্মুক্তিঃ”—“সেব বিশ্বং প্রসূরতে” ইত্যাদি।

ঐহারা নিরাকারের আকার অসম্ভব বলিয়া মনে করেন, এই সকল প্রমাণে তাঁহারা এখন অনারাসেই বৃষ্টিতে পারেন, যে যাহা তাঁহারা

নিরাকার বলিয়া মনে করেন তাহাও সাকাররূপে প্রকাশ পাইতে পারে, ইহা অসম্ভব বা অযৌক্তিক নহে। চণ্ডীতে অম্বিকাদেবীর প্রকটনসম্বন্ধে লিখিত হইয়াছে :—

অতুলং তত্র তত্তেজঃ সৰ্বদেব-শরীরজং ।

একস্থং তদভূয়ারী ব্যাপ্তলোকত্রয়ং ত্রিষা ॥

অর্থাৎ সকল দেবতার শরীরের সূক্ষ্ম তেজ কাস্তি দ্বারা ত্রিলোক ব্যাপ্ত হইল। সূক্ষ্ম হইলে স্থূলরূপের প্রকটন, এবং পরিচ্ছন্নত্বের সৰ্বব্যাপিত্ব যে সম্ভবপর ইহা হইতে তাহাও সম্ভব হইতে পারে।

বেদ বেদান্তেও দেবতাগণের বিগ্রহবত্তা স্বীকৃত হইয়াছে। যাস্ক বলেন, “ঋগ্‌কারচিহ্নন. দেবতানাঃ পুরুষবিধাঃ স্যুরিত্যেকং চেতনাবন্ধি স্তুরয়ো ভবন্তি তথা তথাবিধানাত্তপি পৌরুষবিধিকৈঃ আদেঃ সংস্করন্তে।” অর্থাৎ দেবতাগণ মনুষ্যগণের ন্যায় আকারবিশিষ্ট মন্থে, দেবতাগণের চেতনও শ্রীসম্পাদন করেন। বেদমন্ত্রে মনুষ্যের ন্যায় দেবতাগণের উক্তি প্রত্যক্ষ দৃষ্ট হয়, মনুষ্যের ন্যায় দেবতাগণের অঙ্গাদিবর্ণন প্রসঙ্গও বেদে দেখিতে পাওয়া যায়। “ঋষাত ইন্দ্রস্ত বিঃসবাতঃ”, “বৎসন্দ্ প্ৰভণা মনবন্ কাশিরং তে”। এই দুই মন্ত্রে মনুষ্যের ন্যায় ইন্দ্রের হস্ত ও মুষ্টির বর্ণনা পরিলক্ষিত হয়, মনুষ্যের উপকরণের ন্যায় ইন্দ্রাদির উপকরণাদিরও উল্লেখ আছে “আ ধাত্যাংহরিভ্যাগিন্দ্র যাহি” কল্যাণি জায়া সুবর্ণং গৃহে তে।” এই দুই মন্ত্রে ইন্দ্রের অশ্ব, গৃহ ও পত্নীর উল্লেখ দেখিতে পাওয়া যায়। ইন্দ্র যে মনুষ্যের ন্যায় বিগ্রহবান্ এই সকল মন্ত্রে তাহার উপলক্ষিত হয়। যাস্কের নিরুক্তে এই উক্তির সম্ভাবনীয় প্রতিবাদেরও উল্লেখ করা হইয়াছে রূপকবাদীদের কুৎসিত্তি “অভিমানিব্যপদেশাত্” মীমাংসার এই সূত্রানুরূপ যুক্তিতে খণ্ডিত হইয়াছে। দেববিগ্রহ বেদেও স্বীকৃত :—

বিগ্রহো হবিষাং ভোগ ঐশ্বর্যঞ্চ প্রসন্নতা ।

ফলপ্রদানমিত্যেতৎ পঞ্চকন্মে বিগ্রহাদিক ॥

বিগ্রহ (শরীর) ঘটাদির উপভোগ, অণিমাদি ঐশ্বর্য প্রসাদও ফল-প্রদান,—দেবতা সম্বন্ধে স্বীকার্য। ব্রহ্মসীমাংসার প্রথম অধ্যায়ের তৃতীয় পাদের ২৭ এবং ৩৩ সূত্রের ভাষ্যে শ্রীমৎশঙ্করাচার্য্য দেববিগ্রহত্ব স্বীকার করিয়াছেন, যথা :—“একস্মাপি দেবতামনো যুগপৎ অনেকস্বরূপপ্রতিপত্তিঃ সম্ভবন্তি—ত্রয়শ্চ ত্রীচ শতাত্রয়শ্চ ত্রীচ সহস্রেতি নিরুচ্য প্রাণেকরূপতাং দেবানাং দর্শয়ন্তা হস্রোকস্মা প্রাণস্মা যুগপৎ অনেকরূপতাং দর্শয়তি।” সম্মর্থ এই যে একই দেবের অনেক রূপের উল্লেখ করা হয়। শঙ্কর বলেন আত্মসিক দেবভাগ্যের পক্ষেতো ইহা হইতেই পারে, কিন্তু যোগীনাও কার্যবাহ্য বিস্তার করিতে পারেন, যথা :

আত্মনো বৈ সহস্রাণি বহুনি ভরতর্ষভ ।

কুয়াদ্ যোগী বলং প্রাপ্য তৈশ্চ সর্কেষ্মহীকরেৎ ॥

প্রাপ্নুয়াৎ বিষয়াং কৈশ্চিৎ কৈশ্চিৎগ্রহপশ্চরেৎ ।

সজ্জপেচ্চ পুনঃতানি সূর্য্যরশ্মিগণানিব ॥

ইহা হইতে শ্রীমৎ শঙ্করাচার্য্য সিদ্ধান্ত করিয়াছেন “ইত্যেবঞ্জতা তীর্ণকা প্রাপ্তাহণিমা.ত্বশ্বর্য়ানাং যোগিনামাপি যুগপদনেকযোগশরীরং দর্শয়তি কিমু বক্তব্যমজ্ঞানসিদ্ধানাং দেবানান্। বিগ্রহ বদ্রেহপি দেবানাং ন কিঞ্চিৎ কর্ম্মণি বিরুধ্যতে।”

ইহার পরে ৩৩ সূত্রের ভাষ্যেও শঙ্কর লিখিয়াছেন : অস্তি ঐশ্বর্য্য-যোগাৎ দেবতানাং জ্যোতিরাত্মাঅভি-শ্চাবস্থা তুং যথেষ্টকং তং তং বিগ্রহং গ্রহীতুং সামর্থ্যম। তথাহি শ্রুতে “সুব্রহ্মণ্যার্থবানে মেধাতিথিমেষেতি। মেধাতিথিঃ তু কাথায়ণং ইন্দ্রো মেঘো ভূত্বা জহা রেতি। অর্থাৎ চ আদিতাঃপুরুষো ভূত্বা কুন্তীমুপজগামেতি।

অর্থাৎ দেবগণ ঐশ্বর্য্যবলে জ্যোতিকরূপে অবস্থান করিতে পারেন এবং ইচ্ছানুরূপ দেহধারণ করিতে সমর্থ। শ্রুতিতে লিখিত আছে—ইন্দ্রমেব ইহীয়া কাথায়ণ গোত্রীয় মেধাতিথিকে বরণ করিয়াছিলেন। আদিতা

পুরুষরূপে কুর্হীতে উপগত হইয়াছিলেন।” শঙ্করের সিদ্ধান্ত এইরূপ,—
১।৩।১৮ সূত্রভাষ্যে শঙ্কর লিখিয়াছেন—“আকৃতিবিশেষাত্তু দেবানাং
মন্ত্রার্থবাদাদিত্যো বিগ্রহবদ্ধাণ্ডবগস্তব্যঃ।” অর্থাৎ দেবতাদের যে বিশেষ
বিশেষ আকৃতি আছে তদ্বারা মন্ত্র ও অর্থবাদ প্রভৃতি জানা যায়। সাঙ্খ্য
সূত্রকার এই সূত্রভাষ্যেই আকৃতির নিত্যত্ব স্বীকার করিয়াছেন।

১।৩।৩৩ সূত্রের ভাষ্যে তিনি আরও লিখিয়াছেন—ইতিহাস পুরাণের
মূলমন্ত্রও অর্থবাদমন্ত্র (সম্ভবনমন্ত্রার্থবাদমূলমন্ত্র) ইতিহাস পুরাণও
দেববিগ্রহের প্রমাণস্বরূপ। দেববিগ্রহ যে আছেন, ইহা প্রত্যক্ষমূলাক ও
সম্ভবপর। (প্রত্যক্ষমূলমপি সম্ভবতি ।) আমাদের প্রত্যক্ষ না হইলেও
ঋষিদিগের প্রত্যক্ষ। (চিরন্তনানাং প্রত্যক্ষম্ ।) ব্যাসাদি ঋষিরা দেব-
তাদের সঙ্গে প্রত্যক্ষ আলাপ ব্যবহার করিতেন। ধর্মোৎকর্ষবশতঃ এই
রূপ সামর্থ্য সম্ভবপর হয়। যোগসূত্র গ্রন্থে লিখিত আছে মন্ত্রজপ দ্বারা
দেবতা দর্শন হয়—(স্বাধ্যায়াদিষ্টদেবতা সম্প্রয়োগঃ) শ্রুতিতেও যোগনাহা অ্য
বর্ণিত আছে, যথা :—

পৃথ্যপ্তেজোহনিলখে সমুখিতে

পঞ্চাঙ্কে যোগশুণে প্রবৃন্তে ।

ন তস্ম রোগো ন জরা ন মৃত্যুঃ

প্রাপ্তস্ত যোগাশ্রময়ং শরীরম্ ।

অর্থাৎ পঞ্চতন্ত্র ধারণাজনিত যোগসিদ্ধ হইলে যোগীর যোগজ নৃতন
তেজোময় দেহ লব্ধ হয়। এইরূপ যোগী রোগ জরা মৃত্যু হইতে বিমুক্ত হন।
আধুনিক পাশ্চাত্য Spiritualist গণ, Spirit বা আধ্যাত্মিক
পদার্থের ভৌতিকরূপ গ্রহণ (Materialisation) সম্বন্ধে যে সকল
প্রমাণ প্রকাশ করিতেছেন, তাহা বৈজ্ঞানিক ভিত্তির উপরে সংস্থাপিত।
সুতরাং অতীন্দ্রিয় নিরাকার পদার্থ যে আকার গ্রহণ করিয়া আমাদের নয়ন
সমক্ষে প্রকটিত হইতে পারে না, এখন আর একথা বলিয়া পাণ্ডিত্য-

প্রকাশ করা অসম্ভব। অপর পক্ষে ঠাঁহার এই সকল সিদ্ধান্ত অস্বাকার করেন, সুশিক্ষিত জন সমাজে ঠাঁহার অনভিজ্ঞ বলিয়াই অনাদৃত হইবেন।

কিন্তু শ্রীভগবৎ বিগ্রহের কথা এসকল সিদ্ধান্ত হইতে স্বতন্ত্র। ভগবদ্ বিগ্রহ, উপাসকবিশেষের মানসিক কল্পনা সম্বৃত অলীকমূর্তি নহেন, অথবা সূক্ষ্ম পদার্থ হইতে বা নির্বিকার হইতেও উৎপন্ন নহেন। অপিচ মারাবাদীদের সক্রান্ত-সম্মত অবিদ্যা কল্পিত সংগ ব্রহ্মের রূপ-প্রকটনও নহেন। অবতার-বিগ্রহ পূর্ণসত্য নিত্য সচ্চিদানন্দমূর্তি, এবং অবিতকোষার্থ্য-সম্পন্ন। শ্রীবিগ্রহ অচিন্ত্যেখ্যে শক্তিমান্। তিনি পরিচ্ছিন্ন হইয়াও বিভূ, শ্রীবিগ্রহ হইয়াও শাস্বত ও নিত্য। তিনি জীব ও জগতের কল্যাণের জন্ত প্রকটিত হরেন, এই ব্যাপারের নামটী অবতার। এই অবতারবাদের অবতরণিকা না করিলে শ্রীভগবানের অবতারসমূহের তারতম্য নিরূপণের ভিত্তি সুদৃঢ় হয় না। মূল বিষয়ের ভিত্তি দৃঢ় করার জন্তই এই অবতারবাদ অবতরণিকারূপে এস্থলে বিবৃত হইল।

দশম অধ্যায়

অবতারবাদ

এই জগতে সচ্চিদানন্দবিগ্রহ শ্রীভগবান্ যে স্বকীয় রূপ প্রকটন করেন, সেই স্বীয়রূপ প্রকটনই অবতার নামে অভিহিত। তিনি অশেষ কল্যাণগুণময়—দয়া ঠাঁহার বিশিষ্টগুণ। জীবের প্রতি শ্রীভগবানের দয়া আছে, ইহা ধর্মবিশ্বাসী মাজেরই স্বীকার্য। কিন্তু তিনি যখন জীবের পরিজ্ঞানের উপায় প্রদর্শনের জন্ত এই জগতে অবতীর্ণ হরেন, তখন ঠাঁহার দয়ার প্রত্যক্ষ প্রমাণ পাওয়া যায়, অন্ত কোন অবস্থায় ঠাঁহার দয়া তেমন

সমুজ্জলরূপে প্রকাশ পায়না। মানুষ প্রত্যক্ষ প্রমাণ পাইলে কোন বিষয় বেরূপ বিশ্বাস করে, অপরভাবে তাঁহার তেমন বিশ্বাস হয় না। এই প্রপঞ্চে শ্রীভগবানের রূপ-প্রকটনের যত উদ্দেশ্য আছে—তন্মধ্যে জীবের অতি কারুণ্য-প্রদর্শনও একতম। শ্রীমদ্ভাগবতে লিখিত হইয়াছে ;—

তথায়ং চাবতারন্তে ভুবো ভারজিহীর্ষয়া ।

স্বানাক্ষাননৃত্তাবানামনুধ্যানায় বাসকুৎ ॥ ১।৭।২৫ শ্লোকঃ

অতএব শ্রীভগবানের অবতরণের উদ্দেশ্য—পৃথিবীর ভারহরণ, এবং অননৃত্ত ভাববিশিষ্ট স্বীয়ভক্তগণের অনুধ্যানের সাহায্য করা। ভগবান্ স্বরূপশক্তি বিলাস রূপে ইহ জগতে স্বীয়রূপ প্রকটন করেন। ভক্তগণের সুখ দিবার জন্তই তাঁহার এই শ্রীমূর্ত্তি প্রপঞ্চে প্রকটিত হইলেন।

যদি কেহ আপত্তি তুলিয়া বলেন যে, পূর্ণানন্দস্বরূপ পরমেশ্বরের দেহ-প্রকটনের কি প্রয়োজন? সেই জন্তই বলা হইয়াছে—অননৃত্তাববিশিষ্ট-ভক্তগণের সুখদানই স্বয়ং ভগবানের অবতরণের উদ্দেশ্য। নচেৎ তাঁহাতে দোষস্পর্শ হয়, যেহেতু তিনি সর্কজ্জ-শিরোমণি, তিনি নির্দোষ। ঋাংহারা জগতের সকল সুখ ত্যাগ করিয়া, সকল আশ্রয় ত্যাগ করিয়া, কেবল তাঁহারই আশ্রয় গ্রহণ করিয়াছেন, তিনি যদি সেই সকল অননৃত্তশরণ ভক্তের সুখদানের জন্ত প্রপঞ্চে রূপ-প্রকটন না করেন, তাহাদিগকে উপেক্ষা করেন, তবে তাঁহাতে অকারুণ্য-দোষের প্রসঙ্গ কেন না আরোপিত হইবে? আত্মারাম সিদ্ধব্যক্তিতেও কারুণ্যগুণের অভাব নাই, এ অবস্থায় বিচিত্র গুণ নিধান অশেষকল্যাণগুণাকর শ্রীভগবানে কারুণ্য না থাকিবে কেন? তাই শ্রীপাদজীব গোস্বামিমহোদয় লিখিয়াছেন,—“তস্মাৎ পরমসমর্থস্য তস্য কৃপালক্ষণং ভক্তজনসুখপ্রয়োজনকৎ নাম কোহপি স্বরূপানন্দ-বিলাসভূত পরমাচর্য্য-স্বভাব-বিশেষঃ ।” অতএব পরমসমর্থ-শ্রীভগবানের আনন্দ বিলাসই তাঁহার অবতারের এক হেতু। তাই শ্রীচরিতামৃতে লিখিত হইয়াছে :—

রসিকশেখর কৃষ্ণ পরম করণ ।

এই দুই হেতুতে হয় ইচ্ছার উদগম ॥

ইহা শ্রীপাদশ্রীজীবের উক্তিরই-প্রতিধ্বনি । ভগবৎসন্দর্ভে শ্রীজীব লিখিয়াছেন :—অতঃ প্রয়োজনাস্তুরমতিভ্রম্ব তস্মিন্ নাভ্যেব । তৎ প্রয়োজনদ্বয় তস্যপরমসমর্থস্থানন্দবিলাস এবেতি দিক্ যথোক্তম্ :—

কৃপালোরসমর্থস্য দুঃখায়ৈব কৃপালুতা ।

সমর্থস্য তু তস্যৈব সুখায়ৈব কৃপালুতা ॥

তন্মাৎ পরম সমর্থস্য তস্য কৃপালক্ষণঃ ভরুজনসুখপ্রয়োজনকল্পং নাম কোহপি স্বরূপানন্দবিলাস-ভূত পরমাশ্চর্য্যস্বভাববিশেষঃ ইত্যাদি । শ্রীভগবদ্-রূপ অব্যক্ত হইলেও ভরুজনের প্রতি কৃপা করার জগুই যে তিনি এইরূপ প্রকটিত করেন । নারায়ণ-আধ্যাত্ম গ্রন্থেও তাহার প্রমাণ পাওয়া যায়, যথা:—

নিত্যব্যক্তোহপি ভগবান্ ঈগৃতে নিজশক্তিতঃ ।

তামৃতে পরমাআনং কঃ পশ্যেতামৃতং প্রভুম্ ॥

এই শ্লোক উল্লেখ করিয়া শ্রীপাদ শ্রীজীব গোস্বামী লিখিয়াছেন ;— “তাদৃশশক্তেরপুল্লাসে তৎকৃপৈব কারণম্ ।” অর্থাৎ এইরূপ শক্তির উল্লাসে তাঁহার কৃপাই কারণ । তিনি শক্তি হইতে ইহার প্রমাণ দিয়াছেন, যথা:—

ন চক্ষুষা পশ্যতি রূপমস্য যমেবৈষ বৃগুতে তেন লভ্য-

স্তস্যৈব আত্মা বৃগুতে তন্মু স্বাম্ ।

এমন কি তিনি এইরূপ প্রকটন করিয়া আত্মারামগণের প্রতিও কৃপা করিয়া থাকেন । আত্মারামগণও তাঁহার এই রূপমাধুর্য্যে আকৃষ্ট হইয়া তাঁহার প্রতি ভক্তি করিয়া থাকেন ।

ধর্ম্মই জীবের মঙ্গলের হেতু । ধর্ম্মের উন্নতিতেই জীবের উন্নতি । ধর্ম্ম হইতে পতনই জীবের অধঃপতন । এই ধর্ম্মরক্ষার জন্ত শ্রীভগবানের এই

ধরাধামে যে অবতরণ, তাহা প্রকৃতপক্ষে তাঁহার অশেষ কারুণ্যেরই পরিচায়ক। ভারতীয় হিন্দু দার্শনিকমাত্রেই শ্রীভগবানের অবতার বাদের পোষণ ও সমর্থন করিয়াছেন। শ্রীমৎ শঙ্করাচার্য, শ্রীমৎ রামানুজাচার্য প্রভৃতি বেদান্তিগণ অপরাপর বিষয়ে ভিন্ন মত পোষণ করিলেও ভগবদবতরণ সম্বন্ধে ইহাদের কোনও মতদ্বৈধ নাই।

শ্রীভগবদ্গীতা-ভাষ্যের প্রারম্ভে শ্রীমৎ শঙ্করাচার্য লিখিয়াছেন,— “অবতরণের উদ্দেশ্য ধর্মরক্ষা ও জীবদিগের প্রতি অনুগ্রহ বিস্তার।” কেহ কেহ মনে করেন যে শঙ্করাচার্য ব্যক্তি আদৌ অবতারবাদ স্বীকার করেন না। কিন্তু তাঁহাদের এ বিশ্বাস অতি ভ্রমাত্মক। গীতাভাষ্যে শ্রীমৎ শঙ্করাচার্য স্বয়ং ভগবান্ শ্রীকৃষ্ণের অবতরণের কথা অতি স্পষ্টভাবে স্বীকার করিয়াছেন। তিনি বলেন, শ্রীভগবান্ জ্ঞান ঐশ্বর্য, শক্তিবল, বীর্যতেজ প্রভৃতি দ্বারা সদা সুসম্পন্ন স্বীয়মায়া অবলম্বনে জগতে প্রকটিত করেন।

শঙ্কর ভাষ্যের টীকাকার শ্রীমদ্ আনন্দগিরিও এসম্বন্ধে অতি পরিশুদ্ধ ব্যাখ্যা করিয়া বলিয়াছেন, শ্রীভগবান্ জগতের ধর্মসংরক্ষণের জন্য স্বেচ্ছানির্ধৃত লীলাময় বিগ্রহ প্রকটন করেন। ভগবদ্বিগ্রহ যে জীবের দেহের জায় নহে, মারাবাদী শ্রীমদ্ আনন্দ গিরি গীতাভাষ্যের টীকায় তাহা অতি স্পষ্টরূপেই বলিয়াছেন। শ্রীমদ্ভগবদ্গীতার স্বয়ং ভগবান্ই তাঁহার অবতরণের প্রয়োজন অতি স্পষ্টরূপে অভিব্যক্ত করিয়াছেন, তদ্যথা :—

বহুনি মে ব্যতীতানি জ্ঞানানি তব চার্জুন।

তাং হংবেদ সর্বাণি ন ত্বং বেথ পরন্তপ ॥

অজ্যেহপি সন্নব্যাত্মা ভূতানামীথরোহপি সন্।

প্রকৃতিঃ স্বামধিষ্ঠায় সন্তবাম্যাঅুমায়য়া ॥

যদা যদা হি ধর্মশ্চ মানির্ভবতি ভারত।

অভ্যুত্থানমধর্মশ্চ তদাত্মানং সৃজাম্যহম্ ॥

পরিভ্রাণায় সাধুনাং বিনাশায় চ দুষ্কৃতাম্ ।

ধর্ম সংস্থাপনার্থায় সম্ভবামি যুগে যুগে ॥

এসম্বন্ধে শ্রীমৎ মধুসূদন সরস্বতীমহোদয় এই সকল শ্লোকের টীকায় যে শাস্ত্র-যুক্তি-সম্মত সিদ্ধান্ত করিয়াছেন, এস্থলে তাহার সংক্ষিপ্ত তাৎপর্য লিখিত হইতেছে। তিনি বলেন, কর্ম ফলে জীবের জন্ম হয়। কর্মাক্রমসারে জীব দেহ গ্রহণ করে কিন্তু যিনি সর্ব কারণের কারণ এবং সর্বকর্মাভীত, তাঁহার দেহ ধারণ কর্মাধীন নহে, এবং দেহও ভৌতিক নহে। তিনি জীবাবিষ্ট ভৌতিক শরীরের ঞ্চায় শরীরধারী নহেন। তাই তিনি বলিয়াছেন, “অতো ন ভৌতিক শরীরং ঈশ্বরশ্চ।” তাহা হইলে তাঁহার কিরূপ দেহ ধারণ সম্ভবপর হয়? তদুত্তরে তিনি নিজেই বলিয়াছেন, তিনি স্বীয় বিচিত্র অনেক শক্তি স্বরূপা অঘটনঘটনপটীয়সী স্বেপাধিভূত স্বীয় প্রকৃতিতে অধিষ্ঠান করিয়া চিদাভাসে উহাকে বশীকৃত করিয়া দেহবানের ঞ্চায় প্রকাশ পান। তিনি এই নিত্যদেহে বিবস্বান্ প্রভৃতিকে যোগোপদেশ করিয়াছিলেন। শ্রুতি এই যে “আকাশ শরীরং ব্রহ্মেতি” “আকাশ-স্তল্লিঙ্গাৎ।” ইহাতে এই আপত্তি হইতে পারে যে, ভগবানের যদি ভৌতিক দেহ না হয়, তাহা হইলে মনুষ্যাদির ঞ্চায় প্রতীতি কি প্রকারে সম্ভব হয়? ইহার উত্তর ভগবদ্গীতায় স্বয়ং ভগবান্ই বলিয়াছেন, তাঁহার অচিন্ত্যতকৈশ্বর্য্য মায়াক্রম দ্বারা লোকানুগ্রহের নিমিত্ত তদ্রূপ প্রতীতি সম্ভাবিত হইয়া থাকে। মহাভারতে মোক্ষধর্মে তিনি স্বীয় শ্রীমুখে নারদকে বলিয়াছেন :—

মায়াহেযা ময়া সৃষ্টা যন্মাং পশ্যসি নারদ ।

সর্বভূতগুণৈর্যুক্তং নতু মাং দ্রষ্টুমর্হসি ॥

ইহার অর্থ এই যে, নারদ, তুমি যে আমাকে দেখিতে পাইতেছ তাহা আমারই সৃষ্ট,—এই মায়া। সর্বভূতগুণযুক্ত কারণ-উপাধিস্বরূপ আমাকে চর্ম চক্ষু দ্বারা দেখিতে পাইবে না।

ভাষ্যকার শ্রীমৎ শঙ্করাচার্য্যও বলিয়াছেন, সেই ভগবান্ জ্ঞান-ঐশ্বর্য্য-শক্তি-বল-বীৰ্য্য-তেজসমূহ দ্বারা সনাতন সম্পন্ন ত্রিগুণাত্মিকা বৈষ্ণবী নিজ প্রকৃতিকে বশীভূত করিয়া নিখিল ভূতের ঈশ্বর এবং অজ্ঞঅব্যয়-নিত্যশুদ্ধ বুদ্ধ-যুক্ত স্বভাব হইয়াও স্বীয় মায়া দ্বারা দেহবানের গায় জন্মগ্রহণ করেন। তাঁহার স্বপ্রয়োজন না থাকিলেও সৃষ্ট জীবগণের প্রতি অনুগ্রহ বিস্তারের জন্ত প্রপঞ্চ প্রকাশ পাইয়া থাকেন। ("স চ ভগবান্ জ্ঞানৈশ্বর্য্যশক্তিবল-বীৰ্য্যতেজোভিঃ সদাসম্পন্নত্রিগুণাত্মিকাং বৈষ্ণবীং স্বাং মায়াং প্রকৃতিং বশীকৃত্যাঙ্গোহব্যয়ো ভূতানামীশ্বরো নিত্যশুদ্ধবুদ্ধমুক্ত-স্বভাবোহপি সন্ স্বমায়া দেহবানিব জাতইব চ লোকানুগ্রহং কুর্স্বন্ লক্ষ্যতে, স্বপ্রয়োজনা-ভাবেহপি ভূতানুজিঘৃক্ষয়া") ব্যাখ্যাকারগণ ইহার অর্থ এইরূপ করিয়াছেন যে, শ্রীভগবান্ স্বেচ্ছাবিনির্মিত স্বীয় চিৎস্বরূপ শক্তিময় দিব্যরূপে আবির্ভূত হন। তাঁহার দেহ নিত্য কারণোপাধি মায়াধ্য অনেক শক্তিমান্,—ইহাই ভাষ্যকার শ্রীমৎ শঙ্করাচার্য্যের অভিमत। ("নিত্যো যঃ কারণোপাধি-র্য্যমাধ্যাহনেকশক্তিমান্ স এব ভগবদেহ ইতি ভাষ্যকৃত্যং মতম্" ।)

শ্রীমদ্ভাস্করদেব সরস্বতীমহোদয় আরও লিখিয়াছেন, অল্প এক শ্রেণীর ভক্ত পণ্ডিতগণ বলেন, পরমেশ্বরে দেহদেহি-ভাব নাই। যিনি নিত্য বিভূ সচ্চিদানন্দঘন ভগবান্ বাসুদেব, যিনি পরিপূর্ণ নিগুণ পরমাত্মস্বরূপ, তাঁহার বিগ্রহও তদ্রূপ। তাঁহার দেহ ভৌতিক বা মায়িক নহে। বলা-বাহ্য যে গৌড়ীয় বৈষ্ণবাচার্য্যগণের সিদ্ধান্ত ঠিক এইরূপ। এই পক্ষে শ্রোত প্রমাণ এই যে, "আকাশবৎ সর্বগতশ্চ নিত্যঃ অবিনাশী" বা "অরেহয়মাআনুচ্ছিত্তিধর্মঃ।" তাঁহার বিগ্রহস্বরূপ তাঁহাতেই প্রতিষ্ঠিত। ছান্দোগ্য শ্রুতি বলেন, "স ভগবঃ কস্মিন্ প্রতিষ্ঠিতঃ ?—সে মহিষি"। সুতরাং তিনি স্ব স্বরূপে অধিষ্ঠিত হইয়া স্বরূপাবস্থিত হইয়া প্রপঞ্চ প্রকটিত হন। দেহদেহি ভাব ব্যতীতও দেহিবৎ ব্যবহারাদি সম্ভাবিত হয়।

এখন প্রশ্ন হইতে পারে যে, অদেহে সচ্চিদানন্দধনে দেহ-প্রতীতি কি প্রকারে সম্ভাবিত হয়? তাহার উত্তরে বলা হইয়াছে যে, আত্মমায়ী ধারাটি একরূপ হইয়া থাকে। নিগুণ, শুক, সচ্চিদানন্দরসধন, দেহদেহি-স্বাবশুণ্ড ভগবান্ বাসুদেবে দেহ-প্রতীতি কেবল মায়ী মাত্র। শ্রীভাগবতেও উক্ত হইয়াছে,—

১। কৃষ্ণমেন নবেহি ত্ং আত্মানমখিলাস্থনাং ।

অগন্ধিতায় সোহপ্যত্র দেহিবাভাতি মায়য়া ॥

২। অহোভাগ্যমহোভাগ্যং নন্দগোপত্রজোকসাম্ ।

যন্মিত্রং পরমানন্দং পূর্ণং ব্রহ্মসনাতনম্ ॥

“আবার কেহ কেহ নিত্য নিরবয়ব নির্ঝিকার পরমানন্দ বস্তুর অবয়ব-বর্গাব ভাবটীকে বাস্তব বলিয়া মনে করেন। তৎসম্বন্ধে আমাদের বক্তব্য এই যে,—“নির্ঝুক্তিকং ক্রবাণাস্ত্ব নাশ্মাভির্ঝিনিবাধ্যত” ইতি শ্রায়েন। আমি সে সম্বন্ধে কোন কথা বলিতে প্রবৃত্ত নহি। যদি সম্ভবপর হয়, তবে তাহাই বউক। এবিষয়ে আর অধিক বিস্তারের প্রয়োজন নাই। সূত্রাং এই খানেই ইতি” (যদি সম্ভবেৎ তথৈবাস্ত্ব—কিমতিপন্নবিতেনেতুপরম্যতে)— ইহাই ষড়্-দর্শনাচার্য্য শ্রীমন্নধুসূদন সরস্বতীমহোদয়ের অভিপ্রায়।

শ্রীমৎ মন্নধুসূদনের টাকার ন্যূনাধিক পরিমাণে ভিন্ন ভিন্ন সম্প্রদায়ের অবতার সম্বন্ধে সিদ্ধান্ত সমূহের সংক্ষিপ্ত আলোচনা দৃষ্ট হয়। মহাভারতের টীকাকার নীলকণ্ঠ সুরি শ্রীভগবদ্গীতার টীকাতে শ্রীভগবদবতরণের হেতু ও ভগবদ্বিগ্রহের শাস্ত্রীয় প্রমাণ প্রদর্শন করিয়াছেন। বলা বাহুল্য মহাভারতের নীলকণ্ঠ সুরিও শঙ্কর সম্প্রদায়ভুক্ত।

পরব্রহ্ম বা অগদীশ্বর যে এই অগতে অবতরণ করেন—এ সম্বন্ধে মায়ী-বাদী শ্রীমৎশঙ্করাচার্য্যেরও মতধেধ নাই। উক্ত মায়ীবাদভাষ্য হইতে তাহা স্পষ্টই প্রতিপন্ন হইয়াছে। তবে শ্রীবিগ্রহ সম্বন্ধে মায়ীবাদী আচার্য্য-

হাদর একটা অপসিদ্ধান্তের কথা বলিয়াছেন, তাহা এই যে “দেহবান্

ইব জ্ঞাত আত্মনোমায়য়া ন পরমার্থতঃ লোকবৎ” শঙ্করের এই উক্তি কেবল বৃথা উক্তি মাত্র,—এসম্বন্ধে তিনি কোনও যুক্তিতর্ক প্রদর্শন করেন না।

একাদশ অধ্যায়

শ্রীমূর্তির নিত্যতা

শঙ্কর-ভাষ্যের এই অসার উক্তি বৈষ্ণব ভাষ্যকার শাস্ত্রযুক্তি দিয়া খণ্ড খণ্ড করিয়াছেন, এমন কি শঙ্করমতাবলম্বী—মহাভারত টীকাকার নীলকণ্ঠ পর্যন্ত শঙ্করের প্রতিকূলেই এ সম্বন্ধে শাস্ত্রযুক্তি প্রয়োগ করিয়াছেন। শ্রীভগবানের স্বীয় প্রকৃত কি, শ্রীমৎশঙ্করাচার্য্য সে তত্ত্ব বুঝাইতে প্রয়াস পান না। শ্রীভগবানের প্রকৃতি যে ভৌতিক নহে, এবং তাঁহার শ্রীবিগ্রহও যে ভৌতিক নহে, এ সম্বন্ধে শ্রীমৎরামানুজ, শ্রীমৎ আচার্য্য সরস্বতী শ্রীমধু-সূদন, শ্রীমদ্বিশ্বনাথ, শ্রীমদ্ বলদেব বিদ্যাভূষণ ও মহাভারত টীকাকার শ্রীমৎ নীলকণ্ঠ প্রভৃতি শাস্ত্রযুক্তি অল্পসারে তাহা সুস্পষ্টরূপে সপ্রমাণ করিয়াছেন। শ্রীভগবান্ নিজেই বলিয়াছেন :—

“জন্ম কৰ্ম্ম চ মে দিব্যং ইতি যো বেত্তি তদ্বতঃ”

ত্রিগুণাঙ্ঘ্রিকা মায়াকৃত জন্মকৰ্ম্ম কখনও দিব্য অর্থাৎ অপ্ৰাকৃত হইতে পারে না। চণ্ডীতেও এই ভাগবতীমূর্তির নিত্যতা স্বীকৃতা হইয়াছে, যথা—
“নিত্যৈব সা জগন্মূর্তিঃ” ইহা স্বয়ং বেদব্যাসের উক্তি। মহাভারত-টীকাকার মায়াবাদি-সম্প্রদায়ভুক্ত হইয়াও এই সিদ্ধান্তেই আস্থা সংস্থাপন করিয়াছেন। শ্রীভগবানের মূর্তি যে প্রকৃতা নহে, শাস্ত্রে তাহার যথেষ্ট প্রমাণ আছে।

যথা :—ব্রহ্মবৈবর্তে—দেহোহয়ং মে সদানন্দোনাগং প্রকৃতিঃ নিশ্চিতঃ ।

পরিপূর্ণশ্চ সৰ্বত্র তেন নারায়ণোশ্বয়ম্ ॥

বরাহপুরাণে—ন তস্মৈ প্রাকৃতামূর্তির্মেদমজ্জাস্থি সম্ভবা ।

ন যোগিস্থাদীশ্বরত্বাং সত্যরূপোহ্যচ্যতোবিভূঃ ॥

এই প্রমাণ বচনটী শ্রীমন্মাধ্বাচার্যের ভগবদ্গীতা-ভাষ্যাদিতে এবং শ্রীপাদ শ্রীজীব গোস্বামিমহোদয়ের কৃত ভগবৎসন্দর্ভেও ধৃত হইয়াছে ।

শ্রীজীব ইহার ব্যাখ্যায় লিখিয়াছেন :—তচ্চাপ্রাকৃতমূর্তিত্বমশ্রুতমহাযোগিস্থাদিচ্ছাকৃতমিতি ন, কিম্বীশ্বরত্বান্নিত্যমেবেত্যর্থঃ । অর্থাৎ শ্রীভগবানের এই অপ্রাকৃত মূর্তিত্ব তাঁহার মহাযোগিত্ব-নিবন্ধন ইচ্ছামত নহে । মহাযোগিরাও আপন ইচ্ছায় কায়ব্যাহরূপে মূর্তি সৃষ্টি করিতে পারেন, সেই সকল মূর্তি মায়িক । কিন্তু শ্রীভগবানের এই অপ্রাকৃত মূর্তি ঈশ্বরত্ব-নিবন্ধন নিত্য ।

অতঃপরে শ্রীজীব এ সম্বন্ধে যাহা লিখিয়াছেন, তাহার মর্ম এই—ঈশ্বর সবিগ্রহ । কুলাদির ন্যায় তাহার জ্ঞান-ইচ্ছা-প্রযত্নাদিযুক্ত কর্তৃত্ব আছে । ঈশ্বরের জ্ঞানাদি যেমন নিত্য, তাহার দেহও তেমনি নিত্য । তাহাতে দেহ-দেহিভেদ নাই । জীব দেহ যেমন চেতনাবিহীন হইলেই শব, ভগবদেহ .তেমন নহে, উহা চিদানন্দরসময় । শ্রীবিগ্রহ সচ্চিদানন্দ-স্বরূপ সূতরাং ভজনীয় । শ্রীভগবৎ সন্দর্ভে আরও লিখিত হইয়াছে :—

“যদাত্মিকো ভগবান্ তদাত্মিকা ব্যক্তিঃ” কিমাত্মিকো ভগবান্ !
জ্ঞানাত্মকঃ ঐশ্বর্যাত্মকঃ শক্ত্যাত্মকশ্চ ।” দেবাত্মশক্তিং স্বগুণে নিগূঢ়া-
মিথ্যায়া ।

মহাবরাহ পুরাণেও লিখিত হইয়াছে ঈশ্বরের দেহ নিত্য অপ্রাকৃত, পরমানন্দময় এবং দেহদেহিভেদবিরহিত যথা :—

সৰ্বৈ নিত্য্যঃ শাস্বতাশ্চ দেহস্তস্মৈ পরাত্মনঃ

হেয়োপাদেশরহিতাঃ নৈব প্রকৃতিভাঃ কচিৎ ।

পরমানন্দসন্দোহা জ্ঞানমাত্রাশ্চ সৰ্বতঃ
দেহদেহিভিদা চাত্ৰ নেশ্বরে বিদ্বতে কচিৎ ॥

শ্রীমদ্ভাগবতে লিখিত আছে :—

অস্মাপি দেব বপুষোমদমুগ্রহস্য ।
শ্বেচ্ছাময়স্য নতু ভূতময়স্য কোহপি ।

মহাভারতে—“ন ভূতসংবসংস্থানো দেহোহস্য পরমাত্মনঃ ।” এই সকল
প্রমাণ শ্রীভগবদ্দেহের ভৌতিকত্ব সম্বন্ধে ভ্রমজ্ঞান নিরসনের পক্ষে যথেষ্ট ।
এতদ্ব্যতীত ভগবদ্দেহ ভৌতিক বলিয়া মনে করাও অপরাধজনক যথা
বৃহদৈষণবে :—

যো বেত্তি ভৌতিকং দেহংকৃষ্ণস্য পরমাত্মনঃ
স সৰ্বস্মাদ্ বহিঃকার্য্যঃ শ্রৌতস্মার্ত্তবিধানতঃ
মুখংত স্মাবলোক্যাপি সচেলং স্নানমাচরেৎ ।

শ্রীকেশবকাশ্মিরি-কৃত ভগবদ্গীতার চতুর্থ অধ্যায়ের ৬ষ্ঠ শ্লোক-
টীকা দ্রুত । “প্রত্যক্ষং চ হরের্জন্ম ন বিকারঃ কথঞ্চন ।”

আবার আর এক শ্রেণীর লোক আছেন, তাঁহারা বেদ উপনিষদ্ মানেন,
কিন্তু পৌরাণিক শাস্ত্র মানিতে ইচ্ছুক নহেন । তাঁহারা বলেন অবতারবাদ
পৌরাণিক । বেদেও উপনিষদে ভগবদবতারণের কোনও প্রমাণ দেখিতে
পাওয়া যায় না । তাঁহাদের অবগতির জন্য বলা যাইতেছে যে শ্রৌত
প্রমাণেরও অভাব নাই । কয়েকটা প্রমাণও উদ্ধৃত করা যাইতেছে
যথা :—

১ । অজায়মানো বহুধা বিজায়তে ।

পরমতত্ত্ব অন্মরহিত হইয়াও বহুপ্রকারে প্রকটিত হয়েন ।

২ । একো বহুশ্চাং প্রজায়ের

আমি এক হইয়াও প্রজননের জন্য বহু হই ।

৩ । ব্রহ্ম বে দেবাদির প্রতি অমুগ্রহ করার জন্য আকার ধারণ করিয়া

প্রাচুর্য্যত হইল, কেন-উপনিষদেও তাহার সুস্পষ্ট প্রমাণ দেখিতে পাওয়া যায়। প্রমাণ স্থলের অনুবাদ, যথা :—

দেবাসুর সংগ্রামে ব্রহ্মই দেবতাদিগের নিমিত্ত সময় জয় করিলেন—সেই ব্রহ্মেরই বিজয়ে দেবতারা মহিমাম্বিত হইলেন ; কিন্তু অজ্ঞতাবশতঃ তাঁহারা মনে করিলেন, এই বিজয় আমাদেরই ; এই মহিমা আমাদেরই।

ব্রহ্ম দেবতাদিগের ঐ অজ্ঞতা বিলক্ষণরূপে বুঝিতে পারিলেন এবং তাঁহাদিগের সম্মুখে প্রাচুর্য্যত হইলেন কিন্তু দেবতারা সেই প্রাচুর্য্যত ব্রহ্মকে দেখিয়াও এই পূজ্য মহত্বুত পুরুষ কে, ইহা জানিতে পারিলেন না। ২।

তাঁহারা অগ্নিকে বলিলেন, “অগ্নে, আমাদের সম্মুখে ঐ পূজনীয় পুরুষ কে ? তুমি তাহা বিশেষরূপে জানিয়া আইস।” অগ্নি বলিলেন, “সেইরূপই হউক।” ৩।

অগ্নি ঐ বরণীয় পুরুষের সমীপে গমন করিলেন। তখন ঐ পুরুষ অগ্নিকে বলিলেন, “তুমি কে ?” অগ্নি বলিলেন, “আমি অগ্নি, আমি প্রসিদ্ধ জাতবেদা” ৪।

ব্রহ্ম বলিলেন, “তাদৃশ প্রসিদ্ধ গুণনামযুক্ত তোমাতে কি শক্তি আছে ?”—অগ্নি উত্তর করিলেন, “পৃথিবীতে এই যে কিছু, আমি সে সকলই দক্ষ করিতে পারি”—৫।

“ইহা দক্ষ কর” এই বলিয়া ব্রহ্ম তাঁহার সম্মুখে একটা তৃণ স্থাপিত করিলেন। অগ্নি সেই তৃণের সমীপবর্তী হইলেন, কিন্তু সমুদায় শক্তি প্রয়োগ করিয়াও উহাকে দক্ষ করিতে পারিলেন না। তখন তিনি ব্রহ্মের নিকট হইতে প্রতিনিবৃত্ত হইয়া দেবতাদিগের সমীপে গমন পূর্ব্বক বলিলেন “এই পূজনীয় পুরুষ কে ?—তাহা আমি জানিতে পারিলাম না” ৬।

অনন্তর দেবতারা বায়ুকে বলিলেন, “বায়ু, তুমি গিয়া জানিয়া আইস, এই পূজনীয় পুরুষটা কে ? বায়ু বলিলেন, “তাহাই হউক” ৭।

বায়ু তাঁহার নিকটে গমন করিলেন তিনি বায়ুকে বলিলেন, “তুমি কে?” বায়ু বলিলেন, “আমি মাতরিখা” ৮।

ব্রহ্ম বলিলেন “তাদৃশগুণনামযুক্ত তোমাতে কি সামর্থ্য আছে— বায়ু বলিলেন, এই পৃথিবীতে যাহা কিছু আছে তৎসমস্তই আমি গ্রহণ করিতে পারি ৯।

ব্রহ্ম ঐ বায়ুর সমীপে একটা তৃণ রাখিলেন—এবং বলিলেন—এইটাই গ্রহণ কর—বায়ু উহার সমীপবর্তী হইলেন কিন্তু সকল বল প্রয়োগ করিয়াও ঐ তৃণটাকে গ্রহণ করিতে পারিলেন না—তখন তিনি ব্রহ্মের নিকট হইতে প্রতিনিবৃত্ত হইলেন এবং দেবতাদিগের সমীপে আসিয়া বলিলেন—ঐ বরণীয় পুরুষ কে? তাহা আমি বুদ্ধিতে পারিলাম না ॥১০॥

তদনন্তর দেবতারা ইন্দ্রকে বলিলেন “গঘবন্, ঐ পূজনীয় পুরুষটাই কে আপনি জানিয়া আসুন—ইন্দ্র ‘তাহাই হউক’ বলিয়া তাঁহার নিকটে গমন করিলেন” ॥১১॥

ইন্দ্র সেই অবকাশে স্ত্রীরূপা অতিশয় সৌন্দর্যশালিনী হৈমবতী উমাকে আবিভূতা দেখিয়া তৎসমীপে গমনপূর্বক তাঁহাকে জিজ্ঞাসা করিলেন— ঐ পূজনীয় পুরুষটাই কে? ॥১২॥

তিনি বলিলেন ইনি ব্রহ্ম। ইহার বিজয়েই তোমরা এইরূপ মহিমান্বিত হইয়াছ। এই কথা শুনিয়া ইন্দ্র জানিলেন যে ইনি ব্রহ্ম। যেহেতু অগ্নি বায়ু, ইন্দ্র এই তিন দেবতা ব্রহ্মের নিকটবর্তী হইয়াছিলেন যেহেতু ইহার প্রথমে তাঁহাকে ব্রহ্ম বলিয়া জানিতে পারিয়াছিলেন সেই হেতু ইহার অন্ত্য দেবতা হইতে অতিশয় শ্রেষ্ঠ হইলেন ॥১৩॥

এস্থলে ব্রহ্মের উপদেশ এই যে—তাঁহার আবির্ভাব বিদ্যুত-বিদ্যোতন-সদৃশ এবং চক্ষুর নিমেষ-সদৃশ। এতদ্বারায় প্রতিপন্ন হইতেছে যে পরমতত্ত্ব প্রয়োজনানুসারে তাঁহার স্বীয় নিত্যরূপ প্রকটন করিয়া দেবতা ও মানুষ-দিগের হিত-সাধনার্থে আত্মপ্রকাশ করিয়া থাকেন। তাঁহার এইরূপ

আত্মপ্রকটনই অবতারত্ব । কারুণ্যই এই অবতারণের কারণ । পরমতত্ত্ব অশেষ কল্যাণ গুণময় । দেবতা ও জীবগণের প্রতি দয়া তাঁহার স্বাভাবিক গুণ । বায়ু প্রভৃতি দেবতাগণের মধ্যে যে স্বীয় শক্তির গৌরবমহিমা উত্থিত হইয়া তাঁহাদের পরমতত্ত্বের প্রকৃত জ্ঞানের বাধক হইয়াছিল— পরম করুণাময় পরমতত্ত্ব যক্ষরূপে প্রাদুর্ভূত হইয়া তাঁহাদের সেই গর্ব্ব বিনাশ করিয়া দিলেন ।

এই সকল শ্রৌতউক্তি ভগবদ্গীতাতোক্ত ভগবদ্বাক্যের সমর্থক যথা :—

“যদা যদাহি ধর্ম্মশ্চ গ্লানির্ভবতি ভারত—ইত্যাদি

পরিভ্রাণায় সাধুনাং বিনাশায় চ দুষ্কৃতাম্ ॥ ইত্যাদি

শ্রীমদ্ভাগবতে লিখিত হইয়াছে :—

“অনুগ্রহায় ভক্তানাং মানুবং দেহমাশ্রিতঃ ।”

শ্রীচণ্ডীতে লিখিত আছে :—

দেবানাং কাব্যসিদ্ধ্যর্থনার্ভবতি সা যদা ।

উৎপন্নৈতি তদালোকে সা নিত্যাপ্যভিধীয়তে ॥

শ্রীভগবদ্দেহ যে নিত্য এবং শাস্ত্রত তৎসম্বন্ধে শাস্ত্রে বহুল প্রমাণ দেগিতে পাওয়া যায়—ইতঃপূর্বেও এতৎ সম্বন্ধে কতিপয় প্রমাণ উদ্ধৃত হইয়াছে ; এহলেও চণ্ডীর উক্ত শ্লোকে লিখিত “নিত্য” পদে ভগবদ্দেহের নিত্যত্বই প্রতিপাদিত হইয়াছে । কেনোপনিষদে আলোচিত এই ব্রহ্ম যে যক্ষরূপে প্রাদুর্ভূত হইয়াছিলেন, তাহা যে উপমা বা কল্পনা নহে কিন্তু খাঁটা বাস্তব ঘটনা তাহা উক্ত মন্ত্রের শঙ্কর ভাষ্য-পাঠেও স্পষ্ট প্রতীত হইবে । শঙ্কর লিখিয়াছেন—“স্বযোগমাহাত্ম্য-নির্ম্মিতেন অত্যদ্ভুতেন বিস্মাপনীয়েন রূপেণ দেবানাং ইন্দ্রিয়গোচরে প্রাদুর্ভূত্ব । তৎ প্রাদুর্ভূতং ব্রহ্ম ন ব্যুজানন্ত নৈব-বিজ্ঞাতবন্তো দেবাঃ কিমিদং যক্ষং পুঙ্গ্যং মহদদ্ভুতমিতি ।

ভগবদ্গীতার উপক্রমেও শ্রীমৎ শঙ্করাচার্য্য অবতার বাদের আত্মকুল্যে যাহা লিখিয়াছেন তাহা ইতঃপূর্বে উল্লিখিত হইয়াছে । পরন্তু শ্রীমৎ

শঙ্কর ভগবদ্বিগ্রহের নিত্য স্বাকারের অল্পকূলে কোথাও সবিশেষ কিছু বলিয়াছেন বলিয়া আমাদের জানা নাই। তিনি ব্রহ্মের সগুণত্ব অবিজ্ঞা-বিলসিত বলিয়া সিদ্ধান্ত করিয়াছেন। তাঁহার এই সিদ্ধান্ত যে অবৈদিক এবং যুক্তিবিরুদ্ধ তাহা শাস্ত্রদর্শী ব্যক্তিমাতেই নিরপেক্ষ ভাবে আলোচনা করিলে স্পষ্টতঃ বুঝিতে পারিবেন। এসম্বন্ধে “নিগূর্ণ সগুণ” প্রবন্ধে শঙ্করের মত খণ্ডনের জন্য শাস্ত্রযুক্তি বহুল পরিমাণে আলোচিত হইয়াছে।

ব্রহ্মসীমাংসায় ২য় অধ্যায়ের প্রথম পাদের ১০ সূত্রের ভাষ্যে শ্রীমৎ শঙ্করাচার্য্য লিখিয়াছেন—“পরমেশ্বরশ্চাপি ইচ্ছাবশান্মায়াময়ং রূপং সাধকানু-গ্রহার্থম্।” এই বাক্যে সপ্রমাণ করার জন্য তিনি একটি প্রমাণ উদ্ধৃত করিয়াছেন তাহা এই :—

মায়াহ্বেষা ময়াসৃষ্টা যন্মাং পশ্যসি নারদ ।

সর্বভূতগুণৈযুক্তং ন তুং মাং দৃষ্টবহসি ॥

বলা বাহুল্য এই শ্লোক শ্রীভগবানের সচ্চিদানন্দ বিগ্রহের নিষেধক নহে। কেহ বা ভগবানের সচ্চিদানন্দ বিগ্রহকে ভৌতিক গুণযুক্ত বলিয়া মনে করেন তাহাদের ভ্রম-নিরসনের জন্যই এই প্রমাণের উল্লেখ করা হইয়াছে। ভগবদ্দেহের প্রতি অনভিজ্ঞ লোকেরা অনাস্থা ও অবজ্ঞা প্রকাশ করে ;— এই সকল ব্যক্তির যেরূপ মূঢ়চিত্ত, ভগবদ্বাক্যেই তাহা জানা যায়। ভগবদ্গী-তায় শ্রীভগবান্ বলিয়াছেন :—

১। অব্যক্তং ব্যক্তিমাপন্নং মনন্তে মামবুদ্ধয়ঃ ।

পরং ভাবমজানন্তো মামব্যয়মনুত্তমম্ ॥ ভগবদ্গীতা—৭।২

২। অবজানন্তি মাং মূঢ়া মানুষ্যং দেহমাত্রিতম্ ইত্যাদি ।

অর্থাৎ আমি সচ্চিদানন্দবিগ্রহ, সূতরাং চর্মচক্ষুর অবিষয়ীকৃত। কিন্তু মূঢ়েরা তাহা না জানিয়া আমার প্রকৃতি মূর্ত্তিকে অনিত্য, মান্বিক ও প্রাকৃত দেহ বলিয়া মনে করে। এই সচ্চিদানন্দবিগ্রহ যে অপ্রাকৃত অব্যয় ও

অত্যাশ্রম তাহা তাহারা জানে না—বোঝে না। শ্রীভগবদ্গীতার নবম অধ্যায়ের একাদশ শ্লোকেও এই প্রকার উক্তি দৃষ্ট হয়।

ফলতঃ মানুষের দেহ যেমন কৰ্মনির্মিত ভৌতিক দেহ অতএব অনিত্য, শ্রীভগবানের দেহ তেমন নহেন। বিজ্ঞান আনন্দই ভগবানের স্বরূপ, এই বিজ্ঞানানন্দই ভগবদ্বিগ্রহ। শ্রীভগবান্ রসস্বরূপ, অতএব শ্রীভগবদ্বিগ্রহও রসময়। ভগবানের স্বরূপ যাহা, তাঁহার বিগ্রহও তাহা। ভগবৎস্বরূপ—কি? “সত্যং জ্ঞানং আনন্দং ব্রহ্ম,—আনন্দঃ ব্রহ্মেতিব্যাজানং,—রসো বৈ সঃ” ইত্যাদি। ভগবানের স্বরূপ হইতে ভগবদ্দেহ ভিন্ন নহেন। ভগবান্ জ্ঞানাত্মক, ঐশ্বর্যাত্মক ও শক্ত্যাত্মক। জ্ঞান, ঐশ্বর্য ও শক্তি তাঁহারই স্বরূপ। অগ্নির প্রকাশত্ব ও উষ্ণত্ব যেমন উহার স্বরূপানুবন্ধি,—জ্ঞান, ঐশ্বর্য ও শক্তিও সেইরূপ ভগবানের স্বরূপানুবন্ধি। শ্রুতিগণ বলিতেছেন :—

“বুদ্ধিমনোহঙ্ক প্রত্যঙ্গবত্তাঃ ভগবতো লক্ষয়ামহে”

অর্থাৎ আমরা সৰ্ব্বজ্ঞ,—অচিন্ত্য, স্বানুবন্ধিশক্তির প্রভাবে ভগবান্কে বুদ্ধিমান্ মনোবান্ ও অঙ্কপ্রত্যঙ্গবান্ ইত্যাদি রূপে দর্শন করি,

১। তমেকং গোবিন্দং সচ্চিদানন্দবিগ্রহম্।

২। অঙ্কমাত্রাত্মকো রামো ব্রহ্মানন্দৈকবিগ্রহঃ ॥

হরিবংশে লিখিত আছে, কৃষ্ণ-প্রতি দুর্বাসা বলিতেছেন :—

বেদান্তপ্রমিতং তেজস্বঞ্চ বেদৈর্বিভাব্যতে।

যেন বিজ্ঞানতৃপ্তাস্ত যোগিনো বীতকল্মষাঃ ॥

পশুস্তি হৃৎসরোজে হি তদেবেদং বপুঃপ্রভো-

বৈদৈর্ঘ্যং কীর্ত্যতে তেজো ব্রহ্মেতি প্রবিতম্য বৈ

তদেবেদং বিজ্ঞানেহং রূপমীশমনীশ্বরম্ ॥

এতদ্বারা জানা যাইতেছে বেদবেদান্তে যে তেজ ব্রহ্ম বলিয়া কীর্তিত

হইয়াছেন, উহা ভগবানেরই দেহ। কিন্তু পুরাণাদিতে এই সিদ্ধান্তের প্রতিকূল উক্তিও দেখিতে পাওয়া যায়। তাহাতে ভগবদেহকে অড় অনিত্য অতএব বিনাশ্য বলিয়াও ভ্রম উপস্থিত হইতে পারে। বিষ্ণু-পুরাণেও পঞ্চমাংশে লিখিত হইয়াছে,—

এতে তস্মিন্ স ভগবান্ সংযোজ্যাত্মনমত্মানি ।
তত্যাঙ্গ মানুষং দেহমতীত্য ত্রিবিধাং গতিম্ ॥
অর্জুনোহপি তদদ্বিষ্য কৃষ্ণরাম কলেবরে ।
সংস্কারং লভয়ামাস তথাত্মেষামনুক্রমাৎ ॥
অষ্টৌ মহিম্যঃ কথিতা রুক্মিণীপ্রমুখাস্ত য়াঃ ।
উপলভ্য হরেদেহং বিবিশুস্তা হতাশনম্ ॥

মহাভারতের মোঘলপর্বেও এইরূপ উক্তি আছে যথা :—

ততঃ শরীরং রামস্য বাসুদেবস্য চোভয়োঃ ।
অদ্বিষ্য দাহয়ামাস পুরুষৈরাপ্তকারিভিঃ ॥

শ্রীমদ্ভাগবতেও এইরূপ উক্তি দেখিতে পাওয়া যায় যথা :—

১ । যয়াহরদ্ভুবো ভারং তাংতনুং বিজ্জহাবজঃ ।
কণ্টকং কণ্টকেনৈব বয়স্কাপীশিতুঃ সমম্ ॥
যথা মৎসাদিরূপানি ধত্তে জহাদ্ যথা নটঃ ।
ভূভারঃক্ষয়িতো যেন জহৌ তচ্চ কলেবরম্ ॥

১ম স্কন্ধ ১৫/৩৪—৩৫ ।

২ । হরিরপি তত্যাঙ্গ আকৃতিং ত্র্যধীশঃ । তৃতীয় স্কন্ধে

৩ । ব্রহ্মশাপোপসংসৃষ্টে স্বকূলে যাদবর্ষভঃ ।

প্রৈয়সীং সর্বনেত্রাণাং তনুং স কথমত্যজৎ ॥ ১১/৩০।২

৪ । রামং দাশরথিকৈব মৃতং শুশ্রুস্বজয়ম্ ।

এই সকল শ্লোক দেখিয়া স্বভাবতঃই মনে হয় ভগবদেহও প্রকৃত অড়দেহ এবং প্রাকৃত দেহের ন্যায়ই বিনাশশীল। কিন্তু শাস্ত্র পর্যালোচনা

করিয়া জানা যায় যে, ভগবদেহ সচ্চিদানন্দ বিগ্রহ—শ্রীবিগ্রহ নিত্য ও ব্রহ্মস্বরূপ । তবে প্রাকৃত লোকের নয়নে মায়াধীশ ভগবানের নির্য্যাণলীলা প্রাকৃতবৎ প্রতিভাত হয় বলিয়া শাস্ত্রের স্থানে স্থানে এইরূপ বর্ণনা করা হইয়াছে ।

ভগবান্ জনসাধারণের বৈরাগ্য-উৎপাদনের জন্ত মায়াদ্বারা স্বীয়দেহ প্রাকৃত দেহের স্থায় প্রতিভাত করিয়াছিলেন, অথবা অসুরমোহনের জন্তই নিজ মায়াদ্বারা স্বীয় দেহের ধ্বংসাদি প্রদর্শন করিয়াছিলেন । ঐন্দ্রজালিকই (যাদুকর) যখন নিজের দেহ অব্যাহত রাখিয়াও ইন্দ্রজাল প্রভাবে দর্শক-গণের নিকটে নিজ দেহকে শত খণ্ডে কণ্ঠিতবৎ দেখাইতে সমর্থ হয়, তখন মায়াধীশ শ্রীভগবান্ অসুরমোহনের জন্ত যে এইরূপ স্বীয় দেহের ধ্বংস প্রদর্শন করিবেন ইহাতে আর বিচিত্রতা কি ? ইহা মায়িক প্রত্যয়নমাত্র ।

শ্রীমদ্ভাগবতে একাদশ স্কন্ধে লিখিত আছে, শ্রীভগবানের নির্য্যাণ সংবাদে পরীক্ষিত যখন খিন্ন হইয়াছিলেন, তখন শুকদেব তাঁহাকে প্রকৃত তত্ত্ব বুঝাইবার জন্ত বলিয়াছেন :—

রাজন্ পরশ্চ তত্ত্বভূনাঙ্কনাপ্যয়েহা

মায়াবিড়ম্বনমবেহি যথা নটশ্চ ।

সৃষ্টাশ্চনেদমনুশিষ্য বিহৃত্য চাস্তে

সংহৃত্য চাত্মমহিনোপরতঃ স আস্তে । ১১।৩১।১১

হে রাজন্, পরমেশ্বরের ও যে মানুষের স্থায় জন্মমরণাদি দৃষ্ট হয়, উহা সত্য নহে, উহা নটের স্থায় মায়াবিড়ম্বন বলিয়া জানিবে । এই অধ্যায়ের ১২শ শ্লোকের বাখ্যায় শ্রীমদ্ভাগবতের টীকাকার বিজয়ধ্বজ দুইটি শ্লোক উদ্ধৃত করিয়া বলেন, ভগবানের দেহত্যাগ মায়াবিড়ম্বনা মাত্র, যথা :—

জগতাং মোহনার্থায় ভগবান্ পুরুষোত্তমঃ ।

দর্শয়ন্ মায়াধীং চেষ্টাং তথা মৃতকবদ্বিতুঃ ॥

প্রকাশয়েৎ সেদাসাংগি মোহায় চ ছয়াশ্বনাম্ ।

মায়য়া মৃতকং দেব তদা সৃষ্টং প্রদর্শয়ৎ ।

কুতো হি মৃতকং তন্তু মৃত্যু অভাবাৎ পরাশ্বনঃ ॥

মৌষল চরিতে ভগবান্ স্বয়ংই দারুকের নিকট এই তথ্য প্রকাশ করি-
য়াছেন যথা :—

ত্বম্বমদ্বর্শমায়া জ্ঞাননিষ্টউপেক্ষকঃ ।

মন্মায়ারচিতামেতাং বিজ্ঞায়োপশমং ব্রজ ॥

স্কন্দপুরাণে—অসঙ্গশ্চাব্যরোহভেতোহনিগ্রাহোহশোষ্য এব চ ।

বিদ্ধাহসৃগাচিতো বদ্ধ ইতি বিষ্ণুঃ প্রদৃশতে ॥

অসুরান্ মোহয়ন্ দেবঃ ক্রীড়তোষু সুরেষপি ।

মানুষান্ মাধয়া দৃষ্ট্যা ন মুক্তেষু কথঞ্চন ॥

অপি চ—অবিজ্ঞায় পরং দেহমানন্দাত্মানমব্যয়ম্ ।

আরোপয়ন্তি জনিমং পঞ্চভূতাত্মকং জড়ম্ ॥

বিষ্ণুপুরাণে ও মহাভারতে ভগবদ্দেহসংকারের যে উল্লেখ আছে,
উহাও মোহনাত্মক। শ্রীমদ্ভাগবতে উহার বিপরীত কথাই লিখিত
রহিয়াছে, যথা :—

ভগবান্ পিতামহং বীক্ষ্য বিভূর্তীরাশ্বনো বিভূঃ ।

সংযোজ্যাত্মনি চাত্মানং পদ্বনেত্রে কৃমীলয়ৎ ॥

লোকাভিরামাং স্বতনুং ধারণাধ্যান-মঙ্গলম্ ।

যোগধারণয়াগ্নেয়াহদক্ষা ধামাবিশৎ স্বকম্ ॥ ১১।১৩।৫—৬

যোগীরা যোগাগ্নিতে দেহ ভস্মীভূত করিয়া লোকান্তরে গমন করেন ;
শ্রীভগবানের অন্তর্দান সেরূপ নহে, ভগবান্ নিজের দেহ সহ স্বধামে গমন
করেন। শ্রীভগবদ্বিগ্রহ জগতের আশ্রয়, উপাসকের ধ্যান-মঙ্গল ও ব্রহ্ম
স্বরূপ, তাঁহার অন্তর্দান হওয়ার অর্থই এই—যে তিনি তাঁহার সচ্চিদানন্দ
মূর্তি লোকলোচনের নিকট হইতে অপ্রকট করেন। স্মৃতরাং প্রাকৃত
দেহাদির স্থায় ভগবৎ দেহের জড়ত্ব ও অনিত্যত্ব সিদ্ধান্ত-সম্মত নহে।

“যদাথ্বকো ভগবাংসুদাথ্বিকা ব্যক্তিঃ ।” “ন ভূতসম্বসংস্থানো-
নেহোহস্ত পরমাশ্বনঃ” ইত্যাদি শ্রুতিস্মৃতি-প্রতিপাদিতং স্বরূপবস্মিত্যানস্তা-
চিন্ত্যং কার্য্যকারণরূপ-প্রকৃতি-সম্বন্ধ-বর্জিতং অপ্রাকৃতং কলেবরং স্বাত্ম-
বিকং শরীরম্” “তাসাং তৎ সৌভগমদং বীক্ষ্যমানঞ্চ কেশবঃ । প্রশমায়
প্রসাদায় তত্রৈবাস্তর্দধে হরিঃ ।” ইতিবৎ অহো—প্রত্যক্ষতাং ত্যক্ত্বা অস্ত-
র্হিতোহভূৎ ইত্যর্থ্যঃ । প্রসঙ্গান্মৎশ্রাদি প্রাদুর্ভাবেষু শ্রীমূর্ত্তে নির্নিত্যতাং
দর্শয়তি, যথা নটঃ একেনৈব দেহেন রূপং ধত্তে অহাৎ চ তথা একেন ভগ-
বান্ যথেষ্টং মৎশ্রাদি রূপানি ধত্তে—অহাৎ অস্তর্কস্তু চ ।”

প্রকৃত কথা এই যে কার্য্য-কারণরূপ প্রকৃতি-সম্বন্ধ-বিবর্জিত স্বরূপবৎ
নিত্য ভগবদেহের বিনাশ অসম্ভব । “অহো কলেবরম্”—বাক্যের অর্থ—
অহুর্হিতোহভূৎ ।” আলোচ্য শ্লোকের টাকায় মহামহোপাধ্যায় শ্রীমদ্ বিশ্ব-
নাথ চক্রবর্ত্তিমহোদয়ের ব্যাখ্যান যেমন পরিস্ফুট, তেমনই তত্ত্ববিচার-
পাণ্ডিত্যপূর্ণ । এস্থলে উহার মর্ম্ম লিখিত হইতেছে :—“কৃষ্ণ ঐন্দ্রজালিক
নটের হায় তাঁহার স্বদেহ ত্যাগ ব্যাপারটা মিথ্যা মাত্র বলিয়াই লোকদিগের
নিকট প্রতিপন্ন করিয়াছিলেন ।” মূলে লিখিত আছে, ভগবান্ দেহ
ধারণ করেন এবং ত্যাগ করেন । “ধারণকরিয়া ত্যাগ করেন” ইহা লিখিত
হয় নাই । তন্নুত্যাগ-কালেও তিনি সেই তন্নু ধারণ করেন । ঐন্দ্র-
জালিক যেমন দেহ দাহ প্রভৃতি দ্বারা তদেহ ত্যাগ সকলকে দেখাইয়া থাকে
এবং দর্শক মাত্রই তাহা বিশ্বাস করে, কিন্তু বাস্তবিক সে দেহ ত্যাগ করে
না, মরিয়াও যায় না ; সেইরূপ ভগবান্ মৎশ্রাদি শরীর ত্যাগ করার
সময়েও তাহা ধারণ করিয়া থাকেন । ঐন্দ্রজালিকের স্বশরীর-ধারণ যেমন
সত্য, উহা ত্যাগ মাত্র মিথ্যা ; শ্রীকৃষ্ণ সম্বন্ধে ও সেইরূপ । ভগবানের
দেহ সচ্চিদানন্দস্বরূপ, ভৌতিক নয় । সুতরাং উহার নাশ অসম্ভব
যথা মহাত্মারতে :—

“ন ভূত সম্বসংস্থান দেহোহস্ত পরমাশ্বনঃ ।”

বৃহস্পতি পুরাণে লিখিত আছে :—

যোবেত্তি ভৌতিকং দেহং কৃৎস্ন পরমাশ্বনঃ ।

স সৰ্বস্বাধিঃ কার্যঃ শ্রৌতস্মার্ত্তবিধানতঃ ।

যুধঃ তস্তা বলোক্যাপি সচেলং স্নানমাচরেৎ ॥

‘বৈশম্পায়ন-সহস্র নামে লিখিত আছে, “অমৃতাত্মশোহমৃতবপুঃ” ।

“অমৃতবপুঃ” শব্দের অর্থ এই যে, ভগবদেহ বিনাশ-বর্জিত । এস্থলে শঙ্করাচার্য্যের ব্যাখ্যা প্রসিদ্ধ নয় । “অমৃতাত্ম” অর্থ ত্যাগার্থক । ত্যাগের অর্থ দান । বৈকুণ্ঠাদি ধামস্থিত ভক্তদিগকে স্বশরীর প্রবিষ্টচর নরনারীরূপ তাহাদের পালনার্থ প্রদান করিয়াছিলেন । ফলতঃ তন্মুত্যাগ বাস্তব নয় । শ্রীধর স্বামী ব্যাখ্যা করিয়াছেন, ভগবান্ স্বতন্মুসহ বৈকুণ্ঠে গমন করেন । শ্রীমদ্বিষ্ণুনাথ চক্রবর্তী বলেন, “ত্যাগোহত্র স্বতন্মুকরণকএব নতু স্বতস্বাসহ-মহীং অহৌ” এইরূপ কুব্যাখ্যার অবকাশ নাই । যেহেতু উপপদ বিভক্তি অপেক্ষা কারক-বিভক্তি বলীয়সা । শ্রীমদ্ভাগবতের তৃতীয় স্কন্ধে নবম অধ্যায়ের ২।৩।৪ শ্লোক শ্রীপাদ শ্রীজীব গোস্বামী, স্বামীর টীকাসহ উদ্ধৃত করিয়া এই সিদ্ধান্ত করিয়াছেন যে, গাং নাদৃশ্চ ইতি বিগ্রহরূপং যাম্ ইত্যেবার্থঃ বিগ্রহশ্চেব পরব্রহ্মত্বেন স্থাপিতত্বাৎ” অর্থাৎ ভগবদ্বিগ্রহ পরব্রহ্ম স্বরূপ । উহা মায়িক নহে, প্রাকৃতিক নহে, ভৌতিকও নহে ।

দ্বাদশ অধ্যায়

বিরুদ্ধধর্ম্মাশ্রয়ত্ব

শ্রীভগবানের অবতার গ্রহণ সম্বন্ধে এক শ্রেণীর প্রতিবাদী আছেন । তাঁহারা বলেন, যিনি পরব্রহ্ম, তিনি অনন্ত অবিভাজ্য ও সর্বব্যাপী । তিনি যদি কোন নির্দিষ্ট আকারে আকারিত হরেন, তবে তাঁহার সর্ব-

ব্যাপি কি প্রকারে থাকিতে পারে ? তিনি যদি বুদ্ধ, মৎস্য, কূর্ম, বামন, রাম বা কৃষ্ণের বেশে অগতে প্রকটিত হইলেন, তবে তাঁহার সর্বগত সর্বব্যাপি বিভূষ থাকিতে পারে কি ? এ অবস্থায় তিনি তো দেশ-কালাদি দ্বারা পরিচ্ছিন্ন হইয়া যান । অতএব তাঁহার সঙ্গুণত্ব ও আকারাদি স্বীকার করিলে তাঁহাকে একবারেই বিভূ বলা চলে না ।

কেবলাদেতবাদী শ্রীমৎ শঙ্করাচার্য্যও বেদান্ত সূত্রের তৃতীয় অধ্যায়ের দ্বিতীয় পাদের “ন স্থানতোহপি পরশ্চ উভয়লিঙ্গং সর্বত্র হি” এই সূত্র হইতে কতিপয় সূত্রের ভাষ্যে স বিশেষ ও সাকার বাদের প্রতিকূলে এই যুক্তি উত্থাপন করিয়াছেন যে—ন হ্যেকং বস্তু স্বত এব রূপাদি বিশেষাপেতং তদ্বিষয়ে তন্মত্যাভ্যুপগম্যশক্যং বিরোধাত্” অর্থাৎ একই বস্তু রূপাদিযুক্ত ও রূপাদিবিহীন একরূপ হইতে পারে না । এই সকল উক্তি তর্কযুক্তির কথা, প্রাকৃত বিষয়েই এই সকল তর্ক-যুক্তিযুক্ত হইতে পারে ; কিন্তু ঈশ্বরের সম্বন্ধে একরূপ তর্কই উঠিতে পারে না । শ্রীমৎ শঙ্করই শারীরক মীমাংসার দ্বিতীয় অধ্যায়ের প্রথম পাদের ৬ষ্ঠ সূত্রের ভাষ্যে সাংখ্যতর্ক-নিরসনের জন্ত লিখিয়াছেন :—

“রূপাত্তাভাৱং হি নায়মর্থঃ প্রত্যক্ষশ্চ গোচরঃ, লিঙ্গাত্তাভাৱাচ্চ নানুমা
নাদিনাং আগমমাত্রসমাধিগম্য এব তু অয়মর্থো ধর্মবৎ ।” অর্থাৎ রূপাদি না
থাকায় তিনি প্রত্যক্ষাদির অগোচর, আবার লিঙ্গাদিপ্রত্যক্ষদৃষ্ট
আনুমানিক চিহ্নাদি না থাকায় তিনি অনুমানেরও অবিষয় । অপর তিনি
প্রত্যক্ষ বা তর্কাদির বিষয় নহেন, কেবল, শাস্ত্রগম্য । এই উক্তি
প্রতিপাদনের জন্ত শ্রীমৎ শঙ্করাচার্য্য শ্রুতিবাক্য উদ্ধৃত করিয়াছেন যথা :—

“নৈষাতর্কেণ মত্তিরাপনেয়া প্রোক্তান্তেনৈবস্বল্পমানায় প্রেষ্ঠ ।” ইতি

“কো অহা বেদ ক ইহ প্রবোচৎ ইদং বিসৃষ্টির্বত আবভূব ।”

ইতি চেতো মন্ত্রো সিদ্ধানামপীশ্বরানাং দুর্কোষতাং অগৎকারণশ্চ দর্শয়তঃ ।

অগৎকারণ ব্রহ্ম যে সিদ্ধ ঈশ্বরগণেরও দুর্কোষ্য তাহা ছইটী মন্ত্রে বলা

হইয়াছে। “হে প্রিয়, নচিকেত, অন্ধবিষয়ক মতি কুতর্ক বাধিত করিতে নাই, ইহা গুরুকর্তৃক উপদিষ্ট হইলেই ফলবতী হয়, অতথা বিফল। অপিচ যাহা হইতে এই বিচিত্র সৃষ্টি হইয়াছে, কে তাঁহাকে সাক্ষাৎ সঙ্ক্ষে জানে? কেইবা তাঁহার কথা উপদেশ করিয়া বুঝাইয়া দিতে পারে? স্মৃতিতেও লিখিত আছে :—

অচিন্ত্যাঃ খলু যে ভাবা ন তাংসুর্কেণ যোজয়েৎ ।

প্রকৃতিভ্যঃ পরং যচ্চ তদচিন্ত্যস্য লক্ষণম্ ॥

“অব্যক্তোহয়মচিন্ত্যোহয়মবিকার্যোহয়মুচ্যতে ।”

ন মে বিদুঃ সুরগণাঃ প্রভবং ন মহর্ষয়ঃ ॥

এখানে শুধু তর্কই বাধিত হইয়াছে, শ্রুতির অমুগৃহাত তর্ক অবশ্যই আশ্রয় যোগ্য। শঙ্কর নিজেই এহলে বলিয়াছেন :—নানেনমিষেণ শুদ্ধতর্কশ্রাত্ৰাত্মলাভঃ সম্ভবতি । শ্রুত্যানুগ্রহাত এবহত্র তর্কোহমুত্তবাস্থেনা-শ্রীয়তে । তর্কাপ্রতিষ্ঠানাদিতি চ কেবলস্য তর্কস্য বিপ্রলম্বকত্বং দর্শয়িষ্যতি ।

শ্রীমৎ শঙ্করাচার্যের এই যুক্তিতেই প্রতিপন্ন হইতেছে যে, অচিন্ত্যতত্ত্ব পরব্রহ্মে বিপরীত ভাবের সমাবেশ অসঙ্গত বা অসমীচীন নহে। শ্রীপাদ শ্রীজীব গোস্বামিমহোদয় ভগবৎসন্দর্ভে শ্রীভগবদ্বিগ্রহের বিভূত্ব ও পরিচ্ছিন্নত্বের যুগপৎ সম্ভাবনা সঙ্ক্ষে অতি পরিস্ফুট বিচার করিয়াছেন। যে শ্লোকটির অবলম্বনে এই বিচার উপস্থাপিত হইয়াছে নিম্নে তাহা উদ্ধৃত করা যাইতেছে :—

ন চাস্তন-বহির্ষস্য ন পূর্বং নাপি চাপরম্ ।

পূর্বাপরং বহিঃশাস্তর্জগতো যো জগচ্চ যঃ ॥

তং মত্বাত্মজমব্যক্ত্যং মর্তলিঙ্গমধোকজম্ ।

গোপিকোলুধলে দাম্না ববন্ধ প্রাকৃতং যথা ॥

ইহাতে প্রশ্ন হইতে পারে যে এই সর্বব্যাপক পদার্থকে কি প্রকারে বাধা যাইতে পারে। তাই ঋষি লিখিয়াছেন “মর্তলিঙ্গম্”—অর্থাৎ “মনুষ্য-বিগ্রহম্”। এখন কথা-এই যে, যদি তাঁহাকে নরাকার বলিয়া স্বীকার কর, তবে আবার ব্যাপকত্ব কোথায়—বিভূত্ব কোথায়? এই দোষ পরিহারের জন্য অপর একটি বিশেষণ দেওয়া হইয়াছে, তিনি যে অধোকাজ সর্বেশ্বরজ্ঞানের অগোচর—অধঃকৃতঃ ইন্দ্রিয়জ্ঞানং যেন—ইনি প্রত্যক্ষাদি প্রমাণসমূহ দ্বারা অচিন্ত্য। শ্রীবিগ্রহের প্রভাব আমাদের চিন্তার অতীত। শ্রীবিগ্রহ মায়িক নহে। বাড়বাগ্নি সমুদ্র মধ্যে থাকে—ইহা সকলেরই সুবিদিত। জলের মধ্যে আগুন থাকা অসম্ভব এই-তর্ক তুলিয়া যাহারা বলিতে চাহে বাড়বাগ্নি ঐন্দ্রজালিক ব্যাপার মাত্র, তাহারা প্রকৃতই অজ্ঞ। শ্রুতি শ্রীভগবানের স্বরূপসম্বন্ধে বলিতে গিয়া চকিত হইয়া বলিতেছেন—

“অর্বাণ্ডেবা অশ্রু বিসর্জ্জনেনাথ কো বেদ যত আবভুব।”

শ্রীপাদশ্রীজীব এহলে সিদ্ধান্ত করিয়াছেন :—

“তস্মাদন্ত্যেব তস্মিন্ পরিচ্ছিন্নদ্বং বিভূত্বং চেতি যুগপদেব মূলসিদ্ধান্ত এব—পরম্পরবিরোধিশক্তিশতনিধানত্বং তস্ম দর্শিতম্।”

অর্থাৎ অচিন্ত্যত্বকৈশ্বর্য ভগবদ্বিগ্রহে যুগপৎ বিভূত্ব ও পরিচ্ছিন্নত্ব অবশ্য স্বাকার্য্য। মূল সিদ্ধান্ত এই যে, তিনি শত শত পরম্পর বিরোধি-শক্তি সমূহের আশ্রয়। ত্রিদোষের ঔষধগুলিও পরম্পর বিরুদ্ধ ধর্মের আশ্রয়ীভূত।

এ সম্বন্ধে ব্রহ্মসংহিতায় একটা প্রমাণ আছে যথা :—

পছাস্ত্ব কোটিশতবৎসরসংপ্রগম্যো
 বায়োরথাপি মনসো মূনিপুত্রবানাম্।
 সোহপ্যস্তি যৎ প্রপসীয়াবিচিন্ত্যাতত্ত্বে
 গোবিন্দমাদিপুরুষং তমহং ভজামি ॥

মাধবভাষ্য প্রমাণিত একটি শ্রুতিও ইহার পোষক, তদ্ যথা :—

অস্থলোহনগুরমধ্যমোহমধ্যমো ব্যাপকোহব্যাপকো হরিরাদিরনাদির
বিখোহবিশ্বঃ সঞ্জগো নিগুণঃ ইতি ।

নৃসিংহতাপনীতেও লিখিত আছে :—

তুরীয়মতুরীয়মাআনমনআনমুগ্রমমুগ্রং বীরমবীরং মহাস্তমমহাস্তং বিষ্ণু-
মবিষ্ণুং জলস্তমজ্জলস্তম্ সৰ্বতোমুখম সৰ্বতোমুখম্ ।”

ব্রহ্মপুরাণে- -অস্থলোহনগুরূপোহসৌঅবিখো বিশ্ব এবযঃ বিরুদ্ধ ধৰ্মরূপো-
হসৌ ঐশ্বর্যাৎ পুঙ্কষোক্তমঃ ॥

শ্রীবিষ্ণুধর্মোত্তরে—পরনাথস্ত পর্যাস্ত সহস্রাংশাণুমূর্তয়ে ।

অষ্টরাস্তাবুতাংশাস্তস্থিতব্রহ্মাণ্ডধারিণে ॥

শ্রীভগবদগীতায়—ময়া ততমিদং সৰ্বং জগদব্যক্ত মূর্তিনা ।

মৎস্থানি সৰ্বভূতানি ন চাহং তেষবস্থিতঃ ॥

ন চ মৎস্থানি ভূতানি পশু মে যোগমৈশ্বরম্ ।

এহলে “অব্যক্তমূর্তিনা” এই পদ প্রয়োগের অর্থ করিষা শ্রীজীব
গোস্বামি মহোদয় লিখিয়াছেন “তাদৃশ রূপত্বাৎ বুদ্ধিবৈভবগোচরস্বভাব-
বিগ্রহেণ” অর্থাৎ তাদৃশরূপত্বহেতু তাঁহার বিগ্রহ বুদ্ধিবৈভবের অগোচর ।
ভগবৎসন্দর্ভে শ্রীপাদজীবগোস্বামিমহোদয় এ সঙ্কল্পে যথেষ্ট বিচার করিয়া
যে সিদ্ধান্ত স্থাপন করিয়াছেন, তাহা এই যে, শ্রীভগবান্ দুর্ভিতর্ক্য-স্বরূপ-
শক্তি দ্বারা বিভূত্ব ও পরিচ্ছিন্নত্ব এই উভয়ভাববিশিষ্ট । শ্রীভাগবতের
দশম স্কন্ধের ৮ অধ্যায়ের ৪০ শ্লোকের ব্যাখ্যায় তিনি লিখিয়াছেন :—

দুর্ভিতর্ক্যস্বরূপশষ্টৈক্যব মধ্যম পরিমাণ বিশেষ এব সৰ্বব্যাপকোহস্মীতি
স্বয়মেব ভগবান্ জননীং যুগপদুভয়াত্মকং নিজধর্মবিশেষং দর্শিতবান্ ।”

অর্থাৎ দুর্ভিতর্ক স্বরূপশক্তিবান্ মধ্যম পরিমাণবিশিষ্ট হইয়াও আপনি
সৰ্বব্যাপক । আপনি নিজেই জননীকে এই উভয়াত্মক নিজধর্ম দেখাইয়া-
ছিলেন । শ্রীভগবদ্ বিগ্রহ অচিন্ত্য তর্কৈশ্বর্যপূর্ণ । প্রকৃত দেহের সহিত

ভগবদ্ বিগ্রহের তুলনা করিতে গিয়া লোকের হৃদয়ে ভ্রান্ত ধারণার উদয় হয়। কিন্তু শাস্ত্রের অভিপ্রায় ও সিদ্ধান্ত সেরূপ নহে।

কেহ কেহ বলেন, জগতের হিতের জন্য ইচ্ছাময় সর্বশক্তিমান্ ভগবানের জন্মগ্রহণের প্রয়োজন কি? তিনি এইরূপে জন্মগ্রহণ করিয়া পদে পদেই তাঁহাকে মানুষের জ্ঞান ক্ষুদ্রতা দেখাইতে হয়, মানুষের জ্ঞান তাঁহাকে ক্লেশ ভোগ করিতে হয়। মানুষের মতই সর্ববিষয়েই তাঁহাকে অপদস্থ হইতে হয়। সর্বশক্তিমান্ ইচ্ছাময় ভগবান্ তাহা কেন করিবেন?

ইহার উত্তরে আমরা বলি, তাঁহার ইচ্ছাময়তা ও সর্বশক্তিমান্ হই ইহার কারণ। যেহেতু তিনি সর্বশক্তিমান্ ও ইচ্ছাময়,—মানুষের জ্ঞান প্রপঞ্চে অবতরণ,—তাঁহারই ইচ্ছা। তিনি কেবল সর্বশক্তিমান্ নহেন, কেবল ইচ্ছাময় ও নহেন, তিনি দয়াময়ও বটেন। সুতরাং জীবদিগের উন্নতির জন্য “তিনি যে করুণাময়” জীবের হৃদয়ে এই তত্ত্ব প্রকটিত করার জন্য মানুষের ভাবে, মানুষের আকারে ভগবান্ প্রপঞ্চে প্রকটিত হইবেন, ইহার আর অসৌক্যিকতা কি আছে? মানুষের মধ্যে মানুষভাবে না আসিলে মানুষ কিরূপে তাঁহার দয়ার পরিচয় পাইবে? এই নিমিত্ত তিনি এজগতে অবতীর্ণ হইবেন, এবং মানুষের মতই লীলা কারয়া থাকেন।

অপর কথা এই যে, তিনি সমগ্র ক্লেশকর্মবিপাক-পরিবর্জিত; মানুষের মত এ জগতে বিচরণ করিলেই বা তাঁহার ক্লেশ হইবে কেন? সাধু যোগী প্রভৃতিই যখন সাধারণ জীবের জ্ঞান ক্লেশের অধীন নহেন, তখন যোগীন্দ্র মুনীন্দ্রের চিরধ্যেয় ক্লেশ-কর্মবিপাকের অনধীন স্বতন্ত্র ভগবানের আবার ক্লেশ কি? তিনি মনুষ্যদিগকে শিক্ষা দিবার জন্য নর-শরীর গ্রহণ করিয়া জগতে অবতীর্ণ হইবেন, তাঁহার সর্বচিন্তাকর্ষকরূপ দেখিয়া, তাঁহার প্রভাবময় বাক্যশুনিয়া এবং তাঁহার অশেষ কল্যাণজনক কার্য দেখিয়া মানব সমাজ উন্নতির পথে পরিচালিত হয়, মানুষ তাঁহার ভাবগতি কিরূপে পরিমাণে বুঝিতে সক্ষম হয়; তাই তিনি সীতার বলিয়াছেন :—

যদ্যদাচরতি শ্রেষ্ঠত্তদেবেতরো জনঃ ।

ম যৎ প্রমাণং কুরুতে লোকস্তদনুবর্ততে ॥ ২১ ॥

ন মে পার্থাস্তি কর্তব্যং ত্রিসু লোকেষু কিঞ্চন ।

নানবাণ্ডমবাণ্ডব্যং বর্ত্ত এব চ কর্মণি ॥ ২২ ॥

যদিহহং ন বর্ত্তেয়ং জাতু কর্মণ্যতদ্বিতঃ ।

মম বর্ত্তানুবর্ত্তন্তে মনুষ্যাঃ পার্থ সর্বশঃ ॥ ২৩ ॥

উৎসীদেয়ুরিমে লোকা ন কুর্যাৎ কর্ম চেদহম্ ।

শঙ্করশ্চ চ কর্ত্তা শ্রামুপহৃত্যামিমাঃ প্রজাঃ ॥ ২৪ ॥ ৩ অধ্যায় ।

শ্রীভগবান্ বলিতেছেন ত্রিভুবনে আমার কিছু অপ্রাপ্ত নাই, সুতরাং কোন কর্ত্তব্য নাই তথাপি আমি লোক-হিতার্থে কর্ম করিতেছি। আমি কর্ম না করিলে এই সকল লোক উৎসন্ন হইয়া যাইবে এবং আমি প্রজাগণের অবনতির হেতু হইবে। এই জন্য আমি নিজে কর্ম করিয়া জীবদিগকে শিক্ষা দেই।” এখানে আর একটি সংশয় উঠিতে পারে—আপ্তকাম ভগবানের এই কারুণ্য কেন? বাচস্পতি মিশ্র সাংখ্যতত্ত্ব-কৌমুদীতে এই সংশয়ের উত্থাপন করিয়াছেন।

তিনি যাহা লিখিয়াছেন তাহার মর্ম্ম এই যে, যিনি পূর্ণকাম তাঁহার আবার অগৎ-সৃষ্টির বাসনা কেন হইবে? যদি বল, ইনি করুণা করিয়া অগৎ সৃষ্টি করেন এবং আপনিও অবতীর্ণ হয়েন একথাও সূসঙ্গত নহে। কেন না সৃষ্টির পূর্বে-তো জীবের শরীর-ইন্দ্রিয়াদি ছিল না, সুতরাং দুঃখও ছিল না। এই অবস্থায় কাহার দুঃখনাশের ইচ্ছায় ভগবানের করুণা হইবে? যদি বল, সৃষ্টির পরবর্ত্তী সময়ে জীবদিগের দুঃখ দেখিয়াই ভগবানের কারুণ্যের উদয় হয়,—ইহাতে তোমার উক্তিতে ইতরেতরাশ্রয় দোষ ঘটে। অর্থাৎ কারুণ্য দ্বারা সৃষ্টি, আবার সৃষ্টি দ্বারা কারুণ্য সাধিত হয়। আবার যদি বল যে ঈশ্বর সাকরুণ, ঈশ্বর জীবদিগকে সুখী করিয়াই সৃষ্টি করেন কিন্তু জীবের কর্ম্ম জীব দিগকে দুঃখ-দুর্দশাগ্রস্ত করিয়া ফেলে,—

* তাহা হইলে ইহাও স্বীকার করিতে হয় যে, ইচ্ছাময়ই কর্মে অধিষ্ঠিত থাকেন। তাঁহার অধিষ্ঠানতা ভিন্ন অচেতন কর্মের প্রবৃত্তি অসম্ভব। সুতরাং জীবের শরীরধারণও অসম্ভব, কাজেই দুঃখের উৎপত্তিও অসম্ভব। অতএব কারুণ্যের কথা উঠিতেই পারে না।

ব্রহ্মসূত্রে ইহার উত্তর দেখিতে পাওয়া যায়। ভগবান্ বাদরায়ণ এইরূপ সংশয়ের নিরাসের জন্ত পূর্বপক্ষ করিয়া তাহার নিরাস করিয়াছেন। পূর্বপক্ষ সূত্র—“প্রয়োজনবজ্রাৎ।” ব্রহ্মসূত্র—২।১।৩২ অর্থাৎ প্রয়োজন ভিন্ন জগতে কখনও কাহারও কোনও বিষয়ে প্রবৃত্তি হয় না। পরমাত্মা আত্মহৃষ্ট ও আত্মকাম, তাঁহার কোনও অভাব নাহি; প্রয়োজনও নাই; সুতরাং তিনি সৃষ্টিতে প্রবৃত্ত হইবেন কেন? আপ্তকামস্য কা স্পৃহা”— ইতি মণ্ডুক শ্রুতি। যদি বল, উন্নতের নর্তনের জায় তাঁহার প্রবৃত্তি হইয়া থাকে—“যথা মন্তস্য নর্তনম্।” এ দৃষ্টান্তও দেওয়া সম্ভব নহে, কেননা ইহাতে পরমাত্মার সর্বস্বতায় দোষ পড়ে। ইহার উত্তরে ভগবান্ সূত্রকার বলেন :—লোকবন্তু লীলা-কৈবল্যম্ ব্রহ্মসূত্র—২।১।৩৩ শঙ্কর ইহার ভাষ্যে লিখিয়াছেন,—এই জগৎ-রচনা ঈশ্বরের লীলাস্বরূপ, বিনা প্রয়োজনেই লীলা-প্রবৃত্তি দেখা যায়, অতএব ঈশ্বরের ইত্যাকার পূর্ব পক্ষের অবসরাতাব। আপ্তকাম রাজার বিহারাদির জায় অথবা শ্বাস-প্রশ্বাসাদির জায় বিনা প্রয়োজনেও কেবল মাত্র স্বভাবের বশে উহা সম্পন্ন হয়।

শ্রীমদ্বলদেব বিদ্যাভূষণ এই সূত্রের ভাষ্যে একটি শ্লোক উদ্ধৃত করিয়াছেন, তদ্যথা :—

সৃষ্টাদিকং হরেনৈব প্রয়োজনমপেক্ষতে ।

কুরুতে কেবলানন্দাৎ যথা মন্তস্য নর্তনম্ ॥

পূর্ণানন্দস্য তস্মৈহ প্রয়োজন-মতিঃকৃতঃ ।

মুক্তা অব্যাপ্তকামাঃ স্যুঃ কিমু তস্যাত্মিলায়নঃ ॥

নারায়ণসংহিতা (মাধবভাষ্যধৃত শ্লোক)

এ সম্বন্ধে মাধবভাষ্যধৃত শ্রুতি এই যে,—

“দেবসৌব স্বভাবোহরমাণ্ড কামস্য কা স্পৃহা ।”

অর্থাৎ ভগবানের স্বভাবই এইরূপ, আশুকাের আবার স্পৃহা কি ? ফলতঃ শ্রীভগবানের সৃষ্টিকার্য ও অবতরণ—তঁহার লীলা মাত্র । বিষ্ণু পুরাণে অতি স্পষ্টরূপেই ইহার উল্লেখ আছে যথা:—

মনুষ্যধর্মশীলশ্চ লীলা সা জগতঃ পতে:

অস্প্রাণ্যনেকরূপাণি যদরাতিষু মুঞ্চতি ॥

মনসেব জগৎ সৃষ্টিং সংহারঞ্চ কেরোতি য: ।

ভস্মায়িপক্ষ-ক্ষপণে কোহয়মুগ্রমবিস্তর: ॥

তথাপি যো মনুষ্যাণাং ধর্মশ্চমনুবর্ততে ।

কুর্ষ্বনু বলবতা সন্ধিঃ হীনেযু ক্ৰং কেরোত্যসৌ ॥

সাম চোপপ্রদানঞ্চ তথা ভেদং প্রদর্শয়নু ।

কেরোতি দণ্ডপাতঞ্চ কচিদেব পলায়নম্ ॥

মনুষ্য-দেহিনাং চেষ্টামিত্যেবমনুবর্তত: ।

লালা জগৎপতেশ্চ ছন্দতঃ সংপ্রবর্ততে ॥

৫ম অংশ ২২ অধ্যায় ১৪—১৮ ।

অর্থাৎ যিনি জগতের পতি, তিনি মনুষ্যধর্মশীল হইয়া মানুষের মত যে ব্যবহার করেন তাহাই তাঁহার লীলা । তিনি শত্রুর প্রতি অস্ত্র নিক্ষেপ করেন, ইহাও তাঁহার লীলা । কেননা যিনি মন দ্বারাই জগৎসৃষ্টি ও জগৎ সংহারে সমর্থ, শত্রুক্ষয়ের জন্ত তাঁহার ঐ উগ্রম কেন ? তিনি মানুষের সমাজে মানুষের বেশে আসিয়া মানুষের স্তায়ই আচরণ করেন, বলবান্দের সহিত সন্ধি করেন, হানবলের সহিত যুদ্ধ করেন, সাম-দান-ভেদ প্রদর্শন করেন, প্রয়োজন মত দণ্ড করেন, কখন বা পলায়ন করেন । এইরূপে মানুষের স্তায় তিনি ব্যবহার করেন ; জগৎপতির লীলা যেচ্ছাধীনা । সুতরাং ইহা তাঁহার পক্ষে অসম্ভবপর নহে ।

ঋষিবাক্য ও বিদ্বদমুভব প্রভৃতি বহুল প্রমাণ দ্বারা এইরূপে প্রতিপন্ন হইয়াছে যে শ্রীভগবদেহ নিত্য, অবিতর্ক্যঐশ্বর্য্যসম্পন্ন, স্মৃতরাং পরিচ্ছিন্ন হইয়াও বিভূ। জগতের হিহের নিমিত্ত প্রয়োজন অনুসারে শ্রীভগবানের পৃথক্ পৃথক্ শ্রীবিগ্রহ জগতে আবির্ভূত হইলেন। তাঁহার কারুণ্যই তাঁহার অবতরণের হেতু। জগৎসৃষ্টি তাঁহারই লীলা। আপ্তকাম শ্রীভগবানের এই লীলার কোন হেতু নাই। আপ্তকাম শ্রীভগবানের কোনও অভাব নাই, প্রমত্ত ব্যক্তি যখন আপন হৃদয়ের উল্লাসে আপনার ভাবে আপনি বিভোর হইয়া নৃত্য করে, তাঁহার সে নৃত্যের কোন হেতু থাকে না। অনন্ত গুণ-নিধান অনন্ত-উল্লাসনয় শ্রীভগবানের লীলাক্ষুরণ স্বতঃসিদ্ধ। এই লীলাক্ষেত্রই জীবের উৎপত্তি। জীবের সুখদুঃখও এই লীলার নিয়মেই সংঘটিত হয়। শ্রীভগবানের প্রীতি ও কারুণ্য প্রভৃতিও এই লীলাবিলাসের ভিন্ন ভিন্ন প্রকাশ-বিশেষ। জন্ম-কর্ম-রহিত শ্রীভগবানের জন্ম কর্ম প্রভৃতি তাঁহার অনন্ত লীলারই প্রকাশ। স্মৃতরাং এই প্রপঞ্চে শ্রীবিগ্রহের অবতরণ ও শ্রীভগবানের লীলা প্রকটন একই কথা।

ত্রয়োদশ অধ্যায়

বিবিধ অবতার

যিনি প্রকৃতির অসুখ্যানী ও মহত্ত্বের স্রষ্টা, যিনি অংশতঃ বহুরূপ হইয়াও প্রত্যেক ব্রহ্মাণ্ডের অসুখ্যামী হইলেন, যিনি অাদি অবতার ও সকল অবতারের বীজ বলিয়া প্রসিদ্ধ, যাহার অংশ পরমাশ্বরূপে ভূতে ভূতে বিরাজ করেন, তাঁহারই নাম পুরুষাবতার। এই পুরুষাবতার সম্বন্ধে সাংঘততন্ত্রের উক্তি যথা :—

বিষ্ণোস্ত্র ত্রিণি রূপাণি পুরুষাখ্যাণ্থো বিহুঃ ।

একস্ত মহতঃ স্রষ্টা দ্বিতীয়শ্চওসংস্থিতম্ ।

তৃতীয়ং সৰ্বভূতস্থংতানি জ্ঞাত্বা বিমুচ্যতে ॥

বিষ্ণুর অর্থাৎ মূলসর্কষণের পুরুষসংজ্ঞক ত্রিবিধরূপ শাস্ত্রে নির্দিষ্ট হইয়াছেন। তন্মধ্যে যিনি প্রকৃতির অন্তর্যামী ও মহত্ত্বের স্রষ্টা, তাঁহার নাম,—প্রথম-পুরুষ। যিনি ব্রহ্মাণ্ডের ও সমস্ত জীবের অন্তর্যামী, তাঁহার নাম,—দ্বিতীয়-পুরুষ। আর যিনি সৰ্বভূতের বা ব্যষ্টিজীবের অন্তর্যামী, তাঁহার নাম,—তৃতীয় পুরুষ।

প্রথম পুরুষ।—প্রলয়লীন বাসনাবদ্ধ, পরমেশ্বর বিমুখ জীবসকলের প্রতি করুণাবশতঃ শ্রীভগবানের সৃষ্টির ইচ্ছা হয়। বাসনাবদ্ধ জীব, সৃষ্ট সংসারে কর্ম করিতে করিতে শুদ্ধ হইয়া মৎসামুখ্য লাভ করুক, এইরূপ ইচ্ছা হইতেই শ্রীভগবানের সৃষ্টিচ্ছা প্রকাশ পাইয়া থাকে। সিন্ধু পরমেশ্বর পুরুষরূপ স্বীকার পূর্বক প্রকৃতির প্রতি ঈক্ষণ করেন। ঐ ঈক্ষণে গুণত্রয়ের সাম্যাবস্থার অপগমে স্পন্দনরূপ ক্ষোভাভিভব উৎপন্ন হয়। গুণক্ষোভে অব্যক্তা প্রকৃতি ত্রিগুণময়ী মূর্তিতে অভিব্যক্ত হইয়েন। সত্ত্বাদি গুণত্রয়ের নিলীন বৃত্তিসমূহের স্পন্দন বা অভ্যুদয়ই উহাদের ক্ষোভ। সত্ত্বাদি গুণত্রয় পরম্পরের অভিভব, উপকার, পরিণাম ও সংসর্গ দ্বারা নিজ নিজ বৃত্তি প্রাপ্ত হইয়া থাকে। এইরূপ গুণত্রয়ের বৃত্তির অভ্যুদয়ে ক্রমাশ্রমে মহাদি ক্রিয়ালব্ধ তত্ত্ব সকল উৎপন্ন হয়। প্রথম পুরুষই তত্ত্ব সকলের সৃষ্টিকর্তা। ইনি মহাবিষ্ণু ও সর্কষণ প্রভৃতি নামে অভিহিত হইয়া থাকেন। ইহার রূপ বিরাট্।

দ্বিতীয় পুরুষ। মহাদি ক্রিয়ালব্ধ অসংহত কারণ-তত্ত্ব সকলকে ত্রিবিধকৃত বা পরম্পর সম্মিলিত করিবার নিমিত্ত প্রথম পুরুষ অংশতঃ বহুরূপ হইয়া উহাদের অভ্যুদয়ে প্রবেশ করিয়া থাকেন। এই প্রবিষ্ট অংশই দ্বিতীয় পুরুষ। ইহার প্রবেশের পূর্বে তত্ত্ব সকল অন্তর্নিহিত ক্রিয়াশক্তি-

প্রভাবে পরম্পর অসংযত অবস্থার একমাত্র স্বাভাবিক সরল গতিতে অনন্ত আধারে নীরাহবৎ সঞ্চরণ করিতে থাকে। সরল গতির দিকপরিবর্তন বা বক্রভাব বিরুদ্ধ-শক্তির প্রতিবন্ধকতা ব্যতিরেকে সিদ্ধ হইতে পারে না। আবার উক্ত বক্রভাব ব্যতিরেকে অবয়ব-সম্বিশেষও সম্ভব হয় না। অতএব প্রথম পুরুষের দ্বিতীয় পুরুষরূপে প্রপঞ্চমধ্যে অবতরণের প্রয়োজন হয়।

দ্বিতীয় পুরুষ প্রপঞ্চে অবতরণ পূর্বক স্বীয় প্রবল আকর্ষণ দ্বারা তত্ত্ব সকলকে বক্রগতি প্রাপিত করিয়া থাকেন। এইরূপে তত্ত্ব সকল বক্র গতিবিশিষ্ট, ত্রিবিংকৃত, পঞ্চীকৃত, চক্রাবর্তে আবর্তিত ও আকৃষ্ট হইয়া কৈন্দ্রিক আকর্ষণ অভিতব পূর্বক কেন্দ্র বিচ্ছিন্ন অনন্তব্রহ্মাণ্ডের আকার ধারণ করে। কেন্দ্র বিচ্ছিন্ন ব্রহ্মাণ্ড সকল দিগ্‌দিগন্তে ধাবিত হয় না; কারণ, সমষ্টের অবয়ব ব্যাটে বস্তুসকল সমষ্টকে কেন্দ্র করিয়া উহার সমান্তরাল অক্ষরেখাতেই পরিভ্রমণ করিয়া থাকে। দ্বিতীয় পুরুষ এই ব্রহ্মাণ্ডের সৃষ্টিকর্তা। ইনি গর্ভোদশায়ী ও প্রদ্যুম্ন প্রভৃতি নামে উক্ত হইয়া থাকেন। ইনিও বিরাট্‌রূপী।

তৃতীয় পুরুষ.—দ্বিতীয় পুরুষ কর্তৃক সৃষ্ট ব্রহ্মাণ্ড,—স্বল্প। স্থূল সৃষ্টির নিমিত্ত দ্বিতীয় পুরুষ হইতে বিবিধ অবতার সকল প্রাদুর্ভূত হইয়া থাকেন। তন্মধ্যে যিনি পালনকর্তা বিষ্ণু, তাঁহাকেই তৃতীয় পুরুষ বলা হয়। ইনি ব্যাষ্টি জীবের অন্তর্যামী। ইনি ক্ষীরোদশায়ী ও অনিরুদ্ধ প্রভৃতি নামে উক্ত হইয়া থাকেন। ইনি চতুর্ভূজ বিষ্ণুরূপ। ইহাকে অন্তর্যামী পরমাত্মাও বলা যায়।

গুণাবতার,—স্থূল সৃষ্টি বা চরাচর সৃষ্টির নিমিত্ত গুণাবতারের প্রয়োজন হইয়া থাকে। তন্মধ্যে সৃষ্টির নিমিত্ত সৃষ্টিকর্তা রমোক্তের অবতার, সংহারের নিমিত্ত সংহারকর্তা তমোক্তের অবতার এবং পালনের নিমিত্ত পালনকর্তা সত্ত্বগুণের অবতার। এই পালন কর্তা সত্ত্বগুণাবতার বিষ্ণু ও পূর্বেই তৃতীয় পুরুষ একই। রমোক্তগুণাবতারের নাম ব্রহ্মা এবং তমো-

শুণাবতারের নাম শিব। সত্ত্ব, রজঃ ও তমঃ এই তিনটি প্রকৃতির গুণ নিয়ম্য, অর্থাৎ পুরুষের নিয়মাধীন। বিষ্ণু, ব্রহ্মা ও শিবরূপে আবির্ভূত পুরুষ নিয়ামক, অর্থাৎ গুণত্রয়ের পরিচালন কর্তা। তাঁহারা যে ভাবে পরিচালন করেন, গুণসকল সেই ভাবেই পরিচালিত হইয়া থাকে। এই-রূপ গুণের সহিত শুণাবতারের নিয়ম্য-নিয়ামকতারূপ সম্বন্ধকে যোগ বলা হয়। অতএব শুণাবতার সকল কখনই স্বেদ গুণক ভিন্ন অপর কোনরূপ গুণযোগ প্রাপ্ত অর্থাৎ গুণবদ্ধ হইবেন না। তন্মধ্যে ব্রহ্মা ও শিব সান্নিধ্য মাত্র রজোগুণ ও তমোগুণের পরিচালক হইবেন এবং বিষ্ণু সঙ্কল্প মাত্র সত্ত্ব-গুণের উপকারক হইবেন। অতএব বিষ্ণু কোন প্রকারই সত্ত্ব গুণের সহিত যুক্ত হইবেন না।

ব্রহ্মা। সমষ্টবিরাটরূপ কারণ হইতে উৎপন্ন ব্রহ্মা, হিরণ্যগর্ত্ত ও বৈরাগভেদে দ্বিবিধ। তন্মধ্যে যিনি কেবল ব্রহ্মলোকের ঐশ্বর্য উপভোগ করেন, সেই সমষ্ট জীবাত্মক সূক্ষ্মরূপকে হিরণ্যগর্ত্ত বলা হয়; আর যিনি সৃষ্টিকার্য্যে নিযুক্ত, সেই লোকাত্মক স্থূলরূপের নাম বৈরাগ। সূক্ষ্মরূপ মহত্ত্বাত্মক ও দেবাদির অগোচর; স্থূলরূপ ব্রহ্মাণ্ডাত্মক ও দেবাদির গোচর। বিরাট্, হিরণ্যগর্ত্ত ও কারণ এই তিনটিই উপাধি। স্থূলো-পাধির নাম বিরাট্-স্থূলোপাধির নাম হিরণ্যগর্ত্ত। আর কারণোপাধির নাম কারণ বা সমষ্ট বিরাট্। তদুপস্থিত চৈতন্যই ব্রহ্মা এবং তদস্বর্ধ্যামী চৈতন্যই দ্বিতীয় পুরুষ। বৈরাগ-সংজ্ঞক ব্রহ্মা, সৃষ্টি ও বেদ প্রচারের নিমিত্ত প্রায়ই চতুর্মুখ, অষ্টনেত্র ও অষ্টবাহু হইয়া অভিযুক্ত হইবেন। কোন কোন মহাকর্মে জীবও উপাসনা-প্রভাবে ব্রহ্মা হইয়া থাকেন। আর কোন কোন মহাকর্মে তাদৃশ জীবের অভাব হইলে, দ্বিতীয় পুরুষই অংশতঃ ব্রহ্মা হইয়া থাকেন। অতএব কালভেদে ব্রহ্মায় জীবকোটিত্ব ও ঈশ্বর কোটিত্ব উভয়ই সিদ্ধ হইতেছে। শাস্ত্রে ঈশ্বর আবির্ভাব অপেক্ষা করিয়া ব্রহ্মা অবতার বলিয়া নির্দিষ্ট হইয়া থাকেন। কেহ কেহ সমষ্টরূপ শ্রীভগ-

বানের সন্নিকৃষ্টতাহেতু, অর্থাৎ সৃষ্টিকার্যে ব্রহ্মাকে সমর্থ জানিয়া শ্রীভগবান্ কীরনীরবৎ তাঁহাতে সম্পৃক্ত হইয়া অভিন্নরূপে প্রতীয়মান হইলে বলিয়া ব্রহ্মাকে অবতার বলেন। কেহ কেহ বা তাঁহাকে আবেশাবতারই বলিয়া থাকেন।

শিব। শ্রীশিব একাদশবৃহাত্মক রুদ্র নামে খ্যাত। ঐ একাদশ বৃহৎ যথা,—অঐগাত, অহিব্রহ্ম, বিরূপাক্ষ, বৈরভ, হর, বহুরূপ, ত্র্যম্বক, সাবিত্র, অয়স্ত, পিনাকী ও অপরাজিত। পৃথিবী, জল, তেজ, বায়ু, আকাশ, সূর্য্য, চন্দ্র ও যজমান এই তাঁহার অষ্টমূর্ত্তি। তাঁহার দশ বাহু, পঞ্চবদন এবং প্রত্যেক মুখে তিনটি তিনটি করিয়া নয়ন উক্ত হইয়া থাকে। প্রায়ই ব্রহ্মা শিবরূপ ধারণ পূর্ব্বক সংহারকার্য সাধন করিয়া থাকেন। কোন কোন কালে স্বয়ং বিষ্ণুই শিবরূপ ধারণ পূর্ব্বক সংহারকার্য সাধন করিয়া থাকেন। আবার কোন কোন কালে তাদৃশ পুণ্যকারী জীবও সংহারকর্ত্তা হইলে। উক্ত ত্রিবিধ সংহার কর্ত্তাকেই গুণাবতার বলা হয়। কিন্তু যিনি শ্রীবৈকুণ্ঠধামের অন্তর্গত শিবলোকে সদাশিবরূপে বিরাজিত, তিনি গুণাবতার নহেন; তিনি নিগুণ এবং শ্রীনারায়ণের স্তায় স্বয়ংরূপ শ্রীকৃষ্ণেরই অঙ্গবিশেষ, অর্থাৎ বিলাস মূর্ত্তি বা কায়বৃহৎ। এই সদাশিব গুণাবতার শিবের অংশী।

বিষ্ণু,—পূর্ব্বক যে তৃতীয় পুরুষের কথা বলা হইয়াছে, তিনিই গুণাবতার বিষ্ণু।

লীলাবতার,—শ্রীভগবানের যে সকল অবতारे আরাম রহিত, বিবিধ বৈচিত্র্যপূর্ণ, নিত্যনূতন উল্লাস তরঙ্গ দ্বারা তরঙ্গায়িত, স্বেচ্ছাধীন কার্য্য সকল দৃষ্ট হয়, তাঁহাদিগকেই লীলাবতার বলা হইয়া থাকে। লীলাবতার সকল পূর্ণ, অংশ ও আবেশ ভেদে ত্রিবিধ। ঐ সকল লীলাবতারের মধ্যে অধিকাংশই অংশাবতার ও আবেশাবতার। একমাত্র শ্রীকৃষ্ণ পূর্ণাবতার। পূর্ব্বক যে স্বয়ং রূপের কথা বলা হইয়াছে, এই শ্রীকৃষ্ণই সেই স্বয়ং

রূপ। কল্পাবতার ও যুগাবতার সকল লীলাবতারেরই অস্তর্গত, এবং তাঁহাদের মধ্যে কেহ পূর্ণ, কেহ অংশ ও কেহ আবেশ।

শ্রীমদ্ভাগবতে অনেকগুলি লীলাবতারের বিষয় উক্ত হইয়াছে। ঐ সকল লীলাবতার যথা—চতুঃসন, নারদ, বরাহ, মৎস্য, যজ্ঞ, নারায়ণ, কপিল, দত্ত, হয়শীর্ষ, পৃথ্বীগর্ভ, ঋষভ, পৃথু, নৃসিংহ, কুর্ম, ধনুস্তরি, মোহিনী, বামন, পরশুরাম, রঘুনাথ, ব্যাস, বলরাম, শ্রীকৃষ্ণ, বৃদ্ধ ও কচ্ছি। ইহারা প্রতি কল্পেই লীলার্থ আবির্ভূত হইয়া থাকেন। যজ্ঞ, বিভূ, সত্যসেন, বৈকুণ্ঠ, অজিত, বামন, সার্কভৌম, ঋষভ, বিশ্বকসেন, ধর্মসেতু, সুদামা, যোগেশ্বর, ও বৃহদ্রাষ্ণ এই চতুর্দশটি মন্বন্তরাবতার। মন্বন্তরাবতার সকল ও লীলাবতার হইলেও, ইহারা যে যে মন্বন্তরে আবির্ভূত হইলেন, সেই সেই মন্বন্তর কাল পর্য্যন্ত পালন করাতেই, ইহাদিগকে মন্বন্তরাবতারই বলা হইয়া থাকে। যে মন্বন্তরে যিনি মন্বন্তরাবতার হইলেন, তিনিই সেই মন্বন্তরের যুগবিশেষে উপাসনা-বিশেষের প্রচারার্থ যুগাবতার হইয়া থাকেন। চারিটা যুগের যুগাবতার চারিটা। সত্যযুগের যুগাবতার শুরু, ত্রেতাযুগের যুগাবতার রক্ত, দ্বাপর যুগের যুগাবতার শ্যাম, আর কলি যুগের যুগাবতার সাধারণতঃ কৃষ্ণ। কোন কলিতে ক্কাচিৎ পীতবর্ণ যুগাবতারও দৃষ্ট হইয়া থাকেন।

চতুঃসন। যে চারিজনের নামের আদিতে ‘সন’ শব্দ বিদ্যমান, তাঁহারাি চতুঃসন বলিয়াই উক্ত হইলেন। তাঁহাদের নাম সনক, সনন্দন সনাতন ও সনৎকুমার। তাঁহাদের আকার পঞ্চবর্ষীয় বালকের স্থায় এবং বর্ণ গৌর। তাঁহারা জ্ঞান-প্রচারার্থ আবেশরূপে ব্রহ্মা হইতেই ব্রাহ্মণ হইয়া অবতীর্ণ হইলেন। তাঁহারা ব্রাহ্মকল্পে ব্রহ্মার নানসপুত্ররূপে জন্মগ্রহণ পূর্বক ব্রহ্মার অধিকার পর্য্যন্ত অবস্থান করেন। তাঁহাদিগের বাসস্থান ত্রিদিব বৈভবে শ্রীবৈকুণ্ঠলোক ও পাদবৈভবে প্রধানতঃ তপলোকে, এবং কার্য্য, কর্মজ্ঞান প্রচার। সৃষ্টির অধোমুখ প্রবাহে অর্থাৎ মানব জাতির উৎ-

পত্নির পূর্ব পর্য্যন্ত তাঁহাদিগের বিশেষ কোন কৰ্ম থাকে না। মানব জাতির উৎপত্তির পর তাঁহারা জ্ঞান প্রচারে প্রবৃত্ত হইয়া থাকেন। তাঁহারা পূর্ব কল্পীয় মহত্তম জীব। তাঁহারা পূর্বকল্পীয় জ্ঞানিচর ভক্ত অতএব মুক্তির অধিকারী হইয়াও, মুক্তিকে তুচ্ছ করিয়া, সৰ্বভূতের সেবাত্রত গ্রহণ পূর্বক পরকল্পে ভগবচ্ছক্ত্যবিষ্ট আবেশাবতার হইয়া স্বসঙ্কলিত মহদ্ব্রত উদ্ঘাপন করেন।

নারদ। ইনিও পূর্বকল্পীয় মহত্তম জীব এবং আবেশরূপে ব্রহ্মা হইতে অবতীর্ণ হইয়া ব্রহ্মার অধিকার পর্য্যন্ত অবস্থান করেন। ইনি শুদ্ধভক্ত এবং সৃষ্টির উদ্ধমুখ প্রবাহে অর্থাৎ মানব জাতির উৎপত্তির পর, জগতে শুদ্ধভক্তির প্রচার করিয়া থাকেন। ইহার বর্ণ শুভ্র এবং সৰ্বভূতের সেবাই ব্রত। ইনি পঞ্চরাত্র নামক আগম শাস্ত্রের প্রণয়ন কর্তা। ইনি শ্রীবেকুষ্ঠ-বাসী হইয়াও বীণাযন্ত্র সহযোগে শ্রীভগবানের জ্ঞানগান করিতে করিতে ব্রহ্মাণ্ডের সৰ্বত্র যথেষ্ট বিচরণ করিয়া থাকেন।

বরাহ। ব্রাহ্মকল্পে বরাহদেবের বারদ্বয় আবির্ভাব-কথা জানা যায়। তন্মধ্যে প্রথম স্বায়ম্ভুব মন্বন্তরে পৃথিবীর উদ্ধারার্থ ব্রহ্মার নাসারন্ধ্র হইতে কৃষ্ণবর্ণ চতুষ্পাদ বরাহ এবং দ্বিতীয় চাক্ষুষ মন্বন্তরে পৃথিবীর উদ্ধার ও প্রাচেতস দক্ষের দৌহিত্র হিরণ্যাক্ষের বিনাশের নিমিত্ত জল হইতে শুক্লবর্ণ নূবরাহ আবির্ভূত হইলেন। ইহার বাসস্থান শ্রীবেকুষ্ঠ ও মহর্লোক। বরাহাদি তিৰ্য্যাক্ৰূপী বা নূবরাহাদি মিশ্ররূপী অবতার সকলও কাল্পনিক নহে ; কারণ, ইহাদিগের মন্ত্রোপাসনাদি উক্ত হইয়া থাকে এবং শতপথাদি ব্রাহ্মণে তৈত্তিরীয়াদি সংহিতাতে ও আরণ্যকেও ইহাদের উল্লেখ দেখা যায়।

পুরাণে ভিন্ন ভিন্ন কল্পের কথা উক্ত হইয়াছে। কোন্ কল্পে কোন্ বিষয় কিরূপ ছিল, তাহা কে নিশ্চয় করিয়া বলিতে পারেন ? বিশেষতঃ পুরাণে অনেকানেক উচ্চতর লোকের কথা উক্ত হইয়াছে। এই সকল লোকের ঘটনা এই ভুলোকের পক্ষে অসম্ভব প্রতীয়মান হওয়া কিছু বিচিত্র

নহে। লক্ষ লক্ষ বৎসরের অতীত ঘটনা সকল এবং স্বর্গাদি উচ্চতর লোকের ঘটনা সকল কি ঈদানীন্তন ঐতিহাসিক অক্ষীয় ঘটনা সকলের সহিত এবং ভূলোকীয় ঘটনাবলীর সহিত তুলনায় সমালোচিত হওয়া যুক্তিযুক্ত? মানবের দর্শন বিজ্ঞান যাহা স্বপ্নেও অনুভব করেন নাই, এমন অনেক বিষয় কি অনাদি অনন্ত বিপুল বিশ্বরাজ্যে থাকিতে পারে না? উহা থাকিতে পারে না, বলা বা মনে করাও ধৃষ্টতার কার্য—দাস্তিকতার পরিচয় মাত্র। সীমাবদ্ধ ল দৃষ্টিতে যাহা অসম্ভব বোধ হয়, উত্তরোত্তর যুক্ত সূক্ষ্মাসূক্ষ্ম দৃষ্টিতে তাহা সম্পূর্ণ অসম্ভব বিবেচনা করাই বুদ্ধিবানের কার্য। আবার দস্তাহকারবিশিষ্ট হইয়া ঐ সকল পৌরাণিক ঘটনার প্রকারান্তরে অর্থ কল্পনা করিতে যাওয়াও অপরাধ বলিয়া উক্ত হয়। বিশেষতঃ ঐরূপ কল্পনায় আংশিক অসামঞ্জস্য অবশ্যস্তাবী। প্রত্যেক অংশের রূপক যখন বিশ্লেষণ করিয়া দেখান সম্ভব নহে, তখন মোটামুট একট রূপক সজ্জিত করিতে চেষ্টা করাও বিড়ম্বনা মাত্র।

যুৎশ্চ। বরাহাবতারের ণ্ডায় মৎশাবতারেরও ব্রাহ্মকল্পে বারদ্বয় আবির্ভাব শ্রবণ করা যায়। তন্মধ্যে স্বায়ম্ভুব মন্বন্তরের অবসানে হয়গ্রীব নামক দৈত্যকে বিনাশ করিয়া অপহৃত বেদের আহরণার্থ একবার এবং চান্দ্রম মন্বন্তরের অবসানে ভাবী বৈবস্বত মনু রাজা সত্যব্রতকে কৃপা করিবার নিমিত্ত আশ একবার মৎশ দেবের অবতার উক্ত হইয়া থাকে। বিষ্ণু-ধর্মোত্তরের মতে প্রতি মন্বন্তরেই একবার করিয়া মৎশাবতারের আবির্ভাব হইয়া থাকে। এই অবতारे এক কল্পের সুরক্ষিত বীজ অপর করে নীত হইতে দেখা যায়। সংহিতাদিতেও এই অবতারের প্রসঙ্গ দৃষ্ট হয়।

যজ্ঞ। শ্রীভগবান্ কৃষ্ণি হইতে আকৃতিতে যজ্ঞ রূপে অবতরণ পূর্বক স্বীয় পুত্র যমাদি দেবগণের সহিত স্বায়ম্ভুব মন্বন্তর পালন করিয়াছিলেন। ইহার অপর নাম হরি।

নরনারায়ণ। শ্রীভগবান্ জ্ঞানপ্রচারার্থ ধর্মের মূর্তিতে নর ও নারায়ণ

ঋষিরূপে অবতীর্ণ হইয়া দুশ্চর তপস্কার অনুষ্ঠান করিয়াছিলেন। ইহা-
দিগের হরি ও কৃষ্ণ নামক আর দুই সহোদরের উল্লেখ দেখা যায়। অতএব
চতুঃসনের স্থায় ইহাদিগেরও চারিটিতে একটি অবতার গণনা করা হয়।

কপিল। কপিলদেব জ্ঞান প্রচারার্থ কন্দম ঋষি হইতে দেবহুতিতে
আবির্ভূত হইয়াছিলেন, ইহার বর্ণ কপিল। ইনি ভৃগু প্রভৃতি ঋষি-
গণকে সেশ্বর সাংখ্য উপদেশ করিয়াছিলেন।

দত্ত। দত্ত বা দত্তায়েত্র জ্ঞান প্রচারার্থ অত্রিমুনি হইতে অননুয়াতে
আবির্ভূত হইয়া, অলক ও প্রহ্লাদপ্রভৃতিকে আত্মবিদ্যা উপদেশ
করিয়াছিলেন। এ সম্বন্ধে সংক্ষেপে আবার লঘুভাগবতামৃত হইতে বলা
যাইবেহে।

শ্রীভগবানের অবতার-অসংখ্য। শ্রীমদ্ভাগবতে লিখিত হইয়াছে :—

“অবতারা হসংখ্যো হরেঃ সৰ্বনিষেধিভাঃ” অর্থাৎ হে বিষ্ণুগণ,
সর্বনিষেধি হরির-অবতার অসংখ্য।

এখানে শ্রীমদ্ভাগবতের তৃতীয় অধ্যায়
হইতে প্রধান প্রধান অবতারের নাম প্রথমে উল্লেখ করা হইয়াছে :

ভগবান্ লোক-সকল-দৃষ্টর মানসে প্রথমতঃ মহত্ত্ব, অহঙ্কার এবং
শক্তগ্নাত্ত্ব দ্বারা বোধশক্তি-বিশিষ্ট পৌরুষ-রূপে অর্থাৎ একাদশ ইন্দ্রিয় এবং
পঞ্চমহাভূত এই বোধশক্তি অংশবিশিষ্ট বিরাট-মূর্তি ধারণ করিয়াছিলেন। ১।

পূর্বে যোগনিদ্রা বিস্তারকরতঃ একাৰ্ণবে শরন করিলে ইহার নাভিরূপ
হৃদয়-অক্ষুজ হইতে বিশ্বশক্তি-গণের পত্তি-রূপে উৎপন্ন হইয়াছিলেন। ২।

তাহার ঐ বিরাট-মূর্তির অন্তর্গত সংস্থান অর্থাৎ চৈশ্বাদিসম্মিবেশ দ্বারা
ভূলোকাদি লোক সমগ্র করিত হয় সত্যঃ; কিন্তু, বিশুদ্ধ অর্থাৎ রজস্তমো
গুণাদিতে অল্পষ্ট যে নিরতিশয় সত্ত্ব, তাহাই তাহার ঐখার্থ রূপ। ৩।

ঐ বিরাট-মূর্তি সহস্র সহস্র অর্থাৎ অপরিমিত চরণ, অপরিমিত উরু ও
অপরিমিত বদনে অতিশয় অদ্ভুত এবং অসংখ্য মস্তক, অসংখ্য শ্রবণ,
অসংখ্য লোচন, অসংখ্য নাসিকা তথা অসংখ্য শিরোভূষণ, অসংখ্য কর্ণ

ও অসংখ্য কুণ্ডলে শোভমান। যোগিগণ অনন্নজ্ঞানরূপ চক্ষু দ্বারা সর্বদাই তাহা দেখিতে পান।৪।

এই বিরাট্‌মূর্ত্তি নানা অবতারের বীজ অর্থাৎ যখন যে কোন অবতারের প্রয়োজন হয় তখন ইহা হইতেই সেই সকল অবতার প্রাদুর্ভূত হইলেন, অথচ তিনি অব্যয়, কদাপি তাঁহার নাশ নাই এবং তিনিই অস্তিত্ব অবতারগণের কার্যাবসানে প্রবেশ স্থান। অপর ইনি যে কেবল অবতারেরই বীজ এরূপ নহেন কিন্তু সৃষ্টবস্তু মাত্রেই বীজ, কেন না তাঁহার অংশে ব্রহ্মা উৎপন্ন হইয়াছিলেন এবং তাঁহার অংশ হইতে মরীচি অদিরা প্রভৃতি প্রজাপতিগণ জন্মিয়াছেন, আবার ঐ মরীচ্যাতির অংশ হইতে দেব তিষ্যক্ নরাদির উদ্ভব হইয়াছে, সুতরাং বিরাট্‌মূর্ত্তিই সকলের বীজ।৫।

যে ভগবান্ বিরাট্‌মূর্ত্তি ধারণ করেন, তিনিই প্রথমতঃ সনৎকুমারাদি কৌমার সৃষ্টিআশ্রয়পূর্ব্বক ব্রহ্মা অর্থাৎ ব্রাহ্মণ হইয়া অখণ্ডিত দুশ্চর ব্রহ্মচর্য্যব্রত আচরণ করিয়াছিলেন।৬।

অতঃপর এই বিশ্বের উদ্ভব নিমিত্ত দ্বিতীয় শোকর শরীর ধারণ করিয়া রসাতল গতা ধরার উদ্ধার করেন।৭।

তৃতীয় ঋষিসর্গে দেবর্ষিহ অর্থাৎ নারদরূপ গ্রহণ করিয়া পঞ্চরাত্র নামক বৈষ্ণবতন্ত্র প্রকট করিয়াছিলেন। এই তন্ত্র হইতে কৰ্ম্ম সকলের নৈষ্কৰ্ম্ম্য হয় অর্থাৎ তাহা বন্ধনের কারণ না হইয়া মুক্তি প্রয়োজক হয়।৮।

চতুর্থাবতारे ধর্ম্মপত্নী মূর্ত্তির গর্ভে নরনারায়ণ দুইটা ঋষি হইয়া আত্মোপসনাধিত দুশ্চর তপস্তা আচরণ করেন।৯।

পঞ্চমাবতारे কপিল নামে সিদ্ধগণের অধিপতি হইয়া আশুরি ব্রাহ্মণকোত্তর সমূহের নির্ণায়ক সাংখ্যশাস্ত্র উপদেশ করেন, ঐ শাস্ত্র কাল বশতঃ কিরূপে হইতেছিল, তাহা হইতেই উহা পুনর্বার উজ্জল হইয়াছে।১০।

ষষ্ঠ দত্তায়েয় অবতारे অম্লিপত্নী অননুয়া কর্তৃক বৃত্ত অর্থাৎ অননুয়া

তোমার সদৃশ আমার পুত্র হউক এইরূপ প্রার্থনা করাতে দোষদৃষ্ট না করিয়া তাঁহার পুত্রই স্বীকার করেন, ঐ অবতারই অলক এবং প্রহ্লাদ প্রভৃতি ভক্তবৃন্দকে আত্মবিচার উপদেশ দেন । ১১।

সপ্তমাবতারে রুচির ঔরসে আকুতির গর্ভে যজ্ঞনামে অন্নগ্রহণ করেন এবং স্বীয় পুত্র যম নামক দেবগণের সহিত স্বায়ম্ভুব মন্বন্তর প্রতিপালন করিয়াছিলেন—অর্থাৎ আপনিই ইন্দ্র হইলেন । ১২।

অষ্টমে অগ্নীধ-পুত্র নাভির ঔরসে মেরুদেবীর গর্ভে ঋষভনামে অন্নগ্রহণ করেন ; এই অবতারে ধীর ব্যক্তিদিগের সর্বাশ্রমনমস্কৃত বর্জ্ব অর্থাৎ পরমহংস সম্বন্ধীয় রীতি-নীতি প্রদর্শন করেন । ১৩।

নবমাবতারে ঋষিগণ কর্তৃক প্রার্থিত হইয়া পার্থিব বপুঃ অর্থাৎ পৃথ্বরূপ রাজদেহ ধারণ করিয়াছিলেন, এই অবতারেই পৃথিবী হইতে ওষধি প্রভৃতি বস্তুসকল দোহন করেন । হে বিপ্রগণ, এই কারণে এ অবতার সর্বজনের অতিশয় কমনীয় । ১৪।

দশমাবতারে মৎস্যরূপ ধারণ করিয়া চাক্ষুষ মন্বন্তরে যে অলপাবন হয় তাহাতে এই পৃথিবীকে নৌকারূপা করিয়া বৈবস্বত মন্বকে রক্ষা করেন । ১৫।

অমৃতার্থী হইয়া সুর এবং অসুরগণ মন্দর পর্বতকে মন্বদণ্ড করিয়া কীর সাগর মন্বনে প্রবৃত্ত হইলে, ঐ পর্বত নিরাধার প্রযুক্ত অলময় হইতেছিল, ভগবান্ একাদশাবতারে কুর্মরূপে পৃষ্ঠে তাহাকে ধারণ করিয়াছিলেন । ১৬।

দ্বাদশ এবং ত্রয়োদশ অবতারে ধনুস্তরিরূপে আবির্ভূত হইয়া অমৃত আহরণ পুরঃসর মোহিনী স্ত্রীরূপে সকলকে বিমুক্ত করত দেবগণকে অমৃত পান করান । ১৭।

চতুর্দশে নরসিংহরূপ ধারণ করিয়া বলদর্পিত দৈত্যাদিগণি “হিরণ্যকশিপু”র উরুতে রাখিয়া কটকারী যেমন কট নির্মাণার্থ আহ্নিহিত এরক-

নামক ভূগবিশেষ বিদীর্ণ করে, সেইরূপ নখারা তাহার বক্ষঃস্থল বিদীর্ণ করিয়াছিলেন । ১৮ ।

পঞ্চদশে বামনমূর্ত্তি ধারণ করিয়া বলিরাজাকে স্বর্গস্থে বঞ্চিত করিবার মানসে তাঁহার যজ্ঞে গমন করেন এবং তাঁহার নিকট ত্রিপাদ-পরিমিত ভূমি বাচুঞা করিয়া তাঁহাকে পাতালে প্রেরণ করিয়াছিলেন । ১৯ ।

ষোড়শাবতारे পরশুরামরূপে অবতীর্ণ হইয়া ক্ষত্রিয়গণের ব্রহ্মহিংসা দর্শনে কোপাধ্বিত হইয়া একবিংশতিবার পৃথিবীকে নিঃক্ষত্রিয় করেন ॥ ২০ ॥

সপ্তদশাবতारे পরাশর ঋষির ঔরসে সত্যবতীর গর্ভে ব্যাস নামে জন্মগ্রহণ করেন এবং লোক সকলের বুদ্ধি অল্প দেখিয়া তাহাদের প্রতি অন্তর্গ্রহ করত বেদরূপ তরুর বহুবিধ শাখা বিস্তার করেন । ২১ ।

অষ্টাদশাবতारे দেবকার্য্য করিবার বাসনার নরদেব অর্থাৎ রাঘবরূপে অবতীর্ণ হইয়া সমুদ্র নিগ্রহ প্রভৃতি মহাবীৰ্য্যবানের কাণ্ড্য করিয়া-
ছিলেন । ২২ ।

একোবিংশে এবং বিংশ অবতারে বৃষ্ণিবংশে, রাম—কৃষ্ণরূপে জন্মগ্রহণ করিয়া পৃথিবীর ভার হরণ করেন । ২৩ ।

অনন্তর কলিযুগ প্রবৃত্ত হইলে দেবদেবী অসুরগণের মোহনিমিত্ত কীকট অর্থাৎ গয়া-প্রদেশে অঞ্জনের পুত্র হইয়া বুদ্ধনামে অবতীর্ণ হইবেন । ২৪ ।

তাহার পর কলির শেষে অবনীমণ্ডলস্থ রাজগণ সকলেই দস্যুভূলা হইলে, বিষ্ণুযশাঃ ব্রাহ্মণের ঔরসে ভগবান্ কঙ্কি নামে জন্মগ্রহণ করিবেন । ২৫ ।

হে দ্বিজগণ, সত্ত্বগুণের নিধিস্বরূপ ভগবানের অবতার অসংখ্য,—কত বলিব ? যেমন উপক্ষয়শূন্য জলাশয় হইতে সহস্র সহস্র ক্ষুদ্র ক্ষুদ্র জল-প্রবাহ নির্গত হয়, তাহার স্থায় ভগবান্ হইতে নানাবিধ অবতার হইয়াছে । ২৬ ।

সেই ভগবানের বিষ্ণুতির কথাইবা কত কহিব ? মহাপ্রভাব দেব,

ঋষি, নচ, মহুপুত্র, এবং প্রজাপতি প্রভৃতি যত আছেন ইহারা সকলেই তাঁহার অংশ। ২৭।

হে ঋষিগণ, পূর্বে যে সকল অবতারের কথা বলিলাম, তন্মধ্যে কেহ কেহ পরমেশ্বরের অংশ এবং কেহ কেহ বা তাঁহার বিভূতি, কিন্তু শ্রীকৃষ্ণ-বতারা সর্বশক্তি হেতু সাক্ষাৎ স্বয়ং ভগবান্। এই জগৎ দৈত্যগণে উপক্রম হইলে, যুগে যুগে ঐ সকল মূর্তিতে আবিভূত হইয়া ভগবান্ দৈত্যগণের বিনাশ পূর্বক লোক সকলকে নিরুপদ্রপ ও সুখী করেন। ২৮।

এই উক্তির টীকায় শ্রীধরদাসা বাহা লিখিয়াছেন তাহার সংক্ষিপ্ত মর্ম এই যে—অন্যান্য অবতारे কলা বা অংশরূপে ভগবৎশক্তি অবতারিত হইয়াছেন। কিন্তু কৃষ্ণ স্বয়ং ভগবান্ নারায়ণ। ইহার হেতু এইষে—“আবিভূত সর্বশক্তি হ্যং” অর্থাৎ শ্রীকৃষ্ণে সর্বশক্তি প্রকাশিত, এইজন্য ইনি স্বয়ং ভগবান্ নারায়ণ। বলা বাহুল্য পরবর্তী গোস্বামী টীকাকারগণ নারায়ণ যে শ্রীকৃষ্ণেই বিলাস মূর্তি এই ব্যাখ্যা করিয়াছেন।

বিভূতি—বিভূতিতে অল্পশক্তির প্রকাশ, আবেশে মহাশক্তির প্রকাশ। শ্রীমদ্ বিশ্বনাথ চক্রবর্তী মহাশয় শ্রীভাগবতের টীকায় লিখিয়াছেন—নারায়ণ পুরুষাবতारी, এই পুরুষাবতारी নারায়ণ অপেক্ষাও শ্রীকৃষ্ণের শ্রেষ্ঠতা বৈষ্ণব শাস্ত্রে প্রদর্শিত হইয়াছে। এই উক্তি সপ্রমাণ করার জন্য আচার্য্যগণও শ্রীম বিশ্বনাথ চক্রবর্তীমহাশয় ছান্দোগ্য উপনিষদের একটি বচন উদ্ধৃত করিয়াছেন, তদ্ যথা—“জ্যায়াম্শ্চ পুরুষঃ” “সর্বঃ খন্দিদং ব্রহ্ম” “যৎপ্রাণা আদিত্যাঃ” ইত্যাদ্যুক্তা পশ্চাদুপসংহৃতঃ “কৃষ্ণায় দেবকী পুত্রায়” ইত্যাদিনা।

দেবকীপুত্র যে পুরুষাদি হইতে শ্রেষ্ঠ, ইহাতে তাহার প্রমাণ পাওয়া গেল। গোপালতাপনী শ্রুতি হইতেও ইহারা ইহার প্রমাণের উল্লেখ করিয়াছেন, যথা :—“স হোবাচ অজযোনিঃ অবতারাণাং মধ্যে শ্রেষ্ঠাবতারঃ কো ভবিতা যেন লোকাস্তব্যস্তি দেবাস্তষ্টা ভবন্তি, সংসৃজ্য মূক্তা অস্মাৎ সংসারাৎ তরন্তি” ইতি।

এই শ্লোকে স প্রমাণ করা হইয়াছে যে শ্রীকৃষ্ণই স্বয়ং ভগবান্। শ্রীমদ্ভাগবতে উক্ত হইয়াছে তত্ত্ববিদগণ যে তত্ত্বকে অদ্বয় জ্ঞান বলেন সেই পরম তত্ত্বকে কেহ ব্রহ্ম, কেহ পরমাত্মা, কেহ বা স্বয়ং ভগবান্ বলেন। স্বয়ং ভগবান্ই পরমতত্ত্বের চরনভাব। শ্রীকৃষ্ণই সেই স্বয়ং ভগবান্। শ্রীপাদ শ্রীশ্রী এই শ্লোকের টিকায় ব্রহ্মসংহিতার যে শ্লোক উদ্ধৃত করিয়াছেন তাহাতে জানা যায়, শ্রীরামচন্দ্র প্রভৃতিও শ্রীকৃষ্ণের অবতার, যথা :—

রামাদি মূর্তিষু কলানিয়মেন তিষ্ঠন্
নানাবতারমকরোদ্ ভুবনেণু কিম্বু ।
কৃষ্ণঃ স্বয়ং সমভবৎ পরনঃ পুমান্ যো
গোবিন্দমাদি পুরুষঃ তমহং ভজামি ॥

শ্রীচরিতামৃতে লিপিত হইয়াছে,—

কৃষ্ণের স্বরূপ অনন্ত বৈভব অপার ।
চিহ্নক্তি, মায়াশক্তি, জীবশক্তি আর ॥
বৈকুণ্ঠ ব্রহ্মাণ্ডগণ শক্তি কার্য্য হয় ।
স্বরূপশক্তি, শক্তি কার্য্যের কৃষ্ণ-সমাপ্তয় ॥
কৃষ্ণের স্বরূপ-বিচার শুন সনাতন ।
অদ্বয়জ্ঞানতত্ত্ব—ব্রজে ব্রজেন্দ্রনন্দন ॥
সর্কর আদি সর্কর অংশী কিশোর শেখর ।
চিদানন্দ দেহ সর্করাশ্রয় সর্করেশ্বর ॥
স্বয়ং ভগবান্ কৃষ্ণ—গোবিন্দ পর নাম ।
সর্করেশ্বর্য্যপূর্ণ যার গোলোক নিত্য ধাম ॥
জ্ঞান যোগ ভক্তি এই তিন সাধনের বশে ।
ব্রহ্ম আত্মা ভগবান্ ত্রিবিধ প্রকাশে ॥
ব্রহ্ম—অদ্বকাস্তি তার নির্কিশেষ প্রকাশে ।
সূর্য্য যেমন চর্য্য চক্রে জ্যোতির্ময় তাতে ॥

পরমাত্মা যিহৌ তেহৌ কৃষ্ণের এক অংশ ।

আত্মার আত্মা হন কৃষ্ণ, সৰ্ব্ব অবতংস ॥

ভক্ত্যে ভগবানের অনুভব পূর্ণরূপ ।

একই বিগ্রহ তাঁর অনঙ্গ স্বরূপ ॥

দশাবতারের মধ্যে মৎস্য, কূৰ্ম, বরাহ ও বামনের উল্লেখ বেদ সংহিতায় দেখিতে পাওয়া যায়। মৎস্য ও কূৰ্মের কথা শতপথ ব্রাহ্মণে আছে। কূৰ্ম, বরাহ ও বামনের বিষয় তৈত্তিরীয় ব্রাহ্মণে উল্লিখিত হইয়াছে। মৎস্য-বতারে প্রলয়ের ঘটনা বাইবেলেবর্ণিত নোয়ার সময়ের জল-প্রাবনের ঘটনার প্রায় তুল্য।

আধুনিক বিজ্ঞানপ্রিয় একশ্রেণীর ব্যক্তি কল্পনা করেন,—দশ অবতার-ব্যাপারে ক্রমবিকাশের তত্ত্বই দেখিতে পাওয়া যায়। তাঁহারা বলেন, কৃষ্ণাষ্টের পূর্বে জলচর জীব ভিন্ন স্থলচর জীব ছিল না। তখন ভগবানের যে আবির্ভাব, তাহা মৎস্য রূপে কল্পিত হয়। যখন অল্প পরিমাণ ভূমি আগিয়া উঠিল, তখন উভচর কচ্ছপ মূর্তির প্রকাশ। অতঃপর ভূমির ভাগ বাড়িল, জল সরিয়া পড়িল, কর্দমময় ভূমি দেখা দিল, তখন তাহাতে বাসের উপযোগী বরাহ মূর্তির আবির্ভাব। এই সময়ে নর ও পশু জন্মিল কিন্তু নর ও পশুর পার্থক্য তখনও পরিস্ফুট হয় নাই, এই সময়ে নৃসিংহের আবির্ভাব। ইহার পর বামন, পরশুরাম ও শ্রীরামাদিতে মানবসমাজের উন্নতির ক্রমবিকাশের পরিচয় পাওয়া গেল। শ্রীকৃষ্ণে সেই বিকাশ একেবারে পূর্ণতালাভ করে। কিন্তু ইহাদের এই সিদ্ধান্তে কছি অবতারের মাহাত্ম্য অধিক হইয়া উঠে। বাস্তবিক পুরাণে কছি অবতারের তাদৃশ শ্রেষ্ঠতাব্যঞ্জক শক্তির প্রকাশ দেখিতে পাওয়া যায় না। সুতরাং এই সকল কাল্পনিক সিদ্ধান্ত সৰ্ব্বতোভাবে শাস্ত্রানুমোদিত নহে।

শ্রীপাদ শ্রীশ্রীশ্রী গোস্বামী তত্ত্ব সন্দর্ভে সপ্রমাণ করিয়াছেন, শ্রীমদ্ভাগবতই সৰ্ব্বপ্রমাণ-চক্রবর্তী। এই শ্রীমদ্ভাগবতে প্রতিপাদিত হইয়াছেন—

শ্রীকৃষ্ণই স্বয়ং ভগবান্ এবং পূর্ণতম অবতারী ; অবতারগণের মধ্যে কেহ শ্রীকৃষ্ণের অংশ, কেহ বা কলা। শ্রীলঘুভাগবতামৃতে ইহার অবতার সমূহের নাম 'গুণাদি সহ বিস্তৃত বিবরণ ও ক্রম বিচার দৃষ্ট হয়। শ্রীকৃষ্ণ-সন্দর্ভেও এতৎ সম্বন্ধে আলোচনা আছে।

শ্রীমদ্ভাগবত হইতে অবতারা বলীর নাম উল্লেখ করা হইয়াছে। শ্রীলঘুভাগবতামৃতে আলোচিত শ্রীভগবদবতারা বলীর তালিকা প্রদান করিয়া আমরা অবতার প্রকরণের উপসংহার করিতেছি। অবতার-প্রকরণ পূর্ণাঙ্গ করার নিমিত্ত শ্রীলঘুভাগবতামৃতে অবতার সমূহের যে শ্রেণী বিভাগ করা হইয়াছে, এস্থলে সেই তালিকা উদ্ধৃত করা যাইতেছে :—

শ্রীকৃষ্ণের বিবিধ স্বরূপ-নিরূপণ।

(১) স্বয়ংরূপ (২) ভদেকাত্মরূপ। এই ভদেকাত্ম-স্বরূপ বিবিধ—বিলাস ও স্বাংশ। এতদ্ব্যতীত আবেশ ও প্রকাশের লক্ষণ আলোচিত হইয়াছে।

অবতার বহুবিধ তন্মধ্যে—পুরুষাবতার, গুণাবতার, লীলাবতার, মহাস্তর অবতার, যুগাবতার, আবেশ অবতার, প্রান্তব অবতার ও বৈভবায় অবতার ইত্যাদি তত্ত্ব এখানে আলোচিত হইতেছে। অধিকাংশ অবতারই স্বাংশ ও আবেশ।

পুরুষাবতার।

১। পুরুষাবতার ত্রিবিধ—১ম পুরুষাবতার :—মহৎস্রষ্টা বা প্রকৃতির অন্তর্যামী কারণাবশায়ী—সঙ্কর্ষণ।

২। ২য় পুরুষাবতার :—চতুর্মুখ ব্রহ্মার অন্তর্যামী গর্ভোদশায়ী। প্রহ্মায়ের সহিত অনিরুদ্ধের অভেদ স্বীকার করিয়াই মহাভারতীয় শাস্তি-পর্বে অনিরুদ্ধ হইতে ব্রহ্মার জন্ম বলা হইয়াছে, বস্তুত কিন্তু দ্বিতীয় পুরুষ প্রহ্মায় হইতেই ব্রহ্মার জন্ম।

৩। ৩য় পুরুষাবতার :—সর্বভূতান্তর্যামী কীরোদশায়ী অনিরুদ্ধ।

[২] গুণাবতার—(ক) ব্রহ্মা । ব্রহ্মা দ্বিবিধ :—ঈশ্বরমাত্র-দৃশ্য ও দেবাদের অদৃশ্য সূক্ষ্ম বা মহত্ত্বশরীর হিরণ্যগর্ভ ; দেবাদের দৃশ্য ও তাঁহা-দিগের প্রতি বরপ্রদ স্থূল বা সমষ্ট-শরীর বৈরাজের সৃষ্টিকর্তৃৎ ও চতুর্মুখতা । এই দ্বিবিধ ব্রহ্মাই জীব কোটি ।

কখন কখন গর্ভোদশায়ী বিষ্ণু ব্রহ্মা হইয়া সৃষ্টিকার্য্য-সম্পাদন করেন । বিষ্ণু যখন ব্রহ্মা হন, তখন সেই ব্রহ্মাকে ঈশ-কোটি ব্রহ্মা বলে ।

ঈশকোটি ব্রহ্মা যে সময়ে সৃষ্টিকার্য্যে প্রবৃত্ত হন, তৎকালে জীবকোটি বৈরাজের হিরণ্যগর্ভকে আপনার অহংকার করিয়া বিষ্ণুর অভ্যন্তরে প্রবেশ ও ভোগ-সম্পদ উপভোগ করেন । ব্রহ্মার ঈশ্বরত্ব ও জীবত্ব কালভেদে ঘটে ।

ব্রহ্মাতে অবতার শব্দ প্রয়োগের মুখ্য কারণ, ঈশ্বরত্ব । আর গৌণ কারণ কাহারও মতে ভগবানের সহিত ব্রহ্মার অতি নৈকট্য বা একতা, কাহারও বা মতে ব্রহ্মাতে ভগবানের আবেশ । আবেশত্ব পক্ষে ব্রহ্ম-সংহিতোক্ত উদাহরণই প্রমাণ । ব্রহ্মার আবির্ভাব স্থান :—কখন গর্ভোদশায়ীর নাভিসরোবরে, কখনও বা গর্ভোদকে, কখনও বা গর্ভোদকস্থ লেজ ও বায়ু প্রভৃতিতে ।

(খ) শ্রীরুদ্র—ঈশকোটি রুদ্র ও জীবকোটি রুদ্র । রুদ্রের নিগূর্ণত্ব ও নিগূর্ণ রুদ্রের বিকারিত্ব-প্রতীতি রুদ্রের আবির্ভাব স্থান, রুদ্রের সদাশিব মূর্ত্তির আলোচনা লঘুভাগবতে দ্রষ্টব্য ।

(গ) শ্রীবিষ্ণু—গর্ভোদশায়ী প্রদ্যুম্ন লোক পদে প্রবিষ্ট হইলে কি নাম ধারণ করেন, তাহার উল্লেখ আছে । ভ্রগৎ-পালক ক্ষীরাক্ষিশায়ী বিষ্ণুকে নারায়ণ ও বিরাজান্তর্য্যামা বলা যায় কেন, তাহার কারণের বিচার করা হইয়াছে ।

[৩] লীলাবতার । (ক) চতুঃসন—সনৎকুমার, সনক, সনন্দন ও সনাতন চারিটীতে এই একটি অবতার ।

(খ) নারদ—চতুঃসন ও নারদের ব্রাহ্ম কল্পেই আবির্ভাব ও অস্তিত্ব সকল কল্পে বিদ্যমানতা আলোচিত হইয়াছে।

(গ) বরাহ—বরাহের দুইবার আবির্ভাব ;—একবার ব্রাহ্মকল্পের স্বায়ম্ভুব মন্বন্তরে ব্রহ্মার নাসারন্ধ্র হইতে, আন একবার ব্রাহ্মকল্পেই চান্দ্রমন্বন্তরে জল হইতে। স্বায়ম্ভুবীয় বরাহ শ্যামবর্ণ ও চতুঃপাং, তৎকালে কেবল পৃথিবীর উদ্ধার ; আন চান্দ্রমন্বন্তরীয় বরাহ শ্বেতবর্ণ ও নৃবরাহ, তৎকালে হিরণ্যাক্ষ বধ ও পৃথিবীর উদ্ধার। চান্দ্রমন্বন্তরের পূর্বে হিরণ্যাক্ষের জন্ম হইতে পারে না। ওয় স্বল্পে মৈত্রেয় বরাহদেবের দুই সময়ের দুইটা লীলা এক করিয়া বলিয়াছেন।

(ঘ) মৎস্য—মৎস্যদেবের দুইবার আবির্ভাব ;—স্বায়ম্ভুবমন্বন্তরের আদি ভাগে একবার, চান্দ্রমন্বন্তরের শেষে আন একবার। স্বায়ম্ভুবীয় অবতारे ইয়গ্রাবিবধ ও বেদাহরণ, চান্দ্রমন্বন্তরীয় অবতारे সত্যব্রতের প্রতি কৃপা। বস্তুতঃ প্রতি মন্বন্তরেই মৎস্যদেবের আবির্ভাব, সুতরাং প্রতিকল্পে চতুর্দশবার আবির্ভাব।

(ঙ) যজ্ঞ—যজ্ঞের আন একটি নাম “হরি”।

(চ) নর-নারায়ণ—“হরি” ও “কৃষ্ণ” নামে দুই সহোদর আছেন, সুতরাং ইঁহারা ও চতুঃসনের ক্রায় চারিটিতে একটি অবতার।

(ছ) কপিল—কপিল দুইটি :—সেখর ও নিরীশ্বর। নিরীশ্বর কপিল জীব, বাসুদেবের অবতার নহেন।

(জ) দত্ত বা দত্তাত্রেয়—অত্রি-পত্নী অনশূয়ার প্রার্থনাতেও যে দত্তের আবির্ভাব, তাহা ব্রহ্মাণ্ডপুরাণে কথিত আছে।

(ঝ) হয়শীর্ষা। (ঞ) হংস, (ট) কুবপ্রিয় বা পৃথ্বীগর্ত—(ঠ) ঋষভ, (ড) পৃথু। স্বায়ম্ভুবীয় মন্বন্তরে—চতুঃসন, নারদ, বরাহ, মৎস্য, যজ্ঞ, নর-নারায়ণ, কপিল, দত্তাত্রেয়, হয়শীর্ষা, হংস, কুবপ্রিয় বা পৃথ্বীগর্ত, ঋষভ ও পৃথু এই ত্রয়োদশ অবতার। তন্মধ্যে বরাহদেব চান্দ্রবীর-মন্বন্তরে

পুনর্বার আবির্ভূত হন। আর মৎস্যদেবেরও আপাত দৃষ্টিতে আর একবার মাত্র চাক্ষুষীয় মহাস্তরে, বিশেষ দৃষ্টিতে প্রতি মহাস্তরে আবির্ভাব।

(ঢ) নৃসিংহ—ষষ্ঠ-চাক্ষুষ-মহাস্তরে সমুদ্র মহনের পূর্বে, স্মৃতরাং কুর্মাди অবতারেরপূর্বে ইহার অবতার।

(ণ) কুর্মা—পদ্মপুরাণের মতে যিনি মন্দরধারী, তিনিই দেবগণের প্রার্থনার ভূধারী হইয়া থাকেন ; কিন্তু বিষ্ণুধর্মোত্তরাদির মতে ভূধারী কুর্মই মন্দরধারী প্রকট হন।

(ত) ধন্বন্তরি—ধন্বন্তরির দুইবার আবির্ভাব, একবার ষষ্ঠ চাক্ষুষীয় মহাস্তরে, আর একবার সপ্তম-বৈবস্বতীয় মহাস্তরে।

(থ) মোহিনী—মোহিনীমূর্তির দুইবার আবির্ভাব ; একবার দৈত্য-মোহনার্থ আর একবার মহাদেবের প্রমোদার্থ। ষষ্ঠ চাক্ষুষীয় মহাস্তরে নৃসিংহ, কুর্মে, ধন্বন্তরি ও মোহিনী, এই চারি অবতার।

(দ) বামন—বামনের তিনবার আবির্ভাব ;—একবার স্বায়ম্ভুবীয় মহাস্তরে, দ্বিতীয়বার সপ্তম বৈবস্বতীয় মহাস্তরে, তৃতীয়বার ঐ বৈবস্বতীয় মহাস্তরেরই সপ্তম চতুর্যুগে অদिति ও কশ্যপের পুত্ররূপে।

(ধ) ভার্গব বা পরশুরাম—কাহারও মতে বৈবস্বত মহাস্তরের সপ্তদশ চতুর্যুগে, কাহারও মতে দ্বাবিংশ চতুর্যুগে ভার্গবের আবির্ভাব।

(ন) রাঘবেন্দ্র—বৈবস্বত মহাস্তরের চতুর্বিংশ চতুর্যুগের ত্রেতার ইহার অম্ব। লক্ষ্মণাদির তত্ত্ব সম্বন্ধে শাস্ত্রীর মতভেদ আছে।

(প) ব্যাস—ব্যাসদেবের সাক্ষাৎ ঐশ্বর্য। অপান্তরতমার ষৈপায়ন-নন্দ প্রাপ্তি ও আবেশত্ব আলোচিত হইয়াছে।

(ক) বলরাম—দ্বিতীয় ব্যূহ সর্কার্ণই বলরাম। ইনি অবতরণ কালে ভূধারী 'শেষের' সহিত মিলিত হইয়া অবতীর্ণ হন, তজ্জন্মই ইহাকেও 'শেষ' বলা হইয়া থাকে। শেষ ত্রিবিধ :—১ম ভূধারী, ২য় ভগবানের শয্যারূপ।

১মটি জীব-কোটি, ২য়টি ঐশ্বর-কোটি। ভূ-ধারীতে সঙ্কর্ষণের আবেশ হয় বলিয়া ভূ-ধারীকেও সঙ্কর্ষণ বলে।

(ব) শ্রীকৃষ্ণ।

(ভ) বুদ্ধ—কলির দুই হাজার ৭২৯ অতীত হইলে বুদ্ধের আবির্ভাব হয়। স্মৃত যখন ভাগবৎ-কথা কীর্তন করেন, তখন তাঁহাদিগের নিকট বুদ্ধ ভবিষ্যৎ অবতার। বর্তমান কালে তিনি অতীত অবতার।

(ম) কঙ্কী—বৈবস্বত মন্বন্তরের অষ্টাদিংশ চতুর্গুহ কলিতে কঙ্কির ও বুদ্ধের আবির্ভাব। কেহ কেহ বলেন, প্রতি কলিতেই বুদ্ধ ও কঙ্কির আবির্ভাব হয়।

বামন পরশুরাম, রাঘবেন্দ্র, রাম, ব্যাস, বলরাম, শ্রীকৃষ্ণ, বুদ্ধ ও কঙ্কী এই আটটি বৈবস্বত মন্বন্তরের অবতার। চতুঃসন হইতে কঙ্কী পর্যন্ত পচিশটিকে কল্লাবতারও বলে। কল্লাবতায় বলিবার কারণ গ্রন্থে নির্দিষ্ট হইয়াছে।

মন্বন্তরাবতার।—যজ্ঞ হইতে বৃহদ্রত্ন পর্যন্ত যে কয়টি অবতার, তাঁহারাই মন্বন্তরাবতার।

১। যজ্ঞ—ইনি স্বায়ম্ভুব-মন্বন্তর-পালক। পিতা রুচি, মাতা আকুতি।

২। বিভু—ইনি স্বারোচিষীস মন্বন্তর-পালক। পিতা বেদশিরা, মাতা,—তুঘিতা।

৩। সত্যসেন—ইনি ঔত্তমীয়-মন্বন্তরপালক। পিতা—ধর্ম, মাতা—স্বনুতা।

৪। হরি—ইনি তামসীয়-মন্বন্তর পালক ও গজেন্দ্রের মোক্ষদাতা। পিতা হরিমেধা, মাতা হরিণী।

৫। বৈকুণ্ঠ—ইনি রৈবতীয়-মন্বন্তর পালক। পিতা শুভ্র, মাতা বিকুণ্ঠা।

৬। অজিত—ইনি চক্ষুযীয় মন্বন্তর পালক। পিতা বৈরাজ, মাতা সঙ্কুতি। ইনিই কুর্নারপধারী। (এই ছয়টি মন্বন্তরাবতার অতীত)

৭। বামন—ইনি বৈবস্বত-মহাস্তর-পালক। পিতা কশ্যপ, মাতা অদিতি।

৮। সার্বভৌম—ইনি সাবর্ণীয়-মহাস্তর-পালক। পিতা দেবগুহ, মাতা সরস্বতী।

৯। ঋষভ—ইনি দক্ষসাবর্ণীয়-মহাস্তর-পালক। পিতা আয়ুমান্, মাতা অম্বুধারা। (ইনি নাভি ও মেরুদেবীর পুত্র কল্লাবতার ঋষভ মহেন।)

১০। বিশ্বকুসেন—ইনি ব্রহ্ম সাবর্ণীয়-মহাস্তর-পালক। পিতা বিশ্বজিৎ, মাতা বিষ্ণুচী।

১১। ধর্মসেতু—ইনি ধর্মসাবর্ণীয়-মহাস্তর-পালক। পিতা অর্য্যক, মাতা বৈধ্বতা।

১২। সুধামা—ইনি রুদ্রসাবর্ণীয়-মহাস্তর-পালক। পিতা সত্যসহা, মাতা সুনতা।

১৩। যোগেশ্বর—ইনি দেবসাবর্ণীয়-মহাস্তর-পালক। পিতা দেবহোত্র, মাতা বৃহতী।

১৪। বৃহদ্রাশু—ইনি ইন্দ্রসাবর্ণীয়-মহাস্তর-পালক। পিতা সত্রায়ন, মাতা বিনতা।

মহাস্তরাবতার সংখ্যা ১৪—(১ যজ্ঞ + ১ বামন = ১২)

যুগাবতার—চারিযুগে চারিটি অবতার। সত্যযুগে শুরু, ত্রেতার রক্ত, দ্বাপরে শ্রাম, কলিতে কৃষ্ণ। মহাস্তরাবতারই যুগাবতার হইয়া থাকেন।
অবতার সংখ্যা—কল্লাবতার ২৫ + মহাস্তরাবতার ১২ + যুগাবতার ৪ = ৪১।

অতীত ও বর্তমান কল্প—বর্তমান-কল্প দ্বিতীয় পরার্দ্ধগত শ্বেতবরাহকল্প।

ব্রাহ্মকল্পের অবতার—মহু ও মহাস্তরাবতারগণের প্রতি কল্পেই তুল্যানামতা।

অবতার অন্য এক প্রকারে চতুর্বিধঃ—১ আবেশ, ২। প্রোক্তব, ৩। বৈশ্বাবসু, ৪। পরাবসু।

(১) আবেশাবতার—চতুঃসন, নারদ, পৃথু, পরশুরাম ও কক্ষী, ইহারাই আবেশাবতার। (২) প্রাভব। (৩) বৈভব। প্রাভব অন্নশক্তির প্রকাশ, বৈভবে তদপেক্ষা অধিক শক্তির প্রকাশ।

প্রাভব দ্বিবিধ—১ম অন্নকালব্যক্ত ও অনতি বিদ্যুত কীর্তি। মোহিনী ও হংস, আর শুরু, রক্ত, শান ও কৃষ্ণ, এই চারিটা যুগাবতার, সমুদায়ে এই ছয়টা ১ম শ্রেণীস্থ প্রাভব। ২য় দীর্ঘকাল ব্যক্ত, শাস্ত্র কৰ্ত্তা ও মুনি-জনবৎ চেষ্টা বিশিষ্ট। ধনুস্তরি, ঋষভ, ব্যাস, দত্ত ও কপিল, এই পাঁচটা ২য় শ্রেণীস্থ প্রাভব। তাহা হইলে সর্বসমুদায়ে ১১টি প্রাভবাবস্থ অবতার।

বৈভবাবস্থ অবতার ২১টি :—১। কুর্ম, ২। মৎস্য, ৩। নর-নারায়ণ, ৪। বরাহ, ৫। হনুগ্রীব, ৬। পৃথ্বীগর্ত, ৭। বলরাম, আর যজ্ঞ ও বামন প্রভৃতি ১৪টি মনুস্তরাবতার।

পূর্ণতমত্ব।

পরমতত্ত্বের পূর্ণতা সকলেরই স্বীকার্য। কিন্তু পরমতত্ত্বের স্বরূপ সম্বন্ধে উপাসকগণের মধ্যে নতদ্বৈত আছে। মায়াবাদীর ব্রহ্ম নির্বিশেষ। এই নির্বিশেষ ব্রহ্ম সম্বন্ধে পূর্ণতার কোনও ধারণা হয় না। পূর্ণতা, অনুভূতির বিষয়। নির্বিশেষ ব্রহ্ম ধারণার বিষয়ীভূত নহেন, যাহা অনুভবের অবিষয়ীভূত, তাহার পূর্ণতা বা অপূর্ণতা সম্বন্ধে কোন কথাই উঠতে পারে না। মায়াবাদীর পরমব্রহ্মের স্বরূপটিকে ভক্তগণ বুঝিতে প্রয়াস পাইয়াছেন। তাঁহারা বুঝিয়া দেখিয়াছেন, এই ব্রহ্ম নিখিলগুণ সিদ্ধ শ্রীভগবানের অব্যক্ত অন্দুট আবির্ভাববিশেষ, অপ্রকটিতগুণ বা অনভিব্যক্তগুণ চিৎসত্তা মাত্র, সুতরাং এই বস্তুর পূর্ণতা অনুভবের বিষয় নহে। কেন না, তাদৃশ ব্রহ্মে পূর্ণতার অনুমাপক কোন প্রমাণ দেখিতে পাওয়া যায় না।

শক্তি বা গুণের প্রকাশ বিষয়ে অনুভব না হইলে পূর্ণতার বিচার অসম্ভব। সুতরাং পরমতত্ত্ব যখন গুণবিশিষ্টরূপে অনুভূত হইলে, তাদৃশ অবস্থাতেই পূর্ণত্বের বা অংশত্বের বিচার সম্ভবপর হয়। অনন্তগুণময়

শ্রীভগবান্ উপাসকগণের ভাব অনুসারে কখনও ব্রহ্ম, কখনও পুরুষ, কখনও পরমাত্মা, কখনও বা ভগবান্—শব্দে অভিহিত হইয়া থাকেন।

স্কন্দ পুরাণে লিখিত আছে :—

ভগবান্ পরমাশ্ৰেতি প্রোচ্যতেহষ্টাঙ্গ যোগিভিঃ ।

ব্রহ্মেত্বু পনিষন্নিষ্টৈজ্ঞানঞ্চ জ্ঞান যোগিভিঃ ॥

অর্থাৎ অষ্টাঙ্গযোগিগণ ভগবান্কে “পরমাত্মা” নামে, বেদান্তিগণ “ব্রহ্ম” নামে এবং জ্ঞানযোগীরা “জ্ঞান” নামে অভিহিত করেন।

শ্রীভাগবত বলেন :—

বদন্তি তৎ তত্ত্ব বিদন্তত্বং যজ্জ্ঞানমধয়ম্ ।

ব্রহ্মেতি পরমাশ্ৰেতি ভগবানিতি শব্দ্যতে ॥ ১।২।১১

ভক্তের উপাসনাময় দিব্য নয়ন-সমক্ষে এই পরমতত্ত্ব ভগবান্ শব্দে অভিহিত হইয়া থাকেন। ভাগবতের সিদ্ধান্তে স্পষ্টতঃ প্রতিপন্ন হইয়াছে শ্রীকৃষ্ণই স্বয়ং ভগবান্, শ্রীকৃষ্ণই পরমাত্মা এবং শ্রীকৃষ্ণই ব্রহ্ম। যামুন মুনির শ্লোকে উক্ত হইয়াছে :—

“তদব্রহ্ম-কৃষ্ণয়োঁরৈক্যাৎ কিরণাকৌপমাযুযোঃ ॥”

শ্রীমদ্ভাগবতে মৎশ্রদেব বলিয়াছেন :—

“মদীয়ং মহিমানঞ্চ পরব্রহ্মেতি শব্দিতম্ ।”

ভগবৎ পদের ব্যাখ্যা বিস্তৃতরূপে ভগবৎসন্দর্ভে দ্রষ্টব্য। উক্ত গ্রন্থ হইতে এখানে অতি সংক্ষেপে দুই একটা ব্যাখ্যা-বাক্য উদ্ধৃত করা যাইতেছে।

‘ভগবৎ’ শব্দের নিরুক্তি এই :—

সংভর্ত্তেতি তথাভর্ত্তা ভকারোহর্থদ্বয়ান্বিতঃ ।

নেতা গনয়িতা শ্রষ্টা গকারার্থত্বা মুনে ॥

ঐশ্বর্য্যস্ত সমগ্রস্ত বীৰ্য্যস্ত যশসঃ শ্রিয়ঃ ।

জ্ঞান বৈরাগ্যয়োঃ শব্দ যস্মাৎ ভগ ইত্যজনা ॥

বসন্তি তত্র ভূতানি ভূতান্নৃধিলায়নি ।

স চ ভূতেশশেষেষ্ “ব” কারার্থত্বতোহব্যয়ঃ ॥

সংভর্তা—স্বতন্ত্রগণের গোষক, ভর্তা—ধারক, স্থাপক, নেতা—স্বকীয়
 তত্ত্বিকল প্রেমের প্রাপক গময়িতা—স্বলোক প্রাপক। স্রষ্টা—স্বতন্ত্রগণে
 তত্ত্বগুণের উদগময়িতা। জগৎ পোষকত্বাদি তাঁহারই পরম্পরা ব্যবহিত
 গুণ, সাক্ষাৎ নহে। ঐশ্বর্য্য—সর্ব্ববশীকারিত্ব, বীর্য্য—মণিমন্ত্রাদির ত্রায় প্রভাব,
 যশঃ—বাক্য মন ও শরীরের সদৃশগতার খ্যাতি, শ্রী—সর্ব্বপ্রকার সম্পৎ,
 জ্ঞান—সর্ব্বজ্ঞত্ব, বৈরাগ্য—প্রপঞ্চ বস্তুতে অনাসক্তি। আর একটি প্রমাণ
 বচন এই :—

জ্ঞানঃশক্তি-বলৈশ্বর্য্য-বীর্য্য তেজাংস্রশেষতঃ ।

ভগবচ্ছব্দবাচ্যানি বিনা হেয়েগুণাদিভিঃ ॥

এই সকল গুণের নাম ভগ। ষাঁহাতে এই সকল গুণ সমগ্রভাবে ও
 সম্যক্রূপে বর্ত্তমান, তিনিই ভগবান্। স্মুতরাং শ্রীভগবান্ই পূর্ণতার লক্ষ্যী-
 ভূত আলোচ্য বিষয়। স্মুতরাং ভগবত্তার প্রকাশের তার-ত্ম্যই,—অংশত্ব,
 পূর্ণত্ব, পূর্ণতরত্ব ও পূর্ণতমত্ব সম্বন্ধে আলোচনার পরি মাপক। আমরা
 উপনিষদেও এই পূর্ণাবতার-বিশিষ্টতা সম্বন্ধে পরিস্ফুট মন্ত্র দেখিতে পাই
 যথা :—

পূর্ণমদঃ পূর্ণ মিদং পূর্ণাৎ পূর্ণমদুচ্যতে ।

পূর্ণস্ত পূর্ণমাদায় পূর্ণমেবাবশিষ্যতে ॥

উপনিষদের এই মহামন্ত্রে এক মহাপূর্ণতার ভাব হৃদয়ে উপস্থাপিত
 করিয়া দেয়—এই মন্ত্রটি পরমতত্ত্বের নিখিল পূর্ণতাপ্রকাশক। পরমতত্ত্বের
 পূর্ণতা দেখিতে হইলে বিশ্বসহ বিশ্বেশ্বরের বিরাট্ মূর্ত্তি দেখিতে হয়, আবার
 বিশ্ব ছাড়িয়া বিশ্বের বিরাট্ মূর্ত্তিময় কার্য্য,—ব্রহ্ম ছাড়িয়া আবার সচ্চিদা-
 নন্দধন রসময় পরমতত্ত্বের পরিপূর্ণ রসময় শ্রীবিগ্রহ সন্দর্শন করার সাধন
 করিতে হয়। এই বিপুল বিশ্ব ব্রহ্মাণ্ডের অন্তর্ধ্যামি কারণরূপি ব্রহ্ম পূর্ণ
 এই বিশাল বিশ্ব ব্রহ্মাণ্ডও পূর্ণ, যিনি সূক্ষ্ম অনন্ত ব্রহ্মাণ্ডের অধীশ্বর
 তিনিও পূর্ণ, আবার এই কৃৎসনপূর্ণ ছাড়িয়া তুরীয় সচ্চিদানন্দধন রসরাজ

মহাভাব বিগ্রহ,—যিনি বিশ্বক প্রেম ভক্তিতে উপাস্ত—তিনি মহাপূর্ণ।
সুতরাং পূর্ণতার কথা বুঝিতে হইলে পরমতত্ত্বের জগৎ কর্তৃক সৰ্বকীয় পূর্ণ-
শক্তিমত্তা, জগৎ অকৃত্যামিত্বের পূর্ণশক্তিমত্তা, জীবের অকৃত্যামিত্বের পূর্ণ
শক্তিমত্তা এবং প্রেমানন্দ রসময় রসরাজ মহাভাব শ্রীবিগ্রহের পূর্ণ শক্তিমত্তা
সম্বন্ধে উপলব্ধি হওয়া আবশ্যিক। শ্রীমন্ মধ্বমুনি প্রাপ্তকৃত উপনিষৎ মন্ত্রের
যে ভাষ্য করিয়াছেন, এস্থলে তাহাও উল্লেখযোগ্য, তদ্ যথা :—

অবতারা মহাবিষ্ণোঃ সর্বে পূর্ণাঃ প্রকীৰ্ত্তিতাঃ ।

পূর্ণং চ তৎপরং রূপং পূর্ণাৎ পূর্ণাঃ সমুদ্গতাঃ ॥

পরাবরত্বং তেষাস্তু ব্যক্তিমাত্রং বিশেষতঃ ।

ন দেশকাল সামর্থ্যেঃ পারাবর্য্যং কথঞ্চন ॥

পূর্ণরূপস্ত পূর্ণস্ত পূর্ণং যদবতারতাম্ ।

রূপং তদাত্মাদায় পূর্ণমেবাবতিষ্ঠতে ॥

লৌকিক ব্যবহারো যো ভূতাররাক্ষপণাদিকঃ ।

তদদৃষ্টিং বিনা নাহৌ লয়ঃকৃষ্ণাদীনাং কচিৎ ।

ততো সৰ্ব্বগুণা যস্মাদ্ অস্মিন্নৌবিষ্ণুরুচ্যতে ॥

খং প্রকাশস্বরূপত্বাৎ ব্রহ্ম-তদ্ব্যাপ্তরূপতঃ ।

পুনঃ খং সুখরূপত্বাৎ পুরাণং তদনাদিতঃ ॥

বায়ুশ্চ রদিতং যস্মাদ্ বায়ুশ্চ ব্রহ্মতৎপরম্ ।

খ্যাতত্বাৎ চাপি তৎ খং স্মাদ্রৌহিণেশ্বস্তথা বদৎ ॥

বেদোহয়ং জ্ঞানরূপাৎ ইতি যং ব্রাহ্মণা বিদুঃ ।

নির্দোষত্বাদ ইত্যুক্তস্তেন বেদং সদাখিলম্ ॥

অর্থাৎ শ্রীভগবানের সকল অবতারই পূর্ণ, শ্রীলম্বুভাগবতামৃতে
প্রমাণরূপে পুরাণ বচন লিখিত আছে :—

সর্বে নিত্যাঃ শাশ্বতাশ্চ দেহান্তস্ত পরাম্বনঃ ।

হানোগাদানয়হিতা নৈব প্রকৃতিভ্যাঃ কচিৎ ॥

পরমানন্দসন্দোহা জ্ঞানমাত্রাশ্চ সৰ্বতঃ ।

সৰ্বৈ সৰ্বৈশ্চ পৈঃ পূৰ্ণাঃ সৰ্বদোষবিবৰ্জিতাঃ ॥

ঐহিক পরমরূপ পূর্ণব্রহ্ম ভগবান্ হইতে ঐহিক প্রাদুর্ভূত হয়েন ঐহিক পূর্ণ। কেবল প্রকাশ-তারতম্যেই অবতারগণের তারতম্য করা হয়। দেশকাল বা সামর্থ্য দ্বারা ঐহিকদের তারতম্য হয়না। অবতারগণ যে সময় যে স্থানে যত সামর্থ্যই প্রকাশ করুন না কেন, তাহাতে ঐহিকদের কেহ কাহা অপেক্ষা ছোট নহেন, বড়ও নহেন। কেন না সকলই এক পূর্ণেরই প্রকাশ, সুতরাং সকলেই পূর্ণ। এক দীপ হইতে যেমন বহু দীপের সৃষ্টি হয়, তাহাতে মূল দীপের কোনও হানি হয় না, মূল দীপটি যেমন পূর্ণ তেমন পূর্ণই থাকে; সেইরূপ অবতারী স্বয়ং ভগবান্ হইতে যে সকল ভগবান্ প্রাদুর্ভূত হয়েন, ঐহিকদেরও পূর্ণতার কোনও হানি হয় না। যদিও সকল অবতারই পরমেশ্বর সুতরাং সকলেই পূর্ণ তথাপি সকল অবতারে অখিল শক্তির প্রাকট্য পরিলক্ষিত হয় না। তাই শ্রীলঘুভগবত-মুতে লিখিত হইয়াছে :—

অত্রোচাতে পরেশত্বাৎ পূর্ণা যত্বেপি তেহখিলাঃ ।

তথাপ্যাখিলশক্তীনাং প্রাকট্যাং তত্র নোভবেৎ ॥

শ্রীচায় বিবরণ গ্রহেও এই পূর্ণতা সম্বন্ধে একটি শ্লোক দেখিতে পাওয়া যায় যথা :—

পূর্ণানন্দঃ পূর্ণভূক্ত পূর্ণকর্তা, পূর্ণজ্ঞানঃ পূর্ণতাঃ পূর্ণশক্তিঃ ।

পূর্ণৈশ্বর্যাদ্ ভগবান্ বাসুদেবো বিরুদ্ধশক্তির্ন চ দোষস্পর্শীশঃ ॥

এই প্রমাণ পাঠে জানা যায়—বাসুদেব পূর্ণকর্তৃৎ, পূর্ণজ্ঞানৎ, পূর্ণ-ভোক্তৃৎ, পূর্ণভ্যোক্তিৎ, পূর্ণশক্তিৎ ও পূর্ণ ঐশ্বর্যবিরুদ্ধ-শক্তিৎ ও অদোষ-স্পর্শীৎ প্রকটিত।

ভগবান্ বিরুদ্ধশক্তিসমূহের সমাপ্তর তাই পূর্ণ। ইহা ঐহিক সর্বশক্তি-মত্তারই পরিচায়ক। উপনিষদে দেখা যায় ব্রহ্মও বিরুদ্ধতাব-সমাপ্তর, যথা :—

১। অণোরণীমান্ । ২। আসীনো দূরং ব্রজতি । ৩। অহুলো-
হনন্থরমধ্যমো মধ্যমোহব্যাপকো ব্যাপকো হরিরাদিরনাদিরবিশ্বো বিশ্বঃ
সপ্তগো নিশ্চ'ণঃ ইতি মধ্বভাষ্য-প্রমাণিতা শ্রুতিঃ । ৪। তুরীয়মতুরীয়মাখ্যা-
নমনাখ্যানমুগ্রমমুগ্রং বীরমবীরং মহাস্তমমহাস্তং বিষ্ণুমবিষ্ণুং জলস্তমজলস্তং
সর্ষতোমুখমসর্ষতোমুখমিত্যাদিকা ;—নৃসিংহ তাপনী ।

৫। অহুলোহনন্থরূপোহসৌ অবিশ্বোবিশ্ব এবচ ।

বিরুদ্ধধর্মরূপোহসৌ ঐশ্বর্যাং পুরুষোত্তমঃ ॥ ব্রহ্মপুরাণ ॥

৬। পরমাখন্ত পর্যন্ত সহস্রাংশানুযুক্তয়ে ।

অষ্টরাস্তাযুতাংশান্তঃস্থিত ব্রহ্মাণ্ড ধারিণে ॥ বিষ্ণু ধর্মোত্তরে ॥

এই সকল প্রমাণ পূর্বেও একবার প্রদর্শিত হইয়াছে ।

প্রকৃত কথা এই যে, ভগবৎ শক্তির প্রাকট্য ও অপ্রাকট্যের তারতম্য
পর্যালোচনা করিগাই পূর্ণতা বা অংশত্বের বিচার করা হইয়াছে । শ্রীভক্তি-
রসায়ত সিন্ধু গ্রন্থে এই পূর্ণতা সম্বন্ধে আবার 'তর-তম' প্রত্যয়ও প্রযুক্ত
হইয়াছে, যথা :—

হরিঃ পূর্ণতমঃ পূর্ণতরঃ পূর্ণ ইতি ত্রিধা ।

শ্রেষ্ঠ-মধ্যাদিভিঃ শব্দেনাটো যঃ পরিপঠ্যতে ॥

এই তারতম্য করার অত্র পূর্ণতাপ্রমাপক একটি কারিকাও উক্ত গ্রন্থে
লিখিত হইয়াছে, তদ্ যথা :—

প্রকাশিতাখিলগুণঃ স্মৃতঃ পূর্ণতমো বৃধেঃ ।

অসর্ষব্যঞ্জকং পূর্ণতরঃ পূর্ণোহন্নদর্শকঃ ॥ ১১৯ ।

অর্থাৎ ভগবান্ যখন নিখিল সকল গুণ প্রকাশ করেন, তখন তিনি
পূর্ণতম, যখন অনেকগুণই প্রকাশ করেন কিন্তু সকল গুণ প্রকাশ করেন
না; তখন তিনি পূর্ণতর, আবার যখন তাহা অপেক্ষাও অল্পগুণ প্রকাশ
করেন তখন তিনি পূর্ণ ।

পূজ্যপাদ গ্রন্থকার একই শ্রীকৃষ্ণের পূর্ণতমত্ব, পূর্ণতরত্ব ও পূর্ণত্বের উদাহরণ দিয়াছেন যথা :—

কৃষ্ণস্য পূর্ণতমতাব্যক্তাত্মদগোকুলাস্তরে ।

পূর্ণতা পূর্ণতরতা দ্বারকা-মথুরাদিগু ॥

অর্থাৎ গোকুলে শ্রীকৃষ্ণের পূর্ণতমতা, মথুরায় তাঁহার পূর্ণতরতা এবং দ্বারকায় পূর্ণতা প্রকটিত হইয়াছে ।

পরম কারুণিক শ্রীপাদরূপ গোস্বামিমহোদয় ভক্তিরসায়ত সিন্ধু গ্রন্থে যাহা বিস্তারিত রূপে লিখিয়াছেন আমরা তাহার মূলমন্ত্র তৎপ্রণীত শ্রীলঘুভাগ-বতায়ত গ্রন্থেও দেখিতে পাঠি, যথা :—

অংশত্বং নাম শক্তীনাং সদান্নাংশপ্রকাশিতা ।

পূর্ণত্বঞ্চ স্বেচ্ছয়ৈব নানাশক্তি প্রকাশিতা ॥

অর্থাৎ অনন্তশক্তিশালী শ্রীভগবান্ যখন অল্প শক্তি প্রকাশ করিয়া আবির্ভূত হইলেন, তখন তাঁহার সেই আবির্ভাব বা অবতার অংশ-কলা নামে অভিহিত হইলেন, আর তিনি যখন স্বেচ্ছায় নানাবিধ শক্তি প্রকাশ করেন, তখন তাঁহাকে পূর্ণ বলা হয় ।

শক্তি কাহাকে বলে উক্তগ্রন্থে তাহারও প্রমাণ-বচন দৃষ্ট হয় যথা :—

শক্তিরৈশ্বর্য্য-মাধুর্য্য-কৃপা-তেজোমুখাঙ্গনাঃ ।

শক্তিব্যক্তিত্বথাব্যক্তিস্তারতম্যস্য কারণম্ ॥

অর্থাৎ ঐশ্বর্য্য মাধুর্য্য কৃপাও তেজ প্রভৃতি গুণসমূহই শক্তি শব্দের বাচ্য । শক্তির প্রকাশ ও অপ্রকাশই তারতম্যের কারণ । অবতার মাঝেই পূর্ণ, তাহাতে সন্দেহ নাই । কিন্তু ভগবৎশক্তির প্রকাশ-তারতম্যে কলের তারতম্য ঘটে । তাই শ্রীপাদরূপ গোস্বামিমহোদয় অতঃপরেই লিখিয়াছেন :—

শক্তিঃ সমাপি পূর্যাদিদাহে দীপায়িপুঞ্জয়োঃ ।

শীতাত্তার্ত্তিক যোগায়িপুঞ্জাদেব সুখং ভবেৎ ॥

অর্থাৎ পুরী-প্রভৃতি দাহে একটা দীপেরও যে শক্তি, অগ্নিপুঞ্জেরও সেই শক্তি। উভয়ের শক্তিই সমান, তথাপি ইহাতে বিশেষ এই যে, যদি শীতাদি ক্লেশের শাস্তি করিতে হয়, তবে দীপের আগুনে সে উদ্দেশ্য সিদ্ধ হয় না, তজ্জন্য অগ্নিপুঞ্জেরই প্রয়োজন; তখন অগ্নিপুঞ্জেরই সে সুখ লাভ হইয়া থাকে।

চতুর্দশ অধ্যায়

সম্বন্ধ-তত্ত্বে—শ্রীকৃষ্ণ

ফলতঃ ব্রহ্ম পরমাশ্রা ও ভগবান্ একই অর্থ পরম-তত্ত্ববাচক শব্দ। কিন্তু সাধকবর্গের ভাব অনুসারে এই তিন শব্দ তিন অর্থে ব্যবহৃত হয়। যেখানে কোনও গুণের প্রকাশ নাই, সাধকগণের তাদাত্ম্য-সাধনবশে যখন তাদৃশ তত্ত্বের হ্রাসে স্মৃতি হয়, তখন তাহাকে ব্রহ্ম বলা হয়। আবার তত্ত্বের সাধনায় সর্বগুণ-পরিপূর্ণ, অশেষ কল্যাণ-গুণময় শ্রীভগবত্তত্ত্বের স্মৃতি হইয়া থাকে। ঐশ্বর্য-বীর্যাদি অশেষ কল্যাণগুণ-নিধান পরমতত্ত্বই শ্রীভগবান্। শ্রীপাদ শ্রীশ্রীবগোশ্রীমহোদয় তদীয় ভগবৎসন্দর্ভ গ্রন্থে ও শ্রীকৃষ্ণ সন্দর্ভ গ্রন্থে এই বিষয়ের বিশেষ বিচার করিয়াছেন ও ভগবত্তা প্রদর্শনের জন্য শ্রীমদ্ভাগবতের একটা শ্লোক উদ্ধৃত করিয়াছেন; তাহা এই :—

“ঈং প্রত্যগাত্মনি তদা” ইত্যাদি—শ্রীভাগ ৬।১।৩০

ইহার ব্যাখ্যায় লিখিত হইয়াছে :—“এবঞ্চ আনন্দমাত্মং বিশেষতঃ সমস্তাঃ শক্তয়ো বিশেষণানি বিশিষ্টো ভগবান্ ইত্যারাতন্। তথাচৈবং বৈশিষ্ট্যে প্রাপ্তে পূর্ণাবির্ভাবস্বেন অর্থতত্ত্বরূপোহসৌ ভগবান্—অনন্ত

শ্রুতম একটি বৈশিষ্ট্যাকারত্বেন তশ্চৈব অসম্যক্ অবিভাব ইত্যায়াতম্ ।” এই সিদ্ধান্তানুসারে জানা যায় যে, শক্তিবিশিষ্টতাসহ পরমতত্ত্বের যে পূর্ণাবিভাব তিনি ভগবৎশব্দবাচ্য। ব্রহ্ম তাঁহারই অসম্যক্ আবিভাব মাত্র। ব্রহ্মে শক্তির শ্রুতি পরিলক্ষিত হয় না, কিন্তু অবতারগণে শক্তির লীলা পরিলক্ষিত হয়। অবতার সমূহে শক্তি-প্রাকট্যের ন্যূনাধিক্য আছে। সুতরাং শ্রীভগবৎ শক্তি-প্রকটনের তারতম্যই অংশত্ব, পূর্ণত্ব, পূর্ণতরত্ব ও পূর্ণতমত্বের পরিমাপক। শ্রীপাদ গোস্বামিগণ এই সকল বিষয়ের পর্যালোচনা করিয়াই শ্রীভাগবতের “কৃষ্ণস্ত ভগবান্” শ্লোকের ব্যাখ্যায় শ্রীবৃন্দাবন-বিহারী শ্রীকৃষ্ণকে পূর্ণতম বলিয়া নির্দিষ্ট করিয়াছেন। উক্তবাক্যের প্রমাণের জন্য ব্রহ্মবেবর্ত্ত পুরাণ হইতেও শ্লোক উদ্ধৃত করা যাইতেছে :—

পূর্ণেনৃসিংহোরামশ্চ শ্বেতদ্বীপ বিরাড়্ বিভূঃ ।

পরিপূর্ণতমঃ কৃষ্ণে বৈকুণ্ঠে গোলোকে স্বয়ম্ ॥

বৈকুণ্ঠে কমলাকাস্তো রূপভেদশ্চতুর্ভুজঃ ।

গোলোক গোকুলে রাধাকাস্তোহয়ং দ্বিভুজঃ স্বয়ম্ ॥

তশ্চৈব তেজো নিত্যঞ্চ চিন্তাং কুর্বন্তি যোগিনঃ ।

ভক্তাঃ পাদাশুভ্রং তেজঃকুতস্তেজস্বিনা বিনা ॥

ব্রহ্মবেবর্ত্তপুঃ শ্রীকৃষ্ণের জন্মখণ্ডে ৯ম অধ্যায়

অর্থাৎ নৃসিংহ, রাম ও শ্বেতদ্বীপের বিরাড়্ বিভূ ইহারিও পূর্ণ বটেন, কিন্তু বৈকুণ্ঠে ও গোলোকে কৃষ্ণই পরিপূর্ণতম। বৈকুণ্ঠে কৃষ্ণের বিলাস-মূর্ত্তি কমলাশক্তি নারায়ণ বিরাজিত। এখানে ইনি চতুর্ভুজ। গোলোকে গোকুলে দ্বিভুজ স্বয়ং রাধাকাস্ত। ইহারই তেজ যোগিগণ নিত্য চিন্তা করেন, ভক্তগণ ইহারই পদনখ চ্ছটার ধ্যান করেন।

নৃসিংহ এবং শ্রীরাম অপেক্ষাও শ্রীকৃষ্ণে অনেক অধিকতর শক্তি প্রকাশিত হইয়াছে—এই বিষয়ে বিষ্ণুপুরাণে সমাধান দৃষ্ট হয় ; তাহার মর্ম্ম এই

যে,—হিরণ্য-কশিপু নৃসিংহেব দ্বারা নিহত হইলেন, কিন্তু মুক্তি পাইলেন না। রাবণ রামচন্দ্র দ্বারা নিহত হইয়াও মুক্তিলাভের অধিকারী হইলেন না। কিন্তু অগ্নাস্তরে শিশুপালরূপে অন্তর্গত করিয়া শ্রীকৃষ্ণ দ্বারা নিহত হওয়া মাত্রই মুক্তি প্রাপ্ত হইলেন। ইহাতে জানা যায়—নৃসিংহ ও রামচন্দ্র হইতে শ্রীকৃষ্ণে অধিকতর শক্তি প্রকাশিত।

এতদ্ব্যতীত মাধুর্য্য-সংযুক্ত ঐশ্বর্য্যই অতীব সুখকর। শ্রীকৃষ্ণে যেমন পরমেশ্বর্য্যের ও মাধুর্য্যের পূর্ণতম সমাবেশ দৃষ্ট হয়, অন্তর্ভুক্ত সেরূপ পরিমলিত হয় না। শ্রীমদ্ভাগবতে ব্রহ্মসূত্রে লিখিত হইয়াছে :—

গুণাঅনন্তেহপি গুণান্ বিমাতুং ।

হিতাবতৌর্নশ্চ ক ঐশিরেহশ্চ ॥

শ্রীমদ্বলদেব বিদ্যাভূষণ ইহার টীকায় লিখিয়াছেন :—সার্বভৌম-সার্বৈশ্বর্য্য-সৌহার্দ্য-কারুণ্য-সৌন্দর্য্য-মাধুর্য্য-লাবণ্য-বিচিত্রানন্ত-বিভূত্যাदीন্ অসংখ্যাতান্ বিমাতুং কে ঐশিরে ? ন কেহপি ।

বিষ্ণু পুরাণেও লিখিত হইয়াছে :—

অনন্তকল্যাণগুণাঅকোহসৌ স্বশক্তিলেশাদ্ ধৃতভূতসর্গঃ ।

ইচ্ছাগৃহীতাভিমতোরুদেহঃ সংসাধিতাশেষজগদ্হিতায় ॥

অর্থাৎ তিনি সমস্ত উৎকৃষ্ট গুণে পরিপূর্ণ, স্বীয় শক্তিদ্বারা এই বিশ্বকে বিবৃত করিয়া রাখিয়াছেন। তিনি ইচ্ছাক্রমে দেহ ধারণ করেন। ইনি জগতের অশেষ কল্যাণ সাধন করেন। এই অনন্ত গুণবিশিষ্ট পরমতত্ত্বই শ্রীভগবান্ এবং শ্রীভাগবতের অকাট্য প্রমাণ অনুসারে শ্রীকৃষ্ণই স্বয়ং ভগবান্। সুতরাং ব্রহ্ম বা অন্ত্য অন্ত্য আবির্ভাব সমূহ হইতে গুণাধিক্য-নিবন্ধন শ্রীকৃষ্ণই সর্বশ্রেষ্ঠ। শ্রীলঘু ভাগবতায়তনের কারিকায় এই সিদ্ধান্ত স্পষ্ট স্বীকৃত হইয়াছে যথা :—

১। ইতি প্রবরশাস্ত্রেয়ু তস্য ব্রহ্মরূপতঃ ।

মাধুর্য্যাদিগুণাধিক্যাৎ কৃষ্ণশ্চ শ্রেষ্ঠতোচ্যতে ॥

২। অতঃ কৃষ্ণোইপ্রাকৃতানাং গুণানাং নিযুতায়ুতেঃ ।

বিশিষ্টোইয়ং মহাশক্তিঃ পূর্ণানন্দঘনাকৃতিঃ ॥

ফলতঃ শ্রীমদ্ভাগবত, মহাত্মারত অন্যান্য পুরাণ ও বুদ্ধচরিতের বিবিধ গ্রন্থ পাঠ করিলে স্পষ্টতঃই জানা যায়, শ্রীকৃষ্ণ-লীলায় যে অনন্ত শক্তি ও অনন্ত গুণ প্রকটিত হইয়াছে, অন্যান্য অবতারে তাহার অতি অল্প অংশই প্রকটিত হইয়াছে। শ্রীকৃষ্ণের গুণরাশি বহুভাগে বিভক্ত। অনন্ত ব্যাপারে শ্রীকৃষ্ণের শক্তি নিয়োজিত। শ্রীকৃষ্ণ-লালার যে নিখিল শক্তি প্রকটিত হইয়াছে, তাহার সহিত অন্যান্য লীলার তুলনা হয় না। আমরা যথাস্থানে বিভাগে বিভাগে সেট সকল গুণরাশির কথঞ্চিৎ আলোচনা করিব; তাহাতে প্রতিপন্ন হইবে,—রূপে গুণে কর্মে ও শিক্ষায় শ্রীবৃন্দাবনবিহারী শ্রীকৃষ্ণই পরিপূর্ণতম। এসম্বন্ধে একটা প্রাচীন কারিকা আছে, তাহা এস্থলে উদ্ধৃত হইল :—

নৃসিংহো জামদগ্ন্যশ্চ কঙ্কী পুরুষ এবচ ।

ভগবন্তে চ তে সর্বে ষড়ৈশ্বর্য্য-প্রকাশকাঃ ॥

নারদোইত্র তথা ব্যাসো বরাহো বুদ্ধ এবচ ।

ধর্ম্মণামেব বৈবিধ্যাদমী ধর্ম্মপ্রদর্শকাঃ ॥

রামো ধর্ম্মসুরিষজ্ঞঃ পৃথুকীর্ত্তিপ্রদর্শিনঃ ।

বলরামো মোহিনা চ বামনঃ শ্রীপ্রধানকাঃ ॥

দত্তাত্রেয়শ্চ মৎস্যশ্চ কুমারঃ কপিলস্তথা ।

জ্ঞানপ্রদর্শকা এতে বিজ্ঞতেব্য্য মনৌষিভিঃ ।

নারায়ণো নরশ্চেতি কূর্ম্মশ্চ ঋষস্তগুথা ।

বৈরাগ্যদর্শিনো জ্ঞেয়াস্তস্তং কর্ম্মাসুসারতঃ ॥

কৃষ্ণঃ পূর্ণষড়ৈশ্বর্য্যো মাধুর্যাণাং মহোদধিঃ ।

অস্তর্ভূতসমগ্ণাবতারো নিখিল শক্তিমান্ ॥

অর্থাৎ নৃসিংহ, জামদগ্নি, কঙ্কি ও পুরুষ ;—ইহাদের ঐশ্বর্য্যরূপ ভগবত্তা

প্রকটিত হইয়াছে। নারদ, ব্যাস বরাহ ও বৃদ্ধ—ইহারা তির তির ধর্মতত্ত্ব মাত্র প্রকটন করিয়াছেন। রাম, ধনুসুরি, যজ্ঞ ও পৃথু—ইহারা কীর্তি প্রদর্শক। বলরাম, মোহিনী ও বামন—ইহারা সৌন্দর্য্য প্রকটনে জীব চিত্তা-কর্ষণ করিয়াছেন। দত্তাত্রেয়, মংগু, কুমার ও কপিল—ইহারা জ্ঞানতত্ত্ব প্রদর্শক। মর, নারায়ণ, কুর্ষ ও ঋষভ দ্বারা বৈরাগ্য রূপ ভগবত্তা প্রদর্শিত হইয়াছে। কিন্তু ষড়ৈশ্বর্য্যপূর্ণ, মাধুর্য্যের মহোদধি, সর্বাভার-বীজ শ্রীকৃষ্ণ নিখিল-শক্তিমান্ ; সূতরাং শ্রীবৃন্দাবন-বিহারী শ্রীকৃষ্ণই পূর্ণতম।

প্রাচীন কারিকার কোন কোন অংশ অবশ্যই অক্ষুট ও বিচার্য্য, কিন্তু শ্রীকৃষ্ণের পূর্ণতমতা সম্বন্ধে যে সিদ্ধান্ত করা হইয়াছে, তাহা সর্বসম্মত ও নির্দোষ।

শ্রীচৈতন্য চরিতামৃতের মধ্য খণ্ডে বিংশ পরিচ্ছেদে অবতার তত্ত্ব সম্বন্ধে যে আলোচনা করা হইয়াছে উহা লঘুভাগবতামৃতের বর্ণনামূলক। সূতরাং লঘুভাগবতামৃত হইতেই উহার সার সংক্ষিপ্ত বিবরণ প্রদত্ত হইয়াছে, কিন্তু এই বিংশ পরিচ্ছেদের স্থানে স্থানে অতি জ্ঞাতব্য সবিশেষ তত্ত্ব কথা আছে। তাহার উল্লেখ এবং ব্যাখ্যা প্রয়োজন। যদিও প্রথম খণ্ডের ভূমিকায় শক্তি-তত্ত্ব সম্বন্ধে সবিস্তার আলোচনা করা হইয়াছে তথাপি এস্থলে প্রয়োজনানুরোধে কিঞ্চিৎ আলোচনার প্রয়োজন। প্রভু বলিতেছেন :—

অনন্ত শক্তির মধ্যে কৃষ্ণের তিন শক্তি প্রধান।

ইচ্ছাশক্তি, ক্রিয়াশক্তি, জ্ঞানশক্তি নাম ॥

ইচ্ছাশক্তি প্রধান কৃষ্ণ ইচ্ছা সর্বকর্তা।

জ্ঞান শক্তি প্রধান, বাসুদেব চিত্তাধিতাতা ॥

ইচ্ছা জ্ঞান ক্রিয়া বিনা না হয় সৃজন।

তিনের তিন শক্তি মিলি প্রপঞ্চ-রচন ॥

ক্রিয়াশক্তি প্রধান সঙ্কর্ষণ বলরাম।

প্রাকৃতাপ্রাকৃত সৃষ্টি করেন নির্মাণ ॥

ইচ্ছাশক্তি, ক্রিয়াশক্তি এবং জ্ঞানশক্তি দ্বারা চিৎ ও অড় অগতের সৃষ্টি-কার্য সম্পন্ন হয়। এই ত্রিবিধ শক্তিই প্রাকৃতাপ্রাকৃত সৃষ্টির হেতু। এই শক্তিতত্ত্ব গভীর রহস্যময়। গোলক বৈকুণ্ঠ প্রভৃতি ভগবৎ ধাম অড়ীয় শক্তির রচিত নহে। উহারা ভগবানের ইচ্ছার দ্বারা চিৎশক্তির সৃষ্টি কিন্তু প্রকৃত কথা এই যে, চিৎশক্তির বিলাস গোলক বৈকুণ্ঠ সৃষ্টি নহে। সঙ্কর্ষণের ইচ্ছায় উহারা প্রপঞ্চে প্রকাশ পাইয়া থাকেন মাত্র। তদ্ব্যতীত নিখিল ব্রহ্মাণ্ড ভগবানের মায়াশক্তির দ্বারা বিনির্মিত। কিন্তু অড়রূপা প্রকৃতি ব্রহ্মাণ্ডের কারণ নহে। ঈশ্বরের শক্তি ভিন্ন অড়া প্রকৃতি অগৎ সৃষ্টি করিতে অসমর্থ।

মহাপ্রভু এইস্থলে সৃষ্টি তত্ত্বের সাংখ্যমত পরিহার করিয়া এবং মায়াবাদী বেনাস্তীদের সৃষ্টি তত্ত্ব সম্বন্ধীয় সিদ্ধান্ত খণ্ডন করিয়া অতি উপাদেয় একটা সিদ্ধান্ত স্থাপন পূর্বক শ্রীপাদ সনাতনকে বলিতেছেন :—

মায়াধারে সৃজেন তিঁহো ব্রহ্মাণ্ডেরগণ ।
 অড়রূপা প্রকৃতি নহে ব্রহ্মাণ্ড কারণ ॥
 অড়হেতে সৃষ্টি নহে ঈশ্বর শক্তি বিনে ।
 তাহাতে সঙ্কর্ষণ করেন শক্তি আধানে ॥
 ঈশ্বরের শক্ত্যে সৃষ্টি করয়ে প্রকৃতি ।
 লৌহ যেন অগ্নিশক্ত্যে ধরে দাহশক্তি ॥

এই সৃষ্টি ব্যাপার কপিল দেবের অড়া প্রকৃতির কার্য্য নহে এবং মায়াবাদীদের ইন্দ্রজালবৎ অপদার্থ নহে। অগৎ অড়মায়া ভগবানের চৈতন্যময়ী শক্তি সঞ্চারিত করিয়া সৃষ্টিকার্য্য সাধনা করেন। লৌহের দাহিকা শক্তি না থাকিলেও অগ্নিসংযোগে উহা যেমন দাহিকা শক্তি বিশিষ্ট হয়, সেইরূপ ভগবৎশক্তির প্রভাবে অড়াপ্রকৃতি হইতে ব্রহ্মাণ্ড সৃষ্টি হইয়া থাকে।

এস্থলে মহাপ্রভু অবতার সম্বন্ধেও আরও একটা জ্ঞাতব্য কথা বলিয়াছেন :—

সৃষ্টিহেতু যেই মূর্তি প্রপঞ্চে অবতরে ।
সেই বিশ্বর মূর্তি অবতার নাম ধরে ॥
মায়াতীত পরব্যোম সবার অবস্থান ।
বিশ্বে অবতার ধরে অবতার নাম ॥
মায়ার অবলোকনে হয় শ্রীসঙ্কর্ষণ ।
পুরুষরূপে অবতীর্ণ হয়েন প্রথম ॥

এস্থলে শ্রীমদ্ভাগবত হইতে “জগৎহে পৌরুষং রূপম্” শ্লোকটা উদ্ধৃত
করিয়া আত্মাবতার পুরুষের কথা বলা হইয়াছে ।

সেই পুরুষ বিরজাতে করেন শয়ন ।
কারণাক্ষিপায়ী নাম জগৎ কারণ ॥
কারণাক্ষিপারে মায়ার নিত্য অবস্থিতি ।
বিরজার পারে পরব্যোমে নাহি গতি ॥

এই সম্বন্ধে নারদ পঞ্চরাত্রে “জিতস্ত ভোত্রে” লিখিত আছে :—

লোকং বৈকুণ্ঠ নামানং দিব্যষড়্-গুণসুংযুতং ।
অবৈষ্ণবানামপ্রাপ্যং গুণত্রয়-বিবর্জিতম্ ॥

পদ্মোক্তর খণ্ডে বৈকুণ্ঠতন্ত্র বর্ণনে লিখিত আছে :—

ত্রিপদ্বিত্ত্বি রূপস্ত শূণ্ণ ভূধর-নন্দিনী ।
প্রধান পরম ব্যোম্মোরস্তরে বিরজা নদী ॥
কোদান্বেদজনিতভোয়েঃ প্রস্রবিতা শুভা ।
তস্তাঃ পরে পরব্যোম্নি ত্রিপাদুভং সনাতনং ॥
অমৃতং শাস্বতং নিত্যমনস্তং পরমং পদং ।
শুদ্ধ সত্বময়ং দিব্যমকরং ব্রহ্মণঃ পদম্ ॥ .

কিন্তু অনন্ত কোটি বিশাল বিশ্ব ব্রহ্মাণ্ড মায়ারই সৃষ্টি । বিরজার পর-
পারে মায়ার অধিকার নাই । মায়ার দুইটা বৃত্তি । একটীর নাম মায়ার,
অপরটীর নাম প্রধান । মায়াবৃত্তি জগতের নিমিত্ত কারণ ; এবং প্রধান

উহার উপাদান-কারণ। মায়াবৃত্তি গুণরূপা, প্রধানাবৃত্তি দ্রব্যরূপা। অগৎ সৃষ্টিতত্ত্ব সম্বন্ধে শ্রীমদ্ভাগবত শ্রীপাদ সনাতনকে আরও বলিতেছেন :—

সেই পুরুষ মায়া পানে করে অবধান।
প্রকৃতি কুণ্ঠিত করি করে বীর্য্যাধান ॥
স্বাদবিশেষাতাসরূপে প্রকৃতি স্পর্শনে।
জীবরূপ বীজ তাতে কৈল সমর্পণ ॥

এতৎ সম্বন্ধে ভাগবতীয় প্রমাণ শ্লোক এই যে,—

দৈবাৎ কুণ্ঠিত ধর্শ্বিণ্যাং তস্মাৎ যোনৌ পরঃ পুমান্।
আধত্ত বীৰ্য্যং সাস্মু ত মহত্তত্ত্বং হিরণ্যম্ ॥
কালবৃত্ত্যাতু মায়ায়াং গুণময্যামধোক্কজঃ।
পুরুষণোঽয়ু ভূতেন বীৰ্য্য মাধত্ত বীৰ্য্যবান্ ॥

জীবের অদৃষ্ট বশতঃ প্রকৃতির গুণ কোভ হইলে পরম পুরুষ প্রকৃতিতে জীবাখ্য চিহ্নপ শক্তির আধান করেন, তাহাতে সেই প্রকৃতি হইতে প্রকাশ বহল মহত্ত্বের উৎপত্তি হয়।

চিহ্নকৃত্যুত পরমায়া গুণ কোভ হইলে স্বাংশভূত প্রকৃতির অধিষ্ঠাতা পুরুষরূপে প্রকৃতিতে বীৰ্য্য অর্থাৎ চিন্তাতাস আধান করেন।

অতঃপরে দ্বিতীয় পুরুষ ও তৃতীয় পুরুষের বিবরণ বর্ণিত হইয়াছে। এখানে এক বিচিত্র বর্ণনা আছে। দ্বিতীয় পুরুষের বর্ণনারন্তে লিখিত হইয়াছে :—

সেই পুরুষ অমন্ত কোটি ব্রহ্মাণ্ড সৃষ্টিয়া।
এক এক ব্রহ্মাণ্ডে প্রবেশিলা বহুমূর্ত্তি হৈয়া ॥
প্রবেশ করিয়া দেখে সব অন্ধকার।
রহিতে সাহিক স্থল করিলা বিচার ॥
সিদ্ধাদ বেদঅলে ব্রহ্মাণ্ড তরিল।
সেই অলে শেষ শয্যা শয়ন করিল ॥

ঠাঁর নাতি পদ্ব হৈতে উঠিল এক পদ্ব ।

সেই পদ্ব হৈল ব্রহ্মার অন্ন সদ্ব ॥

এই রহস্যের অন্তস্থলে প্রবেশের শক্তি আনাদের নাই । বিজ্ঞানের ক্রমোন্নতিতে সম্ভবতঃ ভবিষ্যতে ইহার সুব্যাখ্যা হইতে পারিবে । এখন এখানে আমরা কেবল মহাপ্রভুর শাস্ত্র সঙ্গত সিদ্ধান্তটি উদ্ধৃত করিলাম । ইহা হইতে গুণাবতারের উদ্ভব হয় ।

ব্রহ্মা বিষ্ণু ও শিব এই তিন জন গুণাবতার । ইহা পুরুষ অবতারেই অপর নাম ।

অতঃপরে গুণাবতারের বিস্তৃত বিচার করা হইরাছে । তৎপরে মন-স্তরাবতার ও যুগাবতারের সংক্ষিপ্ত বিবরণ আছে তন্মধ্যে কলিযুগাবতারের সম্বন্ধে ত্রীময়মহাপ্রভু বলিয়াছেন,—

কৃষ্ণ নাম সংকীৰ্ত্তন কলিযুগে ধর্ম ।

পীত বর্ণ ধরি তবে কৈলা প্রবর্তন ॥

শ্রেম ভক্তি লোকে দিলা লৈয়া স্তম্ভগণ ।

ধর্ম প্রবর্তন কবে ব্রজেন্দ্র নন্দন ॥

শ্রেমে গায় নাচে লোক করে সংকীৰ্ত্তন ॥

কৃষ্ণবর্ণং ত্রিবারুকৃষ্ণং সাক্ষো পাদাস্ত্রপার্বদং ।

যজ্ঞৈঃ সংকীৰ্ত্তনপ্রায়ে যজ্ঞাস্তি হি স্মমেধসঃ ॥

যিনি অন্তরে কৃষ্ণ অর্থাৎ সাক্ষাৎ কৃষ্ণ স্বরূপ এবং বাহিরে গৌরবর্ণ অর্থাৎ কোন অত্যন্ত প্রিয়জন বিশেষের অঙ্গকাস্তি গ্রহণ মিশ্রিত যিনি কৃষ্ণ হইরাও গৌর ; তাঁহাকে কলিযুগে সুবুদ্ধিগণ, অঙ্গ (মিত্যানন্দাষ্টেত) উপাস্ত (তদবয়ব) করেন, যিনি ঈজ্রনীল মণিবৎ শ্রামলাঙ্গ হইলেও কাস্তি-রাশি দ্বারা গৌরবর্ণ, এবং যিনি নিখিল পরিব্রাজকদিগেরও উপাস্ত বলিয়া ভীষ্মাদিকর্ষক কথিত, সেই ত্রীচৈতন্যদেব আশাদিগকে অতিশয় কৃপা করত ।

আর তিনযুগে ধ্যানাদিতে যেই ফল হয় ।
 কলিযুগে কৃষ্ণ নামে সেই ফল পায় ॥
 ফলে দোষনিধে রাজমস্তিষ্ঠেকোমহান্ গুণঃ ।
 কীর্তনাদেব কৃষ্ণশ্চ মুক্তবন্ধঃ পরং ব্রজেৎ ॥
 কৃতে যদ্যায়তো বিষ্ণুং ত্রেতায়াং যজতো মথৈঃ ।
 দ্বাপরে পরিচর্যায়াং কলৌ তদ্ধরিকীর্তনাৎ ॥

কৃত যুগে ধ্যানাদি সাধন দ্বারা, ত্রেতাযুগে যজ্ঞাদি সাধন দ্বারা, দ্বাপর পরিচর্যাাদি দ্বারা যাহা পাওয়া যাউত, কলিযুগে কেবল মাত্র হরিসংকীর্তনে তৎসমুদয় লাভ করিতে পারা যায় ।

কলি-দোষনিধি হইলেও কলিযুগের একটি মহান্‌গুণ বিরাজমান আছে “যেমন এক মহারাজ অসংখ্য দস্যুগণকে বিনাশ করে, এইরূপ কেবল কৃষ্ণকীর্তন মাত্রই কলিগুণ নিখিল কলিদোষ নাশ করে । যদি কীর্তন-সহিত ধ্যানাদি হয় তাহা হইলে যে কি হয়, তাহা বলাই যায় না ।

ধ্যানন্ কৃতে যজন্ যজ্ঞে ত্রেতায়াং দ্বাপরেহর্চয়ন্,
 যদাপ্নোতি তদাপ্নোতি কলৌ সংকীর্ত্য কেশবম্ ॥

সত্যযুগে ধ্যান, ত্রেতার যজ্ঞ এবং দ্বাপরে অর্চন করিয়া যাহা পাওয়া যায়, কলিযুগে কেবল কেশবের নাম কীর্তন করিয়াই তৎসমুদয় পাওয়া যায় ।

কলিং সভাজয়ন্ত্যার্য্যা গুণজ্ঞাঃ সারভাগিনঃ ।
 যত্র সংকীর্তনেনৈব সৰ্ব্বস্বার্থোহপি লভ্যতে ॥

যাহাতে কেবল সংকীর্তন করিলেই সমস্ত স্বার্থ অনায়াস-লভ্য হয়, সারগ্রাহী গুণজ্ঞ আর্য্যগণ সেই কলিযুগকে যথেষ্ট সমাদর করিয়া থাকেন ।

এই প্রকারে শ্রীপাদ সনাতনকে মহাপ্রভু যুগাবতারের উপদেশ করিলেন । সুচতুর সনাতন চতুরতার সহিত প্রভুর নিকটে ঈষদ্ হাস্তমুখে আর একটা প্রশ্নের অবতারণা করিলেন, যথা শ্রীচৈতন্য চরিতামৃতে :—

রাজমন্ত্রী সনাতন বুদ্ধো বৃহস্পতি ।
 প্রভুর কৃপাতে পুছে অসঙ্কোচ মতি ॥
 অতি ক্ষুদ্র জীব মুঞি নীচ নীচাচার ।
 কেমনে জামিব কলিতে কোন অবতার ॥

শ্রীপাদ সনাতনের মনের ভাব এই যে, প্রভুর শ্রীমুখেই তাঁহার নিম্নাবতার লক্ষণ শুনিয়া লইবেন কিহু যেমন দাস, তেমনই-প্রভু । তিনি উদ্বুদ্ধরে ঈষদ্ হাস্যসহকারে অথচ গম্ভীরভাবে কহিলেন ;—

অকৃত্যবতার যৈছে শাস্ত্রদ্বারে জানি ।
 কলি অবতারে তৈছে শাস্ত্র বাক্যে মানি ॥
 সর্বজ্ঞ মুনির বাক্য,—শাস্ত্রের প্রমাণ ।
 অামা সবা জীবের হয় শাস্ত্রদ্বারে জ্ঞান ॥
 অবতার নাহি কহে আমি অবতার ।
 মুনি সব জানি করে লক্ষণ বিচার ॥
 “যশ্চাবহারা জ্ঞায়ন্তে শরীরিষশরীরিণঃ ।
 তৈশ্চৈত্ত্বয়তুল্যান্তিশাঃ বীর্যে দেহিষসজ্জৈতৈঃ ॥”

শ্রীভাগ ১০।১০।৩০

যাহার সমান ও যাহা হইতে অতিশয় নাই এবং জীবে সর্বথা অঘটমান, সেই সেই প্রভাব দর্শন করিয়া শরীরী অর্থাৎ মৎস্তাদি জাতি মধ্যে থাকি-
 রাও শরীর ধর্মরহিত যে তোমার অবতারাবলী অনায়াসে আনিতে পারা
 যায়, সেই সাক্ষাৎ অবতারী তুমি, তোমাকে কেন বা না জানিব ।

স্বরূপ লক্ষণ আর তটস্থ লক্ষণ ।
 এই দুই লক্ষণে বস্তু জানে মুনিগণ ॥
 আকৃতে প্রকৃতে জানি স্বরূপ লক্ষণ ।
 কার্যদ্বারা জ্ঞান এই তটস্থ লক্ষণ ॥

ভাগবতরস্বে ব্যাস মহলাচরণে ।

পরমেশ্বর নিরূপিত এ দুই লক্ষণে ॥

তথাহি 'জন্মান্ত' ইত্যাদি ।

এই শ্লোকের পর শব্দে কৃষ্ণ নিরূপণ ।

সত্যশব্দে কহে তাঁর স্বরূপ লক্ষণ ॥

বিখ্যস্ত্যাদি কৈল বেদ ব্রহ্মাকে পড়াইল ।

অর্থাভিজ্ঞতা স্বরূপশব্দে মারা দূর কৈল ॥

এই সব কার্য তাঁর তটস্থ লক্ষণ ।

অন্ত অবতার ঐছে জানে মুনিগণ ॥

অবতার কালে হয় জগতে গোচর ।

এই দুই লক্ষণে কহে, জানেন ঈশ্বর ॥

অধুনা জনসাধারণ "যাহাকে-তাহাকে" অবতার বলিয়া প্রতিপন্ন করিতে চাহে । কিন্তু শ্রীমদ্ভাগবতে মহামুনি অবতারের যে লক্ষণ কহিয়াছেন, সেই লক্ষণ ধরিয়া বিচার করিলে বর্তমান অনেক অবতারই অবতারের দাবী হইতে বঞ্চিত হইবেন । সাধারণ জীবদেহে সেরূপ বলবীৰ্য্য-সৌন্দর্য্য-মাধুর্য্য আদৌ পরিলক্ষিত হয় না । শ্রীভগবান্ অতুল ঐশ্বর্য্য, অতুল বীৰ্য্য, অতুল যশঃ, অতুল সৌন্দর্য্য, অতুল জ্ঞান-বৈরাগ্য সহ জগতে অবতীর্ণ হন । সেই অতুল-আতিশয্যের সহিত মানবীয় কোন শক্তির তুলনা হয় না । "যাহাকে-তাহাকে" অবতাররূপে প্রতিপন্ন করিলে প্রকৃত অবতারের গৌরব হানি করা হয় । এস্থলে তটস্থ লক্ষণ ও স্বরূপ লক্ষণ সম্বন্ধে যৎকিঞ্চিৎ বলা যাইতেছে । শঙ্করশাস্ত্রকার বলেন,—"তদ্ভিত্ত্বেন সতি তদ্বোধকত্বং তটস্থ লক্ষণত্বং যথা কাকবন্তো গৃহাঃ । তদভিন্নত্বেন সতি তদ্বোধকত্বং, স্বরূপ লক্ষণত্বং, যথা প্রকাশমান্ চন্দ্রমা ।"

ইহার অর্থ এই যে, যে লক্ষণ কোন বস্তু হইতে ভিন্ন চইয়াও সেই বস্তুকে বুঝায়, তাহা তটস্থ লক্ষণ, যেমন কতগুলি ঘরের মধ্যে যে ঘরগুলির

উপর কাক আছে, সেই কাকের উপস্থিতির দ্বারা অপর গৃহ হইতে এক শ্রেণীর ঘর পৃথক করা হয়। এস্থলে কাক গৃহ নয় কিন্তু কাকের দ্বারা গৃহ লক্ষিত হইল বলিয়া এস্থলে উহা তটস্থ লক্ষণ বলিয়া বুঝাইল। আবার বস্তুতে ও উহার লক্ষণে যদি কোনও ভিন্নতা না থাকে তবে তাহা স্বরূপ লক্ষণ নামে খ্যাত। যেমন প্রকাশমান্ চন্দ্রমা। এস্থলে প্রকাশ-শীলত্বের সহিত চন্দ্রের কোনও পার্থক্য নাই; অথচ প্রকাশ-শীলত্ব দ্বারাই চন্দ্র লক্ষিত হইল বলিয়া উহা স্বরূপ লক্ষণ নামে খ্যাত। অবতার সম্বন্ধেও তটস্থ ও স্বরূপ লক্ষণ দ্বারা অবতারত্ব নির্ণীত হইয়া থাকে।

শ্রীকৃষ্ণ অবতার সম্বন্ধে শ্রীকৃষ্ণের পাদচিহ্নের বিশেষ লক্ষণ ব্রহ্মা নারদকে বলিয়াছেন, যথা শ্রীকৃষ্ণ-সন্দর্ভে :—

শৃণু নারদ বক্ষ্যামি পাদয়োশ্চিহ্ন-লক্ষণং ।
 ভগবৎকৃষ্ণ-রূপস্য হানন্দৈকধনস্য চ ॥
 অবতারহুসংখ্যয়া কথিতা মে তবাংগতঃ ।
 পরং সম্যক্ প্রবক্ষ্যামি কৃষ্ণস্ত ভগবান্ স্বয়ম্ ॥
 দেবানাং কার্যাসিদ্ধার্থমৃষীণাঞ্চ তথৈব চ ।
 আবির্ভূতস্ত ভগবান্ স্বানাং প্রিয়চিকীর্ষয়া ॥
 যৈ রেব জায়তে দেবো ভগবান্ ভক্তবৎসলঃ ।
 তান্যহং বেদনান্যোস্তি সত্যমেতন্ময়োদিতম্ ।
 ষোড়শৈবতু চিহ্নানি ময়া দৃষ্টানিতৎপদে ॥ ইত্যাদি ।

অতঃপরে সনাতন বলিলেন, দয়াময়, আপনায় শ্রীমুখে অবতার-লক্ষণ শুনিলাম। এখন আমার নিবেদন এই যে, যাহাতে ঈশ্বরের লক্ষণ বর্তমান, যাহার বর্ণ পীতবর্ণ, কার্য—শ্রীনাম সংকীৰ্ত্তন ও প্রেম দান—

কলিযুগে সেই কৃষ্ণাবতার নিশ্চয় ।
 স্মৃঢ় করিয়া কহ যাউক সংশয় ॥

শ্রীমৎ হারিয়া কহিলেন সনাতন, চতুরানী ছাড়িয়া দেও, এখন শক্ত্যাবেশ-অবতারের বিবরণ শুন ।” এই বলিয়া তিনি বলিলেন,—

শক্ত্যাবেশ অবতারের অসংখ্য গণন ।

দিগ্‌দরশন করি মুখ্য মুখ্য, জন ।

শক্ত্যাবেশ দুইরূপ—গৌণ, মুখ্য, দেখি ।

সাক্ষাৎ শক্ত্যাবতার, আভাসে বিভূতি লিখি ॥

সনকাদি, নারদ, পৃথু আর পরশুরাম ।

জীবরূপ ব্রহ্মা আবেশাবতার নাম ॥

বৈকুণ্ঠে শেষ ধরা ধরয়ে অনন্ত ।

এই মুখ্যাবেশাবতার বিস্তারে নাহি অন্ত ॥

সনকাণ্ডে জ্ঞানশক্তি, নারদে শক্তি ভক্তি ।

ব্রহ্মায় সৃষ্টিশক্তি, অনন্তে ভূধারণ শক্তি ॥

শেষে স্বসেবন শক্তি, পৃথুতে পালন ।

পরশুরামে দৃষ্টনাশ বীর্যসঞ্চারণ ॥

“জ্ঞানশক্ত্যাদিকলয়া যত্রাবিষ্টো জনার্দিনঃ ।

ত আবেশা নিগত্বস্তে জীবা এব মহত্তমাঃ ॥”

যে সকল জীবে জ্ঞানশক্ত্যাদি-কলাধারা জনার্দিন আবিষ্ট হইলেন, সেই সমুদায় মহত্তম জীবকে আবেশ বলা যায় ।

ভগবদগীতার একাদশ অধ্যায়ে ভগবদ্বিভূতির কথা লিখিত হইয়াছে । সমগ্র অগৎ শ্রীকৃষ্ণের শক্তি-ভাবাবেশে ব্যাপ্ত । তাই শ্রীভগবান্ গীতার বলিয়াছেন :—

যদ্ব্যভিভূতিমৎ সত্ত্বং শ্রীমদুর্জিতমেব বা ।

তত্ত্বদেবাবগচ্ছ স্বং মম তেজোহংশ-সম্ভবম্ ॥

হে অর্জুন, ঐশ্বর্যযুক্ত, সম্পত্তিযুক্ত এবং বল প্রভাবাদির আধিক্যযুক্ত বস্তু বস্তু আছে, সে সকলকেই আমার শক্তিলেশ-সংকৃত বলিয়া জানিবে ।

অথবা বহনৈতেন কিং জ্ঞাতেন তবাজ্জুর্ন ।

বিষ্টভ্যাহমিদং কুৎস্নমেকাংশেন স্থিতোজগৎ ॥

হে অজ্জুর্ন, আমার বিভূতিবিষয়ে তোমার এত অধিক আনিবার প্রয়োজন কি ? আমি একমাত্র প্রকৃত্যাদির অন্তর্ধ্যামী পুরুষাখ্য অংশ অর্থাৎ পরমাত্মরূপে এই চিৎ-জড়াত্মক জগৎ ব্যাপিয়া অবস্থিত আছি ।

অতঃপরে শ্রীমন্নহাপ্রভু বলিলেন, সনাতন, আমি তোমায় শ্রীকৃষ্ণ লীলা সম্বন্ধে একটা কথা বলিতেছি । ব্রজেন্দ্র নন্দন শ্রীকৃষ্ণ চিরকিশোর । প্রকট ও অপ্রকট ভেদে তাঁহার লীলা দ্বিবিধ । তিনি যখন প্রকট লীলা করিতে ইচ্ছা করেন, তখন প্রথমতঃ পিতামাতা ও ভক্তগণকে আবিভূত করেন, তৎপরে নিজে আবিভূত হন । শ্রীকৃষ্ণ সর্বভক্তিরসের আশ্রয় এবং নিত্যলীলায় বিলাসবান্ । নরলীলাস্বকরণে তাঁহার বয়স বিবিধ হইলেও তিনি চিরকিশোর । তাঁহার সকল লীলাই নিত্য । ব্রহ্মাও অনন্ত, এক এক ব্রহ্মাণ্ডে ক্ষণে ক্ষণে পুতনা বধাদি সকল লীলাই প্রকাশ পায় । শ্রীচরিতামৃতে লিখিত আছে :—

অনন্ত ব্রহ্মাণ্ড তাঁর নাহিক গণন ।

কোন্ লীলা কোন্ ব্রহ্মাণ্ডে করেন প্রকটন ॥

এইমত সব লীলা যেন গঙ্গাধার ।

শেষে লীলা প্রকট করে ব্রজেন্দ্র কুমার ॥

ক্রমে বাল্য পৌগণ্ড কিশোরতা প্রাপ্তি ।

রাসাদি লীলা করে কৈশোরে নিত্যস্থিতি ॥

এখানে প্রশ্ন এই হইতে পারে যে, এক লীলার অবসানে যখন অন্য লীলা আরম্ভ হয় তখন লীলার নিত্যতা কি প্রকারে স্বীকার করা যাইতে পারে । শ্রীপাদ কবিরাজ গোস্বামী লীলার নিত্যতা বুঝাইবার জন্য জ্যোতিষক্ষেত্রে সূর্যের গতির উদাহরণ বর্ণন করিয়াছেন । ইনি বলেন, জ্যোতিষক্ষেত্রে সূর্য যেমন বর্ষিক ও পরিমাণ দিবসাদিতে সপ্তর্ষীপার্শ্বি লক্ষ্য

করিয়া ভ্রমণ করেন, শ্রীকৃষ্ণ-লীলা সম্বন্ধেও সেইরূপ বৃত্তিতে হইবে। ষষ্টি দণ্ডে একদিবস ; তিন সহস্র ছয়শত পলে একদিবস হইয়া থাকে। ষষ্টিপলে এক দণ্ড। সূর্য্যোদয় হইতে সূর্য্য প্রতিপলে পরিভ্রমণ করেন। ষষ্টিপল পরিভ্রমণে এক দণ্ড হয়। প্রত্যেক পলেই তাহার ক্রমোদয় পরিলক্ষিত হইয়া থাকে। এই প্রকার ৮ দণ্ডে এক প্রহর হয়। সূর্য্য আবার প্রতিপ্রহরে ক্রমিক ভ্রমণ করিয়া চারিপ্রহরে অন্ত হন, আবার রাত্রি চারিপ্রহর ভ্রমণ করিয়া পূর্বদিকে উদিত হন। এইরূপ সূর্য্যের পরিভ্রমণের যেমন বিরতি নাই, সেইরূপ শ্রীকৃষ্ণ-লীলারও বিরতি নাই। তাই শ্রীল কবিরাজ লিখিয়াছেন :—

এছে কৃষ্ণের লীলামণ্ডল চৌদ্দমন্ডলে ।

ব্রহ্মাণ্ড-মণ্ডল ব্যাপি ক্রমে ক্রমে ফিরে ॥

শ্রীকৃষ্ণের প্রকট প্রকাশকাল সোয়াশত বৎসর। এই ১২৫ বৎসর কাল ব্রজপুরে তাঁহার লীলাবিলাস প্রকট থাকে। অলাত চক্র যেমন প্রত্যেক বিন্দুতে স্বীয় জ্যোতিঃ প্রকটন করিয়া বেগে ঘূর্ণিত হয়, শ্রীকৃষ্ণের লীলা-চক্রও সেইরূপ। তিনি সকল লীলাই সকল ব্রহ্মাণ্ডে ক্রমে ক্রমে প্রকটিত করেন। এইরূপে তাঁহার সকল লীলাই সকল ব্রহ্মাণ্ডে ক্রমে ক্রমে উদিত হইয়া ভক্তগণের সুখদান করে।

অন্য বাল্য পৌগণ্ড কৈশোর প্রকাশ ।

পূতনা বধাদি করি মুষলান্ত-বিলাস ॥

কোন ব্রহ্মাণ্ডে কোন লীলা হয় অবস্থান ।

তাতে নিত্যলীলা কহে আগম পুরাণ ॥

সুতরাং তাঁহার প্রত্যেক লীলাই কোন-না-কোন ব্রহ্মাণ্ডে সর্বদা বিরাজমান। ইহার ধ্বংস প্রাগভাব করনা অসম্ভব। সুতরাং শ্রীকৃষ্ণ-লীলা নিত্য, গোলোক ও গোকুল ধাম ও নিত্য এবং শ্রীকৃষ্ণ যেমন আকারবান্ হইয়াও বিত্ব অর্থাৎ সর্বব্যাপী, শ্রীকৃষ্ণের ধামও তেমনই বিত্ব।

শ্রীকৃষ্ণের ইচ্ছায় অনন্ত ব্রহ্মাণ্ডে তাঁহার ধামও সর্বদা সংক্রামিত হইয়া থাকেন। শ্রীকৃষ্ণের লীলা যেমন প্রত্যেক ব্রহ্মাণ্ডে ক্রমশঃ উদিত হন, তাঁহার ধামগণও অনন্ত ব্রহ্মাণ্ডে তেমনই ক্রমশঃ উদিত হইয়া থাকেন।

এস্থলে শ্রীকৃষ্ণের প্রকাশ সম্বন্ধে কিছু বলা যাইতেছে। ব্রজধামে শ্রীকৃষ্ণের সর্বৈশ্বর্য্য পরিপূর্ণতম রূপে প্রকাশিত হন, মথুরায় তাঁহার পূর্ণতর প্রকাশ। সুতরাং ব্রজে তিনি পূর্ণতন, মথুরায় পূর্ণতর, দ্বারকায় পূর্ণ। ইহাতে এমন বস্মিতে হইবে না যে, শ্রীকৃষ্ণ এক নহেন, বহু। বস্তুতঃ গোকুলে গোলোকে মথুরা দ্বারকায় একটী কৃষ্ণ, কেবল তাঁহার ঐশ্বর্য্য মাধুর্য্যের প্রকাশ-তারতম্যেই পূর্ণতমতা, পূর্ণতরতা ও পূর্ণতা প্রভৃতির বিভিন্নতা প্রকটিত হইয়া থাকে। যেমন একটী চন্দ্র তিথিতে তিথিতে কলা কলা কিরণ মালা প্রকাশিত করিয়া পূর্ণিমায় পূর্ণতমতা প্রাপ্ত হয়, ব্রজেও সেইরূপ শ্রীকৃষ্ণ তাঁহার পূর্ণতম ঐশ্বর্য্য মাধুর্য্য প্রকাশ করেন। গোলোক ও গোকুল এক হইলেও গোকুলেরই সৌন্দর্য্যমাধুর্য্যাধিক্য প্রতীয়মান হইয়া থাকে।

শ্রীমন্নৃসিংহ প্রভু এইরূপে শ্রীপাদ সনাতনকে শ্রীকৃষ্ণতত্ত্ব সম্বন্ধে উপদেশ প্রদান করেন। লঘু ভাগবতামৃতে ও ভক্তিরসামৃত সিদ্ধ গ্রন্থে শ্রীপাদরূপ গোষ্ঠামিমহোদয় শ্রীপাদ সনাতনের উপদেশ অমুমতি অমুমারে এই সকল তত্ত্ব লিপিবদ্ধ করেন। পূর্ণতমতাদি সম্বন্ধে ভক্তিরসামৃত সিদ্ধুর দক্ষিণ বিভাগে বিস্তার লহরীতে যে তিনটী শ্লোক আছে, শ্রীচৈতন্য চরিতামৃতে মধ্যখণ্ডে সম্বন্ধতত্ত্ব নিরূপণে শ্রীভগবৎ স্বরূপভেদ বিচার নামক বিংশতিতম পরিচ্ছেদের উপসংহারে তাহা উদ্ধৃত হইয়াছে, ইতঃপূর্বেও তাহা লিখিত হইয়াছে :—

“নাট্যশাস্ত্রে শ্রেষ্ঠ ও মধ্যাদিভেদে হরি পূর্ণতম, পূর্ণতর এবং পূর্ণ বলিয়া পঠিত হন। অখিলগুণপ্রকাশক—পূর্ণতম তদপেক্ষা অগুণ, প্রকাশক

পূর্ণতর, পণ্ডিতগণ এইরূপ কৌতূহন করিয়া থাকেন। গোকুলে শ্রীকৃষ্ণের পূর্ণতমতা, মথুরায় পূর্ণতরতা এবং দ্বারকায় পূর্ণতা সুব্যক্ত হইয়াছে।”

এই কৃষ্ণ ব্রজে পূর্ণতম ভগবান্।

আর সব স্বরূপ পূর্ণতর, পূর্ণ নাম ॥

এই সংক্ষেপে কহিল কৃষ্ণের স্বরূপ বিচার।

অনন্ত কহিতে নারে ইহার বিস্তার ॥

অনন্ত স্বরূপ কৃষ্ণের নাহিক গণন।

শাখাচন্দ্র ত্রায় করি দিগ্‌ন্দরশন ॥

ইহা যেই শুনে পড়ে সেই ভাগ্যবান্।

কৃষ্ণের স্বরূপ তত্ত্বের হয় কিছু জ্ঞান ॥

পঞ্চদশ অধ্যায়

ধামতত্ত্ব

শ্রীচরিতামৃতের মধ্য লীলার প্রারম্ভে বৈকুণ্ঠাদি ধামের বর্ণন করা হইয়াছে। উহাতে জানা যায় পরব্যোম শ্রীভগবানের সর্বস্বরূপের ধাম। এই পরব্যোম ধামে অনন্ত অগণ্য বৈকুণ্ঠ ধাম বিরাজমান। এস্থলে শ্রীচরিতামৃতের পয়ারই উদ্ধৃত করা যাইতেছে :—

সর্বস্বরূপের ধাম পরব্যোম ধামে।

পৃথক্ পৃথক্ বৈকুণ্ঠ, নাহিক গণনে ॥

শত সহস্রাষুত-লক্ষ-কোটি যোজন।

এক এক বৈকুণ্ঠের বিস্তার বর্ণন।

সব বৈকুণ্ঠ ব্যাপক আনন্দ চিন্ময় ।
পারিষদ ষট্শর্যাপূর্ণ সব হয় ॥
অনন্ত বৈকুণ্ঠ একদেশে রয়ে যার ।
সে পরব্যোমের কে করে গণনা বিস্তার ॥

এই সকল বিবরণ পাঠ করিলে মানবমাত্রেয়ই চিত্ত মহা বিস্ময়ে নিম-
জ্জিত হইয়া পড়ে । অপ্রাকৃত আনন্দ চিন্ময় শত সহস্রায়ুত লক্ষ কোটি
যোজন পরিমিত মহাবিস্তৃত এক একটি বৈকুণ্ঠ । এইরূপ অনন্ত কোটি
বৈকুণ্ঠের সমষ্টি—এক পরব্যোম ! এই সকল চিত্তানন্দময় বৈকুণ্ঠের অনন্তত্বের
কথা দূরে থাকুক, বর্তমান বৈজ্ঞানিক জ্যোতির্বিদগণ সাধারণ দূরবীক্ষণ
দ্বারা গগন-বিহারী প্রত্যক্ষ পরিদৃশ্যমান যে সকল গ্রহনক্ষত্রের সন্ধান প্রাপ্ত
হইয়াছেন, তাহারই অগণ্য ও অনন্ত প্রসারিত । এক্ষেত্রে যথার্থ ব্যাপারের
নিকট কবির কল্পনাও পরাপ্ত হয় । এই সকল বর্ণনা বিন্দু মাত্রও অতি-
রঞ্জিত নহে । বর্তমান পাশ্চাত্য জ্যোতির্বিজ্ঞানিকগণ অহুসঙ্কান দ্বারা
প্রাপঞ্চিক ব্যোমের যে সকল বিবরণ প্রকটিত করিতেছেন, তাহা পাঠ
করিলে শ্রীচরিতামৃতের এই সকল বর্ণনার একবিন্দুও অতিরঞ্জিত বলিয়া
মনে হইবে না । ইতঃপূর্বে সে বর্ণনার আভাস দেওয়া হইয়াছে ।

এই অনন্ত বৈকুণ্ঠের অধিষ্ঠান স্বরূপ পরব্যোম ও শ্রীকৃষ্ণলোকের অতি
ক্ষুদ্র বিন্দু-প্রায়-অংশ ।

অনন্ত বৈকুণ্ঠ পরব্যোম যার দলশ্রেণী ।
সর্বোপরি কৃষ্ণলোক কর্ণিকায় গণি ॥

শ্রীকৃষ্ণ সন্দর্ভে লিখিত হইয়াছে—“অনৃত্ত তু ভূবি প্রসিদ্ধান্তেব তত্তদা-
খ্যানি স্থানানি তদ্রূপেষু শ্রয়ন্তে । তেষামপি বৈকুণ্ঠাস্তরবৎ প্রপঞ্চাতী-
তৎ-নিত্যত্বালোকিকরূপত্ব-ভগবন্নিত্যাম্পদত্ব-কথনাৎ ।”

শাস্ত্রান্তরে ভূমণ্ডলে প্রসিদ্ধ তত্তৎ আখ্যা বিশিষ্ট (অর্থাৎ পূর্বোক্ত
ঘরকা মথুরা গোকুলাখ্য) স্থান সমূহের ভগবৎরূপত্ব সৰ্বক্লে-

শাস্ত্রসিদ্ধান্ত শুনিতে পাওয়া যায়। উহারাও বৈকুণ্ঠাস্তরবৎ প্রপঞ্চাভীত
নিত্য অলৌকিক ও শ্রীভগবানের নিত্যাম্পদ বলিয়া কথিত হইয়াছেন।
শ্রীমৎধরকা সঙ্ক্ষে স্বন্দপুরাণাদিতেও অমুসঙ্কেয়। শ্রীধাম সঙ্ক্ষে শ্রীত-
প্রমাণ 'ও আছে, তদ যথা—

অমুঃ সমুদ্রে মনসাচরন্তম্, ব্রাহ্মাণ্ডবিনন্দনশহেতো রমণে।

সমুদ্রেহমুঃ কবয়ো বিচক্ষতে, মরাচানাং পদমস্থিচ্ছস্তি বেধসঃ ॥

শ্রীমৎমথুরার প্রপঞ্চাভীতবাদি সঙ্ক্ষে বরাহ পুরাণ বলেন :—

“অন্যেব কাচিৎসা সৃষ্টি বিধাতৃব্যতিরিক্ণী।”

নিত্যম্ সঙ্ক্ষে পদ্মপুরাণ বলেন :—

ঋষিমাথুর নামাত্ত তপঃ কুর্কতি শাশ্বতে।

অত্র মথুরামণ্ডলে শাশ্বতে নিত্যে তপঃ কুর্কতি করোতি ইত্যর্থঃ।

অলৌকিকরূপত্ৰ সঙ্ক্ষে আদি বরাহ বলেন :—

ভূভূবঃ স্বম্বনোপি ন পাতাল-তলেহমলম্।

নোঙ্কলোকে ময়া দৃষ্টং তাদৃক্ষেক্ত্রং বসুন্ধরে ॥

শ্রীভগবনিত্যাম্পদম্ যথা :—

অহোহতিধন্যা মথুরা যত্র সন্নিহিতো হরিঃ।

ইহা যে কেবল উপাসনাস্থান তাহা নহে। যেহেতু শ্রীমৎধরকা সংবাদে
শ্রীভগবান্ বলিতেছেন :—

মথুরায়্যাঃ পরংক্ষেত্রং ত্রৈলোক্যে নহি বিদ্যতে।

তস্মাং বসাম্যাহং দেবি মথুরায়্যাস্ত সৰ্বদা ॥

এস্থলে বাসেরই কঠোরতা। শ্রীমৎধরকাহদেবের বাক্য এই যে অংশাংশীর
ঐক্যভাবেই বক্তব্য। ফলতঃ শ্রীমৎমথুরাক্ষেত্রে শ্রীবরাহদেবের নিবাস নয় ;
উহা শ্রীকৃষ্ণক্ষেত্র বন্ধিয়ার্ণই প্রসিদ্ধ, যথা পদ্মপুরাণে পাতাল খণ্ডে :—

“অহো মথুপুরী ধন্যা যত্র তিষ্ঠতি কংসহা।

যদ্যং সাক্ষাৎ শ্রীকৃষ্ণই যে সৰ্বদা বাস করেন, বায়ুপুরাণে তাহারও
প্রমাণ আছে—

চত্বারিংশদ্ব্যধোনানাং ততস্ত্ব মথুরা স্বতা ।

যত্র দেবো হরিঃ সাক্ষাৎ স্বয়ং তিষ্ঠতি কংসহা ॥

এস্থলে “সাক্ষাৎ” শব্দ দ্বারা শ্রীভগবানের স্বস্বরূপতার এবং “স্বয়ং” শব্দ দ্বারা তাঁহার প্রতিমারূপের অবস্থান নিষিদ্ধতা সূচিত হইয়াছে । শ্লোকে ‘ততঃ’ শব্দ আছে উহার অর্থ পূর্বেক্ত পুষ্কর নামক তীর্থ হইতে মথুরা চত্বারিংশদ্ব্যধোনানাং অবস্থিত, ইহাই বৃত্তিতে হইবে । শ্রীমদ্বরাহদেব বলিয়াছেন, মথুরাক্ষেত্রে তাঁহার অবস্থান—ইহাতে বলা যায় যে মথুরা-পূর্বীতে তাঁহার অবস্থান নয় ; শ্রীমথুরাপুরাণে শ্রীকৃষ্ণেরই বাসস্থান ।

শ্রীগোপাল তাপনা স্মৃতিতে বলা হইয়াছে :—

“স হোবাচ স্তম্ভি নারায়ণো দেবঃ স কাম্যা নেরোঃ শৃঙ্গে যথা সপ্ত
পুয্যা ভবন্তি তথা স কাম্যা নিষ্কাম্যাশ্চ ভূগোলচক্রে সপ্তপুয্যা ভবন্তি
নাম্যং মধ্যে সাক্ষাৎ ব্রহ্ম গোপাল পুরাভ্যাম্ । স কাম্যা নিষ্কাম্যা দেবানাং
সর্বেষাং ভূতানাং ভবন্তি, যথা হি বৈ সরসি পদ্মং তিষ্ঠতি তথা ভূম্যাং
তিষ্ঠতীতি, চক্রেণ রক্ষিতা হি বৈ মথুরা তস্ম্যাং গোপাল পুরী হি ভবতি ।
বৃহদ্ বৃহদ্বনং মধোমধুবনমিত্যাদিকা ।” পুনশ্চ এতে বাবৃত্তা পুরী-ভবতি ।
“তত্র তেষেব” মিত্যাদিকা তথা “.....দে বনেশ্চঃ কৃষ্ণবনং ভদ্রবনং
তয়োবস্তু দ্বাদশবনানি পুণ্যানি পুণ্যতমানি তেষেব দেবা তিষ্ঠন্তি সিদ্ধাঃ
সিদ্ধিং প্রাপ্তা স্তত্র হি রামস্তহি রামমূর্তিঃ ।তদপোতে শ্লোকাঃ—

প্রাপ্য মথুরাং পূর্বীং রমাং সতা ব্রহ্মাদিসেবিতাম্ ।

শঙ্খচক্র গদাশঙ্খ রক্ষিতাং সুবনাদিভিঃ ॥

যত্রাসৌ সংস্থিতঃ কৃষ্ণস্তিভিঃ শক্ত্যাসমাহিতঃ ।

রামানিরুজপ্রত্যয়েঃ রুক্মিণ্যা সংহিতো বিচচারিত্তি ॥

কিং তস্য স্থানমিতি ত্রীগাঙ্কর্য্যা প্রশ্নোত্তরমিদম্ ।

অর্থাৎ গাঙ্কর্য্যের প্রশ্নোত্তরে নারায়ণ ও ব্রহ্মার কথোপকথন-প্রসঙ্গ
আরম্ভ করিয়া বলিলেন, শ্রীমদ্বারায়ণ ব্রহ্মাকে বলেন :—যেমন শুম্বেক

গিরির শৃঙ্গে সর্বকামফলপ্রদায়িনী সাতটী পুরী আছে, সেটরূপ এই ভূমণ্ডল মধ্যে অধিকার-ভেদে কামফলপ্রদায়িনী ও মুক্তিদায়িনী অযোধ্যা, মথুরা, মায়ী, কাশী, কাঞ্চি, অবন্তিকা ও দ্বারকা এই সাতটী পুরী আছেন তন্মধ্যে গোপাল-বেশ বিম্বুর আশ্রয়ভূত অথবা গোসমূহ-প্রতিপালিতা গোপালপুরী। এই পুরী সাক্ষাৎ ব্রহ্মপুরী অর্থাৎ ব্রহ্ম-প্রকাশক-হেতু এই পুরীই ব্রহ্মাঙ্ক। এই নিমিত্ত এই পুরী “ব্রহ্মপা” ও ব্রহ্মপুরী নামে অভিহিত হইয়াছেন। যেমন দেবগণের ও ভূতগণের সকল ও নিষ্কাম আবাগ আছে, যেমন সরোবরে কল আছে, ভূমণ্ডলের মধ্যে এই মথুরা পুরী সেটরূপ। এই মথুরাপুরী সর্বদা চক্রাদি দ্বারা রক্ষিত। অতএব এই পুরী গোপাল পুরী নামে খ্যাত।

এই মথুরায় দ্বাদশ বন আছেন—বৃহদ্বন। অতি বৃহৎ বলিয়া এই বন বৃহদ্বনামে অভিহিত। মনুদৈত্য বাস করিত বলিয়া অপর বনের নাম মধুবন ইত্যাদি। মথুরার ঐ দ্বাদশ বনে দেবাদি নৃত্যগান করেন।

উর্ধ্বতে কৃষ্ণবন ও ভদ্রবন নামে আরও দুইটী বন আছেন। দ্বাদশ বন এই দুই বনের অন্তর্গত। এই সকল বনের মধ্যে সিদ্ধি-প্রাপ্ত সিদ্ধগণ বাস করেন। এই সকল বনে বলরামাদির শ্রীমূর্তি আছেন। মথুরাপুরী ব্রহ্মাদি-সেবিত অতি রমণীয় শঙ্খ-চক্র-গদা-শাঙ্গ ও মুষলাদি দ্বারা সর্বদা সুরক্ষিত। বলরাম অনিরুদ্ধ ও প্রহ্লাদ এবং কৃষ্ণিণী সহ শ্রীকৃষ্ণ সন্ত এখানে অবস্থান করেন।

শ্রীমতী গান্ধারী দুর্বাসা মুনির নিকট প্রশ্ন করিয়াছিলেন, তাহার স্থান কোথায়? তদুত্তরে দুর্বাসা শ্রীমন্নরায়ণ ও ব্রহ্মার কথোপকথন উল্লেখ করিয়া ইহার যে উত্তর দান করেন, তাহা এস্থলে উল্লিখিত হইল। শ্রীকৃষ্ণ-সন্দর্ভে উহার উল্লেখ আছে।

এ সম্বন্ধে এস্থলে একটু বিশেষ ব্যাখ্যার প্রয়োজন।

শ্রীমৎশঙ্কর বিদ্যাভূষণ-কৃত সিকান্তরত্ন গ্রন্থেও শ্রীভগবদ্ভাবের আলোচনা

পরিমলিত হয়। উহার দ্বিতীয় পানে লিখিত হইয়াছে—“অনন্তবিজ্ঞানানন্দ-
বপুষো” ভগবতঃ সচিচ্ছক্তিবিলাসময়ং প্রকৃতি-স্পর্শন-শূন্যমপরিচ্ছিন্নং শর্মহিম-
সংব্যোমশক্তিং পূরমতি বিস্তীর্ণবহুভূমপ্রসাদো-পমঞ্চকান্তি ইত্যাদি।

তিনি অতঃপরে এই পুরের বিস্তৃত বিবরণ বর্ণনা করিয়া বেদান্ত সূত্রের
একটি অধিকরণের উল্লেখ করিরাছেন তদ্যথা :—

অন্তরাভূতগ্রামবৎ স্বায়নঃ ৩৩৩৬। শ্রীগোবিন্দভাষ্যে এই সূত্রটি
যেদ্রুপ ব্যাখ্যাত হইয়াছে, তাহা উদ্ধৃত করা যাইতেছে :—অথ স্বায়ুকা-
ধিষ্ঠানত্বং ধর্মমুপসংতত্ত্বনারভতে—মুণ্ডকে শ্রুতে—যঃ সর্বজ্ঞঃ সর্ববিদ্
যশ্শিব মহিমা ভূবি সংভূব দিব্যে পুরে হেষ সংব্যোমাত্মা প্রতিষ্ঠিত ইত্যাদি
ত্রক্ষেবেদং বিশ্বামিদংবরিষ্ঠামিত্যন্তম্। তত্র সংশয়ঃ—সংব্যোম শব্দাভিহিতং
ব্রহ্মপুরং কিং সামর্থ্যে স্বধ্যপর্যায় উন্ন্যহিমেষ ভবেদুত বিচিত্র প্রাসাদ-গোপুর
প্রাকারাদিক্রুপং তদিত্তি। কিং প্রাপ্তম্। তাদৃশউন্ন্যহিমেষ তদিত্তি।
স ভগবঃ কস্মিন প্রতিষ্ঠিত ইতি ? স্বে মহিষ্ঠাতি। স্ব মহিমাধারত্ব শ্রবণাৎ
তন্ম্যান্মহিমেষ পুরত্বেন নিরূপিতঃ। সংব্যোম শক্তিচ সঃ। তন্মাদনশ্চ্যাৎ
ন খনু বিভোরধিষ্ঠানং সন্তবেদিত্যুক্তম্ ত্রক্ষেবেত্যাদিনা এবং প্রাপ্তে পঠিত্তি—

অন্তরা ভূতগ্রামবৎ স্বায়নঃ—৩৩৩৬ অন্তরা সংব্যোম পুরমধ্যে
স্বায়নো ভূতগ্রামবদ্বিভাতি। স্বায়নঃ স্বায়ত্বেন বৃত্তস্ত উক্তবশ্চোহ্যর্থঃ।
“বমেবেষ বৃগুতে তেন লভ্য ইত্যাদি শ্রুতেঃ। তত্রবৎ বস্ত জাতং সর্বং
ব্রহ্মায়কমপি পৃথিব্যাদি নির্মিতবৎ ক্ষুরতি ইত্যর্থঃ।

বঙ্গানুবাদ—এক্কে স্বায়ুকাধিষ্ঠানত্ব ধর্মের উপসংহারে বলা হইতেছে—
শ্রুতিতে উক্ত আছে—যিনি সর্বজ্ঞ সর্ববিৎ, যাহার মহিমা এই পৃথিবীতে
দৃষ্ট হয়, তিনি আত্মপ্রতিষ্ঠিত সংব্যোম নামক দিব্যপুরে বাস করেন।
এস্থলে সংশয় এই যে, ঐ সংব্যোমপুর আধ্যাত্মিক ভগবদৈশ্বর্য্য মহিমা
অথবা বিচিত্র প্রাসাদগোপুর প্রকরাদি বিশিষ্টপুরী-বিশেষ ? ভগবান্ স্বীয়
মহিমাতেই অধিষ্ঠিত ইত্যাদি শ্রোতব্যাক্যে উহাকে আধ্যাত্মিক ভগবন্নামহিমা

বলিয়াই মনে হয়। সুতরাং ভগবন্মহিমা সংবোমপুর। ঐ পুর অনন্ত এবং পরমেশ্বর বিভূ বস্তু অভএব তাঁহার অধিষ্ঠানও সম্ভাব্য নহে—ইত্যাদি পূর্ব পক্ষের সংশয় ছেদনার্থ সিদ্ধান্ত হইতেছে যে তাঁহার আশ্রয়জনের নিকট সংবোমপুর মধ্যস্থ তদীয় অধিষ্ঠান ব্রহ্মাত্মক হইলেও পৃথিব্যাদি নির্মিত জাগতিক অল্পস্ত শোভামৌল্যময়ী প্রামান-গোপুর-প্রকরাদিময়ী পুত্রী ন্যায়ই স্মরিত হইবে।

সাদৃশ্যবাচক 'বৎ' শব্দের দ্বারা উহার ভৌতিকত্ব নিরস্ত হইয়াছে। ঐ পুরের সম্মুখ পশ্চাৎ, অধঃউর্দ্ধ, উত্তর দক্ষিণ সমুদয়ই ব্রহ্মস্বরূপ ইত্যাদি শ্রুতি বাক্য দ্বারা উহার ব্রহ্মাত্মকত্বই সিদ্ধ হইয়াছে। যেরূপ ভক্তগণের সমক্ষে বিজ্ঞানানন্দময় ব্রহ্মের পাণি পাদাদি অঙ্গ প্রত্যঙ্গের বৈচিত্র্য স্মরিত হয় তদ্রূপ ব্রহ্মাত্মক ভগবল্লোকেরও ভূমি হোমাদির প্রতীতি হইয়া থাকে। ময়ূরপুচ্ছ একরূপ হইয়াও যেমন বিচিত্ররূপে প্রতিভাত হয়, ব্রহ্মপুরীও তদ্রূপ। (শ্রীগোপাল তাপনী শ্রুতিতে শ্রীমন্মথুরাদামকে সাক্ষাৎ ব্রহ্মাত্মকতা অথ ব্রহ্মপুরী নামেই নির্দেশ করিয়াছেন।)

শ্রীপাদ বলদেব বিদ্যাভূষণ-কৃত বৈদ্যসিদ্ধান্তপূর্ণ প্রামাণিক গ্রন্থ সিদ্ধান্তরত্নে এবিষয়ে যে সিদ্ধান্ত করা হইয়াছে, এহলে তাহাও উদ্ধৃত করা যাইতেছে :—

“ইদমত্র তত্ত্বম্। অনন্ত বিজ্ঞানানন্দবপুবে! ভগবতঃ স্বচিচ্ছক্তি-
বিলাসময়ং প্রকৃতিস্পর্শশূন্যমপরিচ্ছিন্নং স্বমহিমসংবোমশক্তিঃ পুরমতি-
বিস্তীর্ণ বহুভূমপ্রসাদোপমঞ্চকান্তি। যত্রনানাবিভাবপরিকরপরিচ্ছদস্বচ্ছন্দ-
সমাবেশোচিতান্তিবিশালনাব্যয়িচয়নয়ানি নিরুপমশক্রনালকুবিন্দ চন্দ্র-
কাস্তাদিকান্তানি , বিচিত্রপ্রাচীরচত্বরপ্রামানাদিমহাবাসানি মণিচিত্র-
তটীকপীযুষপূর্ণ সরিৎসারাবাপীকূপানি কর্পূরপুরায়মানরজাংসি প্রতি-
কমসমুদয়ং তরুবল্লীশূন্যানি রন্যবিহঙ্গমাদি সত্ত্বসনোহানি কমনীয় বিমা-
নাবলিবিরক্তি ধামানি স্মরন্তি। যেষু পরমালোকিক রূপ-গুণ-সম্পন্নাসুস্তা

নিত্য মুক্তাশ্চ সৰ্বভাহিতয়া শ্রীদেব্যাসহ বিবিধবিনোদবস্তং ভগবস্তং নান-
বিধে রূপচারৈরনুকূলয়ন্তীতি ।

এবমোক্তং জিতেন্দ্র-স্তোত্রে—

লোকং বৈকুণ্ঠনামানং দিব্যদ্ যাড়গুণ্য সংযুতম্ ।

অবৈষ্ণবানামপ্রাপ্যং গুণত্রয়বিবর্জিতম্ ॥

নিত্যসিদ্ধেঃ সমাকীর্ণং তন্ময়ে পাঞ্চকালিকেঃ ।

সভাপ্রাসাদ সংযুক্তং বনৈশ্চোপবনৈঃ শুভম্ ।

বাপী-কূপ-তড়াগৈশ্চ বৃক্ষষট্শুঃ সুমণ্ডিতম্ ।

অপ্রাকৃত সুরৈর্বন্দ্যমুতর্ক সমপ্রভম্ ॥

প্রকৃষ্টে সত্ব শক্তিং ত্বাং কদা দ্রক্ষামি চক্ষুষা ।

ক্রীড়ন্তং রময়া সার্কং লীলা ভূমিষু কেশবমিতি ॥

ভগবান্ সূত্রকারৈশ্চৈব নাহ—অন্তরা ভূতগ্রামবৎ স্বায়নঃ ৩৩৩৬ ;

ইত্যন্বিগ্নধিকরণে । তদেতৎ স্বমহিমশক্তিতংতক্রাম বৈকুণ্ঠ দার্কত্যাদি
যথোক্তিঃ স্মুরতীতি তৎতদগতাবির্ভাবেষু তত্তদভিমানেষু বিশেষশ্চেতি
বিশিষ্টাগমানাং বিদুষাং নিশ্চয়ঃ । ৩৫

যাত্বেব ধামানি তত্ত্বলীলার্থমজ্ঞাপ্যাবিঃ স্মুরিতি স্বান্দে স্বর্ধ্যতে
“যা যথা ভূবি বর্তন্তে পূর্বো ভগবতঃ প্রিয়াঃ । তা শুধাসন্তি বৈকুণ্ঠে
তত্ত্বলীলার্থ মাদতা । ইতি ।

আসু দিব্যত্বা স্মুর্তিসংস্কৃত দশামেব ভগবতি নরদার রূপস্বাদিবৎ ।
তথাপি তদৃষ্ট্যা শুভলোকপ্রাপ্তি স্তাদৃশ ভগবদৃষ্ট্যেবেতি । “ন সামান্যাদ-
প্যুপলভ্যেয়ত্বাবয় হি লোকাপত্তেঃ । ৩৩৫৩ ইতি সূত্রাস্তত্বাচ্চ ।
তস্মাত্তত্বৈঃ সহাসৌ নিত্যং লীলায়তে বাল্যগৌগণ্ড । কৈশোরসখকা স্তা
লীলা নিত্যা বিভাস্তীতি সিদ্ধম্ । ৩৬

বঙ্গানুবাদ—অনন্ত বিজ্ঞানানন্দবিগ্রহ শ্রীভগবানের স্বীয় চিৎশক্তি
বিলাসময় প্রকৃতিস্পর্শশূন্য সংব্যোমাধ্যপুর অতি বিস্তীর্ণ বহুভূমিসম্বিত

প্রাসাদ সদৃশ দীপ্তি পান। যে প্রাসাদে শ্রীভগবানের বিবিধ আবির্ভাব-পরিষ্কর-পরিচ্ছদ ও লীলাকাহাদিময় বিচিত্র প্রাচীর চত্বরাদি বিশিষ্ট বাসস্থান মণিময় তটযুক্ত পীযুষপূর্ণ নদনদী ও সরোবর এবং কপূর পরিপূর্ণ জলকূপ, কপূরসদৃশ ধূলি, উন্নত তরুলতা, মনোহর বিহঙ্গাদি ও অপরাগর অন্ত সকল কমনীয় বিমানাবলিবেষ্টিত শূন্যস্থ গৃহরাজি স্ফুর্তি পায়। এই সকলই শ্রীভগবানের চিৎশক্তির বিলাস অর্থাৎ স্বরূপ হইতে আবিষ্কৃত। এই ধামে পরম আলৌকিক রূপগুণ সম্পন্ন মুক্ত ও নিত্যমুক্ত জীবগণ লক্ষ্মীদেবীর সহিত বিবিধ বিনোদবিশিষ্ট শ্রীভগবান্কে নানা উপচারে সেবা করেন।

এইরূপ বর্ণনা জিতেন্দ্র শ্রোত্রেও দৃষ্ট হয়, তদ্যথা—বেকুঠ লোক অপ্রাকৃত ষড়্গুণযুক্ত, অবৈষ্ণবজনের অপ্রাপ্য, প্রাকৃত গুণত্রয় বর্জিত, অতিমান উপাদান, ইজ্যা, অধ্যয়ন ও সমাধি এই পঞ্চকলা হইতে উদ্ভূত অমুষ্ঠানযুক্ত নিত্য সিদ্ধগণ-সেবিত সত্তা প্রাসাদ শোভিত বন উপবন মণ্ডিত দীঘিকা কূপ সরোবর ও বৃক্ষ সমূহে বিভূষিত অপ্রাকৃত, দেবগণের বন্দনীয়, অমৃতস্বর্ষোর প্রভাবিশিষ্ট। সচ্চিদানন্দ মহাপুরুষ হে কেশব, এতাদৃশলীলাভূমি সমূহে আমি তোমায় কবে দর্শন করিব ?

ভগবান্ সূত্রকারও এইরূপ বলিয়াছেন—বেদান্ত সূত্রের তৃতীয় অধ্যায়ে তৃতীয় পাদের ৬ সূত্রে উক্ত হইয়াছে, পরমেশ্বর অপ্রাকৃত বস্তু। তাঁহার নিজ মহিমা ভিন্ন অন্য অধিষ্ঠান অসম্ভব। তথাপি শ্রীভগবানের নিজ মহিমাশ্রয়ক সংব্যোম নামক অধিষ্ঠান এবং তন্মধ্যস্থ বস্তুজাত তদীয়ভক্ত সকলের দৃষ্টিতে প্রাকৃতভূত নিবাসের সদৃশই প্রতীত হইয়া থাকে। ভক্তগণের নিকট শ্রীভগবানেরও তদীয় অধিষ্ঠানাদির অমৃত ও দিব্য প্রকাশ শ্রুতিতে উক্ত আছে। স্বরূপতঃ এই সকল অপ্রাকৃত স্বাত্মক বস্তু ভগবদৈশ্বর্যাত্মক বস্তু। যেরূপ জ্ঞানানন্দময় ব্রহ্মের পাণি পাদাদি অঙ্গ বৈচিত্র্য স্ফুরিত হয়, তদ্রূপ স্বাত্মক তদীয় ধামেরও ভূমি জলাদি প্রাকৃত বস্তুবৎ প্রতীতি হইয়া থাকে।

ভগবান্নহিমাди শক্তি সেই ধাম বৈকুণ্ঠাদি রূপে উচ্ছোৰ্কে ক্ষুণ্টি পাঠয়া থাকে। অর্থাৎ বৈকুণ্ঠের উপরে ঘরকা, তদুপরি মথুরা, তদুপরি গোলোক অবাস্থিত। সেই সেই স্থানে গত ভগবদাবির্ভাবের তৎতদন্তিমাণে বিশেষ-ষড়ও আছে। সায়ম্ভুবাদি আগম প্রভৃতি বিশেষ বিশেষ শাস্ত্রের ও বিশেষ জ্ঞানীর ইহাই সিদ্ধান্ত।

পরব্যোমে যে যে ধাম আছে, সেই সেই ধামই এই প্রপঞ্চে আবিষ্কৃত হইয়া থাকে। প্রপঞ্চে আবিষ্কার দ্বারা অপ্রাপঞ্চিত ধাম নিশ্চয় করা কর্তব্য। অপ্রপঞ্চে যাহা নাই, তাহা প্রপঞ্চেও থাকিতে পারে না। স্কন্দপুরাণে উক্ত হইয়াছে,—ভগবানের যে যে প্রিয়তমা পুরী প্রপঞ্চে বিদ্যমান আছেন পরব্যোমও তৎ তৎ লীলার্থ ব্রহ্মাদি-বন্দিত সেই সেই পুরী রহিয়াছে। ব্রহ্মাণ্ডান্তর্গত ঐ সকল পুরীতে প্রাকৃত চিন্তার সম্বন্ধ নাই, অথবা ব্রহ্মাণ্ডান্তর্গত ধাম সকল অনিত্য নহে। ব্রহ্মাত্মক চিদানন্দময় ধাম সকল এই প্রাপঞ্চিক ধামসমূহে সূক্ষ্মভাবে একাত্মত ভাবে অবস্থান করিতেছেন। তবে বাহ্যদের জ্ঞান, ভক্তি-সংস্কারশূন্য তাহারা প্রাপঞ্চিক ধামেব অপ্রাপঞ্চিকত্ব অনুভব করিতে পারেন না। অভক্ত সকল ঈশ্বরভগবান্কে যেরূপ মনুষ্য বলিয়াই দর্শন করেন, তদ্রূপ তাঁহার ধাম সমূহকেও পাখিব বলিয়াই দেখিয়া থাকেন। অবতারকালে সকলেই যদি ভগবদ্ভাবে ভগবান্কে দর্শন করিতেন তাহা হইলে সকলেরই মুক্তি হইয়া যাইত; কিন্তু তাহা হয় নাই। না হইবার কারণ তাঁহাকে মনুষ্যরূপে দর্শন করা। তবে ঐ দর্শনও নিষ্ফল হয় না; উহাতে মুক্তি না হইলেও স্বর্গাদি শুভফল লাভ হইয়া থাকে। একথা সূত্রকারও বলিয়াছেন। সামান্ত দর্শনে মুক্তি হয় না। মৃত্যু হইলেও যেরূপ মামুষের মুক্তি হয় না, সামান্ত দর্শনও প্রায় সেইরূপ। তবে কি সামান্ত দর্শনে কোন কল নাই? তাহা নহে। উহাতেও সুদর্শন বিঘ্নাধর; ও নৃগরাক্ষার দ্বায় কর্ণলাভ হয়।

অতঃপরে শ্রীঅযোধ্যা-মাহাত্ম্যের উল্লেখ করা হইয়াছে। তৎপরে বৈকুণ্ঠ
অপেক্ষাও যে মধুপুরী গরীমসী তাহার প্রমাণ প্রদত্ত হইয়াছে যথা :—

“অহোমধুপুরী ধন্য বৈকুণ্ঠাচ্চ গরীমসী।”

অনন্তর শ্রীমথুরামণ্ডলের দ্বাদশবনের অক্ষরক্ৰমি শ্রীবৃন্দাবন-মাহাত্ম্য
বর্ণিত হইয়াছে :—

অত্র দে পশবঃ পক্ষী বৃক্ষাঃ কাটাঁমরামরাঃ ।

যে বসন্তি সমাধিক্ষে নৃত্যে যান্তি মমালয়নিত্যানি ॥

পঞ্চযোজন মেবাস্তি বনং মে দেহরূপকম্ ।

অত্র দেবাশ্চ ভূতানি বর্তন্তে স্মরূপতঃ ॥

বৃহদ্ গৌতমায় ত্রেঃ এসম্বন্ধে শ্রীনারদ ও শ্রীকৃষ্ণের কথোপকথন
সবিশেষ উল্লেখযোগ্য, তন্ যথা :—

শ্রীনারদ জিজ্ঞাসা করিতেছেন :—

কিমিদং দ্বাদশবনং বৃন্দারণ্যং বিশাংপতে ।

শ্রোতুমিচ্ছামি ভগবন্ যদি যোগ্যোহস্মি মে বদ ॥

শ্রীকৃষ্ণ ইহার উত্তর দিতেছেন :—

ইদং বৃন্দাবনং রম্যং মন ধামৈব কেবলং ।

পঞ্চযোজনমেবাস্তি বনং মে দেহরূপকম্ ॥

কালিন্দীরং স্মস্ময়াখ্যা পরমামৃতবাহিনী !

অত্র দেবাশ্চ ভূতানি বর্তন্তে স্মরূপতঃ ॥

সর্বদেবমরশ্চাহং ন ত্যজামি বনং ক্ৰচিৎ ।

আবির্ভাবস্তিরোভাবো ভবত্যেব যুগে যুগে ॥

তেজোহায়মিদং রম্যমদৃশ্যং চর্মচক্ষুষা ॥ ইতি

এখানে পুণ্ড্র্যপাদ শ্রীকৃষ্ণ-সন্দর্ভকার লিখিয়াছেন—বিশেষতঃ তাদৃশ রূপ
ভগবনিত্যখ্যামে দিব্য কদম্ব অশোকাদি বৃক্ষসমূহ অত্মাপি মহাভাগবতগণ
সাক্ষাৎ করিয়া থাকেন, ইহা প্রসিদ্ধ অবগতিতেও জানা যায়। বরাহ-

পুরাণে কালীয়হৃদমাহাত্ম্যে এই মহাকদম্বাদির বিবরণ আছে। সন্দর্ভের
এস্থলে সে প্রমাণ উদ্ধৃত করা হইয়াছে এবং সিদ্ধান্ত করা হইয়াছে যে, এই
সকল এখন স্থূলদৃষ্টবিশিষ্ট পার্থিবগণের দৃশ্য নহে। কিন্তু এই শ্রীবৃন্দাবন
যে শ্রীকৃষ্ণের নিত্য বিহারাম্পদ হন, তাহার প্রমাণের অভাব নাই যথা—

কৃষ্ণক্রীড়া সেতুবন্ধং মহাপাতক-নাশনং

বল্লভাং তত্র ক্রীড়ার্থং কৃষ্ণোদেবোৎসাদাধরঃ।

গোপকৈঃ সচ্চিত্ততত্ত্ব কৃষ্ণমেকং দিনে দিনে

তত্রৈব রমণার্থংহি নিত্যকালং স গচ্ছতি ॥ আদি বারাহে—

ঋন্দপুরাণে এ সন্দর্ভে প্রচর প্রমাণ আছে যথা :—

ভবিগাধিষ্টিতং তত্র ব্রহ্মকুদ্রাদিসেবিতামিতি ।

শ্রীগোপাল তাপনী শ্রুতি ও বলেন :—

‘গোবিন্দং সচ্চিদানন্দবিগ্রহং বৃন্দাবনসুর ভূকৃতলাসীনং সমরদগ-
ণোহহং পরিভ্রোষবানিহি । পাতাল খণ্ডেও লিখিত আছে :—

যমুনা জলকল্লোলে সদা ক্রীড়তি মাধবঃ ।

শ্রীপাদশ্রীজীবগোশ্বামি মহোদয় ইহার ব্যাখ্যা করিয়া লিখিয়াছেন,—

“যমুনায়াঃ জলকল্লোলে যত্র এবস্তুতে বৃন্দাবনে ইতি প্রকরণাল্লকম্।”

অজহল্লক্ষণায় তীর হৃদাদি অর্থও গৃহীত হইতে পারে। তারার্থে শ্রীবৃন্দাবনই

বুঝায়। শ্রীগোপাল তাপনী শ্রুতিতে শ্রীবৃন্দাবনের ধামত্বই সিদ্ধান্তিত

হইয়াছে। তাপনী বলেন—“সাক্ষাৎ ব্রহ্ম—গোপালপুরী ইতি ।

অর্থাৎ গোপালপুরী—সাক্ষাৎব্রহ্ম ইহাতে এই শ্রীধামের নিত্যই প্রপঞ্চাভীষ

ও নিত্য শ্রীভগবদ্বিহার-পদত্বই সিদ্ধান্তিত হইল। এখানে অধিকন্তু বক্তব্য

এই যে—তাপনী শ্রুতিতে স্থানান্তরে লিখিত আছে—

মথুরায়াং স্থিতিব্রহ্মন্ সর্বদা মে ভবিষ্যতি ।

শঙ্খচক্রগদাপদ্ম বনমালা কুণ্ডলবৈ ॥

এস্থলে ‘সর্বদা’ শব্দ দ্বারা নিত্যত্বই অভিযুক্ত হইয়াছে ।

অপিচ—মথুরা মণ্ডলে যন্তু অম্বুদীপে স্থিতোহপি বা ।

যোহর্চয়েৎ প্রতিমাং মাং চ স মে প্রিয়ভাগ্ ভুবি ॥

অপিচ—মথুরায়াং বিশেষেণ মাং ধ্যানন্ মোক্ষমশ্নুতে ।

টীকাকার লিখিতেছেন :—“মথুরায়াং গোপাল-ভজনং অতিশয়েন ঋটিতি মোক্ষফলদম্” মথুরায় গোপাল ভজনে অতি সহরে মোক্ষফল লাভ হয় । ইহারই প্রতিধ্বনি করিয়া পাণ্ডে লিখিত হইয়াছে :—

ভুক্তিংমুক্তিং হরিদ্দিগ্যাদর্চিতোহনৃত্র সেবিনাং ।

ভক্তিস্ত ন দদাত্ত্যেব যতো বশুকরী হরেঃ ।

সাত্বজস ইরেভক্তিলভ্যতে কার্ত্তিকে নরৈঃ

মথুরায়াং স কুদপি শ্রীদামোদর-সেবনাং ॥

শ্রীভক্তিরসামৃতসিকুর দ্বিতীয় লহরীতে এই দুই সিদ্ধান্তশ্লোক উদ্ধৃত হইয়াছে । স্বয়ং শ্রীপাদশ্রীজীবগোশ্বামিমহোদয় এই শ্লোকের টাকায় লিখিয়াছেন, অন্ত্র উপাসনার যোগ্যতানুসারে ফল লাভ হয় কিন্তু কার্ত্তিকনামে মথুরায় শ্রীকৃষ্ণের উপাসনা করিলে যোগ্যতা না থাকিলেও বস্তুপ্রভাবে সহস্রাি ফল-সিদ্ধি হয় । “যোগ্যতাবিরহেণাপি বস্তুপ্রভাবাদেব সহস্রৈব প্রাপ্যতে এব ইতি ভাবঃ ।”

মনিমন্ত্র ঔষধাদিরন্যায় শ্রীমথুরায় এই অচিন্ত্যতকৈশ্বর্যময় প্রভাব সর্বত্রই স্বীকৃত ও সিদ্ধান্তিত হইয়াছে । সুতরাং অন্যান্য স্থানের ন্যায় শ্রীমথুরাকে প্রাকৃত মনে করা অনভিজ্ঞেরই অসার উক্তি মাত্র ।

শ্রীমদগোপালতাপনী আরও বলেন :—

মথ্যতে তু জগৎসর্বং ব্রহ্মজ্ঞানেন যেন বা ।

তৎসারভূতং যন্তুস্যাং মথুরা সা নিগত্বতে ॥

টীকাকার বলেন, ‘মথ’ শব্দের অর্থ ব্রহ্মজ্ঞান বা শ্রীমদন গোপালের স্বরূপ জ্ঞান । এই জ্ঞানের সারভূতই মথুরা । এইস্থলে বিশুদ্ধ জ্ঞান ও

জগৎ-ভ্রম-নিবর্তক ও শ্রীমদনগোপাল শ্রীচরণে প্রেমভক্তি প্রদায়ক, সুতরাং এই পুরী যে সাক্ষাৎ ব্রহ্ম, তাহা পূর্বেই উক্ত হইয়াছে।

“নিত্যাং মে মথুরাং বিদ্ধি।” অর্থাৎ আমার মথুরাপুরীকে নিত্যা বলিয়া জানিও। এমন বহুল প্রমাণ আছে।

অতঃপরে ব্রহ্মবৈবর্ত পুরাণের প্রমাণ উদ্ধৃত করিয়া শ্রীপাদ সন্দর্ভকার কাশ্যপামের প্রাকৃতত্ব ও অপ্রাকৃতত্বের আলোচনা করিয়া পরে এই সিদ্ধান্ত করিয়াছেন যে, বস্তুতঃ শ্রীভগবন্নিত্যাধিষ্ঠানত্বেন তৎ শ্রীবিগ্রহ। ভদ্রভয়ত্র প্রকাশ বিরোধাত্ সমান-গুণনামরূপত্বেন অস্নাতত্বাত্ লাঘবচ্চ এক বিধত্বমেব মন্ব্যাম্।”

অর্থাৎ শ্রীবিগ্রহ যেমন জড় ও চেতনা এই উভয় রূপে প্রকাশ পান না, কেন না ঈশ্বরের দেহদেহিত্ব নাই; সেইরূপ শ্রীভগবানের নিত্যাধিষ্ঠান মথুরান পুরারও বস্তুতঃ প্রাকৃতত্ব বা প্রপঞ্চত্ব স্বীকার্য্য নহে। বৈকুণ্ঠ শ্রীবৃন্দাবনের নামবিশেষ, উভয়ের গুণও এক, রূপও এক, নামও এক। সুতরাং লাঘবার্থ একবিধত্বই মন্ব্য। ভোম প্রকাশের ভেদ কল্পনা বা প্রপঞ্চত্বের প্রকল্পনা শাস্ত্রগুক্তি বিহীন, ইহাট্ট সং সিদ্ধান্ত। শ্রীভগবানের শ্রীবিগ্রহ যেমন অচিৎস্বাপ্নার্থ্যপূর্ণ, তাঁহার শ্রীধামও তদ্রূপ। উভয়াভেদ প্রদর্শনার্থই শ্রীহরিবংশে লিখিত হইয়াছে :—“সচ্চি সর্কগতো মহান্”।

ভেদ-প্রদর্শনার্থ যদি ব্রহ্মসংহিতোক্ত “গোলোক এব নিবসত্যানিখিলাত্ম-ভূতঃ” এই শ্লোকের ‘এব’ কার যদি অগ্ৰযোগব্যবচ্ছেদার্থে পরিগৃহীত করা যায়, তাহা হইলে শ্রীভগবানের নিত্যবিহার-প্রতিপাদক অগ্ৰাণ্য ধাম নির্দেশক বচন গুলির সাহিত বিরোধ ঘটে। সেই বিরোধ পরিহারের একমাত্র উপায় উভয়ের একবিধত্ব অর্থ গ্রহণ করা। শ্রীব্রহ্মসংহিতাও সেই স্মার-সিদ্ধ অর্থই গ্রহণ করিয়াছেন।

শ্রীহরিবংশে স্পষ্টতঃই ইন্দ্রের উক্তিতে লিখিত হইয়াছে :—

সত্ব লোকন্তরো কৃষ্ণ সৌদমানঃ কৃতাত্মনা

ধৃতো ধৃতিমতা বীর নিয়তোপজ্ববান্ গবামিতি।

এস্থলে শ্রীকৃষ্ণধাম গোকুল নামেই অভিহিত হইয়াছে এবং গোকুল ও গোলোক যে এক তাহাও স্বীকৃত হইয়াছে। ভেদ ও অভেদ উভয় ভাবে প্রদর্শিত হইলেও মথুরাদি ধাম বস্তুত একবিধ, তবে প্রকাশভেদে উভয়বিধভাবে উল্লেখ দৃষ্ট হয়। শ্রীকৃষ্ণ পৃথিবীতে প্রকাশমান শ্রীবৃন্দাবনেই গোপ গোপীগণকে গোলোক দর্শন করাইয়াছিলেন। সুতরাং অপরিচ্ছন্ন গোলোকাখ্য শ্রীবৃন্দাবন প্রকাশ-বিশেষে যে বৈকুণ্ঠের উপরে স্থিতায়ক তাহা মহাশ্রীাবলম্বনে ভক্ত-হৃদয়ে সুরিত হয়। দ্বারকা-মথুরা-গোলোক-প্রকাশক শ্রীকৃষ্ণ-ধাম শ্রীভগবদ্-বিরহা উদ্ধব মহাশয় সগাধিতঃ দর্শন করিয়াছিলেন যথা :—

শনকৈর্ভগবন্লোকং নৃলোকং পুনরাগতঃ ।

বিস্ময়নেত্রো বিদূষং প্রত্যাহোকব উৎসন্ন ॥ ১৩৬

অর্থাৎ শ্রীভগবৎ বিরহ-বিধুর উদ্ধবের ধীরে ধীরে শ্রীভগবৎ লোকাবস্থানের ধ্যান ভাঙ্গিল, তখন তাঁহার কিঞ্চিৎ বাহুজ্ঞান হইল; অর্থাৎ দেহাদির জ্ঞান হইল। তিনি চক্ষু মুছিয়া নিষ্কিপ্ত-ভাবে বিদুরকে বলিলেন ইত্যাদি।

শ্রীপাদ শ্রীধর ব্যাখ্যা করিয়াছেন, ভগবান্ এন লোকঃ তস্মাৎ নৃলোকং দেহান্তসন্ধানম্। অর্থাৎ ধ্যানবোগে তিনি শ্রীভগবান্কেই দেখিতেছিলেন। যখন ধ্যান ভাঙ্গিল, তখন দেহান্তসন্ধানজনক বাহুজ্ঞান দেখা দিল। শ্রীপাদ শ্রীজাবের ব্যাখ্যাও এইরূপ, তদ্যথা—নিত্যলীলাময় দ্বারকার ধ্যান-ক্ষুণ্ণি ভাঙ্গিয়া গেল, উদ্ধব তখন বিদুরাবস্থিত বাহুলোকের সাক্ষাৎকার পাইলেন।

অতঃপরে এসম্বন্ধে শ্রীভাগবতের দ্বাদশ স্কন্ধের দুইটি শ্লোক উদ্ধৃত করিয়া শ্রীপাদ শ্রীজীব উহাদের ব্যাখ্যা করিয়াছেন। আশঙ্কা পরিহারার্থেই এস্থলে ব্যাখ্যা প্রয়োজনীয় হইয়াছে। আর এক উদ্দেশ্য এই যে, নিম্ন লিখিত শ্লোকে যে “হ্য” শব্দ আছে (দিবং গতঃ) সেই ‘হ্য’ শব্দের অর্থ প্রপঞ্চ জ্ঞানাতীত বৈকুণ্ঠলোক। শ্লোক দুইটি এই :—

বিষ্ণোর্ভগবতো ভাস্কুঃ কৃষ্ণাখ্যাসৌ দিবংগতঃ ।
 তদাবিশং কলিযুগঃ পাপে যং রমহে জনঃ ॥
 যাবৎ স পাদপদ্মাভ্যাং স্পৃশন্নাত্তুরমাপতিঃ
 তীবৎ কলি বৈ পৃথিবীং পরাক্রান্তং ন চা শকং ॥

শ্রীপাদ শ্রীজীব ইত্যর যে ব্যাখ্যা করিয়াছেন তাহার অর্থ এই যে—“ভগবান্
 বিষ্ণু ণ্ণাবতার । তিনি অবতারী শ্রীকৃষ্ণের অংশ বলিয়া রশ্মি স্থানীয় । শ্রীকৃষ্ণ
 সূর্য্য স্থানীয় । এই শ্রীকৃষ্ণ যখন প্রাণিক লোকের অগোচর, মথুরাদির
 প্রকাশ-বিশেষরূপ বৈকুণ্ঠে গমন করিলেন, তখন কলি এই পৃথিবীতে প্রবেশ
 করিল । মথুরাদির যে বৈকুণ্ঠরূপ প্রকাশ,—তাহা পৃথিবীতে হইলেও অন্তর্ধান-
 শক্তি প্রভাবে উহা যেন পৃথিবী স্পর্শবিরহিত ভাবেই বিরাজ করিতে লাগি-
 লেন । অতএব প্রাকৃত স্থল জ্ঞানী অন্তর্গতের নিকটে বোধ হইল পৃথিবী
 যেন ভগবৎস্পর্শশূন্য হইয়াছেন । এই পার্থিব শ্রীবৃন্দাবনধামে যে মহাকদম্ব ও
 অশোকাদি বৃক্ষ নিত্য শ্রীবৃন্দাবনের নিত্যশোভাধ্বনি করিয়া বর্তমান আছে,
 উহা অত্য়পি মহাভাগবৎগণ প্রত্যক্ষ করিয়া থাকেন । কিন্তু স্থলদর্শীরা যেমন
 উহা দেখিতে পান না, সেইরূপ স্থলদর্শীরা শ্রীধামে অপ্রকটাবস্থায় ভগবৎ
 স্পর্শ পাকা সত্ত্বেও তাহা দেখিতে পান না । তাহাদের নিকট “পৃথিবী-
 মস্পৃশয়েব বিরাজতে।”* সে প্রকাশ পৃথিবীতে হইলেও স্পর্শবিরহিত

* মূলে লিখিত আছে “পৃথিবীহোইপি অন্তর্ধানশক্ত্যা তামস্পৃশন্
 এব” আশ্রু । এই এব শব্দের অর্থ সদৃশ । এব শব্দের অর্থ ইব শব্দের
 স্থায় অর্থাৎ অস্পর্শ করিয়াই যেন বিরাজমান আছেন । কলতঃ বাস্তবিক
 অস্পর্শ নয়, কেন না তাহা হইলে “পৃথিবীহোইপি” পদটার কোনও অর্থ
 থাকেনা । এব শব্দের এইরূপ অর্থ কোষে ও ব্যাকরণে অতি প্রসিদ্ধ ।
 অমর কোষের টীকার রঘুনাথ লিখিয়াছেন “শালেব শাখা” অত্র এব শব্দ
 ইব শব্দবৎ । “এবে চা নিয়োগে” এই সন্ধি সূত্রে মুক্তবোধের টীকাকার
 ও কলাপের টীকাকারগণ সদৃশার্থে অর্থাৎ ইবার্থে যে এব শব্দের
 সূত্র প্রয়োগ আছে, তাহা প্রদর্শন করিয়াছেন । যথা—“চর্ম এব
 রক্ষু” অর্থাৎ রক্ষু তো চর্ম নয় ; কিন্তু চর্মেরই মত ।

বলিয়া মনে হয়। অপর পক্ষে প্রাপঞ্চিক লোকগোচর যে মথুরাদি-প্রকাশ সে প্রকাশটা জীবের প্রতি কৃপা করিয়া পৃথিবী স্পর্শ করিয়াই বিরাজিত থাকেন। সেই প্রাপঞ্চিক প্রকাশটা স্থূলদর্শী আমাদেরও জ্ঞানগোচর হয়। যেমনি প্রপঞ্চে দৃশ্যমান কদম্বাদি আমাদেরও প্রত্যক্ষের বিষয় হইয়া থাকে, তেমনি এই ভৌম প্রকাশটাও আমাদের ন্যায় স্থূল দর্শীর জ্ঞান গোচর হয়।

শ্রীভগবান্ যখন প্রপঞ্চে প্রকট হইলেন, সেই সময়ে শ্রীধামেও তাঁহার প্রকট প্রকাশ নিবন্ধন তত্তৎ ধাম শ্রীভগবৎস্পর্শে তৎস্পৃষ্ট বলিয়াই বর্ণিত হইলেন। সম্প্রতি তাঁহার আপাত অস্পৃষ্ট প্রকাশে বিহরণশীল এই প্রকাশ তদীয় অস্পর্শনের ন্যায়ই স্থূল দর্শীদের নিকট আপাতঃ প্রতীয়মান হয়। কিন্তু বস্তুতঃ এই সকল নিত্য ধামে কখনই তাঁহার অস্পর্শন হইতে পারে না। সাধারণ লোকের প্রতীতির প্রতি লক্ষ্য রাখিয়াই মহর্ষি এস্থলে এই শ্লোকের অবতারণা করিয়াছেন।

এই শ্লোকধর ক্রম সন্দর্ভ-টীকার উপসংহারে লিখিত হইয়াছে “যত্ন-পোবং তথাপি ধরোভেদেন কচিদভেদেন বিবক্ষা। তত্র তত্রাবগচ্চবাম্।” অর্থাৎ যদিও এইরূপ লিখিত হইল তথাপি এই উভয় প্রকাশের কথাও ভেদভাবে, কোথাও বা অভেদভাবে উল্লেখ দৃষ্ট হয়। সেই সেই স্থলে উহা বক্তব্য। শ্রীপাদ শ্রীজীবের শাস্ত্র-বিচারে এমতক্লে উভয়ের ঐক্যই সুনির্নীত হইয়াছে। সুতরাং ভৌম শ্রীমথুরাদি ধাম যে প্রপঞ্চাতীত নিত্য ও শ্রীভগবদ্বিহারাম্পদ এবং সাধকগণের পরম ভক্তিপ্রদায়ক পরমাশ্রয়স্বরূপ, তদ্বিষয়ে কোনও সন্দেহ নাই। শ্রীলঘুভাগবতের টীকায় বিদ্বৎ শিরোমণি শ্রীমধনদেব বিদ্যাভূষণ মহাশয় লিখিয়াছেন :—

“ননু প্রপঞ্চ মধ্যগতত্বাৎ গোকুলমণিষ্যং স্মাৎ” ইতি শঙ্কাং নিরাকর্ষুমাং
অতএব ন খলু তন্ন্যথোগতত্বাদনিত্যম্—অস্তুর্ধ্যামিনোহরে শুদাপত্তি প্রস-
স্মাৎ। তস্মাৎ প্রমাণমেব শরণমিতি।” অর্থাৎ গোকুল যখন প্রপঞ্চে

মধ্যগত তখন উহা অনিত্য হউক । এই শঙ্কা নিরাকরণের জন্য শাস্ত্র বলি-
তেছেন, তাহা নয় অন্তর্যামী হরি অপ্রকট নীলাতেও এই নিত্যধামে
বিরাজ করেন । এই সকল ধাম তাঁহার নিত্য অধিষ্ঠান ক্ষেত্র—তাঁহারই
স্বীয় মহিমা-বৈভব । শাস্ত্রীয় প্রমাণই একমাত্র শরণ ।

অতঃপরে শ্রীকৃষ্ণসন্দর্ভে ১১০ অঙ্কে শ্রীমৎ দ্বারকার নিত্যত্ব ১১১ অঙ্কে
শ্রীমন্নথুরার নিত্যত্ব সিদ্ধান্ত করিয়া শ্রীভাগবৎ হইতে শ্রীপাদ উহার প্রমাণ
প্রদর্শন করিয়াছেন, তদ্ব্যথা :—

তত্ত্বাত গচ্ছ ভদ্রং তে দমুনাতা তুষ্টিং শুচি ।

পূর্ণং মধুবনং যত্র সান্নিধ্যং নিত্যান্ন হরিঃ ॥

প্রতিকল্পমা বির্তাবাং নৃশ্চৈব নিত্য সান্নিধ্যং গম্যতে ।

অর্থাৎ প্রতিকল্পে আবির্তাবাননকন শ্রীমন্নথুরার শ্রীকৃষ্ণের নিত্য সান্নিধ্য
বিনির্গীত হইয়াছে ।

এইরূপে শ্রীবৃন্দাবনের নিত্যত্বের প্রমাণ উল্লেখ করিয়া ১১৫ অঙ্কের
উপসংহারে লিখিত হইয়াছে :—

“তদেবং ত্রিষপি নিত্যবিহারত্বং সিদ্ধম্ ।”

অর্থাৎ অতএব এই তিন স্থানেই নিত্যবিহারত্ব সিদ্ধ হইল ।

শ্রীপাদ শ্রীজীব এইরূপ বিচার ও বহু শাস্ত্রত্বক্তি দ্বারা শ্রীদ্বারকামথুরাও
গোকুলের প্রপঞ্চ মধ্যবর্তিত হইলেও প্রপঞ্চাভ্যন্তর নিত্যত্ব ও নিত্য শ্রীভগ-
বদ্ বিহারাম্পদত্বের সিদ্ধান্ত দৃঢ়ীকৃত করিয়াছেন ।

লঘুভাগবতামৃত এবং তাহার টীকা শ্রীবৃহদ্ভাগবতামৃত ও তাহার টীকা
এবং ব্রহ্ম সংহিতা ও তাহার টীকার শ্রীপাদ বৈষ্ণবাচার্য্যমহোদয়গণ উক্ত
সিদ্ধান্তই দৃঢ়ীকৃত করিয়াছেন । পুরাণসমূহেও প্রচরতর মাহাত্ম্য লিপিবদ্ধ
রহিয়াছে । শ্রীপাদ শ্রীরূপ গোস্বামিমহোদয় মথুরামাহাত্ম্য সম্বন্ধে একখানি
গ্রন্থ লিখিয়াছেন ।

শ্রীচৈতন্য চরিতামৃতের সিদ্ধান্ত এই যে :—

প্রকৃতির পার পরব্যোম নামে ধাম ॥
 কৃষ্ণ বিগ্রহ যৈছে বিভূত্বাদি ঙ্গবান্ ॥
 সর্বগ অনন্ত বিভূ বৈকুণ্ঠাদি ধাম ।
 কৃষ্ণ কৃষ্ণ অবতারের তাহাটী বিশ্রাম ॥
 তাহার উপরিভাগে কৃষ্ণ-লোক খ্যাতি ।
 দ্বানকা মথুরা গোলোক ত্রিবিধেই স্থিতি ॥

তথাহি প্রাচীনোক্ত পঞ্চম্

“স্ব স্ব মূর্তি, যথা সূৰ্যো মধ্যাহ্নে দৃশ্যতে তথা ।
 অচিন্ত্য শক্ত্যা ভাতৃর্দ্বং পৃথিব্যামপি দৃশ্যতে ॥
 সর্বোপনি শ্রীগোকুল ব্রজলোকধাম ।
 শ্রীগোলোক শ্বেতধাপ বৃন্দাবন নাম ॥
 সর্বগ অনন্ত বিভূ কৃষ্ণ তত্ত্ব সন ।
 উপযাধো ব্যাপি আছে নাটক নিয়ম ॥
 ব্রহ্মাণ্ডে প্রকাশ তার কৃষ্ণের ইচ্ছায় ।
 একই স্বরূপ তার নাহি দুইকায় ॥
 চিন্তামণি ভূনি, কল্পবৃক্ষনয় বন ।
 চন্দ্রচক্ষু দেখে তারে প্রপঞ্চের সম ॥
 প্রেমনেত্রে দেবতার স্বরূপ প্রকাশ ।
 গোপগোপী সঙ্গে যাতা কৃষ্ণের বিলাস ॥

ইহা শ্রীপাদ শ্রীজীবের কৃত সিদ্ধান্তেরই অবিকল প্রতিধ্বনিত । ব্রহ্ম-
 সংহিতোক্ত প্রমাণ এই যে :—

চিন্তামণি-প্রকরসদৃশকল্প বৃক্ষ-
 লক্ষ্মীবৃতেষু সুরভীরতিপালয়ন্তম্ ॥

লক্ষ্মী সহস্র শত সহস্র সেব্যমানং

গোবিন্দ মাদিপুরুষং তমহং ভজামি ।

এই সকল ধাম আমাদের চর্মাচক্ষের অতীত । আমাদের প্রত্যক্ষের বিষয় না হইলেও ঋষিগণ দিবানেত্রে এই সকল ধামের দর্শন লাভ করিয়া থাকেন । ইউরোপ ও আমেরিকার বর্তমান Spiritualist গণ Spirit world বা আধ্যাত্মিক জগতের যে বর্ণনা করেন তাহার সৌন্দর্য্য মাধুর্য্য এই প্রত্যক্ষ পরিদৃশ্যমান ব্রহ্মাণ্ডের সৌন্দর্য্য অপেক্ষা অনেক বেশী । সেখানেও নদ নদী, পর্ব্বত অরণ্য, প্রাসাদ কানন প্রভৃতি আছে কিন্তু জড়ায় নহে । ইংলণ্ডের John Lobb F. R. G. S. একখানি গ্রন্থ লিখিয়াছেন, উহার নাম—The Busy Life Beyond Death.

এই গ্রন্থকার ইংলণ্ডের একজন সুবিখ্যাত কন্যী পুংস । উহার এই গ্রন্থে চিন্ময় ধামের যে বিবরণ আছে, তাহা পাঠ করিলে এইসকল ধামের যথার্থতার উপলক্ষ হয় ।

এই অনন্ত বিশ্ব ব্রহ্মাণ্ড শ্রীকৃষ্ণের চিচ্ছক্তির দ্বারা বিরচিত । এই সকল তাঁহারই মতিমা; সুতরাং তিনি যে কাদৃশ বৃহৎস্ব এবং কিরূপ ঐশ্বর্য্যা-শালা ইত্যাদি হইতেই তাহার আভাস করা যাইতে পারে । শাস্ত্রে লিখিত আছে, যাহা নিরতিশয় বৃহৎ, যাহা নীলা বৃহৎ আর কিছট নাট হাহাই ব্রহ্ম । প্রাকৃতপ্রাকৃত অনন্ত কোটি বিশ্বব্রহ্মাণ্ড ব্রহ্মে অবস্থিত ; ব্রহ্ম সর্বাধার কিন্তু ভগবদগীতাউপনিষৎ বলেন, শ্রীকৃষ্ণ সেই ব্রহ্মেরও প্রতিষ্ঠনা-আধার—“ব্রহ্মণোহহং প্রতিষ্ঠা” । সুতরাং শ্রীকৃষ্ণ কি বস্তু, ইত্যাদি হইতে তাহা বুঝা যায় । শ্রীমদ্ভাগবত শ্রীপাদ সনাতনকে বলিতেছেন :—

এইমত ষড়ৈশ্বর্য্য পূর্ণ অবতার ।

ব্রহ্মা শিব অন্ত না পায় ; জীব কোন্ ছায় ॥

তথাহি শ্রীমদ্ভাগবতে দশমস্কন্ধে চতুর্দশ অধ্যায়ে ব্রহ্মা কৰ্ণক

কো বেত্তি ভূমন্ ভগবন্ পরাশ্রন্,
 যোগেশ্বরোতী ঊবত ত্রিলোক্যাং ।
 ক্বা কথং বা কতি বা কদেতি,
 বিস্তারয়ন্ ক্রীড়সি যোগমায়াম্ ॥

হে ভূমন, হে ভগবন্, হে পরমাশ্রন্, হে যোগেশ্বর, তুমি তোমার স্বরূপ শক্তি যোগমায়া বিস্তার করিয়া ক্রীড়া করিতেছ । অহো ! তোমার লীলা কোথায় কি প্রকারে, কত প্রকার, কোন্ কালে হইতেছে, ইহা ত্রিলোক মধ্যে কে জানিতে পারে ।

এইমত কৃষ্ণের দিব্য সদ্গুণ অনন্ত ।
 ব্রহ্মা শিব সনকাদি না পার যার অন্ত ॥
 গুণাশ্রনন্তেহপি গুণান্ বিমাহুং,
 হিতাবতীর্ণশ্চ ক ঈশিরেহস্ম ।
 কালেন বৈর্কী বিমিতাঃ সূক্লৈঃ,
 ভূপাংশবঃ খে মিহিকা দ্বাভাসঃ ॥

হে ভগবন্, এই বিশ্বের হিতার্থ অচিন্ত্য অনন্ত গুণ প্রকটন করিতে তুমি অবতীর্ণ হইয়াছ, তোমার গুণ গণনা করিতে কে সমর্থ হয় ? অধিক কি বলিব, যাহারা পৃথিবীর পরমাণু, আকাশের মিহিকা এবং নক্ষত্রাদি-কিরণ-পরমাণু সাকল্যে গণনা করিয়াছে, তাহারাও তোমার গুণ-গণনায় সমর্থ হয় না ।

ব্রহ্মাদি রহ সহস্রবদন অনন্ত ।
 নিরন্তর গার মুখে না পার গুণের অন্ত ॥
 নাস্তং বিদামাহমনী মুনয়োহগ্রজাস্তে,
 মায়াবলশ্চ পুরুষশ্চ কুতোহবর! যে ।
 গায়ন্ গুণান্ দশশতানন আদিদেবঃ,
 শেষোহেধুনাপি সমবশ্চতি নাস্ত পারম্ ॥

ব্রহ্মা কহিলেন, হে নারদ, সেই পুংস্বের মায়াবলের অন্ত আমি জানি না এবং তোমার অগ্রজ সনকাদি মুনিগণও জানেন না, অর্ধাচীন-দিগের ত কথাই নাই, আদিত্যেব অনন্ত সহস্র বদনে তাঁহার গুণ চিরকাল গান করিয়া এ পর্য্যন্ত সীমা প্রাপ্ত হন নাই।

সেহো রহ সর্কস্ক শিরোমণি শ্রীকৃষ্ণ ।

নিজগুণের অন্ত না পান, ভদ্রেন সত্ৰফ ॥

“দ্যুপতয় এব তেন যদ্বন্তমনস্তয়া,

অমপি যদন্ববাণুনিচয়া নন্ত সাবরণাঃ ।

থ ইব রজাংসি দাস্তি বরসা মহ যশস্তয়,

স্মরি হি কলন্ত্যত্মিদসনেন ভবপ্রিথনাঃ ॥”

হে ভগবন্, হে অনন্ত, ব্রহ্মাদি দেবতা তোমার অন্ত জানেন না, সে কথা দূরে থাকুক, তোমার গুণেব অন্ত না থাকায় তুমিও তোমার অন্ত জান না। আকাশে পরমাণু পুঞ্জের ন্যায় উদর মধ্যে অর্থাৎ তোমার শ্রীমূর্তির এক রোমকূপে উত্তরোত্তর দশগুণ আবরণযুক্ত ব্রহ্মাণ্ডপুঞ্জ কালচক্রের সহিত যুগপৎ ভ্রমণ করিতেছে, অতএব প্রতিগণ “হ্রস্ব তন্ন” বলিয়া তোমা ভিন্ন অপর বস্তু সকলকে নিরাস করিয়া তাৎপর্য্য বৃত্তি দ্বারা তোমাতেই পর্য্যবসিত হইতেছেন।

শ্রীভাগবতে দশমস্কন্ধের চতুর্দশ অধ্যায়ে দেখা যায় ব্রহ্মা যখন শ্রীকৃষ্ণের প্রকৃত তত্ত্ব জানিবার জন্য অসংখ্য বৎস ও রাখালদিগকে হরণ করিয়া মায়াবলে লুকায়িত রাখিলেন, অচিন্ত্যতক্যেখ্য শ্রীভগবান্ তৎক্ষণাৎ অবিকল সেইরূপ বৎসকল ও রাখাল সকলকে স্বীয় ইচ্ছা শক্তিতে সৃষ্টি করিয়া গোচারণের মাঠ পরিপূর্ণ করিয়া ফেলিলেন। উহাদের আকার-প্রকার, ভাব-ভঙ্গি অবিকল তদ্রূপ। এইরূপ একবৎসরকাল শ্রীকৃষ্ণের সৃষ্ট সেই সকল বৎস ও রাখাল ব্রহ্মবাসীজনগণের নিকট অবিকল তাবে

বিচরণ করিতেছিলেন। জননারা পদ্যশূ ইহাদিগকে পৃথক্ সৃষ্ট বলিয়া মনে করিতে পারেন নাই। প্রায় একবৎসরান্তে ব্রহ্মা যমুনা তটান্তে গোচারণের মাঠে কৃষ্ণ-সৃষ্ট অসংখ্য বৎস ও রাখাল দেখিয়া বিস্মিত ও স্তম্ভিত হইলেন। তিনি যাহাদিগকে লুক্কায়িত রাখিয়াছিলেন তাঁহারা তৎস্থলে সেই ভাবেই অবস্থান করিতেছিলেন। শ্রীকৃষ্ণের স্বনির্মিত এই অবিকল অসংখ্য রাখাল ও গোবৎস-সৃষ্ট-সন্দর্শনে ব্রহ্মা স্তম্ভিত হইলেন। শুধু ইহাই নহে, প্রত্যেক বৎস এবং প্রত্যেক রাখাল চতুর্ভুজ নারায়ণাকার ধারণ করিলেন, দেখিতে দেখিতে কাগিন্দী-তটে শ্রীকৃষ্ণের চতুর্পার্শ্বে অনন্ত নারায়ণের বাজার বসিয়া গেল। এক একটা ব্রহ্ম এক এক নারায়ণের স্তব করিতে প্রবৃত্ত হইলেন। মহাপ্রভু শ্রীপাদ সনাতনকে শ্রীকৃষ্ণের এই মহৈশ্বর্যের বিবরণ বলিতে লাগিলেন। শ্রীপাদ সনাতন মহাপ্রভুর শ্রীমুগ্ধমণ্ডল বিস্ময় বিস্ফারিত নেত্রে দর্শন করিতে করিতে এই বিচিত্র ব্যাপার শ্রবণ করিতে লাগিলেন, যথা শ্রীচরিতামৃত্তে :—

সেতো রত ব্রজে ধবে কৃষ্ণ অবতার ।

তার চরিত্র বিচারিতে মন না পায় পার

প্রাকৃতাপ্রাকৃত সৃষ্ট কৈল একক্ষণে ।

অনন্ত বৈকুণ্ঠ গণ স্ব-স্ব-নাথ মনে ॥

এমত অন্ত্র নাহি গুনিয়ে অদ্বিত ।

যাহার শ্রবণে চিত্ত হয় অদম্বিত ॥

“কৃষ্ণাবৎসেবসংখ্যান্তেঃ” শ্রুত-দেব বাণী ।

কৃষ্ণ সঙ্গে কত গোপ সংখ্যা নাহি জানি ॥

এক এক গোপ করে যে বৎস চারণ ।

কোটি অর্কুণ পদ্য সংখ্যা তাহার গণন ॥

বেত্রবেণু দল শূন্য বস্ত্র অলঙ্কার ।

গোপগণের যত তার নাহি লেখা পার ॥

সব হৈলা চতুর্ভুজ বৈকুণ্ঠের পতি ।

পৃথক্ পৃথক্ ব্রহ্মাণ্ডের ব্রহ্মা করে স্তুতি ॥

শ্রীকৃষ্ণের শ্রীঅঙ্গ হইতে এই সকল নারায়ণ মূর্তির প্রকাশ এবং পুনর্বার তাঁহাতেই প্রবেশ দেখিয়া ব্রহ্মার ভ্রম ভাঙ্গিল । তিনি বুঝিলেন এই কৃষ্ণ-বর্ণ রাখাল বালকটি প্রাকৃতাপ্রাকৃত অনন্ত বিশ্বব্রহ্মাণ্ডের অধীশ্বর । তিনি যে মনে করিতেন একমাত্র চতুর্ভুজই এই বিশ্বের পতি, তাঁহার সেই ভ্রম নিরস্ত হইল । তিনি বুঝিলেন অনন্ত চতুর্ভুজ নারায়ণ এই দ্বিভুজ গোপবালকের বিলাসমূর্তি । এই গোপবালকই পরমতত্ত্বের চরমমূর্তি । তখন তিনি বলিতে লাগিলেন :—

যে কহে কৃষ্ণের বৈভব মুঞিসব জানে ।

সে আন্তক ; কাঙ্গমনে মুঞি এহ মানো ॥

এই যে তোমার অনন্ত বৈভবামৃতসিন্ধু ।

যোর বাঙ্খনোগমা নহে এক বিন্দু ॥

“জানন্ত এব জানন্ত কিং বহুভ্যা ন মে প্রভো !

মনসো বপুষো বাচো বৈভবং তব গোচরম্ ॥”

হে প্রভো, বহু উক্তির প্রয়োজন নাই, যাহারা তোমার মহিমা জানি বলিয়া অভিমান করেন তাঁহারা জানুন ; কিন্তু তোমার বৈভব আমার মন দেহ এবং বাক্যের অগোচর ।

এই প্রকারে মহাপ্রভু শ্রীসনাতনের নিকট শ্রীকৃষ্ণের অপার অনন্ত ঐশ্বর্যের কথা বলিতে লাগিলেন ; বলিতে বলিতে তিনি শ্রীকৃষ্ণের ঐশ্বর্য-গগরে নিমগ্ন হইয়া পড়িলেন, ভাবের প্রচাপে ভাষা নিরস্ত হইয়া গেল, দানমজ্জিত মহামুনির স্থায় মহাপ্রভু শ্রীভগবানের ঐশ্বর্য-সমাধিতে ডুবিয়া পড়িলেন । কিয়ৎক্ষণ তাঁহার শ্রীমুখে কোনও বাক্যের স্মরণ হইল না,

মৃগল নিমীলিত, শ্রীঅঙ্গ নিম্পন্ন, চিত্তার্পিত কনকচ্ছবির স্থায় কনক

। শ্রীগৌরাজ কিয়ৎক্ষণ ভগবদৈশ্বর্য-ভাবসাগরে ডুবিয়া পড়িলেন ।

শ্রীপাদ সনাতন ঠাহার সম্মুখে নারব নিস্পন্দ সম্মীল কাঞ্চন-প্রতিমার ভাবগাম্ভীর্য সন্দর্শন করিয়া বিমুগ্ধ হইয়া রহিলেন। আরও কিয়ৎকাল পরে তিনি দেখিলেন প্রভুর ওষ্ঠযুগল মৃদু মৃদু বিকম্পিত হইতেছে, যেন কিছু বলিতে প্রয়াস পাঠিতেছেন। সনাতন উৎকর্ষাসে প্রভুর শ্রীমুখ নিঃসৃত বাক্য শ্রবণের জন্ত উৎকর্ষ ও উৎকর্ষভাবে চাহিয়া রহিলেন। কিছুকাল পরে প্রভু অর্থাৎ মৃদুল কণ্ঠে শ্রীভাগবতের একটা পদ উচ্চারণ করিলেন স্বয়ং ধীরে ধীরে উহার ব্যাখ্যা করিলেন এবং উভয়ে সেই ব্যাখ্যা আশ্বাদন করিলেন।

শ্লোকটা এট :—

স্বয়ংসাম্যাত্তিশয়স্বাধীশঃ,
স্বারাজ্যলক্ষ্ম্যাপ্ত সনাপ্তকামঃ।
বলিং হবদ্ভিষ্টিরলোকপালেঃ,
কিরীটকোটাভিত পাদপীঠঃ ॥

শ্রীভাগ—৩।২।২১

হে বিদুর, যাঁহার সমান এবং তাহা অপেক্ষা অধিক কেহই নাই, যিনি স্বয়ংরূপপরমানন্দসম্পত্তি দ্বারা সমস্ত ভোগ প্রাপ্ত হইয়াছেন এবং লোকপাল সকল বলি সমর্পণ পূর্নক কিরীটাগ্র দ্বারা ঠাহার পাদপীঠের স্তুতি করেন অর্থাৎ পাদপীঠে লোকপালগণের কিরীট সংঘটে যে শব্দ হয়, তাহা যেন পাদপীঠের স্তুতি বলিয়া বোধ হয়।

পরম ঈশ্বর কৃষ্ণ স্বয়ং ভগবান্।
তাঁহ'তে বড়, তাঁর সন, কেহ নাহি আন ॥
“ঈশ্বরঃ পরমঃ কৃষ্ণঃ সচ্চিদানন্দ বিগ্রহঃ
অনাদিরাদির্গোবিন্দঃ সর্বকারণ-কারণম্ ॥”

যিনি অনাদি হইয়াও আদি, সেই সর্বকারণকারণ সচ্চিদানন্দ বিগ্রহ গোবিন্দ নামে খ্যাত শ্রীকৃষ্ণ অর্থাৎ শ্রীযশোদানন্দনই পরমেশ্বর।

ষোড়শ অধ্যায়

শ্রীকৃষ্ণের ঐশ্বর্য

ব্রহ্মা বিষ্ণু হর এই সৃষ্টাদির ঈশ্বর ।

তিন আজ্ঞাকারী কৃষ্ণের, কৃষ্ণ অধীশ্বর ॥

“সৃজামি তন্নিবৃত্তোহহং হরো হরতি তদ্বশঃ ।

বিশ্বং পুরুষরূপেণ পরিপাতি ত্রিশক্তিধক্ ॥”

শ্রীভাগ—২।৬।৩০

ব্রহ্মা বলেন, শ্রীভগবান্ ত্রিশক্তিধারী । তদ্বারা নিযুক্ত হইয়া আমি সৃষ্টি করি, হর জগৎ সংহার করেন এবং বিষ্ণু প্রত্যে সৃষ্ট বস্তুর অভ্যন্তরে থাকিয়া জগৎ পালন করেন । তিন পুরুষ অবতার শ্রীকৃষ্ণের অংশ কলা ।

যশ্চকনিশ্চসিত-কালমথাবলম্ব্য,

জীবন্তি রোমবিনাজা জগদগুনাথাঃ ।

বিষ্ণুর্নহান্ স ইহ যশ্চ কলাবিশেষো,

গোবিন্দমাদিপুরুষং তমহং ভজামি ॥

লোকরূপে আবির্ভূত ব্রহ্মা বিষ্ণু ও শিব ঈহার একটা নিশ্চাস পরিমিত কালকে অবলম্বন করিয়া নিজ নিজ প্রকটরূপে অবস্থিতি করেন, সেই মহাবিষ্ণুও ঈহার কলাবিশেষ, সেই আদি পুরুষ শ্রীগোবিন্দকে ভজন করি ।

গোলোক বৃন্দাবন শ্রীকৃষ্ণের মাধুর্যময় অস্তঃপুর । সেই অস্তঃপুরে পিতামাতা বকুগণ, ও যোগনায়ারূপা দাসী এবং মধুর রাসাদিলীলা সকল বিরাজ করেন । সেই অস্তঃপুর অনন্ত ঐশ্বর্যের আশ্রয় । সেই অস্তঃপুরের তলে পরব্যোম নামক মধ্যম আবাস অর্থাৎ বৈঠকখানা বাড়ী । সেই মধ্যম আবাস শ্রীকৃষ্ণের বড়েশ্বর্যের আশ্রয় এবং সেই মধ্যম আবাসেই অনন্ত বৈকুণ্ঠ ও বৈকুণ্ঠ পার্বদ বিরাজ করেন ।

গোলোকবিহারী শ্রীকৃষ্ণের শ্রীবৃন্দাবন পরম ধাম। এই ধামে তাঁহার মাতা পিতা ও বন্ধুগণের স্থিতি। এই শ্রীবৃন্দাবনে সর্বলীলার সার রাস-লীলাস্থলী, যোগমায়া তাঁহার দাসীরূপে লীলা-কার্যের সহায় হন। অনন্ত সৌন্দর্য্যমাধুর্য্যময় শ্রীকৃষ্ণের শ্রীবৃন্দাবন-লীলাটি পরমচমৎকাররসময়ী। গোবামিপাদ উক্ত একটা শ্লোক এই যে :—

করণানিকুরম্বকোমলে মধুরৈশ্বর্য্যবিশেষশালিনি
অয়তি ব্রজরাজনন্দনে নহি চিন্তা কণিকাভ্যুদেতি নঃ ॥

করণাকোমল এবং মধুর ঐশ্বর্য্যবিশেষশালী ব্রজরাজনন্দনের উৎকর্ষ আবিষ্কৃত হইলে আমাদের আর কোন চিন্তার কারণ নাই। অর্থাৎ তিনি আমাদের সদৃশ মহাপাতকীদিগকেও উদ্ধার : করিয়া নিজোৎকর্ষ আবির্ভাব করিবেন।

শ্রীবৃন্দাবনের নিম্নে পরব্যোম, ইহার অপর নাম বিষ্ণুলোক ; ইহাই নারায়ণাদি অনন্ত-স্বরূপের ধাম ; ইহা শ্রীকৃষ্ণের মধ্যমাবাস। এই ধাম ষড়ৈশ্বর্য্যের ভাণ্ডার, এখানে নারায়ণ অনন্ত স্বরূপে বিহার করেন, এখানকার পারিষদগণ ষড়ৈশ্বর্য্যপূর্ণ, ব্রহ্ম সংহিতাতে লিখিত আছে :—

গোলোক নাম্নি নিজধাম্নি তলে চ তস্য
দেবীমহেশহরিধামসু তেষু তেষু ।
তে তে প্রভাবনিচয়া বিহিতাসু যেন
গোবিন্দমাদি পুরুষং তমহং ভজামি ॥

ঈহার নিম্নদেশে ভূলোকাদির উর্দ্ধে ষথাক্রমে দেবী অর্থাৎ মায়ী লোক, তদুপরি শিবলোক এবং তাহার উপরি হরিলোক অর্থাৎ পরব্যোম বিরাজ করিতেছেন, সেই সেই ধামে সেই সেই প্রভাবনিচয় যিনি বিধান করিয়াছেন, সেই গোলোকে বিরাজমান সেই আদিপুরুষ গোবিন্দকে আমি ভজনা করি।

গোলোক ধাম সৰ্বব্যাপী 'ও সৰ্বোচ্চ'। গোলক এবং পৃথিবীতে প্রকাশিত বৃন্দাবন অভিন্ন। আদি বারাহে লিখিত আছে :—

বৃন্দাবনং দ্বাদশমং বৃন্দয়া পরিরক্ষিতং,
হরিণাধিষ্ঠিতং তচ্চ ব্রহ্মরুদ্রাদিসেবিতম্ ॥
কৃষ্ণক্ৰীড়া সেতুবন্ধং মহাপাতক নাশনং ।
বল্লবীভিঃ ক্রীড়নার্থঃ কুত্বাদেবো গদাধরঃ ॥
গোপকৈঃ সহিতস্তত্র ক্ষণমেকং দিনে দিনে ।
অত্রৈব রমণার্থং হি তিত্যকালং স গচ্ছতি ॥

মধ্যমা বাসের তলে বাহ্যবাস বা বাহির বাটী। ইহা বিরজার মায়াপারে অবস্থিত। ইহার অপর নাম দেবীধাম, ইহা জীবগণের বাসস্থান, ইহার এলাকায় অনন্ত ব্রহ্মাণ্ডের অবস্থান, এখানে প্রকৃতির অনন্ত সম্পদ বিরাজমান। শ্রীকৃষ্ণের ত্রিপাদ বিভূতি মানবীয় বাক্যের অগোচর।

সনাতন, আমি তোমায় একপাদ বিভূতির কথা বলিতেছি, শ্রবণ কর। শ্রীকৃষ্ণের ত্রিপাদবিভূতি বাক্য ও মনের অগোচর। তাঁহার ত্রিপাদ বিভূতির কথা দূরে থাকুক, এক পাদবিভূতিরই অন্তু পাওয়া যায় না। পরিদৃশ্যামান্ এক একটি সৌর জগৎ এক একটি ব্রহ্মাণ্ড। এমন ব্রহ্মাণ্ড অগণ্যই আছে। প্রত্যেক ব্রহ্মাণ্ডেই একজন করিয়া সৃষ্টিকর্তা, একজন করিয়া পালনকর্তা ও একজন করিয়া সংহার কর্তা আছে। ইহাদিগের সাধারণ নাম চিরলোকপাল।

শ্রীকৃষ্ণের দ্বারকা-লীলার সময়ে একদিন এই ব্রহ্মাণ্ডের সৃষ্টিকর্তা ব্রহ্মা তাঁহার দর্শনার্থ দ্বারকায় আগমন করিলেন। তিনি আসিয়া দ্বারপাল দ্বারা শ্রীকৃষ্ণকে নিজের আগমন সংবাদ জানাইলেন। শ্রীকৃষ্ণ শুনিয়া দ্বারপালকে বলিলেন, “কোন্ ব্রহ্মা আগমন করিয়াছেন, তাঁহার নাম কি, শুনিয়া আইস।” দ্বারপাল ব্রহ্মার নিকট আসিয়া শ্রীকৃষ্ণের কথা জানাইল। ব্রহ্মা শুনিয়া বিস্মিত হইয়া বলিলেন, “আমি সনকপিতা চতুর্মুখ ব্রহ্মা।”

দ্বারপাল যাইয়া শ্রীকৃষ্ণের নিকট ব্রহ্মার উত্তর নিবেদন করিল। শ্রীকৃষ্ণ শুনিয়া ব্রহ্মাকে লইয়া আসিতে অনুমতি করিলেন। দ্বারপাল তদনুসারে ব্রহ্মাকে লইয়া আসিল। ব্রহ্মা আসিয়া শ্রীকৃষ্ণের চরণে দণ্ডবৎ প্রণাম করিলেন। শ্রীকৃষ্ণ ব্রহ্মাকে যথাযোগ্য পূজা করিয়া আগমনের কারণ জিজ্ঞাসা করিলেন। ব্রহ্মা বলিলেন, “আমার আগমনের কারণ পরে নিবেদন করিতেছি। প্রথমতঃ আমার একটি সংশয় আপনোদন করিতে হইবে। আপনি দ্বারপাল দ্বারা কোন্ ব্রহ্মা’ এইরূপ প্রশ্ন করিয়াছিলেন, উহার কারণ কি? ব্রহ্মাণ্ডে মনতিরিক্ত আরও কি কোন ব্রহ্মা আছেন?”

ব্রহ্মার এইরূপ প্রশ্ন শুনিয়া শ্রীকৃষ্ণ ঈষৎ হাস্য করিলেন। তাঁহার হাস্যই অনোন্মাদকরী মায়া। তিনি হাস্য করিবামাত্র সভামধ্যে অসংখ্য ব্রহ্মার আবির্ভাব হইল। ঐ সকল ব্রহ্মার কেহ দশবদন, কেহ বিংশতিবদন, কেহ শতবদন, কেহ সহস্রবদন, কেহ লক্ষবদন, কেহ বা কোটিবদন। ব্রহ্মা-সকলের সহিত লক্ষকোটি নয়নসম্বিত ঈশ্বর প্রভৃতি দেবতারাও আগমন করিলেন। তদর্শনে চতুর্শুখ ব্রহ্মার বিশ্বয়ের পরিসীমা রহিল না। তিনি দেখিলেন, তাঁহার ন্যায় কত শত ব্রহ্মা ও কতশত অপর দেবতা আসিয়া মুকুটকোটি দ্বারা শ্রীকৃষ্ণের পাদপীঠ স্পর্শ করিতেছেন। ঐ সকল মুকুট ও পাদপীঠের সংঘর্ষে ঘোরতর ধ্বনি উথিত হইতেছে। প্রণামের পর ঐ সকল ব্রহ্মাদি দেবগণ শ্রীকৃষ্ণের স্তব করিতে লাগিলেন। স্তবের পর তাঁহারা যুক্ত করে জিজ্ঞাসা করিতে লাগিলেন, “প্রভো, এই দাসগণকে কি নিমিত্ত আহ্বান করিয়াছেন, বলিতে আঙ্কা হউক; আপনার আঙ্কা আমাদের শিরোধার্য।” শ্রীকৃষ্ণ বলিলেন, “বিশেষ কোন প্রয়োজন নাই, তোমাদিগকে দেখিবার ইচ্ছা হওয়াতেই আহ্বান করিয়াছিলাম। তোমাদিগের আর কোন দৈত্যভয় নাইত?”

তাঁহারা বলিলেন, “আপনার প্রসাদে দৈত্যভয়ের সম্ভাবনা কোথায়! আপনার অবতारे এই পৃথিবীর দৈত্যভয়ও অস্তিত্ব হইয়াছে।” প্রত্যেক

ব্রহ্মেন্দ্রাদি দেবতাই এই প্রকার উত্তর করিলেন। কিন্তু একজন অপর-জনকে লক্ষ্য করিলেন না। অধিকন্তু সকলেই মনে করিলেন, শ্রীকৃষ্ণ তাঁহারই ব্রহ্মাণ্ডে বিরাজ করিতেছেন। ইহা আশ্চর্য্যও নহে। দ্বারকাপুরীর বৈতবই এইরূপ। অনন্তর শ্রীকৃষ্ণ একে একে আহৃত ব্রহ্মেন্দ্রাদি দেব-গণের সকলকেই বিদায় করিলেন। চতুর্মুখ ব্রহ্মা সকলই দেখিলেন। দেখিয়া সবিস্ময়ে শ্রীকৃষ্ণের চরণে নমস্কার পূর্ব্বক বলিলেন, “প্রভো, আমার সংশয় নিবৃত্তি হইয়াছে, যাহা শুনিতে ইচ্ছা করিয়াছিলাম তাহা স্বচক্ষে প্রত্যক্ষ করিলাম।” এইকথা বলিয়া ব্রহ্মা শ্রীকৃষ্ণের অনুমতি লইয়া ষধামে গমন করিলেন।

গোলোকাভিধেয় গোকুল, মথুরা ও দ্বারকা এই তিন ধামেই শ্রীকৃষ্ণের নিত্য অবস্থান। এই তিন ধাম তাঁহার স্বরূপৈশ্বর্য্য দ্বারা পূর্ণ। তিনি এই তিন ধামের অধীশ্বর বলিয়াই তাঁহাকে ত্র্যধীশ্বর বলা হয়।

সপ্তদশ অধ্যায়

শ্রীকৃষ্ণ-মাধুর্য্য

শ্রীকৃষ্ণের ঐশ্বর্য্য বর্ণন করিতে করিতে প্রভুর মাধুর্য্য স্ফুর্তি হইল। তিনি নিম্ন লিখিত শ্লোক গুলি পাঠ করিয়া ব্যাখ্যা করিতে লাগিলেন :—

যন্নস্ত্যালীলোপয়িকং স্বযোগ-

মান্নাবলং দর্শয়তা গৃহীতম্ । .

বিস্মাপনং স্বস্ত চ সৌভগর্ধেঃ

পরং পদং ভূষণ-ভূষণাদম্ ॥ শ্রীভাগ—৩।২।১২

শ্রীকৃষ্ণের এই গোপলীলা-মূর্ত্তি যে বৈকুণ্ঠাদি-নাথ-মূর্ত্তি অপেক্ষাও

অধিকতর চমৎকার-জনক, এই পণ্ডে তাহাই প্রদর্শিত হইয়াছে । অত্রও শাস্ত্রীয় প্রমাণ এই যে,—

স্বস্তদেবাদি লীলাভ্যো মর্ত্যলীলা মনোহরা
অহোমর্দীয় চিচ্ছক্রেঃ প্রভাবং পশুতাদ্ভুতম্ ।
দিব্যাতি দিব্যালোকেনু যদৃগ্ধোপি ন সম্ভবেৎ ॥

শ্রীভগবানের অস্তিত্ব দেবাদি লীলা অপেক্ষা তাহার এই মর্ত্যলীলা অধিকতর মনোহর । আমার এই চিচ্ছক্টির অদ্ভুত প্রভাব দেখ । দেবাদি কোন লোকেই এমন মনোহারিত্বের গন্ধ মাত্রও নাই ।

এই ভাব অবলম্বনে উপরিউক্ত ভাগবতীয় শ্লোকের ব্যাখ্যার্থে নিম্ন লিখিত পদটি বিরচিত হইয়াছে ।

কৃষ্ণের যতেক খেলা, সর্বোত্তম নর-লীলা,
নরবপু তাহার স্বরূপ ।

গোপবেশ বেণুকের, নবকিশোর নটবর,
নরলীলার হয় অশুরূপ ॥

কৃষ্ণের মধুররূপ শুন সনাতন !

ষে রূপের এক কণ, ডুবায় সব ত্রিভুবন,
সর্ব প্রাণী করে আকর্ষণ ॥

যোগমায়ী চিচ্ছক্টি, বিশুদ্ধ-সত্ত্ব পরিণতি,
তারশক্তি লোকে দেখাইতে ।

এইরূপ রতন, ভক্তগণের গৃধন,
প্রকট কৈল নিত্য লীলা হৈতে ॥

রূপ দেখি আপনার, কৃষ্ণের হয় চমৎকার !
আস্বাদিতে মনে উঠে কাম ।

স্বসৌভাগ্য যার নাম, সৌন্দর্য্যাদি গুণগ্রাম,
এইরূপ তার নিত্য ধাম ॥

কৃষ্ণের ভূষণ অঙ্গ, তাহে ললিত ত্রিভঙ্গ,
তার উপর ক্রমশ-নর্ভন ।

তেরছ নেত্রান্ত বাণ, তার দৃঢ় সন্ধান
বিক্ষেপে রাধা-গোপীগণ মন ॥

ব্রহ্মাণ্ডাদি পরব্যোম, তাঁহা যে স্বরূপগণ,
তা সবার বলে হরে মন ।

প্রতিভ্রতা-শিরোমণি, যারে কহে বেদ বাণী,
আকর্ষণে সেই লক্ষ্মীগণ ॥

চন্ডি গোপীর মনোরঞ্জে, মন্থণের মন মথে,
নাম ধরে মদনমোহন ।

জিনি পঞ্চশর দর্প, স্বয়ং নব কম্পর্প,
রাস করে লক্ষ্য গোপীগণ ॥

নিজ সম সখা সঙ্গে, গোগণ-চাম্বল-রঙ্গে,
বৃন্দাবনে স্বচ্ছন্দ বিহার ।

যাব বেণুধ্বনি শ্রুতি, স্থাবর অঙ্গম প্রাণী,
পুলক কম্প বহে অশ্রুধার ॥

মুক্তাহার বকপাত্তি, ঈশ্রুধন্য পিঙ্কততি,
পীতাম্বর বিজুরী সঞ্চার ।

কৃষ্ণ নবজলধর, জগত-শস্ত্র-উপর,
বরিষয়ে লীলায়ুত ধার ॥

মাধুর্য্য-ভগবত্তা-সার, ব্রজে কৈল পরচার,
তাঁহা শুক ব্যাসের নন্দন ।

হামে স্থানে ভাগবতে, বর্ণিমাছে নামামতে,
যাহা শুনি মাতে ভক্তগণ ॥

কহিতে কৃষ্ণের রসে, শ্লোক পড়ে প্রেমাবশে,
 প্রেমে সনাতন-হাতে ধরি ।
 গোপীভাগ্য কৃষ্ণগুণ, যে করিল বর্ণন,
 ভাবাবেশে মথুরানাগরী ॥

গোপ্যস্তপঃ কিমচরন্ যদমুখ্য রূপং,
 লাবণ্যাসারমসমোর্ক্‌মনন্তসিদ্ধম্ ।
 দৃগ্‌ভিঃ পিবন্ত্যন্তসবাভিনবং দুরাপ-
 মেকান্তধাম যশসঃ শ্রিয় ঈশ্বরস্ত ॥ শ্রীভাগ—১১০।১৪।১৩

রহস্যে শ্রীকৃষ্ণকে দর্শন করিয়া মথুরানাগরীগণ কহিলেন, যে শ্রীকৃষ্ণ
 লাবণ্যসার এবং অসমোর্ক্‌, যাহা আভরণাদি দ্বারা সিদ্ধ হয় না অর্থাৎ
 নিত্যসিদ্ধ, এবং ক্রমে ক্রমে নূতন, এবং মহাঐশ্বর্যের ও ষণের একান্ত
 আশ্রয় ; শ্রীকৃষ্ণের সেই এইরূপ, গোপীকাগণ নিরন্তর নয়নের দ্বারা
 পান করিয়া থাকেন অতএব গোপীকাগণ কি তপ করিয়াছেন, তাহা বল ;
 জানিতে পারিলে আমরা তাহার অনুষ্ঠান করিয়া তাহাদিগের সৌভাগ্য
 লাভ করিব । ইহার ব্যাখ্যা পদ এইরূপ :—

তারুণ্যামৃত পারাবার, তরঙ্গ-লাবণ্যসার,
 তাতে সে আবর্ত্ত ভাবোদগম ।
 বংশীধ্বনি চক্রবাত নারীর মন-তৃণপাত
 তাহা ডুবায়, না হয় উদগম ॥
 সখি হে! কোন্ তপ কৈল গোপীগণ ?
 কৃষ্ণরূপ-সুমাধুরী পিবি পিবি নেত্র ভরি
 প্লাঘ্য করে অন্ন তহু মন ॥
 'যে মথুরীর উর্ক আন নাহি যার সমান
 পরব্যোম-স্বরূপের গণে ।

যিহো সব অবতারী পরব্যোমের অধিকারী

এ মাধুর্য নাহি নারায়ণে ॥

তাতে সাক্ষী সেট রমা নারায়ণের প্রিয়তমা

পতিব্রতাগণের উপাস্তা ।

তিহো এ মাধুর্য-লোভে ছাড়ি সব কামভোগে,

ব্রত করি করিল তপস্তা ॥

সেইতো মাধুর্যসার অন্ম সিদ্ধি নাহি তার,

তিহো মাধুর্যাদি গুণ-খনি ।

আর সব প্রকাশে তাঁর দত্ত গুণ ভাসে

যাহা যত প্রকাশ কাঁয়া জানি ॥

গোপী ভাবদর্পণ নব নব ক্ষণে ক্ষণ

তার আগে কৃষ্ণের মাধুর্য ।

দৌহে করি হুড়াহুড়ি বাড়ে মুখ নাহি মুড়ি

নব নব দৌহার প্রার্থ্য ॥

কর্ম তপ যোগ জ্ঞান বিধি ভক্তি অপ ধ্যান

ইহা হৈতে মাধুর্য দুর্লভ ।

কেবল যে রাগমার্গে ভজে কৃষ্ণে অনুরাগে

তারে কৃষ্ণ মাধুর্য সুলভ ॥

সেইরূপ ব্রজাশ্রয় ঐশ্বর্যমাধুর্যমর

দিব্যগুণগণ রত্নালয় ।

আনের তৈবব সত্তা কৃষ্ণদত্ত ভগবত্তা

কৃষ্ণ সর্ব অংশী, সর্বাশ্রয় ॥

শ্রী, লজ্জা, দয়া, কীর্তি, ধৈর্য্য বৈশারদীমতি *

এই সব কৃষ্ণে প্রতিষ্ঠিত ।

সুশীল, যুদু, বদাগু কৃষ্ণ বিনা নাহিঅনু
 করে কৃষ্ণ ভ্রগতের হিত ॥
 কৃষ্ণ দেখি নানা জন কৈল নিমিষনিম্নন
 ব্রজে বিধি নিলে গোপীগণ ।
 সেই সব শ্লোক পড়ি মহাপ্রভু অর্থ করি
 সুখ মাধুর্য করে আশ্বাদন ॥
 যজ্ঞাননং মকর-কুণ্ডল-চারুকর্ণ-
 ভ্রাজংকপোলসুভগং সবিলাস-হাসম্ ।
 নিত্যোৎসবং ন তত্পুর্দৃশিত্তিঃ পিবন্ত্যে,
 নাথ্যো নরাশ্চ মুদিতাঃ কুপিতা নিমেষচ ॥

শ্রীভাগ—৯।২৪।৩৫

মকর কুণ্ডল দ্বারা শোভমান মনোহর কর্ণযুগল এবং গণ্ডঘয় ষাঁহার
 সৌন্দর্যের আবিষ্কার করিয়াছে, বিলাসমাখা হাস্য ষাঁহাতে বিরাজিত এবং
 সর্বদাই ষাঁহাতে উৎসব অবস্থিতি করিতেছে, শ্রীকৃষ্ণের সেই আনন
 নেত্র দ্বারা পান করিয়া প্রমোদান্বিত হইয়াও নরনারী সকল তৃপ্ত হইতে
 পারেন নাই। যেহেতু দর্শনের ব্যবধানকারী নিমেষ-উন্মেষ সহন করিতে
 অসমর্থ হইয়া নিমেষের সৃষ্টিকর্তা বিধাতার প্রতি কোপ করিয়াছিলেন ।

অটতি যদুবানহি কাননং,
 ক্রুটি যুগায়তে স্বামপশুতাং ।
 কুটিলকুন্তলং শ্রীমুখঞ্চ তে,
 জড় উদীকতাং পশ্বকৃদৃশাম্ ॥

কামগায়ত্রী মন্ত্ররূপ, হয় কৃষ্ণের স্বরূপ
 সার্কি চবিশ অক্ষর তার হয় ।
 সে অক্ষর চন্দ্র হয়, কৃষ্ণে করি উদয়
 ত্রিভাগে করিল কামময় ॥

সধিহে ! কৃষ্ণ মুখ দ্বিজরাজ রাজ ।

কৃষ্ণবপু সিংহাসনে, বসি রাজ্য শাসনে
সঙ্গে করি চন্দ্রের সমাজ ॥

ছুইগণ্ড সূচিক্ৰণ জিনি মনিদর্পণ ।
সেই ছুই পূর্ণচন্দ্র জানি ।

ললাটে অষ্টমী ইন্দ্র, তাহাতে চন্দন বিন্দু,
সেই এক পূর্ণচন্দ্র মানি ॥

করনখ টাদের ঠাট, বংলুউপর করে নাট
তার গীত মুরলীর তান ।

পদনখ চন্দ্রগণ ভলে করে নর্তন
নুপুরের ধ্বনি যার গান ॥

নাচে মকর কুণ্ডল নেত্র লীলাকমল
বিলাসী রাজা সতত নাচায় ।

ক্রধন্ত নাসিকাবাণ ধনুঃপূর্ণ ছুইকাণ
নারীমন লক্ষ্য বিক্ষে তায় ॥

এই টাদের বড় নাট পসারি টাদের তাট
বিনি মূলে বিলায় নিজায়ত ।

কাঁহো স্মিত জ্যোৎস্নামৃতে কাঁহাকে অধরামৃতে
সব লোকে করে আপ্যায়িত ॥

বিপুল আয়তাক্রণ মদন-মদ-ঘূর্ণন
মস্ত্রী যার এ ছুই নয়ন ।

লাবণ্য কেলি-সরন জন-নেত্র-রসায়ন
সুগমর গোবিন্দ বদন ॥

যার পুণ্য পুঞ্জফলে সে মুখ দর্শন মিলে
ছুই-অঁধি কি করিবে গান ?

দ্বিগুণ বাড়ে তৃষ্ণালোভ পীতে নারে মনঃ-কোভ
 দুঃখে করে বিধির নিন্দন ॥

না দিলেক লক্ষ কোটি সবে দিলে অঁখি দুটা
 তাহে দিলে নিমেষ-আচ্ছাদনে ।

বিধি অড় তপোধন রসশূন্য তার মন
 নাহি জানে যোগ্য সৃজনে ॥

যে দেখিবে কৃষ্ণানন তার করে দ্বিনয়ন
 বিধি হঞা হেন অবিচার ?

মোর যদি বোল ধরে কোটি অঁখি তার করে
 তবে জানি যোগ্য সৃষ্টি তার ॥

কৃষ্ণাঙ্গ মাধুর্য্য-সিন্ধু মুখ-সুমধুর ইন্দু
 অতিমধুরশ্চিত সুকিরণ ।

এ তিনে লাগিল মন লোভে করে আশ্বাদন
 শ্লোক পড়ে স্বহস্ত চালন ॥ *

মধুরং মধুরং বপুরশ্চবিভো,

মধুরং মধুরং বদনং মধুরং ।

মধুগন্ধি মৃদুশ্চিত মেতদহো,

মধুরং মধুরং মধুরং মধুরম্ ॥

সনাতন, কৃষ্ণ মাধুর্য্য অমৃতের সিন্ধু ।

মোর মন সন্নিপাতি সব পিতে করে মতি
 ছুঁইব বৈজ্য না দেয় এক বিন্দু ॥

কৃষ্ণাঙ্গ লাবণ্যপুর মধুর হৈতে সুমধুর
 তাতে যেই মুখ সুধাকর ।

মধুর হৈতে সুমধুর তাহা হৈতে সুমধুর

তাহা হৈতে অতি সুমধুর ।

আপনার এক কণে ব্যাপে সব ত্রিভুবনে

দশদিক ব্যাপে যার পুর ॥

শ্মিত কিরণ সুকপূরে পৈশে অধর মধুগুরে

সেই মধু মাতার ত্রিভুবনে ।

বংশী-ছিদ্র আকাশে তার গুণ শব্দে পৈশে

ধ্বনিরূপে পাঞা পরিণামে ॥

সে ধ্বনি চৌদিকে ধায় অন্তভেদি বৈকুণ্ঠে যার

বলে পৈশে জগতের কাণে ॥

সবা মাতোয়াল করি বলাৎকারে আনে ধরি

বিশেষতঃ যুবতীর গণে ॥

ধ্বনি বড় উদ্ধত পতি ব্রতীর ভাঙ্গে ব্রত

পতি কোল হৈতে টানি আনে ।

বৈকুণ্ঠের লক্ষ্মীগণে যেই করে আকর্ষণে

তার আগে কেবা গোপীগণে ?

নীলী খসায় পতি আগে গৃহকর্ম করায় ত্যাগে

বলে ধরি আনে কৃষ্ণ-স্থানে ॥

লোক ধর্ম লজ্জা ভয় সব জ্ঞান লুপ্ত হয়

এছে নাচায় সব নারীগণে ।

কাণের ভিতর বাসা করে আপনি তাঁহা সদা শূরে

অন্ত শব্দ না দেয় প্রকাশিতে ॥

আন কথা না শুনে কাণ আন বলিতে বলে আন

এই কৃষ্ণের বংশীর চরিতে ।

পুনঃকহে বাহুজ্ঞানে আন কহিতে কহিল আনে

কৃষ্ণ কৃপা তোমার উপরে ॥

মোর চিত্ত ভ্রম করি

নিঃশ্রয়-মাধুরী

মোর মুখে শুনার তোগারে ॥

আমি ত বাউল আন কহিতে আন কহি ।

কৃষ্ণের মাধুর্য্য শ্রোতে আমি যাঈ বহি ॥”

এই বলিয়া মহাপ্রভু নীরব হইলেন ।

শ্রীমৎমহাপ্রভু শ্রীপাদ সনাতনকে শ্রীকৃষ্ণতত্ত্ব সম্বন্ধে বিবিধরূপে উপদেশ দিয়াছিলেন । উহাঈ সম্বন্ধ তত্ত্ব বা উপাস্ততত্ত্বের অন্তর্ভূত । বিশাল বিপুল বিচিত্র বিশ্ব ব্রহ্মাণ্ডে শ্রীকৃষ্ণের পরম ঐশ্বর্য্য প্রকটিত হইয়াছে । অনন্ত প্রাকৃত ব্রহ্মাণ্ডে এবং অপ্রাকৃত ধাম সমূহে শ্রীভগবানের অনন্ত ঐশ্বর্য্য প্রকাশ পাইতেছে । তাহাঈ দেখাইবার জন্য বেদ বলিতেছেন,—

এতানন্ত মহিমাংস্তো জ্যায়াংশ্চ পুরুষঃ

পাদন্ত বিশ্বভূতানি ত্রিপাদস্মাতং দিবি ।

সায়ণ ইহার ভাষ্যে বলিয়াছেন, অতীত অনাগত বর্তমান রূপ যত অগৎ আছে, তৎসকলই এই পুরুষের মহিমা । প্রাকৃত অনন্ত বিশ্ব ব্রহ্মাণ্ড সমস্ত ইহার মহিমার একপাদ মাত্র । অপ্রাকৃত চিন্ময় ধামে ইহার মহিমা প্রকাশিত হইয়াছে । * এইজন্য মহাপ্রভু ঐশ্বর্য্য প্রদর্শনার্থ শ্রীগোবিন্দের অনন্ত ব্রহ্মাণ্ড সৃষ্টি ও ধাম-প্রকটনের উল্লেখ করিয়াছেন । এই ঐশ্বর্য্য প্রদর্শনের পরে উপাস্ত তত্ত্বের মাধুর্য্য বর্ণনা করিয়া উপাস্ততত্ত্ব বা সম্বন্ধতত্ত্ব উপসংহার করিয়াছেন ।

প্রকৃত পক্ষে মাধুর্য্যই ভজনায় গুণগণের মধ্যে প্রধান তত্ত্ব ।

* Nature not only in herself, as being the integral absolute act of the Divine manifestation, but also in her visible existence, is essentially One and contains no inner diversity (নেহ নানাশ্চি কিঞ্চন) Schelling on Absolute.

গোপীগণ, মাধুর্যমূর্তি শ্রীভগবানের প্রিয়তমা উপাসিকা।

প্রকৃ শ্রীভাগবত হইতে এই মাধুর্যরূপের অশেষ বর্ণনা করিয়া শ্রীপাদ সনাতনকে স্মনাইয়াছিলেন। শ্রীপাদ বিক্রমজলের শ্রীকৃষ্ণ কর্ণামৃত, জয়দেবের শ্রীগীতগোবিন্দ, বিদ্যাপতি ও চণ্ডীদাদের পদাবলী,—শ্রীকৃষ্ণ-মাধুর্য বর্ণনার অশেষ অমৃত ভাণ্ডার।

মৎসঙ্গাদিত শ্রীকৃষ্ণ কর্ণামৃত গ্রন্থে (শ্রীকৃষ্ণ মাধুরী গ্রন্থে) গম্ভীরায় শ্রীগোরাঙ্গ গ্রন্থে, নীলাচলে ব্রজমাধুরী গ্রন্থে শ্রীভগবানের এই মাধুর্যতত্ত্বের বর্ণনা আছে। মৎস্কৃত গোপীগীতা গ্রন্থেও এই মাধুর্যের বর্ণনা লিখিত হইয়াছে। এ সম্বন্ধে এই গ্রন্থে আলোচনা করিতে হইলে উহা বাহুল্যে পরিণত হইবে এবং গ্রন্থের আকার অসম্ভাবিতরূপে বাড়িয়া উঠিবে। সুতরাং মাধুর্য বর্ণনা এখানে আর করা হইল না। পাঠকগণ পদকল্পতরুতে ইহার প্রচুর বর্ণনা দেখিতে পাইবেন।

তথাপি সমগ্র শ্রীকৃষ্ণলীলার মোটামুটি আভাস এস্থলে না দিলে সম্বন্ধ তত্ত্ব অসম্পূর্ণ বলিয়া বোধ হইতে পারে সেই জন্য শ্রীভাগবত হইতে সমগ্র শ্রীকৃষ্ণ লীলার কিঞ্চিৎ আভাস এই স্থলে দেওয়া যাইতেছে।

শ্রীকৃষ্ণ-লীলা অগ্গাণ্ড সহস্র সহস্র স্থলে বর্ণিত হইলেও শ্রীমদ্ভাগবতও মহাভারতেই বিস্তৃতরূপে কৃষ্ণলীলার বিবরণ দেখিতে পাওয়া যায়। শ্রীমদ্ভাগবত যে অতি প্রামাণিক গ্রন্থ, তাহা ইতঃপূর্বে প্রচুর প্রমাণ সহ সপ্রমাণ করা হইয়াছে। শ্রীমদ্ভাগবতে ও মহাভারতাদি গ্রন্থে মহর্ষি স্পষ্টতঃই বলিয়াছেন শ্রীকৃষ্ণ স্বয়ং ভগবান্।

এই স্বয়ং ভগবান্কে যাহারা একবারেই ষোল আনা মাহুষের মত একজন ঐতিহাসিক ব্যক্তি বলিয়া কল্পনা করিতে চাহেন, ভগবদগীতায় স্বয়ং শ্রীকৃষ্ণই তাহাদিগকে মূঢ় ও মূর্খ বলিয়া তাহাদের অজ্ঞতার উপযুক্ত আখ্যা দিয়াছেন,—আমরা আর তাহাদিগকে নূতন বিশেষণে ভূষিত করিতে চাহি না। গত কতিপয় বৎসরে ইংরাজী ও বাঙ্গলা ভাষায় শ্রীকৃষ্ণ সম্বন্ধে

অনেকগুলি গ্রন্থ ও প্রবন্ধ লিখিত হইয়াছে কিন্তু এই সকল গ্রন্থ ও প্রবন্ধ লেখকগণের মধ্যে অনেকেই শ্রীভগবানের শ্রীমুখনিঃসৃত উক্ত শ্লোকের প্রতি দৃষ্টি না করিয়াই সম্ভবতঃ তাহাদের যাহা মনে উদ্ভিত হইয়াছে তাহাই লিখিয়াছেন। বিজ্ঞ পাঠকগণ এস্থলে শ্রীমদ্ভগবদগীতার “অবজ্ঞানন্তি মাংসূতাঃ মানুষ্যং দেহমাশ্রিতম্” এবং “অব্যক্তং ব্যক্তিদাপন্নং” শ্লোক দুইটা স্মরণ করিবেন ; তাহা হইলেই এই শ্রেণীর অজ্ঞ ঐতিহাসিকদিগের শ্রীমদ্ভাগবত-অবজ্ঞতার হেতু এবং ভাগবতে বর্ণিত শ্রীকৃষ্ণের ঐশ্বরিক ও অতি প্রাকৃতিক অদ্ভুত লীলার প্রতি অবজ্ঞার হেতু অনায়াসেই বুঝিতে পারেন।

শ্রীকৃষ্ণ স্বয়ং ভগবান্। তিনি জনসমাজের নাস্তিকতা দূরীভূত করিতে, এবং জন সমাজের হৃদয়ে অতীন্দ্রিয় ঈশ্বর ভাব জাগাইয়া তুলিয়া তাহাদিগকে জ্ঞান ও প্রেম ভক্তি দিয়া কৃতার্থ করিতে জগতে প্রকটিত হইলেন। শ্রীভগবানের লীলায় ভগবত্তাবর্জনপ্রয়াসী ব্যক্তিরূপে, হয়তো অনভিজ্ঞ নয়তো, অবিখ্যাসী নাস্তিক।

পূর্বে বলিয়াছি শ্রীমদ্ভাগবত বেদ-বেদান্তের সার—শ্রীমদ্ভাগবত বেদরূপ কল্পতরুর সুপক্ক ফল। শ্রীশ্রীমন্নহাপ্রভু স্বয়ং ভগবান্ শ্রীগৌরাজ সুন্দরের শ্রীমুখেও প্রকাশ,—শ্রীমদ্ভাগবত বেদ-বেদান্তের মধুময় নির্যাস; যথা শ্রীচৈতন্য চরিতামৃতে :— চারিবেদ উপনিষদে যত কিছু হয়।

তার অর্থ লঞা ব্যাস করিলা সঞ্চয় ॥

যেই সূত্রে সেই ঋক্ বিষয় বচন।

ভাগবতে সেই ঋক্ শ্লোক-নিবন্ধন ॥

অতএব সূত্রের ভাষ্য শ্রীভাগবত।

ভাগবতের শ্লোক উপনিষদ একমত ॥

এক শ্লোক দেখাইয়া কৈল দিগ্দরশন

এই মত ভাগবতের শ্লোক ঋক্ সম ॥

অষ্টাদশ অধ্যায়

শ্রী শ্রীকৃষ্ণ-লীলা

শ্রীকৃষ্ণই শ্রীমদ্ভাগবতের প্রতিপাদ্য। আবার এই শ্রীকৃষ্ণই বেদেরও প্রতিপাদ্য। উপনিষদে লিখিত আছে—“সর্বে বেদা যৎ পদমামনস্তি”। শ্রীভাগবতে শ্রীকৃষ্ণের পূর্ণতমত্বের অনেক প্রমাণ আছে। সেই সকল ইতঃ-পূর্বেই আলোচিত হইয়াছে। ঋক্মন্ত্রের অভ্যুত্থারেও যে শ্রীকৃষ্ণলীলার বীজ নিহিত আছে, মন্ত্রভাগবত প্রভৃতি গ্রন্থ পাঠে তাহার আভাস পাওয়া যাইতে পারে।

ব্যাখ্যা-নিপুণতায় নির্ভর না করিয়া ঋক্মন্ত্রের কেবল সরল শব্দার্থ গ্রহণ করিলেও আমরা বহুমন্ত্রে গোলোক বিহারী গো-গোপসংঘাবৃত শ্রীকৃষ্ণের মধুময় বিগ্রহের সন্ধান পাই।

শ্রীকৃষ্ণ-চরিত লেখক মহর্ষি—শ্রীকৃষ্ণের অবতরণ কাল হইতেই তাঁহার অসীম ভগবত্তা অতুলনীয় ঘটনার উল্লেখ করিয়াছেন। শ্রীকৃষ্ণ যখন দেবকীর উদরে প্রবেশ করিলেন, ব্রহ্মাদি দেবগণ তখন সেখানে আসিয়া সেই গর্ভস্থ শ্রীভগবান্কে স্তব করিলেন; যথা শ্রীভাগবতে :—

• ব্রহ্মা ভবশ্চ তজ্জ্যেত্য মুনিভিন্দ্রিদাদিভিঃ ।

দেবৈঃ সাহুচরৈঃ সাকং গীর্ভিবৃষণমৈড়য়ন্ ॥ শ্রীভাগ—১০।২।২৫

কিন্তু শ্রীভগবান্ প্রাকৃত লোকের স্থায় শুক্র-শোণিত যোগে উৎপন্ন নহেন। যে প্রকারে দেবকীর গর্ভে প্রবিষ্ট হইলেন, তাহাও অপ্রাকৃত যথা:—

ভগবানপি বিখাত্যা ভক্তানাংসম্বন্ধকঃ ।

আবিবেশাংশভাগেন মন আনকহৃদ্বৃত্তেঃ ॥

• স বিদ্রং পৌরুষং ধাম রাজমানো যথা রবিঃ ।

ছরাসদোহতিদুর্ধ্বো কৃতানাং সংধুব হ ॥

অর্থাৎ ভক্তগণের অভয়কারী বিশ্বাত্মা ভগবান্ অংশভাগে আনক
হৃদয় (বসুদেবের) মনে প্রবিষ্ট হইলেন । বসুদেব ভগবৎ তেজ ধারণে
শূর্যের স্থায় সমুজ্জল তেজশালী হইয়া উঠিলেন, তিনি সকলের হুরাসদ
ও চূর্কর্ষ হইলেন সূতরাং কংসাদি তাঁহাকে দর্শন করিতেও অসমর্থ হইল ।
শ্রীধরস্বামী এই শ্লোকের টীকায় লিখিয়াছেন, শ্রীকৃষ্ণের অগ্নে জীবের স্থায়
ধাতু সম্বন্ধ নাই—“ন জীবানামিব ধাতুসম্বন্ধঃ ।”

এই শ্লোকে যেমন একটি সন্দেহের নিরাশ হইল, আবার অপর পক্ষে
এই শ্লোকেই আর একটি সন্দেহ-উদ্বেকের হেতুও নিহিত আছে ।
“অংশভাগেন” পদটি পাঠ করিয়া মনে হইতে পারে যে, শ্রীকৃষ্ণ বৃষ্টি স্বয়ং
ভগবান্ নহেন । ইতঃপূর্বেও এই অধ্যায়ে এই পদটি ব্যবহৃত হইয়াছে ।
যথা ভগবান্ মহামায়াকে বলিতেছেন :—

অথাহমংশভাগেন দেবক্যাঃ পুত্রতাং শুভে !

প্রাপ্যামি ত্বং যশোদয়াং নন্দপত্ন্যাং ভবিষ্যসি ॥

শ্রীভাগ ১৫।২৮।২

মহাত্মনঃ শ্রীধরস্বামী এই “অংশভাগেন” পদের যে টীকা করিয়াছেন
তাহা এখানে উল্লেখ করিলেই এ সংশয়ের নিরসন হইবে ; তদ্ যথা :—

১। অংশৈঃ শক্তিভির্ভজতে অধিষ্ঠিত্তি সর্বান্ ব্রহ্মাদিস্তদ্ব্যপ্যস্তান্ ইতি
অংশভাগঃ তেন পরিপূর্ণেন রূপেণেত্যর্থঃ । যিনি অংশদ্বারা বা শক্তি
সমূহ দ্বারা ব্রহ্মাদিস্তদ্ব্যপ্যস্ত নিখিল পদার্থে বিরাজমান, তিনি অংশভাগ
অর্থাৎ পরিপূর্ণরূপে দেবকীর পুত্র হইয়া অন্নগ্রহণ করেন ।

২। যথা—অংশৈর্জানানৈশ্বৰ্য্যবলাদিত্তির্ভজয়তি যোজয়তি স্বীয়ান্ ইতি
যথা তেন । জ্ঞান, ঐশ্বৰ্য্য বলাদি দ্বারা যিনি স্বীয়গণে যোজনা করেন
তিনিই অংশভাগ ।

৩। যথা—অংশেন পুরুষরূপেণমায়য়া ভাগো ভজনমীক্ষণং যন্ত—
পুরুষরূপে যিনি মায়ার ইক্ষণ করেন তিনি অংশভাগ ।

৪। যদ্বা—অংশেন মায়য়া গুণাবতারাদিরূপা ভাগা ভোগা যন্ত তেন ।
মায়্যা দ্বারা গুণাবতারাদিরূপ ভাগ বাহার তিনিই অংশভাগ ।

৫। যদ্বা—অংশা এব মৎস্যকুর্মাডিরূপা, ভজনীয়া ন তু সাক্ষাৎ স্বরূপং
যন্ত তেন । মৎস্য কুর্মাদি বাহার ভজনীয় রূপ মাত্র, সাক্ষাৎ স্বরূপ নহে
তিনি অংশভাগ ।

৬। যদ্বা—অংশৈর্জানবলাদিভির্ভজনমমূর্বর্তনং তন্তেষু যন্ত তেন
সর্বথা পরিপূর্নেন রূপেণেতি বিবক্ষিতম্ । “কৃষ্ণস্ত ভগবান্ স্বয়ং”
ইত্যুক্তবাদিতি ।

শ্রীপাদ সনতন গোস্বামিমহোদয় ভোষণী টিপ্পণীতে লিখিয়াছেন :—

৭। অংশানাং শ্রীকৃষ্ণাদীনাং ভাগধেয়েন হেতুনা ।

বীর রাঘব লিখিয়াছেন :—

৮। অংশভাগেন মদংশাং ভূতেন সর্কর্ষণেন সহ ।

শ্রীমজ্জীবগোস্বামী লিখিয়াছেন :—

৯। অংশানাং ভাগো ভজনং প্রবেশো যত্র তেন পূর্বস্বরূপেণৈব ।
অংশভাগ সমেত শ্রীস্বয়ং ভগবান্ অবতীর্ণ হইলেন ।

শ্রীমদ্বিষ্ণুনাথ চক্রবর্তী লিখিয়াছেন :—

১০। অংশভাগেন অংশাংশেন পূজতাং পূজতাবং প্রাপ্যামি নতু
সর্কর্ষণেন ইত্যতঃ সা দেবকী মাদ্ধ বাৎসল্যমৈশ্বর্যভাবময়ং করিষ্যতীত্যর্থঃ ।
তেন ভাবাস্তরশূন্যং সম্পূর্ণমেব বাৎসল্য স্নেহং শ্রীযশোদারামেব প্রাপ্যামীতি-
ভোক্তিতম্ । ভাবার্থ এই যে—ঐশ্বর্যনিবন্ধন দেবকীতে পূজতাব গৌণ স্নেহরূপে
অংশভাগ । অপরাপক্ষে মাধুর্যনিবন্ধন যশোদার পূজতাব পূর্ণ ও মূখ্য ।

নিধাকীরটীকাকার শ্রীশুকদেব বলেন :—

১১। অংশানাং জীবানাং তত্তৎপুরুষার্থাধিকারিণাং ধর্মার্থ কাম-
মোক্ষরূপাভাগা ক্ৰমাতেন সর্কপুরুষার্থপ্রদেন রূপেণ দেবক্যাঃ পূজতাং
বাস্তামি ।

এই অধ্যায়ের আরও একটি শ্লোকে সন্দেহের সূত্রপাত হইতে পারে যথা :—

ততো জগন্মূলম্, মচ্যতাংশং
সমাহিতং শূরস্বতেন দেবী ।
দধার সর্বাঙ্কমাত্মভূতং
কাষ্ঠা যথানন্দকরং মনস্তঃ ॥

অতঃপর পূর্বদিকে ধৃত আনন্দকর চন্দ্রের গায় দেবকী বসুদেবের দ্বারা দীক্ষাপ্রাপ্ত হইয়া জগন্মূল সর্বমূলস্বরূপ ও সর্বাংশপরিপূর্ণ শ্রীভগবান্কে ধারণ করিলেন । শ্রীমতী দেবকী দেবী আত্মভূত শ্রীভগবান্কেই দীক্ষা বলে মূর্ত্তিমৎরূপে ধারণ করিলেন ।

এস্থলে “অচ্যুতাংশং” পদটি সংশয়কর হইতে পারে । কিন্তু ইহার প্রকৃত ব্যাখ্যা টীকাকারগণদ্বারা ব্যাখ্যাত হইয়াছে । শ্রীধর স্বামী লিখিয়াছেন :—

১। অচ্যুতাংশম্—অচ্যুতাশ্চ্যুতিরহিতা অংশা ঐশ্বর্যাদয়ো যস্ত তম্ ।
অচ্যুত অর্থ চ্যুতিরহিত, অংশ অর্থ ঐশ্বর্য—চ্যুতিহীন অংশ সমূহ যাহার অর্থাৎ যিনি নিত্য ঐশ্বর্যসম্পন্ন ।

২। যদ্বা—অচ্যুতশ্চাংশ ইবাংশঃ ভক্তানামনুগ্রহার্থং পরিচ্ছিন্ন
বপুর্নিত্যর্থঃ । ভক্তগণের প্রতি অনুগ্রহের নিমিত্ত পরিচ্ছিন্ন বপু ।

শ্রীপাদ সনাতনের ব্যাখ্যা—

৩। ন চ্যুতা অংশা যস্ত তং সর্বাংশাপরিপূর্ণং ভগবন্তমতি ।

শ্রীমদ্ভাগবতের এই সকল আপাতসংশয়জনক পদের প্রকৃত অর্থ প্রকৃত অর্থ শাস্ত্রার্থদর্শী টীকাকারগণ এইরূপ ভাবে সামঞ্জস্যপূর্ণ ব্যাখ্যা করিয়াছেন ।

এইরূপ ভাবাত্মক আরও দুই একটি কথা দৃষ্ট হয় ; যেমন বিষ্ণু-পুরাণে—“উজ্জ্বারাশ্বনঃ কেশৌ সিত-কুক্ষৌ মহামুনে ।”

“স চাপি কেশো হরিরুদ্ধবর্কে
 শুরুমেক মপরঞ্চাপি কৃষ্ণম্ ।
 তৌ চাপি কেশাবাবিশতাং যদূনাম্
 কুলে স্ত্রিয়ৌ রোহিণীং দেবকীঞ্চ ॥
 তয়োরেকো বলভদ্রো বভূব
 যোহসৌ শ্বেতশুশ্রু দেবশ্চ কেশঃ ।
 কৃষ্ণো দ্বিতীয়ঃ কেশবঃ সংবভূব
 কেশো যোহসৌ বর্ণতঃ কৃষ্ণ উক্তঃ ॥” মহাভারতে

শ্রীপাদশ্রীজীব গোখামিমহোদয় ভাগবত সন্দর্ভে ও কৃষ্ণসন্দর্ভে এই শ্লোক দুইটা উদ্ধৃত করিয়া যথেষ্ট বিচার করিয়াছেন। যাহারা এ সম্বন্ধে স বিশেষ বিচার জানিতে চাহেন, তাঁহারা উক্তগ্রন্থে উহা পাঠ করিবেন। এখানে সেই বিচারের সংক্ষিপ্ত মর্ম প্রদর্শিত হইল।

১। রামকৃষ্ণ কেশ-অবতার—একথার কোনও অর্থ নাই। ভগবানের অঙ্গবিশেষ লইয়া কখনও কোন অবতার হয় নাই। বরং ভগবৎ-শক্তিরই অবতারণা হইয়াছে, ইহাই শাস্ত্রের অভিপ্রায়। নৃসিংহ পুরাণে এই শ্বেত কৃষ্ণ বিষয়ে শক্তি সম্বন্ধেই বলা হইয়াছে ; যথা :—

বসুদেবাচ্চ দেবক্যামবতীর্ষ্য যদোঃ কুলে ।

সিত-কৃষ্ণে চ মচ্ছক্তৌ কংসাণ্যান্ ঘাতায়িষ্যতঃ ॥

সূত্ররাং কেশের অবতারণ এখানে অভিপ্রেত নহে। এই পঙ্ক্তের তাৎপর্য এই যে, শ্রীভগবানের কেশও ভূভার-হরণে সমর্থ। ইহা যাহা রামকৃষ্ণের বর্ণও সূচিত হইয়াছে। কেন না, সে অর্থ করিলে—“কৃষ্ণভূ ভগবান্ স্বয়ম্” এই মহাবাক্যের সহিত বিরোধ ঘটে। অপিচ শ্রীকৃষ্ণকে পূর্ণ ব্রহ্ম বলিয়াই বলা হইয়াছে ; যথা :—

(ক) ভগবান্ বাসুদেবশ্চ কৌণ্ড্যতেহত্র সনাতনঃ ।

শাশ্বতং ব্রহ্ম পরমং যোগিধ্যেয়ং নিরঞ্জনম্ ॥

(খ) সর্বে বেদাঃ সর্বাবিদ্যাঃ সর্বাশাস্ত্রাঃ

সর্বে যজ্ঞা সর্বা ইত্য্যশ্চ কৃষ্ণাঃ ।

বিদুঃ কৃষ্ণং ব্রাহ্মণা তদ্বতো যে

তেষাং রাজন্ সর্বাযজ্ঞাঃ সমাপ্তাঃ ॥

ভগবদ্গীতায়—(গ) বেদৈশ্চ সর্বেহমেব বেদো-

বেদান্তকৃদবেদবিদেব চাহম্ ।

সুতরাং স্বয়ং ভগবান্ শ্রীকৃষ্ণ, উক্ত বচনের বিবরণ নহেন, কৃষ্ণের বিস্তৃতি-
বিশেষতঃ উহার বিবরণীভূত হইতে পারেন ।

শ্রীকৃষ্ণের জন্ম—বসুদেবগৃহে ঐশ্বর্য্য ।

শ্রীমদ্ভাগবতের দশম স্কন্ধের তৃতীয় অধ্যায়ে শ্রীকৃষ্ণের জন্মবৃত্তান্ত
বর্ণিত হইয়াছে । এই অধ্যায় পাঠ করিয়া জানা যায় শ্রীকৃষ্ণের
আবির্ভাব-প্রভাবে সমগ্র প্রকৃতিতে বিপুল মঙ্গলময় ভাবঃ পরিলক্ষিত
হইয়াছিল । যিনি সমগ্র ঐশ্বর্য্য-সৌন্দর্য্য ও মাধুর্য্যের অনন্তনিধি,
ঊহার আবির্ভাবে ত্রিভুবনের প্রত্যেক পদার্থেই যে •আনন্দের
চিহ্ন প্রকাশ পাইবে ইহাতে অবিশ্বাসের কোনও হেতু, কোনও
অস্বাভাবিকতা নাই । দশদিক্ প্রসন্ন, নদীর জল প্রসন্ন, বায়ু সুখস্পর্শ ও
শুচি পুণ্যগন্ধ, কানন কুসুমিত ও বিহগকুল নিনাদিত—প্রকৃতির সর্বত্রই
মঙ্গলের মহামহোৎসব । দেবলোকে মঙ্গলভূক্তি বাজিল, কিম্বর গন্ধর্ব্বগণ
মঙ্গল-সঙ্গীতের তানে দশদিক মুখরিত করিয়া তুলিল, চারণগণ শুবস্তুতিতে
বন্দনা গাইতে লাগিল, বিদ্যাধরীও অপ্সরীগণ মধুর নৃত্যে শ্রীকৃষ্ণাভির্ভাবের
উৎসব সূচনা করিল । স্বর্গ হইতে দেবগণ কুসুমবর্ষণ করিতে লাগিলেন ।
যেমন পূর্বদিক হইতে চন্দ্রের উদয় হয়, তেমনি দেবরূপিণী দেবকীর
স্বর্গ হইতে সর্বশুভাশায়ী স্বয়ং ভগবান্ শ্রীকৃষ্ণ পূর্ণরূপে উদ্ভিত হইলেন ।
এই মহাবি গিখিলেন;—

দেবক্যাং দেবরূপিণ্যাং বিষ্ণুঃ সৰ্ব্বগুহাশয়ঃ ।

আবিরাসীদ্ যথা প্রাচ্যাং দিশান্দুরিব পুঙ্কলঃ ॥

দেবকী দেখিতে পাঠলেন স্মৃতিকাগৃহে পদ্মপলাশলোচন চতুর্ভুজ শঙ্খচক্রগদাধারী, কোম্বভূষিত পীতাম্বর নীবিড় নীরদশ্যাম স্বয়ং নারায়ণ আবির্ভূত হইয়াছেন। বসুদেব ও দেবকী এই প্রসূত তনয়কে পূর্ণব্রহ্ম আনিয়া তাঁহার স্তব করিতে লাগিলেন। তাঁহাদের পুত্র ও তাঁহাদের নিকট আত্মপরিচয় দিয়া বলিলেন যে তিনি সৰ্ব্বাবতারী এবং—

যুবাং মাং পুত্র ভাবেন ব্রহ্ম ভাবেন চাসকুং ।

চিস্তয়ন্তৌ কৃতম্ভৌ যাস্তোথে মদগতং পরাম্ ॥

অর্থাৎ “তোমরা আমাকে বহুবার পুত্রভাবে এবং ব্রহ্মভাবে স্নেহ করিতে করিতে এবং ভাবিতে ভাবিতে আমাতে পরমা গতি প্রাপ্ত হইবে।”

অপর কোনও অবতारे এইরূপ পূর্ণ ব্রহ্মত্বের পরিচয় পাওয়া যায় না। দেবগণের গর্ভস্থতি এবং আবির্ভাবের পরে জনক জননীর স্তব্যাতি পাঠে—শ্রীকৃষ্ণের পূর্ণাবতারিত্বের সম্পূর্ণ প্রমাণ পাওয়া যায়। নৃসিংহদেব সহস্রা আবির্ভূত হইলেন, সহস্রাই অলঙ্কিত হইলেন। নৃসিংহদেবের আবির্ভাবে ঐশ্বর্য প্রকাশ পাঠিয়াছিল বটে কিন্তু প্রাকৃত জগতে ও দেবলোকে তাঁহার আবির্ভাবের কোনও মঙ্গলসূচনার পরিচয় পাওয়া যায় না। তাঁহার সীলায় দেবগণের ভীতি ও বিস্ময়ের ভাবের পরিচয় আছে, কিন্তু নিখিল-শক্তি-আবির্ভাবতার কোনও চিহ্ন তাঁহার আবির্ভাবে পরিলক্ষিত হয় নাই।

শ্রীবামনদেবের প্রাদুর্ভাববর্ণনে প্রচুর ভগবন্তার উল্লেখ আছে, কিন্তু তিনি যে পূর্ণরূপে উদ্ভিত হইলেন এমন কোনও কথা নাই। তিনি যে পূর্ণ ভগবান্ অবতারকালে এমন কোনও কথার উল্লেখ দেখিতে পাওয়া যায় না। শ্রীকৃষ্ণ প্রাদুর্ভাবে “দিশান্দুরিব পুঙ্কলঃ” এই বাক্য দ্বারা শ্রীকৃষ্ণের পূর্ণতাই ধ্বনিত হইয়াছে।

বুদ্ধদেবের আবির্ভাবের ভাবী আখ্যান পুরাণে বর্ণিত হয় নাই, তবে

শাক্যসিংহ বুদ্ধদেবের লীলাচরিত তাঁহার সম্প্রদায়ের ব্যক্তিগণ দ্বারা প্রমাণ-
যোগ্য নহে, অপিচ তাহাতে এমন কোনও কথা নাই, যাহা বিশিষ্ট
ভগবন্তার পরিচায়ক ।

রামায়ণে শ্রীরামচন্দ্রের যে আবির্ভাব বর্ণিত হইয়াছে তাহাতে স্পষ্টতঃই
শ্রীরামচন্দ্রকে বিষ্ণুর অর্দ্ধাংশ বলিয়াই নির্দ্ধারিত করা হইয়াছে, সুতরাং
আবির্ভাব-ঘটনা তুলনায় শ্রীকৃষ্ণই যে পূর্ণ শক্তিমান্, তাহা শাস্ত্র যুক্তিসঙ্গত
ও সর্বসম্মত । এস্থলে শ্রীকৃষ্ণের প্রাকৃত শিশুর রূপধারণ, বসুদেবের
শৃঙ্খলমোচন, গৃহদ্বারের অর্গল মোচন এবং অতি গম্ভীরা শতাবর্তসমাকুলা
ভীষণা শ্রীযমুনার সহসা জালুমাত্র জল-পরিমাণ ইত্যাদি ঘটনা শ্রীকৃষ্ণের
ঐশ্বর্য প্রভাবের পরিচায়ক । শ্রীবিষ্ণুপুরাণে এই সকল ব্যাপার সংক্ষিপ্ত
ভাবে লিখিত হইয়াছে ; যথাঃ—

মোহিতাশ্চাতবংশুত্র রক্ষিণো যোগনিদ্রয়া ।

মধুরাদ্বারপালাশ্চ ব্রজত্যানকদুন্দভৌ ॥

বর্ষতাং জলদানাঞ্চ তোয়মত্যাগং নিশি ।

সংছাদয়ন্ যযৌ শেষঃ ফণিরানকদুন্দভিম্ ॥

যমুনাং চাতিগম্ভীরাং নানাবর্তশতাকুলাম্ ।

বসুদেবো বহন্ বিষ্ণুং জালুমাত্রবহাং যদৌ ॥

বিষ্ণুপুরাণের এই সকল বর্ণনা ঠিক শ্রীমদ্ভাগবতের বর্ণনারই অমুরূপ ।

শ্রীকৃষ্ণাবির্ভাব

নন্দালয়ে মাধুর্যময়; শ্রীকৃষ্ণের আবির্ভাব হইল । বসুদেবগৃহে শ্রীকৃষ্ণ
চতুর্ভুজ নারায়ণরূপে অবতীর্ণ হইলেন । সেরূপ দেখিয়া বসুদেব ও দেবকী
বিস্ময়াস্থিত হইলেন । দেবকী এই চতুর্ভুজরূপের তাঁর জ্যোতিঃ সহিতে
না পারিয়া বলিলেন ; বিশ্বাস্বন, তোমার এই শঙ্খচক্রগদাপদ্ম-বিশিষ্ট
অলৌকিক রূপের উপসংহার করঃ—

উপসংহর বিশ্বাশ্রয়দো রূপমলৌকিকম্ ।

শব্দচক্রগদাপদ্য শ্রিয়া জুষ্টং চতুভুজম্ ॥ শ্রীভাগবত ।

যদোবংশঃ নরঃ শ্রদ্ধা সৰ্ব্বপাটৈঃ প্রমুচ্যতে ।

হত্ৰাবতীর্ণঃ কৃষ্ণাখ্যঃ পরং ব্রহ্ম নরাকৃতিঃ ॥

বিষ্ণুপুরাণ—৪।১।১২

ভক্তবৎসল বরদ ও সত্য সঙ্কল্প শ্রীকৃষ্ণ দেবকী ও বসুদেবকে তাঁহাদের পূর্ব পূর্ব জন্মের স্মৃতির ফলনিবন্ধন তদীয় পুত্রত্ব স্বীকারের কথা জানাইয়া তাঁহাদের সমক্ষে সেইস্থলেই প্রাকৃত শিশুর আকার ধারণ করিলেন ।

শাস্ত্রে দ্বিভুজদেহই অধিকতর মাহাত্ম্য কীর্তিত হইয়াছে ; যথা শ্রীলঘু-ভাগবতামৃতে—

“অয়ং চতুভুজদেহপি দ্বিভুজদেহপি কৃষ্ণতাম্ ।

ত্যজত্যেব তদ্ভাবাঙ্গ-রূপাশ্রয়বৃত্তিতঃ ।

তথাপি দ্বিভুজদেহস্য কৃষ্ণে প্রাধান্যমুচ্যতে ॥

গৃঢ়ত্বাদপিচ কাপি গোণত্বমিব কীর্ত্যতে ।

“গৃঢ়ং পরংব্রহ্ম মনুষ্যালিঙ্গং” ইতি হি প্রথা ।”

শ্রীভাগবতে যুধিষ্ঠিরের প্রতি নারদ শ্রীকৃষ্ণকে লক্ষ্য করিয়া বলিয়াছেন,
“গৃঢ়ং পরংব্রহ্ম মনুষ্যালিঙ্গং”—ভাঃ ৭।১০।৪৮ ।

আদি পুরাণে আরও স্পষ্ট উক্তি আছে যথা :—

“অস্তি মে পরমং রূপং অচিন্ত্যপদমৌখ্যদং ।

তন্নিত্যং ক্রীড়তে যত্র বল্লবীগণবেষ্টিতম্ ।” ৯।৪১

বসুদেব এই প্রাকৃত শিশুটাকেই তদায় আজ্ঞায় নন্দালয়ে রাখিয়া নন্দাশ্রমী মহামায়াকে লঠিয়া প্রস্থান করিলেন । তিনি যখন এই শিশুটাকে নন্দালয়ে যশোদার স্মৃতিকাগৃহে রাখিয়া গেলেন, তখন শ্রীকৃষ্ণেরই মায়াক এক প্রাণীও তাহা জানিতে পারিলেন না । লঘুভাগবতামৃতে লিখিত হইয়াছে :—

অথ ব্রহ্মেশ্বরী-গেহে বিশন্ আনকদুন্দুভিঃ ।

তত্র শ্রুতং সূতং তস্মাঃ সূতামাদায় নিঃসরেৎ ॥

প্রকট লীলায় শ্রীকৃষ্ণ যে ব্রহ্মেশ্বরী যশোদার নিত্য সূত্ররূপে বিরামমান; লঘুভাগবতের কারিকায় তাহাও স্পষ্টীকৃত হইয়াছে ; যথা:—

সোহয়ং নিত্যসুতত্বেন তস্মা রাজত্যানাদিতঃ ।

কৃষ্ণঃ প্রকটলীলায়াং তদ্বারেণাপ্যভূৎ তথা ॥

এই কারিকার টাকাকার শ্রীমদ্বলদেব বিজ্ঞানভূষণ মহাশয় বলেন, প্রকট-প্রকাশে শ্রীকৃষ্ণ যে দেবকী ও যশোদা উভয়েরই উদরে জাত হইয়াছেন ; শ্রীমদ্ভাগবতেই তাহার প্রমাণ আছে । দেবকীর উদরে শ্রীকৃষ্ণ-জন্মের প্রমাণবচন অতি পরিষ্কৃত, কিন্তু যশোদার উদরে শ্রীকৃষ্ণ-জন্মের বিবরণ অক্ষুট । যশোদার গর্ভে শ্রীকৃষ্ণজন্ম সম্বন্ধে অক্ষুট প্রমাণ এই যে—

যশোদা নন্দ পত্নী চ জাতং পরমনুধ্যতে ।

ন তদ্ বেদ পরিশ্রান্তা নিদ্রয়াপগত স্মৃতিঃ ॥ শ্রীভাগ ১০।৩।৫৩

এই উক্তি অন্যান্য প্রমাণ দ্বারা পরিষ্কৃত করা যাইতেছে । শ্রীহরিবংশে লিখিত আছে :—

গর্ভকালে ত্রসম্পূর্ণে অষ্টমে মাসি তো জ্মিরৌ ।

দেবকী চ যশোদা চ সুযুবাতে সমং তদা ॥

সম শব্দের অর্থ যুগপৎ । যশোদা ও দেবকীর যুগপৎ পুত্র জন্মে । মহামায়া দেবী পশ্চাৎ জন্মগ্রহণ করেন । শ্রামা শ্রামেরই অমুজা ; ইমি শ্রীকৃষ্ণামুজা বলিয়া প্রসিদ্ধা । আদি পুরাণে একবারেই স্পষ্ট প্রমাণ আছে যথা :—

নন্দগোপগৃহে পুত্রো যশোদাগর্ভ-সম্ভবঃ ।

শ্রীভাগবতেও ইহার আত্মসঙ্গিক প্রমাণের অভাব নাই যথা—

১ । . নন্দস্বাম্বয় উৎপন্ন—ভা—১০।৫।১

২ । ভগবান্ গোপিকানুভ্য—ভা—১০।৯।২১

৩। নন্দঃ স্বপুত্রমাদায় প্রত্যাগত উদারধীঃ ১২।৬।৪৩

৪। বসুশ্রেণে কবলবেত্রবিষাণ বেণু

লক্ষ্মশ্রিয়ে যুত্পদে পশু পাদজায় ১০।১৪।১ ইতি

তথাহি যমল বচনম্—

৫। কৃষ্ণোহন্তো যত্ সত্বতো যস্ত গোপেন্দ্র নন্দনঃ

বৃন্দাধনং পরিত্যজ্য স কচিৎ নৈব গচ্ছতি ॥

এই সকল বচন প্রমাণ অবলম্বনে শ্রীলঘুভাগবতায়ত্তের কারিকার যে সিদ্ধান্ত স্থাপিত হইয়াছে, তাহার মর্ম এই যে—বসুদেবনন্দন বাসুদেব যশোদার স্মৃতিকাগৃহে প্রবিষ্ট হইয়া পরিপূর্ণতম শ্রীলীলাপুরুষোত্তম শ্রীকৃষ্ণে প্রবিষ্ট হইলেন। অতিরহস্যত্ব নিবন্ধন ইহা স্পষ্টরূপে ভাগবতে বলা হয় নাই কিন্তু প্রসঙ্গ ক্রমে শ্রীশুকের বাক্যে সূচিত হইয়াছে। যথা লঘুভাগ বতায়তে :—

গত্বা যত্বরো গোষ্ঠং তত্র স্মৃতীগৃহং বিশন্ ।

কন্যামেব পরং বীক্ষ্য তামাদায়াত্রজং পুরম্ ।

প্রাবিশাদ্বাসুদেবস্ব শ্রীলীলাপুরুষোত্তম ॥

এতচ্চতিরহস্যত্বাৎ নোক্তং তত্র কথাক্রমে ।

কিন্তু কচিৎ প্রসঙ্গে সূচ্যতে শ্রীশুকাদিভিঃ ॥

নন্দালয়ে শ্রীকৃষ্ণের এই লীলা প্রেমানন্দমাধুর্য্যপ্রাচুর্য্যময়। এই স্থলেই শ্রীকৃষ্ণের পূর্ণতম আবির্ভাব হইয়াছে বলিয়া গোস্বামি-আচার্য্যাবর্ষ্যগণ শাস্ত্র-যুক্তি সহ স্মসিদ্ধান্ত করিয়াছেন।

শ্রীকৃষ্ণরূপমাধুর্য্য

নন্দালয়ে শ্রীকৃষ্ণের মাধুর্য্যই সর্বপ্রথমে প্রকটিত হয়। মানবশিশুর এমন ভূবনমোহনরূপ আর কখনও কেহ দেখে নাই। শ্রীকৃষ্ণ সর্বপ্রথমে স্বীয়রূপের অনন্তসৌন্দর্য্যমাধুর্য্যে গোপগোপীদিগের চিত্তাকর্ষণ করেন।

শ্রীভগবানের যতরূপ প্রকটিত হইয়াছে, এমন সুন্দর সচ্চিদানন্দ বিগ্রহ আর কখনও প্রকটিত হয় নাই; ইহার রূপমাধুর্য্যে পশুপক্ষী প্রভৃতিও নিত্য আকৃষ্ট। ইহা অতঃপরে আরও বিস্তৃতরূপে বল হইবে।

পুতনা-মোচন

এই লীলার অদ্ভুত বীৰ্য্যবন্তা ও হতারিগতিদায়কত্বনিবন্ধন অসীম দয়া প্রকাশ পাইয়াছে।

নন্দব্রজে শ্রীকৃষ্ণ যে সকল প্রধান প্রধান লীলা করিয়াছিলেন, পুতনা-মোচন সেই সকল ব্যাপারের মধ্যে প্রথম। বেদ হইতে আরম্ভ করিয়া প্রাচীন সংস্কৃত ধর্মগ্রন্থাদি পাঠে জানা যায় দেবতাগণ ও দৈত্যগণ নানাপ্রকার মায়ারূপ ধারণ করিতেন ও পুরাণাদিতেও দেবদৈত্যগণের মায়ারূপ ধারণ ও মায়িক উৎপাত সৃষ্টি করিয়া যুদ্ধ করার প্রসঙ্গ দেখিতে পাওয়া যায়। বর্তমান সময়ে এই বিঘা বিলুপ্ত হইয়া গিয়াছে। সুতরাং পুতনার মায়ারূপ ধারণ,—অনভিজ্ঞ লোকদের নিকট অবিশ্বাস্য হইতে পারে। কিন্তু ঋষিবাক্য কগনও বিশ্বাসী বুদ্ধিমান ব্যক্তিগণ অবিশ্বাস করেন না। মায়াবিনী পুতনা শিশু শ্রীকৃষ্ণের বধসাধনের জন্ত নন্দালয়ে সুন্দরীবেশে প্রবেশ করিয়া শ্রীকৃষ্ণকে কোলে তুলিয়া লইল, দুর্জয় বিষদঙ্ক স্তন্য তাঁহার মুখে তুলিয়া দিল। শিশু শ্রীকৃষ্ণ তাহার স্তন্যপান করিতে প্রবৃত্ত হইয়া ছুটা রাক্ষসীর প্রাণ পর্য্যন্ত টানিয়া বাহির করিলেন। উহার মৃত্যুর পরে উহার বিপুল রাক্ষসামূর্ত্তি দেখিয়া মানুষ মাত্রেই স্বয়ং কাপিয়া উঠিল। কিন্তু পুতনা শ্রীকৃষ্ণের দ্বারা নিহত হইয়া চিরদিনের তরে মুক্তিলাভ করিলেন। তাই শ্রীমদ্ভাগবতে লিখিত হইয়াছে—

পুতনালোকবালয়ী রাক্ষসীকুধিরাসনা ।

অঘাৎসয়াপি হরয়ে স্তনং দদ্বাপ সঙ্গতিম্ ॥

অঙ্গং যস্তাং সমাক্রম্য ভগবানবিপৎ স্তনম্ ।

যাতুধাতুপি সা স্বর্গমবাপ জননা-গতিম্ ॥

অর্থ এই যে পুতনা রুধিরাসনা, শিশু-হস্তী রাক্ষসী। শ্রীকৃষ্ণের বধ সাধনের জন্য সে তাঁহাকে শুভ্র দান করিয়া সঙ্গতি লাভ করিল। ভগবান্ এই রাক্ষসীকেও মাতার ঞ্চয় সঙ্গতি দান করিলেন। পুতনার চিরমুক্তি লাভ হইল।

অলৌক গল্প লিখিয়া নর নারীর চিত্তরঞ্জন করাটী যে শ্রেণীর লোকের ব্যবসায় ; এদেশে তাহাদের দলের একজন প্রধান পুরুষ ভগবানের অলৌকিকী নীলায় অবিশ্বাস করার জন্য লিখিয়াছেন, “শাল্ল অসুর অন্ত-রীক্ষে সৌভনগর স্থাপিত করিয়া যুদ্ধ করিল, বাণের সহস্র বাহু ইত্যাদি বিয়ে বিশ্বাস করিব কেন ?”—

যে লোকটী এই কথা লিখিয়াছিলেন তিনি এখন জীবিত নাট। জীবিত থাকিলে তিনি নিজেই তাঁহার এই অনভিজ্ঞতা-নিবন্ধন অপরাধের উপযুক্ত প্রায়শ্চিত্ত করিতে প্রস্তুত হইতেন। বর্তমান বিজ্ঞান ব্যোমচর সমরযান সৃষ্টি করিয়া শাল্লরাজের বৈহায়স যানের পৌরাণিক বৃত্তান্তটীকে প্রকৃত প্রস্তাবেই মহা সত্যেই পরিণত করিয়াছে। এখন শাল্লরাজের সৌভসমর বৈহায়স যানের কথা পুরাণে পাঠ করিয়া কেহই বুদ্ধিম চক্ষুর ঞ্চয় অসম্ভব মনে করিয়া উক্ত ঋষিবাক্য অগ্রাহ্য করিতে পারিবে না। অজ্ঞলোকদের হঠাৎ-সিদ্ধান্ত যেমন উপহাসাম্পদ, তাহাদের ঞ্চয় লোকদের জ্ঞানার্জনের পক্ষে ঐ সকল অজ্ঞ বাক্য তেমনই বিপজ্জনক। তাহারা অলৌক কল্পনার সিদ্ধ ব্যবসায়ী, তাহারা শ্রীভগবানের অতিপ্রাকৃত অদ্ভুত-লীলা সমূহকে অলৌক বলিয়া অপরাধ সঞ্চয় করিবে ইহাতে আর বিচিত্রতা কি আছে ? কিন্তু বুদ্ধিমান্ ব্যক্তিগণ এরূপ উক্তি আদৌ গ্রহণ করেন না।

শ্রীকৃষ্ণের শিশুলীলায় তাঁহার অসীম বীৰ্য্যবল্লা ও পরম দয়া প্রকাশ পাইয়াছে। শ্রীকৃষ্ণের অনন্তগুণের মধ্যে হতরিগতিদায়কত্বও একটি কল্যাণগুণ। তিনি তাঁহার হস্তে নিহত শত্রুদিগকেও মুক্তিদান করেন। শ্রীরাম ও নৃসিংহাদিতেও এই সকল গুণ প্রকাশ পায় নাই। হিরণ্যাক্ষ-না

হিরণ্যকশিপুকে বরাহ বা নৃসিংহ মুক্তিদান করেন নাই। রাবণ ও কুন্তকর্ণ রামচন্দ্রের দ্বারা নিহত হইয়া মুক্তিলাভ করেন নাই। কিন্তু শিশুপালাদি শ্রীকৃষ্ণের হস্তে নিহত হইয়া সন্তোমুক্তি পাইয়াছিলেন।

অজ্ঞান অসুর বধে বীৰ্য্যবত্তা ও হতরি-গতিদায়কত্ব

পরবর্তীকালে তৃণাবধ, কংসাসুরবধ, বকাসুরবধ, অঘাসুরবধ, প্রলম্ব-বধ, শঙ্খচূড়বধ, অরিষ্ট বধ, কেশিবধ, বোমাসুরবধ, কংসালয়ে কুবলয়া পীড় হস্তিবধ, প্রভৃতি ব্যাপারে শ্রীকৃষ্ণের অসীম বীৰ্য্যবত্তা, অসীম সুহৃদ্ বাৎসল্য ও অসীম লোকানুগ্রহের পরিচয় পাওয়া যায়। বৃদ্ধ ও বামদেব কাহাকেও সমরে নিহত করেন নাই শ্রীরাম ও নৃসিংহদেব নিহত অসুরগণকে মুক্তি দান করেন নাই। শ্রীরামচন্দ্র যে বয়সে মারীচ ও সুবাহু বধ করিয়া বিশ্বামিত্রের যজ্ঞ তপস্যার বিষয় দূরীভূত করিয়াছিলেন, শ্রীকৃষ্ণ তাত্ত অপেক্ষা অতি অল্প বয়সে ব্রহ্মভূমির উপর উপদ্রবকারী বহুল মায়ারী অপরিমিত শক্তিশালী অসুরের প্রাণসংহার করিয়া শিষ্ট রক্ষা ও দুষ্ট-দমন করেন। শ্রীরাম-লীলার শৈশবে ও বাল্যে যে সকল কার্য্যশক্তি ও বীৰ্য্যবত্তা প্রকাশ পাইয়াছে, শ্রীকৃষ্ণ-লীলার তদপেক্ষা অনেক গুণে অধিক কার্য্যশক্তি ও ভগবদ্ব্য প্রকটনের পরিচয় পাওয়া যায়। শ্রীরামচন্দ্র পঞ্চদশ বর্ষে মারীচ সহচর ও সুবাহুকে বধ করিতে আমন্ত্রিত হইলেন। বিশ্বামিত্রের অহুরোধ গুনিয়া দশরথ বলিয়াছেন, “আমার রামচন্দ্রের বয়স পোনের বৎসর মাত্র। দুইজন রাক্ষসদের সহিত যুদ্ধ করার যোগ্যতা এখনও উহার হয় নাই, আপনার আজ্ঞা হইলে আমি অকৌর্হিণী সৈন্যসহ রাক্ষস বিনাশ করিয়া আসিব।”

উনষোড়শবর্ষে মে রামো রাজীবলোচনঃ ।

ন যুধ্যযোগ্যতামশ্চ পশ্যামি সহ রাক্ষসৈঃ ॥

রামায়ণ আদিকাণ্ড ২০।২

শ্রীকৃষ্ণ অতি শৈশবেই পরাক্রমশীল বহুবহুমারাবী অসুরের প্রাণ সংহার করেন। মারীচ ও সুবাহুর বধসাধন করার শক্তিলাভের জন্য শ্রীরামচন্দ্রকে

বলা ও অতিবলা মন্ত্রগ্রহণ করিতে হইয়াছিল। সেই বিঘালাভের পর শ্রীরামের বলবীৰ্য্য সমুদীপ্ত হইয়া উঠিয়াছিল :—

“বিঘাসমুদিতো রামঃ শুভতে ভীমবিক্রমঃ।”

তারকাবধে যুবক রামচন্দ্র ধনুর্কোণ ও লক্ষণের সাহায্যগ্রহণ করিয়াছিলেন। পুতনাদি বধে কিন্তু শ্রীকৃষ্ণ কাহারও সাহায্য গ্রহণ করেন নাই। শ্রীরামচন্দ্র বিশ্বামিত্রের নিকট অশ্রুবিঘা-লাভ ও অশ্রুলাভ করিয়াছিলেন কিন্তু পুতনা হইতে কংসাদি বধে গোপবালক শ্রীকৃষ্ণ কাহারও নিকট কোন শিক্ষালাভ করেন নাই, কাহারও নিকট হইতে কোনও অশ্রুলাভ করেন নাই। তিনি যে স্বয়ং ভগবান্ ও পূর্ণাবতার এই সকল ঘটনা হইতে তাহা সুন্দররূপে সপ্রমাণ হয়।

কংসবধ

অরাসন্ধ-আমাত্য কংস অরাসন্ধের বলে বলীয়ান্ হইয়া ষাদবগণের প্রতি ঘোরতর অত্যাচার করিয়াছিলেন। নিদারুণ অত্যাচারে তাঁহার মথুরায় তিষ্ঠিতে না পারিয়া দেশান্তরে ভিন্ন ভিন্ন স্থানে আশ্রয় লইয়াছিলেন। শ্রীকৃষ্ণ যখন দেবকীর উদরে বিরাজ করিতেছিলেন, ব্রহ্মাদি দেবগণ দেবকীকে সম্বোধন করিয়া বলেন :—

“গোপ্তা যদূনাং ভবিতাতবাস্তবঃ।”

“দেবি, আপনার পুত্র ষড়্গণের রক্তকবচ হইয়া আবির্ভূত হইবেন।”

মহাভারত ও অষ্টাদশপুরাণে শ্রীকৃষ্ণ স্বয়ং ভগবান্ বলিয়াই বর্ণিত হইয়াছেন। ভগবানের কার্যে ভগবত্তা প্রকাশ পাওয়াই স্বাভাবিক। ভগবানের কার্য অলৌকিক। সুতরাং মহাভারতে ও পুরাণাদিতে কৃষ্ণের অলৌকিক শক্তিরই বর্ণনা করা হইয়াছে। বাহার কৃষ্ণকে প্রাকৃত বাহুব বলিয়া ধরিয়া লইতে চায়, তাহার মূল ঘটনা ছাটয়া কাটিয়া ধীর অস্বল্প কৃষ্ণচরিত গড়িয়া যে নিজের ক্ষয়বৃদ্ধির পরিচয় দিবে, ইহাতে

বিশ্বায়ের বিষয় কিছুই নাই। এই শ্রেণীর অনভিজ্ঞ, অজ্ঞ ও সীমাবদ্ধ সঙ্কীর্ণ জ্ঞান-বিশিষ্ট কুপমণ্ডুকগণের কুকল্পনার বেদব্যাসবর্ণিত শ্রীভগবানের অনন্ত বীৰ্য্যাত্মক লীলাচরিতে বর্ণিত পুতনাবধব্যাপারকে একটা শ্রাম-পার্থীবধ বলিয়া বর্ণনা করার প্রয়াস কেবল যে লেখকের সদৃশ অজ্ঞ ও নাস্তিকজন-মনোরঞ্জনের নিষ্ফল প্রয়াস তাহা নহে,—তাহা অপেক্ষাও অধিকতর অপরাধের কার্য।

ফলতঃ কংসবধ শ্রীকৃষ্ণাবির্ভাবের প্রথম কারণরূপে শ্রীমদ্ভাগবতে গণ্য হইয়াছে। সৈন্তসম্পত্তির অধিকারী ভীমপরাক্রম অমোঘ শক্তিশালী কংস, তাহার নিজ প্রাসাদে গোপবালক কৃষ্ণকে আমন্ত্রিত করিয়া তাঁহার দ্বারা সহসা নিহত হইল; এ ঘটনাকে ঐতিহাসিক বলিয়া বিশ্বাস করিয়া লইতে, এই লেখক একবিন্দুও আপত্তি করেন নাই। প্রত্যুত এই ঘটনাতেই তিনি প্রকৃত ইতিহাসের সাক্ষাৎ পাইয়াছেন এবং এই কংস-বধেই তিনি দেখিয়াছেন যে, “কৃষ্ণ পরম বলশালী, পরম কার্যদক্ষ, পরম জ্ঞায় পর, পরম ধর্মান্বিতা, পরম হিতে রত এবং পরের জন্ত কাতর।” কংস-বধে শ্রীকৃষ্ণের এই সকল মহদগুণের পরিচয় পাওয়া যায় ইহা ঠিক কথা। শ্রীকৃষ্ণ “পরম বলশালী” কেন না, সৈন্ত সামন্তে সুসজ্জিত হইয়া যে কংস, কৃষ্ণ বধের চেষ্টায় ছিলেন, সেই গোপবালক কৃষ্ণ একক প্রবীণ যদুবীর-গণের ভীষণ ত্রাস স্বরূপ দুর্দর্শ দুর্দণ্ড প্রতাপশালী মহাবীর কংসকে তাহার স্বকীয় যুদ্ধ-রঙ্গভূমিতে মুহূর্ত্ত মধ্যে নিহত করিয়া ফেলিলেন!—যে বধ করার জন্ত কংস তাঁহাকে আপন পুরীতে লইয়া আসিলেন, তাহার বধ-সন্দর্শনের জন্ত রঙ্গমঞ্চে তিনি মল্লযুদ্ধ দর্শন করিতেছিলেন, সেই বালক তাহাকে মুহূর্ত্তের মধ্যে তৃণবৎ দ্রব্যেরও সাহায্য না লইয়া রিক্ত হস্তে নিহত করিলেন।

ভগবান্নীলার ইহা যেমন ঐতিহাসিক সত্য সত্য, ইহা যেমন পরম ধর্মান্বিতার কার্য, পরম হিতকর কার্য, পরম বলশালিষের পরিচায়ক ও পরদুঃখ-

কাতরতার কার্য,—পুতনাদিবধ ও ভগবল্লীলার তেমনি ঐতিহাসিক এবং পূর্বোক্ত বিবিধ ভগবন্নিষ্ঠগুণের পরিচায়ক ।

অরাসন্ধ সহ যুদ্ধ

অরাসন্ধের সাহিত শ্রীকৃষ্ণের যুদ্ধ-বিবরণ শ্রীমদ্ভাগবতের পঞ্চাশ অধ্যায়ে অতি বিস্তৃতরূপে বর্ণিত হইয়াছে । মাগধরাজ অরাসন্ধের বল-বিক্রম ও প্রবল প্রতাপের বিষয় মহাভারত, হরিবংশ ও শ্রীমদ্ভাগতাди পুরাণে লিখিত আছে । কুরুক্ষেত্রের ভীষণ সমরে উভয় পক্ষে যে সকল বীরবৃন্দ উপস্থিত হইয়াছিলেন, তাহাদের সমষ্ট সর্বসাকল্যে অষ্টাদশ অক্ষৌহিনী । কিন্তু অরাসন্ধ ত্রয়োবিংশ অক্ষৌহিনী সৈন্যের অধিপতি ছিলেন । শ্রীকৃষ্ণ কংসকে নিহত করেন । কংসের পত্নীদ্বয় অরাসন্ধের কন্যা । বিধবা কন্যাদের দুঃখের আত্মনাদে ব্যথিত হইয়া অরাসন্ধ একবারে ত্রয়োবিংশ অক্ষৌহিনী সৈন্যসহ মথুরা নগরী বেষ্ঠন করিয়া ফেলেন । শ্রীকৃষ্ণ এই বিপুল সৈন্যবাহিনীর সাহিত অতি অল্পমাত্র যাদবসৈন্য লইয়া অষ্টাদশবার ভীষণ সংগ্রাম করিয়াছিলেন । প্রতিবারেই অরাসন্ধের বিপুল সৈন্য সংক্ষয় হইয়াছিল । অরাসন্ধ আর কখনও এমন পরাভব প্রাপ্ত হইয়েন নাই । শ্রীকৃষ্ণ মনে করিলে যে কোন মুহূর্তে অরাসন্ধকে নিহত করিতে পারিতেন কিন্তু অরাসন্ধ মুক্তি-প্রাপ্তির অযোগ্য ছিলেন ; সুতরাং কৃষ্ণ তাহাকে স্বহস্তে নিহত না করিয়া অপর কোন সময়ে ভীমার্জুনকে সঙ্গে লইয়া ছদ্মবেশে অরাসন্ধের অতিথি হইয়েন এবং কৃষ্ণের দৈর্ঘ্যে ভীম অরাসন্ধকে নিহত করেন । অরাসন্ধ নিহত হইলে শ্রীকৃষ্ণ অরাসন্ধ দ্বারা বন্দাকৃত সহস্র সহস্র রাজাকে কারামুক্ত করেন । অতঃপরে শ্রীভগবান্ অরাসন্ধপুত্রকে রাজসিংহাসনে অভিষিক্ত করেন ।

অরাসন্ধ-সংগ্রামে শ্রীকৃষ্ণ খেচরপ অদ্ভুত সমরনেপুণ্যের ও অতুলনীয় বীর্যবতার প্রভাব দেখাইয়াছিলেন তাহাতে সমগ্র ভারতের বীরাগ্রগণ্যগণ তাঁহাকে স্বয়ং ভগবান্ বলিয়াই বুঝিতে পারিয়াছিলেন ।

যিনি অরাসন্ধের সুশিক্ষিত ত্রয়োবিংশতি অক্ষৌহিনী সৈন্তের প্রতিধনী হইয়া দুঃস্ববীর্যের অফুরন্ত প্রভাব প্রদর্শন করিয়াছিলেন, যাহার শরাসন অবিরাম অবিশ্রান্তভাবে অলাত চক্রের ন্যায় পরিভ্রামিত হইতে হইতে লক্ষ লক্ষ বীরের প্রতপ্ত শোণিত সুনীল জলরাশিকে পরিবর্দ্ধিত ও পরিষ্কীত করিয়া শোণিতশ্রোতে পরিণত করিয়া তুলিয়াছিল, যিনি ত্রিসপ্তবার পৃথিবীকে নিঃকজ্রিয় করিয়াছিলেন, সেই পরশুরাম যাহার শক্ত্যাবেশ অবতার-মাত্র, সেই নিখিল শক্তির একমাত্র পরিপূর্ণ আধার শ্রীকৃষ্ণের স্বয়ং ভগবত্তা ও পরিপূর্ণতমতার প্রমাণ সর্বত্রই পরিস্ফুট। অরাসন্ধের সহিত তাঁহার এতবার যুদ্ধের যে কি প্রয়োজন ছিল, তাহা তিনি নিজেই ব্যক্ত করিয়াছেন। যথা শ্রীভাগবতে :—

চিন্তয়ামাস ভগবান্ হরিঃ কারণ-মানুষঃ ।
 তদ্দেশকালানুগুণং স্বাবতার-প্রয়োজনম্ ॥
 হনিষ্যামি বলং হেতুদ্রুবি ভারং সমাহিতম্ ।
 মাগধেন সমানাতং বশ্যানাং সর্কভূভূজাম্ ॥
 অক্ষৌহিনীতি সংখ্যাতং ভটাস্বরথকুঞ্জরেঃ ।
 মাগধস্ত ন হস্তবো। ভূয়ো কৰ্ত্তা বসোত্তমম্ ॥
 এতদর্থোহবতারোহয়ং ভূভারহরণায় মে ।
 সংরক্ষণায় সাধুনাং কৃতোহন্যেষাং বধায় চ ॥
 অন্যোহপি ধর্মরক্ষায় দেহঃ সংশ্রিয়তে ময়া ।
 বিরামায়াপ্যধর্মশ্চ কালে প্রভবতঃ কচিৎ ॥

অসুরসংহার শ্রীভগবানের অবতারের এক উদ্দেশ্য। এই যুদ্ধে রাশি রাশি অসুর নিহত করিয়া শ্রীভগবান্ জগতে মঙ্গল বিধান করিয়াছিলেন। অগদীশ্বর যখন জগতে মানুষ দেহ ধারণ করিয়া প্রকটিত হইলেন, তখন তাঁহার কার্যগুলি কখন বা অতিপ্রাকৃত কখন বা মানুষের ন্যায় দৃষ্ট হয়। আমরা বহুস্থলে ইহার পরিচয় পাঠিতেছি। এই যে অরাসন্ধের সহিত শ্রীভগবানের

ঘোরতর সমরলীলা হইল, ইহাতে তাঁহাকে কোনও অতিপ্রাকৃত ঐশ্বর্য অবলম্বন করিতে হয় নাই। এই লীলায় তিনি অতি শক্তিশালী বীরের স্তায়, অতিদক্ষ যোদ্ধার স্তায়, অতিক্রিপ্র বাণবীর স্তায় যে ক্ষমতা প্রদর্শন করিলেন তাহাতে কোন অপ্রাকৃত ভাব নাই; তাই এই মহাযুদ্ধে শ্রীভগবানের সমর-রসের বিকাশ অতি উজ্জলরূপে প্রকটিত হইয়াছে, তাই পরম ঋষি, শ্রীভাগবতে লিখিয়াছেন :—

স্থিত্যদ্ভবাস্তং ভুবনত্রয়শ্চ
 যঃ সন্নীহতেহনন্তগুণঃ সর্লীলয়া
 ন তস্য চিত্রং পরপক্ষ-নিগ্রহ
 স্তথাপি মর্ত্য্যানুবিধস্য বর্ণ্যতে ॥

যে অনন্ত গুণশালা শ্রীভগবান্ স্বীয় লীলায় ত্রিভুবনের সৃষ্টি, স্থিতি ও সংহার সাধন করেন, পরপক্ষ-নিগ্রহ তাঁহার পক্ষে কোনও চমৎকারজনক ব্যাপার নহে, তথাপি শ্রীভগবান্ মানুষের স্তায় এই সমরে অসাধারণ সমর-নৈপুণ্য প্রদর্শন করিয়া ও জয় লাভ করিয়া বিশ্ববাসীদিগকে চমৎকার-প্রভাব প্রদর্শন করিলেন। এইরূপে সপ্তদশবার অরাসন্ধ সৈন্যসহ শ্রীকৃষ্ণের সহিত যুদ্ধে পরাজিত হইলেন। তথাপি তাঁহার জিগীষাবৃত্তি প্রশান্ত হইল না।

কালযবনের বিনাশ সাধন

শ্রীকৃষ্ণের ঐশ্বর্য সর্বজ্ঞতা ও ভক্তবৎসলতা গুণগ্রাম ঠিক এই সময়েই আর একটা ঘটনার উপস্থিত হয়। শ্রীকৃষ্ণ সংবাদ পাঠিলেন অরাসন্ধ আবার তাঁহার বিপুল সৈন্যবাহিনীসহ মথুরা আক্রমণ করিতে আসিতেছে, দুই এক দিনের মধ্যে অরাসন্ধ সৈন্যসহ মথুরা বেটন করিবে। এদিকে কালযবন এক প্রসিদ্ধ দিগ্‌বিজয়ী বীর; সে তাহার সমর-প্রতিপক্ষ খুঁজিয়া বেড়াইতেছিল। কিন্তু কোথাও প্রতিপক্ষ না পাইয়া একদিন

নারদের মুখে শুনিল, মথুরার ভীষণ পরাক্রমশাল যাদবগণই তাহার প্রতি-
পক্ষ ! কালযবন আর ইতঃপুতঃ না করিয়া তিন কোটি সৈন্ত লইয়া মথুরা-
নগরী বেষ্টন করিল। এই স্থলেই শ্রীকৃষ্ণ মানুষের ভাবই অশুকরণ করিয়া-
ছিলেন ; মানুষের মত চিন্তা করিয়াছিলেন। শ্রীকৃষ্ণ মনে করিতে
লাগিলেন :—

অহো যদুনাং বৃজিনং প্রাপ্তং হ্যভয়তোমহং ।
যবনোহয়ং নিরুদ্ধেহ্মানতঃ তাবনুহাবলঃ ॥
মাগধোহপ্যতঃ বা শো বা পরশৌবাগমিষ্যতি ।
আবয়োযুঁধ্যতোরশ্চ যত্নাগস্তা জরাসুতঃ ॥
বন্ধুন্ হনিষ্যত্যথবা নেষ্যতে স্বপুরীং বন্দী ।
তস্মাদতঃ বিধাস্তামো দুর্গং দ্বিপদ-দুর্গমং ।
তত্র জ্ঞাতীন্ সমাধায় যবনং ঘাতয়ামহে ॥

শ্রীকৃষ্ণ মানুষের জায় আপন মনে চিন্তা করিতেছেন যে উভয় দিক
হইতেই ষড়্গণের আজ মহাক্রোধের কারণ দেখিতেছি। যবন আজ আবার
মথুরা নিরোধ করিয়াছে, মহাবল জরাসন্ধ আগামী কল্য বা পরশুর মধ্যই
আবার সৈনে আসিয়া মথুরা আক্রমণ করিবে, বন্ধুগণকে নিহত করিবে।
অথবা (তাহার যেমন স্বভাব) ইহাদিগকে বন্দী করিয়া স্বপুরে লইয়া
যাইবে। সুতরাং আমার প্রথম কার্য—জ্ঞাতিগণকে সুরক্ষিত স্থানে
রাখা—সেই জ্ঞাতি দ্বিপদ মাত্রেই দুর্গম এমন দুর্গ নির্মাণ করিয়া সেই দুর্গে
জ্ঞাতিদিগকে অচুই সুরক্ষিত করিয়া রাখিয়া আসিব ; অতঃপরে কাল-
যবনের বিনাশ সাধন করিব।

স্বয়ং ভগবানের এই চিন্তা,—নরলীলার অশুকরণ মাত্র। তিনি চিন্তা-
মাত্রেই সমুদ্রে অদ্ভুত শিল্পবৈভব-পরিপূর্ণ দ্বারকাপুরী নির্মাণ করিলেন,
তাহা অতিপ্রাকৃত ভগবৎশক্তি-সম্ভব। তাহার সেই অদ্ভুত মহা অনৌ-

কিক শিল্প শক্তির কথা স্থানান্তরে উল্লেখ করিব। এস্থলে কেবল তাঁহার অসুর-দমন-প্রভাবই আলোচ্য।

যাহা হউক, কালযবন মথুরা বেঠেন করা মাত্র শ্রীকৃষ্ণ একাকী পদব্রজে শক্র-সৈন্তের মধ্যে প্রবেশ করিলেন। কালযবন বাসুদেবকে দেখমাঝেই চিনিয়া ফেলিল। যবন দেখিল শ্রীকৃষ্ণ একাকী পদব্রজে সমরক্ষেত্রে উপস্থিত, সঙ্গে রথ নাই, সৈন্ত নাই, অস্ত্র পর্য্যাপ্ত নাই। কালযবন সমরনীতির নিয়মানুসারে রথ হইতে অবতরণ করিয়া কৃষ্ণের দিকে ধাবিত হইল। কৃষ্ণ তাহাকে দেখিয়া মৃদু মৃদু দৌড়িতে লাগিলেন। কালযবন বুঝিল, সমরক্ষেত্র হইতে পলাইতেছেন। কালযবন পশ্চাৎ পশ্চাৎ ছুটিল। এমন ভাবে দৌড়িতে লাগিলেন যে কাল যবন ধর্ ধর্ করিয়াও ধরিতে অসমর্থ হইল। কাল যবন এক একবার মনে করিতে লাগিল যেন হাত বাড়াইলেও ধরা যায়। কিন্তু কৃষ্ণ অতি নিকটে থাকা সত্ত্বেও যবন তাঁহাকে ধরিতে পারিল না। এই স্থলে মহর্ষি লিখিয়াছেন :—

অম্বধাবৎ জিহ্বক্ষুণ্ডং ছুরাপমপি যোগিনাম্।

হস্তপ্রাপ্তমিবাআনং হরিণা স পদে পদে।

নাতো দর্শয়তা দূরং যবনেশোহদ্রিকধরম্ ॥

এইরূপে দৌড়িতে দৌড়িতে শ্রীকৃষ্ণ এক পর্বতের গুহার প্রবেশ করিলেন ; কাল যবন মনে করিল, এবার নিশ্চই তাহার প্রতিপক্ষ অবরুদ্ধ হইবেন, পর্বতকন্দরেই শ্রীকৃষ্ণকে নিহত করিতে হইবে। কাল যবন পর্বতকন্দরে প্রবেশ করিয়া শয়ান অবস্থার একটা লোককে দেখিতে পাইয়া মনে মনে বলিতে লাগিল, আমাকে এত দূরে আনিয়া ইনি এখানে সাধুর স্তায় শয়নে আছেন। শয়ান ব্যক্তিকে শ্রীকৃষ্ণ মনে করিয়া যবন তাঁহাকে পদাঘাত করিল। দারুণ পদাঘাতে চিরনিদ্রিত ব্যক্তির নিদ্রা ভঙ্গ হইল, তিনি যেমন নিদ্রান্তকারী কাল যবনের প্রতি দৃষ্টিপাত করিলেন অমনি তাঁহার নমন-বহিতে কাল যবন ভয়ীভূত হইয়া গেল।

এই নিদ্রিত পুরুষ মাকাতার পুত্র মুচকুন্দ। তিনি দেবযুদ্ধে বহুকাল অনিদ্রিত ভাবে পরিশ্রম করিয়া দেবভাগণের বর লইয়া এই নির্জন নীবিড় গহ্বরে সুখে নিদ্রিত ছিলেন। দেবভাগণের নিকট বর পাইয়াছিলেন, যে তাঁহার নিদ্রাভঙ্গ করিবে সে ভস্মীভূত হইবে; শ্রীভগবান্ ইহা জানিতেন। কাল যখন তাঁহার হস্তে মৃত্যুর যোগ্য নহে সুতরাং এই চাতুর্যে তাহার বধ সাধন করিলেন, এবং এই উপায়েই ভক্তবৎসল শ্রীকৃষ্ণ তাঁহার পরম ভক্ত মুচকুন্দকে দেখা দিয়া তাহার ভব-বন্ধন মোচন করিলেন।

সর্বশক্তিমান্ ভগবান্ ইচ্ছামাত্রেষ্ট যে সর্বকার্য সাধন করিতে পারেন, দ্বারকা-নির্মাণে তাহার প্রকাশ হইয়াছে। তিনি যে সর্বজ্ঞ,—দেবগণ হইতে মুচকুন্দের বর প্রাপ্তি-জ্ঞান ও তাঁহার শয়ন-স্থান-জ্ঞানেই তাহার প্রমাণ পাওয়া যায়। তিনি যে সূচকুর,—কাল যখন-মোহনই তাঁহার এই মহা চাতুর্যের প্রমাণ এবং তিনি যে শরণাপন্ন বিপন্নজনের বন্ধু,—যদুগণকে নিরাপদ স্থানে সংরক্ষণেই তাহার পরিচয় পাওয়া যায়।

শ্রীকৃষ্ণের পলায়ন।

কালযবনের নিধনের পরে শ্রীকৃষ্ণ ও বলরাম কাল যবনের সৈন্যাদিকে নিহত করিলেন, তাহাদের পরিত্যক্ত ধনরাশি দ্বারকায় পাঠাইলেন। এই সকল ব্যাপার সম্পন্ন হইতে না হইতে ত্রয়োবিংশতি অক্ষৌহিনীর অধিপতি অরাসক্ণ আবার মথুরা আক্রমণের জন্য আসিয়া উপস্থিত হইলেন। শ্রীকৃষ্ণ বলরাম তখন মানবলীলা অনুকরণ করিয়া পলায়নপরায়ণ হইলেন। অরাসক্ণ তাঁহাদের পশ্চাৎ পশ্চাৎ ধাবিত হইলেন। কিন্তু সেট অধরাকে এক ভক্তি ব্যতীত কে দৌড়িয়া ধরিতে পারে? অরাসক্ণকে কিঞ্চিৎ দূরে রাখিয়া শ্রীকৃষ্ণ-বলরাম মাগুষের দুর্গম পর্বতमध्ये আরোহণ করিলেন। অরাসক্ণ পর্বতে আরোহণ করিতে অসমর্থ হইয়া প্রচুর কাষ্ঠ সংগ্ৰহ করিয়া পর্বতে অগ্নি জালিয়া দিলেন। লক্ষ লক্ষ করিয়া পর্বতের চারিদিকে আগুন জালিয়া উঠিল, উহার প্রচণ্ড শিখা আকাশ স্পর্শ করিল কিন্তু ইহার

পূর্বেই কৃষ্ণ বলরাম গিরি-সঙ্কট পথের মধ্য দিয়া দ্বারকায় চলিয়া গিয়াছিলেন। জরাসন্ধ মনে করিলেন এইবার কৃষ্ণ বলরাম নিশ্চয় ভয়াভূত হইয়াছেন। জরাসন্ধ হৃষ্টচিত্তে নিশ্চিন্ত হইয়া আপন রাজ্যে চলিয়া গেলেন।

সপ্তদশবার জরাসন্ধকে যুদ্ধে পরাজিত করিয়া, শ্রীকৃষ্ণ এবার জরাসন্ধকে বিজয়দান করিলেন কেন? অসীম শক্তির মূর্তি শ্রীকৃষ্ণ প্রাকৃত লোকের কায় ভীতভাবে পলায়ন করিলেন কেন? ইহাতে তাঁহার কি গুঢ় অভিসন্ধি ছিল, এস্থলে তাহার ব্যাখ্যা কবার প্রয়াস পাইব না। তাঁহার 'গুণকর্ম বা লীলা চেষ্টা যে জনসাধারণের দুঃখের, এখানে এ কথা বলিয়াও আমরা নিরস্ত হইতে পারি। কল্পনাবলে ব্যাখ্যা করিতে প্রয়াস পাঠিলে অনেক কথাই বলা হইতে পারে, কিন্তু আমাদের স্বকীয় কল্পনায় প্রয়োজন নাই।

কৃষ্ণগীহরণ সময়েও শ্রীকৃষ্ণ শাল্যরাজ, মাগধরাজ ও চেদিরাজের এবং অবশেষে বক্রীর অগণিত সৈন্যসমূহের আক্রমণে অসীম সামরিক শক্তি প্রদর্শন করিয়াছিলেন। জরাসন্ধ এই ব্যাপারে শিশুপালকে সাহায্য দিয়া বলিয়াছিলেন যে, "সকলই সময়ের প্রভাবে ঘটে, নচেৎ একটা গোপবালকের নিকট আমি-হেন বীর ত্রয়োবিংশ অক্ষৌহিণী সেনাসহ সপ্তদশবার পরাজিত হইয়াছি।"

কৃষ্ণগীর বিবাহে শ্রীকৃষ্ণ কৃষ্ণগীর স্বলিখিত নিমন্ত্রণপত্র পাইয়া তাঁহার পাণিগ্রহণার্থ উপনীত হইলেন, এবং ভক্তাধীন ভগবান্ কৃষ্ণগী দেবীর মনের বাসনা পূর্ণ করেন। ফলতঃ স্বয়ং লক্ষ্মী শ্রীভগবানেরই নিত্যমহিষা। তিনি তাঁহার আপন অঙ্ক-লক্ষ্মীকে আপনি গ্রহণ করিলেন। ইহার ফলে যে যুদ্ধাদি হইল,—উহা কেবল তাঁহার বীৰ্য্য বৈজ্য প্রকাশ ও মোহাকরাজগণের দম্বদলনের উপযোগিনী ভগবৎ-লীলামাত্র।

এই গোপবালক বস্তুটি কি, অঙ্ক জরাসন্ধ তখনও তাহা জানিতে

পারেন নাই। শ্রীকৃষ্ণের দুষ্কৃত-বধ-ব্যাপারে শতধনুর বধ উল্লেখযোগ্য। এজন্য জাম্ববানের শাসন এই কার্যেই ঘটয়াছিল। সত্রাজিতের ভ্রাতা প্রসেনকে বলে বধ করিয়া শ্রীকৃষ্ণই শ্রমন্তকমণি লইয়াছেন, শ্রীকৃষ্ণের এই মিথ্যা অপবাদের কাণাকানি হইতেছিল। শ্রীকৃষ্ণ এই মিথ্যাপবাদ-কালনের জন্য আপনার শ্রমন্তকমণির অন্বেষণে বহির্গত হইয়া অমুসন্ধানে জানিতে পারেন যে, জাম্ববানের গৃহে মণি রহিয়াছে। জাম্ববানের গৃহে সহসা মানুষের প্রবেশে জাম্ববান অত্যন্ত কোপাবিষ্ট হইয়া শ্রীকৃষ্ণের সহিত তুমুল দ্বন্দ্বযুদ্ধে প্রবৃত্ত হইলেন। ক্রমাগত সপ্তাদিবস ব্যাপিয়া এই তুমুল যুদ্ধ হয়। শ্রীকৃষ্ণের বজ্রমুষ্টির প্রহারে প্রহারে জাম্ববানের অঙ্গ একবারে নিষ্পিষ্ট হইয়া পড়িল, দেহবন্ধন শিথিল হইয়া গেল। তখন জাম্ববান্ বুলিলেন ইনি স্বয়ং ভগবান্। ত্রেতাযুগে যিনি সাগরবন্ধন করিয়াছিলেন, লঙ্কেশ্বরকে নিহত করিয়াছিলেন, সেই রামচন্দ্রই ইনি। জাম্ববান তখন আপন প্রভুকে জানিতে পারিয়া তাঁহার করে নিজের কণ্ঠা জাম্ববর্তী ও স্যমন্তকমণি অর্পণ করিলেন। এই জাম্ববর্তী শ্রীকৃষ্ণের অন্ততমা মহিষা। শ্রীকৃষ্ণ স্বীয় অপবাদ-কালনের জন্য সভাস্থলে সত্রাজিতকে ডাকিয়া আনিয়া শ্রমন্তকমণি অপহরণের সকল বৃত্তান্ত প্রকাশ করিয়া উহা সত্রাজিতের হস্তে অর্পণ করেন। সত্রাজিৎ অনর্থক শ্রীকৃষ্ণের প্রতি দোষাশঙ্কা করিয়াছিলেন, তিনি এই নিমিত্ত অমৃতপ্ত হইলেন এবং শ্রীকৃষ্ণের প্রসাদনের জন্য স্বয়ং কণ্ঠা সত্যভামাকে উক্ত মণিসহ শ্রীকৃষ্ণের করে অর্পণ করিলেন। শ্রীকৃষ্ণ মণি ও সত্যভামাকে গ্রহণ করিলেন।

শ্রীকৃষ্ণ শ্রমন্তকমণি অপহরণকারী সত্রাজিৎহস্তা শতধনুকে বধ করেন। এই বধ-ব্যাপারের জন্য লোকক্লম-কর যুদ্ধ করিতে হয় হয় নাই। যুদ্ধ হওয়ার সম্ভাবনাও ছিল না! "শতধনুর প্রতি ভোজ বৃষ্টি অক্ষয় বংশীয় কাহারও দয়া ছিল না, এমন কাপুরুষের প্রতি কাহারও দয়া হইতে পারে না। কিন্তু শতধনু দয়ার ভিত্তি হইয়া কৃতবর্মান সাহায্য-ভিক্ষা করিয়াছিলেন।

তদুত্তরে শতবর্ষা যাহা বলেন, শ্রীভাগবতে তাহা এইরূপ লিখিত হইয়াছে, যথা :—

নাহ্মীশ্বরয়োঃ কুর্যাং হেলনং রামকৃষ্ণয়োঃ ।
 কোহনুক্ষেমায় কল্পেত তয়োবৃজিনমাচরণ্ ॥
 কংসসহানুগোহপীত যদ্বেষাং ত্যাজিতঃ শ্রিয়া ।
 জরাসন্ধঃ সপ্তদশ সংযুগান্ বিরথো গতঃ ॥
 যঃ ইদং লালয়াবিশ্বং সৃজত্যবতি হস্তি চ ।
 চেষ্টাং বিশ্বসৃজো যস্য ন বিদুর্মোহিতাঙ্গরা ॥
 যঃ সপ্তহায়নঃ শৈলমুৎপাত্যৈকেন পাণিনা ।
 দধারলালয়া বাল উচ্ছিন্নান্নমিবার্ভকঃ ॥
 নমস্তস্মৈ ভগবতে কৃষ্ণায়াদৃত কৰ্মণে ।
 অনস্তায়াদিভূতায় কুটস্থায়াত্মনে নমঃ ॥

ইহার মর্ম এই যে “শ্রীকৃষ্ণ ও বলরাম মানুষ নহেন—ঈশ্বর । ইহাদের অবহেলা করিতে পারি না । যাহার প্রতি বিদ্বেষ করিয়া কংস ভ্রাতৃগণের সহিত নিহত হইয়াছেন, জরাসন্ধ সপ্তদশবার পরাজিত হইয়াছেন ; যিনি সৃষ্টিয়া এই জগৎ সৃষ্টি, পালন ও সংহার করেন, যিনি সপ্তবর্ষে গিরি গোবর্দ্ধনকে উৎপাটিত করিয়া অবলীলাক্রমে ছত্রাকের ন্যায় সপ্তাহকাল একহস্তে ধারণ করিয়া রাখিয়াছিলেন, কে তাহার অবহেলন করিবে ? আমি সেই অদ্ভুত কৰ্ম্ম অনস্ত আদিভূত কুটস্থ ভগবান্ শ্রীকৃষ্ণের পাদপদ্মে দিবানিশি যেন প্রণত থাকিতে পারি । আমি কি তাঁহার প্রতিকূলে সাহায্য করিতে পারি ?”

কৃতবর্ষা শ্রীকৃষ্ণের প্রভাব ও পরাক্রম যথার্থরূপে বুঝিয়াছিলেন । যিনি ধর্মসংস্থাপন করার জন্য অবতার্ণ, যিনি জ্ঞানের একমাত্র আশ্রয় তিনি অধর্ম করিতে পারিলেন না, অজ্ঞায় করিতে পারিলেন না, এই ব্যাপারে শ্রীকৃষ্ণ তাহাই প্রতিপন্ন করিলেন । লোকে

তাঁহার বিরুদ্ধে কাণাকাণি করিয়া বলিবে তিন লোভী, তিনি লোভ-পরবশ হইয়া নিতান্ত কাপুরুষের ন্যায় প্রসেনকে বধ করিয়া অপবাদগ্রস্ত হইয়াছেন, ধর্ম-সংস্থাপক শ্রীভগবান্ এই অপবাদ স্বীকার করিবেন কেন ? তাই তিনি স্তম্ভকমণি অন্বেষণ করিয়া আনিলেন এবং তাহা যে আশ্ববানের নিকট ছিল আশ্ববতীকে গ্রহণ করিয়া সকলকে তাহারও প্রমাণ দেখাইলেন ।

অপিচ সত্রাজিৎ নিজের অযথা পাপ-চিন্তার শাস্তির জন্য কণ্ঠা ও নিজের স্তম্ভকমণি প্রদান করিলেন । কিন্তু ন্যায়ের মূর্তি, শ্রীকৃষ্ণ, মণি গ্রহণ করিলেন না । অথচ সত্রাজিৎের এমনই দুর্ভাগ্য যে তাহার ভ্রাতা শতধনু অপরের প্ররোচনায় তাঁহাকে নিহত করেন ; সত্যভামা পিতৃহারা হইলে, কৃষ্ণ তখন হস্তিনাপুরে ছিলেন, সত্যভামা হস্তিনাপুরে যাইয়া কাঁদিয়া কাঁদিয়া কৃষ্ণকে এই ভীষণ সংবাদ জানাইলেন ।

শ্রীকৃষ্ণ দ্বারকায় ফিরিয়া আসিলেন, শতধনু পলায়ন করিয়াছিল । শ্রীকৃষ্ণ তাহার অনুসন্ধানে বাহির হইলেন ।

এই লীলায় শ্রীকৃষ্ণের অননুসাধারণ ন্যায়-পরায়ণতা, সত্য-সঙ্কল্পতা, স্বার্থহীনতা, ধর্মপ্রাণতা ও লোকধর্মপালন-প্রিয়তা প্রভৃতি সদগুণ অতিপরিষ্কৃটরূপে প্রকাশ পাইরাছে ।

নরকবধ ও ষোড়শসহস্র রমণীর মোচন ।

নরক ভূমির গর্ভে বরাহ-দেবের ঔরসে জাত অশুর বিশেষ । প্রাগ্-জ্যোতিষপুরে ইহার রাজত্ব ছিল । তিনি ষোল হাজার রাজকন্যাকে অবরুদ্ধ করিয়া রাখিয়াছিলেন । শ্রীকৃষ্ণ এই সংবাদ প্রাপ্ত হইয়া প্রাগ্-জ্যোতিষপুরে গমন করেন । প্রাগ্-জ্যোতিষপুর নানাবিধ দুর্গে সুসংরক্ষিত ছিল । মুর ও নরকাসুরের বিপুল সৈন্যবল ক্ষয় করিয়া শ্রীকৃষ্ণ মুর ও নরককে নিহত করিয়া মুরারি ও নরকারি নামে প্রসিদ্ধ হইলেন । নরকের মাতা ভূমি দেবী শ্রীকৃষ্ণকে স্বয়ং ভগবান্ আনিয়া তাঁহার

শুব করেন। শ্রীকৃষ্ণ নরকাসুরের কাণাগারে অবরুদ্ধ বোড়শ সহস্র কন্যাকে মুক্তিদান করিলে কন্যাগণের প্রার্থনা-অনুরোধে শ্রীকৃষ্ণ তাঁহাদিগকে দ্বারকায় আনিয়া যথাবিধি বিবাহ করিয়াছিলেন। মুর ও নরকের সহিত সংগ্রামেও শ্রীভগবানের ভগবৎশক্তি প্রকাশ পাইয়াছিল। স্বয়ং ইন্দ্রাদি দেবতারা নরক ও মুর দানবকে ভয় করিতেন।

বাণ-দর্পদলন।

বাণ দলন, শ্রীকৃষ্ণ লীলার এক অদ্বিত কৰ্ম্ম। ইহাতে কেবল বাণ-দর্পদলিত হয় নাট; শঙ্কর শক্তিও শ্রীকৃষ্ণ-শক্তির নিকট এই যুদ্ধে হীনপ্রভ ও পরাজিত প্রয়েন এবং শ্রীকৃষ্ণই যে সকল ঈশ্বরের ঈশ্বর—সর্ব মহেশ্বরের মহেশ্বর ইহা অতি স্পষ্টরূপেই প্রতিপন্ন হয়। বাণ, বলিরাজের জ্যেষ্ঠ পুত্র। বলি বিষ্ণু ভক্ত ছিলেন। কিন্তু বাণ শিবকে স্বীয় গুরুরূপে ধারণ করেন। বাণরাজের এক সহস্র হস্ত ছিল। শিবের ধরে তিনি অদ্বিতীয় বীর ছিলেন। দেবতাগণ সততই তাহার ভয়ে ভীত থাকিতেন। বাণরাজ গর্বি করিয়া আপন গুরুর নিকট বলিতেন—প্রভো!

দোঃসহস্রং স্বরাদত্তং পরং ভারায় মেহ্ভবৎ।

ত্রিলোক্যাং প্রতিবোধারং ন লেভেত্বদৃতে সমম্ ॥

হে দেব, আপনি আমার এক সহস্র বাহু দান করিলেন কিন্তু এই বাহুগুলি কেবল আমার ভারস্বরূপ হইল। আপনি ভিন্ন জগতে আমার প্রতিযোদ্ধা আর কেহ নাই।

বাণের এই দর্পে শিব রুষ্ট হইয়া বলিলেন, তুমি সহরেই তোমার প্রতিযোদ্ধা দেখিতে পাইবে। শিববাক্য বাস্তবিকই সময়ে পূর্ণ হইল। বাণের কন্যা উষা ইহার হেতু হইলেন। তিনি শ্রীকৃষ্ণের পৌত্র অনিরুদ্ধের রূপ স্বপ্নে দেখিয়া উন্মাদিনী হইলেন। তাঁহার সখী মোহিনীমায়ার অনিরুদ্ধকে অপহরণ করিয়া বাণের আলয়ে উষার নিকট রুদ্ধ করিলেন। বাণ এই বিবরণ জানিয়া আগ্রের স্তায় জলিয়া উঠিলেন। অনিরুদ্ধের সহিত বাণের সৈন্তগণের এক ঋণ-যুদ্ধ হইয়া গেল। বাণসৈন্তগণ অপ্রতিভ হইল। স্বয়ং বাণ

আসিয়া কিছু কালের যুদ্ধের পর অনিরুদ্ধকে নাগপাশে বাঁধিয়া ফেলিলেন। চারিমাস কাল এইরূপে অনিরুদ্ধ বাণের আলয়ে অজ্ঞাত ভাবে অবস্থিত রহিলেন। যাদবগণ তাঁহার কোনও সন্ধান না পাইয়া ব্যাবুল হইলেন। অবশেষে নারদ যাদবগণের নিকট এই দুঃসংবাদ প্রদান করেন। সংবাদ পাইয়া যাদববীরগণ বাণ রাজার শোণিতপুরে সমর-সাজে উপস্থিত হইলেন। এই যুদ্ধে যাদবগণ দ্বাদশ অক্ষোহিণী সেনা লইয়া শোণিতপুর আক্রমণ করেন। বাণের পক্ষ আশ্রয় করিয়া ভগবান্ শঙ্করও এই যুদ্ধে সমাসীন হইয়াছিলেন; শ্রীকৃষ্ণের সহিত শঙ্করের যুদ্ধ হয়। শঙ্কর-সেনাদল শ্রীকৃষ্ণের নিকট পরাজিত হইলে শ্রীকৃষ্ণ বাণের মাতার অনুরোধে চারি খানা বাহু রাখিয়া ৯৯৬ হস্ত কর্তন করেন। এই সময়ে স্বয়ং রুদ্রদেব শ্রীকৃষ্ণের সম্মুখে দীন বিনীতভাবে উপস্থিত হইয়া তাঁহাকে পূর্ণব্রহ্ম বলিয়া স্তব করেন।

এই যুদ্ধে ও রুদ্রদেবের গ্তোত্রে প্রকাশ, শ্রীকৃষ্ণই সর্বশক্তিমান্ স্বয়ং শ্রীভগবান্ এবং পূর্ণতম। শ্রীমদ্ভাগবতের এই রুদ্র-গ্তোত্রটা শ্রীকৃষ্ণের অনন্ত শক্তিমত্তার পরিচায়ক। ধর্মরক্ষা ও জগতের মঙ্গলের জন্মই যে, ভগবানের অবতারের উদ্দেশ্য, রুদ্রদেব এখানে তাহা স্পষ্টই বলিয়াছেন, যথা :—

তবাবতারোহয়মকুঠবামন্

ধর্মশ্চ গুপ্ত্যে জগতো ভবায়।

বয়ঞ্চ সর্বে ভবতানুভাবিতা

বিভায়ামো ভুবনানি সপ্ত ॥ শ্রীভাগ—১০।৬।৩৭

পোণ্ডুক বাসুদেব বধ।

কাশী নিবাসী পোণ্ডুক রাজা শ্রীকৃষ্ণের প্রতি লোকের বিদেহ জন্মাইয়া নিজকেই বাসুদেব বলিয়া প্রখ্যাপিত করেন। এমন কি ষায়কায় শ্রীকৃষ্ণের নিকট বলিয়া পাঠান যে, তিনিই একমাত্র বাসুদেবাবতার;—অপর কেহ নহে। জনসমাজের চিত্তে মোহ উৎপাদন করাও অসুরের কার্য। সুতরাং ভগবান্ এই পোণ্ডুক রাজাকে নিহত করেন

এবং অবশেষে সুদর্শন দ্বারা ইহার পুত্রামত্ৰাদির সহিত বারাগসীপুরাটাকে দগ্ধ করিয়া ফেলিলেন ।

শিশুপাল বধ ।

ইন্দ্রপ্রস্থে যুধিষ্ঠির সভায় শ্রীকৃষ্ণ কর্তৃক শিশুপাল বধ অতি সুপ্রসিদ্ধ ব্যাপার । এই ঘটনা অবলম্বনে সুবিখ্যাত কবি মাঘ যে কাব্য রচনা করিয়া গিয়াছেন, জগতের কাব্য সাহিত্যে তাহা চিরদিনই সমাদৃত থাকিবে এবং তাহতে শ্রীকৃষ্ণের মাগ্ন্য প্রচারিত হইবে । মহাভারতে ও শ্রীভাগবতাদি গ্রন্থে এই ঘটনা বিবৃত হইয়াছে । রাজসূয় সভায় সহদেবের প্রস্তাবে শ্রীকৃষ্ণ অর্থাৎ প্রাপ্ত হইলে শিশুপাল অস্বাভাবে ক্রুদ্ধ হইয়া নানা-প্রকার কৃষ্ণ-নিন্দা করেন । মহাসত্ৰুর্ভি শ্রীকৃষ্ণ তাহাতে কিছু মাত্রও ক্রক্ষেপ করেন না । শ্রীভাগবতে লিখিত হইয়াছে—

“নোবাচ কিঞ্চিদ্ ভগবান্ যথা সিংহঃ শিবাকৃতম্ ॥”

অর্থাৎ শৃগালের রব শুনিয়া সিংহ বেগন স্বকীয় গান্ধীর্ঘ্য নষ্ট করিয়া কখনও প্রতিধ্বনি কবে না, শ্রীকৃষ্ণও হেমনি হুচ্ছ শিশুপালের কথায় কোনও উত্তর দিলেন না । কবির মাগ্ন্য এস্থলে লিখিয়াছেন :—

অনুলঙ্করতে ঘনধ্বনিং

নহি গোমাযুরুতানি কেশরী ।

কিন্তু অন্যান্য রাজবর্গ শিশুপালের নিন্দাবাক্যে উত্তেজিত হইয়া উঠিলেন ; শিশুপাল বীরমতে মত্ত হইয়া কোম হইতে খড়্গ নিষ্কাশন করিয়া প্রতিকূল-বানৌদিগকে নিহত করিতে উত্তত হইলেন, তখন শ্রীকৃষ্ণ সুদর্শনের দ্বারা শিশুপালের শিরচ্ছেদন করিলেন ।

এই সময়ে এক অদ্ভুত ঘটনা দৃষ্ট হইল—শিশুপালের দেহ হইতে এক তেজ,—এক অপূর্ব জ্যোতিঃ উখিত হইয়া বাসুদেবের অঙ্গে প্রবিষ্ট হইল অর্থাৎ শিশুপাল সর্বজন-সমক্ষেই সাযুজ্যমুক্তি লাভ করিলেন । যথা শ্রীভাগবতে :—

চৈত্বেদেহোখিতং জ্যোতিরীক্সদেবমুপাশিতং ।

পশুতাং সৰ্বভূতানাং উদৈব ভূবি খাচ্যুতা ॥

এই ঘটনায় শ্রীকৃষ্ণের কতিপয় গুণ প্রকাশ পাইতেছে। প্রথমতঃ তিনি অনন্ত শক্তির আধার হইয়াও শক্রবাক্যে বিন্দুমাত্রও উত্তেজিত হইলেন না—তাঁহার এই স্থির স্নিগ্ধ প্রসন্ন গম্ভীর সাত্ত্বিক চরিত্র অতুল দুর্লভ। দ্বিতীয়তঃ তিনি স্বজনগণের সহায়। শিশুপাল যখন শ্রীকৃষ্ণের আপনজনগণের প্রতি খড়্গোত্তলন করিলেন, তখন তাঁহার স্বভাবসুলভ ধীরতা-স্থিরতার বাধ ভাঙ্গিয়া গেল। তিনি তখনই সূর্যন চক্রে শিশুপালের প্রাণ-সংহার করিলেন। তৃতীয়তঃ এই প্রাণ সংহারকার্য্য তাঁহার দুঃস্বপ্ন পরাক্রমের পরিচায়ক। চতুর্থতঃ তিনি হতারিগতিদায়ক। তাঁহার হস্তে যে সকল শত্রু নিহত হইলেন, তাঁহার সাযুজ্য মুক্তি লাভ করেন। অন্যান্য অবতारे এই শক্তি প্রকাশিত হয় নাই। হিংস্র কশিপু নৃসিংহ দেবের দ্বারা নিহত হইলেন, কিন্তু মুক্তি পাইলেন না। রাতন শ্রীরামচন্দ্রের হস্তে নিহত হইয়া মুক্তি লাভ করিতে পারিলেন না। কিন্তু শিশুপাল শ্রীকৃষ্ণের হস্তে নিহত হইয়া সাযুজ্য মুক্তি লাভ করিলেন। উচ্চাও শ্রীকৃষ্ণের পূর্ণতার একটি বিশিষ্ট লক্ষণ।

শাল্লবধ।

শাশুরাজা তাঁহার বিমানচর সৌভমায়ানগরীতে অবস্থান করিয়া যাদবগণের সহিত যুদ্ধ করিতেন। তাঁহার সেই ময়ানগরীতে সমগ্র সমরসম্ভার পূর্ণ থাকিত, উহা অদৃশ্যভাবে আকাশে বিচরণ করিত। সুতরাং জগতের কোন বীরই তাহার সহিত সমরে সমর্থ ছিলেন না। শ্রীকৃষ্ণ তাঁহার এই সৌভ-সমর-যান বিধ্বস্ত করিয়া তাঁহাকে নিহত করেন। এই যুদ্ধেও শ্রীকৃষ্ণের অসাম সননবীর্য্য প্রকটিত হইয়া তাঁহার ভগবন্তার পরিচয় প্রদান করে। ফলতঃ অসুর বিনাশ করিয়া ভূভার হরণ করাই শ্রীভবানের অবতরণের এক উদ্দেশ্য বলিয়া তিনি স্বয়ং শ্রীমুখে প্রকাশ করি-

রাছেন। এই অবতारे এই উদ্দেশ্য যে পরিমাণে সকল লইয়াছে, অস্তান্ত অবতारे তেমন দৃষ্ট হয় না।

বামনাবতारे শ্রীভগবান্ একমাত্র বলিকেই নিগৃহীত করিয়াছেন, তখন ষুগমাহায়ে অসুরের সংখ্যা তেমন বৃদ্ধি পায় নাই। নৃসিংহাবতারে কেবল হিরণ্য-কশিপুই নিহত হন ; ফলতঃ তখন সত্যযুগ, অসুরের প্রাচুর্ভাব তখন কম। শ্রীভগবানের শক্তিপ্রকাশের প্রয়োজনও তখন অল্পই ছিল।

ত্রৈতাযুগে ধর্ম কিঞ্চিৎ কম হয়, সুতরাং অসুরের সংখ্যা কিঞ্চিৎ বৃদ্ধি প্রাপ্ত হয়। এই যুগে অসুরনাশের জন্ম লীলাবতার শ্রীরামচন্দ্রের আবির্ভাব। শ্রীরামচন্দ্রও কতিপয় প্রধান অসুর এবং তাহাদের অশুচরগণের বধ সাধন করিয়া ভূভার হরণ করেন কিন্তু তখনও অসুরের সংখ্যা অনেক কম। কাজেই শ্রীভগবানের শক্তি এযুগে তত প্রকাশিত হয় নাই।

কিন্তু ধাপরে কোটি কোটি অসুর ক্ষত্রিয়রূপে জন্মগ্রহণ করেন, শ্রীভগবান্ নিজে তাহাদিগের অনেককে বিনাশ করেন এবং তাঁহার স্ত্রীতিভাজন শক্তিমান্ পাণ্ডবদিগকে নিমিত্ত করিয়া কোটি কোটি অসুর সংহার করেন। এষ্ট সকল অসুর-সংহারে পাণ্ডবগণ যে নিমিত্ত মাত্র, শ্রীভগবান্‌গীতায় তিনি স্বয়ংই তাহা প্রকাশ করিয়া বলিয়াছেন ; যথা :—

মরৈবৈতে নিহতাঃ পূর্বমেব ।

নিমিত্তমাত্রঃ ভবসব্যাসাচিন্ ॥ ১১।৩৩

অর্জুন নিজেও তাহা বিখরূপ মূর্তিতে প্রত্যক্ষ করিয়াছিলেন ; যথা :—

অমী চ ত্বাং ধৃতরাষ্ট্রস্য পুত্রাঃ ।

সর্ষেঃ সহৈবাবনিপাল-সজৈষ্যঃ ॥

ভীষ্মো দ্রোণঃ সূতপুত্রস্তথাসৌ

সহাস্রনীয়েরপি ষোধমুখ্যৈঃ ॥

বক্রাণি তে স্বরমাণা বিশস্তি

দংষ্ট্রাকরাণানি ভগ্নানকানি ।

কেচিদ্ধিলাগ্না রশনাত্তরেষু
 সংদৃশ্যন্তে চূর্ণি তৈরত্তমানেঃ ॥
 যথানদীনাং বহবোহম্বুবেগাঃ
 সমুদ্রমেবাভিমুখা দ্রবন্তি ।
 তথা তবামী নরলোকবীরাঃ
 বিশন্তি বক্ত্রাণ্যভিত্তো জলন্তি ॥

কুরুক্ষেত্রের মহাযুদ্ধে যদিও কেবল ভীষ্মের প্রতিজ্ঞা-রক্ষার জন্য ভক্তবৎসল ভগবান্ স্বপ্রতিজ্ঞা ভঙ্গ করিয়া :কেবল একবারমাত্র রথচক্র ধারণ করিয়া-
 ছিলেন, কিন্তু শ্রীকৃষ্ণ নিজে এই যুদ্ধে আর কখনও অস্ত্র ধারণ করেন নাই
 বা কাহারও সহিত যুদ্ধ করেন নাট, কিন্তু তিনি মহাকালরূপে এই যুদ্ধে
 উপস্থিত থাকিয়াই বীরগণের প্রাণ-সংহারের মুখ্যহেতু হইয়াছিলেন ।
 তিনি গীতার উক্তবাক্যে নিজে স্পষ্টতঃই তাহা অর্জুনকে বলিয়াছেন এবং
 অর্জুনও তাহা শ্রীভগবানের বিশ্বরূপ মূর্তিতে প্রত্যক্ষ করিয়াছেন ।

ফলতঃ এই বাসুদেবাবতারে তিনি অসুরসংহার-কার্যে শক্তির যে
 সকল পরিচয় প্রদান করিয়াছেন, তাঁহার অন্যান্য অবতারের তুলনায় সেই
 সকল উদাহরণ—সংখ্যায় ও বলবীৰ্য্য পরাক্রমে-এত অধিক যে কেবল
 এই অসুর-মারণ-মাত্র-ব্যাপারেই অন্যান্য অবতারের তুলনায় বাসুদেবা-
 বতার পরিপূর্ণ বলিয়া নির্দ্ধারিত হইতে পারেন । এতদ্ব্যতীত শ্রীকৃষ্ণের
 ঐশ্বর্য্যের আরও অশেষ উদাহরণ আছে ।

শ্রীকৃষ্ণের সামরিক বীৰ্য্য ।

মহাভারতে ও শ্রীমদ্ভাগবতাদিপুরাণসমূহে শ্রীকৃষ্ণের সামরিক বীরত্ব
 যথেষ্টরূপে বিবৃত হইয়াছে । এস্থলে কেবল উদাহরণরূপে যৎকিঞ্চিৎ
 উদ্ধৃত করা হইল ।

তাঁহার সমগ্র ঐশ্বর্য্য অনন্ত বিপুল বিশ্বব্রহ্মাণ্ডে প্রকাশ পাইতেছে ।
 তাহাও ইতঃপূর্বে আলোচিত হইয়াছে । তাঁহার যশঃ-কীর্ত্তি সহস্র সহস্র

কবি নানাবিধ কাব্যে বর্ণনা করিয়াছেন। তাঁহার সৌন্দর্য্য বিবিধ বৈভব-মহানন্দীরও প্রলোভনীয়। তাঁহার জ্ঞানের কথা বর্ণন মানবীয় ভাষার দূরধিগম্য। সর্ববিষয়েই তাঁহার জ্ঞান-গৌরব শাস্ত্রে কীর্তিত হইয়াছে। পঠদশায় সান্দ্রিপনী মুনির আশ্রমে ৬৪ প্রকার কলাবিদ্যা অতিঅল্প সময়েই তাঁহার অধিগত হইয়াছিল। সমরনীতি, রাজ-নীতি, ধর্ম-নীতি, অপরা-বিদ্যা, ব্রহ্মবিদ্যা প্রভৃতিতে তিনি অলৌকিক প্রতিভার পরিচয় দিয়া-ছিলেন।

উনবিংশ অধ্যায়

অলৌকিকবিদ্যা

শ্রীমদ্ভাগবত হইতে ইহার কিঞ্চিৎ প্রমাণ উদ্ধৃত করা যাইতেছে।

তয়োর্দ্বিজবরস্তুষ্টেঃ শুদ্ধভাবানুবৃত্তিভিঃ ।

প্রোবাচ বেদানখিলান্ সান্দ্রোপনিষদো গুরুঃ ॥

সরহস্তাং ধনুর্বেদং ধর্ম্মান্ ক্রায়পথাং স্তথা ।

তথা চান্বীক্ষিকীং বিদ্যাং রাজনীতিঞ্চ ষড়্ বিধম্ ॥

সর্বং নরবরশ্রেষ্ঠৌ সর্ববিদ্যা-প্রবর্ত্তকৌ ।

সকুর্লিঙ্গদমাত্রেণ তৌ সঞ্জগৃহতুর্নৃপ ॥

অহোরাত্রৈশ্চতুঃ ষষ্ঠ্যা সংযন্তৌ তাবতীঃকলা ।

ইহাতে দেখা যায় সান্দ্রোপনি মুনি শ্রীকৃষ্ণ ও বলরামকে ষড়্ ও ঊপনিষদের সহিত সমগ্র বেদ শিক্ষা দিলেন। রামকৃষ্ণ তাঁহার নিকট হইতে সরহস্ত ধনুর্বেদ, যজুর্বেদ, মন্বাদি ধর্ম্মশাস্ত্র, মীমাংসাদি ক্রায়, সর্ববিদ্যা এবং ষড়্ বিধ রাজনীতিও শিক্ষা করিয়াছিলেন। সর্ববিদ্যা-প্রবর্ত্তক মহর্ষ্য-শ্রেষ্ঠ

রামকৃষ্ণ একবার গুরুর উচ্চারণ মাত্র শুনিয়া সমস্তবিষয় ধারণা করিতে লাগিলেন। এইরূপে একাগ্রচিত্তে তাঁহারা চতুঃষষ্টি দিবসে চতুঃষষ্টি কলা-বিজ্ঞা অভ্যাস করিয়া লইলেন। শ্রীধর স্বামী তাঁহার টীকায় শৈবতন্ত্র হইতে চতুঃষষ্টি কলার এইরূপ পরিচয় দিয়াছেন :—

১। গীতম্, ২। বাণ্যম্, ৩। নৃত্যম্, ৪। নাট্যম্, ৫। আলেখ্যম্, ৬। বিশেষকচ্ছেদ্যম্, ৭। তণ্ডুলকুম্ভম্ বলিবিকারঃ, ৮। পুষ্পান্তরঙ্গম্। ৯। দশনবসনাঙ্করাগাঃ, ১০। মণিভূমিকাকর্ম, ১১। শয়নরচনম্, ১২। উদকবাদ্যমুদকঘাতঃ, ১৩। চিত্রযোগাঃ, ১৪। মাল্যগ্রথনবিকল্পাঃ, ১৫। শেখরাপীড়যোজনম্, ১৬। নেপথ্যযোগাঃ, ১৭। কর্ণপত্রভঙ্গাঃ, ১৮। স্নগন্ধযুক্তিঃ, ১৯। ভূষণ-যোজনম্, ২০। ঐন্দ্রজালম্, ২১। কোচ্মারযোগাঃ, ২২। হস্তলাঘবম্, ২৩। চিত্রশাক পুপভক্ষ্যবিকারক্রিয়াঃ, ২৪। পানক-রসরাগাসবযোজনম্, ২৫। সূচবোয়কর্ম, ২৬। সূত্রক्रीড়া, ২৭। বীণা-ডমরুকবাদ্যানি, ২৮। প্রহেলিকা, ২৯। প্রতিমালা, ৩০। দুর্ভচকযোগাঃ, ৩১। পুস্তকবাচনম্, ৩২। নাটকাখ্যানিকাদর্শনম্, ৩৩। কাব্য-সমস্যা-পূরণম্, ৩৪। পটিকা-বেত্রবাণবিকল্পাঃ, ৩৫। তকুর্কর্মাণি, ৩৬। তক্ষণম্, ৩৭। বাস্তবিদ্যা, ৩৮। রূপ্যরত্নপরীক্ষা, ৩৯। ধাতুবাদঃ, ৪০। মণিরাগজ্ঞানম্, ৪১। আকরজ্ঞানম্, ৪২। বৃক্ষায়ুর্বেদযোগাঃ, ৪৩। মেঘকুকুটলাবকয়ুধবিধিঃ, ৪৪। শুকসারিকাপ্রলাপনম্, ৪৫। উৎসাদনম্, ৪৬। কেশমার্জন কৌশলম্, ৪৭। অক্ষর মুষ্টিকাকথনম্, ৪৮। শ্লেচ্ছিত কুতর্কবিকল্পাঃ, ৪৯। দেশভাষা-জ্ঞানম্, ৫০। পুষ্পশকটিকানিশ্চিত জ্ঞানম্, ৫১। যন্ত্রমাতৃকাধারণ-মাতৃকা, ৫২। সম্পাচ্যম্, ৫৩। মানসীকাব্যক্রিয়া, ৫৪। অভিধানকোশঃ, ৫৫। ছন্দোজ্ঞানম্, ৫৬। ক্রিয়াবিকল্পাঃ, ৫৭। ছলিতকযোগঃ, ৫৮। বস্ত্র-গোপনানি, ৫৯। দ্যুতবিশেষঃ, ৬০। আকর্ষক्रीড়া, ৬১। বালক्रीড়-নকানি, ৬২। বৈনারিকীনাং, ৬৩। বৈজয়িকীনাং, ৬৪। বৈতালিকীনাং, ৬৫। বিদ্যানাং জ্ঞানম্। ইতি চতুঃষষ্টিকলাঃ। কল্পসংহিতা গ্রন্থকার, পরচিত্তজ্ঞান,

পরকার-প্রবেশ, দূর শ্রবণদর্শনচিন্তা রত্নায়তবিশেষনির্মাণাদিও কলাবিচার অল্পভুক্ত করিয়াছেন।

শ্রীকৃষ্ণের বেদ-বেদান্ত জ্ঞান সম্বন্ধে গীতাশাস্ত্রখানিই যথেষ্ট প্রমাণ। শ্রীভাগবত বলেন,—তিনি ষড়্‌বিধ রাজনীতিতেও সুপটু ছিলেন। মহাভারতে তাহার প্রচুর নিদর্শন আছে। সমরমন্ত্রণায় শ্রীকৃষ্ণের বুদ্ধি বিতর্ক কুশাগ্র হইতেও সূক্ষ্ম; তৎপ্রভাবে কোরব সমর-সাগরে দ্রোণ, ভীষ্ম, কর্ণ প্রভৃতি তিমি-তিমিঙ্গলগুলি ‘কলুর চোখবান্ধা বলদের মত’ দিশেহারা হইয়া বেড়াইতেন। কেবল মন্ত্রণায় নয়, বীরত্বেও তিনি যে মহাবীর ছিলেন, পূর্বে তাহার পরিচয় দেওয়া গিয়াছে। লোকে কথায় বলে—“উঠন্ত মূল পথে জানা যায়,”—শ্রীকৃষ্ণ যখন একমাসের শিশু তখনও দেবদানব-ক্রাস রঞ্ধিরাশনা মহারাক্ষসী পুতনার প্রাণ ওষ্ঠের আকর্ষণে টানিয়া লইয়াছিলেন। ইহার পরে গোকুল বৃন্দাবনে মথুরা দ্বারকায় পথে ঘাটে দৈত্যনাশের ছড়াছড়ি !

শ্রীকৃষ্ণ কুরুক্ষেত্র-যুদ্ধে অস্ত্রগ্রহণ করিবেন না বলিয়া প্রতিজ্ঞা করিয়াছিলেন, তাই রক্ষা ; নচেৎ আঠার দিন ব্যাপিয়া কখনই যুদ্ধ হইত না। হয় ত এগার মুহূর্ত্তেই কোরবপক্ষের এগার অক্ষৌহিনী বীরের প্রাণবায়ু নিঃশেষ হইত। তথাপি ভক্তপ্রবর ভীষ্ম প্রভুর প্রতিজ্ঞা রক্ষার প্রবৃত্তির প্রচুর পরীক্ষা করিয়াছিলেন। ফলে ভক্তেরই অয়, প্রভুর পরাজয়,—মহাভারত এখনও এই সাক্ষ্য বহন করিতেছে। প্রভু, সখার রক্ষার্থ ক্রোধ পরবশ হইয়া গদা সুদর্শন শাস্ত্র ধারণ করেন নাই বটে, কিন্তু ভীষ্মের প্রতি রথচক্রে ছুড়িয়া মারিতে উদ্যত হইয়াছিলেন। তিনি কুরুক্ষেত্র যুদ্ধে নিজ হাতে অস্ত্র ধরেন নাই, রক্তপাতও করেন নাই, কিন্তু কূটমন্ত্রণা ও কপটকোশলে ভালরূপেই ভক্ত-পক্ষ সমর্থন করিয়াছিলেন। রক্তপাত করিতেও তাঁহার মনে যে কোন বিধা ছিল, এমন মনে হয় না। অরাসঙ্ঘ যখন সতের বার তেইশ অক্ষৌহিনী সৈন্য লইয়া মথুরা আক্রমণ করেন,

প্রত্যেক বারেই শ্রীকৃষ্ণ পর পক্ষীর তেঁতৈশ অক্ষৌহিনী সৈন্য-রক্তে যমুনার নীলজলে রক্ত প্রবাহের সৃষ্টি করিরাছিলেন, এমন ভীষণ যুদ্ধ, আর এত বীর-শোণিতপাত ভারতে আর কেহ কখনও করিয়াছেন কিনা, বলা যায় না। ইনিই নাকি শ্রীবৃন্দাবনে পঞ্চবৎসর বয়ঃকালে বনে বনে বেণু বাজাইতেন, ধেনু চরাইতেন ; আর গোপবধুদিগের হাত-তালিতে অঙ্গভঙ্গী করিয়া নৃত্য করিতেন। যিনি ভারত সমরে রণরঙ্গের রুদ্রতালে লসজুম্বখ বীরচূড়ামণিদিগকে মহাকালের করাল মুখাভিমুখে মহাপ্রস্থানের মহানৃত্য শিক্ষা দিয়াছিলেন, তিনিই একদিন মঞ্জুল বঞ্জুল কানন কুঞ্জে রসময়ী গোপবালাদিগের সহিত রসরহস্যময় রাসনৃত্য শিক্ষা করিয়াছিলেন ! প্রকৃতির পরিশোধটা কি অদ্ভুত, একবার ভাবিয়া দেখুন।

আমরা সান্দীপনি মুনির ধনুর্বিদ্যা-শিক্ষার বিশ্ববিদ্যালয়কে ধনুবাদ দিব কিম্বা যমুনাটন্তু কেলিকুঞ্জসমন্বিত, গোপবালাবিলসিত রাসস্থলীকে ধনুবাদ করিব,—বুঝিতে পারিতেছি না। রণরঙ্গের রুদ্রলীলার তাণ্ডবনৃত্যে যিনি বিশ্ববিজয়ী মহাগুরু, তিনিই রাসলীলার ব্রজবালাদিগকে নৃত্য শিক্ষার গুরুরূপে বরণ করিয়াছিলেন ;—একথা ভাবিতে গিয়া ও মন ভাবনা সাগরের তূফানে পড়ে।

বর্তমান আসামের প্রাচীন নাম প্রাগ্‌জ্যোতিষপুর। সেখানে নরক নামে এক অত্যাচারী রাজা ছিলেন। নরকের যেমন নাম, কাজও তেমনি। ইনি অত্যন্ত অশিষ্ট ও দুর্কৃত ছিলেন। ইনি বহু বহু রাজকুমারীকে কারা-রুদ্ধ করিয়া তাঁহাদের পিতৃবর্গকে সন্তুষ্ট ও অবমানিত করিয়াছিলেন। কিন্তু নরকাসুরের বহু বহু দোষ থাকিলেও, প্রধান প্রধান গুণ এই ছিল যে—তিনি অপরূহ রাজকুমারীগণের প্রতি কখনও পাশব অত্যাচার করেন নাই এবং সেরূপ কুভাবও তাঁহার ছিল না। শ্রীকৃষ্ণ প্রাগ্‌জ্যোতিষপুরে উপস্থিত হইলেন ; নরকাসুরকে নির্মিত্ত করিয়া কন্যাদিগকে মুক্তি দিলেন। তখন সেই কন্যাগণ শ্রীকৃষ্ণের রূপসৌন্দর্য ও স্বভাব সৌন্দর্য

দোণরা তাঁহাকে পতিরূপে প্রার্থনা করিলেন। শ্রীকৃষ্ণ তাঁহাদের প্রার্থনা পূর্ণ করিয়া, তাঁহাদিগকে ধারকায় লইয়া আসিলেন। ইহাদের সংখ্যা ছিল ষোল হাজার। এমন সর্ববিষয়েই পূর্ণতমত্ব আর কোন অবতारेই দৃষ্ট হয় না। ভাগবতে লেখা হইয়াছে—

অন্যশ্চৈববিধা ভাৰ্ঘ্যাঃ কৃষ্ণাসন্ সহস্রশঃ ।

হত্বা তন্নিরোধাদাহুতাশ্চারু দর্শনাঃ ॥ ১০।৫৮।৫৮

আসামের এ ভীষণ যুদ্ধে মুর ও নরকাসুর নিহত হন। অবরুদ্ধা রাজ-কুমারীগণের মোচন,—মুক্তিদাতা শ্রীকৃষ্ণ-নীলার একটা প্রধান ঘটনা। শ্রীকৃষ্ণের রাজনীতিক চরিত্রের প্রধান একটা লক্ষণ এই যে—তিনি ইন্স্পিরিয়াল টিরানিজম্ অর্থাৎ সম্রাট-পদ-সুলভ অত্যাচার একবারেই সহ্য করিতে পারিতেন না। আসামের যুদ্ধে বাস্তবিকই তিনি অমিত সামরিক শক্তির পরিচয় ছিলেন।

শ্রীকৃষ্ণের শিক্ষা সম্বন্ধে শ্রীমদ্ভাগবতে যাহা বর্ণিত হইয়াছে, তাহা এক অদ্ভুত ব্যাপার। রাজনীতির ব্যাপারটা লইয়া জগতে চিরদিনই আন্দোলন আলোচনা চলিতেছে ও চলিবে। কিন্তু মহাভারতে আমরা যে বিশাল বিপুল রাজনীতির পরিচয় পাই, ব্যাস ও ভীষ্ম প্রভৃতি যে নীতির উপদেষ্টা,—এক শ্রীকৃষ্ণে সে সমস্ত নীতিই মূর্তিমতীরূপে বিরাজমান। সামরিক নীতিতে শ্রীকৃষ্ণের বিশাল বুদ্ধি এবং সংগ্রাম শ্রীকৃষ্ণের অসীম শক্তি মহাভারতের সর্বত্রই বর্ণিত হইয়াছে। যিনি বৃন্দাবনের বনে বনে খেচু চরাইতেন ও বেণু বাজাইতেন, তিনিই পাক্‌জগৎ শঙ্খের রবে, কোমোদকী গদার ভীষণ তাড়নায়, শার্ঙ্গধনুর স্তীক শরজালে, সুদীর্ঘ ধুমকেতুবৎ তর-বাল ও খড়্গের এবং অনন্ত শক্তিশালী সুদর্শনের প্রভাবে দেব-নরের ভীষণ-ক্রাস-স্বরূপ দুর্ধ্ব দুর্দান্ত দৈত্যগণকে সমস্ত ও নিহত করিয়া বলবীৰ্য্য ও পরাক্রমের পরাকাষ্ঠা প্রদর্শন করিয়াছিলেন। যে হাতে কল-কোমল-করণ-মাধুরীময় মোহন মুরলী বিরাজিত, সেই হাতে শত্রু-পক্ষ-সম্রা-

সক ও সজ্জাতক সুদর্শন চক্র, শাঙ্কধনু, কোমোদকী গদা ও দৈত্য-হুংকম্প-কারক পাঞ্চজন্ম শব্দ প্রভৃতি ধারণ,—প্রকৃতই অতি অদ্ভুত বিরুদ্ধ শক্তি সমূহের সমাপ্রয়ত্ব ।

এস্থলে তাঁহার করকমলে আর একটা ভূষণের কথা আমাদের মনে পড়ে । যিনি সুকোমল কমল হাতে লইলে ব্রজবালাগণ তাঁহার কর-কমল-স্থিত কোমল-কমলের-ভার-অপনোদনের জন্ত হস্ত প্রসারণ করিতেন, ইন্দ্র-দর্প-হরণার্থ তিনিই আবার বামহস্তের কনিষ্ঠ অঙ্গুলিতে গোবর্দ্ধন গিরি ধারণ করিয়া ইন্দ্রের দর্প বিনাশ ও ভক্ত সংরক্ষণ করিয়াছিলেন ।

দুঃখ ফেননিভ কোমল শয্যায় শয়ান কর, তাহাতে ক্ষতি নাই, কিন্তু প্রয়োজন হইলে স্তম্ভাক্ষ শরশয্যাতেও তোমার সুকোমল দেহ পাতিত করিতে হইবে, বিলাসের কোমল কোলে লালিত পালিত হইয়াও তোমাকে বৈরাগ্যের বিষম ভীষণ কঠোরতা গ্রহণে ব্রতী হইতে হইবে ।

যমুনা-পুলিনে, কুঞ্জকাননে, কদম্ববনে যাঁহার সঙ্গীত-বিচার কোমল তনু মাধুর্য আশ্বাসন করিয়া ব্রজবালাকুল আকুল হইয়াছিলেন, প্রত্যেক সমরক্ষেত্রেই তিনি আবার পাঞ্চজন্মের ভীম-ভৈরবনাদে অমরত্রাস দৈত্য-গণের প্রাণে ভয় ও দেহে কম্প সৃষ্টি করিয়া তুলিতেন । যেখানে যেমন ঠিক সেখানে তেমন !—চরিত্রের এমন পূর্ণাবয়বতা,—পূর্ণতম বিকাশ আর কোথাও দেখা যায় না ! কিরূপে মানব চরিত্র গঠিত করিতে হয়,—কি করিয়া মানব সমাজে প্রকৃত মানব সাজিয়া সংসারের কার্য সম্পন্ন করিতে হয়, শ্রীকৃষ্ণ-চরিতে ও শ্রীকৃষ্ণের শিক্ষায় তাহা উত্তম রূপেই জানা যায় । শ্রীভগবদ্গীতাত্ত সমগ্র উপনিষদের সার । কিন্তু তথাপি আমরা বলিব প্রাচীন বৈদিক উপনিষদে যাহা অব্যক্ত ছিল, অক্ষুট ছিল, ভগবদ্গীতৌপনিষদে তাহা সুস্পষ্ট হইয়াছে । প্রাচীন উপনিষদ পাঠ করিলে মনে এই ধারণা হয় যে, বৈরাগ্য ও জ্ঞানই বৃহি উপনিষৎ শাস্ত্রের প্রধানতম প্রতিপাদ্য । কিন্তু গীতাপাঠে সহজেই প্রতিপন্ন হয়, যে এই ধারণা সর্বদা

সম্পন্ন। নহে। স্বয়ং ভগবান্ শ্রীকৃষ্ণ কৰ্মযোগের উপদেশ দিয়া, উপনিষৎ উপদেশের পূর্ণাঙ্গতা সাধন করিয়াছেন। গীতা শাস্ত্র পাঠ করিলেই আমাদের মনে হয়, কৰ্মময় জীবনই মনুষ্যের প্রকৃত জীবন। উপদেষ্টা শ্রীকৃষ্ণ যেন অঙ্গুলিনির্দেশপূৰ্বক বলিতেছেন—ওহে মানব সম্ভানগণ, কৰ্মেই তোমাদের প্রকৃত অধিকার ; ফলের জন্য দাস্ত হইও না, কৰ্মই তোমাদের প্রকৃত জীবন। জগতে আমার কোনও কাগনা নাই, কোনও প্রাপ্তব্য নাই, তথাপি আমি নিজে অনবরত কৰ্ম করিতেছি ; কৰ্মভিন্ন এক পল সময়ও আমার বৃথা নষ্ট হয় না ; তোমরা কৰ্মক্ষেত্রে আনিয়াছ, অলস হইও না, মূল্যবান্ সময় বৃথাক্ষেপ করিও না ; কৰ্মময় জীবন কৰ্মে অতি-বাহিত কর ; তাহাতেই তোমাদের মুক্তি।

বিংশ অধ্যায়

প্রেম-মাধুর্য্য

শ্রীমদ্ভাগবত শ্রীপাদ সনাতনকে শ্রীকৃষ্ণের ঐশ্বর্য্যের কথা বলিতে বলিতে সহসা শ্রীকৃষ্ণমাধুর্য্যের রসময় ভাব হৃদয়ে অনুভব করিয়া সেই মাধুর্য্যসে নিমজ্জিত হইলেন। তাহার হৃদয়ে শ্রীকৃষ্ণের মাধুর্য্যসিকু উথলিয়া উঠিল। সেই হৃদয়ের ভাবোচ্ছ্বাসে তিনি সনাতনের সমক্ষে শ্রীকৃষ্ণ-মাধুর্য্য বর্ণনা করিতে লাগিলেন। ইতঃপূর্বে তাহার কিঞ্চিৎ আলোচনা করা হইয়াছে। যে সকল গ্রন্থে শ্রীকৃষ্ণ-মাধুর্য্য বর্ণিত হইয়াছে তাহাও কিয়ৎপরিমাণে উল্লিখিত করা হইয়াছে। গম্ভীরায় শ্রীগৌরান্ধ, নীলাচলে ব্রহ্মমাধুরী ও শ্রীকৃষ্ণ-মাধুরী গ্রন্থে এই দীনহীন ভাবরস-সরিদ্র লেখক শ্রীকৃষ্ণ-মাধুর্য্যের ষৎকিঞ্চিৎ বিবরণ ও আশ্বাদন কৃপাময় পাঠকগণের সমক্ষে উপস্থাপিত করিয়াছে।

এগ্রহে সে আলোচনা করিলে কেবল পুনরুক্ত মাত্র হইবে। দয়াময় পাঠক পাঠিকাগণ আবশ্যক মনে করিলে মাধুর্য্য-লীলা সম্বন্ধে মহাজন সুকবি সুপণ্ডিত ও প্রেমিক ভক্তগণের গ্রন্থসমূহ পাঠ করিয়া শ্রীকৃষ্ণের মাধুর্য্য-লীলা আন্বাদন করিতে পারেন।

শ্রীমদ্ভাগবত গ্রন্থখানি অতি প্রগাঢ় পাণ্ডিত্যপূর্ণ। ইহা মহাসমুদ্রের ন্যায় গভীর ও বেদব্যৎ প্রামাণিক গ্রন্থ। ইহা ব্রহ্মসূত্রের ভাষ্য ও বেদার্থ-পূর্ণ সারগর্ভগ্রন্থ। এই গ্রন্থে নানা প্রকারে শ্রীকৃষ্ণ লীলা লিখিত হইয়াছে। ইহার স্থানে স্থানে গ্রন্থকার অতি সংক্ষিপ্ত কথার শ্রীকৃষ্ণ-মাধুর্য্য প্রকটন করিয়াছেন। দশম স্কন্ধে ষড়্‌চত্বারিংশাধ্যায়ে শ্রীকৃষ্ণ গোপীদিগকে স্বীয় বার্তা জানাইবার জন্য স্বীয় প্রিয়সখা বৃষ্ণিবংশের শ্রেষ্ঠ মন্ত্রী বৃহস্পতি-শিষ্য ভক্তপ্রবর উদ্ধবকে যখন প্রেরণ করেন তখন তাঁহাকে যাহা বলিয়া দিয়াছিলেন, তাহাতে শ্রীকৃষ্ণ-চরিত্রের মহামাধুর্য্য অতি সংক্ষিপ্ত ভাষায় অথচ সারগর্ভভাবে প্রকাশিত হইয়াছে। সেস্থলে শ্রীকৃষ্ণ বলেন, উদ্ধব, তুমি ব্রজে যাও, আমার বিরহ-বিধুরা গোপীগণ আমাকে না দেখিয়া মৃতের ন্যায় পড়িয়া রহিয়াছেন। আমার কথা বলিয়া তুমি তাঁহাদিগকে সাহুনা দিও। তাঁহাদের মন-প্রাণ-বুদ্ধি ও আত্মা দিবানিশি আমাতে অর্পিত। আমা ব্যতীত তাঁহারা আর কিছু জানেন না, তাঁহারা তাঁহাদের দেহেন্দ্রিয়-মন-প্রাণ-আত্মা আমাতেই সমর্পণ করিয়াছেন। তাঁহারা আমার জন্য লোকধর্ম, বেদধর্ম ও দেহধর্ম পর্য্যন্ত পরিত্যাগ করিয়াছেন। ব্রজবাসীগণ দিবানিশি কেবল আমাকেই চিন্তা করেন, বিরহের উৎকর্ষায় তাঁহারা বিহ্বল হইয়া পড়িয়াছেন, আমার স্মরণে, আমার ধ্যানে তাঁহারা বিমুক্ত অবস্থায় পড়িয়া রহিয়াছেন এবং আমাকে দেখিবার আশায় অতি ক্রেশে জীবন ধারণ করিতেছেন।”

শ্রীকৃষ্ণের হৃদয় প্রেমরসমাধুর্য্যে কিরূপ উচ্ছ্বিত, তাহার এই কয়েকটি সরস সরল হৃদয়গত ভাবোচ্ছ্বাসের বাক্যেই যথেষ্ট প্রমাণ পাওয়া যায়।

আবার একাদশ স্বন্ধে দ্বাদশ অধ্যায়ে শ্রীকৃষ্ণ আবার উদ্ধবকে বলিয়াছেন—
উদ্ধব, ব্রজবালাদের কথা তোমায় কি বলিব ; শ্রীবৃন্দাবনে তাঁহারা সুদীর্ঘ-
কাল আমার সঙ্গ সুখ লাভ করিয়াও সেই সুদীর্ঘ সময় মুহূর্তের মত মনে
করিতেন । এখন আমাকে হারা হইয়া ঋণাক্ত সময়ও তাঁহাদের নিকট কোটা
কল্পের ঋণ ক্লেশকর হইতেছে । তাঁহারা যখন আমার সঙ্গ লভে করেন,
তখন তাঁহারা নিজের গেহ-দেহ-মণ-প্রাণ-আত্মা সকলই বিস্মৃত হন ।
তটিনীগুণি যেমন সাগরে মিলিয়া নিঃস্রদের নামরূপহারা হয়, ধ্যানমজ্জিত
মুনিগণ যেমন সমাধিতে আত্মহারা হন, গোপীরাও আমাকে পাইলে
আত্ম-স্মৃতি-হারা হইয়া যান—উদ্ধব, ব্রজবালাদের ভাবরস ধ্যান-ধারণা,
মহাযোগীদের ধ্যান-সমাধি হইতেও অধিকতর প্রগাঢ় ।”

এই কথাগুলিতে শ্রীকৃষ্ণের মহাগান্ধার্য্যনয় মাধুর্য্য ভাবের পরিচয়
পাওয়া যায় । শ্রীকামলীলায় তিনি যে মহামাধুর্য্যের নিদর্শন প্রদর্শন
করিয়াছিলেন তাহার তুলনা নাই ;—তাহা প্রকাশের উপযুক্ত ভাষা
নাই, মানুষের ভাষায় বৃষ্টি বা কখনও সে ভাব প্রকাশিত হইবার
নয় । রাসলীলার অবসানে তিনি গোপীপ্রেমের মহামাধুর্য্য স্বায়ত্বপূর্ণ
অনুভব করিয়া বলিয়াছিলেন, আমি তোমাদের প্রেম-ঋণে চিরদিনই
ঋণী রহিলাম । তোমরা ছরক ছুশ্ছেগু গৃহশৃঙ্খল, সমাজ-শৃঙ্খল, লোক ধর্ম ও
বেদধর্ম ত্যাগ করিয়া, আর্ধ্যপথ পরিহার করিয়া আমার প্রতি যেক্রপ আকৃষ্ট
হইয়াছ, আমি কিছুতেই তোমাদের সেই অনবচ্ছিন্ন, অনবদ্য, অব্যভিচারী
প্রেমের প্রতিশোধ দিতে পারিব না । আমি তোমাদের প্রেম-ঋণে ঋণী
হইয়া চিরদিন তোমাদের চরণে বাঁধা রহিলাম । এ ঋণের পরিশোধের
উপায় নাই, তবে তোমাদের ভাবে যদি তোমাদের অনুশীলন করিতে
পারি, দিবানিশি তোমাদের ভাবে বিভোর থাকিয়া, তোমাদের গুণকীর্তন
করিতে করিতে, তোমাদের নাম জপ করিতে করিতে ; তোমাদের রূপ-
ধ্যান করিতে করিতে যদি দিন যামিনী যাপন করিতে পারি, তবে

তাচাই তোমাদের নিকট আমার কৃতজ্ঞতা-প্রকাশ ও আত্মপ্রসাদ-লাভের যৎকিঞ্চিৎ উপায় বলিয়া মনে করিব।”

যিনি রূপসনাতনের উপদেষ্টা, তিনিই গোপী-প্রেম-ঋণ প্রদর্শনের অন্ত কাঞ্চাল বেশে দেশে দেশে শ্রীকৃষ্ণ চৈতন্যরূপে শ্রীরাধার প্রেম-মহিমা কীর্তন করিয়া পুরী ধামের গম্ভীরা মন্দিরে শ্রীবৃন্দাবন-রস-মাধুর্য্য-লীলা ভক্তগণের সমক্ষে প্রকটন করেন এবং সেই তিনিই শ্রীপাদ সনাতনকে বলেন,—

অগ্নিত বাউল এক কহিতে আনু কহি ।

শ্রীকৃষ্ণ মাধুর্য্য-স্রোতে সদা যাই বহি ॥

শ্রীকৃষ্ণ-মাধুর্য্য মহা অমৃতের সিন্ধু ।

তোমা চাখাইতে তাহার কহি এক বিন্দু ॥

শ্রীচরিতামৃতকার যে বাক্যে মধ্যলীলার একবিংশ অধ্যায় শেষ করিয়াছেন, তাহা এই :—

কৃষ্ণের মাধুরী আর মহাপ্রভুর মুখে ।

ইহা যেই শুনে সেই ভাসে প্রেমসুখে ॥

সৌভাগ্যবান্ রসিক ও ভাবুক ভক্তগণ প্রেমরস মাধুর্য্যময়ী শ্রীকৃষ্ণ-লীলা আন্বাদন করিয়া প্রসাদ-উচ্ছিষ্টের যাহা রাখিয়াছেন তাহার এক কণাবিন্দুই আমাদের পক্ষে যথেষ্ট ।

একবিংশ অধ্যায়

শ্রীকৃষ্ণের উপদেশ

এখন শ্রীকৃষ্ণের উপদেশ-তত্ত্ব সম্বন্ধে যৎকিঞ্চিৎ বলা যাইতেছে ।

ঈগতে যত উপদেষ্টার উপদেশের ইতিবৃত্ত আছে, শ্রীকৃষ্ণের উপদেশের স্থায় এমন বহুবিষয়ক, সারগর্ভ, চূড়ান্ত, তথ্য-নির্ভারক উপদেশ আর

দেখিতে পাওয়া যায় না। বৃদ্ধদেবের উপদেশ যদিও পৃথিবীর অনেক লোক গ্রহণ করিয়াছেন, কিন্তু জনসাধারণের আদর কোন বিষয়ের সার-গর্ভের পরিচায়ক নহে। জনসাধারণ সত্য অপেক্ষা মিথ্যার অধিক প্রশংসা দেয়—ধর্ম ও পুণ্যজনক কাথ্যাপেক্ষা অধর্মের পথেই অধিক গময়ে চলে, সারের অপেক্ষা অসারের আদর করে—সুতরাং অধিক লোক বৃদ্ধধর্মাবলম্বী বলিয়াই বৃদ্ধের উপদেশ শ্রেষ্ঠ বলা যায় না।

অপিচ বৃদ্ধদেবের উপদেশের মূলে কেবল বৈরাগ্য। গার্হস্থ্য ভাবাবলম্বীদের নিত্য জীবনের সহিত উহার কোনও স্পর্শ নাই। কেবল বৃদ্ধ-নাতির অনুসরণ করিলে ধর্মের তথ্য-তত্ত্বও জানা যায় না। বৃদ্ধের উপদেশে ঈশ্বরের কোন কথা নাই। বলা বাহুল্য, যে ধর্ম ঈশ্বর-তত্ত্বের সন্ধান রাখেনা, তাহা অদার্শনিক ও অবৈজ্ঞানিক। বিজ্ঞান এখন ক্রমশঃই ঈশ্বরশক্তি-স্বীকার করার পথে আসিতেছেন; নচেৎ অনেক ঘটনার ব্যাখ্যা কেবল জড়ীয় বিজ্ঞানের পক্ষে অসম্ভব।

বৃদ্ধদেবের উপদেশ জীবদিগের ভগবত্তত্ত্ব জ্ঞানের বিরোধী—উহাতে কয়েকটা নীতিকথা আছে বটে কিন্তু সে নীতি শ্রীকৃষ্ণের শ্রীমুখের প্রত্যেক উক্তিতেই পূর্ণমাত্রায় পরিলক্ষিত হয়। বৃদ্ধের উপদেশ বেদবিধি-বিবর্জিত সুতরাং অবৈদিক, অদার্শনিক ও অবৈজ্ঞানিক। অদার্শনিক ও অবৈদিক বলি কেন,—যে উপদেশে ভগবৎশক্তির দর্শন নাই, ভগবৎশক্তির অস্তিত্ব স্বীকৃত হয় না, তাহা প্রকৃত পক্ষে দার্শনিক নহে, বৈজ্ঞানিক নহে, কেন না উহা স্বরূপতত্ত্ব-বিবর্জিত। এই সকল হেতুতে উহা হিন্দুর অগ্রাহ্য এবং পরমতত্ত্ব-অনুসন্ধানপরায়ণ ব্যক্তিগণেরও অননুমোদিত।

পক্ষান্তরে শ্রীকৃষ্ণের উপদেশ জগতের প্রত্যেক খণ্ডের প্রত্যেক ভক্ত-সমাজের উচ্চচিন্তাশীল মনুষ্য মাত্রেই উপযোগী, আবার সমাজের নিম্ন-স্তরের লোকদের পক্ষেও তাঁহার উপদেশ গ্রহণযোগ্য। মানব সমাজের এমন কোন স্তর নাই, যে স্তরের জন্ত দয়াময় পূর্ণতম স্বয়ং ভগবান্ শ্রীকৃষ্ণ

কোন-না-কোন উপদেশ প্রদান করেন নাই। সমাজের নিয়ন্ত্রণের অজ্ঞান অশিক্ষিত লোকেরা কি প্রকারে সমাজনীতি ও ধর্মনীতি দ্বারা তাহাদের সমাজ ও ব্যক্তিগত ধর্মজীবন পরিচালিত করিবে, শ্রীকৃষ্ণের উপদেশে তাহার যেমন পরিস্ফুট বিবরণ দেখিতে পাওয়া যায়, আবার ধ্যানমগ্ন ব্রহ্মধিগণের বিশাল বিপুল ধ্যান-রাজ্যের পূজ্যতম বস্তুর সূক্ষ্মতম তত্ত্বও তাঁহার উপদেশের বিষয়াভূত হইয়া রহিয়াছে। ব্রাহ্মণ কিরূপে ব্রহ্মচিন্তা করিবেন, ক্ষত্রিয় কি প্রকারে রাজ্যশাসন ও প্রজার সুখসাধন, সুবিচার স্থাপন ও যুদ্ধবিগ্রহ করিবেন, বৈশ্য কিরূপে কৃষি গোরক্ষা বাণিজ্যাদি দ্বারা ধন সঞ্চয় করিবেন, শূদ্রই বা কিপ্রকারে সেবা দ্বারা সমাজের ও বর্ণাশ্রম ধর্মের হিত সাধন করিবেন—এ সকল তথ্য শ্রীকৃষ্ণের উপদেশে সর্বত্রই পরিস্ফুট। সাধারণ নীতি, সমাজ-নীতি, রাজনীতি সমর-নীতি, গার্হস্থ্য-নীতি, ধর্মনীতি ব্রহ্মতত্ত্ব প্রভৃতি অনন্ত বিষয়ের তথ্য একদিকে যেমন শ্রীকৃষ্ণের নর-লীলার দৈনন্দিন কার্যাবলীতে পরিস্ফুট হইয়াছে, তেমনি তাঁহার উপদেশেও অতিব্যক্ত হইয়াছে। এমন সর্বাস্তসুন্দর—এমন পূর্ণমাত্রায় পূর্ণ—এমন অনন্ত অধিকারি-ভেদে উপদেশের অনন্ততা আর কোথাও দৃষ্ট হয় না। আমরা তাহার সহস্র সহস্র উপদেশের কয়েকটা প্রধান বিষয়ের অতি সংক্ষেপে আলোচনা করিতেছি। মহাভারত শ্রীমদ্ভাগবত ও অন্যান্য পুরাণাদিতে কোথাও বা গীতা, উদ্বগীতা, অনুগীতা প্রভৃতির আকারে কোথায়ও বিকীর্ণভাবে শ্রীকৃষ্ণের অনন্ত উপদেশসূচক বচনাবলী পরিলক্ষিত হয়। তাই এস্থলে তাহার কতকগুলি প্রসিদ্ধ উপদেশই আমাদের উল্লেখ্য এবং সংক্ষিপ্ত ভাবে আলোচ্য।

মহাভারতে কর্ণপর্বের ৬৯ অধ্যায়ে অর্জুনের প্রতি শ্রীকৃষ্ণ ধর্মতত্ত্ব সম্বন্ধে যে সূক্ষ্ম উপদেশ প্রদান করিয়াছিলেন, প্রথমতঃ আমাদের তাহাই আলোচ্য। উপদেশের হেতু এইরূপ :—অর্জুন প্রতিজ্ঞা করিয়াছিলেন, যে ব্যক্তি তাঁহাকে গাণ্ডীব পরিত্যাগ করিতে বলিবেন, তিনি তাহাকে

নিহত করিবেন। ইহাট অর্জুনের উপাংশু ব্রত। কিন্তু এমনই দৈব বিড়ম্বনা—কর্ণের সমরপ্রতাপে অধীর হইয়া এবং অর্জুন কর্তৃক কর্ণ অচিরে নিহত হইতেছেন না দেখিয়া স্বয়ং যুধিষ্ঠির অর্জুনের প্রতি রুষ্ট হইলেন, তাঁহাকে উৎসাহিত করার জন্য ভৎসনা করিয়া বলিলেন :—

ধনুশ্চৈতৎ কেশবার প্রদায় যন্তাভবিষাস্তং রণে চোদুহুরাঅনু
ততোহহনিষাৎ কেশবঃ কর্ণমুগ্রং নকৎপতিবৃত্রামবাস্তবভ্রুঃ ॥২৩
রাধেয়মেবং যদি নাগশক্ৰ শচরসুমুগ্রং প্রতিবাধনায় ।
দেহনুশ্চৈ গাণ্ডীবমেতদনু ব্রভো যোহস্মেষভ্যাধিকো নরেন্দ্রঃ ॥২৭

কর্ণপর্ব—৬৮ অঃ

অর্থাৎ রে দুরাঅনু, “তুই যদি কেশবকে এই শরাশন প্রদান করিয়া উঁহার সারণী-হইসিস, তাহা হইলে দেবরাজ যেমন বজ্রধারণ পূর্বক প্রচণ্ড বৃত্রাসুরকে নিপতিত করিয়াছিলেন, সেইরূপ কেশব উগ্রস্বভাব কর্ণকে নিঃসন্দেহে বিনষ্ট করিতেন। রে পাণ্ডুতনয়, তুই যদি এই উগ্রকর্ণকে অণু প্রতিবারিত করিতে অসমর্থ হইলি; তবে হোর অপেক্ষা যে নরেন্দ্র অস্ত্রবিষয়ে সমধিক পারদর্শী, তাঁহাকে এখনই এই গাণ্ডীব প্রদান কর।”

এই বাক্যে সত্যসঙ্কল্প অর্জুন পদদলিত ফণীর দ্বারা গজ্জিয়া উঠিয়া খড়্গ সমুত্তোলন পূর্বক যুধিষ্ঠিরের শিরশ্ছেদন করিতে উত্তত হইলেন। সৌভাগ্যক্রমে শ্রীকৃষ্ণ সেখানে উপস্থিত ছিলেন। তিনি অর্জুনকে বাধা দিয়া বলিলেন, “অর্জুন, ধর্ম্মাধর্ম্ম ও কর্তব্যাকর্তব্যের বিচার না করিয়া যাহারা কার্য্য করে, তাহারা অধম। কর্তব্যাকর্তব্য অবধারণ বড় সহজ কথা নহে।

অকার্যাণাং ক্রিয়াণাঞ্চ সংযোগং যঃ করোতি বৈ ।

কার্যাণামক্রিয়াণাঞ্চ স পার্থ ! পুরুষাধমঃ ॥

বুদ্ধগণের উপদেশ ও শাস্ত্রদর্শন,—এই উত্তর দ্বারা কার্য্যাকার্য্যের বিচার জানা যায়, পার্থ তোমার কার্য্য দেখিয়া বোধ হয়, তুমি তাহা কর নাই।

এস্থলে শ্রীকৃষ্ণের আর একটা উপদেশ—অহিংসা। বরং মিথ্যা বলা ভাল, তথাপি প্রাণিহিংসা করা ভাল নয়। শ্রীকৃষ্ণ বলেন :—

প্রাণিনামবধস্তাত ! সৰ্বজ্যান্নাতো মম ।

অনৃতং বা বদেদ্বাচং নতু হিংস্রাং কথঞ্চন ॥

শ্রীকৃষ্ণের সমরনীতির উপদেশ কত উচ্চ ও মহান্, নিম্নলিখিত শ্লোক-টিতে তাহা প্রকাশ পাঠিতেছে :—

অযুধ্যমানস্য বধস্তথা শত্রোশ্চ ভারত ।

পরাশ্রুতস্য দ্রবতঃ শরণঞ্চাভিগচ্ছতঃ ॥

কৃতাজ্জলেঃ প্রপন্নস্য প্রমত্তস্য তপেব চ ।

ন বধঃ পূজ্যতে সদ্ভিস্তুচ সৰ্বঃ গুরৌতব ॥

হে ভারত, যুদ্ধে অপ্রবৃত্ত, পরাশ্রুত, পলায়নপরায়ণ, শরণাপন্ন, ৬-৭-জলি, বিপদগ্রস্ত ও প্রমাদবৃত্ত শত্রুকেও বধ করিতে নাট।

শ্রীকৃষ্ণ অর্জুনকে আরও বলিলেন, পার্থ, ধর্মের গতি অতি সূক্ষ্ম। কোন্ কার্যে ধর্ম হয়, কোন্ কার্যে ধর্মের ক্ষয়, তাহা বিচার করা সহজ নহে। সত্য অপেক্ষা সংধর্ম আর কিছুই নাট, ইহা অপেক্ষা শ্রেষ্ঠও কিছুই নাট, তাহা আমি জানি, কিন্তু সত্যের যথার্থ ধর্মসাধক অল্পতান-বিচার সহজ নহে।

সত্যস্য বচনং সাধু ন সত্যাদ্ভিযুতে পরম্ ।

তন্মেনৈব সুদুর্জয়ং পশ্য সত্যমলুপ্তিতম্ ॥

সকল সময়েই সত্য ধর্মের সাধক হয় না, স্থল বিশেষে সত্য ধর্মের বিঘাতই হয়—ধর্মের দিকে লক্ষ্য রাখিয়া এই সকল বিচার করিয়া সত্যের অল্পতান করিতে হয়।

যে স্থলে মিথ্যাই সত্যের স্তায় ধর্মের সাধক এবং সত্য মিথ্যার স্তায় ধর্মের ঘাতক, সে স্থলে সত্য বক্তব্য না হইয়া মিথ্যাই বক্তব্য। প্রাণবিনাশ-বিবাহে, রত্নসংগ্রহে, সর্বস্বনাশহরণে এবং ব্রাহ্মণের নিমিত্ত মিথ্যা

বক্তব্য। এই পঞ্চবিধ মিথ্যাকে পণ্ডিতেরা পাতকশূন্য বলিয়াছেন। যে নিরবচ্ছিন্ন সত্য-অনুষ্ঠানে কৃত সঙ্কল্প, সে অনভিজ্ঞ ব্যক্তি কেবল সত্য-কেই ধর্মের সাধক বলিয়া মনে করে। ফলতঃ ধর্মজ্ঞানী হওয়া সহজ নয়। সত্য ও মিথ্যার স্বরূপ চরমার্থরূপে অবধারণ-অস্ত্রে লোক ধর্মজ্ঞ হয়।

ভবেৎ সত্যমবক্তব্যং বক্তব্যমনৃতং ভবেৎ ।

যত্রানৃতং ভবেৎ সত্যং সত্যঞ্চাপ্যানৃতং ভবেৎ ॥

প্রাণাত্যয়ে বিবাহে চ বক্তব্যমনৃতং ভবেৎ ।

সর্বস্বস্থাপহারে চ বক্তব্যমনৃতং ভবেৎ ॥

বিবাহকালে রতি-সংপ্রয়োগে

প্রাণাত্যয়ে সর্বস্বনাপহারে ।

বিপ্রশ্চ চার্থে হনৃতং বদেত

পঞ্চানৃতান্‌গ্রহণপাতকানি ॥

তত্রানৃতং ভবেৎ সত্যং সত্যঞ্চাপ্যানৃতং ভবেৎ ।

তাদৃশ্যং পশুতে বা নো যশ্চ সত্যমশুচিতম্ ।

সত্যানৃতে বিনিশ্চিত্য ততো ভবতি ধর্মবিৎ ॥

বরং মৌনী থাকিবে, তথাপি অধর্মজনক স্থলে সত্য বলিবে না ; ইহাও কৃষ্ণের উপদেশ। দানধর্ম হইলেও অসৎ ব্যক্তিকে দান করিলে, তাহা ধর্মজনক না হইয়া পাপজনক হয় ; সত্য সম্বন্ধেও সেইরূপ। শ্রীকৃষ্ণ তাঁহার এই সকল উক্তি উদাহরণ দ্বারা অর্জুনকে বুঝাইয়া দিয়াছিলেন। সাধারণ উপদেশের উপর এই বিশেষ বিধি সূক্ষ্মদর্শী ধর্মতত্ত্বজ্ঞের বাস্তবিকই বিচার্য বিষয়। সেরূপ বিচার না করিয়া ঠাঁহারা কেবল সত্যরক্ষার প্রয়াস পান, তাঁহাদের সেই প্রয়াসে অনেক সময়েই যুধিষ্ঠিরের প্রাণনাশের অন্ত সত্য সঙ্কল্প অর্জুনের উত্তোগের স্মার অধর্মজনক কার্য হইয়া পড়ে।

শ্রীকৃষ্ণ এস্থলে প্রাণি-সংহারের প্রতিকূলেই উপদেশ দিয়া ধর্মলক্ষণ করি-
য়াছেন। তিনি আরও বলিয়াছেন :—

প্রবচনার্য ভূতানাং ধর্মপ্রবচনং কৃতম্ ।

যৎ স্মাদ হিংসাসংযুক্তং স ধর্ম ইতি নিশ্চয়ঃ ॥

ধারণাদধর্মমিত্যাঃ ধর্মো ধারয়তে প্রজাঃ ।

যৎ স্মাৎ ধারণ-সংযুক্তং স ধর্ম ইতি নিশ্চয়ঃ ॥

যাহা অহিংসা-সংযুক্ত, তাহাই ধর্ম । ধর্ম, প্রজা সকলকে ধারণ করে, ধারণপ্রযুক্তই পণ্ডিতেরা ধর্মকে 'ধর্ম' আখ্যা প্রদান করিয়াছেন সুতরাং, যাহা ধারণ-সংযুক্ত তাহাই ধর্ম । লোক-হিতৈষণা যে ধর্মের প্রধান অঙ্গ— ইহা দ্বারা সেই তথ্য পরিস্ফুট হইয়াছে ।

শ্রীকৃষ্ণের এইরূপ ধর্মোপদেশে অর্জুন বৃষ্ণিতে পারিলেন যে, তাঁহার প্রতিজ্ঞাপালন বাস্তবিকই ধর্মের প্রতিকূল । তিনি তখন কাতরভাবে বলিলেন, কৃষীকেশ, যাহাতে আমার প্রতিজ্ঞার মর্যাদা রক্ষা পায় 'অথ'চ অগ্রজের বিনাশ না ঘটে, তাহাই উপদেশ করুন ।

শ্রীকৃষ্ণ বলিলেন, সে উপায় আছে, উহা অতি সহজ—মানীর অপ-মাম শিরশ্ছেদন তুল্য ! তুমি যুধিষ্ঠিরকে অপমান-সূচক কথা বল । মানী ব্যক্তিকে 'তুমি' বলিলেই বধের গায় হইয়া থাকে । তাহা হইলেই তাহার মৃত্যু তুল্য হইবে ।

অর্জুন তাহাই স্থির করিলেন, তিনি যুধিষ্ঠিরকে অপমানসূচক অনেক কটু বাক্য বলিলেন । এইরূপ অপমান বাক্য বলার পরে অর্জুনের হৃদয় সহসা বিচলিত হইল । তিনি মনে করিলেন, অগ্রজকে অপমান করিয়া তিনি জঘন্য পাপ করিয়াছেন । তখন আবার কোষ হইতে শাণিত তরবার নিষ্কাশিত করিলেন । অর্জুনের ভাব দেখিয়া শ্রীকৃষ্ণ বলিলেন, পার্থ তুমি আবার একি করিতে তরবারি উন্মোচন করিয়াছ ?

অর্জুন বলিলেন, আমি গুরুতুল্য অগ্রজকে কটুবাক্য দ্বারা অপমানিত করিয়া অপরাধী হইয়াছি, আমার এ পাপ জীবন বিনষ্ট করিব । শ্রীকৃষ্ণ

বলিলেন, যুধিষ্ঠিরকে নিহত করিলে তোমার যেরূপ নরক ভোগ হইত, আত্মহত্যা করিলেও তোমাকে সেইরূপ নরকভোগ করিতে হইবে। তুমি মানীর অপমান করিয়াছ, এজন্ত আত্মহত্যা করিতে চাও! আত্মহত্যার আর একটি সহজ উপায় আছে—তুমি ইহার সমক্ষে আত্মগ্লাধা কর। নিজের মূখে নিজের শ্লাঘা করাই আত্মহত্যার সমান”। পরম ধর্মজ্ঞ শ্রীকৃষ্ণের আদেশে অর্জুন তাহাই করিয়া শান্তিলাভ করিলেন। ফলতঃ শ্রীকৃষ্ণের এইরূপ বহুল সূক্ষ্ম ধর্মতত্ত্ব মহাভারতের স্থানে স্থানে বর্ণিত হইয়াছে।

মহাভারতের ভাষ্যোক্ত রাজধর্ম, ও আপদধর্ম অনন্ত উপদেশে পরিপূর্ণ। এই সকল উপদেশ যদিও ভীষ্ম দ্বারা উক্ত হইয়াছে, কিন্তু মহাভারত পাঠে জানা যায় যে, শ্রীকৃষ্ণই ভীষ্মের হৃদয়ে শক্তিসঞ্চার করিয়া ভীষ্ম দ্বারা যুধিষ্ঠিরকে এই সকল উপদেশ প্রদান করিয়াছিলেন।

ভীষ্ম স্বয়ং ভগবান্ শ্রীকৃষ্ণের স্বরূপ-তত্ত্ব-বিষয়ে সম্পূর্ণ অভিজ্ঞ ছিলেন। শাস্তিপর্বের ৫১ অধ্যায়ে ভীষ্মদেব অতি অল্প কথায় শ্রীকৃষ্ণের স্তুব করেন। এই স্তবটাতে শ্রীকৃষ্ণের পরমতত্ত্বের উল্লেখ আছে। শ্রীকৃষ্ণ ভীষ্মদেবকে তাঁহার দিব্যমূর্তি দেখাইয়াছিলেন। শ্রীকৃষ্ণ অনন্ত জ্ঞানী ভীষ্মদেবকে যুধিষ্ঠিরের প্রতি বিবিধ উপদেশ করার আজ্ঞা করিলেন। ভীষ্মদেব বলিলেন,—ভগবন্, আপনার সমক্ষে আমি আর কি বলিব :—

কিং চাহমভিধাম্মি বাক্যং তে তব সন্নিধৌ ।
 বদা বাচো গতং সর্কং তব বাচি সমাহিতম্ ॥
 যচ্চ কিঞ্চিৎ কচিল্লোক-কর্তব্যং ক্রিয়তে চ যৎ ।
 তত্তত্ত্বনিঃসৃতং দেব লোকে বুদ্ধিমতো হি তে ॥
 কথয়েদেবলোকং যো দেবরাজ-সমীপতঃ ।
 ধর্মার্থকামমোক্ষাণাং সৌহর্থং ক্রমাৎ তবাশ্রিতঃ ॥

যখন বাক্য সকলের যাহা কিছু বক্তব্য বিষয় আছে, তৎ সমস্তই তদুক্ত বাক্য ; তখন আমি আর তোমার সাক্ষাতে কি কথার উপদেশ করিতে সমর্থ হইব। ইহ লোকের ও পরলোকের হিত কামনায় বুদ্ধিমান লোকে যাহা কিছু করিয়া থাকে এবং এই সংসারে যাহা কিছু কর্তব্য আছে, তৎ-সমস্তই তোমা হইতে বিনিঃসৃত হইয়াছে। অতএব যে ব্যক্তি দেবরাজ ইন্দের সমীপে দেবলোকের বৃত্তান্ত বলিতে সমর্থ, সেই ব্যক্তিই তোমার সমীপে ধর্ম অর্থ কাম ও মোক্ষের তত্ত্ব বলিতে সমর্থ হইবে।

এই বলিয়া ভীষ্ম তাঁহার শরব্যথা, দেহাবসন্নতা, বুদ্ধির অক্ষুণ্ণতা, বাক্যোচ্চারণের অসমর্থতা, চিত্তভ্রম প্রভৃতির কথা জানাইয়া বলিলেন :—আমি কিছুই বলিতে পারিব না। বিশেষতঃ তোমার নিকট কথা বলিতে বৃহস্পতিও অবসন্ন হইলেন। আমি চিত্তভ্রান্ত হইয়াছি, কেবল তোমার তেজে জীবন ধারণ করিতেছি। অতএব যাহাতে যুধিষ্ঠিরের হিত হয়, তুমিই তাহার উপদেশ কর। হে কৃষ্ণ, তুমি আগম সকলের আগম, সর্বলোকের কর্তা, নিত্যপুরুষ, তুমি নিকটে থাকিতে মাদৃশ ব্যক্তি কিরূপে ধর্মবক্ত হইবে ? গুরুর বিদ্যমানতার শিষ্য কি ধর্মোপদেষ্টা হইতে পারে ?

শ্রীকৃষ্ণ তখন শক্তি সঞ্চারণ করিয়া বলিলেন, “তোমার শারীরিক গ্নানি দূর হইবে, ক্ষুৎপিপাসা আসিবে না, তোমার জ্ঞান সম্যক প্রতিভাত হইবে। তুমি যে ধর্ম বা অর্থের বিষয় চিন্তা করিবে, সেই বিষয়েই তোমার বুদ্ধি বিশিষ্টরূপে প্রবিষ্ট হইবে। তুমি দিব্যচক্ষু দ্বারা সকল তত্ত্বই পরিষ্কৃটরূপে দেখিতে পাঠিবে।”

সুতরাং ভীষ্মদেব যুধিষ্ঠিরকে রাজনীতি, সমাজনীতি, ধর্মনীতি ও মোক্ষধর্ম প্রভৃতি সম্বন্ধে যে সকল উপদেশ দান করিয়াছিলেন, যে সকল উপদেশে মহাত্মারতের মহান্ গৌরব প্রবন্ধিত হইয়াছে, সেই সকল উপদেশ শ্রীকৃষ্ণেরই উপদেশ বলিয়া বলা হইবে।

শ্রীকৃষ্ণ যেরূপ অনন্ত বিষয় উপদেশ করিয়াছেন, এদেশের বা বিদেশের

অপর কোনও অবতার বা ধর্ম প্রচারক এত বহুল বিষয়ে উপদেশ প্রদান করেন নাই। যুদ্ধের উপদেশ কেবলই বৈরাগ্যসূচক, তাঁহার জীবনও তদ্রূপ। তাঁহার নিকট যদি সমাজ ধর্ম ও রাজধর্মের উপদেশের প্রার্থনা করা হইত, তিনি সে সকল উপদেশ দিতে পারিতেন না, তাঁহাকে যদি রাজ্যশাসনের ভার দেওয়া হইত, তিনি তাহা পারিতেন না, যদি যুদ্ধ করার জন্য তাঁহাকে রণস্থলে যাইতে অনুরোধ করা হইত, তিনি রক্ত-পাতের প্রতি ভয়ানক বিদ্রোহ দেখাইয়া বৈরাগ্যের উপদেশ দিতেন কিন্তু সর্ববিষয়ে পূর্ণতম শ্রীকৃষ্ণে কোনও বিষয়ের অভাব নাই ; কার্যে ও উপদেশে তিনি একবারেই পূর্ণতম।

কিন্তু শ্রীকৃষ্ণের উপদেশ-গ্রন্থ ভগবদ্গীতা ও উদ্ধবগীতা জগতে সর্ব-প্রসিদ্ধ ও সর্বাসুন্দর সর্বশ্রেষ্ঠ উপদেশ বলিয়া গণ্য। আমরা শ্রীকৃষ্ণের উক্ত 'কৃষ্ণধর্ম সংবাদ' কামগীতা ও অমুর্গীতারূপ উপদেশের সংক্ষিপ্ত আলোচনায় প্রবৃত্ত হইব।

কৃষ্ণ-যুধিষ্ঠির সংবাদ।

শ্রীকৃষ্ণ কুরুক্ষেত্র যুদ্ধের প্রারম্ভে ভাবিশোকে আকুল অর্জুনকে সাহসনা করিতে প্রবৃত্ত হইয়া জগৎ প্রসিদ্ধ যে ভুবন পাবন উপদেশ দিয়াছিলেন, তাহা ভগবদ্গীতা নামে এবং শ্রীভাগবতে উদ্ধবকে যে উপদেশ দিয়াছিলেন, তাহা উদ্ধবগীতা নামে প্রসিদ্ধ। সেই দুই উপদেশের তুলনা নাই। শ্রীকৃষ্ণ সর্ববিষয়েই পাণ্ডবগণের পরিচালক ছিলেন। পাণ্ডবগণের বৈষমিক অভ্যুদয়ের জন্যও শ্রীকৃষ্ণের উত্তেজনা ও উপদেশ মহাভারতে অনেক স্থান অধিকার করিয়া রাখিয়াছে। পাণ্ডবগণের শোক-শাস্তির নিমিত্ত, তাঁহাদের আধ্যাত্মিক দৃষ্টি-উন্নয়নের জন্যও স্বয়ং ভগবান্ শ্রীকৃষ্ণের উপদেশ মহাভারতে যথেষ্ট দেখিতে পাওয়া যায়।

যুধিষ্ঠির যখন অহংবুদ্ধিতে শোকসন্তপ্ত হইয়া নিজকে মহাপরাধী বলিয়া মনে করিতে লাগিলেন, তাঁহার জীবন-ধারণ যখন দুর্ধিসহ হইল, তখন

শ্রীকৃষ্ণ তাঁহাকে সংক্ষিপ্ত ভাবে যে ধর্মোপদেশ দিয়াছিলেন উহা মহাভারতের অশ্বমেধ পর্বের একাদশ, দ্বাদশ ও ত্রয়োদশ অধ্যায়ে কৃষ্ণধর্ম সংবাদ নামে প্রসিদ্ধ। এই উপদেশগুলি ভীষ্ম পর্বের কৃষ্ণার্জুন সংবাদের স্তায় গভীর জ্ঞানমূলক। ইহার মধ্যে কয়েকটি শ্লোক আছে, তাহা কামগীতা নামে প্রসিদ্ধ।

যুধিষ্ঠিরের মনে যে শোক হইয়াছিল, তাহার কারণ এই যে তাঁহারই নিমিত্ত এই মহাবিনাশজনক সংগ্রাম ব্যাপার সংঘটিত হইয়াছে, মনে করিলেন তিনিই এই সকল দুর্ঘটনার মূল। শ্রীকৃষ্ণ তাঁহাকে বুঝাইয়া দিলেন, তাঁহার এই অহংজ্ঞান একবারেই অমূলক ও ভ্রান্তিপূর্ণ।

সর্বং জিহ্বং মৃত্যুপদমার্জ্জবং ব্রহ্মণঃ পদম্ ।

এতবান্ জ্ঞানবিষয়ঃ কিং প্রলাপং করিষ্যতি ॥

সর্বপ্রকার কাম কুটিলতাই মৃত্যুর আম্পদ এবং শমদমাদিরূপ সরলতাই ব্রহ্মপদ ইহাই জ্ঞানের বিষয়, ইহা জানিলে প্রলাপ আর কি করিতে পারে? মহারাজ, এখনও আপনার কর্ম নিঃশেষিত ও শত্রুগণ পরাজিত হয় নাই, কেন-না আপনার শরীরে যে আত্মার শত্রু আছে, আপনি তাহা এখনও জানিতে পারেন নাই।

এই কথা বলিয়া ভগবান্ বাসুদেব ইন্দ্র ও বৃত্রের প্রাচীন গাথা বলিলেন,—মায়াবী বৃত্র, ইন্দ্রবল্লে আহত হইয়া পর্যায়ক্রমে পঞ্চভূতের আশ্রয় লইয়া উহাদের গুণ অপহরণ করিয়াছিল, অবশেষে ইন্দ্র যখন বহু দ্বারা উহাকে আহত করিয়া আকাশ হইতে উৎসাদিত করিলেন, বৃত্র তখন ইন্দ্রের দেহে লুকাইয়া তাঁহাকে মোহাচ্ছন্ন করিয়া ফেলিল। তখন বশিষ্ঠের প্রবোধে ইন্দ্রের মোহ নষ্ট হইল। পরে তিনি বৃত্রকে নিহত করেন।

এই উপাখ্যান শেষ করিয়া বাসুদেব প্রকৃত প্রস্তাবের অবতারণা করিয়া বলিলেন :—আপনার শরীর ও মানস দুই প্রকার ব্যাধি আছে। দুঃখ-মায় এক প্রকার মানস ব্যাধি। পূর্ব দুঃখ স্মরণ করিয়া আপনি

ব্যথিত হইবেন না। একাকী মনের সহিত যে যুদ্ধ করিতে হয়, সম্প্রতি আপনার সেই যুদ্ধকাল উপস্থিত হইয়াছে। এযুদ্ধে শত্রু, ভৃত্য বা অপরাধী কোন সহায়ের প্রয়োজন নাই। আপনার মনের উপর কর্তৃত্ব স্থাপন না করিতে পারিলে আপনাকে অধিক দুঃখভোগ করিতে হইবে। বহিঃশত্রু অপেক্ষা অন্তঃশত্রুই যে মানুষের অতি ভীষণ শত্রু, শ্রীকৃষ্ণ যুধিষ্ঠিরকে এবার এই নিগূঢ়তত্ত্ব শুনাইয়া বলিলেন :—

“মহারাজ, রাজ-দ্রব্য রাজ্যাদি পরিত্যাগ করিলেই মোক্ষ হয় না ; শারীরদ্রব্য কামাদি ত্যাগ করিলেই মোক্ষলাভ হয়। এদিকে বিষয়াদি ত্যাগ করিয়া বাহ্য-বৈরাগ্য অবলম্বন, আর অপরদিকে কামাদিতে চিন্তাবৃত্তি আসক্ত রাখা—এমন বৈরাগ্য আপনার শত্রুদিগের হউক। আপনাকে নিষ্কাম হইয়া ত্যাগে ও ধর্মে রাজ্যশাসন করিতে হইবে।

বাহ্যদ্রব্যবিযুক্তশ্চ শরীরেষু চ স্পৃহ্যতঃ ।

ঘো ধর্মো যৎ সুখং চৈব দ্বিষতামস্তু তৎ তথা ॥

শ্রীভগবান্ শ্রীগৌরাঙ্গলীলাতেও শ্রীমৎ রঘুনাথ দাসকে এই উপদেশ দিয়াছিলেন ; যথা ;—

হির হরে ঘরে রহ, না হও বাতুল ।

ক্রমে ক্রমে পায় লোক ভবসিন্দুকুল ॥

না কর মকট-বৈরাগ্য লোক দেখাইয়া ।

যথাযোগ্য বিষয় ভুঞ্জ অনাসক্ত হঞা ॥

অনুরেতে নিষ্ঠা কর, বাহ্যে-লোকাচার ।

অচিরতে কৃষ্ণ তোমার করিবেন উদ্ধার ॥

বাসুদেব যুধিষ্ঠিরকে তত্ত্বকথা শুনাইয়া বলিতেছেন, মহারাজ, অহং-জানই মৃত্যু—আমার আমার মনে করাই বন্ধন ও মৃত্যুর হেতু। আর যিনি এই অহংতা ত্যাগ করিতে পারেন, তিনিই ব্রহ্মপদ প্রাপ্ত হন। পুত্রাং ভোগ বা ভোগ্য ত্যাগে কিছুই নাই, মন অন্ন করাই প্রকৃত অন্ন।

লক্ষা হি পৃথিবীং কুৎসাং স তু স্থাবর জন্মং ।

মমত্বং যশ্চ নৈব শ্চাৎ কিংতয়া স করিষ্যতি ॥

মহারাজ, যদি কেহ স্থাবর জন্মসহ সমুদয় পৃথিবী লাভ করিয়া তাহাতে মমতা না করেন, তাহা হইলে পার্থিব ঝগাটে কি করিতে পারে ? আবার বনে বাস করিয়া এবং বন্য-ফলমূলে জীবন ধারণ করিয়াও যদি সেই সকল দ্রব্যে মমতা জন্মে, তবে তাদৃশ অরণ্যবাসও মোক্ষের সাধক হইতে পারে না :—

অথবা বসতঃ পার্থ বনে বন্যেন জীবিতঃ ।

মমতা যশ্চ দ্রব্যেষু মৃত্যোরাস্তে স বর্ততে ॥

কামনা মন হইতে উৎপন্ন, উহা সকল প্রকার প্রবৃত্তির মূল কারণ । যে সকল মহাত্মা বহুজন্মের অভ্যাস বশতঃ কামনাকে অধর্ম্য বালিয়া জানিয়া ফললাভ-বাসনা-বিবর্জিত হইয়া দান, বেদাধ্যয়ন, তপস্যা, ব্রত, যজ্ঞ, বিবিধ নিয়ম, ধ্যান এবং যোগ আশ্রয় করেন, তাদৃশ নিষ্কাম কর্ম্মরাই কামজয় করিয়া সিদ্ধিলাভে সমর্থ হইবেন । কামনাবিহীন কর্ম্মই চিত্তশুদ্ধির সহায়—শুদ্ধচিত্তে জ্ঞানের উদয় হয়, সেই জ্ঞানের উদয় হয়, সেই জ্ঞানেই সিদ্ধিলাভ হয়—ইহাই শ্রীভগবানের সিদ্ধান্ত ।

শ্রীভগবান্ নিষ্কাম কর্ম্মের ফল বৃঝাইবার জন্ত যুধিষ্ঠিরকে কামগীতা শুনাইয়াছিলেন । উহার মর্ম্ম এইরূপ ; কাম বলেন :—

“যে আমাকে মনে স্থান দিয়া অথু য়ে যে উপায়ে আমাকে নিহত করিতে চেষ্টা করে, আমি তাহাদের সেই সেই সকাম উপায়ের মধ্যে থাকিয়াই আত্ম-প্রভাব প্রকাশ করি । যজ্ঞ, বেদাধ্যয়ন, বেদাঙ্গ, ধৃতি, তপ, ব্রত প্রভৃতিতে সকামভাবে, দস্তাদি ভাব বা অহংকারিত্ব ভাব রাখিয়া যে আমাকে নিহত করিতে প্রয়াস পায়, আমি তাহাদের সেই সকল উপায়কে উপেক্ষা করিয়া স্বীয় প্রতাগ প্রবল রাখি । এমন কি যে পণ্ডিত মোক্ষ-

রতিতেও সকামভাবে আমাকে নিহত করিতে প্রয়াস পান, আমি তাহার চেষ্টাকেও হাসিরা উড়াইয়া দিয়া আহ্লাদে নৃত্য করি।

যো মাং প্রযততে হস্তং মোক্ষমাস্থায় পণ্ডিতঃ।

তস্ম মোক্ষরতিস্থস্ম নৃত্যামি চ হসামি চ ॥

হে মহারাজ, নিৰ্মমত্বপূৰ্বক যোগাভ্যাস ও কৰ্ম্মানুষ্ঠান ভিন্ন কামজয়ের অন্য উপায় নাই। অতএব আপনি কন্মের ফলাকাঙ্ক্ষা না হইয়া যজ্ঞানুষ্ঠান করুন, নিষ্কাম ও ভগবদর্পিত কন্মে চিত্ত শুদ্ধিজনিত জ্ঞানে সিদ্ধিলাভ করিতে পারিবেন।

স্নানাবাহন্য শ্রীভগবদ্গীতার কন্মযোগে এই উপদেশই প্রদত্ত হইয়াছে। এইস্থানে কেবল পুরাতনী কানর্গীতাবট উল্লেখ হইল।

অনুগীতা।

অনুগীতা অর্থ ভগবদ্গীতার পরে এই গীতা শ্রীভগবান্ অর্জুনকে বলিয়াছিলেন বলিয়াই ইহার নাম অনুগীতা। অনু—শব্দের অর্থ পশ্চাৎ। অর্জুনের বিস্মৃতি এই অনুগীতা-বচনের হেতু। অর্জুন বলিলেন, ‘আপনি যুদ্ধের সময়ে যে সকল উপদেশ দিয়াছিলেন, তাহা আমি ভুলিয়াছি। সেই সকল কথা শ্রবণ করিতে আমার আবার ইচ্ছা হইতেছে। শ্রীকৃষ্ণ বলিলেন, তোমার এ বিস্মৃতি অপ্রীতিকরী। সেই সকল কথা তোমায় যোগযুক্ত হইয়া বলিয়াছিলাম, এখন আর তেমন ভাবে অশেষরূপে বলিতে পারিব না। এক্ষণে তদ্বিষয়ে পুরাতন ইতিহাস বলিতেছি শ্রবণ কর।’ ইহাই অনুগীতার ভূমিকা।

অনুগীতা অশ্বমেধপর্বে যোড়শ অধ্যায় হইতে আরম্ভ হইয়া এক পঞ্চাশ অধ্যায়ে পরিসমাপ্ত হইয়াছে। ৩৬টা অধ্যায়ে অনুগীতা সমাপ্ত হইয়াছে। ইহার মধ্যে ক্ষুদ্র ক্ষুদ্র প্রসঙ্গ উত্থাপন করিয়া ভিন্ন ভিন্ন আখ্যানান্তর্গত উপদেষ্টাদের মুখনিঃসৃত উপদেশাবলী বিবৃত হইয়াছে। অনুগীতার প্রথম প্রসঙ্গ কশ্যপব্রাহ্মণ সংবাদ। এই সংবাদ ১০ অধ্যায়

পর্যন্ত ব্যাপী। এই সংবাদে কশ্যপের প্রশ্নে ব্রাহ্মণ নানাবিধ অধ্যাত্ম উপদেশ প্রদান করেন; তন্মধ্যে আত্মার দেহভাগ-নিয়ম, পুনর্দেহ গ্রহণ, কষ্টকর সংসার-গতাগতি এবং কি প্রকারেই বা আত্মা শুভাশুভ কর্মভোগ করে, দেহহীন হইলে তাহার কর্মঠ বা কোথায় অবস্থান করে; ব্রহ্মজ্ঞান লাভের উপায় এবং মুক্তির উপায় ইত্যাদি প্রশ্নের অবতারণায় গৃহাগত ব্রাহ্মণ প্রথমতঃ এই সকল প্রশ্নের উত্তর করেন। এই আখ্যান উনবিংশ অধ্যায়ে পরিসমাপ্ত হয়।

বিংশ অধ্যায়ে অপর আখ্যানের আরম্ভ হয়, তাহার নাম—ব্রাহ্মণগীতা। ব্রাহ্মণগীতা চতুত্রিংশ অধ্যায়ে সমাপ্ত হইয়াছে। ইহাতে ব্রাহ্মণ তাঁহার পত্নীর নিকট অধ্যাত্মযোগের ব্যাখ্যা করিয়াছেন। শ্রীকৃষ্ণ অবশেষে অর্জুনকে বলিয়াছেন, ব্রাহ্মণ ও ব্রাহ্মণী-আখ্যান রূপক। মন,—ব্রাহ্মণ, বুদ্ধিই ব্রাহ্মণী।

পঞ্চত্রিংশ অধ্যায়ে শ্রীকৃষ্ণ অর্জুনকে পরব্রহ্মের উপদেশ করেন। শ্রীকৃষ্ণ গুরুশিষ্য সংবাদ আখ্যানে এই তত্ত্ব প্রকাশ করেন। গুরু আবার ব্রহ্মা ও ঋষি সংবাদ বলিয়া শিষ্যের প্রতি উপদেশ করেন। এই আখ্যানেই অন্নুগীতা পরিসমাপ্তি হইয়াছে। ইহাতে স্থাবর জঙ্গলের উৎপত্তি স্থিতি ও লয়, ব্রহ্মত্ব ও জীবের মুক্তি সম্বন্ধে উপদেশ প্রদত্ত হইয়াছে। ভগবদ্গীতা ও উদ্ধবগীতার হায় এই অন্নুগীতা গম্ভীর ও পরম সারগর্ভ কিনা তাহা আমাদের বুদ্ধির অতীত।

শ্রীভগবদ্গীতা।

শ্রীকৃষ্ণের পূর্ণতান্বন্ধে যদি অপর কোনও প্রমাণ না থাকিত, তবে কেবল শ্রীকৃষ্ণোক্ত ভগবদ্গীতা ও উদ্ধবগীতা ধারাই তাঁহার পূর্ণতমতা প্রতিপাদিত হইত। উদ্ধবগীতার সম্বন্ধে অতঃপরে বলিব। এখানে শ্রীভগবদ্গীতাই আমার সংক্ষিপ্ত আলোচ্য বিষয়

ভগবদ্গীতা বিশ্ববিশ্রুত সুবিখ্যাত গ্রন্থ । জগতের প্রসিদ্ধ ভাষামাত্রেই ভগবদ্গীতা অনূদিত হইয়াছে, সর্বত্রই বিদ্বৎসমাজে এই গ্রন্থ প্রচারিত হইয়াছে । ইউরোপ ও আমেরিকায় নগরে নগরে বিদ্বৎসমাজে ভগবদ্গীতার আদব হইয়াছে । আমেরিকার সুবিখ্যাত চিন্তাশীল সন্দর্ভ লেখক ইমার্সন শ্রীকৃষ্ণের উক্তি দ্বারা তদীয় জগদ্বিখ্যাত সন্দর্ভের বহুস্থল সমলঙ্কৃত করিয়াছেন । ল্যান্সেন বলেন :—

The Enthusiasm of its European student almost rivals that veneration which in India has assigned it a place not inferior in dignity and authority to the Vedas themselves.

Wilhelm von Humboldt ভগবদ্গীতা পাঠে এতটী বিমুগ্ধ হইয়াছিলেন যে, তিনি ভগবদ্গীতার উল্লেখ করিয়া লিখিয়াছেন :—
The most beautiful perhaps properly the only true philosophical song that exists in any known tongue.

আমাদের ভূতপূর্ব গভর্নর জেনারেল Warren Hastings লিখিয়াছেন,—Sublimity of conception reasoning and diction almost unequalled.

Schlegel লিখিয়াছেন :—Krishna is the unknown prophet Bard whose oracular soul is as it were snatched aloft into Divine and Eternal Mouth with a certain ineffable delight.

ভারতবর্ষের প্রত্যেক ভাষাতেই যে ইহার অনুবাদ হইয়াছে একথা বলাই বাহুল্য । আকবরের সভাসদ সুপ্রসিদ্ধ কবি কৈয়মতী পারশুভাষার এই গ্রন্থের অনুবাদ করিয়াছিলেন ।

শ্রীভগবদ্গীতার সংস্কৃত টীকার সংখ্যা—৬০ খানিরও বেশী বলিয়া

জানা গিয়াছে। কেবলাদ্বৈতী, বিশিষ্টাদ্বৈতী, বৈতী, বিশুদ্ধাদ্বৈতী, ভেদভেদবাদী ও অচিন্ত্যভেদভেদবাদী প্রভৃতি ভিন্ন ভিন্ন সম্প্রদায়ের বেদান্তিগণ এই গ্রন্থের ভাষ্য করিয়াছেন।

ফলতঃ হিন্দু ও অহিন্দু সকলের নিকটে সর্বকালেই গীতা অতি সমাদরের গ্রন্থ এবং বেদান্তের স্মৃতি-প্রস্থান বলিয়া অভিহিত। কেবল বেদান্ত কেন, ইহাতে সকল দর্শনেরই সার উপদেশ নিহিত হইয়াছে। গীতা মহাভারতের ভীষ্ম পর্কাস্তর্গত ২৫ চহতে ৪২ অধ্যায়। ইহাতে আঠারটি অধ্যায় আছে। গীতা কি কি বিষয় শিক্ষাদান করেন প্রত্যেক অধ্যায়ের নামেই তাহা প্রকাশ, নিম্নে তাহা লিখিত হইল।

১। অজ্ঞান-বিষাদ যোগ, ২। সাংখ্যযোগ, ৩। কর্মযোগ, ৪। জ্ঞানযোগ, ৫। কর্মসন্ন্যাসযোগ, ৬। আত্মসংযমন যোগ, ৭। বিজ্ঞান যোগ, ৮। অক্ষর পরমব্রহ্ম যোগ, ৯। রাজবিদ্যা-রাজগুহ্যযোগ, ১০। বিভূত্বিযোগ, ১১। বিশ্বরূপ দর্শনযোগ, ১২। ভক্তিযোগ, ১৩। ক্ষেত্রজ্ঞ-বিভাগযোগ, ১৪। গুণত্রয় বিভাগযোগ, ১৫। পুরুষোত্তম প্রাপ্তিযোগ, ১৬। দৈবাস্ত্র সম্পদযোগ, ১৭। শ্রদ্ধাত্রয় বিভাগযোগ ১৮। মোক্ষসন্ন্যাস যোগ।

এই অষ্টাদশ অধ্যায় আবার ছয় ছয় অধ্যায়ে বিভক্ত হইয়াছে। প্রথম ষট্কে, পরমাত্মতত্ত্ব ও জীবতত্ত্ব জানিবার জন্য কর্মযোগ ও জ্ঞানযোগের আলোচনা আছে। মধ্যম ষট্কে ভগবত্তত্ত্বজ্ঞাপনের জন্য জ্ঞানকর্ম নির্বর্তিত ভক্তিযোগ উপদিষ্ট হইয়াছে। শেষ ষট্কে প্রধান পুরুষ অব্যক্ত সর্বেশ্বর-বিবেচন, কর্মজ্ঞান ও ভক্তি প্রভৃতি পুনরালোচিত হইয়াছে।

গীতা-মাহাত্ম্য সর্বত্রই সুপ্রসিদ্ধ। এস্থলে উহার প্রমাণই উল্লেখ করা যাইতেছে :—

- ১। গীতা সুগীতা কর্তব্য। কিন্নৈঃ শাস্ত্র-বিস্তরৈঃ।
যা স্বয়ং পদ্মনাভস্ত মুখপদ্মবিনিস্কৃত। ॥

- ২। সৰ্বশাস্ত্রময়ী গীতা সৰ্বদেবময়োহরিঃ ।
সৰ্বতীর্থময়ী গঙ্গা সৰ্বদেবোময়ো মনুঃ ॥
- ৩। গীতা গঙ্গা চ গায়ত্ৰী গোবিন্দেতি হৃদিস্থিতে ।
চতুৰ্ভুজং সংযুক্তে পুনর্জন্ম ন বিচ্যতে ॥
- ৪। ষট্শতানি সবিধানি শ্লোকানাং গ্রন্থকেশবঃ ।
অর্জুনঃসপ্ত পঞ্চাশৎ সপ্তষষ্টিস্থ সঞ্জয়ঃ ॥
- ৫। ভারতামৃত সৰ্বম্ব গীতায়ামথিতস্য চ ।
সারমুদ্রতা কৃষ্ণেণ অর্জুনস্য মুখে হৃতম্ ॥
- ৬। সৰ্বোপনিষদো গণবো দোপ্তা গোপালনন্দনঃ ।
পার্শ্বো বৎসঃ সুধীভুক্তা দুগ্ধং গীতামৃতং ।
- ৭। সারথ্যানর্জুনস্যাদৌ কুর্বন্ গীতামৃতং দদৌ ।
লোকত্রয়োপকানায় তস্যৈ কৃষ্ণায়ুনে নমঃ ॥
- ৮। সংসার সাগবং যোবং তন্তুমিচ্ছতি যো নরঃ ।
গীতা নাবং সমাসাং পারং বাতি সুপেন সঃ ॥

এইরূপ গীতানাট্য পুরক বহুলোক শ্রদ্ধাবান্ ব্যক্তিগণ কর্তৃক প্রতি-
দিন আঙ্গিক কৃত্য কালে পাঠিত হইয়া থাকে ।

কর্মযোগ, ভক্তিযোগ, জ্ঞানযোগ ভগবদ্গীতায় সিদ্ধি-লাভের উপায়
বলিয়া উপদিষ্ট হইয়াছে । যাহারা মনে করেন প্রাত্যহিক জীবনের ক্রিয়া-
শক্তিকে নিরস্ত করিয়া মানুষকে দেবল বৈরাগ্যের অন্ত প্রস্তুত করাই
হিন্দুদের ধর্মশিক্ষার একমাত্র মহামন্ত্র—গীতা পাঠ করিয়া তাঁহাদের সে ভ্রম
দূরীকৃত হয় । বুদ্ধদেব, ঋষভদেব, দত্তাত্রেয়, কপিলদেব প্রভৃতি বৈরাগ্যা-
বতারগণের উপদেশ কেবল বৈরাগ্যাত্মক ।

কিন্তু যিনি কুরুক্ষেত্রে ভীষণ সমরের মধ্যে সমাসীন হইয়া বিধাদম্ব
অর্জুনের কর্মশক্তি-উদ্রেক করিয়া ধর্মার্থ কাম মোক্ষ চতুর্ভুজের সারগর্ভ
উপদেশ করিয়াছিলেন, তাঁহার উপদেশ কেবল বৈরাগ্যমূলক হইতে পারে না ।

শ্রীমৎ শঙ্করাচার্য্য গীতাভাষ্যের প্রারম্ভে 'স্পষ্টতঃই নিখিয়া গিয়াছেন, গীতাশাস্ত্রে বৈদিক প্রবৃত্তি ও নিবৃত্তি এই উভয় প্রকার ধর্মের কথাই উল্লেখ হইয়াছে। কর্ম দ্বারা চিত্ত-শুদ্ধি হয়। চিত্ত-শুদ্ধি না হইলে জ্ঞান ও ভক্তির উদয় হয় না। জ্ঞান ও ভক্তি ভিন্ন মোক্ষ ও ভগবৎসাম্বাদন ঘটে না, সুতরাং কর্মই সাধনার প্রথম সোপানরূপে বর্ণিত হইয়াছে। ফল ও বাসনা বিবর্জিত কর্মই চিত্তশুদ্ধির সহায়। যেখানে স্বার্থ সেইখানে অশুদ্ধি। স্বার্থ-বাসনা-বিবর্জিত-কর্মই মানুষকে পবিত্র করে, ভগবৎরাজ্যের জন্ম প্রস্তুত করে; শ্রীভগবান্ গীতার প্রথম সোপানে এই শিক্ষা দান করিয়াছেন। লাভালাভ জয়-বিজয়ের দিকে লক্ষ্য না করিয়া কর্তব্য জ্ঞানে কর্ম করিয়া যাওয়াই ভগবানের উপদেশ। তিনি বলেন—

কর্মণ্যেবাধিকারস্তে মা ফলেনু কদাচন ।

মা কর্মফলহেতুভূর্শ্বাতে সজোহস্ত কর্মণি ॥

কর্মই তোমার অধিকার আছে, ফলে তোমার অধিকার নাই। ফলের আশা রাখিয়া কর্ম করিও না। ফলাশা ভিন্ন কর্ম করিতে হইবে বলিয়া তুমি কর্মত্যাগ করিও না। ইহাই ভগবদগীতার কর্মযোগের মহামন্ত্র।

ভগবান্ আরও বলিয়াছেন :—

নহি কশ্চিৎ ক্ৰণমাপ জাতু তিষ্ঠত্যকর্মকুৎ ।

কার্যতে হ্রবশঃ কর্ম সর্বঃ প্রাকৃতিজৈগুর্গেঃ ॥

কর্ম না করিলে কেহ ক্রণকালও তিষ্ঠিতে পারে না। মানুষ যে প্রকৃতি লইয়া জন্মগ্রহণ করিয়াছে সেই প্রকৃতির গুণে প্রেরিত হইয়াই তাহাকে কার্য করিতে হয়।

সুতরাং নিজের জন্মই হউক, আর অপরের জন্মই হউক, সকলেরই কর্ম করা কর্তব্য। কিন্তু ফলবাসনাপূর্ব্বক কর্ম, বন্ধের হেতু; আবার

কৰ্মফল-বাসনা-ত্যাগ,—কৰ্মসিদ্ধির দোপান ইহা সকলকেই মনে রাখিতে হইবে ।

কৰ্মজং বৃদ্ধিনুক্তাহি ফলং ত্যক্ত্বামনিষিণঃ ।

জন্মবন্ধবিনিমুক্তাঃ পদং গচ্ছন্ত্যনাময়ম্ ॥ ২।৫১

তস্মাদশক্তঃ সততং কার্য্যং কৰ্ম সমাচর ।

অসক্তো হ্যচরন্ কৰ্ম পরমাপ্নোতি পুরুষঃ ॥

শ্রীভগবান্ বলিতেছেন, যাহারা জানী তাহাদেরও কৰ্ম করা কর্তব্য, জনক প্রভৃতি জানীরাও কৰ্ম কবিতেন; তিন লোকে আমার কোনও কর্তব্য নাই, কিছু অপ্রাপ্য নাই, তথাপি লোকধৰ্ম-প্রবর্তনের জন্ত আমিও কৰ্ম করি ।

কৰ্মণৈব তি সংসিদ্ধিমাশ্ৰিতা জনকাদয়ঃ ।

লোকসংগ্রহমেবাপি সম্পশ্চন্ কৰ্ত্তুমর্শসি ।

যদ্যদাচরতি শ্রেষ্ঠত্বদেবেতনো জনঃ ।

স যৎ প্রমাণং কুরুতে লোকশুভমবর্ত্ততে ॥

ন মে পার্থাস্তি কৰ্ত্তব্যং ত্রিষুলোকেষু কিঞ্চন ।

নানবাপ্তমবাপ্তব্যং বৰ্ত্ত এব চ কৰ্মণি ॥

লোকদিগকে কৰ্মে প্রবৃত্তি রাখা জানীদিগের কর্তব্য । অজানীরা কৰ্মে আসক্ত হইয়াও লোকদিগকে কৰ্মে প্রবৃত্ত রাখার জন্ত তেমনই কৰ্ম করিয়া থাকেন ।

সক্তা কৰ্মণ্যবিধাংসো যথা কুর্কস্তু ভারত ।

কুৰ্য্যাৎ বিত্তং স্তথাসক্ত শিকীর্ষুলৌক সংগ্রহম্ ॥ ৩।১৫

কৰ্মযোগ ও সংখ্যযোগের ফল সমান । শ্রীকৃষ্ণ বলিয়াছেন :—

সাংখ্যযোগৌ পৃক্কব্‌লাঃ প্রবদন্তি ন পণ্ডিতঃ ।

একমপ্যাস্থিতং সম্যগ্ উক্তরৌর্বিদ্যতে ফলম্ ॥

যৎ সাংখ্যৈঃ প্রাপ্যতে জ্ঞানং তদ্বোধৈরপি গম্যতে ।

একং সাংখ্যঞ্চ যোগঞ্চ যঃ পশ্যতি স পশ্যতি ॥

অর্থাৎ অজ্ঞেরাই সন্ন্যাস ও কর্মযোগ উভয়ের ভিন্ন ভিন্ন ফল মনে করে । পণ্ডিতেরা জানেন এই উভয়ের ফলই সমান । যিনি সন্ন্যাস ও কর্মযোগ উভয়ের মধ্যে একটীর সম্যক্ অনুষ্ঠান করেন, তিনি উভয়ের ফল প্রাপ্ত হইবেন । জ্ঞাননিষ্ঠ সন্ন্যাসীরা মোক্ষ নামক যে স্থান লাভ করেন, কর্মযোগীরাও সেই স্থান প্রাপ্ত হইবেন । যিনি সন্ন্যাসযোগ ও কর্মযোগকে এইরূপভাবে দর্শন করেন তিনিই প্রকৃত তথ্য দর্শন করেন ।

গীতায় সত্ব রজস্তমঃ এই ত্রিগুণ ভেদে কর্ম কর্তা জ্ঞান শ্রদ্ধা আহাযা প্রভৃতিরও ত্রৈবিধ্য প্রদর্শিত হইরাছে । রজস্তম গুণের ক্ষয় করিয়া সত্ব গুণের প্রাধান্য বৃদ্ধি করাই সাধনার প্রধান লক্ষ্য । পরিণামবিরস ক্ষণস্থায়ী সুখের পরিবর্তে কর্ম দ্বারা নিত্য সুখ লাভ করার জন্য শ্রীভগবান্ কর্মযোগের যে সকল উপদেশ দিয়াছেন, তাহার সার ও সংক্ষিপ্ত মর্ম এই যে, কর্মে স্বার্থ বাসনা ত্যাগ করিতে হইবে, ভগবানের সেবার জন্য কর্ম করিতে হইবে, কর্মফল ভগবানে অর্পণ করিতে হইবে । সুখ দুঃখ ধর্মাদর্শ লাভালাভ জন্মজন্মের গণনা না করিয়া বিচিত্র কর্মকে ভগবদাজ্ঞা জনিত কর্তব্য মনে করিয়া কাঁচা করিয়া যাইতে হইবে । ইহাতে ইহকালে ও পরকালে সুখ লাভ হইবে । এই কার্যের ফলে কর্মবন্ধন মোচন হইবে ও সিদ্ধি লাভ হইবে ; ইহাই শ্রীভগবানের উপদেশ ।

কর্মের সমর্থক শ্লোক গীতাতে প্রচুর পরিমাণে দেখিতে গাওয়া যায় । সকল গুলি প্রমাণ উল্লেখ করার প্রয়োজন নাই, এস্থলে আরও কতকগুলি প্রমাণস্থল নির্দেশ করিয়া দিতেছি, তদ্ যথা :—৩৩ ; ৩৬ ; ৩৭ ; ১৮।১১ ; ৩৮ ; ৬।১ ; ৬।২ ; ৪।৪১ ; ৫।৭ ; ৫।২ ; ৩।১৭-১৮ ; ১৮।৬ ; ৪।১২-২১ ; ২।৩৮ ; ২।৪৮ ; ১৮।২ ; ১৮।১১ ; ৪।২২ ; ৩।২৭ ; ১৮।১৬ ; ১৪।১২ ১৩।২২ ; ৩।২৮ ; ৫।৮—২ ।

ভগবানে কর্মার্পণ ও জ্ঞান দ্বারা কর্মকর ।

ভগবানে কর্মফল অর্পণ জ্ঞান দ্বারা কর্ম দহন ও কর্তৃহাভিমান ত্যাগ দ্বারা কর্মবন্ধ হইতে মুক্তি লাভ করা যায় । ভগবদ্গীতায় ইহার প্রমাণ সূচক নিম্ন চিহ্নিতে প্রমাণ আছেঃ—৩।২৭ ; ১৮।১৬ ; ১৪।১৯ ; ১৩।২৯ ; ৩।২৮ ; ৫।৮-৯ ; ১৮।১৭ ; ৪।৩৭ ; ২।৭১ ; ২।৬৪ ; ২।৭০ ; ১৮।৫৬ ; ৫।১০ ; ৪।২৩ ; ৯।২৭—২৮ ; ৪।১৮ ।

গীতার কর্ম-বিষয়ের শ্লোকগুলি মনোযোগ সহকারে পাঠ করিলে উহাদিগকে নানা শ্রেণীতে বিভাগ করা যাইতে পারে । কিন্তু সেইরূপ শ্রেণী বিভাগ করা আমাদের এহলে উদ্দেশ্য নহে । শ্রীকৃষ্ণ, গীতায় কর্ম সম্বন্ধে যে কিরূপ উপদেশ দিয়া গিয়াছেন, সেই সকল কর্ম আমাদের গার্হস্থ্য-জীবন-যাত্রা-নির্কাহেব উপদেশমূলক এবং ইহাই যে আবার যথা-বিহিতরূপে অনুষ্ঠিত হইলে জ্ঞান ভক্তিরও সাধক হইয়া থাকে,—ইহাই প্রদর্শন করিয়া শ্রীভগবানের এই উপদেশাবলী যে তাঁহার পূর্ণ জ্ঞানেরই পরিচায়ক, সেই সিদ্ধান্তের অনুসরণ প্রদর্শন করাই ইহার উদ্দেশ্য ।

ফলতঃ এই সকল কর্মের মধ্যে প্রাত্যহিক জীবনের কর্তব্যতা ঈশ্বর আরাধনা, পঞ্চ যজ্ঞ, দান, আতিথেয়তা প্রভৃতি গার্হস্থ্য জীবনের যাবতীয় কার্যের উপদেশ প্রদত্ত হইয়াছে । বর্ণাশ্রম-ধর্মাস্তর্গত গার্হস্থ্য, কর্মময় । বর্ণাশ্রম ধর্মের উল্লেখ করিয়া শ্রীভগবান্ সর্বশাস্ত্রবিহিত সর্বপ্রকার গার্হস্থ্য ধর্মের একান্ত কর্তব্যতা সম্বন্ধে উপদেশ প্রদান করিয়াছেন । বেদের গৃহ্য সূত্র, মন্বাদি সংহিতা ও পুরাণাদিতে গৃহস্থ ধর্মের যে সকল উপদেশ আছে, তৎসমস্ত গীতার গার্হস্থ্য ধর্মের উপদেশের অন্তর্ভুক্ত হইয়াছে ।

বুদ্ধের উপদেশ কেবলই বৈরাগ্যমূলক, উহাতে প্রবৃত্তিমার্গের কোনও উপদেশ দেখিতে পাওয়া যায় না, সুতরাং উহা অসম্পূর্ণ ও অতি সঙ্কীর্ণ ! কিন্তু শ্রীকৃষ্ণের উপদেশ মানব সমাজের প্রত্যেক ব্যবহারের প্রতি লক্ষ্য রাখিয়া

প্রদত্ত হইয়াছে। বাহাতে মানবের আত্মা, সকল বৃত্তির সামঞ্জস্য রাখিয়া পূর্ণতার দিকে অগ্রসর হয়, গীতায় সেইরূপ উপদেশ প্রদত্ত হইয়াছে।

গীতায় দার্শনিক মতের সামঞ্জস্য।

ভগবদ্গীতায় নানাধিক পরিমাণে এদেশের দর্শনশাস্ত্রমাত্রেরই সিদ্ধান্তের আলোচনা ও মীমাংসা করা হইয়াছে। শ্রীভগবান্ কোন দর্শনের কোন সিদ্ধান্তের খণ্ডন করিয়াছেন, কোনও নূতন কথা সংযোগ করিয়া সেই সিদ্ধান্তের দোষ পরিহার করিয়াছেন, কোথাও বা উহাকে পরিস্ফুট ও সৰ্ব্বাঙ্গসুন্দর করিয়া তুলিয়াছেন। নাস্তিক সিদ্ধান্ত ও বৌদ্ধসিদ্ধান্ত কোথাও ভগবদ্গীতায় বিচারার্থে পরিগৃহীত হইয়াছে, ণায় বৈশেষিক সিদ্ধান্তের নিদর্শনও গীতায় দেখিতে পাওয়া যায়। মীমাংসা, সাংখ্য, পাতঞ্জল ও বেদান্তের সিদ্ধান্তের সর্বত্রই প্রচুর প্রসার পরিলক্ষিত হয়। ইহা আমাদের কাল্পনিক নহে। শ্রীভগবান্ স্বয়ংও স্থানে স্থানে প্রাচীন আচার্য্যগণের ধ্বনি করিয়া বলিয়াছেন ;—

ঋষিভব্ৰহ্মা গীতং ছন্দোভিব্ধিবিধৈঃ পৃথক্ ।

ব্রহ্মসূত্রপদৈশ্চ ব হেতুগত্বির্নিশ্চিতৈঃ ॥ ১৩৫

বাহুল্যভাবে গীতাশাস্ত্রের আলোচনা করা আমাদের উদ্দেশ্য নহে ; সুতরাং এস্থলে অতি সংক্ষিপ্তভাবে দার্শনিক সিদ্ধান্তগুলি সম্বন্ধে গীতার অস্তিত্বপ্রায়ের দিগ্‌দর্শন করিয়াই আমরা আমাদের উদ্দেশ্য সম্পাদনে অগ্রসর হইব। প্রথমতঃ মীমাংসাদর্শনের সম্বন্ধে যৎকিঞ্চিৎ বলা যাউতেছে।

বৈদিক কর্মফললোভ প্রতিষেধ ও মীমাংসা দর্শনের মত খণ্ডন।

যদিও বৈদিক ধর্মের মর্যাদা রাখিয়াই শ্রীভগবান্ গীতায় উপদেশ দিয়াছেন, কিন্তু পাছে লোকগণ, বেদের কর্মফলের পুষ্পিত কার্য্যে প্রলুব্ধ হইয়া কর্মফলকেই বহুজ্ঞান এবং কর্মফলের লোভে কর্ম করিয়া মোক্ষলাভের প্রয়াসী না হয় এজন্য ভগবান্ বাসুদেব ভগবদ্গীতায় সাধকগণকে নিম্নলিখিত উপদেশ সাবধান করিয়া দিয়াছেন :—

যামিমাং পুষ্পিতাং বাচং প্রবদন্ত্য বিপশ্চিতঃ ।
 বেদবাদরতাঃ পার্থ নানুদন্তীতি বাদিনঃ ॥
 কামাঙ্ঘনঃ স্বর্গপরা জন্মকর্মফলপ্রদাম্ ।
 ক্রিয়াবিশেষবহুলাং ভোগৈশ্বর্যাগতিং প্রতি ॥
 ভোগৈশ্বর্যা প্রসক্তানাং তয়াসংহৃতচেতসাং ।
 ব্যবসায়াদ্বিকা বুদ্ধিঃ সমাধৌ ন বিদীয়তে ॥
 ত্রেণুগ্যবিষয়া বেদা নিস্ত্রেণুগ্যো ভবাজ্জুন ।
 নিদ্বন্দ্বো নিত্যসরস্শো নিযোগক্ষেম আত্মবান্ ॥
 যাবানর্থ উপানে সর্বেষুঃ সংপ্লুতোদকে ।
 তীবান্ সর্বেষু বেদেষু ব্রাহ্মণস্যঃ বিজ্ঞানতঃ ॥

এস্থলে শ্রীভগবান্ মীমাংসাদর্শনের কর্মফলবাদের খণ্ডন করিয়া বেদান্তবাদ স্থাপন করিয়াছেন। গীতার এইরূপ কর্মফললাভ-প্রসক্তি-খণ্ডনের আরও অনেক প্রমাণ বচন আছে। বাহুল্যভয়ে আমরা কেবল শ্লোকগুলির স্থান নির্দেশ করিচ্ছি।

“ত্রেবিদ্যাং মাং সোমপা,”—“তে তংভুক্তা” —৯২০—২১ ; যজ্ঞার্থাৎ—
 ৩ঃ৯ ; “অযুক্তকামকারেণ” ৫।১২ ; “যান্তি দেবব্রতা” ৯।২৫ ; “দেবান্
 দেবযজ্ঞো”—৭।২৩ ; যেহপ্যন্য ৯।২৩ ইত্যাদি।

মীমাংসাদর্শন-সমর্থন ।

গীতার কর্মযোগ, বেদের কর্মকাণ্ডের সমর্থক ; সূতরাং মীমাংসা
 দর্শনের সুসঙ্গত সিদ্ধান্তের সমর্থক। শ্রীভগবান্ নিম্নলিখিত বচনে দেব-
 যজ্ঞের সমর্থন করিয়াছেন ; যথা—

যজ্ঞশিষ্টাকৃতি ৩।৩১, যজ্ঞশিষ্টাশিনঃ ৩।১৩, “সহযজ্ঞা”—৩।১০—১২
 এবং প্রবর্তিতং ৩।১৬ ইত্যাদি।

মীমাংসা দর্শনের সিদ্ধান্ত এই যে :—

আত্মাত্ম ক্রিয়ার্থবাদানর্থক্যং তদনর্থানাং—অর্থাৎ বেদ ক্রিয়ার্থমূলক,

যেখানে ক্রিয়া-ব্যাপার নাই তাহা অনর্থক। ভগবদগীতার এই বাক্যের যুক্তিসঙ্গত মর্যাদা রক্ষা করা হইয়াছে, কিন্তু অযৌক্তিক অংশের সমর্থন করা হয় নাই। শ্রীকৃষ্ণ বেদসেবিত কৰ্মকাণ্ডের যতদূর সম্ভব সমর্থন করিয়াছেন কিন্তু সৰ্বতোভাবে সমর্থন করেন নাই। কৰ্মজ্ঞান যে প্রয়োজন তাহা বলা হইয়াছে, কিন্তু বেদে যে কৰ্মফল লোভে যজমানকে প্রযুক্ত করা হইয়াছে, শ্রীভগবান্ সেই ফলশক্তির সম্পূর্ণ খণ্ডন করিয়াছেন, অথচ কৰ্মের প্রয়োজনীয়তা ও দেবযজনের প্রয়োজনীয়তা স্পষ্টরূপেই ভগবদগীতার স্বীকৃত হইয়াছে। ইহাতে পাঠক মাত্রই বুঝিতে পারিবেন যে ভগবদগীতার সৰ্বদর্শনের ও সৰ্ব ধৰ্মমতের সামঞ্জস্য ও সুমীমাংসা করা হইয়াছে।

সাংখ্যযোগ ও সাংখ্যদর্শন।

ভগবদগীতার বহু স্থানে সাংখ্যযোগের কথা আছে, সাংখ্যতত্ত্বেরও উল্লেখ আছে। মহাভারত শ্রীভাগবত ও অন্যান্য পুরাণেও সাংখ্যযোগের উল্লেখ আছে। এই সাংখ্যযোগের বক্তা ভগবদবতার কপিল। কিন্তু সাংখ্যদর্শনকার কপিল মুনি পৃথক ব্যক্তি। শ্রীপাদ শ্রীজীব গোস্বামি-মহাশয়, শ্রীভাগবতের তৃতীয় স্কন্ধে বর্ণিত কপিলদেব-অবতরণের অধ্যায়-প্রারম্ভে তদীয় টীকার পদ্যপুরাণের একটা শ্লোক উদ্ধৃত করিয়া লিখিয়াছেন, “সাংখ্যযোগ প্রবক্তা কপিল ও দর্শনকার কপিল এক ব্যক্তি নহেন।” সাংখ্যদর্শনের যে অংশে প্রকৃতির আলোচনা করা হইয়াছে, তাহা প্রাচীন সাংখ্যযোগ সম্বন্ধে, তজ্জন্ম তজ্জাংশে এই মতের পার্থক্য দৃষ্ট হয় না। কিন্তু সাংখ্যদর্শনে প্রধানকেই স্রষ্টা বলা হইয়াছে, সাংখ্যদর্শনের এই সিদ্ধান্ত অসম্ভব। প্রাচীন সাংখ্যযোগে উহা স্বীকৃত হয় নাই। শ্রীভগবান্ বলিয়াছেন :—

১। ময়াধ্যক্ষেণ প্রকৃতিঃ স্মরতে সচরাচরম্।

হেতুনানেন কোন্তের অগদ্বিপরিস্বর্ততে ॥ ২।১০

২। অহমান্না গুড়াকেশ সৰ্বভূতানস্থিতঃ । ১০।২০

সৰ্বশ্চ চাহং হৃদি সন্নিবিষ্টেঃ ॥ ১৫।১৬

৩। মম যোনির্মহদ্ব্রহ্মতস্মিন্ গর্তংদধাম্যহম্ ।

সম্ভবঃ সৰ্বভূতানাং ততোভবতি ভারত ॥

৪। সৰ্বযোনিষু কোঁস্তেয় মূৰ্ত্তয়ঃ সম্ভবাস্তু যাঃ ।

তাসাং ব্রহ্ম মহদ্ যোনিরহং বীজপ্রদঃ পিতা ॥ ১৪।৪—৫

সুতরাং জড়ীয় প্রধান.—জগৎস্রষ্টা নহে—ঈশ্বরই জগৎস্রষ্টা। সাংখ্য-
যোগে প্রকৃতি ও পুরুষ উভয়ই অনাদি। ভগবদ্গীতার ১৩ অধ্যায়ের
১৯ শ্লোকে ইহার প্রমাণ আছে যথা :—

প্রকৃতিং পুরুষঞ্চৈব বিদ্বানাদী উভাবপি ।

বিকারাস্চ গুণাংশ্চৈব বিদ্ধি প্রকৃতি-সম্ভবান্ ॥

এই প্রকৃতি ও পুরুষ উভয়ই ভগবানের শক্তি। পুরুষ বা জীব পরা
প্রকৃতি, এবং ভূম্যাদি আটটা অপরা প্রকৃতি ; যথা :—

ভূনিরাপোহনলো বায়ুঃ খং মনো বুদ্ধিরেব চ ।

অহঙ্কার ইত্যয়ং মে ভিন্না প্রকৃতিরষ্টধা ॥

অপরেয়মিতি হৃদ্যাং প্রকৃতিং বিদ্ধি মে পরাং ।

জীবভূতাং মহাবাহো যয়েদং ধার্ষ্যতে জগৎ ॥

সাংখ্যযোগে অচিৎ প্রকৃতি ও চিৎ প্রকৃতি এই উভয়ই শ্রীভগবানের
শক্তি বলিয়া স্বীকৃত হইয়াছেন, কিন্তু কাপিল দর্শনে ইহাদের পার্থক্য
স্বীকার করা হইয়াছে।

ফলতঃ ভগবদ্গীতায় সাংখ্যতত্ত্ব সম্বন্ধীয় প্রচুর প্রমাণ দৃষ্ট হয়। নিরী-
শ্বর সাংখ্যদর্শনের সিদ্ধাস্তগুলি কপিল নাম ধারী কোন স্বতন্ত্র মুনির প্রব-
র্ত্তিত। কিন্তু সাংখ্যযোগ, ভগবদবতার কপিলের সিদ্ধান্তের উপরেই প্রতি-
ষ্ঠিত। মহাভারতে, গীতাতে ও শ্রীমদ্ভাগবতে কপিল দেবের সাংখ্যযোগের
তত্ত্বই বিবৃত হইয়াছে। সাংখ্যযোগে জ্ঞান নিষ্ঠার উপদেশ প্রদত্ত হইয়াছে।

এই জ্ঞান, দার্শনিক কপিলের সিদ্ধান্তিত জ্ঞান নহে—উহা বেদান্ত প্রতি-
পাদিত জ্ঞান।—শ্রীমৎ শঙ্করাচার্য্য গীতা-ভাষ্যে স্পষ্টতঃই সাংখ্য জ্ঞানকে
বেদান্ত জ্ঞান বলিয়া অভিহিত করিয়াছেন, যথা অষ্টাদশ অধ্যায়ের
ত্রয়োদশ শ্লোকের ভাষ্য—

জ্ঞাতব্যাঃ পদার্থাঃ সংখ্যায়ন্ত্যস্মিন্ শাস্ত্রে তৎ সাংখ্য—বেদান্তঃ ।

অর্থাৎ যে শাস্ত্রে জ্ঞাতব্য পদার্থনিচয়ের সম্বন্ধে সবিশেষ রূপে খ্যাপিত
করা হইয়াছে, সেই শাস্ত্রের নাম সাংখ্য অর্থাৎ—বেদান্ত ।

পঞ্চম্যানি মহাবাহো কারণানি নিবোধমে ।

সাংখ্যে কৃতান্তে প্রোক্তানি সিদ্ধয়ে সৰ্ব্বকৰ্মণাম্ ॥

উক্ত শ্লোকের ভাষ্যের উপসংহারে আরও স্পষ্টতঃ বলা হইয়াছে
“সৰ্ব্বং কৰ্ম্মাখিলং পার্থ জ্ঞানে পরিসমাপাতে ইত্যাত্মজ্ঞানে সজ্ঞাতে সৰ্ব্ব-
কৰ্ম্মাণাং নিবৃত্তিং দর্শয়তি :—অত স্তস্মিন্নাত্মজ্ঞানার্থে সাংখ্যে কৃতান্তে
বেদান্তে প্রোক্তানি কথিতানি সিদ্ধয়ে নিষ্পত্যর্থঃ সৰ্ব্বকৰ্ম্মণাম্ ।” সূত্রাং
সাংখ্য জ্ঞান ও বেদান্ত একই অর্থবাচক ।

গীতা ও পাতঞ্জল যোগশাস্ত্র ।

যোগশাস্ত্র বহু প্রাচীন । বৈদিক গ্রন্থেও যোগের উল্লেখ দেখিতে
পাওয়া যায় । অতি প্রাচীন সময় হইতেই এদেশে যোগের অনুষ্ঠান
ছিল । মহাত্মারতের বহুস্থানে সাংখ্য ও যোগের একত্র উল্লেখ আছে ।
পতঞ্জলি মুনি কোন্ সময়ে যোগ সূত্র রচনা করেন তাহার নির্ণয় করা
সহজ নহে । শ্রীমদ্ভগবদ্গীতায় ৬ষ্ঠ অধ্যায়ে যে যোগপ্রণালী বিবৃত
হইয়াছে, পতঞ্জলি সূত্রেও সেই সকল কথাই সূত্রাকারে বিবৃত হইয়াছে ।
সমগ্র পাতঞ্জল দর্শনে এমন অনেক বিষয় আছে, গীতায় শ্রীভগবান্
সেই সকল বিষয়ের উল্লেখ করেন নাই । বিত্বৃতি পাদের যোগ-সামর্থ্যের
উল্লেখ করা নিষ্প্রয়োজন । ভগবদ্ভজনের অন্ত যোগ শাস্ত্রের যে যে অংশ

বলা প্রয়োজনীয়, গীতার তাহাই বর্ণিত হইয়াছে। এ সম্বন্ধে গীতার ৬ষ্ঠ অধ্যায়ই সবিশেষ উল্লেখ যোগ্য।

পাতঞ্জলে যে অষ্টাঙ্গ যোগের লক্ষণ আছে, ভগবদ্গীতাতেও সংক্ষেপতঃ সেই অষ্টাঙ্গ যোগের কথা বলা হইয়াছে। শ্রীভগবান্ উদ্ধবগীতার বিস্তারিত-রূপে এই অষ্টাঙ্গ যোগের উপদেশ করিয়াছেন। ভগবদ্গীতার এই অষ্টাঙ্গ যোগ,—সাংখ্য জ্ঞানেরই সাধক। এই যোগ-প্রক্রিয়া দ্বারা জ্ঞানই সাধিত হয়। এই জ্ঞান দ্বারা মোক্ষলাভ হইয়া থাকে। কৰ্ম, জ্ঞান ও ভক্তি ভগবৎপাদ লাভের উপায়। যোগও—কৰ্ম-বিশেষ। তাই বলা হইয়াছে—
যোগঃ কৰ্মসু কোশলম্।
বলাবাহুল্য এই সকল বিষয়ে সবিস্তার আলোচনা এই প্রবন্ধের উদ্দেশ্য নহে। কৃষ্ণের এই উপদেশ যে কেবল সার্বভৌমিক—সর্বশ্রেণীর সাধকের জন্যই যে তিনি উপদেশ দিয়া গিয়াছেন, এখানে তাহারই দিগ্‌দর্শনমাত্র (Suggestion) প্রদর্শন করা হইল।

শ্রায় ও গীতা।

মীমাংসাদর্শন, সাংখ্যদর্শন, ও যোগদর্শনের সাধন প্রণালী যে ভগবদ্গীতার আছে, ইহা প্রদর্শিত হইল। এখন শ্রায় দর্শনের কথা বলা হইতেছে। কাহারো কাহারো বিশ্বাস শ্রায়-দর্শনের প্রতিপাদ্য বিষয় ভগবদ্গীতায় আলোচিত হয় নাই। এ ধারণা অতি ভ্রম। নিম্নে এই ভ্রম-নিরসনের জন্য কয়েকটা প্রমাণ প্রদর্শিত হইতেছে।

শ্রায় সূত্রকার গৌতম বলেন :—
দুঃখজন্মপ্রবৃত্তিদোষনিথ্যাজ্ঞানানামুক্ত-
রোক্তরাপায়ে তদন্তরাপারান্দপবর্গঃ।
ভগবদ্গীতায় ভগবান্ বাসুদেব বহু-
পূর্বে বলিয়াছেন :—

অন্যমৃত্যুজরা-ব্যাধি-দুঃখদোষানুদর্শনং।

এতন্ জ্ঞানমিতি প্রোক্তং অজ্ঞানং বদতোহনুথা ॥

শুণানেতানতীত্য জীন্ দেহী দেহসমুদ্ভবান্।

অন্যমৃত্যুজরাহুঃখৈর্কিমুক্তোহনুতমম্মুতে ॥

ইহা গৌতমোক্ত জ্ঞানেরই প্রতিক্রম। গৌতম, প্রমের পদার্থের মধ্যে যে আত্মার উল্লেখ করিয়াছেন, তাহা গীতার ভোক্তা আত্মা হইতে বিভিন্ন পদার্থ নহেন। হ্যার ভাষ্যকার বাৎসায়ন বলেন :—“তত্রাত্মা সর্বশ্চ দ্রষ্টা সর্বশ্চ ভোক্তা সর্বজ্ঞঃ সর্বানুভাবী।” শ্রীমদ্ভগবদ্গীতাতেও এইরূপ উপদেশই দেখিতে পাওয়া যায় ; যথা :—

উপদ্রষ্টানুমন্তা চ ভক্তা ভোক্তা মহেশ্বরঃ ।

পরমাশ্ৰুতি চাপ্যুক্তো দেহেহস্মিন পুরুষঃ পরঃ ১৩।২২

হ্যারদর্শন হইতে আরও দুইটি সূত্র নিয়ে উদ্ধৃত করিয়া গীতার উপদেশের সহিত উহার এক্য প্রদর্শন করা যাইতেছে :—

১। ঈশ্বরঃ কারণং পুরুষকর্মফলাদর্শনাৎ—৪।১২

২। তৎকারিষাদহেতুঃ ।

ঈশ্বরই কারণ। পুরুষের কর্মফলারাদন,—ঈশ্বরাদীন। জীবের কর্মফলে অধিকার নাই, জীবের কর্তৃত্ব নাই ;—গৌতম, সূত্রাকারে এই উপদেশ করিয়াছেন। গীতার বহুস্থানে বহুবার এই কথাই পুনরুক্তি দৃষ্ট হয় ; যথা :—

১। প্রকৃতিঃ ক্রিয়মণানি গুণৈঃ কর্ম্মানি সর্বশঃ

অহঙ্কার বিমূঢ়াত্মা কর্ত্তাহমিতি মনুতে ॥ ৩।২০

২। চাতুর্লব্যাং মনাসৃষ্টং গুণ-কর্ম্মবিভাগশঃ ।

তস্য কর্ত্তারমপি মাং বিদ্যাকর্ত্তারমব্যয়ম্ ॥ ৪।১৩

৩। ভূমিরাপোহনলোবায়ুখংমনোবুদ্ধিরেব চ

অহঙ্কার ইতীদং মে ভিন্নাপ্রকৃতিরষ্টধা ॥ ৭।৪

অপরেয়মিতি স্বগাং প্রকৃতিং বিদ্ধি মে পরাং ।

জীবভূতাং মহাবাহো যস্মৈদং ধার্য্যতে অগৎ ॥ ৭।৫

এতদ্ যোনিনি ত্বুতানি সর্বানীত্যাগধারয়

অহং কৃৎসন্ত অগতঃ প্রভবঃ প্রলয় স্তথা ॥ ৭।৬

- मन्त्रः परतरं नात्र किञ्चिदस्ति धनञ्जय ।
 मग्निं सर्कमिदं प्रोक्तुं सूत्रे मणिगणा इव ॥ १।१
- ४ । बीजं मां सर्कभूतानां विक्रिं पार्थ सनातनम्
 ५ । मयाततमिदं सर्कं जगदव्यक्तमूर्तिना
 मंस्थानि सर्कभूतानि न चाहं तेष्ववस्थितम्
 न च मंस्थानि भूतानि पशु मे योगमेश्वरम्
 भूतभ्रष्टं भूतेश्च ममाद्या भूतभावनः ।
 यथाकाशस्थितो नित्यं वायुसर्कगतो महान् ।
 तथा सर्काणि भूतानि मंस्थानौत्पापाधरय ॥
 सर्कभूतानि कोशेय प्रकृतिं यास्ति मामिकाः ।
 कल्पकसे पुनश्चानि कल्पदो विसृजामाहम् ॥
 प्रकृतिं स्वामवच्छतां विसृजामि पुनःपुनः ।
 भूतग्राममिमं कृन्म हवशः प्रकृतेर्वशात् ॥
 मयाध्याक्सेण प्रकृतिः सूत्रे चराचरम्
 हेतुं नानेन कोशेय जगद् विपरि वर्तते ॥ २।४—१० ।
- ७ । पितृमहस्य जगतो माता धात्री पितृमहः । २।१७
 १ । गतिर्भूता प्रभूः साकौ निवासः शरणं सूत्रं ।
 प्रभवः प्रलयस्थानं निधानं वाज मवायम् ॥ २।१८
 ८ । अहं सर्कं प्रभवः मन्त्रः सर्कं प्रवर्तते ।
 ९ । यच्छापि सर्कभूतानां बीजं तदहमर्जुन ॥
 न तदस्ति विना यत् शान्त्या भूतं चराचरम् ॥ १०।३२
 १० । पितृसि लोकस्य चराचरस्य ॥ ११।४३
 ११ । मम योनिर्महं ब्रह्म तस्मिन् गर्भदधामाहम्
 * सर्कं सर्कभूतानां ततो भवति तारत

সর্বধোনিষু কোন্তোর যুস্তয় সম্ভবস্তোমাঃ

তাসাং ব্রহ্ম মহৎ যোনিরহং বীজপ্রদঃ প্রিতা ॥ ১৪।৩-৪

ভগবদ্গীতার এই সকল শ্লোক দ্বারা সাংখ্য জ্ঞানের পরমতত্ত্ব, যোগ-শাস্ত্রের পরমতত্ত্ব ও ন্যায়শাস্ত্রের পরমতত্ত্ব প্রকাশিত করা হইয়াছে। বেদান্ত দর্শনের পরমতত্ত্ব গীতার স্বকীয় প্রতিপাত্তব্য। সুতরাং “অন্যাত্মশ্চ বৃতঃ” প্রভৃতি ব্রহ্মনির্ণায়ক বেদান্ত সূত্র সমূহের প্রতিপাত্ত ব্রহ্ম খে এই সকল শ্লোক দ্বারা উক্ত হইয়াছেন, তাহা বলাই বাহুল্য।

কিন্তু মহর্ষি গোতমের ন্যায়শাস্ত্রের উপদেশের সহিত ভগবদ্গীতার উপদেশের ঐক্য প্রদর্শন করাই এখানে প্রয়োজন। সুতরাং সে সম্বন্ধে আরও দুই একটা কথা বলা আবশ্যিক। বেদান্ত সূত্রে ও ন্যায় সূত্রে যাহা সূত্রাকারে অন্তর্ভুক্ত বলা হইয়াছে, গীতার সেই তথ্যই বিস্তৃতরূপে পরি-সুট ভাষায় বিবৃত হইয়াছে এই মাত্র প্রভেদ।

যে দুইটা গৌতম সূত্র উদ্ধৃত করিয়া এখানে ভগবদ্গীতার শ্লোক সমূ-হের অবতারণা করা হইয়াছে, উহার প্রথম সূত্রের ভাষ্য বাৎসায়ন লিখিয়াছেন :—পুরুষোহয়ং সমাহমানো নাবশ্যং সমাহফলমাপ্নোতি ; তেনানুমায়তে পরাধীনং পুরুষকর্মফলারাদানমিতি । যদধীনং সঃ ঈশ্বরঃ । তস্মাদীশ্বরঃ কারণমিতি ।

ইহার মর্মার্থ এই যে, পুরুষ চেষ্টাশীল হইয়াও সর্বদা চেষ্টাফল প্রাপ্ত হয় না সুতরাং পুরুষের চেষ্টাফল যে পরাধীন তাহা অনুমের। এই কর্মফল বাহার অধীন, তিনিই ঈশ্বর। সুতরাং ঈশ্বরই কারণ।

বাৎসায়নের এই ভাষ্যের সহিত শ্রীভগবদ্গীতার বাক্য তুলনা করিয়া দেখা যাউক। গীতা উপদেশ করিতেছেন :—

কর্মণ্যোবাধিকারশ্চে মা কলেবু কদাচন ।

মা কর্মফলহেতুর্ভূম্মাতে সন্দোষকর্মণি ।২।৪৭

যথাপিতাহ পত্যানাং, তথাপিতৃভূত ঈশরো ভূতানাং ।” ঈশরের এই পিতৃষ্ গীতায় বহুস্থানে উল্লিখিত হইয়াছে ; তদ্বথা :—

- ১। পিতামহস্য জগতো মাতা ধাতা পিতামহঃ ।৫।৭
- ২। পিতাসি লোকস্য চরাচরস্য ।
- ৩। তাসাং ব্রহ্ম মহদ্যোনিরহং বীজপ্রদঃ পিতা ।১৪।৩
- ৪। পিতেব পুত্রস্য সখেব সখুরিত্যাদি ।

আর একটি কথা বলিয়া গায় প্রকরণের উপসংহার করা হইতেছে । বাৎস্যায়ন লিখিয়াছেন :—“তথা পিতৃভূত ঈশরো ভূতানাং ন চাত্মকমাদন্ত-কল্প সম্ভবতি । ন ভাবদস্য (ঈশরস্য) বুদ্ধিঃ বিনা কশ্চিৎকর্মো লিঙ্গভূতঃ শক্যঃ উপপাদয়িতুন্ম । আগমাশ্চ দ্রষ্টা বোদ্ধা সর্বজ্ঞাতেশ্বর ইতি বুদ্ধ্যাদিভিচ্চাত্ম-লিঙ্গৈঃ নিরূপাখ্যামাশ্বরং প্রত্যক্ষাত্মানাগম বিজয়াতীতং কঃ শক্ভঃ উপপাদয়িতুন্ম ।”

ফলতঃ ঈশরপ্রেরিত বুদ্ধি দ্বারাই আমরা তাঁহাকে জানিতে পারি । সুতরাং ঈশ্বর বুদ্ধির বিষয় । কিন্তু তিনি আত্মলিঙ্গবুদ্ধি বা ব্যক্তিগত উৎপ্রেক্ষানাঞ্জনিবন্ধনা বুদ্ধির বিষয় নহেন । ঈশ্বর প্রেরিত বুদ্ধি দ্বারাই ঈশ্বরকে জানা যায় । গীতা অতি স্পষ্টস্বরে তাহাই বলিতেছেন ; যথা:—

- ১। সর্বস্য চাহং হৃদি সন্নিবিষ্টো মত্তঃ স্মৃতিজ্ঞানিমপোহনঞ্চ ।
বেদৈশ্চসর্কৈরহমেব বেত্তো বেদান্তকুদ্বেদবিদেব চাহম্ ॥

গীতায় আরও স্পষ্ট উক্তি এই :—

- ১। তেষামেবানুকম্পার্গমহমজ্ঞানজং তমঃ ।
নাশয়াম্যাত্মভাবস্তো জ্ঞানদীপেন ভাস্বতা ॥
- ২। তেষাং সততযুক্তানাং ভক্ততাং প্রীতিপূর্বকঃ ।
দদামি বুদ্ধিযোগং তং যেন মামুপযাস্তি তে ॥

এস্থলে গায়দর্শনের কথা প্রসঙ্গে ভগবদগীতার ব্রহ্মতত্ত্ব এবং তৎপ্রাপ্তির পায় একপ্রকার প্রদর্শিত হইল । ভগবৎপ্রাপ্তি'সম্বন্ধে গীতায় যে জ্ঞান

ও ভক্তির কথা বলা হইয়াছে, এখানে তাহার উল্লেখ করা গেল মাত্র। ফলতঃ জ্ঞান ও ভক্তির তত্ত্ব উক্ত গীতাত্তেই শ্রীভগবান্ সমুজ্জল ও সুবিশদ-রূপে উপদেশ করিয়াছেন। ভগবদ্গীতার জ্ঞান ও ভক্তিতত্ত্বসম্বন্ধে সংক্ষিপ্তভাবে কিঞ্চিৎ আলোচনা করিতে হইলেও এই বিষয়টা অসম্ভাবিত রূপে সূত্রীর্ষ হইয়া পড়িবে। সেই জগৎ সে প্রয়াস হইতে বিরত হইলাম।

শ্রীকৃষ্ণের গুণাবলী।

শ্রীকৃষ্ণতত্ত্বের আলোচনায় শ্রীকৃষ্ণের উপদেশাবলীর ষৎকিঞ্চিৎ দিগ্‌দর্শন মাত্র করা হইল। এখানে শ্রীভক্তিরসায়তনসিন্ধু হইতে শ্রীকৃষ্ণের গুণাবলী সম্বন্ধেও ষৎকিঞ্চিৎ আলোচনা না করিলে এই বিষয়ের আলোচনা অসম্পূর্ণ হইবে। যদিও শ্রীকৃষ্ণের লীলা কথার সংক্ষিপ্ত মধ্যে তাঁহার গুণাবলীর উদাহরণ কিছু কিছু আলোচনা করা হইয়াছে, কিন্তু শ্রীভক্তিরসায়তনসিন্ধু গ্রন্থে শ্রীকৃষ্ণের এসকল গুণের প্রত্যেকটিরই উদাহরণ প্রদত্ত হইয়াছে। বিবিধ গ্রন্থ হইতে শ্লোকাবলী উদ্ধৃত করিয়া শ্রীকৃষ্ণের কলাগুণসমূহের উদাহরণ দেওয়া এখানে সম্ভবপর হইবে না। কেবল গুণগুলির নাম মাত্র উল্লেখ করা হইল।

স্বয়ং ভগবান্ শ্রীকৃষ্ণ নায়কের চূড়ামণি ; তাঁহাতে সর্ববিধ মহাগুণ-রাশি অবিদ্যমান হইয়া বিরাজ করিতেছে। ১। এই নায়ক শ্রীকৃষ্ণ সুরম্যাদ —যাহার অঙ্গসম্মিলন শ্লাঘার্ক। ২। সর্বসম্বন্ধগামিত, গুণোৎক এবং অক্ষোৎক ভেদে শারীরিক সম্বন্ধগ দ্বিবিধ। রক্ততা এবং তুঙ্গতা গুণযোগে গুণোৎক সম্বন্ধগ হয়। তন্মধ্যে নেত্রাঙ্গ, পাদতল, করতল, তালু, অধরোষ্ঠ, জিহ্বা ও নখ এই সপ্তস্থানে রক্তিমতা। বক্ষঃ, শঙ্ক, নখ, নাসিকা, কটি এবং বদন এই ছয় স্থানে তুঙ্গতা। কটি, ললাট, এবং বক্ষঃস্থল এই তিন স্থানে বিশালতা। গ্রীবা, জজ্বা এবং মোহন এই তিন স্থানে ঋক্ষতা। নাভি স্বর ও বুদ্ধি এই তিন স্থানে গভীরতা। নাসা, ভূজ, নেত্র, হস্ত এবং জাহ্নু এ পঞ্চস্থানে দীর্ঘতা। বক্ষঃ, কেশ, লোম, দন্ত এবং অঙ্গুলীপর্ক এই পঞ্চ স্থানে

সুন্দরতা । এইরূপ গুণোথ সলক্ষণ দ্বাত্রিংশৎ প্রকার । ইহা মহাপুরুষের লক্ষণ । করতলাদিতে রেখাময় চক্রাদি চিহ্নকে অক্ষোথ গুণ বলে । তন্মধ্যে করতলে চক্র কমলাদি অক্ষোথ চিহ্ন । পাদতলে অর্ধচন্দ্রাদি চিহ্ন তন্মধ্যে বামপদে অর্ধচন্দ্র, কলস, ত্রিকোণ ধনুঃ, অক্ষর, গোম্পদ, মৎস্য এবং শঙ্খ এই অষ্ট চিহ্ন এবং দক্ষিণপদে অষ্টকোণ, ধ্বজ, পদ্ম, বজ্র, অক্ষণ, যব, স্বস্তিক, উর্দ্ধরেখা, জহুকল, চক্র এবং ছত্র এই একাদশ চিহ্ন ।

৩। কৃচির—যিনি সৌন্দর্য্য দ্বারা নয়নের আনন্দ সম্পাদন করেন ।
 ৪। তেজসাম্বিত—তেজোরশি এবং ৫। বলীরান্—
 বলাতিশয়শালী, ৬। বয়সাম্বিত—নানা বিলাসাম্বিত নবকিশোর, ৭। বিবি
 ধাসুত ভাষাবিৎ—নানাদেশের সংস্কৃত এবং প্রাকৃত ভাষায় সুপণ্ডিত,
 ৮। সত্যবাক্য—যাহার বাক্য কখনই মিথ্যা হয়না, ৯। প্রিয়ংবচ—
 অপরাধীতেও যিনি সাহুবাদী । ১০। বাবদুক—যাহার বাক্য শ্রবণপ্রিয়,
 এবং রস-ভাবাদি-সম্বিত, ১১। সুপণ্ডিত—বিদ্যান এবং নীতিজ্ঞ, ১২। বুদ্ধি
 মান্—মেধাবা ও স্মৃদ্ধা, ১৩। প্রতিভাম্বিত—যাহার জ্ঞান সত্ত্ব নব-
 নবোন্মেষি, ১৪। বিদগ্ধ যাহার চিত্ত চতুষ্টয় বিদ্যা ও বিলাসে দিগ্ধ,
 ১৫। চতুর—একদা বহুকথা সাধনকারী, ১৬। দক্ষ—দুষ্কর কার্যের
 শীঘ্র সমাধায়ক, ১৭। কৃতজ্ঞ—অনুকৃত সেবাদি কার্যের অভিজ্ঞ, ১৮। সুদৃঢ়-
 ব্রত—যাহার প্রতিজ্ঞা ও নিয়ম সত্য, ১৯। দেশকাল সুপাত্রজ্ঞ—দেশ,
 কাল এবং পাত্রানুসারে তদুচিত ক্রিয়াকারী, ২০। শাস্ত্রচক্ষু—শাস্ত্রানুসারে
 কৰ্ম্মকারী, ২১। শুচি—পাপনাশক ও দোষবর্জিত, ২২। বশা—জিতেন্দ্রিয়,
 ২৩। স্থির—যিনি ফলোদয় না দেখিয়া কার্য্য হইতে নিবৃত্তি হন না,
 ২৪। দাস্ত—দুঃসহ হইলেও যিনি উচিত রোগ সহন করেন । ২৫। ক্ষমা-
 শীল—যিনি অন্যের অপরাধ সহন করেন, ২৬। গম্ভীর—যাহার অভিপ্রায়
 অন্যের দুর্কৌধ, ২৭। ধৃতিমান্ পূর্ণ স্পৃহ এবং কোভকারণ সবে কোভ-
 রহিত, ২৮। সম—রাগদ্বेषরহিত, ২৯। বদান্ত—মানবীর, ৩০। ধার্মিক

—যিনি স্বয়ং ধর্ম আচরণ করিয়া অন্তকে ধর্মাচরণে ব্রতী করেন, ৩১ । শূর
—সঙ্গে উৎসাহী এবং অস্ত্রপ্রয়োগে নিপুণ, ৩২ । ককণ—পরদুঃখাসাহসু,
৩৩ । মাণ্ডমানকুং—গুরু ব্রাহ্মণ এবং বৃদ্ধাদির পুত্রক, ৩৪ । দক্ষিণ—
সুস্থভাববশতঃ কোমল চরিত, ৩৫ । বিনয়ী—ঔদ্ধত্য পরিহারী,
৩৬ । হীমান্—অনু কর্তৃক সুররহস্য বিদিত হইলে অথবা অন্য ব্যক্তি স্তুতি
করিলে যিনি অধাষ্ঠ্য স্বভাববশতঃ সঙ্কচিত হন, ৩৭ । শরণাগতপালক—
শরণাগত ব্যক্তির পালনশীল, ৩৮ । সুখী—ভোক্তা ও দুঃখ গন্ধে অস্পৃষ্ট,
৩৯ । ভক্তসুহৃৎ সুসেব্য ও দাসদিগের বন্ধুভেদে ভক্তসুহৃৎ দুইপ্রকার,
৪০ । প্রেমবশ্ত—প্রিয়নামাত্রবশর্চ, ৪১ । সর্বশুভক্ষর—সকলেরই হিতকারী,
৪২ । প্রতাপী যিনি স্বয়ং প্রভাবে শত্রুনাশকতা খ্যাতি লাভ করিয়াছেন,
৪৩ । কীর্ত্তিমান্ নিশ্চয় বশোরশি দ্বারা বিখ্যাত, ৪৪ । ব্রহ্মলোক—
সর্ব লোকের অন্তরাগের পাত্র, ৪৫ । সাধুসমাশ্রয়—সদেক পক্ষপাতী,
৪৬ । নারীগণ মনোহারী—সুন্দরীবৃন্দ মোহন, ৪৭ । সর্কারাধ্য সবলের
অগ্রপূজ্য ৪৮ । সমৃদ্ধিমান্—মহা সম্পত্তিমুক্ত, ৪৯ । বরায়ান্—সকলেয় অতি
মুখ্য, ৫০ । ঈশ্বর—স্বতন্ত্র ও গাহাব আভা দুর্লভ্য । অচ্যুক্রমে পরিকীর্ত্তিত
শ্রীকৃষ্ণের এই পঞ্চাশৎ প্রকার গুণ সমূহের জায় দুর্বিগাহ ।

কোন কোন জীবে বিন্দু বিন্দু রূপে এই সকল গুণের উপলব্ধি হইলেও,
এক শ্রীকৃষ্ণতেই এই গুণসকল পরিপূর্ণরূপে প্রকাশ পাইয়া থাকে ।

অনন্তর অন্য পাঁচ গুণ যথাসম্ভব আংশিকরূপে শ্রীশিবাদিতে সংভাবিত
হইয়া থাকে তাহা এই :—১ । সত্যরূপ-সংপ্রাপ্ত মায়াকার্যের অবশীভূত ;
২ । সর্বজ্ঞ—পরিচিত্তাস্থিত ও দেশকালাদি ব্যবহিত সমস্ত বিষয়ের
অভিজ্ঞ ; ৩ । নিত্য নূতন—সর্বদা অনুভূয়মান হইলেও যিনি অননুভূতের
জায় স্বয়ং মাধুরী দ্বারা চমৎকারিতা সম্পাদন করেন ; ৪ । সচ্চিদানন্দ
সাক্ষাৎ—ঘনীভূত চিদানন্দ বাঁহার আকৃতি, এবং ৫ । সর্বসিদ্ধি-নিষেধিত
—সমস্ত সিদ্ধি বাঁহার অধীন ।

অপর শ্রীনারায়ণাদির অমুবন্তী পঞ্চগুণের কথা বলা যাইতেছে :—
 ১। অবিচিন্ত্যমহাশক্তি—দিব্যসৃষ্টাদি-কর্তৃত্ব এবং ব্রহ্মরুদ্রাদিমোহন ও
 তত্ত্ব প্রারক ধ্বংস প্রভৃতিই অবিচিন্ত্য মহাশক্তি। ২। কোটিব্রহ্মাণ্ডবিগ্রহ—
 ষাঁহার শরীরে অগণ্য ব্রহ্মাণ্ড অবস্থান করে। ঠৈহাধারাও মধ্যমাকারেরও
 শ্রীবিগ্রহের বিভূত্ব কীর্তিত হইল। ৩। অবতারাবলী-বীজ—অবতারী,
 ৪। হতারিগতি-দায়ক—নিহত শত্রুদিগের গতিদাতা, ৫। আত্মারাম-
 গণাকর্ষী—যিনি ব্রহ্মরসে নিমগ্ন আত্মারামগণকে আকর্ষণ করেন। এই
 পাঁচটা গুণ পরব্যোমনাথ শ্রীনারায়ণ এবং মহাপুরুষাদিতে থাকিলেও কৃষ্ণে
 বড়ই অদ্ভুত,—অর্থাৎ চমৎকারিতাতিশয় সম্পাদক।

অপর গুণাবলী—১। সর্বাদ্ভুত-চমৎকারলীলাকল্লোলবারিধি ; ২। অতুল্য
 মধুরপ্রেমমণ্ডিতপ্রিয়মণ্ডল ; ৩। ত্রিজগন্মানসাকর্ষিমূরলী-কল-কুজিত, এবং
 ৪। অসমানোঙ্করূপ শ্রীবিস্মাপিতচরাচরঃ ; এই চারিটি গুণ শ্রীকৃষ্ণের
 অসাধারণ গুণ অর্থাৎ যিনি সর্ববিধ অদ্ভুত চমৎকার লীলাতরঙ্গের
 সমুদ্রতুল্য, যিনি অল্পপাম মধুর প্রেম দ্বারা প্রিয় জনকে ভূষিত করেন ;
 ষাঁহার বেগুধ্বনি ত্রিজগতের মন আকর্ষণ করে এবং ষাঁহরে সমান বা ষাঁহা
 হইতে অধিক নাই, এতাদৃশ রূপ দ্বারা যিনি চরাচরকে বিস্মিত করেন,
 শ্রীকৃষ্ণ এতাদৃশ অসাধারণ গুণসম্পন্ন।

লীলা, এবং প্রেমহেতু প্রিয়দিগের আধিক্য, এবং বেগু মধুর্য ও রূপ
 মধুর্য এই চারিটি শ্রীগোবিন্দ অসাধারণগুণ অর্থাৎ এই গুণগণ অন্তত নাই।
 এই সকল গুণ শ্রীভক্তিরসামৃতসিন্দু গ্রন্থে শ্লোকাকারে লিখিত আছে।

শ্রীরাধার গুণ।

শ্রীউচ্ছ লীলামণি গ্রন্থে শ্রীরাধার গুণও লিপিত হইয়াছে, যথা—

অথ বৃন্দাবনেশ্বর্যাঃ কীর্ত্যন্তে প্রবরা গুণাঃ ।

মধুরেয়ং নববরাশ্চলাপাঙ্গোজ্জলম্বিতা ॥

চারুসৌভাগ্য-রেখাঢ্যা গঙ্কোন্মাদিতা মাধবা ।
 সঙ্গীতপ্রবরাভিজ্ঞা রম্যবাক্ নন্দ্যপণ্ডিতা ॥
 বিনীতা করুণাপূর্ণা বিদম্ভা পাটবাঙ্ঘিতা ।
 লজ্জাশীলা সুমধ্যাদা ধৈর্যা-গান্তৌর্য্যশালিনী ॥
 সুবিলাসা মহাভাব-পরমোৎকর্ষ-তর্ষিণী ।
 গোকুল-প্রেমবসতির্জগৎ-শ্রেণী-লসদ্বশা ॥
 গুর্কর্ষিত গুরুস্নেহা সখী-প্রণয়িতাবশা ।
 কৃষ্ণপ্রিয়াবলীমুখ্যা সন্তস্তাশ্রবকেশবা ॥
 বহনা কিং গুণাস্তস্তা সংখ্যাভীতা হরেরিব ॥

শ্রীরাধা-গোবিন্দের লীলা পাঠ করিলে ইহা অপেক্ষাও আরও বহুগুণ স্বতঃই ভাবুক হৃদয়ে সমুদিত হয়। ভক্ত মাত্রেই ভগবদ্গুণের মহিমা জানা আবশ্যিক। ঐতিহ্যে লিখিত আছে—“ব্রহ্মবিদ্ ব্রহ্মৈব ভবতি”। অর্থাৎ যিনি ব্রহ্মকে জানেন, তিনি ব্রহ্মবৎ হন অর্থাৎ তদ্রূপ প্রশান্ত, নির্বিকার, অপাপবিদ্ধ, সর্ববাসনাবিমুক্ত, সর্বভাবে মায়ামুক্ত হইয়া থাকেন। এইরূপ ভগবদ্ভক্ত জনগণেও ভগবানের গুণ জীবে যে পরিমাণে সম্ভবপর সেই পরিমাণে প্রাপ্ত হন। যুগনাভি কস্তুরী পেটিকায় আবদ্ধ রাখিলে তাহার সুগন্ধ দীর্ঘ কাল সেই পেটিকায় বর্তমান থাকে। গুণ-সঞ্চারের নিয়মানুসারে ভগবদ্গুণ-ধ্যান-পরায়ণ নিষ্ঠাবান্ ভক্তে ভগবানের বিবিধগুণ সঞ্চারিত হইয়া থাকে। ভক্তি দ্বারা যাহাদের দোষ সমস্ত নির্মূত হইয়া যায়, সুতরাং যাহারা প্রসন্নোজ্জ্বলচিত্ত, ভাগবতানুরক্ত, রসিকাসঙ্গ-রসী, শ্রীগোবিন্দ-পদারবিন্দ-ভজনানন্দ-পরায়ণ এবং প্রেমের অন্তরঙ্গভূত নিত্যনৈমিত্তিক কর্মসমূহই যাহাদের জীবন-ব্রত, বিভাব-অনুভাব প্রভৃতি দ্বারা যাহারা ভগবৎ-রসাস্বাদন করেন, তাহারা শ্রীকৃষ্ণের বিবিধগুণ প্রাপ্ত হইয়া ভগবৎ রসাস্বাদনে অধিকারী হন।

“কৃষ্ণ ভক্তে কৃষ্ণ গুণ সকলি সঞ্চারে”।

শ্রীচরিতামতে সনাতন শিক্ষায় যে চতুষ্টয় অঙ্গ ভক্তির বিষয় লেখা
হইয়াছে তাহাতেও ঐ বিষ্ণুশক্তোচিত বহু সদগুণের উল্লেখ আছে।
শ্রীমন্মহাপ্রভু শ্রীপাদ সনাতনকে বলেন—

- * বিবিধাঙ্গ সাধন ভক্তি বহুত বিস্তার ।
- সংক্ষেপে কহি কিছু সাধনাঙ্গ সার ।
- শ্রুতপদাশ্রয়, দীক্ষা, গুরুর সেবন ।
- সদ্বর্শশিক্ষাপৃচ্ছা সাধুমাগীভুগমন ॥
- কৃষ্ণ প্রীতে ভোগ ভাগ, কৃষ্ণতীর্থে বাস ।
- যাবৎ নির্দাহ প্রতিগ্রহ, একাদস্যুপবাস ॥
- ধাত্রাশ্রয়-গো-বিপ্র-বৈষ্ণব-পূজন ।
- সেবা নামাপরাধাদি দূরে বর্জন ॥
- অবৈষ্ণব সঙ্গভ্যাগ, বহু শিশু না করিবে ।
- বহুগ্রন্থ ফলাভ্যাস বাখ্যান বর্জিবে ॥
- হানি লাভ সম, শোকাদির বশী না হইবে ।
- অন্য দেব অন্য শাস্ত্র নিন্দা না করিবে ॥
- বিষ্ণু বৈষ্ণব নিন্দা, গ্রাম্যবার্তা না শুনিবে ।
- প্রাণিমাতে মনোবাক্যে উদ্বেগ না দিবে ॥
- শ্রবণ, কীর্তন, স্মরণ, পূজন, বন্দন ।
- পরিচর্যা, দাস্য, সখ্য, আত্মনিবেদন ॥
- অপে নৃত্য গীত বিজ্ঞপ্তি দণ্ডবৎ নতি ।
- অভ্যুখান, অমৃতজ্যা, তীর্থ-গৃহে গতি ॥
- পরিক্রমা, স্তব পাঠ, জপ, সংকীর্তন ।
- ধূপ, মাল্য গন্ধ মহাপ্রসাদ ভোজন ॥
- আরত্বিক মহোৎসব শ্রীমূর্তি দর্শন ।
- নিজ প্রিয় দান ধ্যান, তদীয় সেবন ॥

তদীয় তুলসী, বৈষ্ণব, মথুরা ভাগবত ।
 এই চারি সেবা হয় কৃষ্ণের অতিমত ॥
 কৃষ্ণার্থে অখিল চেষ্টা, তৎকৃণাবলোকন ।
 জন্মদিনাদি মহোৎসব লঞা ভক্তগণ ॥
 সর্বদা শরণাপত্তি কার্তিকাদি ব্রত ।
 চতুষ্টয় অঙ্গ এই পরম মহত্ত্ব ॥
 সাধু-সঙ্গ, নামকীর্তন, ভাগবত শ্রবণ ।
 মথুরা বাস, শ্রীমূর্তির শ্রদ্ধায়ে সেবন ॥
 সকল সাধন শ্রেষ্ঠ এই পঞ্চ অঙ্গ ।
 কৃষ্ণপ্রেম জন্মায় এই পাচের অঙ্গ সঙ্গ ॥
 এক অঙ্গ সাধে, কেহ সাধে বহু অঙ্গ ।
 নিষ্ঠা হৈলে উপজয় প্রেমের তরঙ্গ ॥

শ্রীমদ্ ভগবদ্গীতার দ্বাদশ অধ্যায়ের উপসংহারে শ্রীকৃষ্ণ-বৈষ্ণবতা
 লাভের যে গুণগণের উপদেশ করিয়াছেন, তাহার সংক্ষিপ্ত মর্ম এইরূপ :—
 সর্বভূতের অদ্বেষ্টত্ব, মৈত্রতা, কারুণ্য, নির্মমত্ব, নিরহংকারত্ব, সমদুঃখ
 স্মৃৎস্ব, ক্ষমা, সতত সন্তোষ, চিত্তসংযম, দৃঢ় নিশ্চয়তা, ভগবানে মনোবুদ্ধি-
 যোগ, নিরুদ্ধিগততা, উদ্বেগ-দানরহিতত্ব, হর্ষামর্ষভয়োধেগমুক্ততা, অনপেক্ষত্ব,
 শুচিত্ব, দক্ষতা, উদাসীনত্ব, গতব্যথত্ব, সর্বীরস্ত-পরিত্যাগিতা, হর্ষ-দেষ-
 শোক-রহিতত্ব, আকাজ্জা রহিতত্ব, শুভাশুভ পরিত্যাগিতা, শাতোকসুখ-
 দুঃখমানাপমানে, শত্রুমিত্রে ও নিন্দাস্তুতিতে সমতা, সঙ্গবিবর্জিতত্ব,
 যদৃচ্ছালাভসন্তোষ, বাকসংযতত্ব, আসক্তিরহিতত্ব, নিয়ত নিবাস-রহিতত্ব,
 স্থিরমতিত্ব এই সকল গুণাবলম্বী হইয়া যিনি শ্রীকৃষ্ণের ভজন করেন, সেই
 ভক্তিমান্ সাধক শ্রীকৃষ্ণের প্রিয় হন ।

এখানে বৈষ্ণবের সাধনার প্রকরণ এবং বৈষ্ণবতার উপযুক্ত নীতি চরিত্র
 ও মানসিক ভাবচরিত্র-গঠনের এবং বৈষ্ণবের উপাস্ত ভগবানের স্বরূপ

সম্বন্ধে শ্রীপাদ সনাতনকে শ্রীমহাপ্রভু যে উপদেশ দিয়াছিলেন, তাহার সংক্ষিপ্ত মর্ম প্রকাশ করিলাম। সম্বন্ধ তত্ত্ব সম্বন্ধে আলোচনা করিতে হইলে ব্রহ্ম-তত্ত্ব, পরমাত্মতত্ত্ব ভগবৎ-তত্ত্ব ও শ্রীকৃষ্ণ-তত্ত্বের আলোচনা করা প্রয়োজনীয় কিন্তু এখানে সম্বন্ধতত্ত্বের চরম তত্ত্ব—শ্রীকৃষ্ণ-তত্ত্ব সম্বন্ধে যৎকিঞ্চিৎ আলোচনা করিয়া এই তত্ত্বের উপসংহার করা হইল।

দ্বাবিংশ অধ্যায়

অভিধেয়-তত্ত্ব

বন্দে শ্রীকৃষ্ণ-চৈতন্য দেবং তং করুণার্ণবং ।

কলাবপ্যতি গৃঢ়েয়ং ভক্তি যেন প্রকাশিতা ॥

সম্বন্ধ অভিধেয় ও প্রয়োজন, এই ত্রিবিধ বিষয় নির্ধারণ করিয়া শ্রীপাদ শ্রীজীব ষট্‌সন্দর্ভ গ্রন্থ প্রণয়ন করেন ; তত্ত্ব সন্দর্ভ, ভগবৎ সন্দর্ভ, পরমাত্ম সন্দর্ভ ও কৃষ্ণ সন্দর্ভ। এই সন্দর্ভ চতুষ্টয়ে সম্বন্ধ তত্ত্ব নির্ণিত হইয়াছে। ব্রহ্ম পরমাত্মা ও ভগবান্,—পরমতত্ত্বের এই ত্রিবিধ আবির্ভাব উপাসকগণের ভিন্ন ভিন্ন ধারণা অনুসারে শাস্ত্রে বর্ণিত হইয়াছে। আদ্য সন্দর্ভত্রয়ে শ্রীপাদ শ্রীজীব অতি উত্তমরূপে ইহার বিচার করিয়া শ্রীকৃষ্ণ-সন্দর্ভে প্রাপ্যাদান করিয়াছেন যে, শ্রীকৃষ্ণই চরমতত্ত্বের পূর্বতম আবির্ভাব। লঘু ভাগবতামৃতে উপাস্ততত্ত্বের বিচার বিস্তারিতরূপে বিবৃত করা হইয়াছে। শ্রীপাদ শ্রীজীব শ্রীপাদ সনাতনের শ্রীমুখে এই সকল উপদেশ শ্রবণ করিয়া-ছিলেন। শ্রীপাদ সনাতন সাক্ষাৎ সম্বন্ধে মহাপ্রভুর নিকটে এই উপদেশাবলী প্রাপ্ত হইয়াছিলেন। শ্রীকৃষ্ণের ঐশ্বর্য্যতত্ত্ব বর্ণনা করিয়া সম্বন্ধ-তত্ত্ব পরিস্ফুট করা হয়। তাদৃশ উপাস্য বস্তুর কথা শুনিয়া চিন্তে স্বভাবতই

এই সঙ্ঘাসনার আবির্ভাব হয় যে, হৃদয়ের এমন অভিবাঙ্কিত বস্তুকে কি প্রকারে লাভ করিতে পারিব ? এই জিজ্ঞাসা পরিতৃপ্তির অন্ত যে উপদেশ করা হয়, তাহারই নাম “অভিধেয় তত্ত্ব” । ষট্‌সন্দর্ভের পঞ্চম সন্দর্ভ এই জিজ্ঞাসারই প্রত্যুত্তর ; উহার নাম,—ভক্তিসন্দর্ভ । এখানে ভক্তি সন্দর্ভের বিষয়গুলি বিবৃত করিয়া বুঝাইয়া দিলেই অভিধেয় তত্ত্ব সম্বন্ধে যৎকিঞ্চিৎ বলা হইত । ভক্তি সন্দর্ভেই অভিধেয় তত্ত্ব বিবৃত হইয়াছে । শ্রীমৎরূপশিক্ষামৃতে ভক্তি সম্বন্ধে আলোচনা করা হইয়াছে । কিন্তু শ্রীচৈতন্য চরিতামৃতেও ধারা অনুসারে এই গ্রন্থে শ্রীপাদ সনাতন-শিক্ষামৃতও লিখিত হইবে । সুতরাং শ্রীচরিতামৃতেও মধ্যখণ্ডের ষাট্‌বিংশ পরিচ্ছেদ ‘অদলম্বনে অভিধেয় তত্ত্ব লিখিতে প্রবৃত্ত হইলাম :—

এইতো কহিল সম্বন্ধতত্ত্বের বিচার ।
বেদ শাস্ত্রের উপদেশে কৃষ্ণ এই সার ॥
এবে কহি শুন অভিধেয় লক্ষণ !
যাহা হইতে পাই কৃষ্ণ, কৃষ্ণ প্রেমধন ॥
কৃষ্ণ ভক্তি অভিধেয় সর্বশাস্ত্রে কয় ।
অতএব মুনিগণ করিয়াছে নিশ্চয় ॥

শ্রুতি মাতা পৃষ্ঠা দিশতি ভবদারাধনবিধিঃ,
যথা মাতৃর্কাণী শ্বতিরপি তথা বক্তি ভগিনী ।
পুরাণাত্মা যে বা সহজনিবহাণ্ডে তদমুগা ।
অতঃ সত্যং জাতং মূরহর ! ভবানেব শরণম্ ॥

মাতা শ্রুতিকে জিজ্ঞাসা করিলাম, তিনি তোমার আরাধনা করিতে উপদেশ করিলেন । মাতা যাহা বলিলেন, ভগিনী শ্বতিও তাহাই বলিলেন । ব্রাহ্মবর্গ পুরাণ ইতিহাসাদিও মাতা এবং ভগিনীর অনুগামী অর্থাৎ তাঁহারাও তোমারই ভজ্ঞন করিতে বলেন । অতএব হে মূরহর, একমাত্র তুমি ই আশ্রয় ইহা আমি সত্যই বুঝিতে পারিতেছি ।

স্বয়ং ভগবান্ শ্রীকৃষ্ণই অস্বর জ্ঞানতত্ত্ব । অস্বর-জ্ঞানতত্ত্বরূপ স্বয়ং ভগবান্ শ্রীকৃষ্ণ,—স্বরূপে, স্বরূপবিলাসরূপে, স্বরূপশক্তিরূপে, স্বরূপশক্তিবিলাসরূপে, স্বরূপশক্তিবৃত্তিরূপে ও স্বরূপশক্তিবৃত্তিবিলাসরূপে নিত্য বিরাজিত । স্বরূপ স্বয়ং ভগবান্ শ্রীকৃষ্ণ ; স্বরূপবিলাস শ্রীবলরাম ও শ্রীনারায়ণ ; স্বরূপশক্তি শ্রীরাধিকা ; স্বরূপশক্তি বিলাস শ্রীচন্দ্রাবলী ও শ্রীলক্ষ্মী ; স্বরূপশক্তিবৃত্তি বিশুদ্ধ মত্ব ; স্বরূপশক্তিবৃত্তিবিলাস বিশুদ্ধ মত্বের প্রকাশ । অবতার সকল স্বরূপবিলাসের অংশ ; পরিকরসকল স্বরূপ শক্তির বা স্বরূপশক্তিবিলাসের অংশ । স্বরূপবিলাসের অংশভূত অবতার সকল শ্রীকৃষ্ণের স্বাংশ বলিয়াই গণ্য হয়েন । তটস্থ শক্তিরূপ জীবসকল শ্রীকৃষ্ণের বিভিন্নাংশ । এই সকল স্বাংশ ও বিভিন্নাংশ জীব আবার নিত্য-মুক্ত ও নিত্যসংসার ভেদে দুই প্রকার । ষাঁহারা নিত্য শ্রীকৃষ্ণচরণে উন্মুখ তাঁহারা নিত্যমুক্ত । তাঁহারা পার্শ্বদমধ্যেই গণ্য হইয়া থাকেন । আর ষাঁহারা নিত্য বহিঃমুখ, তাঁহাদেরই নিত্য সংসার । তাঁহারা অনাদি বহিঃমুখতা বশতঃ সংসারবদ্ধ হইয়া সংসার দুঃখ ভোগ করেন । তাঁহাদিগের বহিঃমুখতানিবন্ধনই মায়া তাঁহাদিগকে বন্ধন করিয়া সংসারদুঃখ প্রদান করিয়া থাকেন । ঐ সংসার দুঃখ আধ্যাত্মিকাদি ভেদে ত্রিবিধ । এই নিমিত্তই সংসারদুঃখকে ত্রিতাপ বলা হয় । জীব কাম ও ক্রোধের বশীভূত হইয়াই ত্রিতাপ ভোগ করিয়া থাকেন । সংসারচক্রে ভ্রমণ করিতে করিতে যে জীব সাধুরূপ বৈষ্ণব লাভ করেন, তিনিই তদুপদেশে সংসার রোগ হইতে মুক্ত হয়েন । সাধু বৈষ্ণবের উপদেশ-রূপ মন্ত্রের বলেই জীবের মায়াপিণ্ডাচার আবেশ ত্যাগ হইয়া যায় এবং উহার সঙ্গে সঙ্গেই ত্রিতাপেরও নিবৃত্তি হইয়া থাকে । তখনই জীব কৃষ্ণভক্তি লাভ করিয়া পুনশ্চ শ্রীকৃষ্ণের নিকট গমন করেন । স্মৃতরাং জীবের সংসার দুঃখ-নিস্তারের অন্ত নিখিল বাসনা পরিত্যাগ পূর্বক কৃষ্ণভক্তি করাই বিহিত । সাধক কবি বলেন :—

কামাদীনাং কতি ন কতিথাপালিতাছনিদেশা-
 স্তেষাং আতা ময়ি ন করুণা ন ত্রপা নোপশাস্তিঃ ।
 উৎসৃজ্যৈতানথ যদুপতে সাম্প্রতং লব্ধবুদ্ধি-
 স্বামায়তঃ শরণমভয়ং মাং নিযুঙ্ক্ষাস্বদাস্তে ॥

আমি কামাদির কত ছনিদেশ কত প্রকারেই না পালন করিয়াছি, তথাপি আমার প্রতি তাহাদের দয়া হইল না, অথবা তাহারা আমাকে দয়া করিতে অসমর্থ হইয়া লজ্জিত বা নিবৃত্ত হইল না। হে যদুপতে, এখন আমার জ্ঞান লাভ হইয়াছে, আমি তাহাদিগকে ত্যাগ করিয়া তোমার অভয় চরণ আশ্রয় করিয়াছি, তুমি আমাকে নিজদাস্তে নিয়োগ কর।

শ্রীকৃষ্ণভক্তিই সর্বপ্রধান অভিধেয়। কর্ম, যোগ ও জ্ঞান, এই তিন-টাই ভক্তিমুখাপেক্ষী। কর্ম, যোগ ও জ্ঞানের ফল ভক্তিফলের তুলনায় অতিতুচ্ছ। কর্মাদি এই অতিতুচ্ছ ফলও আবার ভক্তির সাহায্য ব্যতিরেকে প্রদান করিতে সমর্থ হয় না।

নৈকর্ম্যমপচ্যত-ভাববর্জিতং
 ন শোভতে জ্ঞানমলং নিরঞ্জনম্ ।
 কুতঃ পুনঃ শশ্বদভ্ৰমীশ্বরে ।
 ন চার্পিতং কর্ম যদপ্যকারণম্ ॥

শুভাশুভ-কর্ম-সেপ-রহিত ব্রহ্মের সহিত একাকার বলিয়া জ্ঞানের একটি নাম নৈকর্ম্য। নৈকর্ম্যাভিধেয় জ্ঞান আবার অবিশ্রাভ্য অঞ্জনের অর্থাৎ উপাধির নিবর্তক হয়, তাদৃশ জ্ঞান ও যদি ভগবদ্ভক্তি বর্জিত হয়, তবে তাহা কোন রূপেই শোভা পায় না। অর্থাৎ ভগবৎসাক্ষাৎকার ঘটাইতে পারে না। জ্ঞানেরই যখন ঈদৃশী দশা, তখন সাধনকালে ও ফলকালে হুঃখপ্রদ যে কাম্য কর্ম ও অকাম্য কর্ম, তাহা ঈশ্বরে অর্পিত না হইলে, ভক্তির আকারে আকারিত না হইলে, কি কখন শোভা পাইতে পারে ?

যোগীর যোগ, কর্মীর কর্ম, জ্ঞানীর জ্ঞান বা মন্ত্রীর মন্ত্র কৃষ্ণার্পণ ব্যতিরেকে কখনই সুফল প্রসব করিতে পারে না।

ভুক্তিরহিত কর্ম ও যোগ কিছু কিছু ফল সিদ্ধি করিয়াই নিবৃত্ত হইয়া থাকে। ঐ সকল সিদ্ধিও আবার চিরস্থায়িনী হয় না। ভুক্তিরহিত জ্ঞানও তদ্রূপ অকিঞ্চিৎকর! যে স্বসত্তার জ্ঞান নাস্তিকেরও আছে, নাস্তিকেরাও যাহার অপলাপ করিতে সাহসী হয় না, জ্ঞানীর জ্ঞানও সেই স্বসত্তাতেই পর্যাবসিত হইয়া থাকে, তাহা হইতে অতিরিক্ত কোন ফলই উৎপাদন করিতে পারে না।

শ্রীভাগবতের দ্বিতীয় স্কন্ধে চতুর্থাধ্যায়ে আরও লিখিত আছে যে :—

তপস্বিনো দানপরা যশস্বিনো,
মনস্বিনো মন্ত্রবিদঃ সুমন্ত্রাঃ ।
ক্ষেমঃ ন বিন্দস্তি বিনা যদর্পণং,
তস্মৈ সুভদ্রশ্রবসে নমোনমঃ ॥

তপস্বী, দানশীল, যশস্বী, মনস্বী, মন্ত্রজ্ঞাপক এবং সদাচারিগণ যাহাতে স্বীয় তপাদি না করিয়া মন্ত্রল লাভ করিতে সমর্থ হন না, সেই মন্ত্রল যশঃ ভগবান্কে পুনঃ পুনঃ প্রণাম করি।

মহাপ্রভু বলিলেন সনাতন, ভক্তি ব্যতিরেকে কেবল জ্ঞান মুক্তি দিতে সমর্থ নহে। ভক্তি, জ্ঞানের সহায়রূপিণী হইলে জ্ঞান, মুক্তির জন্ত সাধককে প্রস্তুত করিতে পারে। চিত্ত যে পর্যন্ত ভক্তির অধিষ্ঠানক্ষেত্র না হয়, সে পর্যন্ত সেই চিত্তে জ্ঞানও অকুরিত হইতে পাবে না। শ্রীভাগবতে দশম-স্কন্ধে চতুর্দশ অধ্যায়ের চতুর্থ শ্লোকটাই ইহার প্রমাণ, তদ্ যথা:—

শ্রেয়ঃসৃতিং ভক্তিমুদন্ত তে বিভো,
ক্লিশস্তি যে কেবলবোধলকরে ।
তেষামসৌ ক্লেশল এব শিষ্যতে,
নাস্তদ যথা হুলতুষাবঘাতিনাম্ ॥

যাহার প্রসাদে অভ্যুদয় ও অপবর্গ প্রভৃতি সর্ববিধ মঙ্গলই লাভ করা যায়, হে বিভো, তোমার সেই ভক্তিকে ত্যাগ করিয়া যাহারা কেবল জ্ঞান লাভার্থ ক্লেশ স্বীকার করে, তোমার সর্বেশ্বরত্ব অস্বীকার করিয়া যাহারা কেবল আত্মজ্ঞান লাভার্থ চেষ্টা করে, তাহাদের কিছুই লাভ হয় না, নিজের সত্তামাত্রই অবশিষ্ট থাকে ; আর কিছুই সঞ্চয় হয় না, কেবল স্বাভাবিক সত্তাজ্ঞানই থাকে ; স্থলতুষাবঘাতীর ন্যায় তাহাদের ক্লেশমাত্রই লাভ হয় বলিতে হইবে ।

জ্ঞানী যে মুক্তির নিমিত্ত প্রভূত ক্লেশ স্বীকার করেন, কৃষ্ণোন্মুখ জীব তাহা অনাগ্রাসেই লাভ করিয়া থাকেন ।

কেবল জ্ঞানে মুক্তি দিতে নারে ভক্তি বিনে ।

কৃষ্ণোন্মুখে সেই মুক্তি হয় বিনা জ্ঞানে ॥

এহলে মুক্তি ব্যাপারটা কি তৎসম্বন্ধে সংক্ষেপে কিছু বলা যাইতেছে । মুক্তি শব্দটা বন্ধন-শব্দের বিপরীতার্থক । পূর্বেই বলা হইয়াছে :—

সেই বিভিন্নাংশ জীব দুইতো প্রকার ।

এক নিত্য মুক্ত, একের নিত্য সংসার ॥

নিত্যমুক্ত, নিত্য কৃষ্ণ চরণে উন্মুখ ।

কৃষ্ণ পারিষদ নাম ভূঞ্জে সেবাসুখ ॥

নিত্য বন্ধ কৃষ্ণহতে নিত্য বহিন্মুখ ।

নিত্য সংসার ভূঞ্জে নরকাদি দুঃখ ॥

ইহা হইতে বুঝা যাইতেছে যে, যে আত্মা নিরন্তর ভগবদ্ভাবে বিভোদে, সেই আত্মাই স্বরূপে অবস্থিত । জীব এই স্ব-রূপ হইতে মায়ামোহ দ্বারা বিচ্যুত হইয়া বন্ধ হইয়া থাকে । মায়ী বা অবিद्या দ্বারা জীব আবৃত ও বিক্লিপ্ত হয় কেন, ইহার কারণ এই যে, জীব যতক্ষণ ভগবদ্ভাবে বিভাবিত থাকে, ততক্ষণ মায়ী তাহার নিকটবর্ত্তি হইতে পারে না । ভগবৎ সংসর্গের অভাব হইলেই মায়ী ছিদ্র পাইয়া থাকে । সেই ছিদ্র ধরিয়া

মায়া জীব আধিকারিত্ব দ্বারা জীবের স্বরূপ জ্ঞানকে সমাবৃত করে। তখন জীব যে ভগবৎদাস, সে তাহা ভুলিয়া যায় ; সে তাহার স্বাভাবিক আনন্দ স্বরূপ হইতে বিচ্যুত হয় এবং মায়া বিক্ষেপিকা-বৃত্তি-বলে ত্রিগুণাত্মক দেহকে আত্মা বলিয়া মনে করে। এই অন্বৃতি ও বিপর্যয় জ্ঞান হইতেই তাহার সংসার দুঃখ জন্মিয়া থাকে। ত্রিগুণাত্মক রক্তমাংসময় দেহ অশেষ দুঃখের আধার ; এই দেহাত্মক জ্ঞানই জীবের বন্ধনের হেতু এবং অশেষ দুঃখের হেতু। তাই বলা হইয়াছে :—

নিত্য বন্ধ কৃষ্ণ হ'তে নিত্য বহিস্মুখ ।
 নিত্য সংসার ভুঞ্জে নরকাদি দুঃখ ॥
 সেই দোষে মায়া পিশাচী দণ্ড করে তারে ।
 আধ্যাত্মিক তাপত্রয় তারে আরি মারে ॥
 কামক্রোধের দাস হৈয়া তার লাধি খায় ।
 ভ্রমিতে ভ্রমিতে যদি সাধু বৈষ্ণব পায় ॥
 তাঁর উপদেশ-মস্ত্রে পিশাচী পলায় ।
 কৃষ্ণভক্তি পায় তবে কৃষ্ণ নিকটে যায় ॥

সনাতন, তুমি যে আমায় জিজ্ঞাসা করিয়াছিলে,—

“কে আমি আমারে কেন জারে তাপত্রয় ।

ইহা না জানিলে জীবের কৈছে হিত হয় ॥”

তোমার সেই প্রশ্নের ইহাই সংক্ষিপ্ত সূত্র। ইহাকেই বলে হেতু-ব্যাধি-বৈপরীত্যচিকিৎসা। স্বভাবতঃ জীব কৃষ্ণনিষ্ঠ ; কিন্তু জীব তটস্থ, ভগবৎসংসর্গ বৈমুখ্যই জীবের বন্ধনের কারণ। ইহা হইতেই জীবের অনন্ত সংসার দুঃখ। অপর পক্ষে ভ্রমিতে ভ্রমিতে সাধু বৈষ্ণব উপদেশ পাইলে মায়া পিশাচী জীবকে ছাড়িয়া পলায়ন করে, জীব কৃষ্ণভক্তি লাভ করিয়া প্রকৃতস্থ হয়, স্বরূপে অবস্থান করে এবং ভজনানন্দে চিরমগ্ন হয়। ত্রিগুণ-বানের পরশাপন্ন হওয়াই মুক্ত হওয়ার একমাত্র উপায়। গীতাশাস্ত্রে

শ্রীভগবানের স্বয়ং শ্রীমুখ বিনিঃসৃত উপদেশ এই যে, আমার মায়া দৈবী । সুতরাং মানুষের শক্তির পক্ষে দূরতিক্রমণীয়া । মায়া যখন গুণময়ী, তখন তদ্বারা যে জীবের বন্ধন দশা ঘটিবে ইহাতে অতি স্বাভাবিক । মায়া যখন দেখিতে পায়, জীব কৃষ্ণ হইতে বহিঃশূঁখ হইয়াছে, সে নিত্য কৃষ্ণ-দাসত্ব ত্যাগ করিয়া উচ্ছ্ৰ্বল হইয়াছে, তখন আমার ছুরত্যয়া দৈবী গুণময়ী মায়া তাহাকে সংসার শৃঙ্খলে ভীষণভাবে বাধিয়া ফেলে ।

কৃষ্ণের নিত্য দাসজীব তাহা তুলি গেল ।

সেই দোষে মায়া তার গলায় বান্ধিল ॥

ইহাই বন্ধনের প্রকৃত হেতু । শ্রীভগবান্ গীতার একটা শ্লোকে বন্ধন ও বন্ধন-মোচনের উপায় উপদেশ করিয়াছেন, যথা :—

দৈবী হেবা গুণময়ী মম মায়া ছুরত্যয়া ।

মামেব যে প্রপত্তস্তে মায়ামেতাং তন্নস্তি তে ॥

শ্রীভগবানের শ্রীচরণে প্রপন্ন হওয়াই এই গুণময়ী বন্ধন-পটায়সী ছুরস্ত নিদারুণ মায়ার যাতনা হইতে পরিত্রাণের শ্রেষ্ঠতম উপায় ।

তাতে কৃষ্ণতজে, করে গুরুর সেবন ।

মায়াজাল ছুটে, পায় কৃষ্ণের চরণ ॥*

সনাতন, তোমার প্রব্ধের এই উত্তর অতি সংক্ষিপ্ত হইলেও অতীব সারগর্ভ । ইহাতে অনন্ত সাধনার বাঁজ নিহিত আছে । একনিষ্ঠভাবে ভগবানের উপাসনায় নিমগ্ন থাকাই মায়াজনিত দুঃখ হইতে নিস্তারের

* শ্রীপাদ শ্রীজীব গোস্বামী, শ্রীশ্রীমহাপ্রভুর এই উপদেশ অবলম্বন করিয় ই বট-সন্দর্ভাস্তর্গত ভক্তিসন্দর্ভ রচনা করিয়াছেন । এই কথাগুলি ভক্তিসন্দর্ভের উপক্রমণিকা-স্বরূপ । অল্পসঙ্ক্ষিপ্ত পাঠকগণ বহু ও অঙ্কাসহকারে ভক্তিসন্দর্ভ পাঠ করিয়া মহাপ্রভুর উপদেশের তাৎপর্য্য-পরিজ্ঞানের অবশ্য-পথ পাইবেন । শ্রীচরিতামৃতের এই পরিচ্ছেদে মূল্যমান উপদেশাত্মক শ্লোকগুলির অধিকাংশ ভক্তিসন্দর্ভে বৃষ্ট হইবে ।

অতি উৎকৃষ্ট অমোঘ উপায়। উপাসনা অর্থ ভগবানের নিকটে থাকা।
উপ—নিকট, অস্ ধাতুর অর্থ থাকা। অর্থাৎ ভগবদ্ভাবে বিভোর থাকাই
উপাসনা।

চারি বর্ণাশ্রমী যদি কৃষ্ণ নাহি ভজে ।
স্বধর্ম করিলেও সে রোরবে পড়ি মজে ॥
“মুখবাহুরূপাদেভ্যঃ পুরুষশ্রমৈঃ সহ ।
চত্বারো অজিরে বর্ণা গুণৈর্বিপ্রাদয়ঃ পৃথক্ ॥
য এষাং পুরুষং সাক্ষাদাত্মপ্রভবমীশ্বরম্ ।
ন ভঙ্গন্ত্যবজানন্তি স্থানাদ্ ব্রষ্টাঃ পতন্ত্যধঃ ॥”

বিরাট পুরুষের মুগ বাহু উরু ও চরণ হইতে সত্বাদি গুণতারতম্যে
পৃথক্ পৃথক্ চারি বর্ণের ও আশ্রমের উৎপত্তি হইয়াছে। যাহারা উক্ত
বর্ণাশ্রম সকলের সাক্ষাৎ জনকস্বরূপ, সেই ঐশ্বর্যশালী পুরুষকে ভজন
করেন না, সুতরাং যাহারা সেই পুরুষকে অবজ্ঞাই করেন, তাঁহারা কর্মস্বক
অধিকার হইতে চ্যুত ও অধঃপতিত হইবেন।

কর্মীর গায় জ্ঞানীও আত্মজ্ঞানের উদয়ে আপনাকে জীবনুত্ত বালিয়া
অভিমান করেন; কিন্তু তাঁহার সেই কৃষ্ণতত্ত্ব-বর্জিত জ্ঞান যে চিত্ত-
তত্ত্ব উৎপাদন করিতে পারে না, তাহা তিনি নৃত্বিতে পারেন না।
অতএব তাহারও অধঃপতনই হইয়া থাকে।

ইতঃপূর্বে শ্রীরামানন্দের শিক্ষায় প্রভু সর্ব প্রথমে বর্ণাশ্রম ধর্মের
কথাই উত্থাপিত করিয়াছিলেন। এখানে সেই বর্ণাশ্রম-নিহিত ধর্মের
অবতারণ করা হইয়াছে। বর্ণাশ্রম ধর্ম, ধর্মসংহিতাগুলির মধ্যে বিশেষ-
রূপেই বিবৃত আছে। ব্রাহ্মণ, ক্ষত্রিয়, বৈশ্য ও শূদ্র এই চারিবর্ণ এবং
ব্রহ্মচর্য্য, গার্হস্থ্য, বানপ্রস্থ ও সন্ন্যাস এই চতুরাশ্রম,—মহাদি ধর্মসংহিতা
মাত্রেই পৃথক্ পৃথক্ রূপে এই সকল ধর্ম লিখিত হইয়াছে। কিন্তু প্রকৃত
কথা এই যে, এই সকল ধর্ম গ্রাহ ও প্রতিপাল্য হইলেও ইহার বাহু।

ভক্তির অহুশীলন ভিন্ন কোন ধর্ম সম্বন্ধে ও সচেতন হয় না। নিশ্চয় দেহ যেমন অকর্মণ্য ও অনাদরণীয় হইয়া পড়ে, ভক্তি-বিহীন হইলে এই সকল ধর্মের অবস্থাও তাদৃশ শোচনীয় হইয়া থাকে। কেবল কতগুলি শুষ্ক আচার নিয়ম আচার উন্নতি-বর্ধনে এবং উহার পরিভূষ্টি সাধনে সমর্থ হয় না। ইহার পরে জ্ঞানের সাধনার কথা বলা যাইতেছে।

জ্ঞানী জীবনমুক্তদশা পাইলু করি মানে।

বস্তুতঃ বুদ্ধি শুদ্ধ নহে, কৃষ্ণভক্তি বিনে ॥

শ্রীভাগবতে দশমস্কন্ধে দ্বিতীয় অধ্যায়ে ইহার প্রমাণ এই যে ; :—

যেহনৈহরবিনাক্ষ বিমুক্তমানিন-

শ্রম্যন্তুভাবাদবিশুদ্ধবুদ্ধয়ঃ ।

আরুহ কৃচ্ছ্রেণ পরং পদং ততঃ,

পতন্ত্যধোহনাদৃতযুগ্মদজ্জয়ঃ ॥

হে অরবিন্দলোচন, যাহারা তোমাতে ভক্তি না থাকার অশুদ্ধচিত্ত হইয়া আপনাদিগকে জীবনমুক্ত বলিয়া অভিমান কবে, তাহারা যদি তদীয় চরণে অনাদর করে, তবে বহুকষ্টে পরমপাদ আরোহণ করিয়াও পুনর্বার অধঃপতিত হয়।

ভগবানের অস্তিত্বে বিশ্বাস না করিয়াও কাপিল ও বৌদ্ধমতাবলম্বী সাধকগণ নিজদিগকে কামক্রোধাদি ষড়্‌বর্গ হইতে বিমুক্ত বলিয়া মনে করেন। জ্ঞানমার্গাবলম্বী মায়াবাদী সন্ন্যাসীরাও ভগবদ্ভক্তি অঙ্গীকার না করিয়া কেবল বিবেক-বৈরাগ্যাবলম্বনে নিজদিগকে ইহকাল পরকালের আকাজ্জরহিত বলিয়া মনে করেন কিন্তু তাঁহাদের এইরূপ মনে করা ভ্রম মাত্র ; ভগবানে ভক্তি না থাকিলে প্রকৃত সংবুদ্ধির উদয় হয় না। গীতার শ্রীভগবান্ স্বীয় শ্রীমুখে বলিয়াছেন :—

তেষাং সততযুক্তানাং ভক্ততাং শ্রীতিপূর্বকং ।

দদামি বুদ্ধিযোগং তং যেন মাধুপযাস্তি তে ॥

শ্রীভগবানে চিত্ত সন্নিবিষ্ট না হইলে, তাঁহার ভঙ্গনা না করিলে সচ্ছিত্ত-
নন্দনময়ী বুদ্ধির উদয় হয় না। সুতরাং বুদ্ধি, ভগবদ্ভক্তিবিহনে অবিভক্ত
অবস্থায় পড়িয়া থাকে। এই অবস্থায় মনোচিকার বল ভ্রমের দ্বারা অমুক্ত
অবস্থাকেও মুক্তাবস্থা বলিয়া মনে হয়। কিন্তু তাহাদের সাধনাতেও বহু
প্রকার ক্লেশ হয়। এসম্বন্ধেও শ্রীভগবান্ বলিয়াছেন :—

“ক্লেশোহধিকতরশ্চেষামব্যক্তাসক্তচেতসাম্।”

এই শ্রেণীর সাধকগণের সাধনায় শম দম তিতিক্ষা ঈর্ষ্যানিগ্রহ প্রভৃতির
সাধনায় সাধকের অনন্ত ক্লেশের কারণ হয়। তাহার ফলে সংসার
বাসনা হইতে কতকটা মুক্তিলাভও ঘটয়া থাকে, কিন্তু শ্রীভগবানে ভক্তি
না থাকিলে এতাদৃশ মুক্তির অবস্থায় চিত্ত নিশ্চল ভাবে অবস্থান করিতে
পারে না। মানুষের চিত্ত-বৃত্তির প্রধান স্বভাব এই যে, কোন বিষয়ে রুচি
না হইলে কেবল শুষ্ক সাধনায় চিত্তের স্থিতি হয় না। ভক্তি ভিন্ন সাধনায়
সরসতা জন্মে না। সুতরাং ধ্যানী জ্ঞানী বা নিরালম্বযোগী প্রভৃতির ভক্তি-
বিহীন সাধন, পরিণামে বিরস ও অপ্রতিষ্ঠ হইয়া পড়ে।

যাহারা বুদ্ধি পূর্বক ভগবৎ পাদপদ্ম ভঙ্গনে অবজ্ঞা প্রকাশ করে, জ্ঞান-
দ্বারা তাহাদের পাপকর্ম্ম দগ্ধ হইলেও এই অবজ্ঞা-জনিত অপরাধে আবার
তাহাদের সংসার-প্ররোহ ঘটে। তথাহি, বাসনাভাষ্যোক্ত শ্রীভগবৎ
সন্নিবিষ্ট বচন :—

জীবনুক্তা অপি পুনর্বন্ধনং যাস্তি কর্ম্মভি-

যস্চিন্ত্যামহাশক্তৌ ভগবত্য়পরাধীনাঃ ॥

জীবনুক্তাঃ প্রপশ্যন্তে কচিৎ সংসার-বাসনাং

যোগিনো ন বিলিপ্যন্তে কর্ম্মভির্ভগবৎপরাঃ ॥

শ্রীবিষ্ণুভক্তিচন্দ্রোদয়ে রসতত্ত্ব-প্রসঙ্গ একটা পুরাণ বচন আছে, যথা :—

নাহু ব্রহ্মভি যো মোহান্ ব্রহ্মত্বং অগদীশ্বরং

জ্ঞানয়িত্ব-কর্ম্মাপি স ভবেৎ ব্রহ্মরাক্ষসঃ ॥

শ্রীকৃষ্ণ ভক্তি ভিন্ন মায়ার হস্ত হইতে পরিভ্রাণের উপায় নাই, পূর্বে ইহা বলা হইয়াছে। সাধনার সাধক হত কেশাবলম্বন করন না কেন, কৃষ্ণ ভক্তি ভিন্ন সর্ব প্রকার সাধনাতেই মায়ার লাঞ্ছনা ভোগ করিতে হয়।

কৃষ্ণ সূর্য্য সম, মায়ী হস্ত অন্ধকার।

যাহা কৃষ্ণ তাঁহা নাহি মায়ার অধিকার ॥

‘শশ্বৎ প্রশান্তমভয়ং প্ৰতিবোধ মাত্রঃ

শুদ্ধঃ সমঃ সদসতঃ পরমাত্মতত্ত্বম্।

শকো ন যত্র পুরুকারকবান্ ক্রিয়ার্থো,

মায়ী পরৈত্যভিমুখে চ বিলজ্জমানা ॥’

মুনিগণ সকল হইতে বৃহত্তম হেতু যে তত্ত্বকে ব্রহ্ম বলিয়া জানেন, সেই তত্ত্বই পরমপুরুষ শ্রীভগবানের পদ, অর্থাৎ শ্রীভগবানের নির্বিকল্প-সত্তারূপ ব্রহ্মের সাক্ষাৎকারের পর বিচিত্ররূপাদি-বিকল্প-বিশেষ বিশিষ্ট শ্রীভগবানের সাক্ষাৎকার হয় বলিয়া, শ্রীভগবৎস্বরূপেরই অন্তর্গত ব্রহ্ম, শ্রীভগবৎ সাক্ষাৎকারের নোপানস্বরূপ। ঐ নির্বিকল্প ব্রহ্ম, জ্ঞানস্বরূপ অর্থাৎ জড়ের প্রতিযোগিস্বরূপ, অজ্ঞানস্বরূপ অর্থাৎ নিত্য দুঃখের প্রতিযোগিস্বরূপ, আত্মতত্ত্ব অর্থাৎ সকল আত্মার মূল; কারণ আত্মাই স্বপ্রকাশক হেতু ও নিরূপাধি পরমপ্রেমাঙ্গদত্ত হেতু, তত্ত্বরূপে প্রতীত হইলেন; তিনি নিত্য প্রশান্ত অর্থাৎ নিত্যকোভরহিত, অভয়, বিশোক; তিনি বহু কারকসাধ্য—ক্রিয়াকল প্রকাশক-শব্দ-বর্জিত অর্থাৎ উৎপত্তি বিকার প্রাপ্তি ও সংস্কার এই চতুর্বিধ কর্মফলের প্রকাশ কর্মকাণ্ডরূপ শব্দ তাঁহার বোধক হয় না; তিনি শুদ্ধ অর্থাৎ ইন্দ্রিয়জগৎস্বাদি-দোষ-রহিত, সম অর্থাৎ উচ্চনীচতাবশূষ্ঠ, সদসতের পর অর্থাৎ কার্যসকল ও কারণ সকলের উপরিস্থিত; অধিক কি, স্বয়ং মায়ীও তদভিমুখস্থিত জীবমুক্ত পুরুষ সকলের সম্মুখে অবস্থান করিতে লজ্জিত হইয়া দূরে পলায়ন করেন।

শ্রীধরস্বামী বলেন, “ভগবানের যে স্বরূপে চিত্তাবধারণে মায়া নিরস্ত হয়” এই পণ্ডে তাহারই বর্ণনা করা হইয়াছে। ভগবানের সেই স্বরূপ নিত্য সুখস্বরূপ। তাহার হেতু এই যে, ইনি সর্বদা প্রশান্ত। অশোকত্বের হেতু অন্তরঙ্গ। ইনি ভেদশূন্য, এই নিমিত্ত অন্তর। শ্রুতি বলেন,— “দ্বিতীয়াধৈ ভয়ং ভবতি”। এই শ্রুতি অবলম্বনে ভাগবতীর স্মৃতি এই যে, “ভয়ং দ্বিতীয়াভিনিবেশতঃ স্মাৎ।” ইনি প্রতিবোধ স্বরূপ, অর্থাৎ জ্ঞানৈক রস স্বরূপ।

এই প্রকারে শ্রীপাত শ্রীধর স্বামী এই শ্লোকের ব্যাখ্যা করিয়া অবশেষে বলিয়াছেন, জীব ভগবৎ সন্মুখীন হইলে মায়া দূরীকৃত হয়। অপিচ শ্রীমদ্ভাগবতের ২য় স্কন্ধে ৫ম অধ্যায়ে ১৩ শ্লোকটি এই যে,—

বিলজ্জমানয়া যশ্ব স্বাতুমীক্ষাপথেহমুয়া ।

বিমোহিতা বিকথন্তে মমাহমিতি দুর্ধিয়ঃ ॥

মায়া যে ভগবানের দৃষ্টিপথে অবস্থান করিতে লজ্জিত হইলে, দুর্ভিক্ষি ব্যক্তি সকল সেই মায়ায় মোহিত হইয়া ‘আমি’ ও ‘আমার’ বলিয়া শ্লাঘা করিয়া থাকে। ঐ সকল জীব যদি একবার বলে ‘কৃষ্ণ আমি তোমার,’ তাহা হইলে, কৃষ্ণ তাহাকে মায়াবন্ধন হইতে মোচন করিয়া থাকেন।

“কৃষ্ণ তোমার হও” যদি বলে একবার।

মায়া-বন্ধ হইতে কৃষ্ণ তারে করে পার ॥

“সকৃদেব প্রপন্নো যন্তবাস্মাতি চ যাচতে।

অভয়ং সর্বদা তস্মৈ দদাম্যেতদ্ ব্রতং মম ॥”

যে একবার আমার শরণাগত হইয়া বলে, ‘কৃষ্ণ’ আমি ‘তোমার’, আমি তাহাকে সর্বদা অভয় প্রদান করিয়া থাকি, ইহাই আমার ব্রত।

ভুক্তিকামী কন্যা মুক্তিকামী জানী ও সিদ্ধিকামী যোগী যদি সুবুদ্ধি হইলে, তবে তাহারা কৃতার্থতা লাভের নিমিত্ত দৃঢ়তত্ত্বিযোগ দ্বারা শ্রীকৃষ্ণকে ভজন করিয়া থাকেন :—

ভুক্তি-মুক্তি-সিদ্ধিকামী সুবুদ্ধি যদি হয় ।

গাঢ় ভক্তিয়োগে তবে কৃষ্ণেরে ভজয় ॥

“অকামঃ সৰ্বকামো বা মোক্ষকাম উদারধীঃ ।

তীব্রেন ভক্তিয়োগেন যজ্ঞেত পুরুষঃ পরম্ ॥” শ্রীভাগ—২।৩ঃ০

অকাম অর্থাৎ একান্ত ভক্ত অথবা সৰ্বকাম অর্থাৎ উক্ত ও অমুক্ত সৰ্ববিধ কামনাশালী, কিংবা মোক্ষকামী ইহারা যদি উদার বুদ্ধি হন, তবে দৃঢ়ভক্তি যোগে পূর্ণ পুরুষ ভগবান্কে ভজনা করিবেন ।

নরনারীগণের চিত্ত স্বভাবতঃই সকাম ও স্বার্থের অন্ত ব্যাকুল । যতদিন পর্যন্ত নেহেজ্জিয়মনোবুদ্ধির এই স্বার্থাভিলাষ বর্তমান থাকে, ভগবৎ-সাধনাতেও ততদিন চিত্ত স্ব সুখ বাসনা পরিপূরণের অন্ত ব্যাকুল হইবে । উপাসনা করিতে বসিয়া উপাস্তদেবতার নিকট তাঁহারই প্রার্থনা করিবে । ইহাই নরনারীগণের স্বভাব, কিন্তু দয়াময় ভগবান্ তাঁহার প্রিয় ভক্তের চিত্ত সজ্বরেই সংশোধন করেন । সীসকের দ্বারা খাটি সোণার অভাব পরিপূরিত হয় না । ভগবানের ভাব দ্বারা হৃদয় পূর্ণ রাখিতে হইবে, ইহাই সাধনা বা উপাসনার প্রধানতম পবিত্র উদ্দেশ্য । কিন্তু নখর ধনজন-যশোমান বিষয়-বৈভব ভোগ-বিলাস-লালসায় যদি হৃদয় ব্যাকুল থাকে, তাহা হইলে উপাসনার উদ্দেশ্য সিদ্ধ হয় না । দয়াময় ভগবান্ যাহার প্রতি অনুগ্রহ করেন, তাহার হৃদয় হইতে বিষয়-ভোগ-বাসনা-লালসা তিরোহিত করিয়া দিয়া স্বচরণামৃত প্রদানে বিষয়-লালসা অপসারিত করেন ।

অনুকামী যদি করে কৃষ্ণের ভজন ।

না মাগিলেও কৃষ্ণ তারে দেন স্বচরণ ॥

কৃষ্ণ কহে আমাতজে মাগে বিষয়-সুখ ।

অমৃত ছাড়ি বিষ মাগে এত বড় মূর্থ !

আমি বিজ্ঞ এই মূর্খে বিষয় কেন দিব ?

স্বচরণামৃত দিয়া বিষয় ভুলাইব ॥

সত্যং দিশত্যর্থিতমর্থিতো নৃশাং,
 নৈবার্থদো যৎ পুনরর্থিতা যতঃ ।
 স্বয়ং বিধত্তে ভজতামনিচ্ছতা
 মিচ্ছাপিধানং নিজপাদপল্লবম্ ॥

শ্রীভাগ—৫।১২।২৮

শ্রীভগবান্ প্রার্থিত হইয়া সকাম মনুষ্যাদিকে প্রার্থিত বস্তু প্রদান করিলেও সহসা পরমার্থ প্রদান করেন না ; কারণ, তাহাদিগের প্রার্থিত লাভের পরও পুনঃ পুনঃ প্রার্থনা দেখা যায়। কিন্তু ঐহারা নিষ্কামভাবে শ্রীভগবানের উপাসনা করেন, তাঁহারা প্রার্থনা না করিলেও, শ্রীভগবান্ তাঁহাদিগকে সর্ববিধ কামনার আচ্ছাদক নিজপাদপল্লব প্রদান করিয়া থাকেন।

সরল ও ব্যাকুল ভাবে ভগবদ্ভজন করিলে দয়াময় ভগবান্ সকাম সাধকের হৃদয়েও যে নিষ্কাম ভাব প্রদান করেন, সাধকের অনর্থময় বাসনার তুফান প্রশান্ত করেন এবং স্বীয় চরণামৃত প্রদান করিয়া তাঁহার আত্মাকে কৃতার্থ করেন, পূর্বশ্লোকে তাহার প্রমাণ দেওয়া হইয়াছে।

দয়াময় শ্রীভগবান্ সাধকজীবের হিতের জন্য সততই কৃপাপরায়ণ।

কাম লাগি কৃষ্ণ ভজে পায় কৃষ্ণরসে ।

কাম ছাড়ি দাস হ'তে করে অভিলাষে ॥

সনাতন, এ দয়া বাস্তবিকই চমৎকার ! জীবের চিত্ত অনর্থময় বিষময় বিষয়রসের জালা অহনিশ ভোগ করিয়াও মারার ছলনার সেই বিষময় বিষ্ণে মজিয়া থাকিতে চাহে। উপাসনা করিতে বসিয়াও সেই বিষের জন্তই প্রার্থনা করে, কিন্তু দয়াময় শ্রীগোবিন্দ তাহার হৃদয়টিকে এমন ভাবে সংশোধিত করিয়া দেন যে, তখন সাধক সে কামনা ত্যাগ করিয়া শ্রীভগবানের নিষ্ঠাময় দাস হইতে অভিলাষ করে।

পরমভক্ত ক্রবের একটি উক্তি হরিত্তিস্থখোদয়ের ৭ম অধ্যায়ের ২৮ শ্লোকে দেখিতে পাওয়া যায় যথা :—

স্থানাভিলাষী তপসি হিতোহহং,
 স্বাং প্রাপ্তবান্ দেবমুনীন্দ্র-গুহম্ ।
 কাচং বিচিহ্নন্নপি দিব্যরত্নং,
 স্বামিন্ কৃতার্থোহস্মি বরং ন যাচে ॥

হে প্রভো, লোকে যেমন কাচ অন্বেষণ করিতে করিতে দিব্যরত্ন প্রাপ্ত হয়, আমিও তদ্রূপ উৎকৃষ্ট স্থান পাইবার নিমিত্ত তপস্যা করিতে করিতে দেবেন্দ্র ও মুনীন্দ্র সকলের পক্ষে দুর্লভ—তদীয় চরণ প্রাপ্ত হইয়াছি ; অতএব আমি কৃতার্থ হইয়াছি, আর কোন বর প্রার্থনা করি না ।

মানুষের কখন যে কি দশা উপস্থিত হয়, বলা যায় না । নরনারীগণ অবিরাম অবিশ্রান্ত ভাবে ভব-প্রবাহে ভাসিয়া চলিতেছে । কেহ বা ভাসিতে ভাসিতে কাল-সমুদ্রের অতলতলে ডুবিয়া পড়ে, কেহ বা সৌভাগ্যক্রমে কুল প্রাপ্ত হয় । নদীর বক্ষে যেমন হৃণ কাষ্ঠ ভাসিতে ভাসিতে অকুল সমুদ্রের বক্ষে পতিত হয়, তখন অগতে তদ্বারা আর কোনও কৰ্ম সাধিত হয় না, উহা একবারেই বিনষ্ট হইয়া যায় ; আবার কোনটি ভাসিতে ভাসিতে তীরলগ্ন হয়, তখন মানুষের হাতে পড়িয়া উহা অগতের কার্য্যে ব্যবহৃত হইয়া থাকে, মানুষের পক্ষেও সেইরূপ ঘটে ।

সংসারে ভ্রমিতে কোন ভাগ্যবান্ তরে ।

নদীর প্রবাহে যেন কাষ্ঠ লাগে তীরে ॥

মৈবং মমাধমশ্চাপি শ্রাদেবাচ্যুত-দর্শনং ।

হ্রিয়মাণঃ কালনশ্চা কচিৎ তরতি কশ্চন ॥ ভাঃ ১০।৩৮।৪

মহাভাগ অক্রুর বলিয়াছিলেন—অতি অধম হইলেও আমার কৃষ্ণ দর্শন হইবে । নদীবেগে নীরমান হৃণাদির মধ্যে কোনটী যেমন কখন তীরে উত্তীর্ণ

হয়, তদুপ কাল-নদীতে হ্রিয়মাণ আবগণের মধ্যে কেহ কেহ কখন কখন উত্তীর্ণ হয় অর্থাৎ শ্রীকৃষ্ণ-সন্দর্শন লাভ করে ।

সাধারণতঃ সংসার-বাসনা হইতে জীবের নিষ্কৃতি লাভ বড় সহজ নহে । মহৎ-কৃপা ভিন্ন সংসার ক্ষয় হয় না ; পূর্ব সুকৃতি ভিন্ন মহৎ সঙ্গ-লাভও ঘটে না । মহৎসঙ্গ হইলে কৃষ্ণে রতি উপস্থিত হয় । সুতরাং মহৎসঙ্গ লাভও ভাগ্য-সাপেক্ষ ।

কোন ভাগ্যে কারো সংসার-ক্ষয়োন্মুখ হয় ।

সাধু সঙ্গে তার কৃষ্ণে রতি উপজয় ॥

“ভবাপবর্গো ভ্রমতো যদা ভবেৎ,

জনশ্চ তর্হ্যচ্যুত-সংসমাগমঃ ।

সংসঙ্গমো যর্হি তদৈব সদৃগতো,

পরাবরেশ অস্মি জায়তে রতিঃ ॥ ভাঃ—১০।৫।৩৫

হে অচ্যুত, এই সংসারে ভ্রমণ করিতে করিতে যখন কোন ব্যক্তির সংসার ক্ষয়োন্মুখ হয়, তখন জাতরতি সাধুর সঙ্গ-লাভ হয় । জাতরতি সাধুর সঙ্গ লাভ হইলে, তাঁহার কৃপার কার্যকারণ-নিয়ন্তৃ-স্বরূপ তোমাতে রতি উৎপন্ন হইয়া থাকে ।

কখন কখন ভগবান্ তদীয় সাধু সন্তান প্রেরণ করিয়া তাঁহার কৃপা-যোগ্য জীবের সংসার বন্ধন মোচন করেন, কখনও বা তিনি নিজে স্বয়ং অকৃত্যামিরূপে হৃদয়ে সে বন্ধ প্রকটন করেন । তাঁহার কৃপার অবধি নাই । শ্রী:চতুষ্চরিতামৃতে লিখিত আছে :—

কৃষ্ণ যদি কৃপা করেন কোন ভাগ্যবানে ।

‘শুক্ৰঅকৃত্যামিরূপে শিখায় আগনে ॥

শ্রীভাগবতের একাদশ স্কন্ধে লিখিত আছে :—

নৈরোপবৃত্ত্যপচিতিং কবয়ঃ প্রবেশ

ব্রহ্মাবুধাপি কৃতমুকমুদঃ স্মরন্তঃ ।

যোহস্তর্বহিস্তুতৃত্যামস্তভং বিধুষ

স্মাচার্য্যৈশ্চৈব্যবপুষা স্বগতিং ব্যনক্তি ॥

হে প্রভো, ব্রহ্মবিদগণ ভবৎকৃত উপকার স্বরণে বদ্ধিতপরমানন্দ হইয়া কিছুতেই আপনাকে ঋণ মুক্ত বোধ করিতে পারেন না ; আপনি বাহিরে গুরুরূপে উপদেশ দ্বারা এবং অন্তরে অন্তর্যামিরূপে সংপ্রবৃত্তি দ্বারা জীবের বিষয়-বাসনা-নিরসন-পূর্বক নিজরূপ প্রকাশ করিয়া থাকেন ।

সৰ্বভুঃখোপশমনী সৰ্বসুখময়ী ভক্তি,—সাধুসঙ্গের ফল । সাধু-সঙ্গ আবার ভগবৎ কৃপার ফল ।

সাধু-সঙ্গে কৃষ্ণ-ভক্ত্যে শ্রদ্ধা যদি হয় ।

ভক্তি ফল প্রেম হয়, সংসার যায় ক্ষয় ॥

শ্রীমদ্ভাগবতের একাদশ স্কন্ধে বিংশাধ্যায়ের অষ্টমশ্লোকটাই ইহার প্রমাণ ; যথা—

যদৃচ্ছয়া মৎকথাদো জাতশ্রদ্ধস্ত যঃ পুমান্ ।

ন নির্বিন্নো নাতিসক্তো ভক্তিয়োগোহস্ত সিদ্ধিদঃ ॥

হে উদ্ধব, কোন অনির্কচনীয় অর্থাৎ পরম স্বতন্ত্র ভগবদ্বক্তের সঙ্গ এবং কৃপাজাত ভাগ্যোদরে আমার কথা শ্রবণ কীর্তনাদিতে যাহার শ্রদ্ধা উৎপন্ন হইয়াছে এবং যে ব্যক্তি অতিশয় নিবেদয়ুক্ত নয় ও অতিশয় আসক্ত নয়,—এতাদৃশ পুঙ্খেরই ভক্তিয়োগ সিদ্ধিপ্রদ অর্থাৎ প্রেমোৎপাদক হয় ।

এস্থলে 'যদৃচ্ছা' শব্দের অর্থ এই যে,—পরম স্বতন্ত্র কোন ভগবদ্বক্তের সঙ্গ এবং তাহার কৃপাজাত পরম সৌভাগ্যের উদয় । এই কৃপার ফলে ভগবৎ-কথার শ্রদ্ধা উপস্থিত হয় । সুতরাং শ্রদ্ধালুই ভক্তির অধিকারী । ভগবান্ অন্তর বলিয়াছেন,—“শ্রদ্ধামৃতকথায়াম্ মে”—“শ্রদ্ধালুর্মে কথাঃ শৃণু ।” যিনি ভক্তিয়োগে সিদ্ধিলাভ করিতে ইচ্ছা করেন, তাহার পক্ষে অত্যন্ত বৈরাগ্যের প্রয়োজন নাই, উহা জ্ঞানাধিকারীর পক্ষেই প্রশস্ত । আবার অপর পক্ষে দেহ-গেহ-পুত্র-কলত্র প্রভৃতিতে অত্যাগক্তিও প্রশস্ত

নহে, উহা ভক্তযোগের পক্ষে বাধক কিন্তু কর্মযোগের পক্ষে বাধক নহে।
নিকাম কর্মের দ্বারা চিন্তা-শুদ্ধি হয়। উহা জ্ঞানী এবং কর্মী উভয়ের পক্ষেই
প্রশস্ত। ভক্তযোগীও নিকাম কর্ম করিবেন। কিন্তু স্বয়ং ভগবান্
বলিয়াছেন,—

আতশ্রদ্ধো মৎ কথাদৌ নির্বিঘ্ন সর্বকর্মনু ।

বেদ দুঃখাত্মকান্ কামান্ পরিত্যাগেহ প্যানীশ্বরঃ ॥

ততো ভজেত মাং প্রীতঃ শ্রদ্ধালুর্দৃঢ়নিশ্চয়ঃ ।

জুষমাগচ্চ তান্ কামান্ দুঃখোদকাংশ্চগর্হয়ন্ ॥

এই উপদেশটা আমাদের সকলের পক্ষেই উপযোগী। আমরা চিন্তের
অনন্ত কামনায় নিরন্তর ব্যাকুল। সাগরের তরঙ্গের দ্বারা কামনার তরঙ্গের
উপর তরঙ্গ আসিয়া আমাদের হৃদয়কে বিধ্বস্ত করিয়া ফেলিতেছে। আমরা
তাহা বুঝিতে পারি কিন্তু পরিত্যাগে অসমর্থ। এ অবস্থায় আমরা
বিবেক বৈরাগ্যের অধিকার লাভ করিয়া জ্ঞান পথে চলিতে সমর্থ নহি।
সংসারে অত্যাশক্তি-নিবন্ধন ভক্তিযোগেরও অধিকারী হওয়া অসম্ভব
বলিয়াই মনে হয়। কিন্তু শ্রীভগবানের আশ্বাস বাণী এক্ষেত্রে আমাদের
আশার উদ্দীপিকা। তিনি বলিতেছেন, অবিচার মহাপ্রভাবে তোমরা
সহসা সংসার কামনা পরিত্যাগ করিতে পার না সত্য, কিন্তু আমার
কথাদিতে শ্রদ্ধালু হইয়া দৃঢ় নিশ্চয় হইয়া এবং প্রীত হইয়া দুঃখপ্রদ কামনা
সকলকে ভোগ করার সময়ও উহারা যে নিন্দনীয়, ইহাই মনে করিয়া
আমাকে ভজনা করিবে। ভক্তি স্বতন্ত্রা; জ্ঞানের পক্ষে যেমন বিবেক-
বৈরাগ্যের আবশ্যক, ভক্তির পক্ষে তেমন কোন পূর্বাভ্যাস অপেক্ষা
করে না। “ভক্তির্হি স্বতঃ প্রবলত্বাদ্ অন্তনিরপেক্ষা।” যদিও কর্ম ও
নির্বেদের কথা বলা হইয়াছে, উহা কেবল ভক্তির অনন্ততাসিদ্ধির অন্ত।
ঐহিক এবং পারলৌকিক বিষয়-প্রতিষ্ঠানুখে বিরক্ত চিন্তাই—নির্বেদ।
জ্ঞানযোগ সিদ্ধির অন্ত ইহা প্রয়োজন। শ্রীভগবান্ আরও বলিয়াছেন,—

তস্মান্নভুক্তিযুক্তস্ত যোগিনো বৈ মদাস্থনঃ ।

ন জ্ঞানং ন চ বৈরাগ্যং প্রায়ঃশ্রেয়োভবেদিহ ॥

ভক্তির সাধনায় প্রবৃত্ত হইলে নির্বেদ বা বৈরাগ্য স্বতঃই প্রবৃত্ত হয় ।

বলেন,—

বাসুদেবে ভগবতি ভক্তিয়োগঃ প্রবর্তিতঃ ।

অনন্ত্যাশু বৈরাগ্যং জ্ঞানঞ্চ যদহেতুকম্ ॥

যদিও কর্ম ও জ্ঞানের পক্ষে শ্রদ্ধার অপেক্ষা আছে, কেননা শ্রদ্ধা ভিন্ন সম্যক প্রবৃত্তির উৎপত্তি হয় না কিন্তু ভক্তিতে সম্যক প্রবৃত্তির অন্য শ্রদ্ধার বিশেষ আবশ্যিকতা। শ্রদ্ধা ভিন্ন অনন্তভক্তির প্রবর্তন প্রায়শঃ সম্ভবপর হয় না, হইলেও উহা স্থায়ী হয় না। কর্ম-পরিত্যাগের অধিকার দুই প্রকারে হয়, জ্ঞানীর পক্ষে বৈরাগ্যের উদয়ে কর্মত্যাগ, এবং ভক্তের পক্ষে শ্রদ্ধার উদয়ে কর্মত্যাগ প্রশস্ত। কিন্তু শ্রদ্ধা ভিন্নও ভক্তি সিদ্ধ হয়। শাস্ত্রে নাম মাহাত্ম্যে লিখিত আছে,—

সকুদেব পরিগীতং হেলয়া শ্রদ্ধয়া বা ।

ভৃগুবর নরমাত্রং তারয়েৎ কৃষ্ণনাম ॥

সুতরাং শ্রদ্ধা ব্যতীতও ভক্তি সিদ্ধ হয়। কিন্তু মহৎকৃপার অত্যন্ত আবশ্যিক :—

মহৎকৃপা বিনা কোন কর্মে ভক্তি নয় ।

কৃষ্ণপ্রাপ্তি দূরে রহ সংসার না যায় ক্ষয় ॥

“রহুগণৈ তন্তপসা ন য়াতি,

ন চেভ্যয়া নির্বপণাদ্ গৃহাদ্বা ।

ন চ্ছন্দসা নৈব জলাগ্নি সূর্যো-

র্ষিনা মহৎপাদরম্ভোহতিষেকম্ ॥ শ্রীভাগ—৫।২০।১২

অদ্ভুত বলিয়াছিলেন,—হে রহুগণ, মহৎপাদরেণুর অভিব্যেক ভিন্ন ব্রহ্মচর্য্য, গার্হস্থ্য, বানপ্রস্থ এবং সন্ন্যাস এই চতুর্থাশ্রম ধর্ম দ্বারা এবং তন্ত্বে

কর্মের তত্ত্বং দেবতার উপাসনা দ্বারা এবং জল, অগ্নি, সূর্যের উপাসনা দ্বারা এই ভগবানকে লাভ করা যায় না।

নৈবাং মতিস্তাবহুক্ষমাভিঃ

স্পৃশত্যনর্থাপগমো যদর্থঃ ।

মহীরসাং পাদরম্ভোহভিষেকং

নিষ্কিনানাং ন বৃণীত যাবৎ ॥ শ্রীভাগ—৭।৫।৩২

মহাত্মা প্রহ্লাদ তাঁহার পিতাকে বলিয়াছিলেন, হে পিতঃ, বিষয়া-
ভিমান রহিত মহত্ত্বমদিগের চরণরেণুদ্বারা যাবৎ অভিষেক না হয়, তাবৎ
ইহাদিগের মতি ভগবচ্চরণ স্পর্শ করিতে পারে না, যাহার ফল সমস্ত
অনর্থ নিবৃতি।

সনাতন, সাধুসম্বন্ধে প্রভাবের কথা আর কি বলিব। সকল শাস্ত্রেতেই
কেবল সাধুসঙ্গ কর, সাধুসঙ্গ কর, এইরূপ উপদেশ শুনিতে পাওয়া যায়।
সুদীর্ঘকাল সাধু-সঙ্গ করা তো মহাসৌভাগ্যের কথা, কখনো সাধুসঙ্গে ও
মহাকল প্রাপ্ত হওয়া যায়।

“সাধু-সঙ্গ, সাধু-সঙ্গ” সর্ব শাস্ত্রে কর !

লবমাত্র সাধুসঙ্গে সর্বসিদ্ধি হয় ॥

“তুলয়াম লবেনাপি ন স্বর্গং নাপুনর্ভবং ।

ভগবৎসঙ্গিসঙ্গস্ত মর্ত্যানাং কিমুতাশিষঃ ॥ ভাঃ—১।১৮।১৩

ঋষিগণ কহিলেন, হে শূত্র, যখন হরিদাসগণের সহিত যৎকিঞ্চিৎকাল
সঙ্গই স্বর্গাপবর্গের সহিত তুলনা করিতে পারি না, তখন তাহা মরণশীল
মানবগণের তুচ্ছ রাজ্যাদির সহিত যে তুলনা হয় না তৎসম্বন্ধে আর কি
বলিব ?

সনাতন, এই সম্বন্ধে আমি তোমায় আরও কিছু বলিতেছি :—

কৃষ্ণ কৃপালু অর্জুনের লক্ষ্য করিয়া ।

অগস্ত্যেরে রাখিয়াছে উপদেশ দিয়া ॥

সৰ্বগুহ্যতমঃ কৃত্বঃ শৃণু মে পরমং বচঃ ।

ইষ্টোহসি মে দৃঢ়মিতি ততো বক্ষ্যামি তে হিতম্ ॥

মন্যনা ভব মনুষ্যো মদৃষাজী মাং নমস্কৃৎ ।

মামে বৈষ্যসি সত্যংতে প্রতিজ্ঞানে প্রিয়োহসি মে ॥

হে অৰ্জুন, সকল গৃহের মধ্যে সাতিশয় গুহ্যতম এবং সৰ্বশাস্ত্রের সারভূত গীতা-শাস্ত্রের সারভূতা কথা তোমাকে বলিতেছি, শ্রবণ কর। তুমি আমার অত্যন্ত প্রিয়, এই নিমিত্ত তোমার হিত বলিতেছি।

গীতাশাস্ত্র অতীব গম্ভীর। এই শাস্ত্রের সমগ্র পর্যালোচনা করিয়া উহার তাৎপর্য অবধারণ করা সহজ নহে। স্বয়ং ভগবান্ কৃপাপূৰ্ব্বক উহার সার সংগ্রহ করিয়া অৰ্জুনকে এই উপদেশ প্রদান করেন। শ্রীভগবান্ অৰ্জুনকে বলিলেন, তুমি আমার সখা, আমাতে তোমার দৃঢ়মতি, আমি তোমাকে “সৰ্বগুহ্যতম” উপদেশ বলিতেছি।” গুহ্যতম বলিলেই যথেষ্ট হইত। ‘সৰ্ব’ শব্দ প্রয়োগের উদ্দেশ্য কি? ভজন-ভূমিকার তারতম্যানুসারে পরম রহস্যময়ী ভজনভূমিকা প্রদর্শনার্থ এস্থলে ‘সৰ্ব গুহ্যতম’ এইরূপ বাক্য বিজ্ঞান করা হইয়াছে। প্রচ্যন্ন সঙ্কর্ষণ বাসুদেব পরব্যোমাধিপতি প্রভৃতির ভজন অতিক্রম করিয়া ভজনীয় রসময়ী মূর্তি-বিশেষের সর্বোত্তমা উপাসনার অন্তই এইরূপ বলা হইয়াছে। স্নানিধ্ব কুঞ্চিত কুস্তল কলাপ-কলাবিশিষ্ট শুক্রবল্লী মধুর কৃপাকটাকামৃতবর্ষী বদন চন্দ্র সৌন্দর্য মাধুর্যময় আমার সুন্দর শ্রামসুন্দর রূপ সৰ্বদা মনে ধ্যান কর, আমার সেই রূপের ভক্ত হও— শ্রবণ কীৰ্ত্তন-আমার মূর্তি-দর্শন, মন্যান্দির-নার্জুন-লেপন-পুষ্পাহরণ-ময়ালান-ছার-ছত্র-চামরাদি দ্বারা সৰ্বোচ্চ-নিয়োগরূপ আমার ভজনা কর অথবা গন্ধ-পুষ্প ধূপ-দীপ-নৈবেদ্যাদি দ্বারা আমার ব্জন কর। অথবা ভূমিতে পড়িয়া অষ্টাঙ্গ বা পঞ্চাঙ্গ প্রণাম কর। এই চতুরাঙ্গ সেবা একতর বা চারি প্রকার ভাবেই আমার সেবা কর; তাহা হইলেই আমাকে প্রাপ্ত হইবে। অথবা মনঃপ্রদান, শ্রবণাদি ইচ্ছিত-প্রদান বা গন্ধপুষ্পাদি-প্রদান

কর। তুমি আমার এইরূপ সেবা করিলে আমি তোমাকে আশ্রয়ান করিব ; ইহা সত্য করিয়া বলিতেছি কিম্বা শপথ করিয়া বলিতেছি । (সত্য শব্দের এক অর্থ শপথ, অপর অর্থ তথ্য—“সত্যং শপথতথ্যয়ো ইত্যমরঃ”)

• শ্রীকৃষ্ণভজন জীবের সর্বপ্রধান কর্তব্যব্রত । বেদবিধিপ্রতিপাদিত বহুল বৈদিক কর্মের উপদেশ শাস্ত্রে লিখিত আছে, তাহাও ভগবদাজ্ঞা । নিত্য নৈমিত্তিক কর্ম সকলেরই কর্তব্য । শ্রীভগবানের শ্রীমুখোক্তি এই যে,—

শ্রতিশ্চুর্তা মমৈবাক্তে যন্তে উল্লঙ্ঘ্য বর্ততে ।

আজ্ঞাচ্ছেদী মম ধেবী মদ্বক্তোহপি ন বৈষ্ণবঃ ॥

ইহা শ্রীভগবানের আজ্ঞা । তিনি শ্রীভগবদগীতাতেও বহুল স্থানে কর্ম কর্তব্যতা সম্বন্ধে এইরূপ উপদেশ করিয়াছেন । আবার সেই ভগবদগীতার উপসংহারে তিনি বলিয়াছেন :—

সর্ব ধর্মান্ পরিত্যজ্য মামেকং শরণং ব্রজ ।

অহং ত্বাং সর্বপাপেভ্যঃ মোক্ষয়িষ্যামি মা শুচঃ ॥

এখানে আবার সর্ব কর্ম পরিত্যাগের উপদেশ করা হইল । স্পষ্টতঃই উপদেশ-সকর দৃষ্ট হইতেছে । এরূপ স্থলে কি কর্তব্য এই প্রশ্ন হইতে পারে ; তজ্জনই বলিতেছি :—

পূর্ব আজ্ঞা বেদ কর্ম ধর্মযোগ জ্ঞান ।

সব সাধি, শেষে এই আজ্ঞা বলবান্ ॥

এই আজ্ঞা বসে ভক্ত্যে শ্রদ্ধা যদি হয় ।

সর্ব কর্ম ত্যাগ করি সে কৃষ্ণ ভজয় ॥

অধিকার ভেদে কর্ম কর্তব্যতা ও কর্মত্যাগের উপদেশ আছে । শ্রীভগবান্ উক্তবকে বলিয়াছেন, :—

তাবৎ কর্ম্মাণি কুরীত ন নিকীর্ণেত যাবতা ।

• মৎকথা শ্রবণাদৌ বা শ্রদ্ধা যাবন্নদায়তে ॥ শ্রীভাগ—১১।২।১২

বিষয়ে নির্বেদবিশিষ্ট ত্যাগী পুরুষ জ্ঞানযোগের অধিকারী। আর সকাম পুরুষ সকলই কর্মাদিকারী। কর্মাদিকারী কর্ম করিতে করিতে যে পর্যন্ত না বিষয়ে নির্বেদ উপস্থিত হয় বা আমার কথা প্রভৃতিতে শ্রদ্ধা না জন্মে, সেই পর্যন্তই কর্ম করিবেন। বিষয়ে নির্বেদ জন্মিলে, তিনি জ্ঞানযোগীর সঙ্গে জ্ঞানী হইয়া জ্ঞানানুসরণ করিবেন ; আর বিষয়ে নির্বেদ না জন্মিয়া যদি আমার কথাদিতে শ্রদ্ধা জন্মে, তবে ভক্তি যোগীর সঙ্গে ভক্ত হইয়া আমার ভজন করিবেন। শ্রদ্ধা শব্দের অর্থ বিশ্বাস বা সুদৃঢ় নিশ্চয়। যাহার বিশ্বাস হয়, তিনি আর কর্ম করেন না, কৃষ্ণে ভক্তিই করিয়া থাকেন। কৃষ্ণে ভক্তি করিলে কর্মত্যাগ জন্ম প্রত্যবায় হয় না ; কারণ, কৃষ্ণে ভক্তি করিলে, সকল কর্মই অনুষ্ঠিত হয়। সকাম কর্ম সকল বন্ধনক বলিয়া হয়। নিকাম কর্ম চিত্তশুদ্ধি দ্বারা ভুক্তি মুক্তির সহায় হয় বলিয়া উপাদেয়। স্ত্রী পুত্রাদি হইতে আরম্ভ করিয়া দেবগণের সেবা পর্যন্ত সর্বভূতের সেবাই নিকাম কর্ম। সর্বভূতের সেবাও শ্রীভগবানেরই সেবা হইলেও সাক্ষাৎ নহে, পরম্পরায়। পরম্পরায় সেবা হইতে সাক্ষাৎ সেবাই গরীয়সী। গরীয়সী ভাবৎ সেবা দ্বারা সকল সেবাই, সকল কর্মই সিদ্ধ হইয়া যায়।

শ্রদ্ধা শব্দে বিশ্বাস কহে সুদৃঢ় নিশ্চয়।

কৃষ্ণভক্তি কৈলে সর্বকর্ম কৃত হয় ॥

শ্রদ্ধা সম্বন্ধে ইতঃপূর্বে বিস্তারিতরূপে বলা হইয়াছে। শ্রদ্ধার চিহ্ন শরণাপত্তি লক্ষণে প্রকাশ পায়। “আনুকূল্য সঙ্কল্প, ব্যবহারে অকার্পণ্যম্” ইত্যাদি শরণাপত্তির লক্ষণ। এক্ষণে অর্চন-নিষ্ঠার কথা বল যাঁতেছে :—

যথাতরোমূল নিষেচনেন,

তৃপ্যন্তি তৎস্বকৃত্ত্বোপশাখাঃ।

প্রাণোপহারাত যথেন্দ্রিয়াণাং,

চূতথৈব সর্বার্হণ ম্যতেজ্যা ॥ ভাঃ-৪।৩।১২

যেমন তরুমূলে জলসেচন করিলে তাহার স্বক, ভূষ এবং উপশাখা সকলেরই তৃপ্তি হয় এবং প্রাণকে উপহার দিলে অর্থাৎ আহার করিলে ইন্দ্রিয়গণের তৃপ্তি হয়, তদ্রূপ অচ্যুতের আরাধনা করিলে সকল দেবতার আরাধনা হয়।

মানা কর্ণের দ্বারা ভিন্ন ভিন্ন বৈদিক দেবতার অর্চনা করা হয়। একথা মনে রাখা কর্তব্য যে বৃক্ষের মূলে জল না দিয়া উহার স্বক, উহার উপশাখার, উহার পত্র-পুষ্প ফলে জল দিলে কখনও বৃক্ষের বৃদ্ধি পাইতে পারে না এবং তাহাতে স্বক ভূষাদিরও কোন উপকার হয় না। কেহ কেহ মনে করিতে পারেন যে, যাহারা অশক্ত ও সকাম তাহারা বৈদিক প্রথা অনুসারে ভিন্ন ভিন্ন কর্মফলতাতা দেবতার অর্চনা করিতে পারেন। মূলে জল না দিয়া বৃক্ষের স্বক জল সেচন করিলে সে জল মূল পর্য্যন্ত হয় তা গৌহিতে পায়। কিন্তু অপর দৃষ্টান্ত দ্বারা তাহা প্রতিষিদ্ধ হইয়াছে। অক্ষপ্রত্যাদি ও ইন্দ্রিয়ার্দির পোষণ অল্প খাণ্ড দ্রব্য নয়নে ও কর্ণে অনু-লেপন করিলে তাহা চক্ষু কর্ণাদির পোষণ ও উন্নতি না করিয়া তদ্বিপরীত অক্ষতা ও বধিরতারই সৃষ্টি করিয়া দেয়; সুতরাং স্বক ভূষাদির পৃথক উপাসনা বা ইন্দ্রিয়ার্দির পৃথক অনুলেপন পোষণ না হইয়া যেমন কৃতিকর হইয়া থাকে, তদ্রূপ শ্রীগোবিন্দের উপাসনা ভিন্ন অনুদেবতার উপাসনার নিত্যানন্দ লাভের সম্ভাবনা নাই; অথচ শ্রীগোবিন্দ-উপাসনাতেই অগ্নাশ্রু দেবতার পরিভূষিত হইয়া থাকে।

শ্রদ্ধাপূর্বক শ্রীগোবিন্দের উপাসনা করিলে তাহাতে সর্বোপাসনার ফল হয় এবং প্রেমপর্য্যন্ত লাভ হইয়া থাকে। প্রকৃত পক্ষে অনশ্রু তত্ত্বের অল্প প্রকার আবশ্যকতা আছে। বেদসংহিতায় ও উপনিষদে সর্বত্রই শ্রদ্ধার প্রয়োজনীয়তা প্রদর্শিত হইয়াছে। যদিও বিনা শ্রদ্ধাতেও কেবল ভগবানের নাম বলেই জীবের পরম পুরুষার্থতা সিদ্ধ হয়, তথাপি অনশ্রু তত্ত্ব লাভের অল্প প্রকার প্রয়োজন। সেই অশ্রুই বলিতেছি :—

প্রকাবান্ লোক হ্র ভক্তি অধিকারী ।
 উত্তম মধ্যম কনিষ্ঠ প্রকা অঙ্গারী ॥
 শাস্ত্রবুদ্ধ্যে স্মৃতিগুণ দৃঢ় প্রকা ধীর ।
 উত্তম অধিকারী তিহো তারয়ে সংসার ॥*
 শাস্ত্র বুদ্ধি নাহি জানে দৃঢ় প্রকাবান্ ।
 মধ্যম অধিকারী সেও মহাভাগ্যবান্ ॥
 যাহার কোমল প্রকা সে কনিষ্ঠ জন ।
 ক্রমে ক্রমে তিহো ভক্ত হইবেন উত্তম ॥
 রতি-প্রেম-তারতম্যে ভক্ত তরতম ।
 একাদশ স্বক্লে সবার করিয়াছে লক্ষণ ॥
 “সৰ্বভূতেষু যঃ পশ্চোত্তমগবদ্ভাবমাখ্যনঃ ।
 ভূতানি ভগবত্যাখ্যনেষু ভাগবতোত্তমঃ ॥
 ঈশ্বরে তদধীনেষু বালিশেষু দ্বিষৎসু চ ।
 প্রেমমৈত্রীকৃপোপেক্ষাঃ যঃ কৰোতি সঃ মধ্যমঃ ॥
 অর্চায়ামেব হরয়ে পূজাং যঃ শ্রদ্ধয়েহতে ।
 ন তদ্ভুক্তেষু চাত্রেষু সভক্তঃ প্রাকৃতঃ স্বতঃ ॥

হরি যোগীন্দ্র নিমিরাজাকে কহিলেন, মহারাজ, যে ভগবান্ মশকাদি সৰ্বভূতে নিয়ন্ত্ৰু রূপে বর্তমান রহিয়াছেন; তাঁহার নিরতিশয় ঐশ্বর্য্য সৰ্বভূতে যে জন অবলোকন করেন কিন্তু তারতম দেখেন না,—এবং যিনি সেই ভগবানে সৰ্বভূত অবলোকন করেন, কিন্তু অড় মলিন ভূতের আশ্রয় বলিয়া ঐশ্বর্য্য-প্রচ্যুতি দেখেন না,—তাঁহাকে উত্তম ভাগবত বলা যায়,

* He who knows the most, be sure, it is he who worships Him with the trust and most hert-felt gratitude and admiration.—The Marvels of Nature.

কিষ্ণা আপনার যেমন ভগবানে প্রেম তাহা সর্বভূতে যিনি অবলোকন করেন, তিনি উত্তম ভাগবত ।

যিনি পরমেশ্বরে প্রেম, হরিশক্তে মৈত্রী, অজ্ঞানের প্রতি এবং নিজের বিদ্বেশীর প্রতি উপেক্ষা করেন, তাঁহাকে মধ্যম ভাগবত বলে ।

যিনি লোক পরম্পরা প্রাপ্ত শ্রদ্ধা পূর্বক প্রতিমাতে হরি পূজা করেন, কিন্তু সর্বানন্দ-লক্ষণ, ভক্তগুণ উদয় না হওয়ার হরিশক্ত বা অন্তের সংকার করেন না, তাহাকে প্রাকৃত ভক্ত বলে অর্থাৎ তিনি সংপ্রতি ভক্তির আরম্ভ করিয়াছেন ।

মূল শ্লোকে যে 'প্রাকৃত' শব্দ আছে, শ্রীধর স্বামী তাহার অর্থ করিয়াছেন 'প্রকৃতি অর্থাৎ প্রারম্ভ' । ইহার তাৎপর্যার্থ এই যে, অধুনা যাহার ভক্তি প্রারম্ভ হইয়াছে, তিনিই প্রাকৃত ভক্ত । এমন যে প্রাকৃত ভক্ত তিনিও ক্রমে ক্রমে উত্তম হইবেন (শনৈরুত্তমঃ ভবিষ্যতি ইত্যর্থঃ— ইতি ভাবার্থদীপিকায়াম্) * কনিষ্ঠভক্তের কেবল ভগবানের প্রতিমাতেই ভক্তি থাকে কিন্তু ভগবদ্বক্তে বা অন্যান্য লোকের প্রতি তাহার তাদৃশ

* শ্রীমৎ রাধিকানাথ গোস্বামিমহাশয় সম্পাদিত শ্রীচৈতন্যচরিতামৃতে দেখা যায়, "ক্রমে ক্রমে তিঁহো ভক্ত হইবেন উত্তম ।" এই বাক্যটি মধ্যম অধিকারীকে বুঝাইতেছে । কিন্তু বাস্তবিক তাহা নহে , এ কথাটি কনিষ্ঠ অধিকারীর সম্বন্ধেই বলা হইয়াছে । কেননা, শ্রীপাদ শ্রীধর স্বামীর ব্যাখ্যাবলম্বনে যে এই কথাটি লিখিত হইয়াছে তাহা অতিস্পষ্ট । সেইজন্য আমরা শ্রীধর স্বামীর উক্তিটী তৃতীয় শ্লোকের ব্যাখ্যায় উদ্ধৃত করিয়া দিলাম । কনিষ্ঠ অধিকারীর লক্ষণের পরেই ঐ ছত্রটি বিশদ করা হুসঙ্গত । উক্ত সম্পাদক মহাশয় অশু পাণ্ডুলিপিতে উক্ত ছত্রটি বখাঙলেই সন্নিবিষ্ট দেখিতে পাইয়াছিলেন । তিনি পাদ-টীকনীতে তাহা স্বীকার করিয়াছেন, অথচ মূলে ঐ ছত্রটিকে অস্থানে সন্নিবিষ্ট করার বখাৰ্ধ অর্থবোধের বিকৃতি ঘটয়াছে । ঐ কথাটি মধ্যম অধিকারীর অঙ্গ নহে ;—কিন্তু কনিষ্ঠাধিকারীর অঙ্গ । ভাবার্থদীপিকা টীকানুসারে শ্রীমৎ বিশ্বনাথ চক্রবর্তীও শেষের শ্লোকের ঐরূপ ব্যাখ্যাই করিয়াছেন । . .

আদর দৃষ্ট হয় না। ভগবৎ প্রেমাভাব, ভক্তমাছাখ্যা জ্ঞানাভাব এবং সৰ্বস্বীভেব প্রতি আদর-লক্ষণ গুণ-বিশিষ্ট ভক্তগুণরাশির অক্ষুদ্রই ইহার হেতু। অধুনা যাহার ভক্তি প্রারব্ধ হয় তাহার পক্ষে এই সকল গুণের উদয় সহসা সম্ভবপর নহে। ক্রমে ক্রমে এই কনিষ্ঠ ভক্তও উত্তম ভক্ত হইতে পারেন।

ইতঃপূর্বে যে ত্রিবিধ ভক্তি অধিকারীর বিষয় পদ্যারে লিখিত হইয়াছে উহা সংস্কৃতের বঙ্গানুবাদ মাত্র। শ্রীমন্নহাশ্রয় এতৎ সম্বন্ধে যে উপদেশ করেন, 'শ্রীপাদ শ্রীরূপ ভক্তিরসামৃতসিন্ধু গ্রন্থে উহা নিম্নলিখিত রূপে লিপিবদ্ধ করিয়া রাখিয়াছিলেন :—

শাস্ত্রে যুক্তো চ নিপুণঃ সৰ্ব্বথা দৃঢ়নিশ্চয়ঃ ।

প্রোঢ় শ্রদ্ধোহধিকারী যঃ সত্ত্বক্ৰাবৃত্তমোহতঃ ॥

২ঃ শাস্ত্রাদিষ্মনিপুণঃ শ্রদ্ধাবান্ স তু মধ্যমঃ ।

যো ভবেৎ কোমলশ্রদ্ধ সঃ কনিষ্ঠো নিগচ্ছতে ॥

অর্থাৎ যিনি শাস্ত্রেতে ও যুক্তিতে নিপুণ এবং সৰ্ব প্রকারে তত্ত্ববিচারের দ্বারা দৃঢ় নিশ্চয়, এই প্রকার প্রোঢ় শ্রদ্ধ ব্যক্তি উত্তম অধিকারী। শাস্ত্রার্থে বিশ্বাসট,—শ্রদ্ধা ; শ্রদ্ধার তারতম্যেই ভক্তি অধিকারীর তারতম্য নির্ণয় হইয়া থাকে। "সৰ্ব্বথা দৃঢ় নিশ্চয়ঃ" এই পদের অর্থ তত্ত্ববিচারে, সাধন বিচারে এবং পুরুষার্থ বিচারে যিনি দৃঢ় নিশ্চয় তিনিই,—সৰ্ব্বথা দৃঢ়নিশ্চয়ঃ" পদ বাচ্য।

এস্থলে যে যুক্তির কথা বলা হইয়াছে তাহা শাস্ত্রানুগতা যুক্তি বলিয়াই বুঝিতে হইবে। যুক্তির স্বাতন্ত্র্য নিষিদ্ধ। যিনি শাস্ত্রাদিতে অনিপুণ, অথচ শ্রদ্ধাবান্ তিনিই মধ্যম অধিকারী। 'অনিপুণ' শব্দের অর্থ এই যে, তাহার শ্রদ্ধার প্রতিকূলে বলবৎ তর্ক উপস্থিত হইলে তাহার সমাধান করিতে তিনি অসমর্থ ; অথচ আপন মনে দৃঢ় শ্রদ্ধাবান্। যিনি শাস্ত্রাদিতে অনিপুণ অথচ যাহার শ্রদ্ধা শাস্ত্র বা অপর যুক্তি দ্বারা সহসা বিনষ্ট

হয় না, বহির্গুণ কৃত কৃতক দ্বারা কণ কালের অন্ত চিত্ত দোলায়মান হইলেও নিজের বিবেক দ্বারা গুরুর উপদিষ্ট অর্থেই বিশ্বাস করেন এতাদৃশ ভক্তই কনিষ্ঠ ভক্ত। কৃতকে তাহার চিত্তের কণিক দোলায়মানত্বই কোমলত্ব। কৃতকে যাহার বিশ্বাস একবারেই বিনষ্ট হইয়া যায়, তাহাকে ভক্ত বলা যায় না।

শ্রীভগবদ্গীতার স্বয়ং ভগবান্ শ্রীকৃষ্ণ চতুর্বিধ ভক্তের উল্লেখ করিয়াছেন যথা :—

চতুর্বিধা ভজন্তে মাং জনাঃ স্কৃতিনোহঙ্কূর্ন ।
 আৰ্ত্তো জিজ্ঞাসুরর্থার্থী জ্ঞানী চ ভরতর্ষভ ॥
 তেষাং জ্ঞানী নিত্যযুক্ত একভক্তির্বিশিষ্যতে ।
 প্রিয়ো হি জ্ঞানিনোহত্যর্থমহং স চ মম প্রিয়ঃ ॥
 উদারাঃ সর্ব এবৈতে জ্ঞানী ত্বাত্মৈব মে মতং ।
 আস্থিতঃ স হি যুক্তাত্মা মামেবানুভুমাং গতিম্ ॥
 বহুনাং অননামন্তে জ্ঞানবান্ মাং প্রপণ্ডতে ।
 বাসুদেবঃ সর্বমিতি স মহাত্মা সুদূর্লভঃ ॥
 কামৈশ্চৈহৃত জ্ঞানাঃ প্রপণ্ডন্তেহনুদেবতাঃ ।
 তং তং নিরমমাস্থায় প্রকৃত্যা নিয়তাঃ স্বয়া ॥

হে অঙ্কূর্ন, স্কৃতি ব্যক্তিরাই আমাকে ভজনা করে। এইরূপ ভজন-কারিগণ চতুর্বিধ যথা—আৰ্ত্ত, অর্থার্থী, জিজ্ঞাসু ও জ্ঞানী। যাহারা দুঃখ মোচনের জন্য ভগবদ্ভজন করেন তাঁহারা আৰ্ত্ত; সুখপ্রাপ্তির জন্য যাহারা ভজন করেন তাঁহারা অর্থার্থী; ইহারা আবার দুই প্রকার—পরিচ্ছিন্ন দৃষ্টি ও অপরিচ্ছিন্ন দৃষ্টি। যাহাদের দৃষ্টি চিরদিনই অবিগ্না দ্বারা পরিচ্ছিন্ন থাকে, তাহারা ইহকালের এবং পরকালের সুখের জন্য প্রার্থী হন। অপরিচ্ছিন্ন দৃষ্টিবিশিষ্ট ভক্তগণ ইহকালের সুখের জন্য তত কামনা করেন না। তাহারা পরকালের সুখেই হইলেও তাঁহাদের মধ্যে কেহ কেহ এই

সংসারের অনিত্যতা জানিয়া এবং পরলোকের সুখ ও অনিত্য জ্ঞান করিয়া তত্ত্ব জিজ্ঞাসু হইয়া থাকেন। আর জিজ্ঞাসু ভক্তগণ আত্মতত্ত্ব জানেচ্ছু হইয়া ভগবদ্ভজন করেন। জ্ঞানীভক্ত ত্রিবিধ; ইহাদের মধ্যে এক শ্রেণীর জ্ঞানী ভগবদৈশ্বর্য জ্ঞানে ভগবদ্ভজন করেন। অপর শ্রেণীর ভগবন্মাধুর্য্য-জ্ঞানে ভজন করেন। তৃতীয় শ্রেণীর জ্ঞানিগণ ঐশ্বর্য্য-মাধুর্য্যের মিশ্র জ্ঞানে ভজন করেন। এই চতুর্বিধ ভক্তের মধ্যে আর্ত, অর্থার্থী ও জিজ্ঞাসু— এই তিন প্রকার ভক্ত সকাম। যাহারা কোন প্রকারে বিপদে পড়িয়া আত্ম-রক্ষার্থ ভগবানের শরণাপন্ন হন, তাহারাষ্ট আর্ত ভক্ত। এই আর্ত ভক্তের সংখ্যা এ জগতে খুবই অধিক তথাপি ইহারা সুকৃতি। সুগ্রীব বিভীষণ প্রভৃতি অর্থার্থী ভক্তের উদাহরণ। মুচকুন্দ, রাজর্ষি জনক ও শ্রুতদেব প্রভৃতি জিজ্ঞাসু ভক্ত। উদ্ধব এই শ্রেণীর ভক্ত কিন্তু ইহাদের অপেক্ষা শ্রেষ্ঠ। জ্ঞানীদের মধ্যে সনক, সনন্দ, শুকাদির নাম উল্লেখযোগ্য। নিষ্কাম শুদ্ধ প্রেমভক্তগণের মধ্যে গোপীকারাষ্ট উৎকৃষ্টতম উদাহরণ।

অতঃপরে এ সম্বন্ধে আরও বিস্তারিতরূপে বলা হইবে। উল্লিখিত চতুর্বিধ ভক্তের মধ্যে মদেকনিষ্ঠ ও একমাত্র মদুক্তিপরায়ণ জ্ঞানিগণই শ্রেষ্ঠ। আমিও সেই জ্ঞানিগণের প্রেমাম্পদ এবং তাদৃশ জ্ঞানিগণও আমার পরম প্রিয়। শ্রুতিতে লিখিত আছে—“লোকে আত্মা প্রিয়ো ভবতি।”

উল্লিখিত চারি প্রকার ভক্তই উৎকৃষ্ট তন্মধ্যে জ্ঞানী—আত্মস্বরূপ ইহাই আমার মত। কারণ জ্ঞানী পুরুষ সর্ব্বোৎকৃষ্ট গতিস্বরূপ আমারই আশ্রিত হইয়া থাকেন। তাহার কারণ এই যে, অপরাপর সকাম ভক্তের অন্যান্য বিষয়-লাভের বাসনা আছে কিন্তু জ্ঞানী ভক্ত আমা ভিন্ন আর কিছুই চাহে না, আমিই তাঁহাদের নিরতিশয় প্রীতির বিষয় এবং তিনিও আমার অত্যন্ত প্রীতির বিষয়। আবার অন্ত বুলিয়াছি :—

১। ন তথা মে প্রিয়তম আত্মবোনির্ শকরঃ।

ন চ সক্ষরণো ন শ্রীর্নৈবাত্মা চ যথা ভবান্ ॥

২। “নাহমাঙ্গানমাসংসে মন্ত্ৰৈঃ সাধুভির্কিনা।”

বহু অমার্জিত পুণ্য-প্রভাবে জ্ঞানবান্ এই বিশ্ব চরাচর বাসুদেবায়ক দর্শন করিয়া আমার ভজনপরায়ণ হইয়া থাকেন ; তাদৃশ মহাত্মা নিতান্ত দুর্ভ।

মহাভাগবত দেখে স্থাবর জন্ম।

সর্বত্র হয় তার শ্রীকৃষ্ণ স্মরণ ॥

স্থাবর জন্ম দেখে না দেখে তাঁর মূর্তি।

যথা যথা দৃষ্ট চলে তথা কৃষ্ণ স্মৃতি ॥

এই লক্ষণ ইতঃপূর্বে কথিত উত্তম অধিকারীর শ্রীভাগবতোকৃত লক্ষণের সহিত তুলনা করিলে দেখা যাইবে, উত্তম ভক্ত সর্বত্রই বাসুদেবময় দর্শন করেন। এই বাসুদেব নামটা শ্রীকৃষ্ণেরই নামান্তর কিন্তু জ্ঞানিগণ ইহারে যে নিরুক্তি করিয়াছেন তাহাও জ্ঞাতব্য। সনৎকুমার বলেন :—

১। বাসঃ সর্বনিবাসশ্চ বিশ্বানি ষষ্ঠ লোমযু।

স চ দেবঃ পরং ব্রহ্ম বাসুদেব ইতীরীতঃ ॥

বাসুদেবেতি তন্মাম বেদেষু চ চতুষু চ।

পুরাণেঐতিহাসেষু যাত্রাদিষু চ দৃশ্যতে ॥

ব্রঃ বৈঃ পুঃ শ্রীকৃষ্ণ জন্মখণ্ড ৮৭ অঃ

২। সর্বত্রাসৌ সমস্তঞ্চ বসত্যত্রৈতি বৈ যতঃ।

ততঃ স বাসুদেবতি বিদ্বন্তিঃ পরিপঠ্যতে ॥ বিষ্ণুঃ পুঃ ১ম ২ অঃ

৩। কুতেষু বসতে সোহস্বর্কসন্ত্যত্র চ তানি যৎ।

ধাতা বিধাতা জগতং বাসুদেবস্ততঃ প্রভু ॥ বিঃ পুঃ ৭ম ৫ অঃ

৪। বাসনাদ্ভ্যোতনার্চৈব বাসুদেবং ততো বিদুঃ। মোক্ষধর্ম্মে।

ইন্দীবর-দল শ্রামঃ পদ্মপত্রায়তেক্ষণঃ।

চতুর্ভুজঃ সুন্দরাদৌ দিব্যাভরণভূষিতঃ ॥

শ্রীবৎসকৌস্তভোরম্বোবনমালাবিভূষিতঃ ।

বসুমেবশ্চ জাতহসৌ বাসুদেবঃ সনাতনঃ ॥

পদ্ম পুরাণ উত্তর খণ্ড ৬০ অধ্যায়

বিশাল বিশ্ব-ব্রহ্মাণ্ডের নিখিল পরার্থে অণুতে পরমাণুতে যাহারা এই বাসুদেব শ্রাম সুন্দরমূর্তি সন্দর্শন করিয়া আনন্দ-নিমগ্ন হন তাঁহারা এই প্রকৃত ভক্ত । কিন্তু সকাম ভক্তগণ সেরূপ নহেন । তাহারা স্বার্থময় ফলাভিসন্ধানে বিভ্রত হইয়া নানারূপ কামনার প্রাবল্যে তত্ত্বৎ বাসনা-সিদ্ধি-বিষয়ক দেবারাধনোপযোগী নিয়মপরিপালনপূর্ব্বক স্ব-স্ব-স্বভাবের বশবর্ত্তিতায় মন্দির অশ্রান্ত দেব পূজা করিয়া থাকেন । কিন্তু প্রকৃত ভক্তগণ নিখিল সদগুণের আধার । স্বার্থাভিসন্ধান তাঁহাদের হৃদয়ে স্থান পায় না । শাস্ত্রের নির্দেশ এই যে ভজনশীল বৈষ্ণবগণের হৃদয় সর্ব্বপ্রকার মহাগুণের আধার ।

সর্ব্বমহাগুণগণ বৈসে বৈষ্ণব-শরীরে ।

কৃষ্ণ-ভক্তে কৃষ্ণ গুণ সকলি সঞ্চারে ॥

“যশ্চাস্তি ভক্তির্ভগবত্যকিঞ্চনা,

সর্কৈর্গুণৈ স্তত্র সমাসতে সুরাঃ ।

হরাবভক্তস্য কুতো মহদগুণা

মনোরথোনাসতি ধাবতো বহিঃ ॥

যাহার ভগবানে অকিঞ্চনা ভক্তি আছে, তাঁহাতে সকল দেবগণ সকল গুণের সহিত বাস করেন । আর যে জন অভক্ত, তাহার মহদগুণ কোথায় ? যে হেতু মনোরথের ধারা অসৎ পথে সে সদা ধাবমান হয় ।

যাহারা শ্রীহরি-চরণে জীবনের অশেষ ক্রিয়া সমর্পণ করেন, সমগ্র আত্মা তাঁহার চরণে উৎসর্গ করেন, সমগ্র জীবের মধ্যে তাঁহারা যে সর্ব্বশ্রেষ্ঠ, একথা পুনঃপুনঃই বলা হইয়াছে ।

সেই সব গুণ হয় বৈষ্ণব লক্ষণ ।

সব কথা নাহি যার কহি দিগ্দর্শন ॥

কৃপালু, অকৃতদ্রোহ, সত্যসার, সম ।
 নির্দোষ, বদান্ত-মুদু, শুচি, অকিঞ্চন ॥
 সর্বোপকারক, শান্ত, কৃষ্ণক শরণ ।
 অকাম নিরীহ, স্থির, বিজিতবদ্গুণ ॥
 মিতভুক, অপ্রমত্ত, মানদ, অমানী ।
 গম্ভীর, করুণ, মৈত্র, কবিদক্ষ, মৌনী ॥

ইহা শ্রীমদুদ্ভবের প্রতি শ্রীভগবানের উপদেশ । শ্রীমদ্ভাগবতের একা-
 দশ স্কন্ধের একাদশ অধ্যায়ে শ্রীভগবান্ উদ্ভবের প্রশ্নোত্তরে সাধু ভক্তের গুণ
 সম্বন্ধে ইহাই বলেন, যথা :—

কৃপালুরকৃতদ্রোহস্তিত্ত্বঃ সর্বনেহিনাম্ ।
 সত্যসারোহনবত্যায়া সমঃ সর্বোপকারকঃ ॥
 কামেরহতর্ধাদাস্তো মুদুঃ শুচিরকিঞ্চনঃ ।
 অনাহো মিতভুক শান্তঃ স্থিরো মচ্ছরণোমুনিঃ ॥
 অপ্রমত্তো গম্ভীরাত্মা ধৃতিমান্ বিজিতবদ্গুণঃ ।
 অমানী মানদঃ কয়ো মৈত্রঃ কারুণিকঃ কবিঃ ॥

এতদ্ব্যতীত শ্রীমদ্ভাগবতে তৃতীয়স্কন্ধে পঞ্চবিংশতিতমাধ্যায়ে ভক্ত-সাধুর
 আরও কতকগুলি গুণ লিখিত আছে, যথা :—

তিত্তিকবঃ কারুণিকাঃ সুহৃদঃ সর্বনেহিনাং ।
 অস্বাতন্ত্র্যবঃ শাস্তাঃ সাধবঃ সাধুভূষণাঃ ।

কৃপালু—পরদুঃখসহিষ্ণু, তিত্তিকু—কমাবান্, অকৃতদ্রোহ—নিজদ্রোহি-
 ত্বনেও যিনি দ্রোহ করেন না । সত্যসার—সত্যই বাহার বল । সম—
 সুখদুঃখে বাহার সমান জ্ঞান, নির্দোষ, অনকত্যায়া—অর্থাৎ অসুখবিশিষ্টো-
 রহিত, বদান্ত—দানশীল, মুদু—অকাঠনচিত্ত; শুচি—সদাচারশীল, অকিঞ্চন—
 অপরিগ্রহ, সর্বোপকারক—যথাশক্তি সকলের উপকার কৰ্তা, শান্ত—
 নিরতান্তঃকরণ, নিরীহ—স্বাভাবিক ক্রিয়াশূন্য, স্থির—নিজকার্যে কলো-

দয় যে পর্যন্ত না হয় সেই পর্যন্ত অব্যাহত ; জিতবড়্‌গুণ,—কুং পিপাসা
শোকমোহজরা মৃত্যু এই ষড়ুর্নি যিনি জয় করিয়াছেন ; মিততুক লঘু
আহারী, অপ্রমত্ত—সাবধান, মানদ—অন্তের মানদাতা, অমানী—সম্মানের
অনাকাঙ্ক্ষী, গভীর—নির্ঝিকার, করুণ—করুণাধারাই যিনি কার্যে প্রবৃত্ত
হন, মৈত্র—অবঞ্চক, কবি—বহুমোক্ষজ, দক্ষ—পরবোধনে নিপুণ—এই
গুলি ভক্তি-প্রবর্তক সাধুগণের গুণ । তিতিকু অর্থাৎ শ্রীত উষাদিতে যাহার
তুল্য জ্ঞান, কারুণিক সর্ব প্রাণীর উপকার কর্তা, অজাত শত্রু শমনমাদি
সম্পন্ন এবং সাধুদিগের সম্মান কর্তা, ইত্যাদি গুণশালীকে সাধু বলে ।

শ্রীমদ্ভাগবতের পঞ্চম স্কন্ধে পঞ্চমাধ্যায়ে লিখিত আছে :—

মহৎসেবাং দ্বারমাহ বিমুক্তে
হমোদারং যোষিতাং সঙ্গি সঙ্গম্ ।
মহাস্তুশ্চে সমচিত্তাঃ প্রশান্তা,
বিমত্তবঃ সুহৃদঃ সাধবো যে ॥

ঋষভদেব কহিলেন, হে পুত্রগণ, পণ্ডিতেরা মহৎসেবাকেই ভগবৎ
প্রাপ্তির এবং যোষিতসঙ্গীর সঙ্গকে নরক-প্রাপ্তির দ্বারস্বরূপ বলিয়াছেন ।
যাহারা সমচিত্ত, প্রশান্ত, ক্রোধবিহীন, সর্বভূতের হিতকারী তাহারাই
মহান্ । সাধু-সঙ্গেই কৃষ্ণ-ভক্তির উদয় হয় ।

কৃষ্ণ ভক্তি জন্ম মূল হয় সাধু-সঙ্গ ।
কৃষ্ণপ্রেম জন্মে, তিহো পুনঃ মুখ্য অঙ্গ ॥
অত আত্যন্তিকং কেমং পৃচ্ছামো ভবতোহনঘাঃ ।
সংসারেহস্মিন্ কণাধ্বোহপি সংসঙ্গ-সেবধি নৃণাম্ ॥

শ্রীভাগ—১১।২।২৮

নিমিঃরাজা কহিলেন, আপনারা অনঘগণ, এই হেতু আপনাদিগের
নিকট 'অত্যন্তিক কেম' জিজ্ঞাসা করিতেছি, যে হেতু এই সংসারে
কণাধ্বকাল সংসঙ্গও মহুয়াদিগের পক্ষে সেবধি অর্থাৎ ভক্তি ।

সতাং প্রসঙ্গান্নম বাধ্যসংবিদো
 ভবন্তি হৃৎকর্ণরসায়নাঃ কথাঃ ।
 তজ্জাষণাদাশ্বপবর্গবত্নিনি
 শ্রদ্ধা রতিভক্তি রত্নক্রমিষাতি ॥

কপিলদেব কহিলেন, মা, সাধুজনের সহিত সন্মিলন হইলে আমার প্রভাবপ্রকাশক যে সকল কথা উপস্থিত হয়, তাহা হৃৎকর্ণ ও কর্ণের রসায়ন ; সেই সকল সেবনে আমাতে আশু অবিদ্যানিবর্ভক শ্রদ্ধা, রতি এবং প্রেমভক্তি ক্রমে ক্রমে উৎপন্ন হইয়া থাকে ।

শ্রীধর স্বামী বলেন, সংসঙ্গ যে ভক্তির অঙ্গ এই শ্লোক দ্বারা তাহাই উপপন্ন হয় । সংসঙ্গ সেবনে প্রথমতঃ অবিদ্যা-নিবৃত্তির পথ প্রাপ্ত হওয়া যায় । তৎপরে শ্রদ্ধা রতি ও তৎপরে ভক্তি অত্নক্রমানুসারে জন্মিয়া থাকে । ভক্তিরত্নাবলীকার বলেন, পরম রূপালু শ্রীমন্নরায়ণচরণারবিন্দ-করণা-কল্পবল্লী-ফললাভের জন্ম সংসঙ্গই প্রধান ; ইহাই ভাগবতের অভিপ্রায় । যেমন সংসঙ্গে সুফল লাভ করা যায়, অসংসঙ্গও সেইপ্রকার কুফলপ্রদ । বৈষ্ণব মাতেই অসংসঙ্গ ত্যাগ করিবেন । বৈষ্ণবদের যত কিছু সদাচার আছে, তন্মধ্যে অসংসঙ্গ-ত্যাগই অতি প্রয়োজনীয় সদাচার । এই অসংসঙ্গ যে কি, সংসঙ্কেপতঃ তাহা তোমায় বলিতেছি,—

অসংসঙ্গত্যাগ এই বৈষ্ণব আচার ।

শ্রী সঙ্গী এক, অসাধু কৃষ্ণ-অভক্ত আর ॥

“ন তথাস্ত ভবেন্নোহোবন্ধশ্চাস্ত-প্রসঙ্গতঃ ।

যৌষিৎসঙ্গাদ্ যথা পুংসো যথা তৎসঙ্গিসঙ্গতঃ ॥”

শ্রীভাগ—৩৩১।৩৫

যৌষিৎসঙ্গ, এবং তাহার সঙ্গি-সঙ্গ, এই দুইটি পুরুষের যাদৃশ মোহ এবং বন্ধনের হেতু, অন্তপ্রসঙ্গ তাদৃশ নহে ।

সনাতন, ইতঃপূর্বেও “তমোদ্বারং যোষিতাং সঙ্গিসঙ্গম্” এই কথা তোমায় বলা হইয়াছে। তাহার অর্থ এই যে, স্ত্রীগণের সঙ্গিগণের সঙ্গও নরকের দ্বার। যোষিৎসঙ্গের এইরূপ অনর্থতা শাস্ত্রে বহুবার বহুস্থানে বলা হইয়াছে। যাহারা গৃহাদি বিষয়বাস্তা লইয়া সময় যাপন করেন তাঁহারই স্ত্রীসঙ্গী বলিয়া খ্যাত। শ্রীভাগবতে “মহৎসেবাং দ্বারমাহ বিমুক্তে” শ্লোকের পরে লিখিত আছে :—

যে বা ময়াশে কৃতসৌহদাথা
জনেষু দেহস্তুরবার্ত্তিকেষু ।
গৃহেষু জায়ত্বাভ্রাতিমৎসু
ন শ্রীত্বিগুক্তা যাবদর্থাশ্চ লোকে ॥

এই দুই শ্লোকদ্বারা সুবিমল পারমহংস্বেদ্যের পথ প্রদর্শন করা হইয়াছে। স্ত্রীসঙ্গীদের সঙ্গপর্যন্ত অসৎসঙ্গ বলিয়া ব্যাখ্যাত হইয়াছে। পরবর্ত্তী শ্লোকে এই শ্লোকের ব্যাখ্যা অতি সুস্পষ্ট হইয়াছে। শ্রীঋষভ-দেব বলিতেছেন, যাহারা আমাতে সৌহৃদ্যভাবে চিত্ত সমর্পণ করেন, তাঁহারি দেহমাত্রগোষক বিষয়বাস্তাশীল ও স্ত্রীপুত্র বন্ধুবান্ধবশীল জনে এবং গৃহে শ্রীতি লাভ করিতে পারেন না। দেহস্তুর বিষয়-বার্ত্তা,—পারমহংস্বেদ্যের বিঃক। গৃহসংগণ গার্হস্থ্য-ব্যাপারে মগ্ন থাকায় ভগবৎপ্রসঙ্গে বঞ্চিত থাকেন। দ্বাভিন্ন গার্হস্থ্য হয় না। শাস্ত্র বলেন,— “ন গৃহ গৃহমিত্যাহ গৃহিণী গৃহমুচ্যতে,” সূত্রং প্রাধান্যেন ব্যাপদেশঃ” এই স্মার-অনুসারে গৃহিণী বা স্ত্রীই গার্হস্থ্যের মুখ্য অঙ্গ। সূত্রং “যোষিতাং সঙ্গিসঙ্গমঃ” এই বাক্যের অর্থ গৃহস্থব্যক্তির সঙ্গ। স্বামিপাদের টীকায় তাহা স্পষ্টতর হইয়াছে। তিনি লিখিয়াছেন, “দেহং বিভ্রীতি দেহস্তুরা বিষয়াবার্ত্তিব ন ধর্মবিষয়া যেষু তেষু জনেষু, জায়াদি যুক্তেষু গৃহেষু চ (পাঠান্তরে জায়াদি প্রদেষু)।” ইহাতে বুঝা যাইতেছে যে গার্হস্থ্য ধর্মে শাস্ত্রবিহিত পত্নীগ্রহণ প্রশস্ত কিন্তু পারমহংস্বেদ্যে স্ত্রী-সঙ্গীর সঙ্গও অর্থাৎ

গৃহস্থলোকের সঙ্গও দোষণীয়। কেন-এইরূপ দোষ ঘটে, তাহার কারণ এই যে, গৃহস্থগণ বিষয়বাস্তায় সর্বদাই বিভ্রত থাকেন। তাহারা সাধুর সমীপে উপস্থিত হইলেও সাধুগণকে সাংসারিক বাস্তায় বিভ্রত করিয়া তোলেন। কিসে দেহের শাস্তি ও গার্হস্থ্যের মঙ্গল হইবে,—এই সকল প্রশ্নের দ্বারা সাধুগণের ভগবচ্ছিত্তার সময় বিনষ্ট করেন। এইজন্য শ্রীসঙ্গ-সঙ্গিগণের সঙ্গ পরমহংসগণের পরিত্যাগ্য।

শ্রীপাদ শ্রীজীব গোস্বামী 'তুলসাম লবেনাপি' শ্লোকের ব্যাখ্যায় লিখিয়াছেন, 'যোষিৎসঙ্গাদপি যোষিৎসঙ্গিগাংসঙ্গো যথাতিনিন্দ্য উক্ত-স্তথৈব ভগবৎ সঙ্গাদপি ভগবৎ সঙ্গিগাং সঙ্গোহতিবন্দ্যোহতিপ্রশংস্যোহত্য-ভিঃ ষণীয়ঃ'—অর্থাৎ যোষিৎসঙ্গ হইতেও যোষিৎসঙ্গিগণের সঙ্গ যেমন অতিনিন্দনীয় বলিয়া শাস্ত্রে বলা হইয়াছে, সেইরূপ ভগবৎ সঙ্গ অপেক্ষাও ভগবৎসঙ্গ সাধুগণের সঙ্গ অতীব বন্দনীয়, প্রশস্ত ও অভিলষণীয়।

সঙ্গ কি প্রকারে ঘটে, শাস্ত্রে তাহারও প্রমাণ আছে যথা—“আলাপাৎ গাত্রসংস্পর্শাৎ নিঃশ্বাসাৎ সহ ভোজনাৎ”। এই প্রকারে বিষয়-বাস্তা-পরায়ণ গৃহস্থগণের সঙ্গ সাধুগণের পক্ষে অহিতকর হয়।

বিষয়ীর অন্ন খাইলে মলিন হয় মন।

মলিনচিত্তে নাহি হয় কৃষ্ণের স্মরণ ॥

উক্ত দ্বিতীয় শ্লোকে সাধুগণকে “যাবদর্থ” বলা হইয়াছে। স্বামিপাদ অর্থ করিয়াছেন, দেহ-নির্বাহের অধিক ধন-স্পৃহাশূন্য। ফলতঃ যোষিতাং সঙ্গিসঙ্গঃ” বাক্যের অর্থ বিষয়ী গৃহস্থ সঙ্গ বলিয়াই অর্থ করা সুসঙ্গত। যেখানে ভগবৎপ্রসঙ্গ নাই, কেবলই বহিঃস্বার্থতা,—সেইস্থলে কৃষ্ণভক্তির উদয় অসম্ভব। তৃতীয় স্বন্ধের ৩১ অধ্যায় হইতে যে শ্লোকটা উক্ত হইয়াছে, সেই ৩১ অধ্যায়ের ৩৩ হইতে ৪২ শ্লোক পর্য্যন্ত শ্রী সঙ্গের বহুল দোষ লিখিত হইয়াছে। এখানে তৎসকল বলা যাইতেছে:—

अभिधेय-तत्त्वः

सत्यं शोचं दया मौनं बुद्धिः श्रद्धाः कर्मा ।
 शमो दमो भगन्नेति वृत्तसङ्घाद्व्यति संकल्पम् ॥
 तेषामाह्वेषु मूढेषु खण्डिताश्च साधुषु ।
 सङ्गं न कुर्याच्छोच्येषु योषिः क्रीडामृगेषु च ॥
 न तथाश्च उदेन्नोहो वक्त्राच्छ्रप्रसङ्गतः ।
 योषिःसङ्घाद् यथा पुंसो यथातन्मदिसङ्गतः ॥
 प्रजापतिः स्वां दुहितरं दृष्ट्वा तक्रपथर्वितः ।
 रोहिदुहां सोऽहं धावद्वारुणी हतक्रपः ॥
 तन्मृष्टं मृष्टं मृष्टेषु कोऽपि खण्डितधीः पुमान् ।
 ऋषिः नारायणामृते योषिःस्योह मायया ॥
 बलं मे पश्चात्तारायाः स्त्रीमया अग्निना दिशाम् ।
 या करोति पदाङ्गान् क्रविडुञ्जेषु केवलम् ॥

सङ्गं न कुर्यात् प्रमदाश्च जातु
 योगश्च पापं परमाकुरुङ्गः ।
 सत्सेवया प्रतिलकाश्रुलाभे
 वदन्ति या निरग्रहारमश्नु ॥

योपयाति ननेर्माया योषिन्देवविनिर्मिता ।
 तामौक्तेऽन्नो मृत्युः तृणेः कूपमिवारुतम् ॥
 यां मनुते पतिं मोहान्मरारामृषभारुतीम् ।
 स्त्रीषु स्त्रीसङ्गतः प्राणैः विज्ञापत्यगृहप्रदम् ॥
 तामाश्रुते विज्ञानोन्नां पत्यपत्यगृहाश्रुतम् ।
 दैवोपसादितं मृत्युं मृगरोर्गौरनं यथा ॥

स्त्री-स एवं स्त्री-सद्विषयधारा सत्य, शोच, दया, मौन, बुद्धि, शोचनीः
 लज्जा, वश कर्मा, शम, दम, भग; स्त्री; क्रीडि प्रकृति सङ्घेन सङ्घेन
 असत्सङ्घेनैव हर्षिता वार ।

যাহাদিগের বুদ্ধির স্থিরতা নাই এবং দেহাত্মবুদ্ধি, সেই মুঢ় অসাধু ও শোকার্হ এবং ক্রীড়ামৃগের স্থায় কামন্দ্রীর অধীন ব্যক্তিদিগের সঙ্গ করিবে না। এমনকি স্বয়ং ব্রহ্মা যুগীরূপধারিণী স্বায় কন্যাকে দেখিয়া স্বয়ং যুগরূপ ধারণ করিয়া নির্লজ্জভাবে তৎপশ্চাৎ ধাবিত হইয়াছিলেন। ব্রহ্মাই যখন এইরূপ দুর্দশা ঘটয়াছিল তখন তাহা হইতে ক্রমিক অধস্তন সৃষ্টের সৃষ্ট মনুষ্যাদিতে এমন কে আছে যে নারায়ণ ঋষি ভিন্ন যোষিত্ময়ী মায়া হইতে নিস্তার পাইতে পারে। আমার এই স্ত্রীময়ী মায়া প্রভাব দেখ। য সৰ্বল বীর ক্রবিজ্জুগণ মাত্র ভুবন-বিজয়ী বীর দিগকে পদানত করিতে সার্থক হয়, আমার এই স্ত্রীময়ী মায়া তাহাদিগকেও পদদলিত করে। যিনি ষোড়শ পরম পারে আরোহণ করিতে ইচ্ছুক, যিনি সৎসেবা দ্বারা আত্মতত্ত্বগান লাভ করিয়াছেন, তিনি যেন কখনও প্রমদা-সঙ্গ করেন না। কোনা, সাধুগণ প্রমদাসঙ্গকেই নরকদ্বার বলিয়া অভিহিত করেন।

এস্থলে একটু বিশেষ বিবেচ্য আছে। শ্রীভাগবত-টীকাকার বিদ্বান্ধ্ব ঋষভদেবের উপদেশে শ্বাসঙ্গ-দোষ প্রসঙ্গোপদেশে যাহা বলিয়াছেন আধে কিকিৎ বিশেষ বিচার করিয়াছেন; যথা উক্ত অধ্যায়ের অষ্টম শ্লোক-
 ব্যাখ্যায়,—জন সাধারণ মিথুনাভাবে সুখ সাধনাদ্বেষণান্নাসে গার্হস্থ্য ব্রিতে গিয়া কেবল তাপই প্রাপ্ত হয়, কিন্তু শাস্ত্রে ইত্যং দেখা যায় যে, কুটুম্বি শুচৌদেশইত্যাদ্যুক্তা” “ন চ পুনরাবর্ত্তত” ইতি কুটুম্বিনো অপাবৃন্তি লক্ষণোমুক্তিবচনাৎ কথং স নিন্দামর্হতি চেন্নঃ প্রায়িক হান্তুঃ ;

ব্রহ্মাণ্যাজ্ঞবল্ক্যাণা মুচ্যন্তে শ্বাসহাস্তিনঃ

বধ্যন্তে কেচনৈতেষাং বিশেষণ বিদো বিদুঃ ॥ উক্তিনাৎ ।

অর্থাৎ গৃহস্থ শুচিনেণে আসনাদি করিয়া ধ্যানযোগে সমাধি দ্বারা অপুনরাবৃন্তি লক্ষণ মুক্তি প্রাপ্ত হইয়া থাকে। সূত্রাং তাহার একটা নিন্দা কি? কিন্তু এই সিদ্ধান্ত সার্বত্রিক বা সার্বভৌমিক নহে; প্রায়িক। ব্রহ্মাদি ও যাজ্ঞবল্ক্যাদি শ্রী মহায় সম্পন্ন হইয়াও মুক্তি লাভ

করিয়াছেন। আবার ইহাদের মধ্যেও কেহ কেহ শ্রী সংসর্গী হওয়ার সংসার বন্ধনে বন্ধ প্রাপ্ত হইয়াছেন। এই “টীকাकारই সঙ্গং ন কুৰ্ব্যাৎ প্রমদাসু ভাতু” শ্লোকের টীকার লিখিয়াছেন,—“অনেন স্বজ্ঞানদানযোগ্য পুরুষেষু যুক্তো নিয়ত ভাৰ্য্যাসু চ সঙ্গমহুরেণ ইতরসঙ্গবর্জ্জনীয়” ইতি প্রকাশিতম্ তদুক্তং :—

সংপুংসো চ তথা স্ত্রীষু ন সঙ্গোদোষনাবহেৎ ।

যথাযোগ্যগুণায়ৈব দোষকুৎ দৃষ্টজন্মযু ॥

সুতরাং ইহার সঙ্গ কি দোষ ? বস্তুতঃ কামুকের পক্ষে শ্রী সর্বথা পরিবর্জনীয় ।

অঙ্গারসদৃশানারী যতকুন্তু সমঃপুমান্ ।

তস্মান্নারীষু সংসর্গং দূরতঃ পারিবর্জয়েৎ ॥

গোড়া মাঝা তথা পৈষ্ঠী বিজেয়া ত্রিবিধা সুরা ।

চতুর্থী প্রমদাজেয়া যয়েদং মোহিঃঃ জগৎ ॥

নাগতি প্রমদা দৃষ্টা সুরা পানৈব মাগতি ।

যস্মাৎ দৃষ্টমদা নারী তস্মান্নাং নাবলোকয়েৎ ॥

নারী-সঙ্গমাত্রই যে দোষ তাহা নহে ; কিন্তু কামভোগানু-
রাগময় প্রমদাসঙ্গই দোষময়। তাই শাস্ত্রকার বলিয়াছেন ;—নারী
অঙ্গারসদৃশী, পুরুষচিত্ত যতকুন্তুর স্ত্রী কামল ; উভয়ের একত্রাবস্থান
অত্যন্ত দোষলীল। গোড়ীমাঝা ও পৈষ্ঠী এই ত্রিবিধ সুরা অত্যন্ত মত্ততা-
জনক। ইহা অপেক্ষাও অত্যন্ত মত্ততাকারিণী আর একটা সুরা আছে,
এই চতুর্থী সুরাই,—প্রমদা। এই প্রমদা দ্বারা সকল জগৎ মোহিত
হইয়া থাকে। সুরা পান করিলে মত্ততা অয়ে কিন্তু প্রমদা-দর্শনেই
মত্ততা অয়ে। সুতরাং দৃষ্টমদা প্রমদার অবলোকন সর্বথা নিষিদ্ধ। প্র-
শঙ্গের এক অর্থ তত্ত্ব ; দোষাতুর অর্থ খণ্ডন। বাহাধারা তত্ত্ববিস্মরণ ঘটে
সেই প্রমা-খণ্ডন-সাধনরূপিণী প্রমদা সর্বথা পরিত্যাগ্যা। অথবা প্রক

মানসকৰ্মহেতুই ইহার নাম প্রমদা ; প্র+মদ—দ্রোলিত্ব আ—প্রকৃষ্ট মদম-
কৰ্মহেতু ইহার নাম প্রমদা । সুতরাং যিনি যোগের পরপার প্রাপ্ত হইতে
ইচ্ছা করেন, তাহার পক্ষে প্রমদাসম পরিবৰ্জনীয় । মনু বলেন,—

“মাত্ৰাশ্ৰয়া হুহিত্বা বা নৈবেকাত্মাসনোভবেৎ ।

বলবদিস্থিয়গ্রামো বিধাংস মপি কৰ্ষতি ।”

মাতা, ঋগুরী কন্ঠা ইহাদের সহিতও একাসনে উপবেশন করিবে
না । যেহেতু ইন্দ্রিয়-প্রভাব অতি বলবান্ ; অতি বড় সুসংঘত ব্যক্তির
চিত্তেও ইন্দ্রিয়-প্রভাবে বিক্ষুব্ধ হয় । শ্রীমহাপ্রভু নিজেও বলিয়াছেন :—

নিষ্কণ্ঠনশ্চ ভগবন্তুজনোমুখশ্চ

পারং পরং জিগিমিবোৰ্তবসাগরশ্চ ।

সন্দর্শনং বিষয়িণাং তথা বোধিতাঞ্চ

হা হস্ত হস্ত বিষভক্ষণাদপ্যসাধু ॥

শাস্ত্রে এইরূপ ঘোষিত্বসঙ্গের অপকারিতা বর্ণিত হইয়াছে । কেহ কেহ
বলেন, স্ত্রীসঙ্গী অর্থ কামস্ট্রী সঙ্গী বৃত্তিতে হইবে ; কিন্তু ধর্মস্ট্রীসঙ্গাকে
স্ত্রীসঙ্গী বলা যায় না ।’ এইরূপ ব্যাখ্যা সুসঙ্গত বা শোভনীয় নহে । ধর্ম-
স্ট্রী গার্হস্থ্য-ধর্মের মুখ্য অঙ্গ । ধর্মস্ট্রীর গর্ভে পুত্রকন্ঠা উৎপাদিত হয় ।
এই সকল লইয়া ধর্মপত্নী-সঙ্গীকেও গার্হস্থ্যে বিব্রত হইতে হয় । শ্রীমহাপ্র-
ভু শ্রীপাদ সনাতনকে ভক্তিময় পারমহংস ধর্মের অগ্রই উপদেশ
করিতেছেন । গার্হস্থ্য যে পারমহংস ধর্মের বাধক তাহাতে
সন্দেহ কি । সাংসারিক নিখিল চিন্তা পরিহারপূর্বক শ্রীগোবিন্দ-চরণে
দেহেন্দ্রিয়প্রাণ-মন-বুদ্ধি ও আত্মা সমর্পণই ভাগবত পরমহংস ভক্তগণের
একমাত্র সাধনা । সুতরাং ধর্ম-পত্নী লইয়া গার্হস্থ্যের উপদেশ এখানে
সুসঙ্গত হইতে পারে না । সুতরাং স্ত্রীসঙ্গ গার্হস্থ্যকেই বুঝাইতেছে । কিন্তু
যে গৃহস্থ গৃহে থাকিয়াও শ্রীকৃষ্ণপদে প্রাণ মন অর্পণ করেন, গার্হস্থ্য চিন্তা
করেন, পত্নীরসঙ্গে কেবল ধর্ম-চর্চা করেন এবং পত্নীও সহধর্মিণী হইয়া

স্বামীর ধর্মতাবহি বিবর্জন করেন, তাদৃশ স্ত্রী বা স্ত্রী-সঙ্গিসঙ্গ দোষাবহ নহে। কামের মাদকতা অতি ভয়ানক; অর্ধের মাদকতাও প্রায় তাদৃশ। এইজন্য কামিনী ও কাকন ভগবদুজ্জ্বলিতজনের পক্ষে বিববৎ পরিত্যাজ্য।

এইরূপ বিচারে স্ত্রী-সঙ্গিসঙ্গ এক প্রকারের অসংসঙ্গ এবং কৃষ্ণের অন্তর্ভুক্ত সঙ্গও অন্তরূপ অসংসঙ্গ। তাই কাত্যায়নসংহিতাকার বলিয়াছেন :—

বরং হতবহজালাপঞ্জরাসুর্বাভিহিতঃ ।

ন শৌরিচিন্তাবিমুখজন-সংবাসবৈশম্যম্ ॥ .

প্রজলিত হতাশনের শিখায়ুক্ত পঞ্জরের মধ্যে অবস্থিতি করাও ভাল, তথাপি যেন শ্রীকৃষ্ণচিন্তায় বিমুখ জনের সহবাস জানিত পাঁড়া না হয়। অপিচ ভক্তিহীন মনুষ্যদিগের সঙ্গ কৃত্রাপি করিবে না।

“মদ্রাক্ষীঃ কীর্ণপুণ্যান্ কচিদপি ভগবদুজ্জ্বলিতান্ মনুষ্যান্ ॥”

এস্থলে ভক্তিহীন অপর সম্প্রদায়ের সদাচারসম্পন্ন ব্যক্তির সহবাসও পরিত্যাজ্য। জৈন, বৌদ্ধ কিম্বা মায়াবাদী সন্ন্যাসীরা প্রয়াশঃই শ্রীগোবিন্দ-চরণে শ্রদ্ধাভক্তিবিহীন; সুতরাং তাহাদের সঙ্গও ভক্তি-সাধনের বিঘাতক।

এ সব ছাড়ি আর বর্ণঃশ্রম ধর্ম ।

অকিঞ্চন হঞা লয় কৃষ্ণের শরণ ॥

“সর্ব ধর্ম্যান্ পরিত্যজ্য মামেকং শরণং ব্রজ ।

অহং ত্বাং সর্বপাপেভ্যো মোক্ষয়িষ্যামি মা শুচঃ ॥” গীতা ১৮।৬৬

শ্রীভগবানের আদেশ এই যে, ভগবানের কথা শ্রবণে শ্রদ্ধা উপভোগ হওয়া মাত্রই স্বরূপতঃ কর্মত্যাগ করিতে হইবে। শ্রীভগবান্ বলিতেছেন, আমার কথা শ্রবণে শ্রদ্ধা হওয়ামাত্র সর্ব ধর্ম ত্যাগ করিয়া কেবল একমাত্র আমার শরণাপন্ন হও। আমার শরণাপন্ন হইলে আমি তোমার কর্মত্যাগজনিত সকল পাপ হইতে রক্ষা করিব। সেই জন্য তুমি

করিও না।' এস্থলে নিত্য নৈমিত্তিক স্বধর্মনিষ্ঠা-পরিত্যাগে ভক্তির উপদেশ করা হইয়াছে। শ্রীভাগবতে উক্ত হইয়াছে, স্বধর্মত্যাগ করিয়া যদি কেহ হরিভজন করেন এবং সেই ভজন যদি অপরিপক্ব হয় এবং সেই অবস্থায় মৃত্যু হয়, তাহাতে স্বধর্মত্যাগ-জনিত অনর্থ বা প্রত্যবার হইবে না। ভক্তিবাসনা সত্ত্বে তাহার সকল দোষই মার্জনীয় হইবে।

ভক্তবৎসল, কৃতজ্ঞ, সমর্থ, বদান্ত ;

হেন কৃষ্ণ ছাড়ি পণ্ডিত নাহি ভজে অন্ত ।

“কঃ পণ্ডিতশ্চদপরং শরণং সমীয়াৎ

ভক্তপ্রিয়াদৃগিরঃ সুহৃদঃ কৃতজ্ঞাৎ ।

সর্বানু দদাতি সুহৃদোভজতোহভিকামা,

নাঅানমপ্যুপচয়াপচয়ো ন যশ্চ ॥ শ্রীভাগ ১০।৪৮।২২

হে প্রভো, ভক্তপ্রিয়, সত্যসঙ্গ, ভক্তসুহৃৎ এবং কৃতজ্ঞ তোমাকে ত্যাগ করিয়া কোন্ বৃদ্ধিমান্ অণের শরণাগত হইবে? যাহার বিষয়ের লাভে বৃদ্ধি অলাভে হ্রাস নাহি, সেই তুমি ভজমান সুহৃৎকে তাহার অভীষ্ট বিষয় এবং আপনাকে পর্যন্তুও প্রদান কর।

শ্রীকৃষ্ণের যে কি দয়া তাহা স্মরণ করিলে তৎপ্রতি ভক্তিরসে চিত্ত অভিভূত হয়। পুতনা স্ত্রীনে বিষ নাথিয়া শ্রীকৃষ্ণকে বধ করিতে আগমন করিয়াছিলেন; পরম দয়াময় শ্রীকৃষ্ণ নাহুবেশধারিণী পুতনাকে মাতার হার সঙ্গতি দান করিয়াছিলেন। শ্রীভাগবতে একাদশ স্কন্ধে উদ্ধবের বাক্যই তাহার প্রমাণ স্বরূপ। ভক্ত প্রবর শ্রীউদ্ধব বলেন :—

অহোবকীয়ং স্তনকালকূটং

জিঘাংসয়া পায়য়দপ্যসাধ্বী ।

লেভে গতিং ধাক্যচিতাং ততোহনুং

কংবা দয়ালুং শরণং ব্রজেম ॥

হুই পুতনা প্রাণ বিনাশের অভিসন্ধিতে যাহাকে স্তন সংযুক্ত কালকূট

বিষ পান করাইয়া ধাত্রীযোগ্য গতি লাভ করিয়াছেন, সেই কৃষ্ণ ভিন্ন আর এমন দয়ালু কে আছে যে তাঁহাকে ভজন করিব ?

কৃষ্ণের দুই ধাত্রী—অম্বিকা ও কিলিষা । “অম্বিকা চ কিলিষা চ ধাত্রীকে স্তম্ভধাত্রীকে” ইহারাই শ্রীকৃষ্ণের ধাত্রী ও গোলোকবাসিনী । এই পুত্ৰনা কৃষ্ণ-বিদেষিণী হইলেও শ্রীকৃষ্ণ তাহাকে গোলোকে স্থান দিয়াছিলেন । সুতরাং অন্যান্য দেবতা ত্যাগ করিয়া এমন পরম দয়ালু শ্রীকৃষ্ণের শরণ গ্রহণ কে না করিবে ? শ্রীকৃষ্ণের শরণাগত হওয়াই জীবের একান্ত কর্তব্য । এ স্থলে শরণাগতের লক্ষণ জানা প্রয়োজন ।

শরণাগত আকিঞ্চনের একই লক্ষণ ।

তার মধ্যে প্রবেশয়ে আত্ম সমর্পণ ॥

আম্বুকুলাস্ত সঙ্গমঃ প্রাতিকূল্যস্ত বর্জনং ।

রক্ষিত্যতি বিশ্বাসো গোপ্তৃহে বরণং তথা ।

আত্মনিরূপঃ কার্পণ্যে যদ্বিধা শরণাগতি ॥ বৈষ্ণৱবতন্ত্রং

শরণাগতি ছয় প্রকার যথা—ভগবানের আম্বুকুলোর সঙ্গম অর্থাৎ কর্তব্যতারূপে নিয়ম, প্রাতিকূল্যের বর্জন, তিনি আমাকে নিশ্চয় রক্ষা করিবেন বলিয়া বিশ্বাস, রক্ষা কর্তৃত্বরূপে স্বীকার বা তাঁহার নিকট প্রার্থনা, আত্মনিবেদন এবং কার্পণ্য অর্থাৎ হে প্রভো, আমাকে রক্ষা কর, রক্ষা কর বলিয়া কাতরতা :—

তবাস্মীতি বদন্ বাচা তথৈব মনসা বিদন্ ।

তৎস্থানমাত্মিতস্তদ্বা মোদতে শরণাগতঃ ॥ তত্রৈব ।

হে প্রভো, আমি তোমার হইগাম, এই বাক্য বলিয়া মনেও সেইরূপ অভিমান করিয়া এবং শরীর দ্বারা তাঁহার ধাম মথুরাদি আশ্রয় করিয়া শরণাগত ব্যক্তি পরমানন্দ অনুভব করেন ।

শরণ লঞা করে কৃষ্ণে আত্মসমর্পণ ।

কৃষ্ণ তাঁরে তৎকালে করেন আত্মসম ॥

“মৰ্ত্যো যদা ত্যক্ত সমস্ত কৰ্মা,

নিবেদিতায়া বিচিকীৰ্বিতো মে ।

তদামৃতত্বং প্রতিপত্তমানো,

ময়াত্মভূয়াম চ কল্পতে বৈ ॥” শ্রীভাগ—১১।২২।৩২

মৰুযা যে কালে সমস্ত কৰ্ম পরিহার করিয়া আমাতে আত্মসমর্পণ করে, তখন সে জীবমুক্ত হইয়া আমারসদৃশ ঐশ্বর্য লাভের যোগ্য হয় ।

সনাতন, এখন তোমায় সাধন ভক্তির কথা বলিতেছি । এই সাধন ভক্তিই শ্রীকৃষ্ণপ্রেম-ভক্তির সাধনা । যে সকল কৰ্মের অক্ষয়ীলনে শ্রীভগবানে পরা ভক্তির উদয় হয় তাহাই সাধন ভক্তি । শ্রীভাগবতে বলা হইয়াছে—

সবৈ পুংসাং পরোধর্মো যতো ভক্তিরধোক্ষে ।

অহেতুক্যপ্রতিহতা যয়ায়া সুপ্রসীদতি ॥

পরম ধর্ম বলার অর্থই শ্রীভাগবতের প্রতিজ্ঞা । ধর্ম অনেক প্রকার; যথা—
দৈহিক, ঐন্দ্রিয়িক, মানসিক—প্রাণ-মন-বুদ্ধিও আত্মা সম্বন্ধীয় । এতদ্ব্যতীত
শ্রুতি-স্মৃতি প্রণোদিত নানাবিধি ধর্ম শাস্ত্রে লিখিত আছে । কিন্তু সেই
সকল ধর্ম,—পরম ধর্ম নহে । শ্রীমত্তাগবতের একাদশ স্কন্ধে নবযোগেশ্বর
সংবাদে ভাগবত ধর্মের উল্লেখ আছে যথা:—

যে বৈ ভগবতা প্রোক্তা উপায়া হ্যাত্মলকয়ে ।

অঙ্গঃ পুংসামবিভূষাং বিদ্ধি ভাগবতান্ হি তান্ ॥

স্বামিপাদ ইহার টীকায় বলেন, যম্বাদি স্মৃতি-সংহিতাকারগণ দ্বারা
শ্রীভগবান্ বর্ণাশ্রমাদি ধর্ম প্রকটন করিয়াছেন । কিন্তু ভাগবত ধর্ম অতি
রহস্যপূর্ণ । তাহা ঋষিগণের দ্বারা প্রকটন না করিয়া ভগবান্ অস্ত
লোকদিগের হিতার্থে আত্মবোধের স্বরূপ প্রকাশ করিয়াছেন । ভগবান্
স্বয়ং এই বিমিত্ত বোঃসকল উপায় বলিয়াছেন তাহাই ভাগবত ধর্ম । এই
ভাগবত ধর্মই প্রথমযোগেশ্বর স্মৃতিসংহিতাদের স্মিকট প্রকটন করেন ।

দ্বিতীয় যোগেন্দ্র হবিঃ আরও বিশেষরূপে উহা বিবৃত করিয়াছিলেন। ইতঃপূর্বে উত্তম মধ্যম ও কনিষ্ঠ অধিকারী-নির্ণয়ে তাহা কিয়ৎ পরিমাণে বলা হইয়াছে। প্রহ্লাদও দৈত্য বালকদিগকে এই ভাগবতধর্মের উপদেশ দিয়াছিলেন। কিন্তু এখানে যে বিশেষরূপে পরমধর্মের কথা বলা হইল, শ্রীভাগবতের প্রারম্ভেই মহর্ষি সেই পরম ধর্মের উল্লেখ করিয়াছেন। নির্ম্মসর সাধুগণের জন্ম সমস্ত কামনা বিবর্জিত এমনকি মোক্ষফলাভি-সন্ধানরহিত যে ধর্মের উপদেশ দেওয়া হইয়াছে, তাহাই পরম ধর্ম। বাহ্য হইতে অধোক্ষত্র শ্রীগোবিন্দে অহেতুকী ও অপ্রতিহতা পরাভক্তির উদয় হয় তাহাই পরম ধর্ম। এই পরম ধর্ম হইতেই পরাভক্তি প্রকটিত হয় এবং সেই ভক্তি বলেই আত্মা প্রসন্নতা লাভ করেন।

এই পরাভক্তিই আত্ম প্রসাদের জননী, ঋতসুরা প্রজ্ঞারও জননী। এখন এই পরম ধর্ম কি তাহাই বলা যাউতেছে। এই সাধন ভক্তিই পরম ধর্ম। কেননা,—

কৃতিসাধ্যাভবেৎ সাধ্যত্বা বা সা সাধনাভিধা।

নিত্যসিদ্ধস্ত ভাবস্ত প্রাকট্যং হৃদি সাধ্যতা ॥

ইন্দ্রিয় প্রেরণারদ্বারা যাহা সাধ্য এবং প্রেমাদি যাহার ফল,—তাহাকে সাধন ভক্তি বলে। নিত্য সিদ্ধ ভাবের হৃদয়ে অভিব্যক্তির নাম সাধ্যতা। শ্রবণাদি নববিধা ভক্তিই সাধন ভক্তি ; এইরূপ সাধন ভক্তি ৬৪ প্রকার ; ইতঃপূর্বে শ্রীরূপ-শিক্ষায় তাহা বর্ণিত হইয়াছে। এই সাধনভক্তি হইতে যে প্রেমভক্তির উদয় হয়, সে সকল বিষয়ও রাগাত্মিকতা ও কামাত্মিকতা প্রভৃতি ভক্তির বর্ণনে বিস্তৃতরূপে বর্ণনা করা হইয়াছে। এখানে পুনর্বার বাহ্য ভাবে তাহার আলোচনা করা হইল না।

শ্রীভগবৎপ্রেম—নিত্যসিদ্ধবস্ত। ইহা আত্মার নিত্য ধর্ম। আত্মনের নাহিকাশক্তির স্মরণ, ফলে সুগন্ধের স্মরণ আত্মার স্মৃতি ইহার সমবার সম্বন্ধ ; সুতরাং ইহা নিত্য বস্ত। এই নিত্য সিদ্ধ বস্ত উৎপাদ্য নহে,

তবে শ্রবণ-কীর্তন প্রভৃতি দ্বারা যখন হৃদয়ে ইহা উদিত হয়, তখনই ইহাকে সাধ্য বলা যাইতে পারে। এইরূপ ভাবে সাধনভক্তিও সাধ্য ভক্তির বিচার করা হইয়াছে। শ্রীশ্রীনহাপ্রভু এ সম্বন্ধে শ্রীপাদ সনাতনকে যে উপদেশ দিয়াছিলেন, তাহা শ্রীপাদরূপ ভক্তিরসামৃত সিন্ধু গ্রন্থে বিবৃত করিয়া রাখিয়াছেন। শ্রীচরিতামৃতে মধ্যলীলার ষাটবিংশ অধ্যায়ে শ্রীপাদ সনাতন শিক্ষায় উহারই সংক্ষিপ্ত মর্ম লিখিত হইয়াছে। শ্রীমৎরূপ-শিক্ষাগ্রন্থে ভক্তিরসামৃত সিন্ধুর ও হরিভক্তিবিলাসের প্রতিপাত্ত বিষয়-আলোচনায় সেই সকল কথা বিশেষরূপে আলোচিত হইয়াছে। এস্থলে সে আলোচনা বাহুল্য ও ধিকৃতি ভয়ে পরিত্যক্ত হইল।

যদিও সাধন ভক্তি সম্বন্ধে ইতঃপূর্বে বহুল আলোচনা হইয়াছে, বৈধী ও রাগান্তগাত্তিত্তেদে সাধন-ভক্তি দুই প্রকার, তাহাও বলা হইয়াছে, এবং উজ্জল নীলগণিতে আলোচিত গোপী-প্রেমের সাগরতরঙ্গ দূর হইতে যৎকিঞ্চিৎ প্রদর্শিত হইয়াছে, কিন্তু একটা রহস্যময় তথ্য উক্ত গ্রন্থে বলা হয় নাই; তাহা এই যে, বৈধীভক্তি ও ভাগবত ধর্মের মধ্যে একটা বিপুল ব্যবধান আছে। ভাগবত পরমহংসগণের ধর্মটিকে মধ্যবর্তী করিয়া সে আলোচনা না করিলে গোপী প্রেমের উচ্চতম মধুময় রাজ্যে প্রবেশ করা অসম্ভব। উত্তমভক্তির বা পরা ভক্তির মধ্য দিয়া আমরাগকে সে পথে যাইতে হইবে।

এই স্থলে গীতায় শ্রীকৃষ্ণের উপদিষ্ট পরাভক্তির কথা মনে হয়। সেই নিষ্কাম পরা ভক্তি ব্রহ্মজ্ঞানের পরে উদিত হয়। ভগবানের শ্রীমুখে উক্তি এই যে,—

ব্রহ্মভূতঃ প্রসন্নাত্মা ন শোচতি ন কাঙ্ক্ষতি ।

সমঃ সর্বেষু ভূতেষু মনুস্তিঃ লভতে পরাম্ ॥

ভক্ত্যা মামভিজান্নাতি যাবান্ যচ্চাম্মি তদ্বদঃ ।

ততো মাং তদ্বতো জ্ঞাত্বা বিশতে তদনন্তরম্ ॥

ত্রয়োবিংশ অধ্যায়

পরাতত্ত্ব

উত্তমা তত্ত্ব লাভ করিতে হইলে তদ্ব্যক্ত যে সাধন তত্ত্বের অহুশীলন করিতে হয়, সেই অহুশীলনটী অকৃতান্তিগামিতা শূন্য হওয়া বৈরাগ্য আবশ্যিক, সেইরূপ শ্রুতি আদি উক্ত সকাম কর্ণের ভাব এবং তদ্বিপরীত গুণ-ব্রহ্ম-জ্ঞানের ভাবও সেই অহুশীলনে থাকিবে না। এতদ্বারা বুঝা যাইতেছে যে, নিখিল বাসনা পরিহার পূর্বক কেবল শ্রীকৃষ্ণ-প্রীতির অন্ত শ্রীকৃষ্ণের অহুশীলনমই উত্তমা তত্ত্ব। এই মহাহুশীলনের অপর অর্থ শ্রীকৃষ্ণের অন্ত সর্ব স্বার্থ-পরিবর্জন, অথবা শ্রীকৃষ্ণ-সাগরে একবারেই আত্ম-বিসর্জন। নিজের বলিয়া বিন্দুমাত্র বাসনা থাকিতেও উহা উত্তমাতত্ত্বের লক্ষণে আসিতে পারিবে না। প্রবৃত্তি মার্গে স্বকীয় কামনা স্বকৃ-মন্ত্রের তত্ত্বের দ্বারা ধনধান্যের বহুল কামনা মানুষের পক্ষে স্বাভাবিক এবং সেইরূপ ভাবে ভগবানের অর্চনা বন্দনাদি করিলে নিশ্চয়ই তাহা তত্ত্বের অঙ্গ হইবে, সে বিষয়ে কোনও সন্দেহ নাই; কিন্তু উহা উত্তমা তত্ত্ব হইবে না। আত্মবিসর্জন ত্ত্বের উত্তমাতত্ত্ব হইবে না। এই অহুশীলনের আর একটা বিশেষণ আছে—সে বিশেষণটী “জ্ঞান কর্মাদি-অনাবৃত্ত”। জ্ঞান শব্দের বহুল অর্থ আছে। এই জ্ঞান শব্দটী ব্রহ্মের স্বরূপ লক্ষণে নির্দিষ্ট হইয়াছে। যথা—“সত্যং জ্ঞানং অনন্তং ব্রহ্ম”—(তৈত্তিরীয় উপনিষৎ)। এখানে জ্ঞানটী দ্রব্য পদার্থ (Substance), জ্ঞান বা কর্ম নহে। অপর স্থলে জ্ঞানটী মানসিক ক্রিয়ারূপেও ব্যবহৃত হইতে পারে। যেমন প্রপঞ্চ পরার্থের জ্ঞান (Phenomenal consciousness); কিন্তু এই জ্ঞানটী সেই মানসিক ক্রিয়াও নহে। এটি আত্মনিষ্ঠ গুণ বিশেষ। ইহার সহিত মনের বা চিত্ত বৃত্তির কোন সম্বন্ধ নাই। চিত্ত-বৃত্তির দ্বারা সর্বিং বা Phenomenal consciousness জন্মে।

কিন্তু এখানে যে জ্ঞানের কথা হইতেছে সেটা ব্রহ্মজ্ঞান। ব্রহ্মজ্ঞান হইলেও সপ্তম ব্রহ্মজ্ঞান নহে। নির্বিশেষ ব্রহ্ম জ্ঞানই এখানের উদ্দেশ্য। কেন না, নির্বিশেষ ব্রহ্মজ্ঞান ভক্তির বিরোধী। জ্ঞানাদি দ্বারা অনাবৃত যে কৃষ্ণ-অক্ষয়ীলন তাহাই ভক্তি। অর্থাৎ যদি এই নির্বিশেষ ব্রহ্মজ্ঞান শ্রীকৃষ্ণাক্ষয়ীলনে মিশ্রিত হইতে চাহে, তাহা হইলে উহা ভক্তি সংজ্ঞার অতিহিত হইবে না। কিন্তু তাই বলিয়া ভগবৎতত্ত্ব যে জ্ঞান, সে জ্ঞানের নিষেধ করা হয় নাই। কেন না, ভগবৎতত্ত্ব বিষয়ক জ্ঞান ভক্তির বাধক না হইয়া ভক্তির সাধকই হইয়া থাকে। এই প্রকার স্বর্গাদি জনক যে কর্ম, সেই কর্মও ভক্তির বাধক। সুতরাং কৃষ্ণাক্ষয়ীলনে তাদৃশ কর্মের সংশ্রবও থাকিবে না, কিন্তু তাই বলিয়া সমস্ত কর্মের বাধকতা এই শব্দের তাৎপর্য্য নহে। যে হেতু ভগবৎপরিচর্যাও কর্ম বিশেষ। তাদৃশ কর্ম ভক্তির বাধক না হইয়া সাধকই হইয়া থাকে। ‘জ্ঞান কর্মাত্মনাবৃত’ এই পদে যে ‘আদি’ শব্দের প্রয়োগ আছে, ইহার অর্থ,—বৈরাগ্য যোগ ও সাংখ্য অভ্যাস প্রভৃতি। যে শুধু বৈরাগ্যের দ্বারা নির্বিশেষ ব্রহ্মের সাধনা হয়, এখানে সেই বৈরাগ্য পরিত্যাগের কথা বলা হইয়াছে, কিন্তু ইন্দ্রিয়ভোগবিলাস-পরিহার রূপ বৈরাগ্য বাধিত হয় নাই। এখানে টীকাকার “আদি” পদের অর্থে যে যোগ শব্দের বাধকতার কথা উল্লেখ করিয়াছেন, তাহা আত্মা পর-মাখ্যার যোগ সম্বন্ধেই বলা হইয়াছে, কিন্তু ভক্তিযোগ সম্বন্ধে নহে।

এইরূপে দেখা যায় যে উক্তমা ভক্তির এই লক্ষণটি এমন সুন্দররূপে বিবৃত হইয়াছে যে, বেদান্তবিচার চরম প্রাপ্তে উপস্থিত না হইলে ঐরূপ ভক্তি সাধনার জ্ঞান অতি দুর্লভ। ফলতঃ বেদান্ত বিচার যাহা চরম লক্ষ্য, এই ভক্তি ইহার সাধককে সেই সুবিশাল সুন্দর সরস রাস্যে উপস্থিত করিয়াছেন। বেদান্ত, ব্রহ্মতত্ত্ব নিরূপিত করিতে গিয়া যখন “রসো বৈ সঃ রসং হেবারং লক্শনান্দী ভবতি” এই মন্ত্রের উল্লেখ করিয়াছেন, তখন ভক্তিই যে তাঁহাকে লাভ করিবার অন্ত প্রেষ্ঠতম সাধক, তদ্বিষয়ে কোন সন্দেহই নাই।

ঋগ্বেদের বহুস্থলে জীবের সহিত ভগবানের মধুর সখ্যসূচক মন্ত্র দেখিতে পাওয়া যায়। হে অগ্নি, তুমি আমার পিতা ; হে অগ্নি, আমরা তোমার। তুমি আমাদের সর্বপ্রকার মঙ্গল কর। এই সকল মন্ত্র দ্বারা প্রতিপন্ন হয় যে, বৈদিক ঋষিগণ ব্রহ্মতত্ত্বকে মধুময় বলিয়া বুঝিয়াছিলেন। “মধুবাভা ঋতায়তে মধু কুরন্তি সিদ্ধবঃ” এই ঋগ্বেদমন্ত্র স্পষ্টই প্রকাশ করিতেছেন যে, যাহা হইতে এই বিশ্ব ব্রহ্মাণ্ডের উৎপত্তি, তিনি মধুময়। তিনি মধুময়, বলিয়াই বায়ু মধু বহন করে, সিদ্ধু মধু ক্ষরণ করে, আমাদের অন্ন মধুময়, পৃথিবীর রসগুলিও মধুময়। ইত্যাদি বেদমন্ত্র দ্বারা আমরা বুঝিতে পারি সেই অতি সুপ্রাচীন সময়ে আৰ্য্য ঋষিগণ ভগবানকে আধুনিক বৈষ্ণবদিগের ন্যায় রসময়, প্রেমময় ও মধুময় ভাবেই উপাসনা করিতেন। এমন কি ঋক্ শ্রুতিতেও পরমতত্ত্বকে বন্ধু বলিয়াই উল্লেখ করা হইয়াছে। সায়ণাচার্য্য সে স্থলে “বন্ধনাং বন্ধুঃ” এইরূপ ব্যাখ্যা করিয়াছেন। কিন্তু আমার মনে হয় উক্ত ‘বন্ধু’ শব্দের সায়ণ-ভাষ্য অপেক্ষাও শ্রীপাদ চণ্ডী দাসের ভাষ্য অধিকতর মনোরম, এবং অধিকতর স্পষ্টার্থছোতক। চণ্ডী দাসের বর্ণনায় উপাসিকা-শ্রেষ্ঠা শ্রীমতী রাধিকা বলিয়াছেন :—

বঁধু কি আর বলিব আমি

জীবনে মরণে, জনমে জনমে

প্রাণ নাথ হইও তুমি।

এই যে এখানে ‘বঁধু’ বলিয়া সম্বোধন করা হইল, ইহার বন্ধনটা কোথায়? চণ্ডীদাস তাহারই ব্যাখ্যা করিয়াছেন :—

আমার পরাণে,

তোমার চরণে

লাগল প্রেমের ফাঁসি।

সব তেয়াগিয়া

এক মন হৈয়া

ওপদে হইছ দাসী ॥

সুতরাং ‘বন্ধু’ শব্দের ভাষ্যটা সায়ণাচার্য্য অপেক্ষা চণ্ডীদাস আরও পরি-

শুট করিয়াছেন। এই মধুময় বন্ধুকে আরাধনা করিতে হইলে জ্ঞানের আরাধনা অপেক্ষা প্রেমভক্তির আরাধনা যে অধিকতর উপাদেয় সে বিষয়ে কোন সন্দেহ থাকিতে পারে না। কণতঃ প্রাচীন বৈদিক সময় হইতে এই বিংশ শতাব্দীর মহা বৈজ্ঞানিকতার দিনে আন্তিক সম্প্রদায় শ্রীভগবানের তত্ত্ব নিরূপণ করিতে গিয়া তাহাকে প্রেমস্বরূপ বলিয়াই বুঝিয়াছেন।

কিন্তু এই মধুময়ী প্রেম ভক্তির সোপান সম্বন্ধে একটুকু স বিশেষ আলোচনার প্রয়োজন। শ্রীমদ্ভাগবত শ্রীমৎ রূপ সনাতন ও শ্রীপাদ রামানন্দ রাক্ষসহোদয়কে যে নিরুপাধি গোপীপ্রেম ও তদুপরি রাধাপ্রেমের সন্ধান দিয়াছিলেন, এবং যাহা পঞ্চম পুরুষার্থ বলিয়া আদর্শরূপ ইহাদের সম্বন্ধে উপস্থাপিত করিয়াছিলেন তাহার সাধনা বা সোপান অতীব অসাধারণ। শ্রীভাগবত পাঠে একটি শব্দ সর্বদাই আমার মনে হয়, সে শব্দটি 'প্রসাদ'। অমরকোষে লিখিত আছে "প্রসাদস্ত প্রসন্নতা"। আমি চিত্তের প্রসন্নতার কথা বলিতে চাই। শ্রীমদ্ভাগবতের ১ম অধ্যায়ে ঋষি কথিত সংবাদে এই বিষয়ে আমার চিত্ত আকৃষ্ট হয়। শৌনকাদি ঋষি গণ স্তবের নিকট ধর্মতত্ত্ব জিজ্ঞাসা করিয়া বলেন :—

প্রায়োগান্নায়ুষঃ সভ্য কলাবস্মিন্ যুগে জনাঃ ।

মনাঃ স্তম্ভমতয়ো মন্দভাগা যুপক্রতাঃ ॥ ১০

ভুরীনি ভুরিকর্মাণি শ্রোতব্যানি বিভাগশঃ ।

অতঃ সাধোহত্র যৎসারং সমুদ্ভূত্য মনীষয়া ।

ক্রহি ভদ্রায় ভূতানাং যেনাত্মা মুপ্রসীদতি ॥ তাঃ—১।১

এইটো একটি জিজ্ঞাসার মত জিজ্ঞাসা। মানব-জীবন দেখিতে দেখিতে নদীর স্রোতের মত কোথা হইতে কোথায় চলিয়া যায়—সংসারী জীব প্রতি নিরন্তর এখানকার সুখ দুঃখ লইয়া কর্মক্ষেত্রে বিচরণ করিতে করিতে তদুত্যাগ করে—সুদীর্ঘ জীবনেও আশ্রয়প্রসন্ন লাভ করিতে পারে না। নানা প্রকার দুর্ভাগ্যনা দুশ্চিন্তার তর বিহীন জীব অনবরত চিত্তের সঙ্কোচে কাল

মাণন করে, তাহার ক্রয় সম্প্রসারিত হয় না, কুষ্ঠা-বিমোচন হয় না, বৈকুণ্ঠ
ভাব লাভ করিতে সে পারে না—কেবল সফীর্ণ ক্রয়ে ভীত-ভীত ভাবে
জীবনকাল অতিবাহিত করে। সে সংসার-জীবনে কোনও সময়ে চিত্ত প্রসাদ
অমিত আনন্দ অল্পভব করিতে পারে না। স্বাস্থ্য হানির ভয়, মানহানির
ভয়, যশো হানিরও ধনহানির ভয় ও প্রিয়জন-বিরহের ভয়, এই প্রকার শত
শত ভয়ে জীব কখনও প্রসন্নতা লাভ করিতে পারে না। ভগবদ্ভাব-
বিবর্জিত জীবের প্রসন্নতা-লাভের উপায় বিজ্ঞানসিদ্ধ অতিশয় প্রয়োজনীয়।

এই প্রয়োজন-বোধে ঋষিগণ স্মৃতিকে বিজ্ঞানসিদ্ধ করিতেছেন—“হে
সত্তা, আপনি দেশ-কাল-পাত্রজ্ঞ, আপনার নিকটে প্রশ্নের সহস্রই পাইব,
যেহেতু আপনি সত্তার উপযুক্ত, আপনি দেশকালপাত্র বুঝিয়াই আমা-
দের কথার উত্তর দিবেন—আপনি দেখিতেছেন, এই তো কলিকাল উপ-
স্থিত হইয়াছে—এই কালে মানুষের আয়ু সাধারণতঃ অতি অল্প। লক্ষ
লক্ষ লোকের মধ্যে দুই একটীও শত বর্ষ বাঁচে কি না সন্দেহ। তাহাতে
আবার তাহার মন, পরমার্থ বিষয়ে অলস, ধর্মসাধনে অলস। কেবল
অলস নয়—অসুন্দরমতি, অতি নির্বোধ—আত্মোন্নতি সাধনের কিছু মাত্র
বুদ্ধি বিচার নাই—বুঝিও কাহারো কাহারো কিছু কিছু বুদ্ধি দৃষ্ট হয়, কিন্তু
অনেকে মনভাগ্য—সাধুসঙ্গরূপ সৌভাগ্যবিহীন। আবার যদিও বা
কেহ কেহ সাধুসঙ্গ-সৌভাগ্য লাভ করেন, তাঁহাদিগকেও আবার রোগাদি
দ্বারা উপক্রান্ত হইতে দেখা যায়। জনসাধাধনের অবস্থা তো এইরূপ।
ইহার উপরে সাধন-কর্মাক্ষেত্রের ব্যবস্থা আবার বহু প্রকার,
শ্রোতব্য শাস্ত্র ও বহুপ্রকার। অল্পায়ু সাধনালস, মনবুদ্ধি, সাধুসঙ্গবিহীন,
শোকাদি দ্বারা উপক্রান্ত ইহাদের হিতের উপায় কি? আপনি
যদি বলেন “আমি আর কি বলিব, শাস্ত্রই তো এ বিষয়ে প্রমাণ।
শাস্ত্র-উপদেশই যথেষ্ট।” আমরা বলি, তাহা সম্ভবপর নহে, সাধনাক্ষেত্র
অনেক প্রকার তান্ত্রিক; জীবের পক্ষে স্বকর্তব্য-নির্ধারণ করিয়া লওয়া

অসম্ভব। অতএব হে সাধো, পরদুঃখ-মোচন তৎপর, আপনি নিখিল শাস্ত্র-সমুদ্রের সার-উপদেশ সকলন করিয়া এমন একটি উপদেশ করুন, যাহা অনুষ্ঠান করিলে জীবের চিত্ত-প্রসাদ লাভ হয়।

প্রথম স্কন্ধের দ্বিতীয় অধ্যায়ে ধর্ম-নীমাংসায় ইহার উত্তর প্রদত্ত হইয়াছে। শ্রীমদ্ভাগবতের প্রথম স্কন্ধের প্রথম অধ্যায়ের দ্বিতীয় শ্লোকে বলা হইয়াছে, এই শ্রীভাগবতে নির্দ্বন্দ্ব সাধুগণের প্রসিদ্ধ কৈতক পরম ধর্ম বলা হইবে। এই পরমধর্ম সর্ব প্রকার কৈতকনির্মুক্ত। অগ্নাশ্র ধর্মে স্বার্থফলাভিসন্ধাননিমিত্ত কৈতক বর্তমান থাকে। এমন কি মোক্ষ ফলাভিসন্ধানও কৈতক-বিশেষ। কেন না সর্বপ্রকার দুঃখসম্বন্ধ পরিহার-পূর্বক নিত্যানন্দ সাধাৎকরাই মোক্ষ। শ্রীধর স্বামী বলেন, এই মোক্ষ-কামনা,—এক মহাকৈতব। কিন্তু শ্রীভাগবতের প্রতিপাত্ত ধর্ম সর্বপ্রকার কৈতব-বিবর্জিত। সেই ধর্ম কি, তাহার লক্ষণ কি,—প্রথম স্কন্ধের দ্বিতীয় অধ্যায়ে তাহা বলা হইয়াছে, এবং যে উপায় অবলম্বন করিলে আত্ম-প্রসাদ লাভ হয়, তৎসঙ্গে সে উপদেশও প্রদত্ত হইয়াছে, উহা এই :—

স বৈ পুংসাং পরোধর্মো যতো ভক্তিরধোকম্বে ।

অহেতুক্যপ্রতিহতা যয়াত্মা স্প্রশসীদতি ॥

যাহাতে বা যে সকল কার্যের সমষ্টি হইতে অধোকম্বে অহেতুকী ও অপ্রতিহতা ভক্তির উন্নয় হয় তাহাই পরম ধর্ম। এই ভাবে ভক্তি করিলে আত্মা সম্যক্রূপে প্রসন্ন হইয়া থাকেন।

এখানে অধোকম্বে শব্দের অর্থ,—শ্রীকৃষ্ণ। তুচ্ছীকৃত হয় ইন্দ্রিয়-সম্ভোগ ব্যাপার যাহা হইতে,—তিনিই অধোকম্বে। ফলতঃ শ্রীকৃষ্ণকে প্রাপ্ত হইলে আগতিক নিখিল পদার্থই তুচ্ছীকৃত হইয়া পড়ে। স্বয়ং ভগবান্ শ্রীকৃষ্ণ গীতা শাস্ত্রেও একথা বলিয়াছেন :—

যং লক্ণং চাপরং লাভং যন্তো নাদিকং ততঃ ।

যশ্বিন্ দ্বিতো ন দুঃখেন গুরুণাপি বিচাল্যতে ॥

যে সকল ক্রিয়ার সমষ্টি হইতে এতাদৃশ ভগবান্ শ্রীকৃষ্ণে অহেতুকী ও অপ্রতিহতা ভক্তির উদয় হয়, তাহাই পরমধর্ম । এই ভক্তিকেই শ্রীভাগবতে নিগুণা ভক্তি বলা হইয়াছে । শ্রীমদ্ভগবদ্গীতার এই অহেতুকী ও অপ্রতিহতা ভক্তি, পরাভক্তি নামে অভিহিতা হইয়াছে । শাণ্ডিল্য সূত্রে এই ভক্তিই “সাপরামুরক্তির্নীশ্বরে” অর্থাৎ ইশ্বরে পরামুরক্তিই ভক্তি নামে অভিহিতা হইয়াছে ।

- ১ । অন্ত্যভিলাষিতাশূন্যং জ্ঞানকর্মাগ্ণনাবৃতম্ ।
আমুকুলোয়ন কৃষ্ণামুশীলনং ভক্তিঃচাতে ॥
- ২ । অনন্তমমতা বিষ্ণৌ মমতা প্রেমসঙ্গতা ।
ভক্তিরিত্যচাতে ভীষ্ম-প্রহ্লাদোদ্ধব-নারদৈঃ ॥
- ৩ । সর্বোপাধিবিনিশ্চুক্তং তৎপরম্বেন নির্মলম্ ।
হৃষীকেন হৃষীকেশ-সেবনং ভক্তিকৃতমা ॥
- ৪ । দেবানাং গুণলিঙ্গানামামুশ্রবিক কর্মনাম্ ।
সস্ত্র এবৈকমনসো বৃদ্ধিঃ স্বাতাবিকৌ তু যা ॥
অনিমিত্তা ভাগবতী ভক্তিঃ সিদ্ধের্গরীমসী ।
অরম্ভত্যাশু যা কোশং নিগীর্ষমনলো যথা ॥

শেবোক্ত শ্লোকটীও ভক্তির উত্তম লক্ষণ ।

এস্থলে ইহাও বিজ্ঞাস্ত—কোন্ কোন্ কর্ম্মস্থানে চিন্তে এতাদৃশী কলাভিসম্বানরহিতা অচলা নিগুণা প্রেমলক্ষণা পরাভক্তির উদয় বা প্রকাশ হয় ? শ্রীচৈতন্যচরিতামৃতে ইহার উত্তর এই যে,—

নিত্য সিদ্ধ কৃষ্ণপ্রেম সাধ্য কতু নয় ।

শ্রবণাদি শুদ্ধ চিন্তে করায় উদয় ॥

ইহা শ্রীপাদ শ্রীকৃষ্ণের ভক্তিরসায়তসিদ্ধ-বর্নিত ভক্তিরই প্রতিধ্বনি ।

শ্রবণং কীর্তনং বিষ্ণোঃ স্মরণং পাদসেবনং ।

অর্চনং বন্দনং সখ্যং দাস্তমাস্ত্র-নিবেদনম্ ॥

বৈরাগ্যভক্তি এই সকল অর্থেই পরাভক্তির সাধক, এবং ইহাদের লক্ষণই পরমধর্ম।

শ্রীভাগবতে আলোচ্য মূল শ্লোকের পরের শ্লোক এই যে—

বাসুদেবে ভগবতি ভক্তিবোগঃ প্রযোজিতঃ ।

অনয়ত্যাশু বৈরাগ্যং জ্ঞানঞ্চ যদহৈতুকম্ ॥

শ্রীভগবান্ গীতাশাস্ত্রে যোগ শব্দটাকে বহুল অর্থে ব্যবহৃত করিয়াছেন। ইহার একটি অর্থ “যোগঃ কৰ্মসু কৌশলম্”—কৰ্মসমূহে কৌশলই যোগ। ভক্তিবোগ শব্দের অর্থও এখানে পরাভক্তি প্রকাশক ক্রিয়াকৌশলতা (পরাভক্তি-ঘটক নহে—নিত্যসিদ্ধা ভক্তি উৎপাদ্য নহে)। শ্রবণ কীর্তনাদি কৰ্ম সকলের সমষ্টাই পরম ধর্ম। এই পরম ধর্মামুষ্ঠানেই পরাভক্তির উদয় হয়।

সমালোচ্য শ্লোকের টিকায় শ্রীমদ্বিখনাথ লিখিয়াছেন :—ধর্মঃ পরঃ পরমঃ শ্রবণকীর্তনাদি লক্ষণঃ যদুক্তম্—

এতাবানেব লোকেহস্মিন্ পুংসাং ধর্মঃ পরঃ স্মৃতঃ ।

ভক্তিবোগো ভগবতি তন্নামশ্রবণাদিভিঃ ॥

এই শ্লোকের প্রারম্ভে যে ‘এতাবান্’ শব্দটা আছে উহাতে মতৃপ্ প্রত্যয় আছে। তাহার সহিত একটা ‘এব’ শব্দ আছে। এই এব শব্দ দ্বারা ইহা স্মৃতিত অপরের পরম ধর্মবাচ্যত্ব নিষিদ্ধ হইয়াছে। স্মৃত্যং অর্থাৎ স্মৃত্যুক্ত যে ধর্ম লক্ষণ নির্দিষ্ট হইয়াছে, তাহা ধর্ম বটে,—কিন্তু পরম ধর্ম নহে।

‘এব’ শব্দটা শুনিতে অতি ছোট, কিন্তু ইহার বিক্রম অতি বিশাল। ইহার দ্বারা পদ-পদার্থের ব্যাখ্যানে বিপুল পাণ্ডিত্য প্রকাশ পায়। সাধারণতঃ অচর্যব্যবহারে ও অচর্যোগব্যবহারে এই দুই অর্থে এব শব্দের ব্যবহার দৃষ্ট হয়। অযোগব্যবহারে আবার বিশিষ্ট, যথা:—(ক)

কেবলযোগব্যবচ্ছেদ (৬) অত্যস্তাযোগব্যবচ্ছেদ । চারশাস্ত্রে ইহা মইর বিপুল তর্ক ও তুফুল আন্দোলন উপস্থিত হয় । আমাদের এ প্রবন্ধে তাহা অপ্রাসঙ্গিক । শ্রীমদ্বিখনাথ চক্রবর্ত্তি মহাহাশয় স্বাক্ষরে বাহা বলিয়াছেন তাহাতে আমরা একমাত্র বৈধী ভক্তির অঙ্গসমষ্টিরই পরম ধর্মপদবাচ্যত্ব সহজেই বুঝিতে পারিতেছি । চক্রবর্ত্তিমহাশয়ের ব্যাখ্যায় আরও জানা যায় যে, তিনি অহেতুকী পনের অর্থ করিয়াছেন—‘হেতুং বিমেষ উৎপাদ্যমানা’ । অর্থাৎ এই ভক্তি হেতু-বাতীত উৎপাদ্যমানা । নিগুণা ভক্তিকে “উৎপাদ্যমানা” বলা ঠিক খাটি দার্শনিক উক্তি বলিয়া মনে হয় না । বাহা নিত্য, তাহা উৎপাদ্যমান নয় । নিগুণা ভক্তি শ্রীভগবানের স্বরূপশক্তি ; স্মৃতরাং নিত্য । আমরা এখানে সে বিচারে প্রবৃত্ত হইব না, কেন না, এ প্রসঙ্গে তাহার অবকাশ নাই ।

সাধনভক্তি দ্বারা সাধ্যভক্তির উদয় হয় । এই ভক্তিযোগ বা সাধন-ভক্তি, পরাভক্তি নহে—ইহা পরম ধর্ম । এই পরম ধর্ম একদিকে যেমন পরাভক্তির প্রকাশক, তেমননি ঔপনিষদ জ্ঞানেরও প্রকাশক । ঔপ-নিষদ জ্ঞান—শুদ্ধ তর্কাদির অগোচর ।

এই সাধনভক্তি,—পরমধর্ম । শ্রীধরস্বামী বলেন :—“তমেতমাত্মানং বেদানুবচনেন ব্রাহ্মণা বিবিদিষন্তি তেন দানেন তপসা অনাশকেন” ইত্যাদি শ্রুতিভ্যো ধর্মশ্চ জ্ঞানাত্মকং প্রসিদ্ধং ততঃ কৃতঃ ভক্তি-হেতুশ্চ-মুচ্যতে ? সত্যম্ তত্ত জ্ঞানদ্বারেণ ইতি আহ বাসুদেবে ইত্যাদি ।

প্রকৃত কথা এই যে, এই ভক্ত্যঙ্গ ক্রিয়াগুলিই পরম ধর্ম । ইহাই ভক্তি যোগ । এই ভক্তি যোগই জ্ঞানের প্রকাশক ।

শ্রীপাদ বিখনাথ অহেতুক জ্ঞানের ব্যাখ্যার্থ লিখিয়াছেন—“ভগবদ্রূপ-গুণমাধুর্য্যাসুভবময়মেব জ্ঞানমাত্মম্ ।” চতুর্থ অধ্যায়ে লিখিত হইয়াছে :—

বাসুদেবে ভগবতি ভক্তিযোগঃ সমাহিতঃ ।

নগ্নীভীকোর ইন্দ্রাগাং কামকাম কামক্রিয়তি ॥

আবার অন্তর্লিখিত আছে,—

সোহচিরাদেব রাজর্ষে শ্রাদ্ভ্যত কথাশ্রয়ঃ ।

শৃষতঃ শ্রদ্ধা ধানশ্চ নিত্যদাশ্রাদধীরতে ॥

এবঞ্চ ভক্তেঃ করণং প্রয়োজনঞ্চ ভক্তিরেবেতিব্যবহিতম্ ।

ভক্তিসাধনে অর্থাৎ সাধন ভক্তিতে ঔপনিষদ জ্ঞানেরও উদয় হইয়া থাকে । উহার পরিপক্ব দশায় সাধ্য ভক্তি বা প্রেম-লক্ষণা ভক্তি প্রকটিত হন । এই পর্যায় য়েটুকু আলোচনা করা হইল, তাহাতে ইহাই প্রতিপন্ন হইল যে, সাধন ভক্তিময়ী উপাসনায় আত্মপ্রসাদ প্রাপ্তির উপায় লাভ করা যায় ।

শ্রীমদ্ভাগবতেও ইহার কিঞ্চিৎ সন্ধান দেখিতে পাওয়া যায়, যথা—

রাগদ্বेषাবিমুক্তেষু বিষয়ানিচ্ছিন্নৈঃ স্বরন্থ ।

আত্মবশৈবিধেয়াত্মা প্রসাদমধিগচ্ছতি ॥

পাঠক মহোদয় এস্থলেও শ্রীমদ্ভাগবতের “যয়াত্মা সুপ্রসাদতি” বাক্য স্মরণ করুন । রাগ-দ্বेष-বিমুক্ত আত্মবশৈবিধেয়াত্মা দ্বারা বিষয়-বিচরণকারী বিধেয়াত্মা প্রসাদ লাভ করেন । শ্রীপাদ শঙ্কর ‘প্রসাদ’ শব্দের অর্থ করিয়াছেন—“প্রসন্নতা” ও “স্বাচ্ছ্যম্” । অনাবিল গভীর হৃদের জল যেমন প্রসন্ন এবং আপন প্রকৃতিতে আপনি স্থির, নির্মল—এই অবস্থায় আত্মাও তেমনি সর্ববিক্ষেপ ও সর্বাভিলম্বিতাপরিশূন্য হইয়া নিস্তরঙ্গ অনাবিল সুগভীর হৃদের জলের ভাব ধারণ করেন । শ্রীপাদ রামানুজ বলেন,— “নির্মলাস্তঃকরণো ভবতি ।” শ্রীধর বলেন,—“শান্তিং প্রাপ্নোতি” । শ্রীমদ্বলদেব বলেন,—“বিষয়াসক্ত্যাদিমলানাগমাধিমলমনস্তমধিগচ্ছতি” ।

শ্রীমন্ন্যধুসুন্দর বলেন,—“প্রসাদং প্রসন্নতাং চিত্তশুদ্ধতাং পরমাশ্র-
সাক্ষাৎকার যোগ্যতামধিগচ্ছতি ।”

শ্রীমন্নীলকণ্ঠ বলেন,—“প্রসাদং সঙ্কল্পবিকল্পপঙ্কলেপ-প্রক্ষালনেন মনসঃ
স্বাচ্ছ্যমধিগচ্ছতি । মনসঃ স্বাচ্ছ্যমেব প্রত্যগাত্মনঃ স্বাচ্ছ্যমিত্যাদি ।

অতঃপর শ্রীভগবান্ আত্ম-প্রসাদলাভের শুভ ফলের উল্লেখ করিয়াছেন,
যথা :—

প্রসাদে সৰ্ব্বদুঃখানাং হানিরশ্চোপজায়তে ।

প্রসন্নচেতসো হ্যশু বুদ্ধিঃ পর্য্যবতিষ্ঠতে ॥

চিত্ত প্রসন্ন হইলে যতির আধ্যাত্মিকাদি সৰ্ব্বদুঃখের হানি হয় । অল্প চিত্তশীল যতির বুদ্ধি আকাশের স্থায় প্রশান্ত ও স্থির ভাবে অবস্থান করে । ইহা শ্রীপাদ শঙ্করের অভিপ্রায় ।

শ্রীপাদ রামানুজ বলেন :—অশু পুরুষশ্চ মনঃ প্রসাদে সতি প্রকৃতি সংসর্গযুক্তসৰ্ব্বদুঃখানাং হানিরূপজায়তে । প্রসন্নচেতসঃ আত্মাবলোকন- বিরোধিবিবিধদোষরহিতশ্চমনসঃ তদানীমেব হি বিবিক্তাঅবিষয়া বুদ্ধির্মন্নি পর্য্যবতিষ্ঠতে ।

শ্রীমদ্বিখনাথ লিখিয়াছেন :—“বুদ্ধিঃ পর্য্যবতিষ্ঠতে সৰ্ব্বতোভাবেন স্বাভীষ্টং প্রতি স্থিরীভবতি ইতি বিষয়-গ্রহণা-ভাবাদপি সমুচিত বিষয়গ্রহণং তশ্চ সুখমিতি ভাবঃ । প্রসন্নচেতস ইতি চিত্তপ্রসাদ ইতি প্রথম স্বক্কে এব প্রপঞ্চিতম্ । কৃতবেদান্তশাস্ত্রস্যাপি ব্যাসশ্চাপ্রসন্নচিত্তস্য শ্রীনারদোপ- দিষ্টয়া ভক্ত্যেব চিত্তপ্রসাদঃ দৃষ্টঃ ।

শ্রীমদ্ বিখনাথ সৰ্ব্বাপেক্ষা খাটী কথা বলিয়াছেন,—ভক্তি ভিন্ন চিত্তপ্রসাদ হয় না । ব্যাসদেব কত জ্ঞান চর্চা করিয়াছিলেন, কিন্তু তথাপি, “নাতিপ্রসাদদ্ হৃদয়ং সরস্বত্যাশ্রুতে শুচৌ” ইত্যাদি উক্তি দ্বারা ভক্তি ব্যতীত চিত্তপ্রসাদ ঘটে না ইহাই প্রতিপন্ন হইয়াছে । শ্রীমৎ কৃষ্ণদেপায়ন বেদব্যাস বহুবিধ তত্ত্ব চিন্তা করিয়াও আত্মপ্রসাদ লাভ করিতে পারেন নাই । শ্রীমদ্ভাগবতে তদীয় স্বীকৃতিতে লিখিত হইয়াছে,—

“অসম্পন্ন ইবাভ্যতি ব্রহ্মবর্চস্তু সত্তমঃ ॥”

শ্রীমদ্ভাগবতে ও শ্রীমদ্ভগবদগীতার আত্মপ্রসাদের যে উল্লেখ দৃষ্ট হয়, এবং এস্থলে উহার যতটুকু আলোচনা করা হইল, তাহাতে ইহাই প্রতিপন্ন

হইল যে, চিত্তে আত্মপ্রসাদ উপস্থিত হইলে সৰ্বদুঃখের হানি হয়, চিত্ত অতি নির্মল হয়—বুদ্ধ হয়। বৈশারত্বপ্রাপ্ত যোগীর চিত্ত সেরূপ নহে। উহাতে যুগপৎ সৰ্ববিষয়জ্ঞান পরিষ্কৃটরূপে প্রকাশ পায়। যোগদর্শনেও চিত্তপ্রসাদ ও আত্মপ্রসাদের সূত্র দৃষ্ট হয়। একটা সূত্র এই :—“মৈত্রীকরণা-মুদিতোপেক্ষাণাং সুখদুঃখ পুণ্যাপুণ্যবিষয়ানাং ভাবনাতন্নিও প্রসাদনম্। ১।৩৩

অর্থাৎ সুখসন্তোষশীল সৰ্বপ্রাণীর প্রতি মৈত্রীভাব রাখিবে, দুঃখিতের প্রতি করুণা, পুণ্যবান্ লোকদিগের প্রতি হর্ষভাব, এবং অপুণ্যবান্দের প্রতি উপেক্ষাভাব প্রদর্শন করিবে। যিনি এইরূপ ভাবসম্পন্ন তাঁহার হৃদয়ে শূন্য ধর্মের উদয় হয়। শূন্য ধর্ম শব্দের অর্থ সাত্ত্বিক ধর্ম। এই ধর্ম হইতে চিত্ত প্রসন্ন হয়। (ততশ্চ চিত্তং প্রসীদতি) প্রসন্নচিত্ত একাগ্র হইয়া স্থিতিপদ লাভ করে।

শ্রীমদ্ভগবদ্গীতার সহিত ইহার কোন পার্থক্য নাই। গীতার যাহা সবিস্তাররূপে ও বিশদরূপে বলা হইয়াছে, এই সূত্রে তাহাই সংক্ষিপ্তরূপে উক্ত হইয়াছে। শ্রীমদ্ভগবদ্গীতার দ্বিতীয় অধ্যায়ে—

স্থিত প্রজ্ঞস্য কা ভাষা সমাধিস্তস্য কেশব।

স্থিতধীঃ কিং প্রভাষেত কিমাসীত ব্রজেত কিম্ ॥

অর্থাৎ সমাধিস্থ স্থিতপ্রজ্ঞের লক্ষণ কি ? স্থিতপ্রজ্ঞ কি বলেন, কিরূপে থাকেন, এবং কি প্রাপ্ত হন ?

উক্ত অধ্যায়ের ৬ষ্ঠ শ্লোকে ইহারই উত্তর দেওয়া হইয়াছে। পাতঞ্জল সূত্রভাষ্যে ব্যাসদেবও তাহাই বলিয়াছেন “প্রসন্ন-মেকাগ্রং চিত্তং স্থিতিপদং লভ্যতে” ইহা শ্রীভগবানের বাক্যেরই (প্রসন্ন চেতসো হ্যাপু বুদ্ধিঃ পর্যাবতিষ্ঠতে) প্রতিধ্বনি।

স্থিতি পদটির কি অর্থ, গীতার তাহা আরও স্পষ্ট উক্ত হইয়াছে যথা—

“এবা ব্রাহ্মীস্থিতিঃ পার্থ নৈনাং প্রাণ্য বিমূহতি।”

স্থিতি অর্থে ব্রাহ্মী স্থিতি। ঐকান্ত্যের ভোগ্যতারের ব্যাখ্যান করিলে—

তর বিস্তৃত। এই টীকার সূত্রের উদ্দেশ্য বিশদীকৃত হইয়াছে। উদ্দেশ্য এই যে, মৈত্রাদি পরিকল্পিত দ্বারা চিত্ত প্রসন্ন হইলে সহজে সমাধির আবির্ভাব হয়। রাগদ্বেষ্ট দ্বারা চিত্ত বিক্ষিপ্ত হয়। বিক্ষিপ্ত চিত্তে একাগ্রতা আসিতে পারে না। সুতরাং চিত্ত-প্রসাদনও একাগ্রতা লাভের একটি উপায়।

আরও একটি সূত্রে প্রসাদের কথা আলোচিত হইয়াছে। সূত্রটি এই :—

নির্বিচারবৈশারন্ত অধ্যাত্ম প্রসাদঃ ১।১।৪৭

নির্বিচার সমাধি সুসম্পাদিত হইলে অধ্যাত্ম-প্রসাদের আবির্ভাব হয়। অর্থাৎ চিত্ত সম্পূর্ণরূপে প্রশান্ত ও প্রসন্ন হয়।

বৈশারন্ত পদটির ব্যাখ্যার্থ ভাষ্যকার ব্যাসদেব লিখিয়াছেন :—
অশুদ্ধাধরণমনপেতস্ত প্রকাশাত্মনো বুদ্ধি-সত্ত্ব রজস্বমোভ্যামনবিভূতঃ
স্বচ্ছঃ স্থিতি-প্রবাহঃ—বৈশারন্তম্।

অর্থাৎ প্রকাশাত্মক বুদ্ধি-সত্ত্বের অশুদ্ধিরূপ আবরণ থাকে না। উহা রজস্বল দ্বারাও অভিভূত হয় না। এতদূর্ণ নির্মল বুদ্ধি-সত্ত্বের স্বচ্ছ স্থিতি প্রবাহই বৈশারন্ত নামে অভিহিত। নির্বিচার সমাধির অবস্থায় এই বৈশারন্ত উপস্থিত হইলে যোগীদের অধ্যাত্ম প্রসাদ পরিলক্ষিত হয়। এই অবস্থায় ক্রমানুরোধী বিষয়-জ্ঞানের প্রয়োজন হয় না। আমরা যেমন একটির পর একটি করিয়া বস্তুর-জ্ঞান লাভ করি, কেন না, আমাদের মন অণু ও সঙ্কীর্ণ, উহা যুগপৎ বহু বিষয়ের ধারণা করিতে সমর্থ হয় না, বৈশারন্ত-প্রাপ্ত বেগীর চিত্ত সেরূপ নহে। উহাতে যুগপৎ সর্ববিষয় জ্ঞান পরিষ্কৃত রূপে প্রকাশ পায়। তথাচোক্তম্—

প্রজ্ঞা-প্রসাদমায়ম্ হৃদশাচ্য শোচতো জনান্।

ভূমিষ্ঠানিব শৈলস্বঃ সর্বান্ প্রোচ্ছোহঃ পশুতি ॥

পর্বতশিখরস্থ ব্যক্তি যেমন মেঘ কটিকা প্রকৃতির কৌড়াহস হইতে উর্ধ্বে অবস্থান করিয়া ভূমিহ অনঙ্গকে কেবলি দ্বারা ত্রিষ্ট দেখিতে পায়,

সেইরূপ যিনি প্রজ্ঞাপ্রাসাদে আকৃষ্ট হইয়াছেন তিনি স্বয়ং শোকমুক্ত হন, এবং অপরায়ণ জনগণকে শোকক্রিষ্ট দেখিয়া থাকেন। ভোম্মরাজ ইহার ব্যাখ্যায় বলেন—চিত্তং,—ক্লেশ-বাসনারহিতং স্থিরপ্রসাদযোগ্যং ভবতি ।

* শ্রীমদ্ভগবদ্গীতার ভাবেই এ সূত্রও বিস্তারিত ।

“প্রসাদে সর্বদুঃখানাং হানিরশ্চোপজায়তে” ।

চিত্ত-প্রসাদ হইলে সকল দুঃখই তিরোহিত হয়। এই পর্য্যন্ত ইহাই প্রতিপন্ন হইল যে, পাতঞ্জল দর্শনের এই সূত্র ভগবদ্গীতারই প্রতিধ্বনি। ফলতঃ পাতঞ্জল দর্শনও সাংখ্যশাস্ত্র। ইহা সেখর সাংখ্য-জ্ঞান ও সাংখ্য-যোগেরই সূত্র-গ্রন্থ। অতঃপর ঋতস্তুরা প্রজ্ঞার কথা বলা যাইতেছে :—

“ঋতস্তুরা তত্র প্রজ্ঞা”

অর্থাৎ সেই সমাহিত চিত্তে যে প্রজ্ঞার উদয় হয়, তাহার নাম ঋতস্তুরা প্রজ্ঞা। ঋত শব্দের অর্থ সত্য। যে প্রজ্ঞা কেবল শুদ্ধ সত্যকে ধারণা করে তাহা ঋতস্তুরা। ইহাতে বিপর্যয়ের লেশমাত্রও থাকে না। শাস্ত্রে কথিত হইয়াছে :—

আগমেনানুমানেন ধ্যানাভ্যাসরসেন চ

ত্রিধাপ্রকল্পয়ন্ প্রজ্ঞাং লভতে যোগমুক্তমম্ ইতি ।

অর্থাৎ আগম অনুমান ও ধ্যানাভ্যাস এই ত্রিবিধভাবে প্রজ্ঞাকে প্রকল্পিত করিয়া উত্তমযোগ লাভ করা যায়।

রাগ-দ্বेष বিবর্জিত চিত্ত,—অনাবিল নিস্তরঙ্গ প্রসন্ন মলিন হৃদের দ্বারা অনাবিল স্বচ্ছ ও প্রশান্তভাব ধারণ করে; এতাদৃশ চিত্তে বিস্তৃত সত্য ভিন্ন মিথ্যার লেশমাত্রও প্রতিফলিত হয় না। এই অবস্থায় চিত্তে যে প্রজ্ঞার উদয় হয়, তাহা ঋতস্তুরা প্রজ্ঞা নামে অভিহিত হয়। আগম বা অনুমান হইতে যে প্রজ্ঞার উদয় হয়, তাহা হইতে ইহা ভিন্ন। কেন না, আগম ও অনুমানজনিত প্রজ্ঞার বিষয় ভিন্ন। ঋতস্তুরা প্রজ্ঞা কাহারও সঙ্গেকা রাখে না, উহা আপনায় ভাবে আগনি পূর্ণ, আপনায় ভাবে

আগনি বিস্তার। সুগম্ভীর, সুনীল, সুপ্রসন্নসলিল বিশাল বিপুল হৃদের
 স্তায় ঋতন্তুরা প্রজ্ঞা মানব আত্মার এক মহা মহীয়সী অবস্থা। এই অব-
 স্থার পরে প্রেমরসময় বৃন্দাবনানন্দ শ্রীশ্রীরাধাগোবিন্দচরণারবিন্দে যে প্রেম-
 লক্ষণা পরাভক্তির উদয় হয়, তাহাই সমুন্নত মানব সমাজের পরম পুরুষার্ধ।
 ইহাই সাধ্য ভক্তির সার। সাধন ভক্তি হইতে সাধ্য ভক্তির উদয় হয়,
 সাধ্য ভক্তি, প্রেমফলে পরিণত হয়। সাধ্য ভক্তিই সাধন ভক্তির ফল ;
 প্রেম উহার ফল। শ্রীচরিতামৃতের ষাটবিংশ অধ্যায়ে বৈধা ও রাগাঙ্গা নামে
 যে সাধন ভক্তির উল্লেখ করা হইয়াছে এবং তৎসম্বন্ধে সংক্ষেপে কিছু উপ-
 দেশ দেওয়া হইয়াছে, শ্রীরাম রামানন্দ গ্রন্থে ও শ্রীরূপ-শিক্ষামৃত গ্রন্থে আমি
 তাহার সবিশেষ আলোচনা করিয়াছি। এস্থলে উহার উল্লেখ পুনরুক্ত
 মাত্র হইবে।

চতুর্বিংশ অধ্যায়

ভক্তির প্রকার-ভেদ

ভক্তিসন্দর্ভে সাধন-ভক্তি সম্বন্ধে বিস্তৃত আলোচনা আছে। সেই
 সকল বিষয়ে আলোচনা করিতে হইলে তদ্রূপ আর একখানি গ্রন্থ প্রণয়ন
 করিতে হয়। শ্রীচরিতামৃতে উহা হইতে বহুল সারগর্ভ প্রমাণ-বচন উদ্ধৃত
 করা হইয়াছে। ভক্তি সন্দর্ভে লিখিত আছে, কৃচি প্রভৃতি দ্বারা শ্রীশুক্ল
 আশ্রয় গ্রহণ করার পর উপাসনার পূর্বান্বয়রূপ উপাস্ত-সাম্মুখ্য লাভের
 চেষ্টা করিতে হইবে। সাম্মুখ্য, উপাসনার পূর্বান্ব ; উহা দ্বিবিধ—নির্কি-
 শেষময় ও সবিশেষময়। নির্কি শেষময় সাম্মুখ্য,—জ্ঞান ; আর সবিশেষ
 ময় সাম্মুখ্য,—যোগ ও ভক্তি। জ্ঞান—নির্কি শেষময় জ্ঞানের সাধন। প্রথম

মনম-নিদিধ্যাসন প্রভৃতি ইহার সাধনাদি। ঋগ্বেদে সহিত আচার একত্ব-সাধনই এই সাধনার লক্ষ্য। ইহা হইতে জীবের সংসার-মুক্তি হয়। জ্ঞানিগণ ঋগ্বেদে কৃপা প্রাপ্ত হইলে শ্রীভগবদ্বিগ্রহ জ্ঞান লাভ করিয়া ভজনানন্দ প্রাপ্ত হন। অহংগ্রহোপাসনামূলক ব্যক্তিগণ সর্বশেষ শক্তিশালী ঈশ্বরের চিন্তা করেন এবং “আমিই ঈশ্বর ঈশ্বর” এইরূপ চিন্তায় সিদ্ধিলাভ করেন। বিষ্ণুপুরাণে বর্ণিত নাগপাশাদি বস্ত্রিত শ্রীপ্রহ্লাদ ইহার দৃষ্টান্ত স্থল। ইনি বিষ্ণুভাবে বিভাবিত হইয়া তাদৃশ সাধন-ফলে নাগপাশাদি হইতে নিষ্কলঙ্ক করিয়াছিলেন। ইহার অস্তিম ফল—স্বাক্ষর্য মুক্তি।

সর্বাংগে সর্বাঙ্গীকৃত সাংখ্য-উপায়,—ভক্তি। ভক্তিরসাম্বলসিদ্ধি গ্রহে ভক্তির যে সকল বিভাগ করা হইয়াছে,—প্রথম খণ্ডে তাহা আলোচিত হইয়াছে। ভক্তিসন্দর্ভে অপর তিন প্রকার বিভাগ দৃষ্ট হয়, যথা,—আরোপসিদ্ধা, সঙ্গসিদ্ধা ও স্বরূপ সিদ্ধা। ভক্তিত্বের অভাব সত্ত্বেও ভগবানে অর্পণাদি দ্বারা যে সকল কর্ম ভক্তিত্ব প্রাপ্ত হয়, সেই কর্মাদি বা ভক্তি আরোপসিদ্ধা ভক্তি নামে অভিহিত। অর্থাৎ সে সকল কর্মাদি ভগবানের আরোপিত হওয়ায় সেই আরোপে কর্মাদিরও ভক্তিগন্ধ প্রাপ্তি ঘটে; আবার ভক্তির পরিকররূপে যে সকল কার্য কৃত হয়, তাহা সঙ্গসিদ্ধাভক্তি নামে কথিত হয়। জ্ঞান ও কর্ম ভক্তির সঙ্গরূপে ব্যবহৃত হইলে তাহাকে সঙ্গসিদ্ধা ভক্তি বলে। শ্রীভাগবতে ১১।৩ ২৩-২৪ শ্লোকদ্বয় ইহার দৃষ্টান্ত। প্রবুদ্ধ যোগীন্দ্র নিমিরাজকে বলিয়াছিলেন, গুরুর নিকটে গমন করিয়া আত্মপ্রদ হরির সন্তোষসাধক ভাগবত ধর্ম সকল শিক্ষা করিবে, গুরুকে দেবতারূপে জ্ঞান করিয়া নিরুপট সেবা দ্বারা সম্বলিত করিয়া ভাগবত ধর্ম অজ্ঞাসা করিবে। সমস্ত বিষয় হইতে চিন্তা বিমুক্ত করিয়া প্রথমতঃ সাধু-সঙ্গ তৎপরে দীনমনের প্রতি দয়া, সম্মানের সহিত মিত্রতা এইং শ্রেষ্ঠ মনের প্রতি সম্মানদান শিক্ষা করিবে। শ্রীভাগবতের এই প্রকরণে কর্ম ও জ্ঞান ভক্তির অঙ্গরূপে গুলীত হইয়াছে; সুতরাং জ্ঞান ও কর্ম একত্ব হলে

সমসিদ্ধা ভক্তি বলিয়া অভিহিত। স্বরূপসিদ্ধাভক্তি এই যে, যাহা স্বতঃই ভক্তিরূপে প্রসিদ্ধা। এমন কি, মুঢ় ও উন্মত্ত প্রভৃতিও যদি সেই সকল কার্য্য করে, তাহা হইলে তাহারাও ভক্তির ফল পাইবে। শ্রবণ কীর্ত্তনাদি নববিধা ভক্তি—স্বরূপসিদ্ধা ভক্তি। কেন না, স্বরূপাত্মবন্ধ-প্রকৃতি সর্বদায়ই স্বায় ফল প্রদান করে। এই তিন শ্রেণীর ভক্তি আবার সঙ্কেতব ও অসঙ্কেতব ভাবে দ্বিবিধ। ভক্তি সন্দর্ভে এতদ্ব্যতীত কর্ম্মমিশ্রা, জ্ঞান মিশ্রা, কর্ম্মজ্ঞানমিশ্রা প্রভৃতি বিবিধরূপ ভক্তির প্রকার ভেদ বর্ণনা করা হইয়াছে। ফলতঃ ভক্তিরসামৃতসিন্ধু গ্রন্থে ভক্তি সম্বন্ধে বহুল আলোচনা করা হইয়াছে, বহুল শ্রেণী বিভাগ করা হইয়াছে এবং কর্ম্ম যোগ, জ্ঞান প্রভৃতি অপেক্ষা ভক্তি শ্রেষ্ঠ বলিয়া বর্ণিত হইয়াছে। উহার মুখ্যফল,— শ্রীকৃষ্ণচরণে প্রেম-প্রাপ্তি।

ভগবদ্গীতায় বর্ণিত পরাভক্তি,—যোগসূত্রে কথিত ঋতন্তুরা প্রজ্ঞা লাভের পরে উদিত হয়। পরা ভক্তির পরে সাধক-চিত্তে সমুদিত প্রেমের পূর্ব্বলক্ষণস্বরূপ ভাব-ভক্তি ও প্রেমভক্তি সম্বন্ধে শ্রীকৃষ্ণশিক্ষায়ত্ন নামক প্রথম খণ্ডে বিস্তারিত রূপে আলোচিত হইয়াছে।

শ্রীচরিতামৃতের ষাটবিংশ অধ্যায়ে শ্রীমন্নহাপ্রভুর শিক্ষায় যে অভিধেয় তত্ত্বের সূত্র লিখিত হইয়াছে তাহার সারগর্ভ আলোচনার সংক্ষিপ্ত ভাব ইহা ইহাতেই জ্ঞাত হওয়া যাইবে।

রাগময়ী ভক্তিকেই রাগাত্মিকা ভক্তি বলে। ব্রজবাসীদিগের মধ্যে রাগাত্মিকা ভক্তি দৃষ্ট হয়। যাহারা ব্রজবাসীর ভাবে অর্থাৎ শ্রীকৃষ্ণের দাসদাসী, সখা-সখী ও মাতাপিতার ভাবে শ্রীকৃষ্ণের ভজনা করেন এবং সেইরূপ ভজনে প্রবৃত্ত হন তাহাদিগকে রাগাত্মগাভক্তির সাধক বলা হয়।

লোভে ব্রজবাসীর ভাবের করে অন্নগতি।

শাস্ত্রযুক্তি নাহি মানে রাগাত্মগার প্রকৃতি ॥

বিরজস্বীমভিব্যক্তং ব্রজবাসি জনাদিষু ।
রাগাত্মিকামনুসৃত্বা যা সা রাগানুগোচ্যতে ॥”

শ্রীকৃষ্ণের ব্রজপরিকরগণের মধ্যে যে ভক্তিভাব বিদ্যমান তাহাই রাগা-
ত্মিকা ভক্তি। যে ভক্তি রাগাত্মিকা ভক্তির অনুরোধে প্রলুদ্ধ হয় এবং
সেইরূপ ভাবে সাধককে পরিচালিত করে, তাহাই রাগানুগা ভক্তি কিন্তু
রাগানুগা ভক্তির সাধক নিজকে রাগাত্মিকা ভক্তির সাধক বলিয়া মনে
করিতে পারেন না। রাগানুগা সাধকের চিত্তে সখ্যরসের বা অন্য কোন
ব্রজরসের উদয় হওয়া সম্ভবপর কিন্তু তন্মিনিত্ত তিনি নিজকে শ্রীদাম, ললিতা
বিশাখা শ্রীরাধা কি নন্দবশোদা ইত্যাদি রূপে অভিমান করিতে পারেন
না। তাহা হইলে অহংগ্রহোপাসনা হয়।

তদ্ব্যবহাদিমাধুর্যে শ্রুতে ধীর্ষ্যদপেক্ষতে ।
নাত্র শাস্ত্রং ন যুক্তিক্ত তল্লোভোৎপত্তি-লক্ষণম্ ॥

শ্রীভাগবতাদি শাস্ত্র শ্রবণে সেই সেই ভাবাদি মাধুর্য অনুরোধে গোচর
হইলে সাধকের চিত্ত বিধিবাক্য এবং কোনরূপ যুক্তিকে অপেক্ষা করে না,
স্বতঃই তাহাতে প্রবৃত্ত হয় সেইটী লোভোৎপত্তির লক্ষণ।

বাহু অন্তর ইহার দুইত সাধন ।
বাহু সাধক দেহে করে শ্রবণ কীর্তন ॥
মনে নিজ সিদ্ধ দেহ করিয়া ভাবন ।
রাত্রিদিনে করে ব্রজে কৃষ্ণের সেবন ॥
“সেবা সাধকরূপেণ সিদ্ধরূপেণ চাত্র হি ।
তদ্যাব লিপ্সুনা কার্য্য ব্রজলোকানু সারতঃ ॥
কৃষ্ণং স্মরন্ জনকাস্ত্র প্রেষ্ঠং নিজসমীহিতং ।
তত্ত্বং কথারতশাসৌকুর্য্যাধাসং ব্রজে সদা ॥”

এই সকল বচন-প্রমাণের তাৎপর্যার্থ এই যে :—সেই রাগাঙ্ঘিকৈকনিষ্ঠ ব্রজবাসিন্দনাদির ভাবাদির মাধুর্য্য শ্রবণ করিয়া বুদ্ধি তাহা অপেক্ষা করে না ; “অর্থাৎ আমি সেটরূপ ভাব কবে পাউব”,—এই বাসনাই লোভোৎপত্তির লক্ষণ ; এই লোভোৎপত্তি বিষয়ে শাস্ত্র ও যুক্তির অপেক্ষা থাকে না । যাহার ব্রজজনের ভাবে লোভ হইয়াছে, তিনিই বাগানুগা ভক্তির অধিকারী উহাই কলিতার্থ । তেত্রিশ রাগানুগা-সাধন-ভক্তির অধিকারী জনের কর্তব্যও গ্রহকার বলিয়াছেন ।

রাগানুগা সাধনভক্তিতে স্মরণে মুখ্য সাধন । এই কারণে নিজ ভাবোচ্চিত লীলা-বিলাসী শ্রীবৃন্দাবননাথ কৃষ্ণকে স্মরণ করিতে করিতে এবং নিজাভিলষণীয় শ্রীবৃন্দাবনেশ্বরী শ্রীললিতা, বিশাখা ও শ্রীরূপমঞ্জরী প্রভৃতিকে স্মরণ করিতে করিতে সেট সেট কথায় (অর্থাৎ শ্রীবৃন্দাবনেশ্বরী প্রভৃতির সহিত শ্রীবৃন্দাবননাথের লীলা কথায়) বস হইয়া সামর্থ্য থাকিলে শরীরের দ্বারা সর্বদা ব্রজে বাস করিতে এবং অসামর্থ্য মনের দ্বারা ব্রজে বাস করিবে । কি প্রকারে সেবা করিবে তাহাও বলা হইয়াছে :—নিজ প্রিয়তম, কৃষ্ণ-বিষয়ক এবং নিজ অর্ভীষ্ট শ্রীবৃন্দাবনেশ্বরী, ললিতা, বিশাখা ও শ্রীরূপমঞ্জরীাদি-বিষয়ক ভাবলাভ করিতে ইচ্ছুক ব্যক্তিগণ সাধকরূপে (যথাবস্থিতদেহে) সমুচিত দ্রব্যাদি দ্বারা এবং সিদ্ধরূপে অন্তর্নিহিত তৎসাক্ষাৎ সেবোপযোগিদেহে মানসিক উপচারে ব্রজলোকানুসারে—অর্থাৎ সাধকরূপে ব্রজলোকরূপ শ্রীরূপগোস্বামিপ্রভৃতির অনুসারে এবং সিদ্ধরূপে ব্রজলোকরূপ শ্রীরূপমঞ্জরী প্রভৃতির অনুসারে সেবা করিবে ।

যাহারা মধুরসের রাগনুগীয় সাধক তাহারা কি প্রকারে সিদ্ধদেহ চিন্তা করিবেন তাহা শ্রীনরোত্তম ঠাকুর মহাশয় লিখিয়াছেন । শ্রীললিতা-বিশাখা-শ্রীরূপমঞ্জরী প্রভৃতির আজ্ঞায় শ্রীরাধামাধবের সেবাকরা এবং শ্রীকৃষ্ণের মনোহর-রূপে ভূষিত এবং শ্রীরাধিকার নির্মাণ্য বসনভূষণে ভূষিতা সখীগণের সঙ্গিনীরূপে আপনার মনোময়ী যুষ্টি চিন্তা করিবে ।

সনৎকুমার তন্ত্রও বলিয়াছেন,—রাগানুগীয় সাধক-ভক্ত সখীদিগের মধ্যে আপনাকে রূপযৌবনসম্পন্ন কিশোরীরূপে চিন্তা করিবেন ।

আত্মানং চিন্তয়েত্তত্র তাসাং মধ্যে মনোরমাং ।

রূপযৌবনসম্পন্নং কিশোরীং প্রমদাকৃতিম্ ॥

শ্রীনরোত্তম দাস ঠাকুর মহাশয়ের প্রেমভক্তিচন্দ্রিকাগ্রন্থে রাগানুগা ভক্তি বিবৃত হইয়াছে । প্রেমভক্তি চন্দ্রিকা গ্রন্থের ভাব দুর্লভ । স্থানে স্থানে পুরূপদেশ ব্যতীত যথাযথ অর্থ পরিগ্রহ যায় না । শ্রীমদ্ বিশ্বনাথ চক্রবর্ত্তি মহাশয় কর্তৃক সংস্কৃত ভাষায় রচিত রাগবন্দ্যচন্দ্রিকা নামক পুস্তকেও রাগানুগা ভক্তি বিবৃত হইয়াছে ; ঐহাদের এ বিষয়ে জানার প্রয়োজন হইবে, তাঁহারা এই গ্রন্থ অনুশীলন করিবেন । রাগানুগা-সাধকভক্তিনিষ্ঠ-গণের সিদ্ধদেহ চিন্তা করিবার ক্রম বিশদরূপে শ্রীকৃষ্ণকর্ণামৃতের ব্যাখ্যার প্রারম্ভে শ্রীকবিরাজ গোস্বামী ষাঠা বলিয়াছেন, তাহা ভক্তগণের দৃষ্টিগোচরের নিমিত্ত লিখিত হইল । এ সম্বন্ধে সংস্কৃত শ্রীকৃষ্ণমাধুরী গ্রন্থও দ্রষ্টব্য ।

রাগানুগামার্গে অনুৎপন্নরতি সাধক ভক্তগণ আপনার বাহ্যিক সিদ্ধদেহ মনোমধ্যে পরিকল্পনা করিয়া তাহাধারা ভগবানের সেবাদি করিয়া থাকেন ; এবং জাতরতি সাধকদিগের সিদ্ধদেহ স্বয়ং ক্ষুণ্ণ হইয়া থাকে ।

এই রাগানুগা সাধনভক্তি ঐহার হৃদয়ে প্রাদুর্ভূত হইয়াছেন, তিনি সিদ্ধদেহে শ্রীরাধামাধবের কুঞ্জসেবা করিয়া নিরতিশয় পরমানন্দে নিমগ্ন থাকেন । তাদৃশ সাধকগণ সাধনরাজ্যের ভূষণস্বরূপ । যোগীন্দ্রগণদ্বারা রাগানুগা ভক্তি বহু সাধন-লভ্য ।

এইভাবে যে সাধনার পদ্ধতি আছে, উহা সিদ্ধপ্রণালীর সাধনা নামে খ্যাত । সাধকদেহ এবং সিদ্ধদেহ এই দুইরূপ দেহ পরিকল্পিত হইয়াছে । আমাদের এই যথাবস্থিত দেহই সাধনাবলম্বনে সাধকদেহ নামে খ্যাত । কিন্তু প্রত্যেক জীবের সাধনা-সৌভাগ্যফলে অপর একরূপ সিদ্ধদেহের অনুভব হয় ;

সে দেহ এই রক্তমাংসপূর্ণ অড় দেহ নয়, সাংখ্যকার কপিল ঋষির উপদিষ্ট সূক্ষ্মদেহ বা কারণ দেহও নয়,—উহা আনন্দচিন্ময়-রস-প্রতিভাবিত নিত্যশুদ্ধ সূচাক্রমসমুজ্জল সচ্চিদানন্দময়ী মূর্তি। বৈষ্ণব সাধনার এই সকল সচ্চিদানন্দ ময়ী মূর্তি ব্রজরস-ভঞ্জন-সাধনার মঞ্জরী দেহ নামে খ্যাত। ইঁহারা সখীদিগের আজ্ঞানুসারে শ্রীরাধাগোবিন্দসেবায় নিযুক্তা হন এবং ভজনানন্দ লাভ করেন। এই দেহ নিত্য, চিরসুন্দর, চিরমধুর ও চিবসমুজ্জল। ইঁহাদের উপরে দেশ-কাল প্রভৃতির প্রভাব পরিলক্ষিত হয় না। ভজননিষ্ঠ সাধক, সাধনার পরিপাক দশায় এই সিদ্ধদেহের মূর্তি প্রাপ্ত হন। পাঞ্চভৌতিক দেহ সর্পের গোলমের তায় পরিত্যক্ত হয় কিন্তু সচ্চিদানন্দবিগ্রহময়ী ব্রজসুন্দরীগণ স্বায় দানে মূর্তি লাভ করিয়া শ্রীগগল সেবায় নিরত হইয়া থাকেন। একরূপ উপাসনার আভাসনাত্ৰ সনৎকুমার তন্ত্বে লিখিত হইয়াছে। একরূপ ভজনে শ্রীমূর্তি সমূহের বর্ণ, বস্ত্র বয়স ও সেবাকার্যের একটি তালিকা নিয়ে দেওয়া হইতেছে :—

দিক	নাম	বর্ণ	বয়স	সেবা
	শ্রীনন্দনন্দন	ইন্দ্রনালমণি	পাঁচ	—
	শ্রীমতীরাদিকা	গলিত কাঞ্চন	মেঘবৎ	—
উত্তর	শ্রীললিতা	গোরোচনা	ময়ূরপিঞ্জ	ভাষুল
ঈশান	শ্রীবিশাখা	ভাঁড়	হারাংবলী	বস্ত্রাদি
পূর্ব	শ্রীচিত্রা	কাশ্মীর	কাঁচবর্ণ	চিত্র
অগ্নি	শ্রীইন্দ্রলেখা	ভূমিতাল	দাড়িষ পুষ্প	অমৃতাসন
দক্ষিণ	শ্রীচম্পকলতা	ফুলচম্পক	চাষপক্ষী	চামর
নৈঋত	শ্রীরত্নদেবী	পদ্মকিঞ্জর	জবাপুষ্প	চন্দন
পশ্চিম	শ্রীভূমবিদ্যা	কাশ্মীর	পাণ্ডুবর্ণ	গানবাণ
বায়ু	শ্রীসুদেবী	পদ্মকিঞ্জর	জবাপুষ্প	জল

মঞ্জরী-নির্ণয়

দিক্	নাম	বর্ণ	বস্ত্র	বয়স	সেবা
উত্তর	শ্রীকৃষ্ণমঞ্জরী	গোরোচনা	শিথিপিত্ত	১৩৬০	ত্রামূল
ঈশান	শ্রীমঞ্জুলীলামঞ্জরী	তপুহেম	কিংকরপুষ্প	১৩৬৭	বস্ত্র
পূর্ব	রসমঞ্জরী	ফুলচম্পক	হংসপক্ষী	১৩০০	চিত্র
অগ্নি	রতিমঞ্জরী	বিদ্যুৎ	ভারাবলী	১৩২০	চরণ
দক্ষিণ	গুণমঞ্জরী	তড়িৎ	জ্বাপুষ্প	১৩১২৭	জল
নৈঋত	বিলাসমঞ্জরী	স্বর্ণকেশকী	ভ্রমরবর্ণ	১৩০২৬	অঞ্জনসিন্দূর
পশ্চিম	লবঙ্গমঞ্জরী	বিদ্যুৎ	ভারাবলী	১৩৬১	মালা
বায়ু	কস্তুরীমঞ্জরী	হেমবর্ণ	কাঁচবর্ণ	১৩০০	চন্দন

সিদ্ধপ্রণালীর মধ্যে এইরূপ ধ্যানও ভাবনার প্রণালী মোক্ষদায়ক। এই ভাবেই উল্লেখ করিয়া মহাপ্রভু বলিয়াছেন,—

দাস সখা পিতৃাদি প্রেয়সীর গণ ।

রাগমার্গে নিজ নিজ ভাবের গণন ॥

“পিতৃপুত্রসুহৃদভ্রাতৃ পিতৃবন্নিভবন্ধরিং ।

যে ধ্যায়ন্তি সদোদ্যুক্তা স্তোভ্যাহীহ নমো নমঃ ॥”

গাহারা উত্তমের সহিত পিতৃ, পুত্র, সুহৃদ ভ্রাতা, পিতা এবং মিত্রের জ্ঞান করিকে সর্বদা চিন্তা করেন, তাঁহাদিগকে প্রণাম করি ।

অতঃপরে শ্রীচরিতাম্বনে শ্রীপাদ সনাতনের প্রতি যে উপদেশে লিখিত হইয়াছে তাহা এইরূপ,—

এইমত করে যেন রাগানুগাভক্তি ।

কৃষ্ণের চরণে তার উপজয়ে শ্রীতি ॥

প্রেমাক্ষরে রতিভাব, হয় দুই নাম ।

যাহা হৈতে বশ হন শ্রীভগবান্ ॥

যাহা হৈতে পাই এই কৃষ্ণ-প্রেমধন ।

এই ত কহিল অভিধেয় বিবরণ ॥

এই হলে অভিধেয়তত্ত্ব বর্ণনে শ্রীচরিতামৃতের মধ্যলীলা ষাটবিংশ অধ্যায়ে পরিসমাপ্ত হইয়াছে। অতঃপরে প্রেম বা প্রয়োজন জন্মের উপদেশ ত্রয়োবিংশ অধ্যায় হইতে আরম্ভ হইয়াছে।

পঞ্চবিংশ অধ্যায়

প্রয়োজন-তত্ত্ব

উঃ সংসাবে প্রয়োজন ভিন্ন কেহ কোন কাৰ্য্য করেন না। ভগবৎ-সাধনারও প্রয়োজন আছে; সে প্রয়োজন,—প্রেম। এই প্রেমের পূর্বা-বস্থার নাম,—ভাব বা রতি। ভূ ধাতুর উত্তর অন্ প্রত্যয় করিয়া ভাব শব্দ নিস্পন্ন হয়। ভাবয়তি করোতি রসান্ ইতি ভাবঃ। নিকারো মানসো ভাবোহনুভাবো ভাববোধক ইত্যমরঃ। সাধন ভক্তির পরিপাকে অথবা ভক্তের কৃপায় ভাবভক্তির উদয় হয়। যখন শ্রীকৃষ্ণে প্রীতিবশতঃ শ্রীকৃষ্ণে মন সংলগ্ন থাকিতে চাহে, তখন ভাবই রতি নামে কথিত হয়। এই ভাব মনের নিকার-নিশেব। তাই কোষকার অমর বলিয়াছেন, “নিকারো মানসো ভাবঃ”। বিকার্য্য শব্দের অর্থ এই যে,—বিক্রিয়তে বিদ্যমানং বস্তু অবস্থা-ন্বরণং নীয়তে ইতি বিকার্য্যম্।

এই বিকার্য্য আবার দুই প্রকার,—প্রকৃতির উচ্ছেদক এবং প্রকৃতির গুণাস্তর আধারক। গুণাস্তরা আধারকের একটা দৃষ্টান্ত দেওয় যাইতেছে—বাহ্য বর্তমানের একরূপ ছিল, তাহা যদি গুণাস্তর প্রাপ্ত হয় তাহা হইলে তাহাকে গুণাস্তর আধারক বিকার বলা যাইতে পারে। বিষয়-রস-নিমগ্ন

ব্যক্তির চিত্ত যখন ভগবদ্ব্যুৎপন্ন হয় এবং ভগবদ্ভাবে বিভাবিত হয়, শ্রীভগবানকে ভাবিতেই যদি ভালবাসে, তাহা হইলে বলিতে হইবে তাঁহার ভাব জন্মিয়াছে।

শ্রীরাধিকার চিত্ত অন্যান্য বালিকাদের ন্যায় বাল্য ক্রীড়ায় রত ছিল। সহসা তিনি একদিন চিত্রপটে শ্রীকৃষ্ণের মোহন মুরলীধরী ভুবনমোহনী শ্রীমূর্ত্তি দেখিতে পাইলেন; শুনিলেন, তাঁহার নাম শ্যামসুন্দর। দূর-গত বংশীধ্বনি তাঁহার কর্ণে প্রবেশ করিল,—সেই মুহূর্ত্ত হইতেই তাঁহার মনে বিকার জন্মিল; শৈশব ক্রীড়ায় মন রহিল না, মুহূর্ত্তের মধ্যে চিত্ত পরিবর্তিত হইয়া গেল। যোগিনীর ন্যায় তিনি সেই শিখিপুচ্ছ চূড়ালকৃত বংশীবদন শ্যামসুন্দরের ধ্যানে বসিয়া গেলেন। তাঁহার আহার নিদ্রা দুবে গেল, সখীজনের সহিত বাক্যালাপ বন্ধ হইল। তিনি ঘরের কোণে বসিয়া শ্যামের রূপ ধ্যান করিতে লাগিলেন। ইহারই নাম,—ভাব। ইহাই প্রেমের প্রথম অবস্থা।

বৈষ্ণব পদাবলীতে এই ভাবের উদাহরণস্বরূপ বহু বহু পদ আছে। ভক্তি রসায়ত সিন্ধু গ্রন্থ হইতে এই গ্রন্থের প্রথম খণ্ডে ভাব ও প্রেমের লক্ষণের বহু আলোচনা করা হইয়াছে। এস্থলে পুনর্বার উল্লেখ নিম্পয়োজন। এই ভাবট চিত্তকে রঞ্জিত করে, চিত্তের কঠোরতা দূর করিয়া চিত্তকে কোমল করে। ইহা হলাদিনী শক্তিরই বৃত্তিবিশেষ। কিন্তু ফলতঃ তাহা হইতে ইহা কোটিগুণিত আনন্দরূপাহলাদিনী শক্তির সারবৃত্তি বলিয়া ইহার নাম,—রতি। ভাব, রতি ও প্রেম সম্বন্ধে ইতঃপূর্বে বহুল আলোচনা করা হইয়াছে বলিয়া এস্থলে দ্বিকৃতির আশঙ্কায় পুনর্বার আলোচনা করা হইল না।

যাঁহার হৃদয়ে প্রীতির অঙ্গুর উপজাত হয়, প্রাকৃত দুঃখে তাঁহার কোনও দুঃখবোধ হয় না। তিনি সর্বদাই শ্রীকৃষ্ণ পরিচিন্তনে কাল যাপন করেন।

হৃদয়ে প্রেমাসুর উপজাত হইলে যে নয়টি লক্ষণের উদয় হয়, 'ইতঃ-

পূর্বে তাহা বলা হইয়াছে। এখানে সেই শ্লোকগুলি উদ্ধৃত না করিয়া সেই নবলক্ষণের নাম মাত্র উল্লেখ করা যাইতেছে। প্রথম লক্ষণ,—কাস্তি ; ক্ষোভের হেতু থাকা সত্ত্বেও চিত্তের অক্ষোভিত অবস্থার নাম কাস্তি। কাস্তি, তিতিক্ষা, ক্ষমা, অমর্ষ এবং সহন—এই সকল, কাস্তিরই পর্যায়। “ক্ষমুইভ্যমর্ষে মর্ষঃ সহনং। মৃষংকাস্তৌ।” ক্ষম্ ধাতুর অর্থ মর্ষ বুঝায় ; মর্ষশব্দের অর্থ সহন। দ্বিতীয় লক্ষণ—অব্যর্থ কালত্ব, অর্থাৎ প্রেমিক ভক্ত কৃষ্ণ-বিষয় ভিন্ন অন্য কোনও বিষয়ে ক্ষণকালের জন্যও চিত্ত নিয়োগ করিতে পারেন না। তৃতীয়—বিরক্তি, ইহার অর্থ ভগবদ্বিষয় ভিন্ন অপর বিষয়ে চিত্তের অরোচকতা। চতুর্থ—মানশূন্যতা, পঞ্চম—আশাবদ্ধ শ্রীকৃষ্ণ-প্রাপ্তির সম্ভাবনায় আশাবন্ধানস্থায় থাকা। ষষ্ঠ—সমুৎকর্থা। সপ্তম—নামগানে সদাকুচি, অষ্টম—ভগবদ্গুণাখ্যানে আসক্তি, নবম—তদ্বসতি-স্থলে প্রীতি।

প্রেমাক্ষরের এই নব লক্ষণের উদাহরণ ক্রমশঃ প্রদর্শিত হইতেছে।

১। কাস্তির উদাহরণ ;—রাজা পরীক্ষিতের ব্রহ্মশাপের পরে শ্রীভাগবত শ্রবণ সময়ে এই ভাবের উদয় হইয়াছিল। তিনি তখন শাস্ত্র মানন্দ চিত্তে উপস্থিত ব্রাহ্মণগণকে নলিয়াছিলেন, এখন আর আমি কোন চিন্তা করিনা। বিপ্রগণ, আপনারা আমায় অঙ্গীকার করুন, গঙ্গাদেবীও আমায় অঙ্গীকার করুন। আমি এখন শ্রীভগবানে চিত্ত ধারণ করিয়াছি, এখন আর আমার কোনও নিরানন্দ নাই। জীবনের যাহা প্রয়োজন তাহা পাষ্টয়াছি। ব্রাহ্মণ-শাপ-প্রেরিত তক্ষক এখন আমায় দংশন করে করুক, আমার এখন আর কোনও চিন্তা নাই। ব্রাহ্মণগণ, আপনারা এখন আমার নিকট বিষ্ণু গুণ-গাথা কীর্ত্তন করুন

অব্যর্থ কালত্বের উদাহরণ হরিভক্তি সুধোদয় গ্রন্থে লিখিত হইয়াছে :—

বাগ্ভি স্তবস্তৌ মনসা স্মরন্ত,

স্তম্বা নমস্তোহপানিশং ন তপ্তাঃ।

৫

ভক্তাঃ শ্রবয়েত্রজলাঃ সমগ্র-
মায়ু ইরেরেব সমর্পয়ন্তি ॥

নিরন্তর বাক্যদ্বারা শ্রব, মনের দ্বারা শ্রবণ এবং শরীর দ্বারা প্রণতি
করিয়া ও অবিত্রপ্ত সাধুগণ নগ্নন জলাভিষিক্ত হইয়া হরির উদ্দেশেই সমস্ত
পরমায়ুঃকাল অর্পণ করেন ।

৩। বিরক্তির উদাহরণ—

যো দুস্ত্রাজান্ দারসুতান্ সুহৃদ্রাজ্যং হৃদিম্পৃশঃ ।
অহৌ যুঁবেব মলবদুত্তমঃ শ্লোক লালসঃ ॥

মহারাজ ভরত ভগবৎ-প্রাপ্তাভিলাষী হইয়া চিত্র পুত্রলিকার গ্ৰাম
হৃদয়ে নিরন্তর বিরাজমান স্ত্রী, পুত্র, সুহৃৎ এবং রাজাকে যৌবনাবস্থাতেই
মলমৎ পরিত্যাগ করিয়াছিলেন ।

কৃষ্ণ সশ্বক্ক বিনা ব্যর্থ কাল নাহি যায় ।
ভুক্তি সিদ্ধি ইন্দ্রিয়ার্থ তারে নাহি ভায় ॥

প্রেমই যে জীবনে প্ররোজন, আগমুদ্র ভারতবর্ষের রাজাদিরাজ রাজবি
ভরতের জীবন তাহারই উদাহরণ ।

৪। মানশূন্যতার উদাহরণ :—

হরৌ রতিং বহ্ন্নেম নরেন্দ্রাণাং শিখামণিঃ ।
ভিক্ষামটররিপুরে শ্বপাকমপি বন্দতে ॥

সমস্ত ভূপতির শিখামণি স্বরূপ এই মহারাজ ভরত ভগবানেতে একান্ত
রত হইয়া ভিক্ষা নিমিত্ত শক্রপুরীতে গমন করিয়া চণ্ডাল পর্য্যন্ত বন্দনা
করিয়াছেন ।

সর্কৌত্তম আপনাকে হান করি জানে ।
কৃষ্ণ কৃপা করিবেন দৃঢ় করি মানে ॥

৫। আশাবন্ধের উদাহরণ :—

ন গ্রেম শ্রবণাদিত্তিক্তিরপি বা যোগোহথবা বৈষ্ণবো,
জানংবা শুভকর্ম্ম বা কিরদহো সজ্জাতিরপ্যস্তিবা ।

হানার্থাধিকসাধকে ত্বরি তথাপ্যচ্ছেদ্যমূল্য সতী

হে গোপীজন বল্লভ ! বাথয়তে হা হা মদাশৈব মাম্ ॥

আমার প্রেম নাই, প্রেমের কারণ যে শ্রবণাদি সাধনভক্তি তাহাও নাই, ধ্যান ধারণাদিগর বৈষ্ণবযোগেরও কোন অনুষ্ঠান নাই এবং জ্ঞান বা কোন শুভকর্মেণও অনুষ্ঠান করি নাই, অধিক কি বলিব সমস্ত সাধনের মূল যে সজ্জাতি তাহাও নাই ; অতএব হে গোপীজন বল্লভ, তোমাতে যে আমার অচ্ছেদ্যমূল্য আশা, সে-ই আমাকে ব্যগিত করিতেছে ।

৬। সমুৎকর্টার উদাহরণ :—

অচ্ছেদ্যং ত্রিভুবনাত্তুমিত্যবেহি

মচাপলঞ্চ তব বা মম বাধিগম্যম ।

তৎ কিং করোমি বিরলং মুরলীধরাসি

মুগ্ধং মুখাদ্বিজমুদৌক্ষিতুমীক্ষণাভ্যাম্ ॥

তোমার নিত্য নন্দ-কণোর মধুরমূর্তি ত্রিভুবনে অদ্ভুত ; ইহা যদি তুমি না জান, তবে জেনে রাখ । আমার চপলতার আঁধা কথা কি ? সেও চির প্রসিদ্ধ ! তাহাতো আমিও জানি, তুমিও জান । মুরলীধর, এগন তোমার বিরল মুগ্ধ-কমলখানি নয়ন ভরিয়া ভাল করিয়া দেখিতে সাধ হয় । এখন তুমিই বলে দাও—কি করিলে তোমায় প্রাণভরিয়া দেখিতে পাঠি ।”

ফলতঃ ষাঁহার রসময় ভগবানের সাধনা করেন, আত্মরাম বা আশুকাম হইয়া বসিয়া থাকার অবসর আদৌ তাঁহাদের হয় না । প্রতি মুহূর্ত্তেই প্রেমময়ের সহিত ষাঁহাদের দেনা-পাওনার হিসাব লইয়া দিন-রজনী বাপন করিতে হয়, তাহাদের স্থির হইয়া বসিবার অবকাশ কোথায় ! এক মুহূর্ত্ত না দেখিলেই নয়ন চঞ্চল হইয়া উঠে, হৃদয়ের চাপল্য, সাগর-তরঙ্গে আত্মাকে বিক্ষিপ্ত করিয়া ফেলে ;—কেবল দেখা,—আর কেবলই সেট মনোহর মধুর মুরলীধরের নোহন মুখাদ্বিজের দিকে চেয়ে থাকা ;—একটু না হইলেই প্রাণ অধীর হইয়া উঠে । এ এক বিষম সমস্তার উপাসনা !

ইহার নাম মাধুর্যের উপাসনা—ইহা মধুর কি, কি বিষমর,—কে বলিবে ?

রসময় প্রেমিকভক্ত কবিরাজ মহাশয় ইহার এক সুন্দর ব্যাখ্যা করিয়াছেন। এ শ্লোকের ব্যাখ্যায় তিনি সংক্ষিপ্ত ভূমিকা দিয়াছেন। কিন্তু সংক্ষিপ্ত হইলেও উহাতে অনেক কথা আছে। তিনি বলেন, এটা উদ্বৃণা দশার শ্লোক। প্রেমাষিষ্ট চিত্তের উচ্চতম দশায় নানা প্রকার বিবশভাবের আবির্ভাব হয়। এইদশায় বাহুজ্ঞান থাকে না। গম্ভীরাম শ্রীগৌরাজ গ্রন্থে এবং নীলাচলে ব্রজমাধুরী গ্রন্থে এই দশার বিবৃতি আছে। এই শ্লোকটার ভাবার্থ এই যে, শ্রীমতী যেন শ্রীকৃষ্ণকে সম্মুখে পাইয়া চিত্তের উদ্বেগে বলিতেছেন, একে তো আমার নয়ন তোমায় দেখিবার জন্য এত ব্যাকুল, তাহার উপরে তুমি দেখা না দিয়া আরও আকুল করিয়া তোম। বল দেখি, এ তোমার কেমন ভাব ?

ইহার উত্তরে শ্রীকৃষ্ণ বলিতেছেন:—তোমার এই নয়ন-চাপলা কেবলই চিত্তের লঘুতার অন্ততী হইয়াছে। তুমি সাধ্বী-প্রবরা অতি গম্ভীরা, তোমার অতি প্রিয় সখীরাও তো তোমায় ইহা বুঝাইয়া থাকে। আপনার মন বঠ তো নয়, বুঝাইলে তো হয়।

শ্রীকৃষ্ণের এই উপহাস-বাক্য মনে কল্পনা করিয়া উহার প্রত্যাহারেরই যেন শ্রীমতী উদ্বেগ সহকারে বলিতেছেন, তুমি আমার চপলা বলিয়া উপহাস করিতেছ—আচ্ছা বল দেখি ইহাতে আমার দোষ কি ? ত্রিভুবনে কে না জানে যে তোমার কিশোর ভাব ত্রিঙ্গতে নিদারুণ অদ্ভুত। উহার মাধুর্য একদিকে যেমন মাদক অপরদিকে তেমনই আকর্ষক। আমি অবলা আভীরা বালিকা—তোমার কৈশোর মাধুরীর মাদকতার প্রবল আকর্ষণে আমি কি স্থির থাকিতে পারি ? যাহাতে যোগীর চিত্ত চপল করিয়া তোলে তাহাতে আমার নয়ন চপল হইবে, ইহাতে অসম্ভবপর কি ? তোমার নিজের কৈশোরের ব্যাপারটা একবার স্মরণ করিয়া দেখ। আর

ত্রিভুবনে আমার চাপল্যও অদ্ভুত—ইহা আমিও জানি তুমিও জান—
একথাটাও স্মরণ রাখিও।

তুমি বল সখীরা আমার প্রবোধ দেয়। “তা বটে, তারা আমার
উদ্বেগের কি জানে? একে কি অপরের বেদন জানে?—জানিলে কি
আর তারা আমার ধৈর্য ধরিতে বলে? আর যখন তাহারা আমার ধৈর্য
ধরার অন্ত উপদেশ দেয়, তখন তারাও এ চাপল্যের কথা জানে। না
জানিলে এইরূপ উপদেশই বা দিবে কেন? কিন্তু তারা তো আমার
হৃদয়ের বেদনা বোঝে না।”

এই কথা বলিতে বলিতে উদ্বেগ-ত্রস্ত আরও উত্থলিয়া উঠিল। তখন
দীন ভাবে শ্রীমতী বলিলেন—এখন বল দেখি কি করিয়া আমি তোমায়
প্রাণ ভরিয়া দেখিতে পাঠিব? তুমিই তা বলে দাও—এভাবে আর যে
আমি থাকিতে পারি না!

যদি বল মনের উদ্বেগ শাস্ত কর। উদ্বেগ বাড়াইলেই বাড়ে। আমায়
নাড়া দেও, দেখে, দেখে কি ফল?” আমি বলি, ফল নাই কেন? তোমায়
দেখা চোখের সুফল, বাহারা তোমায় দেখে না, তাদের চোখ কি চোখ?
যারা তোমার কথা শুনে না, তাদের কান কি কান?”

যদি বল এখন না হয় না ই দেখিলে—ধৈর্য ধর। ইহার পরে দেখিতে
পাঠিবে। আমি বলি, আমি কুলবধু—সব সময় কি তোমায় দেখিতে
আমার সুযোগ হয়। নিৰ্জনে না হইলে আমি কি সততই তোমায় দেখিতে
পারি? এখনই আমার সুবিধা! তুমি এখন একবার দাঁড়াও; আমি
এই অবসরে একবার প্রাণ ভরিয়া তোমায় দেখিয়া লই—ওকি! কোথা
যাও, তিলেক দাঁড়াও, একবার তোমায় দেখিয়া লই—আমার মত তোমার
শতক আছে, কিন্তু মুরলীমোহন, তোমার মতন আমার যে ত্রিভুগতে আর
কেহ নাই। একবার ওখানে তিলেক দাঁড়াও, আর আমি প্রাণ ভরিয়া
তোমার ঐ মুরলী-মুখের অতুল মাধুরী দেখিয়া লই।”

এ এক অদ্ভুত ব্যাপার। এই মত ভাবের অনন্ত কথা এই শ্লোকের
 ভিতরে বিরাজমান। রসিক ভাবুক প্রেমিক পাঠকগণ জীবন ভরিতা
 মুহূর্হঃ এই ভাব-রস পান করুন।

পিবত ভাগবতং রসমালয়ং

মুহুরহো রসিকা ভূবি ভাবুকাঃ।

শ্রীচৈতন্য চরিতামৃত্তে দেখা যায় কর্ণামৃত্তের উক্ত শ্লোকটি মহাপ্রভু
 বিশেষ ভাবে আশ্বাদন করিয়াছেন। কবিরাজ শ্রীচৈতন্য চরিতামৃত্তে ইহার
 যে ব্যাখ্যা করিয়াছেন, তাহা এই—

তোমার মাধুরী বল

তাহে মোর চাপল

এই দুই তুমি আমি জানি।

কাহা করেঁ কাহা বাউ

কাহাগেলে তোমা পাউ

তাহা মোরে কহত আপনি ॥

নানা ভাবের প্রাবল্য

হৈল সন্ধি শাবল্য

ভাবে ভাবে হৈল নগরন।

ঐশ্বর্য্য চাপল্য দৈন্য

রোষামর্ষ আদি সৈন্য

প্রেমোন্মাদ সবার কারণ ॥

নামগানে সদাকৃতির উদাহরণ :—

রোদনবিন্দুমকরন্দশুন্দিদৃগিন্দীবরাণ্ড গোবিন্দ।

তব মধুরস্বরকণ্ঠী গায়তি নামাবলিঃ বালা ॥

হে গোবিন্দ, অণ্ড অশ্রুজলে অভিষিক্ত হইয়া চন্দ্রকান্ধি নামক গন্ধর্বা
 বালা মধুরস্বরে তোমার নাম-পরম্পরা গান করিতেছেন।

৮। ভগবদ্গুণাখ্যানে আসক্তির লদাহরণ :—

মধুরং মধুরং বপুরস্ত বিভো-

মধুরং মধুরং বদনং মধুরম্।

মধুগন্ধি মৃদুস্মিতমেতদহো

মধুরং মধুরং মধুরং মধুরং ॥

লীলাশুক শ্রীকৃষ্ণের অনন্ত নাখ্যা অস্ত্রভব করিয়া আশ্চর্য্য হইয়া বলি-
তেছেন—রাস লীলায় যোগ্যতম সর্দার বাপননাল এই শ্রীকৃষ্ণের শ্রীঅঙ্গ অতি
সুমধুর,—আবার শ্রীমুখনগুণের দিকে দৃষ্টিপাত করিয়া মস্তক চালন করিয়া
বলিলেন, এই শ্রীমুখনগুণ আবার অতি সুন্দর। শ্রীমুখনগুণের মৃদু হাসি
দেখিয়া চাঁৎকার পূর্বক তদিকে তর্জনী নির্দেশ করিয়া,—তর্জনী চালন
পূর্বক বলিলেন, এতে যে মধুগন্ধি মৃদু মধুর হাসি টুকু, ইহা আবার মধুর
মধুর মধুর মধুর—সর্ব্বাপেক্ষা মধুর।

এইরূপ আন একটা শ্লোক এখানে উদ্ধৃত করা যাউক :—

চিত্রং তদেতৎ চরণারবিন্দং

চিত্রং তদেতৎ নয়নারবিন্দম্ ।

চিত্রং তদেতৎ বদনারবিন্দং

চিত্রং তদেতৎপুরস্ চিত্রম্ ॥

শ্রীপাদ লীলাশুক মৌন্দর্য্য-মাধুর্য্যের চিত্রিত্ত কবি। কিন্তু এত বড়
কবি হইয়াও তিনি ভাষায় সে শ্রীমুখ-বর্ণনের ও শ্রীঅঙ্গ-বর্ণনের উপায়
পাইলেন না, তাই তিনি অবশেষে লিখিলেন,—“চিত্রংচিত্রমহো বিচিত্র
মহো চিত্রং বিচিত্রং মহঃ”।

উক্ত শ্লোকেও তিনি শ্রীভগবৎপ্রত্যক্ষ-বর্ণন করিতে প্রয়াস পাইয়া
কেবল “চিত্রং” পদ দ্বারাষ্ট ননোভাব প্রকাশ করিয়াছেন। আবার মাধু-
র্য্যের বর্ণন করিতে প্রয়াসী হইয়া কবীন্দ্র শ্রীল লীলাশুক কেবল মাত্র “মধুর”
শব্দের পুনঃ পুনঃ উল্লেখ করিয়াই শ্রীকৃষ্ণের অঙ্গ মাধুর্য্যের বর্ণন পরিসমাপ্ত
করিয়াছেন।

ইহা তির্য আর উপায় কি? কবির লীলাশুকের শব্দ-বৈভব বা

সৌন্দর্য্য-মাধুর্য্য বর্ণনের শব্দ-সম্পৎ যে কম ছিল, তাহা নহে। তিনি আরও কত প্রকার শব্দের সাহায্যে শ্রীভগবানের সৌন্দর্য্য মাধুর্য্যের বর্ণন করিতে পারিতেন, কিন্তু সমগ্র শব্দের ঘোষণা করিলেও তাঁহার চিত্তের চরিতার্থতা হইত না। তিনি যে সৌন্দর্য্য-মাধুর্য্য-সাগরে নিমজ্জিত, সেখানে ভাষার সর্বপ্রকার সম্পদই অল্প,—ভাষা সেখানে নিতান্তই অক্ষিৎকরী—অথচ ভাষার পথে ভাবের প্রবাহ স্বভাবতঃই বাহিরে আসিতে চায়—কিন্তু সে বেগ ধারণ করার সামর্থ্য ভাষার নাই। ভাষা তখন ওস্তিত হইয়া পড়ে, জড় ভাব প্রাপ্ত হয়। তখন নিরুপায় ভাষা ভাবের চাপে পড়িয়া আত্মহারা হয়। এ অবস্থার ভাব যাহা অবলম্বন করিয়া স্বয়ং ক্ষীত হয়, সেই অবলম্ব্য বস্তুর স্বরূপের কেবল লেশাভাস বা কণা বিন্দু লইয়াই নিরুপায় ভাষা ভাবকের নিকটে দীনাবেশে উপস্থিত হয়। কিন্তু সেই দীনা ভাষাই ভাব-গ্রাহী শ্রোতার স্বংকর্ণে প্রকৃতির ভীষণ শক্তি স্বরূপ জল-প্রপাতের বিশাল বেগময় প্রবাহের স্তায় ভাব-প্রবাহ ঢালিয়া দিয়া ভাবকের ভাব প্রকটনে সাহায্য করে। ভাবের শক্তি ভাষায় সঞ্চারিত হয়। তাহার কল, প্রভাব ও প্রতিপত্তি অনন্ত ও অক্ষরহীন। এম্বলেও “চিত্র” “বিচিত্র” পদগুলি দ্বারা ভাবগ্রাহী পাঠক অবশ্যই কুত্রার্থ হইবেন ; তাহাদের চিত্তে ভাব-রাজ্য প্রক্ষুরিত হয়।

৯। তদসতিস্থলে প্রীতির উদাহরণ :—

কদাহং যমুনাতীরে নামানি তব কীর্ত্তয়ন্ ।

উদাম্পঃ পুণ্ডরীকাক্ষ রচয়িষ্যামি তাণ্ডবম্ ॥

কোনও জাত-ভাবব্যক্তি দূর হইতে প্রার্থনা করিতেছেন, হে পুণ্ডরীকাক্ষ, কবে আমি যমুনা তীরে সজল নয়নে তোমার নামাবলী কীর্ত্তন করিয়া নৃত্য আরম্ভ করিব।

সমুৎকর্থা হয় সদা লালসা প্রধান।

নাম গানে সদা রুচি লয় কৃষ্ণ নাম ॥

কৃষ্ণ গুণাখ্যানে হয় সর্বদা আংক্তি ।
কৃষ্ণলীলা-স্থান করে সর্বদা পীরিত্তি ॥
কৃষ্ণে রত্নির চিহ্ন এষ্ট কৈল বিবরণ ।
কৃষ্ণ-প্রেমের চিহ্ন এবে শুন সনাতন ॥

মহাপ্রভুর এষ্ট উপদেশের মর্ম এষ্ট যে, ভগবৎপ্রেম-লাভই মানব জীবনে প্রয়োজন,—ইহাই মানবাত্মার বিশুদ্ধ আকাঙ্ক্ষা । জড়ায় জীবন হইতে জীবনের শেষ দিন পর্যন্ত মানুষ প্রেমের প্রেরণায় নিখিল কার্য সম্পন্ন করে । প্রেমই মানুষের নিখিল কর্মশক্তির মূল । মানব দেহের প্রত্যেক স্পন্দনই প্রেমের প্রেরণা,—অনুকূলের জন্ত প্রযত্ন, ও প্রতিকূলের বিনাশনের প্রয়াস,—জান্তব্য জীবনের ও যান্ত্রিক কাৰ্য (Function of organism) মানুষের এন্নের পূর্ব হইতেও এষ্ট নিয়মে জীবন-কার্য আরম্ভ হয় । অবিজ্ঞা পরিচালিত জীবনেও প্রেমশক্তির কার্য-দক্ষতাষ্ট পরিলক্ষিত হয় । মানুষ যত্ন ভালবাসে তাহাষ্ট করিতে চায় ; যাহাকে ভালবাসে তাহাকেই দেখিতে চায়, তাহাকে পাইতে চায় এবং তাহার সঙ্গসুখ লাভে কৃতার্থ হয় । কিন্তু অবিজ্ঞাগ্রস্ত জীব অনিত্য বস্তুতে আকৃষ্ট হইয়া প্রকৃত প্রেমের লক্ষ্যহারা হয়,—প্রেমের প্রকৃত বস্তু কি এবং খাটি প্রেমই বা কি, সে তাহা জানে না কিন্তু প্রেমই যে তাহার জীবনের পরিচালক এবং প্রেমের বস্তু-লাভই যে তাহার পুরুষার্থ বা জীবনের প্রয়োজন সেই বিচার না করিয়াও স্বভাবতঃ (automatically) স্বীয় প্রকৃতির প্রভাবে মানুষ কার্য করিয়া থাকে । এই ভাবে জীব জগতের তির তির বস্তুকে প্রেমের আশ্রয় বলিয়া মনে করে । দেহ-গেহ, জনক-জননী, ভাই-ভগিনী, স্ত্রী-পুত্র-কন্যা, আত্মীয়-বান্ধব, বিষয়-বৈভব, যশো-মান-গৌরব প্রভৃতি সংসারের বহুল বিষয়কে জীবিতের বস্তু বলিয়া মনে করে এবং সেই সকল বস্তু লাভ করাই জীবনের প্রয়োজন বলিয়া তৎপ্রার্থিত

অল্প কৰ্ম করে। কিন্তু কাল অতি দূরন্ত শিক্ষক। কাল বুঝাইতে চেষ্টা করে,—সাংসারিক বস্তু মাত্রই নশ্বর, চঞ্চল এবং পরিবর্তনশীল।

মানুষ ভবের বাজারে খাঁটি সোণা ক্রয় করিতে যাওয়া অজ্ঞানতার গিল্টি দ্রব্য ক্রয় করে, অল্প সময় পরেই গিল্টি নষ্ট হয়, প্রবঞ্চিত মানুষ বৃষ্টিতে পারে যে সে অজ্ঞানতাবশে প্রবঞ্চিত হইয়াছে। একদিন যাহাকে সে আপন বলিয়া মনে করে, দুইদিন পরে সে পর হয়, শুধু পর নয়,—প্রাণঘাতক ভীষণ শত্রু হইয়া দাঁড়ায়। তখন তাহার বিশ্বাসেব মূলে কুঠারাঘাত হয় ; শ্রীতিরস্থলে অশ্রীতি ও বিশ্বাসঘাতকতা দেখিয়া মানুষ হাহাকার করে। এই অবিচার জগতে কিছুই ঠিক নয়। ইহার উপরে নশ্বরতার প্রভাব ; স্বামী-পুত্র-নন্দন সকলই নশ্বর—কিছুই স্থায়ী নয় ; সংযোগ ক্ষণিক, আনন্দও ক্ষণিক ; বিয়োগে,—হাহাকার। অনিত্য বস্তুতে প্রেম স্থাপন করিলে পরিণাম যে বিষম হয়, মানুষ তখন তাহা বৃষ্টিতে পারে। সুতরাং দেহ-গেহ-স্বামী-পুত্র, ধনজন বৈভব বা যশোমানগৌরব-লাভ জীবনের প্রকৃত পুরুষার্থ বা প্রয়োজন নহে, মানুষ তাহা বৃষ্টিতে পাবে। গুরুর কৃপায়, পাস্তুর উপদেশে, ভগবৎ সাধনার প্রভাবে অবিচার কুহেলিকা ঘুচিয়া যায়, অজ্ঞান-নিমির তিরোহিত হয়, তখন মানুষ বৃষ্টিতে পারে প্রেমের প্রকৃত বস্তু,—প্রেমানন্দ রসময় বিগ্রহ,—শ্রীভগবান্। তিনিই নিত্যসিদ্ধ প্রেমানন্দ রসময় করুণাসিকু। তাহার প্রতি হৃদয়ের ষোল আনা শ্রীতি সংস্থাপন করাই সুদূরন্ত মানব জীবনের একমাত্র মুখ্যতম প্রয়োজন।

শ্রীমহাপ্রভু শ্রীপাদ সনাতনকে সম্বন্ধতত্ত্ব ও অভিধেয় তত্ত্ব সম্বন্ধে উপদেশ করিয়া অবশেষে এই প্রেমরূপ প্রয়োজন তত্ত্বের উপদেশ প্রদান করেন। প্রত্যেক বিষয়েরই এক একটা পূর্বরূপ থাকে। আকাশে যখন পূর্ণজ্যোতির আবির্ভাব হয়, তাহার পূর্বে পূর্বাকাশে উষার কনক-কিরণ দিক্‌সকলকে উদ্ভাসিত করিয়া তুলে, নিশার নীরবতা তিরোহিত

করিয়া বিহঙ্গগণ স্কর্থে স্তনানে সুমধুর কুঞ্জে অগংপ্রকাশক বিভাবসুর
মঙ্গল আরতি কীর্তন করে, অগতের নিদ্রিত কন্য়শক্তি সেই ব্রাহ্মমূর্ত্তে
আগিয়া উঠে, জীবনের বিবিধ চিহ্ন পরিষ্কৃট হয়—উঠাই জ্যোতিষ্ময়ের
প্রকাশের পূর্বরূপ। এইরূপ প্রথম সূচ্যাংশ প্রকাশেরও পূর্বরূপ আছে।
পরম করুণাময় প্রেমানন্দরসবিগহ শ্রীমন্নচাপ্রভু শ্রীপাদ সনাতনকে
প্রেমান্বরের পূর্বরূপ লক্ষণ সম্বন্ধে উপদেশ করিয়া এখন প্রেমের চিহ্ন
সম্বন্ধে উপদেশ করিতেছেন। তিনি বলিতেছেন :—

যার চিত্তে কৃষ্ণপ্রেমা করয়ে উদয়।
তার বাক্য ক্রিয়ামুদ্রা বিজে না বুঝায় ॥
ধন্যস্বয়ং নবপ্রেমা যশোমীলতি চেতসি।
অশুর্কীগীতিরপ্যস্মা মুদ্রা সূহু সূহুর্গমা ॥

যে ধন্যজনের চিত্তে এই নবীন প্রেমার উদয় হয়, তাহার বাক্য ও
ক্রিয়ার পরিপাটী শাস্ত্রবেত্তারাও বুঝিতে পারেন না।

শ্রীভাগবতে এসম্বন্ধে অতি সুন্দর একটি প্রমাণ আছে; তাহা
এই যে,—

“এবং ব্রতঃ স্বপ্রিয়নাম কীর্তনা
জাতামুরাগো দ্রুতচিত্ত উচ্চৈঃ।
হসত্যথো রোদিতি রোতিগায়-
ত্যান্নাদবয়্য ত্যতি লোকবাহুঃ ॥”

পূর্বোক্ত সাধন-প্রণালী অনুসারে সাধনা করিতে করিতে স্বপ্রিয়
শ্রীভগবানের নাম কীর্তন করিতে করিতে শ্রীভগবানে অনুরক্ত হইয়া
দ্রবীভূত চিত্ত সাধক কখনও হাস করেন, কখনও রোদন করেন, কখনও
উচ্চৈঃস্বরে হা গোবিন্দ, হা গোপাল, হা কৃষ্ণ, হা মধুসূদন ইত্যাদিনাম
উচ্চৈঃস্বরে কীর্তন করেন, কখনও বা গান করেন, কখনও বা নৃত্য করেন

সাধক জনসাধারণের আচরণ-ব্যবহার-বহির্ভূত ভাবে উন্নতবৎ এই সকল কার্য করিয়া থাকেন।

ফলতঃ মানুষ যখন ভগবৎপ্রেম প্রাপ্ত হয় তখন তাঁহার সর্বদুঃখ নিবৃত্ত হইয়া যায়। এই প্রেমে মানবচিত্ত লোকধর্ম, সমাজধর্ম ও বৈদিক ধর্ম কর্ম প্রভৃতি হইতে বিমুক্ত হইয়া এক আনন্দময় রাজ্যে উপস্থাপিত হয়। সুতরাং সংসারাবদ্ধ জনসাধারণ তাহার ভাব ও অনুভাবজনিতকার্য সমূহকে উন্নাদবৎ বলিয়া মনে কর।

ষড়্বিংশ অধ্যায়

কাশীতে প্রেম-প্রবাহ

শ্রীমন্নহাপ্রভু স্বয়ং জগতে এইভাবে প্রকটন করেন। যখন কাশীধামের মায়াবাদী সন্ন্যাসিগুরু শ্রীপ্রকাশানন্দ সরস্বতীর সহিত তাঁহার প্রথম দেখা হয়, তখন তিনি তাঁহাকে ছল পূর্বক এই কথাই বুঝাইয়াছিলেন। এখানে অবশ্যই তাহা উল্লেখযোগ্য। মহাপ্রভু যখন কাশীতে উপস্থিত হইলেন, তখন মায়াবাদী সন্ন্যাসিগণ দেখিলেন, বঙ্গদেশ হইতে জ্ঞানবৈরাগ্যের সুপ্রসিদ্ধ পবিত্র মহাপীঠে একজন তরুণ যুবক বাঙ্গালী সন্ন্যাসী আসিয়াছেন। সুঠাম সমুন্নত সুদীঘ আকার, কষিত-কাঞ্চনের শ্রায় গৌরবাস্তি, পদ্মপলাশবৎ আকর্ণ বিশ্রান্ত ঢলঢল সজল নয়নযুগল,—সে আকার, সে সৌন্দর্যমাধুর্য দেখিয়া কঠিন হৃদয় সন্ন্যাসীর চিত্তও বিচলিত হয়। বাঙ্গালী তরুণ যুবক সন্ন্যাস গ্রহণ করিয়া কাশীতে আসিয়াছেন কিন্তু তাঁহার সন্ন্যাসের কোন কার্য নাই; মুখে অবিরাম হরিনাম, সে নাম যে শুনে, সেই সন্ন্যাসীর সঙ্গে হরিনাম কীৰ্ত্তনে যোগ দেয়। এইরূপে এই

তরুণ সন্ন্যাসীর শত শত অল্পচর তাঁহার সঙ্গে যোগ দিয়া কাশীর পথ ঘাট, অলি গলি, বাজার ও দেবস্থান হরিনাম কীর্তনের বস্তুতরঙ্গে প্রাবিতকরিয়া ফেলিলেন। শ্রীনাম-কীর্তনে ও উদ্দণ্ড নৃত্যে জন সাধারণ উন্মত্ত হইয়া উঠিল। সন্ন্যাসিগণ ইহা দেখিয়া তাঁহাকে নিন্দা করিতে লাগিলেন; যথা শ্রীচরিতামৃতে :—

বৃন্দাবন যাইতে প্রভু রহিলা কাশাতে ।
 মায়াবাদিগণ তাঁরে লাগিলা নিন্দিতে ॥
 সন্ন্যাসী হইয়া করেন গায়ন নাচন ।
 না কবে বেদান্ত পাঠ, কবে সঙ্কীৰ্তন ॥
 মূৰ্খ সন্ন্যাসী নিজ ধর্ম নাহি জানে ।
 ভাবুক হইয়া ফেরে ভাবকের সনে ॥

তরুণ সন্ন্যাসীদের নিন্দাবাদ দুঃখিতাক্ষঃকরণে প্রভুক জানাইলেন। ইহা শুনিয়া প্রভু হাসিতে লাগিলেন, আর কোন উত্তর করিলেন না। প্রভু শ্রীবৃন্দাবনে চলিয়া গেলেন। তথা হইতে প্রত্যাবর্তনকালে পুনর্বার কাশীধামে আগমন করিয়া কার্যচ চন্দ্রশেখরের গৃহে অবস্থান করিতে লাগিলেন। সন্ন্যাসিগণ আবার প্রভুর দর্শন পাঠিলেন, আবার পূর্ববৎ তাঁহার নিন্দায় প্রবৃত্ত হইলেন। চন্দ্রশেখরের ও তপনামিশ্রের হৃদয়ে সেই নিন্দা শেলের মত প্রবিষ্ট হইল। তাঁহারা অত্যন্ত দুঃখিত হইয়া প্রভুক বলিলেন :—

কতক শুনিব প্রভু তোমার নিন্দন ।
 না পারি সহিতে এবে, ছাড়িব জীবন ॥
 তোমাকে নিন্দয়ে যত সন্ন্যাসীরগণ ।
 শুনিতে না পারি ফাটে হৃদয় শ্রবণ ॥

গম্ভীর হৃদয়ে শ্রীকৃষ্ণচৈতন্য তাঁহাদের মুখের দিকে চাহিয়া ইবংহাস্ত করিলেন, আর কিছুই বলিলেন না।

ইতোমধ্যে এক ব্রাহ্মণ এক সন্ন্যাসি-সভা আহ্বান করিয়া প্রভুকে তথায় পদার্পণ করিবার জন্ত অনুরোধ করিলেন। ইহা ভক্তদুঃখ অপ-নোদনকারী প্রভুরই চক্র। তিনি নিমন্ত্রণ স্বীকার করিলেন। দলে দলে মায়াবাদী সন্ন্যাসীর দল সেখানে আগমন করিলেন। তাঁহাদের নেত্রী মায়াবাদী সন্ন্যাসীগুরু শ্রীমৎ প্রকাশানন্দ সরস্বতী অতীব জাকজমকে সে সভায় আগমন করিলেন। মহাপ্রভু অতি দীনভাবে সন্ন্যাসি-সভায় পদার্পণ করিয়া সকলকে নমস্কার করিয়া আঙ্গিনার এক কোণে গিয়া পাদ প্রক্ষালন করিলেন এবং সেই খানেই দিনাতিদীন ভাবে বসিয়া পড়িলেন। কিন্তু অগ্নি কখনও লুকায়িত থাকে না এবং জগৎ-প্রকাশক দিবাকরেরও আত্মপ্রকাশের চেষ্টা করিতে হয় না ; উদয় মাত্রই সে আলোক সর্বত্রই ছুড়াইয়া পড়ে। তেজঃপুঞ্জ সমুন্নত সুদীর্ঘ স্বর্ণকান্তি বক্রণ সন্ন্যাসীর অরুণ কিরণে উপস্থিত সন্ন্যাসিগাত্রই বিমুক্ত হইয়া পরিলেন।

বসিয়া করিলা কিছু ঐশ্ব্যাপ্রকাশ।

মহাতেজোময় বপু কোটি সূর্য্যভাস ॥

প্রভাবে আকর্ষিল সব সন্ন্যাসীর মন।

উঠিলা সন্ন্যাসী সব ছাড়িয়া আসন ॥

শ্রীমৎ প্রকাশানন্দ অতি সঙ্কমে প্রভুকে আহ্বান করিলেন এবং সভামধ্যে সম্মানজনকস্থানে উপবেশন করিতে অনুরোধ করিলেন। তথাপি নম্রতা ও তুচ্ছতা স্বজীবনে প্রদর্শন করিয়া লোকশিক্ষা দেওয়ারই স্বীকার এই অবতারের প্রধান নীতি, তিনি দাঙ্গিক গর্কদর্পদৃষ্ট সন্ন্যাসী-দিগকে সেই সুশিক্ষা দিবার জন্ত অতি বিনীতভাবে বলিলেন, গিরি, পুরী, স্বরস্বতী, তীর্থ, আশ্রম, বন, অরণ্য, কানন পর্বত ও ভারতী এই দশ নামী সন্ন্যাসিগণের মধ্যে আমি সম্প্রদায় গোরবে অন্নি হীন ; ইহার উপরে শাস্ত্র জ্ঞানে একবারেই দরিদ্র। আপনাদের সহিত একত্র উপবেশন আমার পক্ষে শোভনীয় নহে। এই বলিয়া প্রভু নীরব হইলেন, প্রকাশ-

নন্দ তাঁহাকে অতীব সম্মান সহকারে হস্ত ধরিয়া সতামধ্যে বসাইয়া বলিলেন, আপনার নামই বৃষি শ্রীকৃষ্ণ চৈতন্য ? আপনি সুবিখ্যাত কেশব ভারতীর শিষ্য । আপনি আমাদের সাম্প্রদায়িক সন্ন্যাসী । ইহাতেও আপনি ধন্য । কিন্তু আপনি আমাদের সহিঃ সাক্ষাৎ করেন না কেন ? সন্ন্যাসী হইয়া ভাবুকদিগকে সঙ্গে লইয়া নর্ত্তন-সঙ্কীৰ্ত্তন করেন কেন ? সন্ন্যাসীর ধর্ম, বেদান্ত পাঠ, শ্রবণ মনন ও নিদিধ্যাসন—তাহা কি বা না করেন কেন ? নৃত্য কার্ত্তন করা, নামকীৰ্ত্তন করিতে করিতে রোদন করা, এসকল সন্ন্যাসীর কাব্য নহে,—ভাবুকের কাব্য । আপনার তেজঃ-পুঞ্জ আকার প্রভাব দেখিয়া যেন সাক্ষাৎ নারায়ণ বলিয়াই মনে হয় । কিন্তু ভাবুকের অনাচার কস্ম কস্মিয়া বেডান কেন ?

মহাপ্রভু করঘোড় পূর্বক অতীব বিনোদভাবে বলিলেন, ভ্রাপাদ, তবে শুনুন । আমি অসি মূর্খ, শাস্ত্র না জানিয়া সন্ন্যাস লইলাম । ইহাতে গুরুদেব রূপা করিয়া আমায় বলিলেন :—

মূর্খ তুমি হোমার নাহি বেদান্তাধিকার ।
কৃষ্ণমন্ত্র জপ সদা এই মন্ত্র-সার ॥
কৃষ্ণমন্ত্র হৈতে হয় সংসার-মোচন ।
কৃষ্ণনাম হৈতে পাবে কৃষ্ণের চরণ ॥
নাম বিনে কলিকালে নাহি আর ধর্ম ।
সর্ব মন্ত্র-সাব নাম এই শাস্ত্র মর্ম ॥

এই বলিয়া গুরুদেব আমাকে হরিনাম মন্ত্র জপ করিবার উপদেশ করিলেন । সেই নাম জপ করিতে করিতে উন্নত হইলাম । নামকীৰ্ত্তন করিতে করিতে কখনও হাসিতে লাগিলাম, কখনও কাঁদিতে লাগিলাম এইরূপে অধীর অজ্ঞান হইয়া পড়িলাম, গুরু-চরণে উপস্থিত হইয়া বলিলাম,—

কিবা মন্ত্র দিলা গোসাঞি কিবা তাঁর বল।

অগিতে অগিতে মন্ত্র করিল পাগল ॥

হাসায় নাচায় মোরে করায় ক্রন্দন।

গুরুদেব আমার কথা শুনিয়া গম্ভীর ভাবে বলিলেন, “ঠিক হয়েছে”।
ইহাই ঐ মন্ত্রের প্রকৃত ফল।

কৃষ্ণনাম মহামন্ত্রের এইত স্বভাব।

যেই অঙ্গে তার কৃষ্ণে উপজয়ে ভাব ॥

সরল ব্যাকুল অস্তরে দিন যামিনী শ্রীনাম মহামন্ত্র অগিতে অগিতে
হৃদয়ে শ্রীকৃষ্ণ প্রেমের উদয় হয়। এই প্রেমই পুরুষার্থ-শিরোমণি। এই
প্রেমই জীবের পরম প্রয়োজন, এই প্রেমানন্দসিকুঠি পঞ্চম পুরুষার্থ।
ব্রহ্মানন্দাদি যত কিছু আনন্দ আছে, ইহার তুলনায় উহার সিকুর তুলনায়
বিন্দুমান্দ। ইহাই কৃষ্ণ নামের ফল। তোমার অতি সৌভাগ্য, তুমি
সেই প্রেম পাইয়াছ।

কৃষ্ণ বিষয়ক প্রেমা পরম পুরুষার্থ।

যার আগে তৃণতুল্য চারি পুরুষার্থ ॥

পঞ্চম পুরুষার্থ প্রেমানন্দামৃত সিকু।

ব্রহ্মানন্দাদি আনন্দ যার নহে একবিন্দু ॥

গুরুদেব আরও বলিলেন :—

প্রেমার স্বভাবে করে চিন্ততমুকোত্ত।

কৃষ্ণের চরণ-প্রাপ্তো উপজায় লোভ ॥

প্রেমার স্বভাবে ভক্ত হাসে, কান্দে, গায়।

উন্মত্ত হইয়া নাচে, ইতি উতি ধায় ॥

শ্বেদকম্প রোমাঞ্চাশ্রু গদগদ বৈবর্ণ্য।

উন্মাদ বিবাদ ধৈর্য্য গর্ভ হর্ষ দৈন্ত ॥

এত ভাবে প্রেমা ভক্তগণেরে নাচার ।

কৃষ্ণের আনন্দামৃতসাগরে ভাসায় ॥

ভাল হৈল পাঠলে তুমি পরম পুরুষার্থ ।

তোমার প্রেমেতে আমি হৈলাম কৃতার্থ ॥

তুমি এই পরম পুরুষার্থ পাঠিয়াছ, ভালই হইয়াছ । শ্রীপাদ গুরুদেবের এই মহা উপদেশের মূলে শ্রীমদ্ভাগবতের “এবং ব্রতঃ স্বপ্রিয় নাম কীর্ত্ত্যা” ইত্যাদি বচন-প্রমাণ রহিয়াছে । আমি শ্রীগুরুর উপদেশে উৎসাহিত হইয়া মহাপ্রেমসাধক শ্রীকৃষ্ণ নাম কীর্ত্তন করি এবং তাহার বাক্যে দৃঢ় বিশ্বাস করি । আমি আপন ইচ্ছায় কীর্ত্তন করিনা, আপন ইচ্ছাতে নৃত্যও করি না ; শ্রীনামের প্রভাবে আমার এই অবস্থা ঘটিয়াছে ।

কৃষ্ণ নামে যে আনন্দ-সকু-আস্বাদন ।

ব্রহ্মানন্দ তার আগে খণ্ডোতক সম ॥”

মহাপ্রভু স্বীয় লীলার যে প্রেমানন্দ আস্বাদন করিয়াছেন, শ্রীপাদ রূপ-সনাতনকে তাহারই উপদেশ প্রদান করিয়া প্রেমের পঞ্চম পুরুষার্থত্ব-সিদ্ধান্ত দৃঢ় করিয়াছেন ।

সপ্তবিংশ অধ্যায়

গোপী-প্রেম

অতঃপরে প্রেম ক্রমে গাঢ় হইয়া যেরূপে স্নেহ-মান-প্রণয়-রাগ-অমুরাগ ভাব-মহাভাবের উদয় হয়, তিনি তাহারই বলিয়াছেন । শ্রীপাদরূপকে যেরূপ উপদেশ করিয়াছিলেন, এস্থলেও আবার সেই সকল উপদেশই তেমন ভাবেই বলিয়াছেন । এখানেও শাক্ত দাস্তাদি পঞ্চ প্রকার রতির কথা,

বিভাব অহুভাব, স্থায়ীভাব, ব্যভিচারি ভাব, সাত্ত্বিক ভাব, আলম্বন উদ্দীপন প্রভৃতির কথা বলিয়াছেন। এই সকল বিষয় ভক্তিরসামৃত সিদ্ধু-গহ্ব হইতে উদ্ধৃত করিয়া শ্রীরূপ-শিক্ষামৃতে ও তৎপূর্বে শ্রীরায় রামানন্দগ্রন্থে আলোচনা করা হইয়াছে। এস্থলে মধুর রসের রূঢ় ও অধিরূঢ় ভাবের কিঞ্চিৎ বিস্তৃত আলোচনা না করিলে প্রেমতত্ত্বের পরিস্ফুটতা হইবে না। সুতরাং যদিও ইতঃপূর্বে গম্ভীরায় শ্রীগৌরানন্দ গ্রন্থাদিতে রূঢ়ভাব ও অধিরূঢ় ভাবের সবিশেষ আলোচনা করা হইয়াছে এবং শ্রীমন্নহাপ্রভু গম্ভীরা লীলায় কি প্রকারে গোপীভাব এবং রাধাভাবের পরাকাষ্ঠা প্রদর্শন করিয়া মাদন মোহন প্রভৃতি ভাবেই যে উজ্জল উদাহরণ দেখাইয়াছেন তাহার কিঞ্চিৎ আভাস উক্ত গ্রন্থে আলোচিত হইয়াছে তথাপি এস্থলে আবার উজ্জল নীলমণি গ্রন্থানিহিত প্রেমতত্ত্বের এই সকল ভাবেই যৎকিঞ্চিৎ আলোচনা করা প্রসঙ্গক্রমে প্রয়োজনীয় বলিয়া বোধ হইতেছে।

শ্রীমন্নহাপ্রভু শ্রীপাদ সনাতনকে ব্রহ্মরসের অকাল রস সম্বন্ধে উপদেশ দেওয়ার পরে ভাব ও মহাভাবের কথা উল্লেখ করেন। মধুরা রতিতে ভাব ও মহাভাব উচ্চতর ও উচ্চতম অবস্থা। অহুরাগ ভাবের চরমসীমা প্রাপ্ত হয়। অহুরাগের মহাশ্রয় ভাব। এই অহুরাগের কথা বলিতে হইলে গোপী-প্রেমের কথা বলিতে হয়। গোপী প্রেম কি বস্তু, তাহা বলিয়া বুঝাইবার উপায় নাই। সুরাসিক প্রেমিক ভক্তগণ আদি পুরাণ হইতে গোপী-প্রেমামৃতের দুই একটি কথা তুলিয়া ভক্তগণকে তাহা বুঝাইতে চেষ্টা করিয়াছেন। শ্রীচরিতামৃতের চতুর্থ অধ্যায়ে গোপীপ্রেমের মাহাত্ম্য যৎকিঞ্চিৎ বর্ণিত হইয়াছে।

কামগন্ধহীন স্বাভাবিক গোপী-প্রেম।

নির্মল উজ্জল শুদ্ধ যেন দধি হেম ॥

কৃষ্ণের সহায় গুরু, বান্ধব, প্রেমসী।

গোপিকা হইলেন প্রিয়া শিক্ষা, সখী, দাসী ॥

গোপিকা জানেন কৃষ্ণের মনের বাহিত ।

প্রেম-সেবা-পরিপাটি ঠেঠ-সেবা-সমাহিত ॥

তথাপি গোপীপ্রেমামুরে :—

সত্যায় সুরবঃ শিষ্টা ভূত্বা বাক্ববা স্মিয়ঃ ।

সত্যং বদানি তে পার্থ গোপ্যঃ কিং নে ভবন্তি ন ॥

মন্মাহাত্ম্যং মংসপযাং মংশ্রদ্ধাং মন্মনোগতং ।

জানন্তি গোপিকাঃ পার্থ নান্তে জানন্তি তত্ত্বতঃ ॥

গোপিকাগণ আমার সত্য, সুর, শিষ্ট, ভোগ্যা, বাক্ব, স্মী ।
হে পার্থ, আমি তোমাতে সত্য বলিতেছি, গোপিকাগণ আমার যে কি
নয়, তাহা আমি বলিতে পারিব না । অর্থাৎ আমার সকলই ।

হে পার্থ, গোপিকাগণ আমার মন্মাহাত্ম্য, মনসপযা, মনশ্রদ্ধা
এবং আমার মনোগত তত্ত্বতঃ জানেন ; অন্য কেহ জানে না ।

শ্রীভাগবতে শ্রীভগবান্ দত্তান বহুশ্লে গোপী প্রেমের কথা উল্লেখ
করিয়াছেন । দশমস্কন্ধে শ্রীরাঙ্গালাকার ৩৩ অধ্যায়ে প্রেমিক ভগবান্ শ্রীকৃষ্ণের
শ্রীমুখোক্তি এই যে,—

এবং মদর্ণোজ্জ্বলং লোকবেদ-

স্বানাং হি নো মদ্যন্তুবৃত্তয়েহবলাঃ ।

ময়া পরোক্ক্ষং ভজনা তিরোহিঃ

মাস্থদ্বিতং মাহিত তৎ প্রিয়ং প্রিয়াঃ ॥

হে অবলাগণ, যে তোমরা আমার জন্ম লোক বেদ পরিত্যাগ করিয়াছ,
আমি তোমাদিগের নিরন্তর সেই ধ্যান-প্রবাহ-সম্পাদনার্থ 'ও প্রেমালাপ
শ্রবণ করিবার নিমিত্ত নিকটে থাকিয়াই অক্লান্ত হইয়াছিলাম । অতএব
হে প্রিয়াগণ, আমি তোমাদির প্রিয় ; আমার প্রতি দোষারোপ করিও না ।

হা মনস্বা মংপ্রাণা মদর্থে ত্যক্তদৈহিকাঃ ।

মামেবং দম্বিতং প্রেষ্ঠমাত্মানং মনসা গতাঃ ॥

মথুরানগরে উদ্ধবকে শ্রীভগবান্ কহিলেন, গোপিকাদিগের মন আমাতে, গোপিকাগণের প্রাণ আমি ; গোপিকাগণ আমার জন্ত পতি পুত্রাদি সমস্ত পরিত্যাগ করিয়াছেন এবং তাঁহারা ব্রজে থাকিয়াও পরম প্রিয় আমাকে মনের দ্বারা প্রাপ্ত হইয়াছেন ।

আর অধিক বলিবার প্রয়োজন নাই ; প্রকৃত প্রেমিকের মুখে গোপী-প্রেম মাহাত্ম্য কীর্তিত হইয়াছে । জগতে এ প্রেমের তুলনা নাই । যদি শ্রীভগবানের উপাসনার জগতে কোন শ্রেষ্ঠ পন্থা থাকে তবে তাহা—প্রেম ।*

অষ্টাবিংশ অধ্যায়

মহাভাব

কিন্তু এই প্রেমের প্রকৃত আশ্রয় গোপী-হৃদয় ভিন্ন অন্যত্র এলিঙ্গন নয় । প্রেমের পরাকাষ্ঠা নাটকে নভোলেও দেখিতে পাওয়া যায় কিন্তু কামগন্ধ-হীন প্রেম অন্য কোথাও দেখিতে পাওয়া যায় না । এইরূপ প্রেমের উদাহরণ কেবল ব্রজগোপীতেই সম্ভবপর । উজ্জল নীলমাণি গ্রহে যাহা মহা-

* কবিবর বাইরন লিখিয়াছেন;—

“Yes, Love indeed is Light from heaven :
 A spark of that immortal fire
 With angels shared, by Alla given
 To lift from earth our low desire.
 Devotion wafts the mind above,
 But Heaven itself descends in love :
 A feeling from the Godhead caught,
 To wean from self each sordid thought ;
 A Ray of him who form'd the whole ;
 A Glory circling round the soul !

ভাব বলিয়া অভিহিত হইয়াছে, তাহা প্রেমের অতি উচ্চতম অবস্থা।
উজ্জ্বল নীলমণি গ্রন্থে লিখিত হইয়াছে :—

মুকুন্দ মহিবীবৃন্দৈরপ্যসাবতি দুর্লভঃ

ব্রজদেবোকসংবেগো মহাভাবাখ্যায়োচাতে ॥

উল্লিখিত এই ভাব শ্রীকৃষ্ণের মহিবী সকলে অতিশয় দুর্লভ, কেবল
ব্রজসুন্দরীগণেরই সম্বন্ধে অর্থাৎ ব্রজসুন্দরীসকলেই সম্ভব হয়, ইহা মহা-
ভাব নামে কথিত হইয়া থাকে।

এই মহাভাব ক্রুৎ এবং অধিক্রুৎ নামে দুই প্রকার।

বরামৃতধরুপশ্চাঃ স্বং ধরুপং মনোনয়েৎ ।

স ক্রুৎশ্চাধিক্রুৎশ্চেতুচ্যতে দ্বিবিধো বৃটেঃ ॥

এই মহাভাব শ্রেষ্ঠ, অমৃতের তুলা, স্বরূপসম্পত্তি ধারণ করিয়া চিত্তকে
নিম্ন স্বরূপে প্রাপ্ত করায়। পণ্ডিতগণ এই ভাবকে ক্রুৎ এবং অধিক্রুৎ নামে
দুই প্রকারে ভেদ করিয়া থাকেন।

যে মহাভাবে সাহিত্যিক ভাবে সকল উদ্দীপ্ত হয়, তাহাকেই ক্রুৎভাব কহে।
উজ্জ্বল নীলমণি গ্রন্থে ইহার যে উদাহরণ দেওয়া হইয়াছে তাহাতে দেখা
যায় যে, রাসরসনিমগ্না গোপীগণের স্বরভঙ্গ, কম্প, রোমাঞ্চ, বাষ্প, স্তম্ভ
ইত্যাদি সাহিত্যিক ভাব উদ্দীপ্ত হইয়াছিল। উহা তইতেই গোপীপ্রেমে
ক্রুৎ ভাব পরিলক্ষিত হয়। অনুভবের দ্বারা এই ভাবের প্রকাশ জানা যায়।
এই ক্রুৎ ভাবের অনুভব (expression of feelings) সমূহে এই :—

নিমেষাসহতাসন্নজনতাহুদ্বিলোড়নং ।

কল্পকণ্ডং শিরঃ তৎসোখোহপ্যার্তিশঙ্করা ।

মোহাণ্ডভাবেহ প্যাখাদি-সর্কবিস্মরণং সদা ।

ক্ষণশ্চ কল্পতেহত্যাগা যত্র যোগবিরোগয়োঃ ॥

যাহাতে নিমেষের অসহিকুতা, আসন্নজনসমূহের হৃদয় বিলোড়ন
কল্পকণ্ড, শ্রীকৃষ্ণের সখ্যেও আর্তি আশঙ্কার কীর্ণত, মোহাদির অভাবেও

আত্মাদি সৰ্ব বিস্মরণ, ক্ষণকল্পতা ইত্যাদি অননুভাবের যোগ ও বিরোধে রূঢ়-
ভাব যথাযথ হইয়া থাকে ।

অতঃপরে অধিক্রম্ভ ভাবের লক্ষণ বলা যাউতেছে—

রূঢ়োক্তেভ্যোহনুভাবেভ্যঃ কামপ্যাপ্তা বিশিষ্টত্বাং ।

যত্রানুভাবা দৃশ্যন্তে সোহধিক্রম্ভো নিগত্বতে ॥

যাহাতে রূঢ় ভাবোক্ত অননুভাবসকল হইতে সাদৃশিক ভাবসকল কোন
বিশিষ্ট দশা প্রাপ্ত হয়, তাহাকে অধিক্রম্ভ বলে । ইহার একটা উদাহরণ
দেওয়া যাউতেছে :—

লোকতীত্বমজাগ্রকোটিগমপি ত্রৈকালকিং যৎসুখং ।

দুঃখক্ষেতি পৃথগ্ যদি শূটমুভে তে গচ্ছনঃ কূটত্বাং ॥

নৈবাভাসতুলাং শিবে তদপি তৎকূটদ্বয়ং রাধিকা ।

প্রেমোদ্বৎসুখদুঃখসিক্কুভবয়ো বিন্দেত বিন্দোরপি ॥

এক দিবস পার্শ্বতী শ্রীরাধার প্রেমবিশিষ্টতার বিক্রম জিজ্ঞাসা করিলে
ভগবান্ মহেশ্বর কহিলেন, হে শিবে, লোকতীত্ব অর্থাৎ বৈকুণ্ঠ গত তথা
কোটি কোটি ব্রহ্মাণ্ডগত ত্রিকাল সম্বন্ধীয় সুখদুঃখ যদি ভিন্ন ভিন্ন রূপে
রাণীকৃত হয়, তাহা হইলে এই দুই—শ্রীরাধার প্রেমোদ্বৎসুখদুঃখসিক্কুর
বিন্দুও ধারণ করিতে পারে না ।

এই অধিক্রম্ভ মহাত্ম্য দুই প্রকার—মোদন ও মাদন । মোদনের
লক্ষণ এই যে, যে অধিক্রম্ভ ভাবে শ্রীরাধামাধবের সাদৃশিক ভাব সকলের
উদয় হয়, তাহারই নাম মোদন । মোদন ও মাদন উভয়েই সম্বোধনে
পরিচালিত হয় । মাদনের লক্ষণ এই যে,—

সৰ্বভাবোদগমোন্নাসী মাদনোহন্নং পরাং পরঃ ।

রাজতে হ্লাদিনীসারো রাধায়ামেব যঃ সদা ॥

হ্লাদিনীসার অর্থাৎ প্রেম সৰ্ববিধ ভাবের উদগমে উন্নাসী হইলে

তাহাকে মাদন বলে।^১ যে মাদন পরাংপর অর্থাৎ উৎকর্ষের চরমসীমায় উপস্থিত, যাহা একমাত্র শ্রীরাধিকাতে বিরাজমান।

মদী ধাতুর অর্থ হর্ষ ; মাদন ও মোদন শব্দ দুইটা মদী ধাতু হইতে উৎপন্ন। সুতরাং এই উভয়ই সম্ভোগের ব্যাপার। কিন্তু ইহারা শ্রীরাধিকায়ুথ ভিন্ন অণুত্র সম্ভবপর হয় না। এই শ্রীমামোদনই ফ্লাদিনীশক্তির প্রিয়বর শ্রেষ্ঠ বিলাস। চন্দ্রাবলীতেও মোদন-বিলাস পরিলক্ষিত হয় না।

রাধিকায়ুথ এবাসৌ মোদনো নতু সর্বতঃ।

যঃ শ্রীমানা ফ্লাদিনী শব্দেঃ সুবিলাসঃ প্রিরোবরঃ ॥

সম্ভোগে যেমন মোদন ও মাদন, বিরহে আবার তেমন মোহন দশার আবির্ভাব হয়। সম্ভোগে বাহা মোদন, বিশ্লেষে বা বিরহে আবার তাহাই মোহন, যথা :—

মোদনোহরঃ প্রবিশ্লেষ-দশায়ঃ মোহনো ভবেৎ।

যস্মিন্ বিরহ বৈবশ্যঃ সুদীপ্তা এব সাত্ত্বিকাঃ ॥

বিশ্লেষ অবস্থায় এই মোদনকে মোহন বলে। যাহাতে বিরহ বৈবশ্যাত-হেতু সাত্ত্বিক ভাব সকল সুদীপ্ত হয়।

এই মোহন অবস্থার অনুল্লাবগুলি নিম্নলিখিত শ্লোকে বর্ণিত হইয়াছে।

অত্রাহুভাবা গোবিন্দে কান্তান্নিষ্টোহপি মূর্ছনা।

অসহ্যদুঃখ স্বীকারাদপি তৎসুখ কামতা।

স্বভূতৈরপি তৎসঙ্গতৃষ্ণা মৃত্যুপ্রতিশ্রবাৎ।

দিব্যোন্মাদাদয়োহপ্যন্তে বিদ্বদ্ভিরনুকীর্ণিতাঃ।

প্রায়ো বৃন্দাবনেশ্বর্যাং মোহনোহয়মুদকতি।

সমাখিলক্ষণঃ যস্য কার্যং সঞ্চারি মোহতঃ।

এই মোহনভাবে কাহালিঙ্গিত শ্রীকৃষ্ণের মূর্ছা, অসহ্য দুঃখ স্বীকার করিয়াও শ্রীকৃষ্ণ-সুখের কামনা, ব্রহ্মাণ্ডক্ষেত্রকারিতা, পক্ষিপ্রভৃতির রোদন, মৃত্যুস্বীকারপূর্বক নিজ শরীরস্থ ছুত দ্বারা শ্রীকৃষ্ণসঙ্গে তৃষ্ণা এবং

দিব্যোন্মাদাদি বহু বহু অমুভাব পণ্ডিতগণ কীর্তন করিয়া থাকেন। বৃন্দাবনেশ্বরীতেই এই মোহন ভাব প্রকাশ পায়, সকারি মোহেতেও ইহার কার্য বিলক্ষণ হইয়া থাকে।

অসহ্য দুঃখস্বীকারপূর্বক কৃষ্ণসুখ-কামনার উদাহরণ, যথা :—

শ্রামঃ সৌখ্যং যদপি বলবদেগাঠমাশ্বে মুকুন্দে
যত্নানপি ক্ষিতিক্রদয়তে তস্ম মাগাং কদাপি ।
অপ্রাপ্তেহশ্মিন্ যদপি নগরাদাষ্টিকুগ্রে ভবেন্নঃ
সৌখ্যং তস্ম ক্ষুরতি হৃদিচেত্তত্র বাসং করোতু ॥

ব্রহ্ম হইতে মথুরায় আগমন কালীন উদ্ধব অিজ্ঞাসা করিলেন, রাধে, তোমার প্রিয়কে কি সন্দেশ উপহার দিব, এতৎ শ্রবণে শ্রীরাধা হাস্যবদনে উদ্ধবের প্রতি কহিলেন, হে উদ্ধব, যদিও শ্রীকৃষ্ণ গোষ্ঠে গমন করিলে আমার সুখ হয় বটে, তাহাতে যদি তাঁহার কিঞ্চিন্মাত্রও ক্ষতি হয় তবে তিনি যেন কখনই না আইসেন। আর তিনি মথুরা নগর হইতে না আসিলে যদিও আমাদের গুরুতর পীড়া হয়, কিন্তু তাহাতে যদি তাঁহার চিন্তে সুখোদয় হয়, তবে সেই স্থানেই চিরকালবাস করুন।

ব্রহ্মাণ্ড কোভকারিত্বের উদাহরণ, যথা :—

নারং চ্চক্রোশ চক্রং ফণিকুলমভবদ্ব্যাকুলং শ্বেদমূহে
বৃন্দং বৃন্দারকাণাং প্রচুরমুদমুচন্নশবৈকুঠভাজঃ ।
রাধায়ান্শিভ্রমীশ ভ্রমতি দিশি দিশি প্রেম-নিশ্বাস-ধূমে
পূর্ণানন্দেহপ্যুষিত্বা বহিরিদমবহিষ্ঠাষ্টমাসীদজ্ঞাণ্ডম্ ॥

ব্রহ্মাণ্ড পদটী উদাহরণে আছে। এতদ্বারা বৈকুঠ লোকেরও উপলক্ষণ জানিতে হইবে, মোহনরস চিহ্নিত্বিসার। এইজন্য ইহা চিহ্নিত্বিত্তেও বিক্রম প্রকাশ করে।

ব্রহ্মস্থিতা শ্রীরাধা প্রোষিতভর্তৃকা অবস্থা প্রাপ্ত হইলে যখন তাঁহার মোহভাবের উদ্বেক হইল, তখনই প্রাকৃতাপ্রাকৃত লোক সমূহের কোভ

অবলোকন করিয়া এবং আপনিও সেই ভাব অনুভব পূর্বক নান্দীমুখী শান্ত্র দ্বারকা গমন করিয়া শ্রীকৃষ্ণকে নিবেদন করিয়া কহিলেন হে ঈশ, শ্রীরাধার প্রেমনিশ্বাসধম চতুর্দিকে ভ্রমণ করিলে ব্রহ্মাণ্ড মধ্যে, যে আশ্চর্য ঘটনা হইয়াছিল, তাহা বলি শ্রবণ কর,—তদর্শনে নরসমূহ উচ্চরূপে রোদন করিতে লাগিলেন, ফণিকুল ব্যাকুল হইল, দেববৃন্দ স্বেদ বহন করিতে লাগিলেন এবং বৈকুণ্ঠস্থিতা লক্ষ্মী প্রভৃতিরও অশ্রু গোচন হইল, এইরূপ ব্রহ্মাণ্ডের অন্তর্বাহ্য সমুদায় পূর্ণানন্দে বাস করিয়াও অতিশয় পীড়িত হইয়াছিল।

বৈকুণ্ঠোমাং কটুরপি কথং দুর্বলেনোরসা মে

তাপঃ প্রোঢ়ো হরিবিরহজঃ সহ্যতে তন্ন জানে ।

নিষ্কান্তা চেদ্রুবতি হৃদয়াগ্ৰস্য ধুমচ্ছটাপি

ব্রহ্মাণ্ডানাং সপি কুলমপি জালয়া জাজ্বলীতি ॥

শ্রীরাধা কহিলেন, হে সখি, শ্রীকৃষ্ণের বিরহানল বাডবানল হইতেও কটুতর, কিরূপে যে সহ্য করিতেছি, তাহা জানিতে পারিতেছি না। বোধ করি যদি ঐ তাপের ধুমচ্ছটাও আমার হৃদয় হইতে বহির্গত হয়, তবে এ ব্রহ্মাণ্ডের সমুদয়ই ঐ জ্বালাতে জলিয়া যাইবে।

তির্যাক্ জাতির রোদন যথা পশ্চাবলীতে :—

যাতে দ্বারবতী পুরং মধুরিপৌ তদ্বন্দ্বসংব্যানয়া

কালিন্দীতটকুঞ্জবকুল লতাগালহ্য সোৎকণ্ঠয়া ॥

উদগীতং করু বাম্পগদগদালস্তারস্বরং রাধয়া

যেনাস্তজলচারিতির্জলচরৈরপুংকমুং কুঞ্জিতম্ ॥

নান্দীমুখী অশ্রুমোচন করিতে করিতে শ্রীরাধার চেষ্টিত পৌর্ণমাসীকে নিবেদন পূর্বক কহিলেন, হে দেবি, শ্রীকৃষ্ণ দ্বারকা গমন করিয়াছেন— এই বার্তা শ্রবণ করিয়া শ্রীরাধা শ্রীকৃষ্ণের পীতবসন দ্বারা গাঢ়াচ্ছাদন পূর্বক কালিন্দীকুলস্থ কুঞ্জের মনোহর লতা অবলম্বন করিয়া বাম্পমোচন

পুরঃসর গদগদ উচ্চৈঃস্বরে এরূপ গান করিয়াছিলেন যে, যাহার শ্রবণে
জলমধ্যচারী মৎস্য মকর প্রভৃতি জলজন্তুগণও অতিশয় ধ্বনি করিয়াছিল।

মৃত্যু স্বীকার পূর্বক নিঃসদেহস্থ ভূতদ্বারা শ্রীকৃষ্ণের সঙ্গতৃষ্ণা যথা
পাঠ্যাবলীতে :—

পঞ্চস্বং তস্মৈ তু ভূতনিবহাঃ স্বাংশে বিশস্ত স্মুটং ।

ধাতারং প্রণিপত্য হস্ত শিরসা তত্রাপি যাচে বরং ।

তদ্বাপীষু পরশুদীয়মুকুরে জ্যোতিত্তদীয়ান্নন-

ব্যোমি ব্যোম তদীয় বজ্রানি ধরা তত্তালবৃন্তেহনিলঃ ॥

শ্রীরাধা ললিতাকে কহিলেন, সখি, শ্রীকৃষ্ণ যদি না আগমন করেন,
তবে নিশ্চয় আমি তাঁহাকে প্রাপ্ত হইব না এবং তিনিও আমাকে প্রাপ্ত
হইবেন না, অতএব অতি কষ্টে এতনু রক্ষা করার কোন প্রয়োজন নাই,
আমি ইহা পরিত্যাগ করিলে তুমিও আর যত্ন করিয়া এদেহ রক্ষা করিওনা,
ইহা পঞ্চস্ব লাভ করিয়া স্পষ্টরূপে আকাশাদি স্বস্বভূতে গিয়া প্রবিষ্ট
হউক । আমি মন্তক দ্বারা প্রণাম পূর্বক বিধাতাকে এই একটা বর প্রার্থনা
করিতেছি, যেন শ্রীকৃষ্ণের বিহার-দীঘিকাতে এই দেহের জল, তাঁহার
দর্পণে ইহার অনল, তাঁহার প্রাঙ্গনাকাশে ইহার আকাশ, তাঁহার গমনা-
গমন পথে ইহার পৃথিবী এবং তদীয় তালবৃন্তে যেন ইহার বায়ু প্রবেশ করে ।

দিব্যোন্নাদের উদাহরণ যথা :—

এতস্ম মোহনাখ্যস্ত গতিং কামপ্যুপেয়ুষঃ

ব্রমাতা কাপি বৈচিত্রী দিব্যোন্নাদ ইতীর্ষ্যতে ।

উদ্বর্ণা চিত্তজ্ঞাতাস্তদ্বন্দ্বো বহবো মতাঃ

স্যাৎখিলক্ৰমদ্বর্ণা নানা বৈবশ্চচেষ্টিতম্ ॥

কোন অনির্কচনীয় রূপ্তিবিশেষ প্রাপ্ত এই মোহন ভাবের ভ্রম সদৃশ
বৈচিত্রীদশা লাভ হইলে পণ্ডিতগণ তাহাকেই দিব্যোন্নাদ বলিয়া থাকেন ।
ইহাতে চিত্তজ্ঞ প্রভৃতি বহু বহু প্রকার ব্যাপার হইয়া থাকে । এই

দিব্যোন্মাদে উদ্বর্ণা ও নানা প্রকার বিলক্ষণ বৈবশ্চেষ্ট্যকেই উদ্বর্ণা বলে ;
উদাহরণ যথা :—

শয্যাং কুঞ্জগৃহে কচিদ্ধিতমুতে সা বাসসজ্জায়িতা
নীলাব্রং ধৃতখণ্ডিতা ব্যবহৃতিশ্চণ্ডী কচিস্তজ্জতি
আবর্ণতাভিসার-সংভ্রমবতী ধ্বান্তে কচিদারুণে
রাধা তে বিরহোদ্ভ্রম-প্রমথিতা ধন্তে ন কাং-বা দশাম্ ॥

শ্রীকৃষ্ণ কর্তৃক বৃত্তান্ত জিজ্ঞাসিত হইলে উদ্ধব কহিলেন, হে বন্ধো, শ্রীরাধা তোমার বিরহোদ্ভ্রমে ব্যথিতা হইয়া কোন্ কোন্ দশাই বা ধারণ না করিলেন ? তিনি ভ্রান্তা হইয়া কখন বাসকশ্যার গৃহ কুঞ্জগৃহে শয্যা রচনা করিতেছেন, কখন খণ্ডিতাভাব অবলম্বন পূর্বক অতিশয় কোপনা হইয়া নীল মেঘকে তর্জন করিতেছেন, কখন বা অভিসারিকা হইয়া নিবিড়ান্ধকারে ভ্রমণ করিতেছেন, তাই বলি প্রেমের গতি অতি বিচিত্রা ।

লালিত মাধবের তৃতীয়োঙ্কে শ্রীকৃষ্ণের মথুরাগমনের পর শ্রীরাধার এই উদ্বর্ণা ভাব স্পষ্টরূপে বর্ণিত হইয়াছে । এখন চিত্রজন্মের কথা বলা হইতেছে :—

চিত্রজন্ম ।

প্রেষ্ঠস্য সুহৃদালোকে গূঢ়রোষাভি জুস্তিতঃ ।
ভূরি ভাবময়ো জন্মো যস্তীত্রোংকণ্ঠীতাস্তিমঃ ।
চিত্রজন্মো দশাঙ্কোহয়ং প্রজন্মঃ পরিজন্মিতং ।
বিজন্মোজ্জন্মসংজন্মা অবজন্মোহভিজনিতং ।
আজন্মঃ প্রতিজন্মশ্চ সুজন্মশ্চেতি কীর্তিতাঃ ।
এষ ভ্রমরগীতাখ্যো দশমে প্রকটীকৃতঃ ॥

প্রিয়তম ব্যক্তির সুহৃদের সহিত দেখা হইলে গূঢ়রোষ বশতঃ যে ভূরি ভাবময় জন্ম হয়, তাহার নাম চিত্রজন্ম । ইহার অন্তে তীব্র উৎকর্ষা

হইয়া থাকে। এই চিত্রজন্মের অঙ্গ দশ প্রকার। প্রজন্ম, পরিজন্ম, বিজন্ম, উজ্জন্ম, সংজন্ম, অবজন্ম, অভিজন্ম, আজন্ম, প্রতিজন্ম এবং সুজন্ম।

এই দশাঙ্গ চিত্রজন্ম দশমস্কন্ধে ৪৭ অধ্যায়ে ভ্রমরগীতে প্রকটিত আছে। যদিও এই চিত্রজন্মের ভাব অসংখ্য এবং ভাববৈচিত্রী চমৎকার বলিয়া সুদূতর তথাপি কিঞ্চিৎ বর্ণন করা হইতেছে।

অনুয়েষ্যানননুজা যোহবধীরণমুদ্রয়া।

প্রিয়স্নাকোশলোদগারঃ প্রজন্মঃ স তু কীর্ত্যতে ॥

অনুয়া, ঈর্ষ্যা এবং মদযুক্ত অবজ্ঞামুদ্রা দ্বারা প্রিয়ব্যক্তির যে অকোণ-লোদগার তাহার নাম প্রজন্ম। যথা দশমে ৪৭ অধ্যায়ে ১০—১৯ শ্লোক পর্যন্ত চিত্রজন্মের উদাহরণ দৃষ্ট হয়। এহলে প্রজন্মের উদাহরণ এই যে—

মধুপ কিতববক্কো মাম্পৃশাজিঘ্ৰুং সপত্ন্যাঃ

কুচবিলূলিতমালা কুক্কনশ্মশ্ৰুতি নঃ।

বহতু মধুপতিস্তুন্নানিনানাং প্রসাদং

যতুসদসি বিড়ম্ব্যং যস্মা দূতস্বমীদৃক্ (১) ॥

স্বীয় কাস্তের পরম সুহৃদু অথচ তদীয় সন্দেশচারী উদ্ধব মথুরা হইতে বৃন্দাবনে আগমন করিলে, গোপীগণ শ্রীকৃষ্ণের প্রেরিত দূতবোধে তাঁহাকে নির্জনে লইয়া গিয়া আসন প্রদান পূর্বক উপবেশন করাইলেন। পরে বিবিধ সৎকার দ্বারা সম্মানিত করিলে পর তন্মধ্যে উদ্ধবদর্শনে বৃষভাতুজার গুঢ় অনুয়া, গর্ভ, ঈর্ষ্যা, অনাদর এবং উপহাসাদিময় দিব্যোন্মাদরূপ চিত্রজন্ম ভাব উদ্ভিত হইল। তাহাতে শ্রীরাধা অধীরা হইয়া উদ্ধবকে ভ্রমররূপে অনুমান করিয়া মনোমধ্যে বিচার করিলেন, এত ভ্রমর আমার চরণ কমলের সৌরভ লোভে ভ্রমণ করিতেছে, বোধ করি আমার কাস্ত আমাকে উপেক্ষা করিয়া যে অপরাধ করিয়াছেন, তাহা মার্জনাভিলাষে আমাকে অনুন্নয় করিবার নিমিত্ত এই দূত প্রেরণ করিয়াছেন, তাহাতেই এই দূত প্রণাম

করিতেছে। দিব্যোন্মাদবশতঃ শ্রীরাধা এই অবধারণ করিয়া উদ্ধত মনে কহিতে লাগিলেন :—

ওহে মধুপ, তুমি কিতবের অর্থাৎ ধূর্তের বন্ধু, যদি বল শ্রীকৃষ্ণ কি প্রকারে কিতব হইলেন, তাহার কারণ এই যে, যৎকালীন রাসগোষ্ঠীতে তিনি আমাদের সহিত বিহার করিয়াছিলেন, সেই সময়ে কহিয়াছিলেন, “এবং মদর্থোজ্জ্বিতলোক বেদ” অর্থাৎ তোমরা আমার নিমিত্ত লোকবেদ সকল বিসর্জন দিয়াছ ইত্যাদি পণ্ডে এবং “ন পারয়েহং নিরবতসংযুজাং” এবং মথুরা প্রস্থানে আয়াশ্চ ইতি দৌত্যকৈঃ” এই সকল পণ্ডে যে সত্য কহিয়াছিলেন, তাহার ব্যভিচার করিয়াছেন এইজন্য তিনি বঞ্চক, তুমি তাহার বন্ধুভারূপ দৌত্যকরণে আসিয়াছ, অতএব আমার চরণ স্পর্শ করিও না। যদি বল আমাকে চরণ স্পর্শ করিতে নিষেধ করিতেছ কেন? তাহার কারণ এই, তুমি মধুপ অর্থাৎ মগ্ধপায়ী; মগ্ধপের স্পর্শে চরণের অপবিত্রতা ঘটবে অতএব তোমার যদি প্রণাম করিতে অভিলাষ থাকে তবে দূরে গমন করিয়া প্রণাম কর। যদি বল আমি নির্দোষ আমার প্রতি কেন মিথ্যা মগ্ধপ-পরিবাদ করিতেছ? ওহে ইহা পরিবাদ নয়, কিন্তু যথার্থই বলিতেছি, আমার সপত্নীর কুচদ্বয়ে শ্রীকৃষ্ণের বক্ষঃস্থল সঙ্ঘর্ষণ হেতু বিলুলিতা যে শ্রীকৃষ্ণের বনমালা আছে, তুমি তাহাতেই বসিয়া মকরন্দ পান করিয়াছ, তাহাতেই তোমার শ্মশ্রু পীতবর্ণ হইয়াছে, অতএব স্পর্শ করিও না, আমি মানিনী, আমাকে অনুন্নয় করিতে আসিয়াছ, তোমার এই অবস্থা দেখিয়া আমার মানের বৃদ্ধি ভিন্ন উপশম হইতেছে না। যদি বল, যাহা তাহা হউক, তুমি প্রসন্ন হও, ইহাতে বক্তব্য এই, তুমি মধুপ অর্থাৎ মগ্ধাপালক, তথায় গমন করিয়া আপনার প্রভুর মন্য পালন কর। তুমি ঐ কার্যেই পটু; দৌত্য কর্মে তোমার পটুতা নাই, অতএব তুমি নিরক্ষুদ্বি।”

ভ্রমরের অভিপ্রায় এই যে “যদি এই প্রকার হইল, তবে সম্প্রতি আমি মথুরা গমন করি, সেই গোপেন্দ্রনন্দন স্বয়ং আগমন করিয়া তোমাকে প্রসন্ন

করিবেন।” তাহাতে শ্রীরাধা কহিলেন, ওহে এক্ষণে তিনি মধুপতি অর্থাৎ যাদবগণের পতি হইয়াছেন, ব্রজেশ্বরীর গর্ভজাতত্ব প্রযুক্ত গোপজাতি হইয়াও ভাগ্যক্রমে ক্ষত্রিয়তা লাভ করিয়াছেন; এতএব সেই মানিনী ক্ষত্রিয় স্ত্রীগণের প্রসাদ বহন করুন। আমরা নিকৃষ্ট জাতি—গোপ স্ত্রী, আমাদেরকে প্রসন্ন করিলে কি হইবে? মধুবংশীয় স্ত্রীগণের বহুত্বপ্রযুক্ত সকলগুলিই তাঁহার উপভুক্তা, একজনকে প্রসন্ন করিলে অন্তর্জনের ক্রোধোৎপত্তি হইবে। এইরূপ অনবরত প্রসন্ন করিতে করিতে তাঁহার কালক্ষেপণ হইতে পারে, আমার নিকট আসিতে তাঁহার অবকাশ কষ্ট। ওহে ভ্রমর, যদি এরূপ বল, তিনি সর্বসৌভাগ্যানিধি, তাঁহাকে এরূপ কথা বলিতে হয় না, যদি তোমাতে মান না থাকিত তবে কেন আমাকে দূত করিয়া প্রেরণ করিলেন?

ওহে ভৃঙ্গ, ইহার বৃত্তান্ত শুন, ইহার দূত এই প্রকার অর্থাৎ ক্ষত্রিয় স্ত্রীগণের সুরত চিহ্নধারী তাঁহার যত্নসভার বিড়ম্বন, অর্থাৎ তৎকর্তৃক যত্ন স্ত্রীগণের ধর্মলোপ হওয়াতে তত্তৎ পতিগণ দ্বারা তাঁহার বিড়ম্বনা ঘটবার সম্ভব, অথবা নারীগণকে উপভোগ করায় যত্নদিগের সর্বত্র নিন্দাই উদ্ঘাটন হইবে। তিনি মগ্ধ, মত্ততা প্রযুক্ত তোমার সদৃশ ভ্রমরকে দূত করিয়াছেন।

এই উদাহরণে, ‘কিতব’ এই পদে অস্ময়া, ‘সপত্নী’ শব্দে ঈর্ষ্যা; চরণ স্পর্শ করিও না’—এই প্রয়োগ হেতু মদ, ‘ক্ষত্রিয় স্ত্রীগণের প্রসাদ বহন করুন’ ইহাতে অবজ্ঞা, ‘যত্নসভার তাঁহার বিড়ম্বন,’ এতদ্বারা অকৌশলের উদগার।

পরিভ্রম।

প্রভোনির্দিয়তা শাঠ্য চাপল্যাদ্যপাদনাৎ।

স্ববিচক্ষণতা ব্যক্তির্ভব্য্যা স্মাৎ পরিভ্রমিতম্ ॥

প্রভুর নির্দিয়তা, শাঠ্যতা ও চাপল্যাদি দোষের প্রতিপাদক পূর্বক, যাহাতে আপনার বিচক্ষণতার প্রকাশ থাকে তাহাকে পরিভ্রম বলে।

পরিভ্রমের উদাহরণ যথা :—

সকৃদধরসুধাং স্বাং মোহিনাং পায়সিত্বা

সুমনস ইব সত্যশ্চৈহস্মান্ ভবাদৃক্ ।

পরিচরতি কথং তৎপাদপদ্যং নু পদ্যা

অপি বত হৃতচেতা হুত্তমঃশ্লোকজল্পেঃ ॥

ওহে ভ্রমর, তুমি যদি একপ বল, আমি ভ্রমর জাতি, স্বভাবতঃই আমার শ্মশ্রু পীতবর্ণ, ইহা সুরত সম্বন্ধীয় কুসুম নয়। আর তোমাতেই শ্রীকৃষ্ণ একান্ত অনুরক্ত, স্বপ্নেও মধুপুরীতে কোন স্ত্রীকে অবলোকন করেন না, তাঁহার অপরাধ কি, যেহেতু তুমি এতদৃশ মান প্রকটন করিলে। ভ্রমরের এই উক্তিতে শ্রীরাধা কহিলেন, ওহে, তিনি একবার মাত্র অধর সুধা পান করাইয়া ছিলেন, তাহাতেই আমরা ঐরূপ সন্মানে প্রাণ পরিত্যাগ করি নাই, শ্রীকৃষ্ণও পূর্বে মনোমধ্যে এরূপ বিচার করিয়াছিলেন, আমি যে গোপীগণকে কষ্ট দিতেছি, যদি এতদ্বারা তাহাদের মৃত্যু হয়, তবে আর কাহাদিগকে কষ্ট দিব, অতএব মরণের অভাব নিমিত্ত ইহাদিগকে অধর সুধা পান করাই, এই ভাবিয়া একবারমাত্র পান করাইয়া তৎক্ষণাৎ আমাদিগকে পরিত্যাগ করিয়াছিলেন, তাঁহার যদি সুখ দানই তাৎপর্য্য হইত তাহা হইলে বারম্বার আমাদিগকে অধরসুধা পান করাইতেন। অপর তুমি যদি এরূপ মনে কর, ওহে গোপীগণ, তোমরা পরম সাধবী, পুনরায় কি প্রকারে তাঁহাকে স্পৃহা করিতেছ, অতএব তাহার কারণ শুন,—ঐ অধরসুধা মোহিনীস্বরূপা, তদ্বারা আমাদের বুদ্ধি ভ্রংশিত হইয়াছে ; এই কারণে আমরা দুই লোক হইতেই ভ্রষ্ট হইলাম। অপর শ্রীকৃষ্ণের প্রীতি ও অপ্ৰীতি উভয়ই বিচিত্র, তাহার কারণ এই তিনি আমাদিগকে অধর সুধা পান করাইয়া,—ভ্রমর জাতি যেমন মালতী পুষ্প পরিত্যাগ করে তক্রূপ তিনি আমাদিগকে ত্যাগ করিয়াছেন। আর যদি বল তোমাদের কোন দোষ উপস্থিত হইয়াছিল, তাহাতেই শ্রীকৃষ্ণ তোমাদিগকে পরিত্যাগ করিয়াছেন।

ওহে, তুমি বিচার কর দেখি, ভ্রমর জাতি যে মালতী পরিত্যাগ করে তাহাতে কাহার দোষ ঘটে ? আর যদি বল, সর্বশাস্ত্রে শ্রীকৃষ্ণের নির্দোষিত্ব প্রসিদ্ধ আছে, এই হেতু শাস্ত্রজ্ঞ গর্গাচার্য্য শ্রীকৃষ্ণকে নারায়ণতুল্য গুণশালী বলিয়া কীর্ত্তন করিয়াছেন। ওহে ভ্রমর, প্রত্যক্ষ হইতে অনুমান প্রবল প্রমাণ নহে। তাহাতে পরবর্ণনাদি দোষসকল প্রত্যক্ষ দৃষ্ট হইতেছে, কি প্রকারে তাহার অপনয়ন করিবে ? এতৎ শ্রবণে তুমি যদি বিশ্বয়প্রকাশপূর্ব্বক এরূপ বল, শ্রীকৃষ্ণ যদি দোষান্বিত হইলেন, তবে কেন তাহার পাদপদ্ম পদ্মা পরিচর্যা করেন, তাহার কারণ শুন,— উত্তমঃশ্লোকজ্ঞদিগের অর্থাৎ শ্রীকৃষ্ণের স্তাবকদিগের স্তুতিবাক্যে ঐ লক্ষ্মীর চিত্ত হৃত হইয়াছে, অতএব কমলা অতি কোমল স্বভাবা ; আমরা সেরূপ নহি, আমরা অতি বিচক্ষণা, কি প্রকারে কমলার সদৃশা হইব ?

উক্ত উদাহরণে “মোহজনিকা অরসুধা পান করাষ্টয়া” উক্তি হেতু শ্রীকৃষ্ণের শঠতা, “সদ্যঃত্যাগ হেতু নির্দয়ত্ব” তোমার মত ইহাতে চপলতা, “কমলার সরলতা প্রকাশ” হেতু আপনার বিচক্ষণতা। মূল শ্লোকে যে আদি শব্দ প্রয়োগ আছে তাহাতে শ্রীকৃষ্ণের অকৃতজ্ঞতা ও প্রেমশূন্যত্ব জানিতে হইবে (২)।

বিজ্ঞান ।

ব্যক্তয়ান্ময়য়া গূঢ়মানমুদ্রাস্তরালয়া ।

অঘদ্বিষি কটাক্ষোক্তিবিজ্ঞানোবিদুষাং মতঃ ॥

গূঢ় রূপে মানমুদ্রা যাহার মধ্যবর্ত্তিনী, ঈদৃশী সুস্পষ্ট অসুয়া দ্বারা শ্রীকৃষ্ণের প্রতি যে কটাক্ষোক্তি, পণ্ডিতগণ তাহাকে বিজ্ঞান বলেন ।

বিজ্ঞানের উদাহরণ যথা :—

কিমিহ বহুবড়জ্জ্য় গায়সি স্বং যদূনা-

মধি পতি মগৃহাণামগ্রতো নঃপুরাণম্

বিজয়সম্বন্ধীনাং গীৰতাং তং প্রসঙ্গঃ

ক্ষয়িতকুচরুজশ্চ কল্পয়ন্তীষ্টমিষ্টাঃ (৩) ”

নীচজাতি-স্বভাব-বশতঃ মধুকর ঝঙ্কার করিতেছিল, শ্রীরাধার বোধ হইল, আমি যে তিরঙ্কার করিয়াছি তাহাতে জুরু হইয়া এই ভ্রমর স্বীয় গানবিষয়ে গুণিতা প্রকাশ করিতেছে, এই অভিপ্রায়ে কহিলেন, হে ষট্পদ, তুমি এই গোপীসভায় গান করিতেছ, তুমি অজ্ঞ, তোমার গানে এই গোপীসকল প্রসন্ন হইবে না, তাহাতে আবার বারম্বার গান করিতেছ, তাহাতে আবার যত্নপতির,—তাহাতে কিনা আবার আমাদের অগ্রে,—আমরা অগৃহা অর্থাৎ শ্রীকৃষ্ণ আমাদের গৃহ পরিত্যাগ করাইয়াছেন, আমরা এই বন প্রদেশে উপবিষ্টে আছি, তোমাকে মৃষ্টি মাত্র চণকভিক্ষা দিতেও সমর্থ নহি।

হে ভ্রমর, যদি বল, হে দেবি, স্বীয় অঙ্গোত্তীর্ণ পুরাতন বস্ত্র মালাদি কিঞ্চিৎ প্রদান করুন, তাহাতে শ্রীমতাউত্তর করিলেন, তুমি পুরাণ গান অর্থাৎ তাঁহার যত্নপতিহে পুরাণ শাস্ত্র প্রমাণ করিতেছ। হে ষড়্ভ্যে, পশুমাতেই চতুস্পদ, কিন্তু তুমি ষট্পদ অর্থাৎ সার্কপশু, কোন্ স্থানে কি গান করা উচিত, বুদ্ধির অভাববশতঃ তাহাই জানিতে পারিতেছ না, কি প্রকারে পুরাণ জানিবে, কি প্রকারেই বা ভিক্ষা প্রাপ্ত হইবে? ওহে, তুমি পশু। একারণ আমরা তোমার প্রতি কোপ করিতেছি না, পরন্তু গানোপজীবী যে তুমি তোমার গানের স্থান উপদেশ করিতেছি শ্রবণ কর, কামযুদ্ধে যাহাদের কর্তৃক তিনি পরাজিত হইতেছেন, তাহারা সেই সর্বাঙ্গের অগ্রে গিরা গান কর; শ্রীকৃষ্ণ তাহাদের কুচরোগ খণ্ডন করিতেছেন, অবশ্য তাহারা তোমার অভীষ্ট পূর্ণ করিবেন।

এই উদাহরণে শ্লোকের পূর্বার্কে মানগর্ভ অমৃগা এবং উত্তরার্কে শ্রীকৃষ্ণের প্রতি উপহাসাত্মক কটাক্ষ প্রকাশিত হইতেছে (৩)।

।

হরেঃ কুহকতাখ্যানং গর্ভগর্ভিতয়েষ্যাম্ ।

সাম্বয়শ্চ তদাক্ষেপো ধারৈঃ স্তম্ভৈঃ ॥

যাহাতে গর্ভগর্ভ ঈর্ষা দ্বারা শ্রীকৃষ্ণের কাঠিন্ত কীর্তন ও অসুয়াসহ সর্বদা আক্ষেপ থাকে, পণ্ডিতগণ তাহাকে উজ্জ্বল বলেন ।

উজ্জ্বলের উদাহরণ যথা :—

দিবি ভূবি চ রসায়ান্ কা শ্রিয়ত্তদুরাপাঃ

কপট রুচিহাস-ক্রবিজ্জ্বস্ত্য ধাঃ স্যুঃ ।

চরণরজ উপাশ্বে যশ্চ ভূতিবরণং কা

অপিচ কুপণ পক্ষে হু ত্তমঃশ্লোকশব্দঃ ॥

ভ্রমর যদি বলে, ভোঃ কৃষ্ণপ্রেমসান্নিরোমণে, শ্রীকৃষ্ণ মথুরায় অবস্থিত হইয়া দিব্যরাত্র তোমাকে ধ্যান করিতে করিতে কামশরে আর্দ্রিত হইয়া খেদাশ্বিত হইতেছেন, তুমি যদি প্রসন্ন হও, তবেই তাঁহার নিস্তার ; এই আশঙ্কায় শ্রীমতী কহিলেন, 'ওহে মধুকর, স্বী ব্যতিরেকে শ্রীকৃষ্ণের কালক্ষেপণ হয় না, ইহা আমাদের সুন্দররূপে বিদিত আছে, সেই মথুরায় যদি স্ত্রী প্রাপ্ত না হইতেন, তাহা হইলে তিনি আমাদের ধ্যান করিতেন বা প্রসন্ন করাইতেন, অথবা তথায় লষ্টয়া যাইবার নিমিত্ত তোমার সদৃশ দূত প্রেরণ করিতেন । আর যদি বল শ্রীকৃষ্ণ গোপজাতি, মথুরাজনা সকল ক্ষত্রিয় জাতি, কেন তাহারা তাঁহাকে অর্ঙ্গাকার করিবে, এ কথা বলিও না । স্বর্গ মন্ত্য পাতালে কোন্ স্ত্রী তাঁহার দুরাপা অর্থাৎ তিনি যদি স্বর্গে গমন করেন, তাহাতেও দেবী সকল তাঁহার নিকটে আসিয়া উপস্থিত হয়, রসাতলে গমন করিলে নাগপত্নীগণ স্ব স্ব পতি পরিত্যাগ পূর্বক তাঁহার সমীপবর্তিনী হয়, ইহাতে মথুরাজনার কথা কি ? আর যদি বল, ঐ সকল অজনালাভার্থ মূল্যের প্রয়োজন হয় । একথা বলিও না, তদীয় মনোহর কপট হাস্য এবং ক্রবিক্ষেপে দেবাজনাগণও স্ব স্ব পতি পরিত্যাগ করিয়া থাকে । শ্রীকৃষ্ণের

কপটতা এই যে, তিনি নব প্রিয়,—একবার মাত্র উপভোগ করিয়া পরিত্যাগ করিয়া থাকেন। অপর আমরা পৌর্ণমাসীর মুখে শুনিয়াছি, দেবী প্রভৃতি ত দূরে থাকুন, সাক্ষাৎ নারায়ণপ্রেয়সী লক্ষ্মীদেবীও তদীয় অঙ্গসঙ্গার্থ তাঁহার চরণরঞ্জের উপাসনা করেন। অতএব হে ভ্রমর, তখন আমরা কোথাকার কে? একে ত আমরা মানুষী, তাহাতে আবার গোপজাতি, তাহাতেও আবার বনচরী; অতএব আমরা কোন্ গণনায় থাকি? আর উত্তমঃশ্লোক শব্দে রূপণজনের পক্ষ। যিনি সমস্ত দীনহীন জনকে সুখী করেন, তাঁহাকে উত্তমঃশ্লোক বলা যায়, শ্রীকৃষ্ণের ঐ বিষয় অভাব হেতু মিথ্যা উত্তমঃশ্লোকতা।” ইহার অর্থ এই যে,—যদি তিনি আমাদের মত দুঃখিত জনকে সুখ প্রদান না করেন তবে কি প্রকারে তাঁহার উত্তমঃশ্লোকত্ব গুণ সিদ্ধ হইবে?

উক্ত উদাহরণে ‘আমরা কোথাকার কে’, ইহাতে দৈত্বপ্রকাশ, ‘কা’ শব্দে কাতর স্বরপ্রযুক্ত গর্ভগতি ঈর্ষ্যা প্রকাশ, ঐ ঈর্ষ্যা লক্ষ্যাতি হইতে প্রেমাদিক্য এবং রূপলাবণ্যের আধিক্য প্রকাশক, উত্তমঃশ্লোক শব্দে আক্ষেপ; পূর্বাঙ্কে ‘দিবিভূবি’ পদে কুহকতাখ্যান; তৃতীয় চরণে ‘চরণরজ উপাস্তে’ ইহাতে গর্ভ আর ঈর্ষ্যা, চতুর্থ চরণে অমুয়ার সহিত আক্ষেপ প্রকাশ পাইতেছে। ৪।

সংজ্ঞা ।

সোল্লুঠয়া গহনয়া কন্যাপ্যাক্ষেপমুদ্রয়া ।

তস্মাকুতজ্ঞতাছ্যক্তিঃ সংজ্ঞঃ কথিতো বুদ্ধেঃ ॥

দুর্গম সুল্লুঠ আক্ষেপ দ্বারা শ্রীকৃষ্ণের যে অকুতজ্ঞতার উক্তি, পণ্ডিতগণ তাহাকে সংজ্ঞা বলেন। উদাহরণ যথা :—

বিসৃজ শিরসি পাদং বেদ্যাং চাটুকরৈ—

রহুনয় বিদুষন্তেহভ্যেত্য দৌত্যমুকুন্দাং ।

স্বকৃত ইহ বিম্বষ্টা পত্যপত্যলোকা
বাস্থদকৃতচৈতাঃ কিং নু সঙ্কেয়মস্মিন্ । ৫ ॥

সৌরভলোভে চরণতলে পতিত ভ্রমর কহিল, হে দেবি, তোমার চরণ-নখরের দ্যুতি কোটি কোটি লক্ষ্মীকেও নিস্বপ্নন করে, সত্যই তোমার নিকট শ্রীকৃষ্ণ অপরাধী হইয়াছেন, আপনি করুণা প্রকাশ করিয়া ক্ষমা করুন, এই বলিয়া প্রণামকারী ভ্রমরকে শ্রীরাধা কহিলেন, ওহে ভ্রমর, তুমি যে আপনার মস্তকে আমার চরণধারণ করিয়াছ তাহা পরিত্যাগ করিয়া দূরীভূত হও, ইহা কি মুকুন্দের নিকট শিক্ষা করিয়া আসিয়াছ ? দৌত্যকর্ম ও প্রিয়বচন দ্বারা প্রার্থনা বিষয়ে তুমি বিলক্ষণ চতুর, তোমার সকল বিষয় জানিলাম । যদি বল মুকুন্দের অপরাধ কি, একথা বলিওনা, আমরা পতিপুত্রাদি ইহলোক ও ধর্মসাধ্য, পরলোক সমস্তই পরিত্যাগ করিয়াছিলাম, তিনি এমন অব্যবস্থিত চিত্ত যে অনায়াসে আমাদেরকে বিসর্জন করিলেন, তাঁহার বিষয় কি আবার অনুসন্ধান করিতে হয় ?

এই উদাহরণে পূর্বাঙ্কে সোল্লুঠ আক্ষেপমুদ্রা, উত্তরাঙ্কে অকৃতজ্ঞতা, আদিশব্দে নির্দয়ত্ব, পরদ্রোহিত্ব এবং প্রেম শূন্যত্ব প্রকাশ পায় । ৫ ॥

অবজ্ঞান ।

হরৌ কাঠিকামিত্ব ধৌর্ত্যাদাসক্ত্যযোগ্যতা ।

যত্র সের্ষাং ভিরেবোক্তা সোহবজ্ঞানঃ সতাং মতঃ ॥

যাহাতে হরিরপ্রতি কাঠিক, কামিত্ব এবং ধূর্ততা তথা ভয়হেতুই যেন ঈর্ষ্যার সহিত আসক্তি অযোগ্যতা বর্ণিত হয়, তাহাকে অবজ্ঞান বলে ।

উদাহরণ যথা:—

মৃগয়ুরিব কপীভ্রং বিব্যধে লুঙ্কধর্ম্মা

স্বিন্নমকৃত বিরূপাং স্ত্রীজিতঃ কামযানাং ।

বলিমপি বলিমত্তাহবেষ্টয়দ্ধাক্ষবদ্ব

স্তদলমসিতসখ্যেদুস্ত্যজস্তং কথার্থঃ ॥ ৬ ॥

ভ্রমর কহিল, হে দেবি, শ্রীকৃষ্ণের চিত্ত অতিশয় কোমল, আমরা দেখিতে পাই সততই তিনি তোমাকে ধ্যান করিয়া থাকেন। এই কথায় শ্রীরাধা কহিলেন, ওহে মধুকর, তুমি শ্রীকৃষ্ণের ইদানীন্তন দাস, তাঁহার তত্ত্ব অবগত নও, আমি পৌর্ণমাসীর মুখে শুনিয়াছি শ্রীকৃষ্ণ যে এই জন্মেই কঠিন তাহা নয়, পূর্ব পূর্ব জন্মেও সেইরূপ ছিলেন। দেখ কত্রিয়-কূলে দাশরথি রাম রূপে জন্ম গ্রহণ করিয়া ব্যাধবৎ বালি রাজকে বিদ্ধ করেন, আর শ্রী জাতি অর্থাৎ সীতাপরতন্ত্র হইয়া সূৰ্পনখার নাসিকা ও কর্ণচ্ছেদন করিয়াছিলেন। সেই অবলা কামপরবশা হইয়া নিকটে গিয়াছিল এই মাত্র তাহার অপরাধ। আরও দেখ, বামনাবতারে বলি রাজার পূজো-পহার আহার করিয়া কাকবৎ তাঁহাকেই বন্ধন করিয়াছিলেন অর্থাৎ কাক যেমন গৃহস্থের গৃহে অন্নাদি ভোজন করিয়া আপনার জাতীয় কাকগণকে আহ্বান করিয়া ঐ গৃহে বেষ্টন করে, ইহার কার্য্যও তদ্বৎ হইয়াছিল। অতএব সেই কৃষ্ণবর্ণ টীর সখে প্রয়োজন নাই, একরূপ মনে করি ; কিন্তু তাঁহার কথা-রূপ অর্থ দুস্ত্যজ, স্মতরাং ত্যাগ করিতে পারি না।

উক্ত উদাহরণে ‘বালিকে বধ করিয়াছিলেন’ ইহাতে কঠিনতা, ‘শ্রীজিত’ এই শব্দে কামিত্ব, ‘বলির পূজোপহার আহার’ ইহাতে ধূর্ততা, আর ‘অসিতের সখে প্রয়োজন নাই,’ ইহাতে আসক্তির অযোগ্যতা এবং তন্ন হেতুই যেন ঈর্ষ্যা প্রকাশ পাইতেছে। ৬।

অভিজ্ঞান ।

ভজ্যা ত্যাগোচিতী তস্য ধগানামপি খেদনাৎ ।

যত্র সানুশয়ং প্রোক্তা তদ্ববেদাভিল্লিতম্ ॥

শ্রীকৃষ্ণ যখন পক্ষিগণকেও খেদান্বিত করিয়া থাকেন, তখন তাঁহাকে ত্যাগ করা উচিত ;—ভবিষ্যরা এইরূপ অস্মুতাপ বচন যাহাতে বর্ণিত হয়, তাহাকে অভিজ্ঞান বলে।

অভিজ্ঞের উদাহরণ যথা :—

যদমুচরিতলীলাকর্ণ পীযুষবিপ্রট্
সকলননবিধুতদ্বন্দ্বধর্মা বিনষ্টাঃ ।
সপদি গৃহকুটুম্বং হীনমুৎসৃজ্য দীনা
বহব ইব বিহঙ্গা ভিক্ষুচর্যাং চরন্তি ॥ ৭

ওহে মধুকর, আমরা সাক্ষাৎ শ্রীকৃষ্ণের সহিত সখ্য করিয়া যে দুঃখিনী হইয়াছি, তাহা বিচিত্র নয়। তদীয় লীলা কথা সমস্ত জগৎকে দুঃখিত করিয়া থাকে, আমরা নিশ্চয় জানি ; তাঁহার কথাও ত্রিবর্গ লতার উন্মূলনী, কারণ তদীয় চরিত্ররূপ যে লীলা, যাহা কর্ণ পথের অমৃতস্বরূপ, তাহার কণামাত্র একবার পান করিয়া তদ্বারা ষাঁহাদের রাগদ্বेषাদি দ্বন্দ্ব ধর্ম নিরস্ত হইয়াছে, অতএব ষাঁহারা বিনষ্টতুল্য ;—তাদৃশ বহু বহু ব্যক্তি হঠাৎ দুঃখিত গৃহ কুটুম্ব পরিত্যাগ করিয়া ভোগহীন বিহঙ্গবৎ কেবল প্রাণ যাত্রা নির্বাহ করিতেছেন অতএব সর্বতোভাবেই তাহা ত্যাগ করা উচিত, কিন্তু আমরা তদ্বিষয়ে সমর্থ হইতেছি না।

উক্ত উদাহরণে ‘বিহঙ্গবৎ’ ইহাতে পক্ষিগণকে খেদাশ্রিত করণ, ‘তদীয় কথা শ্রবণে সন্তঃ দুঃখিত গৃহকুটুম্বকে পরিত্যাগ করে’, ইহাতে ভক্তি দ্বারা ত্যাগ করা উচিত। ‘আমরা তদ্বিষয়ে সমর্থ হইতেছি না,’ এতদ্বারা অনুতাপ প্রকাশিত হইয়াছে। ৭।

আজ্ঞ।

জৈক্ষ্যং তস্মাতিদম্বক নির্বেদাদৃষত্র কীর্তিতং ।

ভক্ত্যান্তদুঃখদম্বক স আজ্ঞ উদীরিতঃ ॥ ৮ ॥

ষাঁহাতে নির্বেদ হেতু শ্রীকৃষ্ণের কুটিলতা এবং দুঃখপ্রদত্ত বর্ণিত থাকে, এবং ভক্তি দ্বারা অন্তের সুখদাহৃত কীর্তন হয়, তাহাকে আজ্ঞ বলে।

প্রয়োজন-তত্ত্ব

আজ্ঞার উদাহরণ যথা :—

বয়মুত মিব জিস্তব্যাহুতং শ্রদ্ধানা,
কুলিকরুত মিবাজ্জাঃ কৃষ্ণবধো হরিণ্যঃ
দদৃশুরসকুদেতৎ তন্নথম্পর্শ তীত্র-
স্বরুজ উপমস্বিন্ ভগ্যতামণ্ড বার্তা ।

ওহে ভ্রমর, যদি বল শ্রীকৃষ্ণ যখন এইরূপ হইলেন, তখন তোমরা পরম বিজ্ঞ হইয়া কেন তাঁহার সহিত সখ্য করিয়াছিলে ? অতএব তাহার কারণ শুন,—হে উপমস্বিন্, এ কথা থাকুক, যেমন অনভিজ্ঞ হরিণাঙ্গনা-গণ ব্যাধের কৃত্রিম গীত না বুঝিয়া সত্যবৎ বিশ্বাস করিয়া শর দ্বারা ক্ষত হইয়া ঘটনা ভোগ করে, তেমনি আমরা সেই কুটিল শ্রীকৃষ্ণের কথা সত্য-বৎ বিশ্বাস করিয়া বারম্বার মনঃপীড়া পাইতেছি। এই পীড়া তাঁহার নথ-ম্পর্শ জন্ম তীত্রশরে জন্মিয়াছে, অতএব উহা ত্যাগ করিয়া অন্য কথা বল।

উক্ত উদাহরণে দুঃখপ্রকাশ পূর্বক শ্রীকৃষ্ণের কুটিলতা এবং ‘নখাঘাত দ্বারা পীড়াপ্রদত্ত’, ‘অন্যবার্তা বল’, ইহাতে অজ্ঞের সুখদত্ত প্রকাশ পাইয়াছে। ৮।

প্রতিজ্ঞ ।

দুস্ত্যজবন্দ ভাবেহস্মিন্ প্রাপ্তিনা হৈত্যনুদ্রুতং ।

দূতসম্মাননেনোক্তং যত্র সঃ প্রতিজ্ঞকঃ ॥

যাহাতে শ্রীকৃষ্ণের বন্দভাব দুস্ত্যজ, প্রাপ্তিঅনুচিতত্ব ও দূতের সম্মান বর্ণিত হয়, তাহাকে প্রতিজ্ঞ বলে।

প্রতি জ্ঞার উদাহরণ যথা :—

প্রিয়সখ পুনরাগাঃ প্রেয়সা প্রেষিতঃ কিং

বরয় কিমনুরুদ্ধে দাননীমোহসি মেহঙ্গ ।

নয়সি কথমিহাস্মান্ দুস্ত্যজবন্দপার্থঃ

সত্তত মূরসি সৌম্য শ্রীর্ধুঃ সাকমাণ্ডে । ৯ ॥

শ্রীরাধা উন্মাদ বশতঃ তথায় ভ্রমণকারি ভ্রমরকে অহুসঙ্কান না করিয়া অথবা ঋণকাল তাহার অদর্শন বশতঃ দেখিতে না পাঠিয়া খেদ প্রকাশ পূর্বক আশঙ্কা করিলেন, হায়। আমি তীক্ষ্ণ বাক্য ধারা দূতকে সম্বোধ করিয়াছি, সে মথুরায় গিয়া বৃত্তান্ত সমুদায় বলিয়াছে, তাহাতেই শ্রীকৃষ্ণ আমাকে উপেক্ষা করিলেন, এই বিবেচনায় কলহাসুরিতাদশাপ্রাপ্তা শ্রীরাধা মনে করিলেন, আমার কান্ত প্রেমসমুদ্র এবং সদ্গুণশালী, অতএব তিনি পুনর্বার দূত প্রেরণ করুন, তাহাতে সে এখানে আসিয়া উপস্থিত হয়, এই আকাঙ্ক্ষায় ভ্রমরের পথ নিরীক্ষণ করিতেছিলেন, অকস্মাৎ তাহাকে দেখিতে পাঠিয়া সাদর পূর্বক কহিলেন, ওহে মধুকর, তুমি আমার প্রিয়তমের সখা, আমার বাক্যশরে তাড়িত হইয়াও স্বীয় সাদৃশ্য বশতঃ অপকার গণনা না করিয়া আগমন করিয়াছ। আমি জানিলাম আমার প্রিয়তম আমার প্রতি অতিশয় প্রেমবান্, আমার কোটি কোটি অপরাধ গণ্য না করিয়া তোমাকে কি প্রেরণ করিয়াছেন? যাহা হউক তোমার প্রার্থনা কি? বর গ্রহণ কর। ভ্রমর কহিলেন, আপনি মথুরায় চলুন। ইহাতে শ্রীরাধা বলিলেন ওহে ভৃঙ্গ, একরূপ বলিওনা, তিনি অনবরত পুরস্বীগণে বেষ্টিত থাকেন, আমি যদি তাঁহাকে তদবস্থ অবলোকন করি, তাহা হইলে অবশ্যই মান উপস্থিত হইবে, অতএব আমার লইয়া যাইওনা, তিনি মিথুনী ভাব কখনও ত্যাগ করিতে পারিবেন না। ভ্রমর কহিলেন, দেবি, আমি শপথ করিয়া বলিতেছি, তিনি নিরন্তর একাকী অবস্থান করেন। এতৎ শ্রবণে শ্রীরাধা কহিলেন, ওহে সোম্য, তুমি অতিশয় বুদ্ধিমান, তিনি যে সতত শ্রীনাগী বধুর অর্থাৎ শ্রীবৎসচিহ্নরূপা কমলার সহিত অবস্থান করিতেছেন। ৯।

সুভয়।

যত্রার্জবাৎ সগাস্তীৰ্য্যং সর্দৈন্তং সহচাপলং।

সোৎকর্ষক হরিঃ পৃষ্টঃ স সুভয়োনিগম্যতে ॥

যাহাতে সরলতা নির্বন্ধন গাভীর্ষ্য, দৈন্ত ও চপলতার সহিত শ্রীকৃষ্ণের সংবাদ সকল জিজ্ঞাসা থাকে, তাহাকে সুভয় বলে ।১০

সুভয়ের উদাহরণ যথা :—

অপি বত মধুপুর্ষ্যামাধ্যাপুত্রোহধুনাশ্তে
স্বরতি স পিতৃগেহান্ সোম্য বন্ধুংশ্চ গোপান্ ।
কাচনপি স কথাং নঃ কিঙ্করীনাং গৃণীতে
ভূগমগুরুসুগন্ধং বৃদ্ধাধাস্যাৎ কদা হু । ১০ ।

শ্রীরাধা মনে মনে कहিলেন, হায় ! আমি উন্নতা হইয়া প্রলাপ করিতেছি; শ্রীকৃষ্ণের কিছুই কুশলবার্তা জিজ্ঞাসা করিলাম না, এই অভিপ্রায়ে कहিলেন, হে সোম্য, আৰ্য্যপুত্র শ্রীকৃষ্ণ গুরুকুল হইতে আসিয়া এক্ষণে কি মধুপুরাতে আছেন ? তিনি কি পিতৃগৃহ ও বন্ধুদিগকে স্মরণ করেন ? আমার তাঁহার কিঙ্করী ছিলাম, আমাদের কথা কি কখন বলেন ? তিনি কবে আসিয়া অগুরুবৎ সুরভিশালা হস্ত আমাদের মস্তকে বিনস্ত করিবেন ?

উক্ত উদাহরণে প্রথম চরণে সরলতা, দ্বিতীয় চরণে স্বীয় প্রসঙ্গ উত্থাপনে গাভীর্ষ্য, তৃতীয় চরণে দৈন্ত, চতুর্থ চরণে চাপল্য এবং উৎকর্ষা প্রকাশিত হইয়াছে ।১০।

এস্থলে বিপ্রলস্ত বা বিরহ সম্বন্ধে আরও কিছু বলা যাইতেছে । বিপ্রলস্তের লক্ষণ এই যে,—

যুনোরযুক্তয়োর্ভাবো যুক্তয়োর্বাধ যোমিথঃ ।
অভাষ্টালিঙ্গনাদীনামনবাণ্টো প্রকৃষাতে ।
স বিপ্রলস্তো বিজ্ঞেয়ঃ সন্তোগোন্নতিকারকঃ ॥

যুক্ত অথবা অযুক্ত নায়ক ও নায়িকার আলিঙ্গনাদির অপ্রাপ্তিনিবন্ধন উৎকর্ষ সাধক এবং সন্তোগের উন্নতিসাধক ভাবে বিপ্রলস্ত শৃঙ্গার বলে ।

এই বিপ্রলম্ব আবার চারিপ্রকার যথা :—

১। রতির্য্য সঙ্গমাৎ পূর্বং দর্শনশ্রবনাদিযা ।

তয়োরন্মীলতি প্রাক্ষেঃ পূর্বরাগঃ স উচ্যতে ॥

সঙ্গমের পূর্বে নায়ক নায়িকার দর্শন ও শ্রবণাদি জনিত যে রতি উৎকৃষ্ট হয়, পণ্ডিতেরা তাহাকে পূর্বরাগ বলেন ।

২। দম্পত্যো ভাব একত্র সতোরপ্যনুরক্তয়োঃ

স্বাভীষ্টাশ্লেষবীক্ষাদিনিরোধী মান উচ্যতে ॥

পরস্পর অনুরক্ত নায়ক এবং নায়িকা একস্থানে বিদ্যমান থাকিলেও যে ভাব পরস্পরের আলিঙ্গন এবং দর্শনাদির বিরোধী তাহাকে মান বলে ।

৩। পূর্বসঙ্গতয়োযু নোভবেদে শান্তাদিভিঃ ।

ব্যবধানস্ত যৎপ্রাক্ষেঃ স প্রবাস ইতীর্ধ্যতে ॥

দিলনের পর যুবক যুবতীর দেশান্তরাদি ব্যবধানকে পণ্ডিতেরা প্রবাস বলেন ।

৪। প্রিয়স্ত সন্নিকর্ষেপি প্রেমোৎকর্ষস্বভাবতঃ ।

যা বিশ্লেষধিয়ার্তিস্তৎ প্রেমবৈচিত্র্যমুচ্যতে ॥

প্রিয়তমের নিকটে থাকিয়াও প্রেমের উৎকর্ষ স্বভাব বশতঃ বিশ্লেষ বৃদ্ধিতে যে আর্তি তাহাতে প্রেমবৈচিত্র্য বলে ।

এখন পূর্বরাগাদি সম্বন্ধে কিঞ্চিৎ বিস্তৃতরূপে বলা যাইতেছে । দর্শন শ্রবণাদিজাতা রতি সম্বন্ধে বক্তব্য এই যে—দর্শন আবার ত্রিবিধ,—সাক্ষাৎ দর্শন, চিত্রপট দর্শন এবং স্বপ্নে দর্শন । শ্রবণেরও বিভাগ আছে—স্তুতি পাঠক, দূতী ও সখীদের মুখ হইতে শ্রবণ এবং গীত হইতে শ্রবণ । পূর্বরাগে নিয়মিত সঞ্চারিতাবের আবির্ভাব হয় । যথা ব্যাধি, শঙ্কা, অসুখ, শ্রম, ক্লম্, নির্বেদ, ঔৎসুক্য, দৈন্ত, চিন্তা, নিদ্রা, প্রবোধ, বিষাদ, জড়তা, উন্মাদ, মোহ ও মৃত্যু প্রভৃতি ।

এই পূর্বরাগ রতি লাগসাত্তেদে প্রৌঢ় সমগ্রস এবং সাধারণ ভেদে তিন

প্রকার। প্রোট রতির অপর নাম সমর্থ রতি। প্রোট লালসায় মরণ পর্যন্ত দশা উপস্থিত হইয়া থাকে। সাধারণতঃ ইহার দশ দশা বর্ণিত

লালসোধেগজাগর্ঘ্যাতানবঃ জড়িতা তু ।

বৈবগ্যা ব্যাধিরুন্মাদো মোহো মৃত্যুর্দশা দশ ॥

লালসা, উদেগ, জাগর্ঘ্যা, তানব, জড়তা, ব্যগ্রতা, ব্যাধি, উন্মাদ, মোহ ও মৃত্যু এই দশ দশা ।

অভীষ্ট প্রাপ্তির ইচ্ছা দ্বারা যে অত্যন্ত 'আকাঙ্ক্ষা' তাহাকে লালসা বলে। ইহাতে উৎসুক্য চপলতা ঘূর্ণা ও শ্বাসাদি লইয়া থাকে। ইহার যে উদাহরণটা উজ্জল নীলমণিতে আছে তাহার বঙ্গানুবাদ এই :—ললিতা শ্রীরাধাকে কহিলেন, হে কিশোরি, তুমি কেন ঘটিকার মধ্যে শতবার গৃহ হইতে নির্গত হইয়া ব্রজসীমায় গমন করিয়া তথা হইতে পুনরাগমন করিতেছ ? কেনই বা অগণ্য গুরুতর ত্রাসহেতুনিশ্বাসত্যাগ করিতে করিতে কদম্ব কাননের দিকে দৃষ্টিদ্বয় নিক্ষেপ করিতেছ ? পদাবলীতে "যরের বাহিরে দণ্ডে শতবার, তিলে তিলে এসে যায়" এই পদটা উহার উত্তম উদাহরণ, উহা প্রথমথণ্ডে দ্রষ্টব্য ।

ইহার পরিপাক অবস্থায় উৎসুক্যের অত্যন্ত বৃদ্ধি পায়। মনের চঞ্চলতার নাম উদেগ। ইহাতে দীর্ঘনিশ্বাস, শুকতা, চিন্তা, অশ্রু, বৈবগ্যা ও ঘর্ম প্রভৃতি হইয়া থাকে। নিদ্রাক্ষয়ের নাম জাগর্ঘ্যা। ইহাতে শুষ্ক, শোষ প্রভৃতি রোগের উৎপত্তি হয়। শরীরের কৃষতার নাম তানব ; ইহাতে দৌর্বল্যও ভ্রমাদি উপস্থিত হইয়া থাকে। কেহ কেহ তানবস্থলে বিলাপ পদ পাঠান্তরে প্রয়োগ করেন কিন্তু তাহা ঠিক নহে। ইহার পরে জড়িতা। জড়িমায় ইষ্ট অনিষ্টের পরিজ্ঞান থাকে না ; প্রশ্ন করিলে অমুক্তর এবং দর্শন শ্রবণের অভাব হয়। বৃথা হকার, শুষ্ক, শ্বাস, ভ্রমাদি ইহার লক্ষণ।

বৈরাগ্যের লক্ষণ এই যে, ইহাতে সহিষ্ণুতার 'অত্যন্ত' অভাব ঘটে। ইহাতে বিবেক, নির্বোধ, খেদ ও অনুয়া প্রভৃতি ঘটিয়া থাকে। অতঃপরে ব্যাধি,—অভীষ্টের অভাব হেতু শরীরের বৈবর্ণ্য ও উত্তাপ জন্মে। ব্যাধিতে শীত, স্নৃহা, মোহ, নিশ্বাস ও পতনাদি হইয়া থাকে। অতঃপরে উন্মাদ—ইহার লক্ষণ এই যে, সর্বত্র সকল অবস্থাতে এবং সকল কালে তন্মনস্কতা বিদ্যমান থাকে। ইহার ফলে ভ্রান্তি জন্মে, ইহাতে কেহ ভাল করিলেও তাহার প্রতি ঘেঁষ, ভাল বস্তুর প্রতি ঘেঁষ, নিশ্বাস প্রভৃতি লক্ষণ দৃষ্ট হয়। মোহে চিন্তের বিপরীত গতি হয়; মোহে নিশ্চলতা ও পতনাদি ঘটে। ইহার পরে মৃত্যু।

এই সকল লক্ষণ সমর্থী রত্নির বিপ্রলম্বে ঘটিয়া থাকে। ব্রজবাল্য-গণের—সমর্থী রত্নি, দ্বারকার মহিষীগণের সমঞ্জসা রত্নি এবং সাধারণের রত্নিকে সাধারণী রত্নি বলে। ইহার দৃষ্টান্ত স্থলে কুজা ও সাধারণ ভক্ত-গণের কথা বলা যাইতে পারে। এস্থলে গোপীদিগের পূর্বরাগের লক্ষণই লিখিত হইল। ইহার পরে মান, প্রবাস এবং প্রেম বৈচিত্র্য প্রভৃতিও অনেক প্রকার আছে। এই সকল বিষয় আমার প্রণীত গঙ্গীরায় শ্রীগৌরাদ ও শ্রীমৎ স্বরূপ দামোদর গ্রন্থে বিস্তৃতরূপে বর্ণিত হইয়াছে।

শ্রীচরিতামৃতে দ্বারকার মহিষীগণের প্রেম বৈচিত্র্যের একটা উদাহরণ প্রদর্শিত হইয়াছে। উহা শ্রীমদ্ভাগবতের দশম স্কন্ধের নবতম অধ্যায়ের পঞ্চদশ শ্লোক। উহার বঙ্গানুবাদ এই,—শ্রীকৃষ্ণের সঙ্গিত জলকেলি করিতে করিতে মহিষীগণ তদগতচেতা হইয়া প্রেমবৈবশ্য হেতু বিরহ স্ফূর্তি হওয়ায় তাঁহাকেই চিন্তা করিয়া উন্মত্তের ন্যায় কুররীকে বলিতেছেন, হে কুররি, এই জগতে তুমিই একাকিনী নিদ্রাশূন্য হইয়া শয়নের ইচ্ছাও করিতেছ না, যেহেতু উচ্চৈঃস্বরে বিলাপ করিতেছ। আমরাদিগের পতি দ্বারকানাথ সম্প্রতি এই রাত্তিকালে কোন নিভৃত স্থলে প্রচ্ছন্ন ভাবে নিদ্রা

বাইতেছেন ; হে সখি, বোধ করি, আমাদের গায় সহস্র কটাক দ্বারা তোমার চিত্তও তিনি আকর্ষণ করিয়াছেন।”

এইরূপে শ্রীচৈতন্য চরিতামৃত শ্রীপাদ সনাতনের প্রতি শ্রীশ্রীমহাপ্রভুর উপদেশ বিষয়ের আলোচনার উপসংহার করা হইয়াছে।

শ্রীমহাপ্রভু শ্রীপাদ সনাতনকে প্রেম-তত্ত্বের যে সকল উপদেশ দিয়াছিলেন, আমি তাহার বিন্দুমাত্রেরও সন্ধান পাইলাম না। শ্রীচরিতামৃতের মধ্য নীলা ত্রয়োবিংশ অধ্যায়ে যাহা লিখিত হইয়াছে, সেই কয়েকটা কথা লইয়াই যৎকিঞ্চিৎ আলোচনা করিলাম। যাহা বিগত রসময় চিত্তের একমাত্র অনুভবগম্য, সাধারণ লোকের ভাষায় তাহার প্রকাশ অসম্ভব।

ত্রয়ের নির্মল প্রেম বাঁ অকৈতব প্রেমকেই পঞ্চম পুরুষার্থ বলিয়া ভক্তি শাস্ত্রে অভিহিত করা হইয়াছে। কিন্তু সেই অকৈতব প্রেম মাহুকের ধারণার অতীত। কবিরাজাধিরাজ শ্রীপাদ কৃষ্ণদাস প্রাকৃত ভাষায় একটি কবিতার বঙ্গানুবাদ করিয়া লিখিয়াছেন :—

অকৈতব কৃষ্ণ প্রেম যেন জাম্বুনদ হেম
সেই প্রেম নৃলোকে না হয় ।
যদি হয় তার যোগ না হয় তার বিয়োগ
বিয়োগ হৈলে কেহ না জীয়ায় ॥

অপর কবি বলিয়াছেন, “মরণ মানিয়ে বহু ভাগি”। এ প্রেমের কুল কিনারা কোথায় তাহা বলা যায় না। শ্রীরাধিকার উক্তিগে শ্রীরাঘ রামানন্দের একটি পদে লিখিত আছে।

পহিলিঁহি রাগ নয়ন-ভঙ্গ্যা ভেল ।
অনুদিন বাঢ়ল অবধি না গেল ॥
নাসো রমণ-নাহাম রমণী ।
তুহোমন মনোস্তব পেশল জানি ।

ইহার অর্থ ভাষায় প্রকাশ করা অসম্ভব, ভাবে ধারণা করাও অসম্ভব ।
শ্রীপাদ কবিরাজ আরও লিখিথাছেন :—

নিরুপাধি প্রেম যাহা তাহা ঐ রীতি ।

ইহা ছাড়া আরও কয়েকটা বড় কথা আছে এই,—এস্থলে তাহা না বলিলে প্রেমতত্ত্বের কোন কথাই বলা হয় না ।

গোপীগণের প্রেম রূঢ় মহাতাব নাম ।

বিশুদ্ধ নির্মল প্রেম,—কতু নহে কাম ॥

আত্মেন্দ্রিয় প্রীতি বাঞ্ছা, তারে বলি কাম ।

কৃষ্ণেন্দ্রিয় প্রীতি ইচ্ছা ধরে প্রেম নাম ॥

কামের তাৎপর্য,—নিজ সম্ভোগ কেবল ।

কৃষ্ণ সুখ তাৎপর্য হয়,—প্রেম মহাবল ॥

লোকধর্ম, বেদধর্ম, দেহধর্ম, কর্ম ।

লজ্জা, ধৈর্য, দেহ সুখ আত্মসুখমর্ম ॥

দুস্ত্যজ আর্ঘ্য পথ নিজ পরিজন ।

স্বজনে করয়ে যত তাড়ন ভণ্ডসন ॥

সর্বত্যাগ করি করে কৃষ্ণের ভজন ।

কৃষ্ণ সুখ হেতু করে প্রেম-সেবন ॥

ইহাকে কহিয়ে কৃষ্ণে দৃঢ় অনুরাগ ।

স্বচ্ছ ধৌতবস্ত্রে বৈছে নাহি কোন দাগ ॥

অতএব কাম প্রেমে বহুত অস্তর ।

কাম অন্ধতমঃ প্রেম নির্মল ভাস্কর ॥

অতএব গোপীগণে নাহি কামগন্ধ ।

কৃষ্ণ সুখ লাগি মাত্র কৃষ্ণে সে সধর ॥

আত্মসুখদুঃখ গোপীর নাহিক বিচার ।

কৃষ্ণ-সুখ-হেতু চেষ্টা মনোব্যবহার ॥

কৃষ্ণ লাগি আর সব করি পরিত্যাগ ।

কৃষ্ণ-সুখ-হেতু করে শুদ্ধ অমুরাগ ॥

গোপীপ্রেমের প্রতিদানে শ্রীকৃষ্ণ স্বয়ং অসমর্থ হইয়াই বলিয়াছিলেন, “ন পারয়েহহং” ইত্যাদি। রাস লীলার অবসানে শ্রীভগবান্ স্বয়ং শ্রীমুখে বলিয়াছিলেন, “আমি তোমাদের প্রেমের ঋণ শোধ করিতে পারিব না।” এই প্রেমই বিশুদ্ধ রসময় আত্মনিষ্ঠ ধর্মের চরম পরিণতি ; ইহাট প্রয়োজন-তত্ত্ব বা প্রেমতত্ত্ব । *

এইরূপে শ্রীমন্মহাপ্রভু শ্রীপাদ সনাতনকে প্রয়োজনতত্ত্বের যে কত সূক্ষ্ম তত্ত্ব উপদেশ করিয়াছিলেন সেই সকল শ্রীমন্মহাপ্রভুর কৃপায় এবং শ্রীমৎ রূপ-সনাতনের কৃপায় প্রেমিক ভক্তগণের হৃদয়ে স্ফূর্ত হইবে। এই প্রয়োজন তত্ত্বের উপদেশ-সূচক শ্রীচরিতামৃতের মধ্য লীলার ত্রয়োবিংশ অধ্যায়ের উপসংহারে শ্রীশ্রীরাধাগোবিন্দগুণাবলী লিখিত হইয়াছে। শ্রীকৃষ্ণের গুণাবলী ভক্তিরসায়তনিক হইতে এবং শ্রীরাধিকার গুণাবলী উজ্জল নীলমণি হইতে শ্রীচরিতামৃতে উদ্ধৃত হইয়াছে। শ্রীরূপশিক্ষামৃতে

* সুপ্রসিদ্ধ ইংরাজ-কবি Shelly তদীয় “Epipsychidion” নামক কাব্যে প্রেমের এক মহাগভীর তথ্য প্রকটন করিয়াছেন, উহা এই :—

“One hope within twowills, one will beneath.

Two over,—shadowing minds, one life, one death.

(One Heaven, one Hell, one immorality.

And one annihilation.”

প্রেমে যে দুইটি হৃদয় সর্বথা একভাবাপন্ন হয়, ভবভূতি উত্তররামচরিতে “অবেতং সুখদুঃখয়ো” গদ্যে তাহা ব্যক্ত করিয়াছেন। আমাদের অতি প্রাচীন বৈদিক বিবাহ মন্ত্রেও ইহার উল্লেখ আছে :—

“মম ব্রতে তে হৃদয়ং বধাতু, মমচিত্ত মনুচিত্তং তে অস্ত। মম খাচা মেকমন জুবধ, বৃহস্পতিস্বাং নিযনকু মহম্।” “বদেতং হৃদয়ং তব, তদস্ত হৃদয়ং মম” বধ্যমি সত্যগ্রহিণা মনশ্চ হৃদয়কতে ; ইত্যাদি। প্রেমের মহারাসায়নিক আকর্ষণের ইহাই অনিবার্য অমৃতময় বল।

আমিও তাহা উদ্ধৃত করিয়াছি। উহা সম্বন্ধ-তর্কে 'শ্রীকৃষ্ণ-তর্কের অন্তর্ভুক্ত করিয়া পাঠ করাই সুসঙ্গত হইবে। এই অধ্যায়ের শেষে গোলোক বর্ণন ভগবৎদেহসম্বরণ, কেশাবতার, কৃষ্ণমহিষী হরণ প্রভৃতির উল্লেখ করা হইয়াছে। বিগ্রহ-নিত্যত্ব সম্বন্ধে অবতারবাদে আলোচনা করা হইয়াছে। গুরু-কৃষ্ণ কেশ-অবতারের বিস্তৃত সমাধান শ্রীকৃষ্ণ সন্দর্ভে দ্রষ্টব্য। শুক বৈরাগ্যের উপদেশ অন্তর্ভুক্ত শ্রীভাগবতের একটা শ্লোক উদাহরণ স্বরূপ প্রদত্ত হইয়াছে। ঐরূপ উপাসনা প্রেম-লাভের অসুকুল নহে বলিয়া তাহা ত্যাগ্য; অথবা ভগবৎসেবা ভিন্ন অন্য কাহারও সেবা একান্ত ভক্তের পক্ষে অশোভনীয় ইহাই উক্ত শ্লোকের লক্ষ্য।

কলতঃ বৈষ্ণব সিদ্ধান্ত অনন্ত। হরিভক্তি বিলাসের সাধন-ভক্তির ব্যাপার এবং ভাগবতামৃতের আলোচ্য বিষয় শ্রীপাদ সনাতনের গ্রন্থ সমালোচনায় সামান্ত্যকারে উল্লিখিত হইয়াছে। শ্রীপাদ সনাতনই ষড়্গোষ্ঠামীর মধ্যে প্রাচীনতম। গোষ্ঠামি-শাস্ত্রে শ্রীপাদ রূপ ও শ্রীজীব যাহা লিখিয়াছেন তাহা শ্রীশ্রীমহাপ্রভু ও শ্রীপাদ সনাতনের কৃপা হইতে লক। "শ্রীসনাতনশিক্ষামৃত" নামে গ্রন্থ লিখিতে হইলে এই অবয়বের শত সহস্র গ্রন্থ লিখিলেও পর্যাপ্ত বলিয়া বিবেচিত হইবে না। যদি বলি যে ইহা দিগ্-দর্শন মাত্র, একথাও দস্ত বলিয়াই মনে করা যাইতে পারে; কেন না, দিগ্-দর্শন করিতে হইলেও ইহা অপেক্ষা সহস্র গুণে অধিক লিখিতে হয়। শ্রীচৈতন্য চরিতামৃতের মধ্যলীলার ত্রয়োবিংশ অধ্যায়ের শেষে যাহা লিখিত হইয়াছে, তাহার উল্লেখ করার প্রলোভন কিছুতেই ত্যাগ করা যায় না; উহা এইরূপ :—

তবে সনাতন প্রভুর চরণে ধরিয়া ।
নিবেদন করে দস্তে তুণ গুচ্ছ লঞা ॥
নৌচড়াতি নৌচসেবী যুঞ্জি সুগামর ।
সিদ্ধান্ত শিখাইলে যাহা ব্রহ্মার অগোচর ॥

তুমি যে কহিলে এই সিদ্ধান্তায়তসিদ্ধ ।
 মোর মন ছুঁইতে নাহে ঠহার একবিন্দু ॥
 পক্ষু নাচাইতে পার, যদি হয় তোমার মন ।
 বর দেহ মোর মাথে ধরিয়া চরণ ॥
 “মুঞি যে শিকাইছ তোর ফুরুক সকল ।”
 এই তোমার বর হৈতে হবে মোর বল ॥
 তবে মহাপ্রভু তাঁর শিরে ধরি করে ।
 বর দিল এই সব ফুরুক তোমারে ॥
 সংক্ষেপে কহিল প্রেম প্রয়োজন সংবাদ ।
 বিস্তারি কহন না যায় প্রভুর প্রসাদ ॥

এইরূপে মধ্যলীলার ত্রয়োবিংশ অধ্যায়ে প্রয়োজনতত্ত্ব সৰ্বক্ৰমে উপদেশ
 হইয়াছে ।

প্রভুর উপদেশায়ত শুনে যেই জন ।
 অচিরাতঃ মিলয়ে তারে কৃষ্ণ-প্রেমধন ॥

উনত্রিংশ অধ্যায়

আত্মারাম শ্লোকব্যাখ্যা

আত্মারামেতি পণ্ডার্কস্বার্থাশূন্ ধঃ প্রকাশয়ন্ ।
 অগস্তমো অহারাভ্যাং স চৈতন্যোদয়চলঃ ॥ ইত্যাদি ।

“যিনি আত্মারাম ইত্যাদি শ্লোকরূপ প্রভাকরের অর্থরূপ কিরণাবলি
 প্রকাশ করিয়া অগস্তের তমোনাশ করিয়াছেন, সেই চৈতন্যরূপ উদয়গিরি
 আমাদিগকে রক্ষা করুন ।” সেই পরমেশ্বর দয়ারসাগর ভগবান্ চৈতন্যসেবকে

আমি বন্দনা করি। যিনি কৃপা করিয়া সার্কভোম 'ভট্টাচার্য্যকে আশ্রাম ইত্যাদি শ্লোকের অষ্টাদশ প্রকার অর্থ শুনাইয়াছিলেন।

মধ্যমালার ত্রয়োবিংশ অধ্যায় পর্য্যন্ত শ্রীপাদ সনাতনের প্রতি মহাপ্রভুর উপদেশ বাক্য সমূহের যৎ কিঞ্চিৎ সংক্ষিপ্ত মর্ম্ম প্রকাশ করা হইয়াছে। আমিও সেই প্রণালা অবলম্বন করিয়া শ্রীসনাতনশিক্ষামূর্ত্তের অংশকণা স্পর্শ করিয়াছি কিন্তু শ্রীপাদ সনাতনের তখনও আনিবার ইচ্ছা-নিবৃত্তি হয় নাই। শ্রীমন্মহাপ্রভু শ্রীপাদ সার্কভোমের নিকট আশ্রাম শ্লোকের আঠার প্রকার ব্যাখ্যা করিয়াছিলেন। সেই ব্যাখ্যা শুনিবার অন্ত তিনি উৎকণ্ঠিত হইয়া বলিলেন, দয়াময়, শুনিয়াছি শ্রীপাদ সার্কভোম ভট্টাচার্য্য মহাশয়ের নিকট আপনি আশ্রাম শ্লোকের আঠার প্রকার ব্যাখ্যা করিয়াছেন, সেই ব্যাখ্যা শুনিবার অন্ত আমার চিত্ত অত্যন্ত উৎকণ্ঠিত হইয়াছে। আপনি কৃপা করিয়া তাহা বলিলে আমার শ্রবণ সার্থক হয়; যথা শ্রীচরিতামৃত্তে :—

তবে সনাতন, প্রভুর চরণে ধরিয়া।

পুনরপি কহে কিছু বিনয় করিয়া ॥

পূর্বে শুনিয়াছি তুমি সার্কভোমস্থানে।

এই শ্লোকের আঠার অর্থ করিয়াছে ব্যাখ্যানে ॥

আশ্চর্য্য শুনিয়া মোর উৎকণ্ঠিত মন।

কৃপা করি কহ যদি জুড়ায় শ্রবণ ॥

সনাতনের বিনতিপূর্ণ কোতুহলময় বাক্য শ্রবণ করিয়া ঈষৎ হাস্ত-পূর্ব্বক মহাপ্রভু বলিলেন, আমি এক বাতুল,—কখন যে কি বলি তাহার ঠিক থাকে না, কিছু মনেও থাকে না। সার্কভোম আমার সেই বাক্যগুলি গ্রাহ্য করিয়াছেন, ঠগাই আশ্চর্য্য। তখন কি যে প্রলাপ করিয়াছিলাম তাহাও স্মরণে আনিতে পারিতেছি না :—

* কিবা প্রলাপিতাম কিছু নার্বিক স্মরণে।

• তোমার সঙ্গ-বলে যদি কিছু হয় মনে ॥

সহজে আমার কিছু অর্থ নাহি জ্ঞাসে ।

তোমা সবা সম্বলে যে কিছু প্রকাশে ॥

শ্রীমদ্ভাগবতের এই বাক্যে মহাত্মার্তে শ্রীকৃষ্ণের একটি উক্তি আমাদের মনে হইতেছে । কুরুক্ষেত্র যুদ্ধ অবসানের পরে অর্জুন শ্রীকৃষ্ণকে বলিয়াছিলেন, দয়াময়, আপনি যুদ্ধের সময় যে পরাধিকার উপদেশ দিয়াছিলেন, আমি তাহা ভুলিয়া গিয়াছি । তদন্তরে শ্রীকৃষ্ণ বলিলেন, এখন সেই সকল কথা আমার মনে হইবে না, তবে তোমার শ্রুতিতে কোতুলন হইয়াছে ; যতটুকু পারি বলিতেছি ।

অতঃপরে শ্রীকৃষ্ণ অর্জুনকে যে উপদেশ দিয়াছিলেন তাহা অমৃতগীতা নামে প্রসিদ্ধ । শ্রীমদ্ভাগবতের কথাটাও প্রায় তদ্রূপ । কিন্তু সার্বভৌমের নিকট তিনি যে ব্যাখ্যা করিয়াছিলেন তাহা আঠার প্রকার কিন্তু সনাতনের নিকট যে ব্যাখ্যা করেন তাহা একষটি প্রকার । মহাপ্রভু নিজেই ব্যাখ্যাশ্রেণী বলিয়াছেন,—একষটি অর্থ এবে শুরিল তোমা সঙ্গে ।

তোমার ভক্তিবলে উঠে অর্থের ভরণে ॥

সার্বভৌমের নিকট যে বিষয়ের উপলক্ষে এই আশ্চার্য শ্লোকের ব্যাখ্যা হয় এখানে প্রসঙ্গতঃ তাহার উল্লেখ করা প্রয়োজন । মায়াবাদী সন্ন্যাসীরা ভক্তিকে পুরুষার্থ বলিয়া মনে করেন না । মহাপ্রভু যখন সার্বভৌমের নিকটে ভক্তির পুরুষার্থতা সম্বন্ধে উপদেশ করিতেছিলেন, তখন শ্রীমদ্ভাগবতের প্রথম স্কন্ধের ৭ম অধ্যায়ের এই দশম শ্লোকটি প্রমাণ-স্বরূপ উপস্থাপিত করিয়া ইহার নানা প্রকার ব্যাখ্যা করেন । তাহাতে সার্বভৌমের ভ্রম নিরস্ত হয়, ভক্তিতত্ত্ব সম্বন্ধে প্রগাঢ় জ্ঞানের উদয় হয় এবং তিনি পরম বিন্মিত ও বিমুগ্ধ হন ; যথা শ্রীচৈতন্য চরিতামৃতঃ—

প্রভু কহে ভট্টাচাৰ্য্য না কর বিস্ময় ।

ভগবানে ভক্তি পরম পুরুষার্থ হয় ॥

আত্মারাম পর্যন্ত করে ঈশ্বর ভজন ।
 ঐছে অচিন্ত্য ভগবানের গুণগণ ॥
 "আত্মারামাশ্চ মুনয়ো নিগ্রহাহপ্যরুক্রমে ।
 কুর্কস্যাহেতুকীং ভক্তিমিখংস্তুতগুণো হরিঃ ॥

মহাপ্রভু এই শ্লোক বলিলেন ; ভট্টাচার্য্য তাঁহার শ্রীমুখে এই শ্লোকের ব্যাখ্যা শুনিতে বাঞ্ছা করিলেন। মহাপ্রভু বলিলেন, আপনি অশেষ শাস্ত্রদর্শী, বড়দর্শনাচার্য্য, আপনিই ইহার অর্থ করুন। আমি যাহা কিছু বুঝি তাহা পাছে বলিব। সার্কভৌম ভট্টাচার্য্য হায় শাস্ত্রের পণ্ডিত, তিনি তর্ক শাস্ত্রানুসারে নানাপ্রকার বাক্যচ্ছটার তর্ক-প্রণালী অনুসারে এই শ্লোকের নয় প্রকার অর্থ করিলেন। মহাপ্রভু, ভট্টাচার্য্য মহাশয়ের ব্যাখ্যা শুনিয়া ঈমৎ হাসিয়া বলিলেন, আপনি তর্কশাস্ত্রে মহাপণ্ডিত, সাক্ষাৎ বৃহস্পতি তুল্য বিদ্বান্, আপনার হায় এইরূপ পাণ্ডিত্য প্রতিভায় শাস্ত্রব্যাখ্যা করিতে আর কাহারও শক্তি নাই কিন্তু এই নয় প্রকারের অর্থ ছাড়াও এই শ্লোকের আরও পৃথক্ অভিপ্রায় আছে। যথা শ্রীচরিতামৃতে :—

ভট্টাচার্য্য শ্লোক করিল ব্যাখ্যান ।
 তর্ক শাস্ত্র মত উঠায় বিবিধ বিধান ॥
 নববিধ অর্থ তর্কশাস্ত্র মত লঞা ।
 শুনি প্রভু কহে কিছু ঈষৎ হাসিয়া ॥
 ভট্টাচার্য্য জানি তুমি সাক্ষাৎবৃহস্পতি ।
 শাস্ত্র ব্যাখ্যা করিতে ঐছে করো নাহিশক্তি ॥
 কিন্তু তুমি অর্থ কৈলে পাণ্ডিত্য প্রতিভায় ।
 ইহা বই শ্লোকের আছে আরো অভিপ্রায় ॥

তখন ভট্টাচার্য্য মহাশয় অমুনয়পূর্বক বলিলেন, আমি এই শ্লোকটীর

যে নবাবিধ অর্থ ক রেয়াছি, ইহার পরে আর কি অভিপ্রায় থাকিতে পারে, আপনার মুখে তাহা শুনিতে ইচ্ছা করি।

তখন মহাপ্রভু শ্রীপাদ সার্কভোমের ব্যাখ্যার উপরে আরও আঠার প্রকার ব্যাখ্যা করিলেন। কিন্তু তাঁহার ব্যাখ্যা ঘৃণাকরও স্পর্শ করিলেন না :—

ভট্টাচার্য্যের প্রার্থনাতে প্রভু ব্যাখ্যাকৈল।

তার নবঅর্থ মধ্যে এক না ছুটল ॥

আত্মারাম শ্লোকে একাদশটি পদ আছে। প্রত্যেকটি পদ পৃথক পৃথক লইয়া তিনে অষ্টাদশ প্রকার অর্থ করিলেন। ইহাতে তাঁহার শক্তি এবং তাঁহার গুণগণের অচিন্ত্য প্রভাব ব্যাখ্যাচ্ছলে প্রদর্শিত হইল। অত্যাগ সাধাসাধন,—ভক্তির তুলনায় যে অকিঞ্চিৎকর, ভগবানের শক্তিতে এবং তাঁহার গুণে সিদ্ধ এবং সাধকগণের মনও যে আকৃষ্ট হয়, তাহাও তিনি বুঝাইয়া দিলেন, শুকদেব ও শনকাদি যে ইহার প্রমাণ তাহাও প্রকৃষ্ট রূপে বুঝাইলেন। ফলতঃ মহাপ্রভুর শ্রীমুখে অভিনব অষ্টাদশ প্রকার ব্যাখ্যা শুনিয়া সার্কভোম ভট্টাচার্য্য মহোদয় চমৎকৃত হইলেন এবং প্রভুকে স্বয়ং ভগবান্ বলিয়া মনে করিতে লাগিলেন, যথা শ্রীচরিতামৃতে :—

আত্মারাম শ্লোকে একাদশ পদ হয়।

পৃথক পৃথক কইল অর্থের নিশ্চয় ॥

তৎসং পদ প্রাধাত্তে আত্মারাম মিলাইয়া।

অষ্টাদশ অর্থ কইল অভিপ্রায় লইয়া ॥

শ্রীভাগবতের এই শ্লোকটিতে যে গূঢ় অভিপ্রায় নিহিত ছিল, তাহা কেবল তর্কশাস্ত্রের ব্যাখ্যার অধিগম্য নহে। ভগবানের অচিন্ত্যশক্তি-প্রভাবে তাঁহার অচিন্ত্য গুণগণ-প্রভাবে সিদ্ধসাধকগণের চিত্তও আকৃষ্ট হইয়া থাকে এবং কর্ম, যোগ, জ্ঞান, ধ্যান প্রভৃতি হইতে যে ভক্তির সাধনা সর্বশ্রেষ্ঠ, এই এক শ্লোকের বিবিধ প্রকার ব্যাখ্যায় শ্রীময়হাপ্রভু

তাৎকালিক পণ্ডিত রাজচক্রবর্তী ষড়্দর্শনাচার্য্য শ্রীমৎ বাসুদেব সার্কভৌম ভট্টাচার্য্যকে তাহা বুঝাইয়াছিলেন ।

শুনি ভট্টাচার্য্যের মনে হৈল চমৎকার ।
প্রভুকে কৃষ্ণ জানি করে আত্মধিকার ॥
ইহতো সাক্ষাৎ কৃষ্ণ মূঞি না জানিয়া ।
মহা অপরাধ কৈলু গর্কিত হইয়া ॥

এই বলিয়া সার্কভৌম প্রভুর পাদপদ্মে শরণ গ্রহণ করিলেন । তখন সার্কভৌমের প্রতি কৃপা করিয়া প্রভু তাঁহাকে অদ্ভুত রূপ দেখাইয়া-
ছিলেন :—

দেখাইলা তারে আগে চতুর্ভুজরূপ ।
পাছে শ্রাম বংশীরূপ স্বকীয় স্বরূপ ॥
প্রভুর কৃপায় তার ক্ষুরিল সব তত্ত্ব ।
নাম প্রেম দান আদি বর্ণেন মহত্ত্ব ॥
শত শ্লোক কৈল এক দণ্ড না যাইতে ।
বৃহস্পতি তৈছে শ্লোক না পারে করিতে ॥

সার্কভৌম তখন করযোড়ে বলিতে লাগিলেন,—

জগৎ নিস্তারিলে তুমি সেহ অল্প কার্য্য ।
আমা উদ্ধারিলে তুমি এসব আশ্চর্য্য ॥
তর্কশাস্ত্রে জড় আমি যৈছে লৌহপিণ্ড ।
আমা দ্রবাইলে তুমি প্রতাপ প্রচণ্ড ॥

যে আত্মারাম শ্লোকের ব্যাখ্যায় এই বিপুল ব্যাপার ঘটিয়াছিল, শ্রীপাদ সনাতনের সেই ব্যাখ্যা শুনিতো কোতুহল হওয়া অতীব স্বাভাবিক । সনাতনের প্রতি কৃপা করিয়া শ্রীমন্নহাপ্রভু আত্মারাম শ্লোকের ব্যাখ্যা করিতে প্রবৃত্ত হইলেন । তিনি প্রথমতঃ বলিলেন, এই শ্লোকে একাদশটি পদ আছে, যথা :—১ । আত্মারাম, ২ । চ, ৩ । মূনয়ঃ, ৪ । নিগ্রহাঃ,

৫। অপি, ৬। উরুক্রমে, ৭। কুর্কন্তি, ৮। অহৈতুকীং, ৯। ভক্তিং,
১০। ইখদ্ভুত গুণঃ, এবং ১১। হরিঃ।

প্রথমতঃ আত্মা শব্দের অর্থ করা যাইতেছে, তথাহি বিশ্বপ্রকাশে—
আত্মা দেহমনোব্রহ্মস্বভাবধৃতিবুদ্ধিষু ; প্রযত্নে চ ।

অপর একখানি কোষ গ্রন্থে লিখিত আছে :—

আত্মা পুমান্ স্বভাবে চ প্রযত্নে ধৈর্যাচিন্তয়োঃ ।

বুদ্ধৌ দেহে পরব্যবর্ত্তনে ব্রহ্মণি কীৰ্ত্তিতঃ ॥

অমরকোষে নানার্থ বর্গে লিখিত আছে :—

“আত্মা বহু ধৃতিবুদ্ধিঃ স্বভাবো ব্রহ্মবশ্চ ।”

ইহার টীকার রঘুনাথ চক্রবর্তী উদাহরণ সহ ব্যাখ্যা করিয়াছেন, তদ্
যথা :—যত্নে—মহাত্মা পুরুষঃ । ধৃতৌ—গুণাত্মা পুরুষঃ সন্দেতি । স্বভাবে—
দৃষ্টাত্মা । ব্রহ্মণি—অত্বেবেদং সৰ্ব্বং । বশ্চশরীরম্ ।

আত্ম পুংসি স্বভাবে চ প্রযত্নমনসোরপি ।

ধৃতাবপি মনীষায়াং শরীরব্রহ্মণোরপীতি মেদিনী ।

আত্মা কলেবরে যত্নে স্বভাবে পরমাত্মনি ।

চিত্তে ধৃতৌ চ বুদ্ধৌ চ পরব্যবর্ত্তনেপি চ ॥ ইতি ধরনিঃ

আত্মা পুংসি স্বভাবে চ প্রযত্ন মনসোরপি

ধৃতাবপি মনীষায়াং শরীরঃ ক্রণসোরপি ॥

ভাগবতে লিখিত আছে :—

“যয়া সংমোহিতো জীবঃ আত্মানং ত্রিগুণাত্মকম্” ইতি ।

স চিন্ময়ঃ প্রকাশাত্মা উৎপাদ্যাত্মানমাত্মনা ।

পুরুষাখ্যমনস্তঞ্চ প্রকাশপ্রসরং মহৎ ইত্যাদি ॥

অস্তুর্যামী স, তেষাং বৈ তারকানামিবাশ্বরং ।

সেকুনঃ পাবকো যদ্বৎ স্কুংলিঙ্গনিচয়ং দ্বিজ ॥

অনিচ্ছাতঃ প্রেরয়তি তদ্বদেব পরঃ প্রভুঃ

প্রাথাসনাবিবদানাং বদানাঞ্চ বিমুক্তয়ে ॥

তস্মাৎসিদ্ধিশুদংশাংস্তানু সর্বাংশস্তমজঃ প্রভুমিতি ॥

দেহ, মন, ব্রহ্ম, স্বভাব, ধৃতি, বুদ্ধি এবং প্রযত্ন আত্মাশব্দের এই সাত সাত প্রকার অর্থ করিয়া ইহার প্রত্যেকের সহিত আরাম শব্দ-যোগে আত্মারাম পদ উৎপন্ন করিয়া উহার পৃথক্ পৃথক্ অর্থ করা হইবে। আবার মুনি শব্দের—মননশীল, মৌনী, তপস্বী, ব্রতী, যতি, ঋষি ও মুনি এই সাত অর্থ। নিগ্রহ শব্দের অর্থ অবিद्या গ্রস্থিহীন, শাস্ত্র জ্ঞান-বিহীন, মূর্থ, নীচ, স্বেচ্ছ প্রভৃতি শাস্ত্র বহির্ভূত ব্যক্তিগণ, ধনসঞ্চয়ী এবং নির্ধন। এই শব্দটী যৌগিক, ইহা নিঃ এবং গ্রস্থিঃ এই দুইটা শব্দের যোগে উৎপন্ন ; ইহা যৌগিক পদ। নিঃ উপসর্গের অর্থ বিশ্বাস্তিধানে “নি নিশ্চয়ে নিষ্ক্রমার্থে নি নির্মাণ-নিষেধয়োঃ।” অর্থাৎ নিশ্চয়ে, নিষ্ক্রমার্থে, নির্মাণ ও নিষেধার্থে নিঃশব্দ ব্যবহৃত হয় এবং গ্রহ শব্দটির নানা অর্থ এই যে :—

“গ্রহো ধনেচসন্দর্ভে বর্ণসংগ্রথনেছপি চ।”

অর্থাৎ গ্রহ শব্দটা ধনার্থে, সন্দর্ভার্থে এবং বর্ণসংযোগে প্রযুক্ত হয়। নিগ্রহি শব্দের পূর্ক লিখিত নানা অর্থ সাধিত হইয়াছে।

উরুক্রম পদটার যৌগিক। উরুশব্দের অর্থ বৃহৎ এবং ক্রম শব্দের অর্থ পাদবিক্ষেপণ, শক্তি, কম্প, পরিপাটী, যুক্তি ও শক্তির দ্বারা আক্রমণ। শ্রীচরিতামৃতে লিখিত আছে :—

‘উরুক্রম’ শব্দে কহে বড় যার ক্রম।

‘ক্রম’ শব্দে কহে তার পাদ-বিক্ষেপণ ॥

শক্তি, কম্প, পরিপাটী, যুক্তি, শক্ত্যে আক্রমণ।

চরণ চালনে কাঁপাইল ত্রিভুবন ॥

এই উরুক্রম শব্দটা বিষ্ণুকে বুঝাইতেছে। শ্রীভাগবতে একটা শ্লোক আছে, তাহা এই :—

বিষ্ণোর্ বীর্ষ্যগণনাং কতমোহর্হতীহ

যঃ পার্থিবান্ধপি কবি বিমমে রজাংসি ।

চক্ৰস্ত যঃ স্বরহসা স্থলতা ত্রিপিষ্টং

যস্মাত্রিসামাসদনাহুরকম্পয়ানম্ ॥

ব্রহ্মা কহিলেন, হে নারদ, যে ব্যক্তি পৃথিবীর পরমাণু ও গণিতে পারে সেও কি বিষ্ণুর বীর্ষ্য গণনা করিতে সমর্থ হয় ? যে বিষ্ণু প্রতিঘাতশূন্য পাদবেগদ্বারা প্রকৃতির আবরণ পর্য্যন্ত কাপাইয়া সত্যলোক পর্য্যন্ত ধারণ করিয়াছিলেন, কে তাহার বার্ষ্যের পরিমাণ করিবে ?

ঋগ্বেদ সংহিতায় এই উরুক্রম অবতারণের বীজ মন্ত্র দৃষ্ট হয় যথা :—

ও বিষ্ণোর্ কং বীর্ষ্যাণি প্রবোচং যো পার্থিবানি বিমমে রজাংসি ।

যোহক্ৰস্ত যদুত্তরং সবস্তং বি চক্রমাণ স্ত্রিধোরুগায় ইতি ।

সুতরাং ইহাতে স্পষ্টতঃই প্রতিপন্ন হইতেছে যে, শ্রীভাগবতোক্ত এই শ্লোকটি বেদমন্ত্রমূলক। শ্রীচরিতামৃতের উরুক্রম শব্দের যে ব্যাখ্যা আছে তাহা এই:—

বিভুরূপে ব্যাপে শক্ত্যে ধারণ পোষণ ।

মাধুর্ষ্যশক্ত্যে গোলোক, ঐশ্বর্য্যে পরব্যোম ॥

মায়া শক্ত্যে ব্রহ্মাণ্ডাদি পরিপাটী সৃজন ।

‘উরুক্রম’ শব্দের এই অর্থ নিরূপণ ।

অর্থাৎ “ব্যাপ্নোতি বিশ্বং ইতি বিষ্ণু” এই অর্থে ইনি বিভূ রূপে এই বিশ্বে ব্যাপ্ত আছেন, শক্তির দ্বারা বিশ্বকে ধারণ পোষণ করিতেছেন। গোলোকে তাঁহার মাধুর্ষ্য শক্তির প্রকাশ, পরব্যোমে ঐশ্বর্য্য শক্তির প্রকাশ এবং মায়া শক্তির দ্বারা এই ব্রহ্মাণ্ডাদির পরিপাটী সৃষ্টি,—ইহাই উরুক্রম শব্দের অর্থ। বিশ্ব নামক অভিধানে ক্রম শব্দের যে নানার্থ লিখিত হইয়াছে তাহা এই :—

“ক্রমঃ শক্তৌ পরিপাট্যং ক্রম শ্চালনকম্পয়োঃ ।”

ইহার বঙ্গানুবাদ পূর্বেই করা হইয়াছে। 'কুর্মান্তি' শব্দটী কু ধাতু লটে নাম পুরুষের বহুবচন। এস্থলে ইহা পরস্মৈপদী। পাণিনি বলেন,—

“স্মিতক্রিতোঃ কত্র্ত্তিপ্ৰায়ে ক্রিয়াকলে।”

ইহার অর্থ এই যে, যেখানে ক্রিয়া কলে কত্র্ত্তার অভিপ্রায় আছে, সেখানে পরস্মৈপদী হইয়া থাকে।

অহেতুকী শব্দের অর্থ—হেতু-অভিসন্ধান-বিবর্জিত। এষ্ট হেতু এস্থলে তিন প্রকার—ভুক্তি, সিদ্ধি ও মুক্তি। এক ভুক্তিতেই যে কত প্রকার ফল-কামনা ঘটে, তাহা বলা যায় না। সিদ্ধি অষ্টাদশ প্রকার। শ্রীভাগবতের ১১ স্কন্ধে ১৫ অধ্যায়ে শ্রীভগবান্ ভক্ত প্রবর উদ্ধবকে বলিয়াছেন :—

সিদ্ধয়োঃষ্টাদশ প্রোক্তা ধারণাযোগপারগৈঃ।

তাসানষ্টৌ মৎপ্রধানা দশৈব গুণহেতবঃ ॥

এই অষ্টাদশ সিদ্ধির মধ্যে আটটি মুখ্য এবং দশটি গুণজ। অষ্ট মুখ্য সিদ্ধি এই :—অশিমা, মহিমা, লঘিমা, প্রাপ্তি, প্রাকাম্য, ঈশিত্ব, বশিত্ব ও কামাবসান্নিত্ব।

অশিমা মহিমা চৈব লঘিমা প্রাপ্তিরেব চ

প্রাকাম্যঞ্চ তথৈশিত্বং বশিত্বঞ্চ তথাগরম্ ॥

যত্র কামাবসান্নিত্বং গুণানেতানথৈশ্বরান্।

প্রাপ্তোত্যষ্টৌ নরব্যাস্ত্র পরনির্বাণসূচকান্ ॥

ইহার আর একটা সংক্ষিপ্ত লক্ষণ আছে, তাহা এই :—

অশিমা মহিমা প্রাপ্তিঃ প্রাকাম্যং মহিমা তথা।

ঈশিত্বঞ্চ বশিত্বঞ্চ তথা কামাবসান্নিতা ॥

গুণহেতু অপর দশ প্রকার সিদ্ধি এই যে,—অনূর্ষিমত্ব অর্থাৎ কুংপিণাসারহিতত্ব, দূরদেশান্তরে শব্দশ্রবণ (clairaudiance) দূরদর্শন (clairvoyance) মনোবেগে দেহের গতি, কামিতরুণপ্রাপ্তি, পরকারে

প্রবেশ (obsession) বৈচ্ছায়ত্ব, দেবভাগণ সহ অঙ্গরাদিগের ক্রীড়া দর্শন, সফলসিদ্ধি, আত্মাসিদ্ধি, অপ্রতিহতা গতি। এতদ্ব্যতীত আরও পাঁচটা ক্ষুদ্রসিদ্ধি আছে যথা—ত্রিকালজ্ঞত্ব, অদ্বন্দ্ব অর্থাৎ শীতোষ্ণাদির অনন্তিত্ববৎ, অগ্ন্যাতির সংশুভন, পরচিত্তাদি-অভিজ্ঞতা (thought-reading)।

মুক্তি পাঁচ প্রকার,—সালোকা, সারুপা, সানীপা, সাযুজ্য, সাষ্ট। অনন্ত ভোগ বা ভুক্তি, অষ্টাদশ সিদ্ধি ও পাঁচপ্রকার মুক্তি, এই সকল প্রাপ্তি-কামনা যে ভক্তিতে নাই তাহারই নাম অহেতুকী ভক্তি। শ্রীচরিতামৃতে লিখিত আছে :—

এই বাহা নাহি সেই ভক্তি অহেতুকী ।

যাহা হৈতে বশ হয় শ্রীকৃষ্ণ কোতুকী ॥

অতঃপরে ভক্তির নানা প্রকার বিভাগের কথা বলা হইয়াছে। তাহাও শ্রীচৈতন্য চরিতামৃতের পয়ার উদ্ধৃত করিয়াই প্রকাশ করা যাইতেছে। সাধন ভক্তি একপ্রকার এবং প্রেম ভক্তি নয় প্রকার। এতৎসবই বিশেষ কথা শ্রীচরিতামৃতে উক্ত হইয়াছে যথা :—

রতিলক্ষণা, প্রেমলক্ষণা, ইত্যাদি প্রকার ।

ভাবরূপা, মহাভাব লক্ষণরূপা আর ॥

শাস্ত-ভক্তের রতি বাড়ে প্রেম পর্য্যন্ত ।

দাস্ত-ভক্তের রতি হয় রাগ দশাঅন্ত ॥

সখাগণের রতি অনুরাগ পর্য্যন্ত ।

পিতৃ-মাতৃ-শ্বেত-আদি অনুরাগ অস্ত ॥

কান্তাগণের রতি পায় মহাভাব-সীমা ।

‘ভক্তি’শব্দের এই সব অর্থের মহিমা ॥

অতঃপরে ‘ইখত্ব’ পদের অর্থ করা যাইতেছে। ইখত্ব পদটা দুইটা শব্দে রচিত। ইখত্ব একটা এবং অপরটা ‘গুণঃ’ শব্দ। ইখত্ব

শব্দের এখানে তাৎপর্যার্থ,—পূর্ণানন্দময় । এস্থলে ইহাই বুঝিতে হইবে যে, এই পূর্ণানন্দের সমক্ষে ব্রহ্মানন্দও তৃণতুল্যতুচ্ছ । এসম্বন্ধে প্রমাণ এই যে,—

তৎসাক্ষাৎকরণাহ্লাদবিশুদ্ধাক্ৰিস্থিতস্ত মে ।

সুখানি গোম্পদায়ন্তে ব্রহ্মাণ্যপি অগন্গুরো ॥

হে ভগবন, যে প্রকার মহাসাগরে বিচরণকারী অস্ত্র সকলের গোম্পদ জল অকিঞ্চিৎকর বলিয়া বোধ হয়, সেই প্রকার আপনার দর্শনরূপ আনন্দ-সমুদ্রে বিহরণশীল আমার ব্রহ্মসম্বন্ধি সুখ অতি তুচ্ছ বলিয়া বোধ হইতেছে । শ্রীকৃষ্ণের গুণ কি প্রকার তাহা প্রকাশের অঙ্গ বলা হইতেছে :—

সর্বাकर्षক সর্বাह্লাদক মহারসায়ন ।

আপনার বলে করে সর্ব বিস্মারণ ॥

ভুক্তি সিদ্ধি মুক্তি সুখ ছাড়ায় দার গন্ধে ।

অলৌকিক শক্তিগুণে কৃষ্ণকৃপায় বান্দে ॥

অতঃপরে শ্রীকৃষ্ণের গুণের কথা বলা হইয়াছে । শ্রীকৃষ্ণের অনন্ত গুণ, তিনি সচ্চিদানন্দবিগ্রহ, পূর্ণানন্দস্বরূপ, ঐশ্বর্য্য-মাধুর্য্য-কারুণ্য-ভক্ত-বাৎসল্যশীল, ও আত্মপর্য্যস্ত বদাত্ত, তিনি অলৌকিক রূপরস-সৌরভাদিগুণ-সম্পন্ন । তাঁহার এক এক গুণে এক এক শ্রেণীর ভক্তের চিত্ত আকৃষ্ট হয় । তাঁহার পদারবিন্দের কিঞ্চকমিশ্র তুলসীমকরন্দ-বায়ু সৌরভে সনকাদি মহর্ষিগণের চিত্ত আকৃষ্ট হয় ; যথা শ্রীভাগবতে ৩য় স্কন্ধে ১৫ অধ্যায়ে ৪৩ শ্লোক :—

তস্তারবিন্দনয়নস্ত পদারবিন্দ,

কিঞ্চকমিশ্র তুলসী-মকরন্দ-বায়ুঃ ।

অস্তর্গতঃ স্ববিবরণে চকার তেষাং,

সংকোভমকরজুসামপি চিত্ততন্বোঃ ॥

কমলনয়ন ভগবানের চরণার্পিত পদ্মকিঞ্চকমিশ্রিত তুলসীর বায়ু নাগ্নারক্ণ, দ্বারা অন্তরে প্রবেশ করিয়া ব্রহ্মানন্দসেবী সনকাদির চিত্ত এবং

তদ্ব্যুত সম্যক ক্রোভের সংকার করিয়াছিল, অর্থাৎ চিত্তে অতিশয় হর্ষ এবং শরীরে রোমাঞ্চ করিয়াছিল।

শ্রীভগবান্নীলা শ্রবণে শুকদেবেরও মন আকৃষ্ট হইয়াছিল।

পরিনিষ্ঠিতোহপি নৈশুণ্যে উত্তমঃশ্লোকলীলয়া।

গৃহীতচেতা রাজর্ষে আখ্যানং যদধীতবান্ ॥ ভাঃ—২।১।৯

শ্রীশুকদেব কহিলেন, হে মহারাজ পর্বাক্ষিৎ, আমি নিশুণ ব্রহ্মে অবস্থিত ছিলাম সত্য কিন্তু উত্তমঃশ্লোক ভগবানের লীলা শ্রবণে আকৃষ্ট চিত্ত হইয়াছিলাম। তাহাতেই আমার এই আখ্যান গদ্যায়ন করা হইয়াছে।

শ্রীভাগবতে আরও লিখিত আছে,—

স্বসুখ-নিভৃতচেতাস্তদ্বাদস্তানুভাবোহ

পাজিতরুচির-লালাকৃষ্টসারঙ্গদীপং।

দ্যতন্তরুপয়া য শুভদাপং পুবাণং

ভমখিলবৃজিনম্বং ব্যাসসুত্বং নশোহস্মি ॥

ঋহাৎ চিত্ত ব্রহ্মানন্দে ডুবিয়াছিল এবং তজ্জন্তু দ্বৈতশুষ্টিবিরহিত হইয়াছিল, তাদৃশ হইয়াও যিনি শ্রীকৃষ্ণের মনোহর লীলা দ্বারা ব্রহ্মানন্দ হইতে আকৃষ্টচিত্ত হইয়া, কৃপাবশতঃ সর্বতদ্ব প্রকাশক ভাগবত পুরাণ বিস্তাররূপে কীর্তন করিয়াছেন, সেই সমস্ত বৃজিনহস্তা ব্যাসনন্দন শুকদেবকে আমি প্রণাম করি।

ভগবানের শ্রীঅঙ্গ-রূপে গোপিকাদিগের মন আকৃষ্ট হয়।

বীক্ষ্যালকাবৃতমুখং তব কুণ্ডলশ্রি-

গগুস্থলাধরসুদং হনিতাবলোকং।

দন্তাভয়ঞ্চ ভূজদণ্ডযুগং বিলোক্য

বন্ধঃ শ্রিয়ৈকরমণঞ্চ ভবাম দাস্তঃ ॥

গোপীগণ কহিলেন, হে সুন্দর, যাহাতে কুণ্ডল শ্রীযুগলগুহল, সুধাময় অধর এবং হসিতাবলোকন রহিয়াছে, সেই এই অলকাবৃত তোমার মুখ

দেখিয়া অভয়প্রদ ভূতদণ্ডযুগল এবং লক্ষ্মীদেবীরও রতিজনক
বক্ষঃস্থল দর্শন করিয়া আমরা তোমার দাসী হইলাম ।

রূপগুণাদি শ্রবণে কৃষ্ণিণ্যাদির আকর্ষণ যথা :—

কান্দ্যজ তে কলপদায়তবেগুগীত-
সম্মোহিতার্থ্যচরিতারচলেন্নিলোক্যাম্ ।
ত্রৈলোক্যসৌভগমিদঞ্চ নিরীক্ষ্য রূপং
যদেগাধিজক্রমমৃগাঃ পুলকান্তবিভ্রন্ ॥

গোপীগণ কহিলেন, হে শ্রীকৃষ্ণ, ত্রিলোকীতে এতাদৃশী স্ত্রী কে আছে
যে, তোমার অমৃতময় বেগুর কলগীতে বিমোহিত হইয়া এবং ত্রৈলোক্যের
নিখিল সৌন্দর্য্য যাহাতে অন্তর্ভূত রহিয়াছে, তোমার তাদৃশ রূপ নিরীক্ষণ
করিয়া, স্বধর্ম্ম হইতে বিচলিত না হয় ? স্ত্রীদিগের কথা দূরে থাকুক, যে
বেগুগীত শ্রবণ এবং রূপ দর্শন করিয়া গো, ক্রম, পক্ষী এবং মৃগগণ পর্য্যন্ত
পুলকিত হয় ।

পুরুতুল্য স্ত্রীগণের বাৎসল্যে আকর্ষণ ।
দান্ত সখ্যাদি ভাবে পুরুষাদিগণ ।
পক্ষী, মৃগ, বৃক্ষ, লতা, চেতনাচেতন ।
প্রেমে মত্তকরি আকর্ষণে কৃষ্ণগুণ ॥

অতঃপরে 'হরি' শব্দের অর্থব্যাখ্যান আরম্ভ হইয়াছে । শ্রীচরিতামৃতে
লিখিত হইয়াছে :—

হরি শব্দে নানার্থ দুই মুখ্যতম ।
সর্ব্ব অমঙ্গল হরে, প্রেম দিয়া হরে মন ॥

অমরকোষ অভিধানের নানার্থ বর্গে হরিশব্দের বহুল অর্থ দৃষ্ট হয় :
যথা :—

যমানিলেক্সচক্রার্কবিষ্ণুসিংহাংসুবাঞ্জিষু ।
সুকাহিকপিভেকেষু হরির্না কণিলে ত্রিষু ॥

হরি—যম, বায়ু, ইন্দ্র, চন্দ্র, সূর্য্য বিষ্ণু, সিংহ, কিম্বক, মোটক, শুকনগরী, সর্প, ভেক, পুং, কপিল বর্ষ, । হরি শব্দের যদিও এই সকল অর্থ আছে বটে, কিন্তু ইহার মধ্যে প্রধানতঃ দুইটা অর্থ এখানে গ্রাহ্য । ইহার এক অর্থ যিনি সর্ববিধ অমঙ্গল হরণ করেন তিনিই হরি । হরতি নিখিলা দুঃখান্ ইতি হরিঃ ; অপরার্থ এই যে, যিনি প্রেম দ্বারা সকলের চিত্ত হরণ করেন, তিনিই হরি । প্রেমা হরতি চিত্তানি সর্বেষামিতি হরিঃ ।

অমঙ্গল হরণ সম্বন্ধে উদাহরণ দেওয়া যাইতেছে :—

যেছে তৈছে যোহি কোহি করয়ে হরণ ।

চারিবিধ পাপ তার করে সংহরণ ॥

যথাগ্নিঃ স্তুময়ুর্কার্ছিঃ করোত্যেধ্যংসি তন্মসাং ।

তথা মদ্বিষয়া ভক্তি রুদ্ধবৈনাংসি কুৎসসাং ॥

পাকাতির জন্ম প্রজ্জলিত অনল যেমন কাঠরাশিকে উদ্বীকৃত করে, তে উদ্ধব, সেইরূপ মদ্বিষয়িনী ভক্তি সমস্ত পাপরাশিকে নিঃশেষে দগ্ধ করে ।

হরিনামে ভক্তিবাদক কন্ম এবং তাহার বীজ অবিত্তা বিনষ্ট হইয়া যায় । অতঃপরে শ্রবণাদি সাধন ভক্তির পরিপাকে প্রেমের উদয় হয় । তৎপরে শ্রীকৃষ্ণের স্বাভাবিক গুণে তাঁহার প্রতি সাধকগণের দেহেন্দ্রিয় চিত্ত প্রভৃতি আকৃষ্ট হয় । শ্রীকৃষ্ণ এমনই কৃপাময় এবং তাঁহার গুণের প্রভাবও এতাদৃশ । ইহার প্রমাণ এই যে :—

শ্রদ্ধা গুণান্ ভুবনসুন্দর শৃংখলাং তে

নির্কিঞ্চ কৰ্ণ বিবরৈ হরতোহহু তাপং ।

রূপং দৃশ্যং দৃশিতামখিলার্থলাভং

ঋচ্যুতাবিশতি চিত্তমগতাপং মে ॥

হে অচ্যুত, হে ভুবনসুন্দর, তোমার সেই গুণসমূহ কৰ্ণবিবর দ্বারা শ্রোত্র-বর্গের অন্তরে প্রবেশ করিয়া নিখিল-তাপ হরণ করে, এবং চক্ষুদ্বারা গণের চক্ষু দ্বাৰাহাতে সমস্ত মাধুর্য্য আনন্দন করে, তোমার তাদৃশ রূপরাশি শ্রবণ

করিয়া, আমার মন লক্ষ্মী পরিত্যাগ করিয়া তোমাতে আবিষ্ট হইয়াছে।

বংশীগীতে এবং রূপে শ্রীকৃষ্ণহরি লক্ষ্মীদিরও মনহরণ করেন।

কশ্মাভূতাবোহস্ত্র ন দেব বিদুহে,

তবাংস্ত্রিরেণুস্পর্শাধিকারঃ।

যদ্বাঙ্গয়া শ্রীল'লনাচরত্বপো

বিহায় কামান্ সুচিরং ধৃতব্রতা ॥

নাগপত্নীগণ কহিলেন, হে দেব, এই মহানীচ কালীয়নাগের তোমার চরণরেণু স্পর্শে যে অধিকার দেখিতেছি, তাহা তপঃ প্রভৃতি সর্বসুকৃত দুর্লভ ; যেহেতু ব্রহ্মাদি ভক্ত সকল হইতেও অধিকতম লক্ষ্মী তোমার ললনা হইয়াও তোমার গোপালরূপের চরণ স্পর্শকামনায় তপস্বী করিয়াছিলেন কিন্তু স্পর্শাধিকারিণী হন নাই। আর এই কালীয় নাগ নিজ মস্তকে তোমার চরণদ্বয়ের স্পর্শ-লাভ করিয়াছে, ইহার মহিমা আর কি বলিব ?

চারি পুরুষার্থ ছাড়ায় হরে সবার মন।

'হরি' শব্দের এই মুখ্যার্থ করিল লক্ষণ ॥

ধর্ম-অর্থ-কাম মোক্ষ এই চারিটি পুরুষার্থ। শ্রীকৃষ্ণ তদীয় ভক্তগণের চিত্ত হইতে এই চারি পুরুষার্থের বাসনা তিরোহিত করিয়া দেন এবং সকলের চিত্ত হরণ করেন এই নিমিত্ত তিনি হরিনামে উক্ত হইয়া থাকেন।

অতঃপরে এই শ্লোকস্থ আরও দুইটি শব্দের ব্যাখ্যা করা হইয়াছে। এই দুইটি অব্যয়শব্দ একটি "অপি" আর একটি "চ"। ইহাদের নানা-প্রকার অর্থ আছে। ভিন্ন ভিন্ন স্থানে ভিন্ন ভিন্নরূপে ইহার অর্থ আছে। এস্থলে প্রথমতঃ "চ" কারের কয়েকটি মুখ্য অর্থ বলা যাইতেছে, যথা বিশ্বপ্রকাশে ;—

"চাষাচয়ে সমাহারেহ্চোক্তার্থে চ সমুচ্চয়ে।

যদ্বান্তরে তথা পাদপূরণেহপ্যবধারণে।"

একতরের প্রাধান্বে, সমাহারে, পরস্পরার্থ প্রাধান্বে, সমুচ্চয়ে, যত্নান্তরে, পাদপূরণে এবং অবধারণার্থে চ শব্দের প্রয়োগ হয়।

অন্বাচয় অর্থ এই যে, কোন একটিকে প্রধানরূপে বলিয়া অপর বাক্যটি যদি গৌণভাবে বলা যায় তবে এই দুই বাক্যের মধ্যে বাক্যদ্বয় সংযোগার্থে চ শব্দের প্রয়োগ হয়, যেমন—“তো বটো ভিক্ষামট, যদি গঙ্গাসি গাঞ্চানর” অর্থাৎ হে বটো, তুমি ভিক্ষা করিতে যাও এবং যদি দেখিতে পাও তবে গঙ্গটাকেও নিয়া আইস।” এস্থলে ভিক্ষা করাই প্রধান কার্য, গো আনয়ন গৌণী ক্রিয়া। একরূপস্থলে অন্বাচয় অর্থে চ শব্দের প্রয়োগ হয়। তিরোহিত অদয়ব ভেদই সমাহার (collective combination) যেমন,—হস্তিনশ্চ অশ্বাশ্চ হস্তাশ্চ, পাণিচ পাদৌ চ পাণিপাদং। অন্তোত্তার্থে ইতরেতর যোগঃ (Mutual connection) যেমন,—শক্শ্চহ্রোগ্শ্চ শক্শ্চ-গধৌ, সমুচ্চয় একত্রানেক প্রচয়ঃ (aggregation) যথা :—“তো গুরুগুরু পত্নী চ স্ত্রীত্যা প্রতিনন্দভূঃ। এতদ্ব্যতীত পাদপূরণে ও অবধারণে চ শব্দের প্রয়োগ হইয়া থাকে। “কিন্ব” “তথাপি” এই অর্থেও চ শব্দের ব্যবহার হয় (Disjunction) যথা—“শাক্তমিদমাশ্রমপদং ফুরতিচ বাহুঃ” অবধারণার্থ (Determination) যথা :—

“অতীতঃপস্থানাং তবচমহিমা বাঙ্মনসয়োঃ।”

চের্থে চ (condition) জীবিত্বম্ চেচ্ছসে মূঢ় হেতুং মে গদতঃ শৃণু লোভশ্চাস্তি গুণেন কিম্ এস্থলে চের্থে চকারের প্রয়োগ হইয়াছে। পাদপূরণার্থে (expletively) যথা :—ভীমঃ পার্থস্তথৈবচ ইত্যাদি।

এখন অপিশব্দের অর্থ করা যাইতেছে। অপি শব্দের মুখ্য অর্থ বিশ্ব প্রকাশে ও মেদিনী কোষে সাতটি যথা :—

অপি সম্ভাবনা প্রশ্নশঙ্কাগর্হাসমুচ্চয়ে।

তথা যুক্তপদার্থেষু কামাচারক্রিয়াসুচ ॥

সম্ভাবনা, প্রশ্ন, শঙ্কা, নিন্দা, সমুচ্চয়, যুক্তপদার্থ এবং কামাচার ক্রিয়া

এই সকল অর্থে অপি শব্দের প্রয়োগ হইয়া থাকে। সম্ভাবনার যথা,— অপি শিরসা পর্বতং ভিন্ধ্যাং, প্রম্বে—অপি প্রসয়েন মহর্ষিণা তং সম্ভি-
লীয়াতুমতো গৃহায়, শঙ্কায়—অপি চৌরো ভবেৎ, নিন্দায়—অপি
সিঞ্চৎ পলাতুন্ ব্রাহ্মণকঃ, সমুচ্চয়ে—প্রকৃতিরণামি পরোহপি ইত্যাদি।

এতদ্ব্যতীত ইহার আরও প্রয়োগ আছে, যথা :—

অনুজ্জায়াধাব্যয়ংস্বাদহপিতুব্যয়ং মতং ।

কিস্বর্থেহপি চ যদ্বর্থেহপিধানং ছাদনেহপিচ ॥

সংস্কৃত ভাষায় যদিও অব্যয় শব্দ শুনিতে ক্ষুদ্র বলিয়া মনে হয় কিন্তু
ইহার বিবিধ অর্থ প্রকাশ করে।

এস্থলে শ্রীমদ্ভগবদ্গীতার বৈচিত্র্যময়ী অতি অদ্ভুত বিবিধ ব্যাখ্যা আরম্ভ
করার পূর্বে এই শ্লোকটির সম্বন্ধে ভাগবতের কতিপয় প্রধান টীকাকার
মহোদয় কিরূপ ব্যাখ্যা করিয়াছেন, তৎসম্বন্ধে যৎকিঞ্চিৎ আলোচনা করা
বাইতেছে। শ্রীধরস্বামী 'নিগ্রহ' পদের অর্থ করিয়াছেন, গ্রহিবেব গ্রহঃ-
ক্রোধ ও অহঙ্কাররূপ গ্রহি যাহাদের নিবৃত্ত হইয়াছে তাহারা নিগ্রহ।
তাহা হইলে মুক্তগণের কি প্রয়োজন তাহাই দেখাইবার জন্য সর্বাক্ষেপ
পরিহারার্থ বলা হইয়াছে,—হরি এমনই গুণশীল যে, নিগ্রহ আত্মারাম
মুনিগণও শ্রীহরির প্রতি অহৈতুকী ভক্তি করিয়া থাকেন।

ক্রমসন্দর্ভে লিখিত হইয়াছে, যাহারা বিধি নিষেধের অতীত তাহারা
নিগ্রহ। 'অহৈতুকী শব্দের অর্থ ফলাভিসন্ধান রহিত। 'ইথদ্ভূত গুণ'
পদের অর্থ, আত্মারামগণেরও আকর্ষণ স্বভাব গুণাবিশিষ্ট। শ্রীমদ্বিষ্ণুনাথ
লিখিয়াছেন, 'উরুক্রম' শব্দের অর্থ এই যে, ভক্তির দ্বারা জ্ঞান অয়ে, জ্ঞান
হইতে মুক্তি হয়। সেই মুক্তি হইতেও ভক্তি শ্রেষ্ঠ। যাহা হইতে এই
ক্রমের সৃষ্টি হইয়াছে, তিনিই উরুক্রম ইত্যাদি।

শ্রীকৃষ্ণের গুণ যে আত্মারামগণের চিত্তাকর্ষী এই শ্লোকে তাহাই
প্রকৃতিপন্ন হইয়াছে। সুতরাং ব্রহ্মানন্দানুভবী আত্মারামগণও শ্রীগোবিন্দ-

পদারবিন্দ ভজনানন্দে অধিকতর আনন্দ লাভ করেন এই শ্লোকে তাহাই প্রদর্শিত হইয়াছে। শ্রীমদ্ভাগবতের বহুস্থানে এই ভাবাত্মক শ্লোক আছে। শ্রীপাদ শ্রীম্ভীষ গোস্বামী তৎ সন্দর্ভে ও ভগবৎসন্দর্ভাদিতে এই শ্লোক উদ্ধৃত করিয়া ইহার অতি বিস্তৃত ও বিশদ ব্যাখ্যা করিয়াছেন। শ্রীভাগবতে লিখিত আছে,—

মনোব্রহ্মণি যুগ্ম্যানো যৎ তৎ সদসতঃপরং
 ষ্ণাবভাসে বিগুণ এক ভক্ত্যানুভাবিতে ।
 নিরহংকৃতি নির্মমচ্চ নির্দ্বন্দ্ব সমদৃক্ সদৃক্
 প্রত্যক্শাস্ত্রধীর্ধর প্রশাস্তোর্মিরিবোধীঃ ॥
 বাসুদেবে ভগবতি সর্বজ্ঞো প্রত্যগাত্মনি
 পরেণ ভক্তি ভাবেন লক্শ্যামুক্তবন্ধনঃ ।
 আত্মানঃ সর্বভূতেসু ভগবন্তুমবস্থিতং
 অপশ্যৎ সর্বভূতানি ভগবত্যপি চাত্মনি ॥
 ইচ্ছাধেষ বিহীনেন সর্বজ্ঞ সমচেতসা
 ভগবদ্ভক্তিযোগেন প্রাপ্তা ভাগবতীগতিঃ ।

এই শ্লোক কয়েকটিতে পরমহংসনিসেবিত সাধন প্রণালীনিবন্ধ রহিয়াছে। আত্মারামগণও অশেষকল্যাণগুণগনিলয় শ্রীগোবিন্দের চিন্তা-কল্পণে আকৃষ্ট হইয়া তাঁহাতে অহৈতুকী ভক্তির অনুষ্ঠান করিয়া থাকেন।

আত্মা শব্দের প্রধান অর্থ ব্রহ্ম :—

ব্রহ্ম শব্দের অর্থ তৎ সর্ব-বৃহত্তম ।
 স্বরূপ ঐশ্বর্য্য করি নাহি বায় সম ॥

শ্রীবিষ্ণু পুরাণোক্ত প্রমাণ এই যে—

“বৃহত্তাংবৃহৎশাস্ত্রাচ্চ তদ্রূপ পরমংবিদুঃ ।”

ব্রহ্ম, পরমাত্মা ও ভগবান্ এক পরমতত্ত্বের তিন তিন অবির্ভাব ।

শ্রীভাগবতের 'বদন্তি তত্ত্ববিদঃ' শ্লোকটি এই সম্বন্ধে মহাপ্রমাণ । সেই অধমতত্ত্ব স্বয়ং ভগবান্ শ্রীকৃষ্ণ । ইনিই ত্রিকাল সত্য । চতুঃশ্লোকী ভাগবতে শ্রীকৃষ্ণ যে কালত্রয়া বস্তু তাহা প্রমাণ করা হইয়াছে ।

সেই অধমতত্ত্ব স্বয়ং ভগবান্ ।

যাহা বিহু কালত্রয় বস্তু নাহি আন ॥

শ্রীভাগবত বলেন,—

অহমেবাসমেবাগ্রে নানুদযৎ সদসৎ পরম্ ।

পশ্চাদহং যদেতচ্চ যোহবশিয়াত সোহস্মাহম্ ।

সৃষ্টির পূর্বে কেবল আমি ছিলাম, অন্য কিছুই ছিলনা । কার্য্যকারণ ও তদতীত যাহা কিছু, সে সকল আমিই । কার্য্যভূত জগৎ,—আমার গুণ মায়ার প্রকাশ । কারণভূত আধার,—আমার জীবমায়ার প্রকাশ । কাল,—আমার ক্রিয়াশক্তির প্রকাশ । তদুভয়ের অতীত জীবসকল আমার প্রকাশাপ্রকাশ-সামর্থ্যরূপা তটস্থশক্তি । স্বরূপ শক্তিসকল আমার প্রকাশ-সামর্থ্যরূপা অন্তরঙ্গা শক্তি । ব্রহ্ম সূর্য্যস্থানীয়,—আমার মণ্ডল স্থানীয় নির্বিশেষ প্রকাশ ; পরমাত্মা আমার সবিশেষ প্রকাশাত্মা । আমার মণ্ডলবহিষ্চরপরমাণু স্থানীয় জীব সকলের অন্তরালবর্ত্তিনী ছায়ারূপা মায়ী আমার আবরণ সামর্থ্য বা স্বরূপাপ্রকাশ-সামর্থ্য । কেহই আমা হইতে অতিরিক্ত নহে । প্রলয়ের পরও কেবল আমি থাকি, অপর কিছুই থাকে ন । পরিদৃশ্যমান্ বিশ্বও আমিই । আবার প্রলয়ে যাহা অবশেষ থাকে, তাহাও আমিই ; কারণ, আমা ভিন্ন আর কিছুই নাই । আমি প্রাকৃত্ত্ব ও অপ্রাকৃত্ত্ব উভয় দেশ ব্যাপিয়া ওতপ্রোতভাবে অবস্থান করিয়া থাকি ; আমার দেশতঃ পরিচ্ছেদ নাই । আমি সৃষ্টির পূর্বে প্রলয়ের পর এবং তদুভয়ের মধ্যবর্ত্তী সমস্ত কাল ব্যাপিয়া অবস্থান করি, আমার কালতঃ পরিচ্ছেদ নাই । মায়াদি শক্তিসকল আমার বিভূতি । ব্রহ্ম ও পরমাত্মা

আমার আবির্ভাব-বিশেষ। আমি মধ্যমাকার হইয়াও বিভূ। আমার
কর্ম সৃষ্টিলাভায়, দেবলাভায় ও নর লাভায় নিত্য পরিব্যক্ত।

আত্মা শব্দ কহে কৃষ্ণ বৃহৎ-স্বরূপ।

সর্বব্যাপক সাক্ষী পরম স্বরূপ ॥

আততহাচ্চ মাতৃত্বাদাত্মাহি পরমোহরিঃ ॥

সর্বব্যাপক এবং সকলের প্রমাপক হরিঃ পরমাত্মা শব্দ বাচ্য।

উপাস্ততত্ত্বের উপাসনার জন্তু ত্রিবিধ সাধনার উল্লেখ শাস্ত্রে দৃষ্ট হয়-
উহারা,—জ্ঞান, যোগ, ও ভক্তি :—

তিন সাধনে ভগবান্ তিন স্বরূপে ভাসে।

ব্রহ্ম, পরমাত্মা, ভগবান্, প্রকাশে ॥

জ্ঞানমার্গের সাধ্যে নিষ্কিংশেষ ব্রহ্ম আর যোগমার্গের উপাস্ত পরমাত্মা
ও ভক্তিমার্গের উপাস্ত ভগবান্। এই ভক্তি বিধিও রাগ ভেদে দ্বিবিধ।
স্বয়ং ভগবান্ দুই স্বরূপে প্রকাশ পান। যাহারা রাগমার্গে ভজন্য করেন,
ঐহাদের প্রাপ্য শ্রীনন্দনন্দন। বিধিমার্গের উপাসকগণ পায়দেহে-
বৈকুণ্ঠাধিপতি নারায়ণকে প্রাপ্ত হন।

রাগভক্ত্যে ব্রজে স্বয়ং ভগবান্ পায়।

বিধিভক্ত্যে পার্শ্বদেহে বৈকুণ্ঠকে যায় ॥

নায়ং সুখপো ভগবান্ দেহিনাং গোপিকাসুতঃ।

জ্ঞানিনাঞ্চাত্ম ভূতানাং বথা ভক্তিমতানিহ ॥

গোপীকানন্দন ভগবান্ ভক্তিমান্জনগনের ধেরূপ সুখলভ্য, দেহাভিমানী
তাপসাদির এবং নিবৃত্তাভিমানী আত্মভূত জ্ঞানীদিগের সেরূপ সুখভ নহেন।

যচ্চ ব্রহ্মস্যানিমিষামৃষভানুবৃত্ত্যা

দূরে যমাত্যপরি নঃ স্পৃহণীমশীলাঃ।

ভক্তৃমিধঃসুযশসঃ কথনামুরাগ-

বৈকুণ্ঠ্য-বাম্প-কলরা পুলকীকৃতাজাঃ ॥

যাহারা কদাচ কাল প্রভাবের আরম্ভ হন না, শ্রীহরি-সেবা করিয়া যাহারা বমকে দূরে উৎসারিত করিয়াছেন, যাহাদিগের কারুণ্যাদি স্বভাব আমাদের বাহনীর, এবং যাহারা পরস্পর নিজ প্রভু ভগবানের উপদেশ যশোরামি কীর্তনে অমুরাগ-ভাবে বিবশ হইয়া অশ্রু সহিত পুলক ধারণ করেন, তাঁহারাষ্ট আমাদের উপরিস্থিত বৈকুণ্ঠধামে গমন করিতে সক্ষম।

ভক্তির উপাসক ত্রিবিধপ্রকার,—অকাম, সৰ্ব্ব কাম ও মোক্ষকাম।

অকামঃ সৰ্ব্বকামো বা মোক্ষকাম উদারধী।

তীত্রণ ভক্তিবোধেন যজ্ঞেত পুরুষঃ পরম্ ॥

অকাম অর্থাৎ একান্ত তক্ত অথবা সৰ্ব্বকাম অর্থাৎ উক্ত ও অতুক্ত সৰ্ব্ববিধ কামনাশালী কিংবা মোক্ষকামী ইহারা উদার বুদ্ধি হইবেন, এবং দৃঢ়ভক্তি যোগে পূর্ণ পুরুষ ভগবানকে স্তবনা করিবেন।

বুদ্ধিমানের অর্থ যদি বিচারজ্ঞ হয়।

নিজ কাম লাগি তবে কৃষ্ণেরে ভজয় ॥

ভক্তি বিনা কোন সাধন দিতে পারে ফল।

সব কল দেয় ভক্তি স্বভঙ্গ প্রবল ॥

অজাগলন্তন গায় অন্ত সাধন।

অতএব হরি ভজে বুদ্ধিমান্ জন ॥

যদিও বহুবিধ সাধনার প্রণালী শাস্ত্রে লিখিত আছে কিন্তু ভক্তি ভিন্ন কোনও সাধনায় ফল লাভ হয় না। ছাগলের গলদেশের স্তম্ভ যেমন চিরদিনই শুষ্ক, কখনও তাহা হইতে বিন্দুমাত্রও দুগ্ধ নিঃসৃত হয় না, অস্তান্ত সাধনাও সেইরূপ অজাগলন্তনের গায় নিফল। সেই সকল সাধনে প্রকৃত আনন্দ লাভ হয় না কিন্তু শ্রবণ কীর্তনাদিরূপা ভক্তির সাধনা আরম্ভ হইতেই আনন্দ প্রদান করে। এইজন্যই বুদ্ধিমান্ ও পুণ্যবান্ স্মৃতি লোকেরা শ্রীকৃষ্ণ ভজনে প্রবৃত্ত হন। শ্রীভগবদ্গীতার স্বয়ং ভগবান্ শ্রীকৃষ্ণ বলিয়াছেন :—

চতুর্বিধা ভজন্তে মাং জনাঃ স্কৃতিনোঽর্জুন ।

আর্তো বিজ্ঞাসু রর্থার্থী জ্ঞানীচ ভরতর্ষভ ॥

হে ভরতবংশাবতংস অর্জুন, আর্ন্ত, বিজ্ঞাসু, অর্থার্থী এবং জ্ঞানী এই চতুর্বিধ স্কৃতিজন আমাকে ভজনা করিয়া থাকেন ।

আর্ন্ত, অর্থার্থী, দুই সকাম ভিতরে গণি ।

বিজ্ঞাসু, জ্ঞানী, দুই মোক্ষকাম মানি ॥

এই চারি স্কৃতি হর মহাত্মাগ্যবান্ ।

তন্তুং কামাদি ছাড়ি মাগে শুদ্ধ ভক্তিদান ॥

সাধুভক্তসঙ্গ, কিবা কৃষ্ণের কৃপায় ।

কামাদি দুঃসঙ্গ ছাড়ি শুদ্ধ ভক্তি পায় ॥

ইহাতে জানা যায় যে, প্রথমতঃ যাহারা কোন কামনা লইয়া ভগবানের ভজনায় প্রবৃত্ত হন, তাহারা ক্রমশঃ ভগবানের কৃপায় ভজন প্রভাবে শুদ্ধ ভক্তি প্রাপ্ত হইয়া থাকেন । ভগবদ্গীতার এই শ্লোকের ব্যাখ্যা অন্তত বিস্তারিতরূপে করা হইয়াছে । শুদ্ধভক্তি অর্থ এই যে, উহা কর্মজানাদি দ্বারা আবিল নহে । “অন্তাভিলাষিতানুকৃতং” প্রভৃতি ভক্তির লক্ষণে শুদ্ধ ভক্তির লক্ষণই প্রদর্শিত হইয়াছে । এখানে “অন্তাভিলাষিতানুকৃতং” “সর্বোপাধি-বিনিমুক্তং” প্রভৃতি ভক্তি লক্ষণের আলোচনা করিলে প্রকৃত শুদ্ধ ভক্তি বুঝা যাইবে ।

প্রকৃত ভক্ত গহ ভক্তির অনুরোধে যে সৎসঙ্গেই সবিশেষ সাকল্য লাভ করা যায়, তাহার শাস্ত্রীয় প্রমাণ এই যে—

সৎসঙ্গানুকৃত দুঃসঙ্গোহাতুঃ নোৎসহতেব্ধঃ ।

কীর্ত্যমানং যশো যন্ত স্কৃদাকর্ষ্য রোচনম্ ॥

সৎসঙ্গ প্রভাবে যিনি বিষয়াদিরূপ দুঃসঙ্গ পরিত্যাগ করিয়াছেন, সেই বুদ্ধিমান জন সাধুকর্তৃক কীর্ত্যমান রুচিকর ভগবদ্দর্শনঃ একবার শ্রবণ করিয়া আর সৎসঙ্গ ত্যাগ করিতে সমর্থ হন না ।

সৎসঙ্গের বিষয় পূর্বে বলা হইয়াছে। দুঃসঙ্গের কথাও ইতঃপূর্বে সংক্ষেপতঃ কথিত হইয়াছে। স্ত্রীসঙ্গসঙ্গী ও কৃষ্ণের অভুক্ত এই উভয় রূপ দুঃসঙ্গ ভজনোন্মুখ ব্যক্তির পক্ষে 'অবশ্য ত্যাগ্য'। এখানে আরও অন্য প্রকারে দুঃসঙ্গের কথা বলা হইতেছে।

‘দুঃসঙ্গ’ কহি কৈতব আশ্রয়বঞ্চনা।

কৃষ্ণ, কৃষ্ণভক্তি বিনা অশ্রু কামনা ॥

ধর্ম্যঃ প্রেঙ্কিত কৈতবোহত্র পরমো নির্ম্মৎসরণাং সত্যঃ

বেদ্যং বাস্তবমত্র বস্তু গিলদং ত্রাপত্রয়োন্ম লনম্।

শ্রীমদ্ভাগবতে মহামুনি-কৃতে কিংবা পরেরীশ্বরঃ

সত্যো হৃদয়বন্ধ্যতেহত্র কৃতিভিঃ শুশ্রুভিস্তংক্ষণাৎ ॥

এই শ্লোকের শ্রীধরী টীকার লিখিত হইয়াছে, মুক্তির বাঞ্ছা পর্যাস্ত কৈতব। “মোক্শবাঞ্ছা হয় সর্ব কৈতব প্রধান” :—শ্রীপাদ স্বামীর এই ভাবের উক্তি অতি যথার্থ। মানুষ যখন আত্মসুখের কামনার ধর্ম্যকর্ম করে, তাহা পরম ধর্ম্য নহে ; স্বার্থ ত্যাগই মানব ধর্মের উচ্চতম অবস্থা। ধন-জন-স্ত্রীপুত্র যশোমান, রাজত্ব ঐশ্বর্য প্রভৃতি যদি আত্মসুখের হেতুমূলক হয় এবং কৈতব বলিয়া গণ্য হয় তবে মোক্শবাঞ্ছা যে সর্বাপেক্ষা প্রধানতম কৈতব, সে বিষয়ে আর সন্দেহ কি ? অত্যন্ত দুঃখনিবৃত্তির কামনাই মোক্শ-কামনা। তাদৃশ সাধনে অত্যন্ত দুঃখ নিবৃত্তি হয় কিনা তাহাতেও সন্দেহ আছে অথচ মোক্শসাধনার প্রথম হইতেই তাঁর ক্লেশ সহ করিতে হয়। কিন্তু ভক্তি সাধনার সঙ্গে সঙ্গেই আনন্দ ; পরিণামে প্রেমভক্তিতে যে আনন্দ উপভাত হয়, ব্রহ্মানন্দ হইতেও তাহা কোটিগুণে অধিক, ইহাই শাস্ত্রের অভিপ্রায়। শুদ্ধা ভক্তিতে কোনও স্বার্থ কামনা থাকেনা বলিয়া উহা কৈতববর্জিত। মোক্শে আনন্দ লাভ হইলেও উহার বাসনার নিদানই স্বার্থহীন। তাই শ্রীধামিপাদ “মোক্শাভিসন্ধানকে . কৈতব

বলিয়াছেন। কিন্তু শ্রীভাগবতে নিকাম, নিকঙ্কন, নিৰ্ব্বৎসর সাধুগণের প্রোঙ্কিতকৈতব পরম ধর্মের কথাই বলা হইয়াছে।

‘প্র’ শব্দে মোক্ষবাঞ্ছা কৈতব প্রধান।

এই শ্লোকে শ্রীধর স্বামী করিয়াছেন ব্যাখ্যান ॥

মূল শ্লোকের ‘প্রোঙ্কিতকৈতব’ পদের প্র শব্দে শ্রীধর স্বামী ঐরূপ ব্যাখ্যা করিয়াছেন। কিন্তু অবিজ্ঞোপহিত নরনারীগণের পক্ষে কামনা একটা স্বাভাবিক প্রবৃত্তি। ধর্ম সাধনা করিতেও মানুষ স্বাভাবিক প্রবৃত্তিবলে ভগবানের নিকট কোন-না কোন কামনা লইয়া উপস্থিত হয়। শ্রীভগবান্ সর্বশক্তিমান্, ইচ্ছাময় ও করুণাময় হইলেও তিনি জীবের সকল বাসনা সর্বনা ও সর্বকা ফলবতী করেন না। প্রার্থনা,—বৈষয়িকী বাসনা মগ্নী হইলে নানা দোষ ঘটায়। প্রথমতঃ উহা স্বার্থ-কলুষিতা। ভগবানকে ভজনা করিতে যাইয়া আমাদের সাংসারিক ধনজনসমোমান প্রভৃতির প্রতি প্রীতির আতিশয্য প্রদর্শন অতি অঘণ্ট কৈতবপূর্ণব্যাপার। অতঃপরে প্রার্থনা ফলবতী না হইলে শ্রীভগবানের প্রতি অবিশ্বাস জন্মে। আমি মাথা কুটয়া ঠাঁহার চরণে আমার প্রার্থনা জানাইলাম, তিনি কি নিহঁর! তিনি তাহা পূর্ণ করিলেন না,—এইরূপে আভমান, ক্রোধ এবং ঠাঁহার দয়ায় অবিশ্বাস জন্মে। এমন কি, ঠাঁহার আশ্রয়েও অবিশ্বাস জন্মিয়া থাকে। সাধক জীবনে ইহা সর্বনাশের মূল। সুতরাং স্বার্থ-বাসনা-বিজড়িত প্রার্থনা আদৌ হৃদয়ে স্থান দেওয়া অকর্তব্য।

কিন্তু শ্রীভগবান্ দয়াময়, তিনি সাধকের স্বার্থবাসনামগ্নী প্রার্থনা তিরোহিত করিয়া দিয়া ঠাঁহার চিত্তে শুদ্ধা ভক্তি প্রকট করেন।

সকাম ভক্ত অজ্ঞ জানি দয়ালুভগবান্।

স্বচরণ দিয়া করেন ইচ্ছার পিধান ॥

সত্যং নিশতর্ষিতমতর্ষিতো নৃণাং

নৈবার্ধদো যৎ পুনরর্ষিতা যতঃ।

স্বয়ং বিধত্তে ভজতামনিচ্ছতা- •

মিচ্ছাপিধানং নিজপাদপল্লবম্ ॥ শ্রীভাগ-৫।২।২৮

যদিও ভগবান্ প্রার্থিত বস্তু প্রদান করেন সত্য, তথাপি তাহাতে তিনি প্রকৃত অর্থদ হন না। যেহেতু সে দানের পর আবার অন্ত বাসনা জনিত প্রার্থনার উদর হয়। কিন্তু তিনি দয়াময়। বিষয় প্রার্থনার চরম নিবৃত্তির জন্য ভজমানেরা ইচ্ছা না করিলেও ভগবান্ সর্ববিধ কামনার আচ্ছাদক নিজ পাদপল্লব তাহাদিগকে প্রদান করেন। তাহাতে তাহাদের সর্ব কামনা নিবৃত্ত হইয়া যায়।

সাধু সঙ্গ কৃষ্ণ কৃপা ভক্তির স্বভাব।

এই তিনে সব ছাড়ায় করে কৃষ্ণভাব ॥

আগে যত অর্থ ব্যাখ্যান করিব।

কৃষ্ণাঙ্গশব্দদের এই হেতু জানিব।

শ্লোক ব্যাখ্যা লাগ এই কহিল অ'ত'স।

এবে করি শ্লোকের মূলার্থ প্রকাশ ॥

এই শ্লোকের ব্যাখ্যায় পাঠকগণ বহুবিধ উপাসকের বহু প্রকার উপাসনার বিবরণ জানিতে পারিবেন। কিন্তু ভক্তিঃ যে উপাসনা প্রণালীর মধ্যে পরম সার তাহাও সবিশেষরূপে সপ্রমাণ হইবে।

জ্ঞানমার্গে উপাসক দুইত প্রকার।

কেবল ব্রহ্ম-উপাসক মোক্ষাকাঙ্ক্ষী আর ॥

জ্ঞানমার্গের উপাসক সাধারণতঃ দুই প্রকার। কেবল ব্রহ্মোপাসক এবং মোক্ষাকাঙ্ক্ষী। ইহার অর্থ এই যে, আত্মার ব্রহ্মপ্রাপ্তি নিবৃত্তির জন্য ইহারা সাধন করেন, তাঁহারা কেবল ব্রহ্মোপাসক। ইহাদের লক্ষ্য,— সৌহৃৎ-প্রাপ্তি। আর মোক্ষাকাঙ্ক্ষী জ্ঞানিগণ মোক্ষ মাত্র আকাঙ্ক্ষা করেন।

কেবল ব্রহ্ম-উপাসক তিন ভেদ হয় ।

সাধক, ব্রহ্মময়, আর প্রাপ্তব্রহ্মলয় ॥

কেবল ব্রহ্মোপাসক আবার তিন ভাগে বিভক্ত,—সাধক, ব্রহ্মময় ও প্রাপ্তব্রহ্মলয় । যাহারা ব্রহ্ম তাদাত্ম্য লাভ করেন নাট কিন্তু তৎপক্ষে সাধন করিতেছেন, তাঁহারাষ্ট সাধক । যাহারা ব্রহ্ম-তাদাত্ম্য লাভ করিয়াছেন, তাঁহারা ব্রহ্মময়, আর যাহারা ব্রহ্মে স্বীয় অস্তিত্ব লীন করিয়াছেন, তাঁহারা প্রাপ্তব্রহ্মলয় নামে অভিহিত । এই সকল সাধক মুক্তির জন্ম সাধনশ্রম করেন ; সুতরাং এস্থলে মুক্তি সম্বন্ধে কিঞ্চিৎ আলোচনার প্রয়োজন ।

শ্রীভাগবত বলেন :—

“মুক্তির্হিহানুষ্ঠানরূপং স্বরূপেণ ব্যবস্থিতিঃ ।”

জীব যখন অনুষ্ঠান রূপ ত্যাগ করিয়া স্বরূপে অবস্থা করেন, তাহার সেই অবস্থার নাম মুক্তি । জীবের স্বরূপে ব্যবস্থিতিই মুক্তি । এখন বিচার্য্য এই যে, জীবের স্বরূপটি কি ? মায়াবাদি-গুরু শ্রীমৎ শঙ্করাচার্য্য বলেন জীব অণু নহে,—বিভু অর্থাৎ “জীবো ব্রহ্মৈব নাপরঃ” ; জীব ব্রহ্মই বটে অপর কিছুই নয় । বৈষ্ণব বেদান্তগণ বলেন, শ্রুতিতে বহুত্র ও স্পষ্টতঃ জীবকে অণু বলা হইয়াছে । এতদ্ব্যতীত জীব যে কৃষ্ণ-দাস ইহাট শাস্ত্রের অভিপ্রেত ; ইহাট জীবের স্বরূপ । সুতরাং জীব যদি বাসনার দাসত্ব না করিয়া খাটি কৃষ্ণ-দাস হইতে পারেন, তাহা হইলেই জীবের মুক্তিলাভ ঘটে ।

নিহ্য কৃষ্ণদাস জীব তাহা ভুলি গেল ।

একারণে মায়া তার গলায় বান্ধিল ॥

মায়ার হাত হইতে নিস্তারের উপায়,—জ্ঞান ও ভক্তি কিন্তু ভক্তিই মুখ্যতম ।

ভক্তি বিনা কেবল জ্ঞানে মুক্তি নাহি হয় ।

ভক্তি সাধন করে যেই প্রাপ্তব্রহ্মলয় ॥

ভক্তির স্বভাব ব্রহ্মহতে করে আর্কষণ ।

দিব্য-দেহ দিয়া করার কৃষ্ণের ভজন ॥

ভক্তদেহ পাইলে হয় গুণের স্মরণ ।

গুণাকৃষ্ট হঞা করে নিশ্চল ভজন ॥

শ্রুতি এই যে, “মুক্তা অপি লীলয়া বিগ্রহংকৃয়া ভগবন্তঃ ভজন্তে ।
ইতি । এই বাক্য শব্দরভাষ্যেও আছে ।

জন্ম হৈতে শুক সনকাদি ব্রহ্মময় ।

কৃষ্ণগুণাকৃষ্ট হঞা কৃষ্ণের ভজন ॥

সনকাণ্ডে কৃষ্ণকৃপা সৌরভে হরে মন ।

গুণাকৃষ্ট হইয়া করে নিশ্চল ভজন ॥

ব্যাস কৃপায় শুকদেবের লীলাদি শ্রবণ ।

কৃষ্ণগুণাকৃষ্ট হঞা করেন ভজন ॥

হরেগুণাক্ষিপ্তমতি ভগবান্ বাদরায়ণিঃ ।

অধ্যগান্নহদাখ্যানং নিত্যং বিষ্ণুজনপ্রিয়ঃ ॥ শ্রীভাগ-৩।৭।১

সর্বদা ভগবদ্ভক্ত যাঁহার অতীব প্রিয়, সেই ভগবান্ শুকদেব গোস্বামী
হরিগুণশ্রবণে আক্ষিপ্তচেতা হইতে এই বিস্তীর্ণ আখ্যান শ্রীমদ্ভাগবত
অধ্যয়ন করিয়াছিলেন ।

নবযোগেশ্বর জন্ম হইতে সাধক জ্ঞানী ।

বিধি শিব নারদ মুখে কৃষ্ণ গুণ শুনি ॥

গুণাকৃষ্ট হঞা করে কৃষ্ণের ভজন ।

একাদশ স্বন্ধে তার ভক্তি বিবরণ ॥

শ্রীভাগবতের একাদশ স্বন্ধে নব যোগেশ্বরের উপদেশ বর্ণিত হইয়াছে ।
ইহাদের কথা নিম্ন লিখিত শ্লোকে অভিব্যক্ত হইয়াছে ।

অক্লেশাং কমলভুবঃ প্রবিশ্ব গোষ্ঠীং

কুর্কন্তঃ শ্রুতিশিরসাং শ্রুতিং শ্রুতজ্ঞাঃ

উত্ত্বংগং ষড়্‌পুর-সঙ্গমায় রত্বং

যোগীশ্রীঃ পুলকভৃতো ন বাপ্যবাপুঃ ।

ব্রহ্মার সত্যায় পঞ্চবিধ ক্লেশবর্জিত বেদান্ত বেত্তা নবযোগীশ্র উপস্থিত হইয়া উপনিষৎ শ্রবণ করিতে করিতে নয় ভ্রাতাই পুলক ধারণ করিয়া কৃষ্ণ দর্শনার্থ ষড়্‌পুর-গমনে উৎকণ্ঠিত হইয়াছিলেন ।

এই সকল উদাহরণ দ্বারা কেবল জ্ঞানিগণের নানাবিধ ভেদ প্রদর্শিত হইয়াছে । এখন মোক্ষাকাক্ষী জ্ঞানীদের কথা বলা যাইতেছে । এই মোক্ষাকাক্ষী জ্ঞানী আবার তিন প্রকার—মুমুকু, জীবমুক্ত ও প্রাপ্ত স্বরূপ । ইহাদের মধ্যে ঈহারা মুক্তি লাভের ইচ্ছা করিয়া ভজন করেন, তাঁহারা মুমুকু । সংসারে মুমুকু অনেক দেখিতে পাওয়া যায় । কেহবা সংসারের বিবিধ ক্লেশ, প্রিয়জন বিয়োগ, অপ্রিয় সংযোগ প্রভৃতি দেখিয়া সংসার হইতে পরিত্রাণের উপায় অন্বেষণ করেন, এই জ্ঞান বৈরাগ্যাदि অবলম্বন করিয়া থাকেন । কেহবা স্বভাবতঃই উপাসনা প্রিয় ; তাঁহাদের মধ্যেও কেহ কেহ মুক্তিলাভের বাঞ্ছা করেন । ইহারাও মুক্তির জ্ঞান কৃষ্ণ ভজন করিয়া থাকেন । ভজন ইহাদের প্রয়োজন নহে, মুক্তিই প্রয়োজন ।

মুমুকুবো ঘোররূপান্ হিত্বা ভূতপতনথ ।

নারায়ণকলাঃ শাস্তা ভজন্তি হনস্মবঃ ॥

মুমুকুগণ ঘোরস্বভাব পিতৃগণ, ভূতগণ এবং প্রজাপতি প্রভৃতিকে পরিত্যাগ পূর্বক, অসুরাশুণ্ড অর্থাৎ দেবাসুরের অনিন্দক হইয়া শাস্ত স্বভাব নারায়ণ কলার ভজনা করিয়া থাকেন ।

এতাদৃশ ব্যক্তিগণেরও সাধুসঙ্গের প্রভাবে মুক্তির বাঞ্ছা দূরীকৃত হয় এবং বিশুদ্ধ ভজনে প্রবৃত্তি জন্মে । সংসারের প্রভাব অতীব আশ্চর্য্য ।

অহো মহাত্মনু বহুদোষদুষ্টোহ-

গ্যোকেন ভাত্যেব ভবো গুণেন ।

সংসঙ্গমাখ্যেন সুখাবহেন

কুতাণ্ড নো যেন কৃশা মুমুক্ষা ॥

হে মহাত্মন, এই সংসার বহুদোষে ছুট হইলেও সুখাবহ সংসঙ্গরূপ এক গুণ, সকল দোষ আবরণ করিয়া প্রকাশ পাইতেছে, যে গুণ অল্প আত্মাদিগের প্রবলতর মুমুক্সাকে বিনাশ করিল।

সংসঙ্গের দৃষ্টান্ত এই যে, শৌনকাদি মুনিগণ, ভক্ত নারদের সঙ্গ পাইয়া মুক্তির ইচ্ছা ছাড়িয়া কৃষ্ণ ভজনে প্রবৃত্ত হইয়াছিলেন। কেহবা কৃষ্ণের দর্শনে, কেহবা কৃষ্ণের কৃপায় কৃষ্ণভজনে প্রবৃত্ত হইয়াছিলেন। আত্মারাম ভাবে যাহারা জীবন যাপন করেন, ভক্তসঙ্গ-প্রভাবে যাহাদের সৌভাগ্যের উদয় হয় তখন তাহাদের হৃদয়ে সুখঘনমূর্তি পরমাত্মা শ্রীকৃষ্ণের স্মৃতি উদ্ভিত হয়। তখন তাহারা মনে করেন, আত্মারাম অবস্থায় তাহাদের জীবন বৃথা অতিবাহিত হইয়াছে। কৃষ্ণ ভজছে যে আনন্দসিন্ধু উচ্ছসিত হয়, ব্রহ্মানন্দ তাহার বিন্দুতুল্যও নহে। এতাদৃশ সাধকগণের স্বমুখোক্তি এই যে :—

অস্মান্ সুখঘনমুক্তৌ পরমাত্মনি বৃষ্ণিপত্তনে স্মুরতি ।

আত্মারামতয়া মে বৃথা গতৌ বত চিরং কালঃ ॥

এই আনন্দঘন মূর্তি শ্রীকৃষ্ণ যদুরাজধানী দ্বারকা নগরে স্মুরিত থাকিতে আত্মারাম এই অভিমানে আমার চিরকাল অনর্থক গত হইয়াছে।

জীবনুক্ত অনেক প্রকার আছে। ইহারা সাধারণতঃ দুইভাগে বিভক্ত। ইহারা প্রধানতঃ দুইপ্রকার,—ভক্তজীবনুক্ত ও জ্ঞানীজীবনুক্ত। ভক্ত জীবনুক্তগণ শ্রীকৃষ্ণ ভজনে আনন্দ প্রাপ্ত হন; অপর পক্ষে শুদ্ধ জীবনুক্তগণ ভগবানে ভক্তি না রাখায় অপরাধী হইয়া থাকে।

ভক্ত্যে জীবনুক্ত যেষ্ট গুণে কৃষ্ণ ভজে ।

শুদ্ধ জ্ঞানে জীবনুক্ত অপরাধে মজে ॥

শ্রীভাগবতে ইহার প্রমাণ আছে :—

যেহন্তেহরবিন্দাক বিমুক্তমানিন-

শুভ্যন্ততাবাদবিশুদ্ধবুদ্ধয়ঃ ।

আকর্ষ্য কৃচ্ছ্রেণ পরং পদং ততঃ

পতন্ত্যাধোহনাদৃত যুস্মদজ্জয়ঃ ॥

হে অরবিন্দলোচন, যাহারা তোমাতে ভক্তি না থাকায় অবিশুদ্ধচিত্ত হইয়া মাপনাদিগকে জীবনুক্ত বলিয়া অভিমান করে, তাহারা যদি তদীয় চরণে অনাদর করে তবে বহুকষ্টে পরমপদ আরোহণ করিয়াও পুনর্বার অধঃপতিত হয়।

এই শ্লোকের টীকায় শ্রীমদ্বিশ্বনাথ চক্রবর্তী লিখিয়াছেন, এই শ্লোকে যে 'অরবিন্দাক্ষ' বলা হইয়াছে তাহার তাৎপৰ্য এই যে, শ্রীভগবানের কৃপাবলোক মাধুর্য প্রকাশের জন্যই এইরূপ শব্দ প্রয়োগ করা হইয়াছে। ভক্তির অভাবে অতি কষ্টকর সাধনাতেও অধঃপতন হয় তাহার প্রমাণ শ্রীভাগবতের বাসনা ভাষ্যোক্ত পরিশিষ্ট বচন যথা :—

জীবনুক্তা অপি পুনর্বন্ধনং যতি কৰ্ম্মভিঃ

যত্চিস্ত্য মহাশক্তৌ ভগবত্যপরাধীনঃ ।

জীবনুক্তাঃ প্রপত্ত্বন্তে কচিৎ সংসার-বাসনাং

যোগিনো বৈ ন লিপ্যন্তে কৰ্ম্মভির্ভগবৎপরাঃ ॥

ইহা হইতেই প্রাপ্ত পয়ারের শাস্ত্রীয় প্রমাণ পাওয়া যাইতেছে। ভক্তির মাহাত্ম্য স্বয়ং ভগবানই গীতায় বলিয়াছেন :—

ব্রহ্মভূতঃ প্রসন্নাত্মা ন শোচতি ন কাঙ্ক্ষতি ।

সমঃ সর্কেষু ভূতেষু মদ্ভক্তিং লভতে পরাম্ ॥

শ্রীভগবান্ কহিলেন, হে অজ্ঞান, যেজন ব্রহ্মভূত অর্থাৎ ক্লেশ কৰ্ম্ম-বিপাকাদির বিগমে অতি স্বচ্ছ, তিনি আমা ভিন্ন কোন বস্তুর নিমিত্ত শোক করেন না, আর আকাঙ্ক্ষাও করেন না এবং আমা ভিন্ন ভালমন্দ সমস্ত ভূতে সম হইয়া আমার পুরাতত্ত্ব অর্থাৎ মনুস্তব লক্ষণা মদ্বিলক্ষণ সমানাকারী সাধ্যভক্তি লাভ করেন।

এ সম্বন্ধে বিশ্বমঙ্গলোক্ত শ্লোকটীও প্রমাণ স্বরূপ ; যথা :—

অদ্বৈতবীথীপথিকৈ রুপাশ্চাঃ
 স্বানন্দসিংহাসন-লক-দীক্ষাঃ ।
 শঠেন কেনাপি বয়ং হঠেন
 দাসীকৃত্য গোপবধুবিটেন ॥

আমরা অদ্বৈত পথের পথিকগণের আরাধ্য ছিলাম এবং নিজানন্দ সিংহাসনে পূজা লাভ করিতাম। অহো ! কোন গোপবধুলম্পট শঠ বলপূর্বক আমাদেরকে দাস করিয়াছে।

ভক্তিবলে প্রাপ্তস্বরূপ দিব্যদেহ পায় ।
 কৃষ্ণ গুণাকৃষ্ট হঞা ভজে কৃষ্ণ পায় ॥
 নিরোধোহস্তামুশয়নমাত্মনঃ সহশক্তিভিঃ ।
 মুক্তিহিত্বানুথারূপং স্বরূপেণ ব্যবস্থিতিঃ ॥

অবিজ্ঞা কর্তৃক আরোপিত দেহাদিতে অভিনব বেশ পরিত্যাগ করিয়া পরমাংশরূপে অবস্থিতিকে মুক্ত বলে।

এস্থলে এই বন্ধানুবাদ শ্রীজীবপাদ-সম্মত। তিনি ক্রমসন্দর্ভে লিখিয়াছেন, গর্ভোদশায়ী নারায়ণ ব্রহ্মাকে উপদেশ করিতেছেন যে,—

যদ্যরহিত মাত্মানং ভূতেন্দ্রিয়গুণাশায়ৈঃ ।
 স্বরূপেণ ময়োপেতং পশু স্বরাজ্যমিচ্ছতি ॥

এখানে স্বরূপ অর্থ পরমাত্মা। সূর্যের রশ্মি-পরমাণুর ন্যায় জীব পরমাত্মার অংশ। এস্থলে তিনি শ্রুতি প্রমাণ উদ্ধৃত করিয়াছেন,—

“রসোবৈ সং, রসং হেরায়ং লক্ণানন্দী ভবতি ।”

কিন্তু শ্রীমদ্বিখনাথ চক্রবর্তী বলেন, সাধনবলে মায়িক কুল ও সূক্ষ্ম এই দুই দেহ ত্যাগ করিয়া শুদ্ধজীবরূপে অর্থাৎ ভগবৎপার্বদরূপে জীবের যে ব্যবস্থিতি তাহাই মুক্তি।

কৃষ্ণ-বাহিন্মুখ-দোষে মায়ী হৈতে ভয় ।

কৃষ্ণোন্মুখ-ভক্তি হৈতে মায়ী-মুক্ত হয় ॥

ইহার প্রমাণের জন্য “ভয়ং দ্বিতীয়াভিনিবেশতঃ” শ্লোক উদ্ধৃত করা হইয়াছে । তাহা বহুস্থানে বহুবার ব্যাখ্যাত হইয়াছে ।

অতঃপরে ভগবদগীতার “দৈবী হেমাঙ্গময়ী” শ্লোকটীও প্রমাণরূপে উদ্ধৃত হইয়াছে ।

“ভক্তি বিনা মুক্তি নাহি, শুভ্যে মুক্তি হয় ।” ভক্তি ভিন্ন মুক্তি লাভ ও হয় না, ভাগবতের টীকাকারগণ বহুস্থানে লিখিয়াছেন,—ভক্তিং বিনা মুক্তিনসিদ্ধেৎ ; ভক্তিং বিনা জ্ঞানং ন ভবতি । এই কথার প্রমাণের জন্য শ্রীভাগবতের “শ্রেয়ঃসৃতিং ভক্তি মুদয়া তে বিভো,” “যেহন্তোরবিন্দাক্ষ” “মুখবাহরুপাদেভ্যঃ” ইত্যাদি শ্লোক উদ্ধৃত করা হইয়াছে ।

ইহাতে আমরা ছয় প্রকারের আত্মারাম পাইঅছি । ১ সাধক বা অপ্রাপ্তব্রহ্মতাদাত্মা, ২ । ব্রহ্মময় বা প্রাপ্তব্রহ্মতাদাত্মা, ৩ । প্রাপ্ত্যব্রহ্মলয় অর্থাৎ ব্রহ্মলীন, ৪ । স্থানী মুমুক্শু, ৫ । আবমুক্ত, ৬ । প্রাপ্ত-স্বরূপ বা স্থূল সূক্ষ্ম দেহবিবর্জিত বা বিদেহ । সর্ব সাকল্যে জ্ঞানী ষড়্‌বিধ ।

শ্রীহরির এমনই গুণ যে, পূর্বোক্ত ষড়্‌বিধ জ্ঞানী নিগ্রহ হইয়াও উরু-ক্রম শ্রীহরিকে অহৈতুকী ভক্তি করেন ।

এই ছয় আত্মারাম কৃষ্ণেরে ভয় ।

পৃথক্ পৃথক্ চকার ইহা অপির অর্থ হয় ॥

আত্মারামাশ্চ অপি করে কৃষ্ণে অহৈতুকী ভক্তি ।

‘মুনয় সন্ত ইতি’ কৃষ্ণ-মননে আসক্তি ॥

এস্থলে আরও একটি অর্থ এই হইতেছে যে, আত্মারামগণ মননশীল হইয়া হরিতে অহৈতুকী ভক্তি করেন,—হরি এমন গুণ সম্পন্ন । এই হইল সাত প্রকারের অর্থ । নিগ্রহ আবার দুই প্রকার অবিজ্ঞান ও বিধিহীন । অতঃপরে “চ” শব্দের ইতরেতর অর্থ হয় । আত্মারামাশ্চ,

আত্মারামাশ্চ এইরূপ করিয়া ছয়টা আত্মারাম করার অন্ত এক চকারে ইতরেতর অর্থে উক্ত উদ্দেশ্য সফল হইতে পারে। উহার সহিত চকারের সমুচ্চার্থে 'মুনয়ঃ' পদটী বিন্যস্ত করিলে সাত অর্থ হয়। শ্রীচরিতামৃতে লিখিত হইয়াছে :—

'চ' শব্দে করি যদি ইতরেতর অর্থ।

আর এক অর্থ কহে পরম সমর্থ ॥

আত্মারামাশ্চ আত্মারামাশ্চ করি বার ছয়।

পঞ্চ আত্মারাম ছয় চকারে লুপ্ত হয় ॥

এক আত্মারাম শব্দ অবশেষে রহে।

এক আত্মারাম শব্দে ছয় জন কহে ॥

ব্যাকরণের অনুশাসন এই যে, "স্বরূপাণামেকশেষ একবিভক্তৌ উক্তার্থানামপ্রয়োগঃ। রামাশ্চ রামাশ্চ রামাশ্চ রামা ইতি বৎ।" অর্থাৎ স্বরূপশব্দ সমূহের অবশেষে এক বিভক্তিতে সমস্ত অর্থ প্রযুক্ত হয়।

তবে যে চকারে সেই সমুচ্চয় কয়।

আত্মারামাশ্চ মুনয়শ্চ কৃষ্ণকে ভজয় ॥

"নিগ্রহা অপি" এই অপির সম্ভাবনা অর্থ করিয়া প্রথম ব্যাখ্যানে এই সাতরূপ অর্থ হইল।

শ্রীহরির এমনই গুণ যে আত্মারাম যোগিগণও নিগ্রহ হইয়াও তন্নন-পরায়ণ এবং তদ্গুণাকৃষ্ট হইয়া উরুক্রম শ্রীহরিতে অহৈতুকী ভক্তি করেন।

যোগিগণ অন্তর্য়ামি-উপাসক। ইহারাও আত্মারাম। সগর্ত. নির্গর্ত-ভেদে ইহারা দুই প্রকার। ইহাদের মধ্যে সগর্ত যোগী তিন প্রকার এবং নির্গর্ত যোগী তিন প্রকার। সগর্ত ও নির্গর্ত শব্দ দুইটির অপর পর্যায়ও আছে, যেমন—সবিকল্প ও নিক্বিকল্প, সর্বাঙ্গ ও নিবীজ, সোপাধি ও নিক্রপাধি, সাবলম্ব ও নিরালম্ব; ইহাদের প্রত্যেকে আবার তিন প্রকার যথা—যোগকরক্ক. যোগারূঢ় ও প্রাপ্তসিদ্ধি। সুতরাং সাকল্যে আত্মারাম

যোগী ছয় প্রকার। পূর্বের সাত প্রকারের সহিত এই ছয় প্রকারের মিশ্রণ সাফল্যে তের প্রকারের আত্মারাম পাওয়া যাইতেছে।

কেচিং স্বদেহান্তহৃদয়াবকাশে

প্রাদেশমাত্রং পুরুষং বসন্তং

চতুর্ভূজং কঙ্করখাদশঙ্খ-

গদাধরং ধারণয়া স্মরন্তি । শ্রীভাগ-২।২।৮

কতিপয় মহাত্মা স্বদেহের অভ্যন্তরে হৃদয়াবকাশস্থ প্রাদেশপরিমিত চতুর্ভূজ এবং পদ্ম, চক্র, শঙ্খ ও গদাধারী পুরুষকে ধারণায় স্মরণ করিয়া থাকেন।

এই প্রকারের যোগ-সমাধি সর্বাঙ্গ ও নির্বাঙ্গ ভেদে দ্বিবিধ। নির্বাঙ্গ সমাধির প্রণালী ভগবদ্গীতায় উক্ত হইয়াছে :—

যতো যতো নিশ্চরতি মনশ্চঞ্চল মস্তিরং ।

ততস্ততো নিয়ম্যেতদাত্মনো বশং নয়েৎ ॥

এই প্রণালীর সমাধিকে নির্বাঙ্গ বলে। উহা হৃৎকর। সর্বাঙ্গ সমাধি কিঞ্চ সুখসাধ্য। পরমানন্দ মূর্ত্তি শ্রীগোবিন্দে ধ্যানস্থ হইলে সহজে সাধকের চিত্তের উপরম হইয়া থাকে। এইজন্য শাস্ত্র বলেন,—

এবং হরৌ ভগবতি প্রতি লক্ণভাবো

ভক্ত্যা দ্রবদ্ধদয় উৎপুলকঃ প্রমোদাৎ ।

উৎকণ্ঠাবাপ্পকলয়া মুহুরদ্যমান

শুচাপি চিত্তবড়িশং শনকৈর্কিষুঙ্ক্রে ॥

এইরূপ যোগমিশ্র ভক্তির অনুষ্ঠান দ্বারা যিনি হরিতে ভাব লাভ করিয়াছেন, শ্রবণ কীর্ত্তনাদিতে যাহার চিত্ত দ্রবীভূত হয়, প্রমোদভরে যাহার অঙ্গে পুলকের উদগম হয় এবং উৎকণ্ঠা-প্রবৃত্ত অশ্রু কলায় যিনি আনন্দ সংপ্ৰবে ডুবিয়া যান, তাঁহার তাদৃশ চিত্ত বড়িশও ক্রমে ক্রমে ধোয় বস্তু হইতে বিযুক্ত হইয়া থাকে।

এই শ্লোকের ব্যাখ্যায় শ্রীমদ্বিশ্বনাথ লিখিয়াছেন এই শ্লোকস্থ ‘অপি শব্দটী সর্বত্রই সমন্বয় করিতে হইবে যথা—“প্রতিলক্ণভাবোহপি, উৎপুল কোহপি, উৎকণ্ঠ্যহেতুকয়া বাষ্পকলয়াশ্রভাগেন মুহুরদ্যমানোহপি তচ্চাপি তন্মাদপি স্বরূপাৎ চিত্তবড়িশং বিযুক্তে বিযুজয়তি।” এস্থলে জ্ঞানঞ্চ ময়ী-সন্ন্যাসেং ইত্যাদি বিধি বাক্যের স্থায় ভক্তি সমর্পণের শাস্ত্রবিধি নাই। মন-বুদ্ধি যোগী নিজের ইচ্ছা পূর্বকষ্ট মাধুর্যশব্দ্য পরিপূর্ণ ভগবনমুর্তি হইতে চিত্তকে বিযুক্ত করেন। মূল শ্লোকে বিযুক্ত করিতে হইবে এরূপ বিধি প্রয়োগ নাই, তাহা হইলে “বিযুক্তে” এই ক্রিয়াপদস্থলে “বিযুক্ত্যাৎ” এই ক্রিয়া পদ হইত। এই শ্লোকের অর্থ এই যে, এই সাধকের চিত্ত বড়িশ তাদৃশ হইয়াও তাদৃশ মাধুর্যময় ভগবদ্বিগ্রহে বিষয়-রসের উৎকণ্ঠ দূরীকরণের জন্য নিষ্কিণ্ণ হইয়া অবশেষে ভগবান্নাধুর্যের উৎকণ্ঠা হই-তেও নিবৃত্ত হয়। এতাদৃশ যোগীর চিত্ত অতি কঠিন ; ইহা বড়িশ তুল্য। বড়িশ অতি কঠিন লৌহে নির্মিত হইয়া থাকে। স্বর্ণ রৌপ্যের মত উহা দ্রবীভূত হয় না কিন্তু অত্যধিক অগ্নিতাপ বশতঃ কিঞ্চিৎ কালের জন্য উহা অল্প দ্রবীভূত হয় আবার তৎক্ষণাৎ কঠিন হইয়া পড়ে। এই জন্যই মূল শ্লোকে “দ্রবদৃহদয়ং” লেখা হইয়াছে কিন্তু “দ্রবং দৃহদয়ং” লেখা হয় নাই।

বড়িশ গঙ্গাদিতীর্থ জলে নিত্য স্নানপরায়ণ হইলেও উহা স্বভাবতঃ কুটিল এবং অরসজ্ঞ,—মৎস্য-প্রলোভনের জন্য ইষ্ট পিষ্টার ঝণ্ডা দ্বারা উহার মুখ আবৃত। ইহাতে উহার দাস্তিকতাই প্রকাশ পায়। যোগীদিগের চিত্তও এইরূপ। উহা তীর্থীভূত হইলেও কঠোর, কুটিল এবং ভগবদা-কর্ষক ; ধ্যান ভক্তির দ্বারা আবৃত-মুখশিষ্ট। সুতরাং এতাদৃশ যোগীরও স্বভাবতঃই দাস্তিকত্ব বর্তমান থাকে। এই জন্যই শ্রীধর স্বামী মোক্ষাভি-সম্বন্ধানকে কৈবল্যোচ্ছা-জনিত কৈতব-দোষ ছুট বলিয়া ব্যাখ্যা করিয়াছেন। ইহারা সর্বশ্রেষ্ঠা ধ্যানরূপা ভক্তিদেবীকে প্রথমতঃ যোগাঙ্কুরে গ্রহণ করিয়া পশ্চাৎ পরিত্যাগ করেন। এই যোগি-চিত্তবড়িশের স্পর্শও

ভগবানের পক্ষে কষ্টকর । এইজন্য ভগবান্ যোগীদিগকে একবিংশতি প্রকার দুঃখনিবৃত্তি পূর্বক প্রত্যগাত্মা অন্তত্বরূপ মোক্ষ দিয়া দূরে রাখেন । কিন্তু ভক্ত যোগিগণ কখনও ভগবদ্যান ভিন্ন অন্য কিছুই আকাঙ্ক্ষা করেন না, তাঁহার হৃদয় কখনও ভগবান্কে ত্যাগ করেন না ।

যে তিন প্রকার যোগের কথা বলা হইয়াছে তৎসম্বন্ধে শ্রীভগবদর্গীতা বলেন :—

আকরক্শো মুনে যোগঃ কৰ্ম্মকারণমুচ্যতে ।

যোগাক্রুতস্ত তস্মৈব শমঃ কারণমুচ্যতে ॥

ধ্যাননিষ্ঠারূপ যোগপদবাত্তে আরোহণে অভিলাষী যোগাভ্যাসীর তদারোহণে কৰ্ম্মই কারণ, যেহেতু কৰ্ম্মের দ্বারা হৃদয় বিস্তৃত হয় এবং যোগাক্রুত মুনির চিত্তবিক্ষেপক কৰ্ম্মের উপরতিরূপ শমই ধ্যানদাটের কারণ ।

যদা হি নেদ্রিয়াথে'ন ন কৰ্ম্মশ্চনুযজ্জতে ।

সৰ্ব্বসঙ্কল্প-সন্ন্যাসী যোগাক্রুত শুদোচ্যতে ॥

যে কালে যোগাভ্যাসরত সাধক ভোগও কৰ্ম্মবিষয়ক সঙ্কল্পশূন্য হইয়া উদ্ভিদের বিষয় শব্দাদি এবং তাহার সাধন,—কৰ্ম্মে অনাসক্ত হন, সেট কালে তাঁহাকে যোগাক্রুত বলে ।

এই ছয় যোগী সাধুসজাদি হেতু পাঞা ।

কৃথঃ ভজে কৃষ্ণগুণে আকৃষ্ট হইয়া ॥

“চ” শব্দে অপি অর্থ ইহাও কহয় ।

মুনি, নিগ্রহ, শব্দের পূর্ববৎ অর্থ হয় ॥

‘উরুক্রমে’ ‘অহৈতুকী’ কাণ্ড কোন অর্থ ।

এই তের অর্থ কহিল পরম সমর্থ ॥

এই সকল শাস্ত্রভক্ত যখন ভগবান্কে ভজনা করেন, তখন তাঁহারা শাস্ত্র ভক্ত নামে অভিহিত হন । ‘আত্মা’ শব্দের আর একটা অর্থ মন ।

যে কোন ব্যক্তি নিজের মন লইয়া রমণ করেন, তিনিও সাধু সঙ্ঘের প্রভাবে কৃষ্ণ চরণে ভক্তনাথিকার প্রাপ্ত হন ।

এই সব শাস্ত্র যবে ভজে ভগবান্ ।
শাস্ত্র ভক্ত করি তবে কহি তার নাম ॥
'আত্মা' শব্দে মন কহে, মনে যেই রমে ।
সাধুসঙ্গে সেই ভজে শ্রীকৃষ্ণ-চরণে ॥

শ্রীভাগবতে ইহার প্রমাণ এই যে :—

উদরমুপাসতে য ঋষিবত্মসুকূর্পদশঃ
পরিসর পদ্ধতিং হৃদয়মারুণয়োদহরং ।
তত উদগাদনক্ৰ তেব ধাম শিনঃ পরমং
পুনরিহ যং সমেত্য ন পতন্তি কৃতান্তমুখে ॥

ঋষিসম্প্রদায়ের মধ্যে স্কুলদৃষ্টি ঋষিগণ উদর মধ্যে মণিপূরস্থ ধোয় বস্তুর ধ্যান করিয়া থাকেন, এবং আরুণি ঋষিগণ নাড়াগণের প্রসরণ-স্থান হৃদয়স্থ দহরে অর্থাৎ সূক্ষ্মতন্ত্রের উপাসনা করেন । যেহেতু হে অনন্ত, সেই হৃদয় হঠতে তোমার উপলব্ধি-স্থান জ্যোতির্ময় সূক্ষ্মা নাড়ী ব্রহ্মরন্ধ্রে উদগত হইয়াছে, যাহাকে লাভ করিলে আর সংসারে পতন হয় না ।

এই পর্য্যন্ত চৌদ্দ প্রকারের ব্যাখ্যা পাওয়া গেল ।

'আত্মা' শব্দে যত্ন কহে, যত্ন করিয়া ।
'মুনয়োহপি' কৃষ্ণ ভজে নিগ্র স্থ হইয়া ॥

ইহার প্রমাণ এই যে,—

তশ্চৈব হেতোঃ প্রযতেত কোবিদো
ন লভ্যতে যদ্ভ্রমতামুপর্ষাধঃ ।
তল্লভ্যতে দুঃখবদন্ততঃ সুখং
কালেন সর্বত্র গভীররংহসা ॥

উর্ধ্বে ব্রহ্মলোক পর্য্যন্ত এবং নিম্নে স্থাবর যোনি পর্য্যন্ত ভ্রমণ করিয়া

জীবগণ যাহা লাভ করিতে পারে না, বুদ্ধিমান লোক তাহারই জন্ত যত্ন করিবে। যত্ন না করিলেও যেমন দুঃখ অতঃপনিই উপস্থিত হয়, তদ্রূপ যাহার বেগ কাহারই বুদ্ধির গোচর হয় না, সেই প্রাচীন কৰ্ম বশতঃ নর-কাদিতেও সুখের প্রাপ্তি হইয়া থাকে ; সুতরাং ঐহিকের নিমিত্ত কৰ্ম করা উচিত নয়।

এইরূপ ভাবের আর একটা শ্লোক আছে, তাহা হই :—

অপ্রার্থিতা ন দুঃখানি যথৈবায়ান্তি দেহিনাং।

সুখাণ্ণপি তথা মন্তে দৈবমত্রাতিক্ৰম্যতে ॥

প্রথম সঙ্কে আর একটা শ্লোক আছে, তাহা এই :—

সকৰ্ম্মশ্চাববোধায় যেষাং নিক্কন্ধিনী মতিঃ।

অচিরাদেব সৰ্বার্থঃ সিদ্ধাত্যেষামভীপ্সিতঃ ॥

সকৰ্ম্ম অববোধের জন্ত অত্যন্ত আগ্রহ হই যে অচিরেই সেই উদ্দেশ্য সিদ্ধ হয়। আসক্ত-রহিত সাধনরাশি দ্বারা চিরকালেও ভক্তিলাভ করা যায় না, এবং আসক্ত থাকিলেও যাবৎকলভূত সাংসারিক ও ভক্তিযোগে গাঢ় আসক্তি না জন্মে, তাবৎ উহা হরি কর্তৃক অদেয়। অতএব সুদুর্লভা ভক্তি দুই প্রকার।

চতুর্দশ ব্যাখ্যানে বলা হইয়াছে সূক্ষ্ম শরীরে মননশীলগণই আত্মারাম-শব্দের এস্থলের অর্থ। এস্থলে বলা হইতেছে “আত্মারামাঃ” অর্থাৎ যত্নশীলাঃ। তাহা হইলে মূল শ্লোকের অর্থ এই যে, যত্নশীল ব্যক্তিগণও মূনিগণও নিগ্রহ হইয়া শ্রীহরিতে অহেতুকী ভক্তি করিয়া থাকেন,—তাঁহার এমনই গুণ। এই পর্য্যন্ত পঞ্চদশ প্রকার ব্যাখ্যা পাওয়া গেল।

“চ” শব্দের অপি অর্থ এবং ‘অপি’ শব্দের অবধারণ অর্থ ধরিয়া এবং আত্মা শব্দের স্বভাৱ গ্রহণ ধরিয়া আর এক প্রকার ব্যাখ্যা করা যাইতেছে।

‘চ’ শব্দ অপি অর্থে, ‘অপি’ অবধারণে।

স্বভাৱে বিনা ভক্তি না জন্মায় প্রেমে ॥

সাধনোষেরনাসম্বেরলভ্যা সুচিরাদপি ।

হরিণা চান্দ্রেয়েতি দ্বিধা সা স্মাত্মহুর্ভা ॥

রুচিবহীন ও প্রযত্নবিহীন বহুল সাধনে বহু কালেও সিদ্ধি সুহুর্ভা ।
কিন্তু রুচি ও প্রযত্ন পূর্বক সাধন ফলে শ্রীহরি আশু সিদ্ধি প্রদান করেন ।
সুতরাং আসক্তি পূর্বক সাধনই ফলপ্রসূ ।

তেষাং সততযুক্তানাং ভজতাং শ্রীতিপূর্বকং ।

দদামি বুদ্ধিযোগং তং যেন মামুপযাস্তি তে ॥

আমাতে আসক্তচিত্ত হইয়া ঈহারা শ্রীতির সহিত আমার ভজন করেন, তাঁহাদিগকে আমি সেট বুদ্ধিযোগ প্রদান করি, যে উপায় দ্বারা তাঁহারা আমাকে প্রাপ্ত হইবেন ।

ইহা দ্বারা ষোলপ্রকার অর্থ হইল । আত্মার আর একটি অর্থ ধৃতি ।

‘আত্মা’শব্দে ধৃতি কহে ধৈর্যে যেই রমে ।

ধৈর্যাবস্ত এবে হঞা করয়ে ভজনে ॥

আত্মারাম শব্দের অর্থ এহলে ধৈর্যশীল । ইহার সহিত শ্লোকের অন্ত্য পদ মিলাইয়া সতের প্রকার ব্যাখ্যা করা হইল ।

‘মুনি’ শব্দে পক্ষা, ভৃঙ্গ, “নিগ্রহাঃ” মূর্খজন ।

কৃষ্ণ কৃপা, সাধুসঙ্গে ছাঁহার ভজন ॥

মুনি শব্দের বহু অর্থ আছে যথা,—মুনিঃপুংসি বশিষ্ঠাদৌ ইতি কোষঃ ।
মুনি শব্দ পুংলিঙ্গ, বশিষ্ঠাদিকে মুনি বলা হয় । “তপস্বী, তাপসঃ,
পারিকার্জ্জা বাচংযমো মুনি” ইত্যমরঃ । রঘুনাথ চক্রবর্তী ইহার যে ব্যাখ্যা
করিয়াছেন তাহা এই :—ত্রয়ং তপস্বিনী উপবাসাদি তপ-সুদযোগাৎ বিণ্,
তপশ্চরতি অণ্, পারমশ্রান্তি পারি ব্রহ্মজ্ঞানম্ তৎকার্জ্জতীতি আবশ্যকে-
ণিনিঃ । বেতিত্ৰয়ঃ মোনত্রিতিনি । বাচং যচ্ছতি পুরন্দরে ইত্যাদিনা
নিপাতঃ ধর্মাদিমননাং মুনিরিত্তি হলায়ুধঃ ।

অন্য অনেক টীকাকার ব্যাখ্যা করিয়াছেন,—ত্রীণি তপস্বিনি । তপো

বিদ্যতেহৈতি শ্রেণে ধান্মনাং বিণ্ । বেতি বিকার সম্বন্ধত্যাদি না কেচ
রূপধম্ম । পরং ব্রহ্ম জ্ঞানম্ কাঙ্ক্ষতীতি গ্রহাদিভ্যাং গিনি :—পারিকাক্ষী
মনীষাদিঃ । যে মুনৌ মৌনব্রতিনীত্যতে । অথ মৌনমভাষণমিতি
চামরঃ । ভগবদগীতার মূনি শব্দের একটি সংজ্ঞা আছে, তাহা এই :—

দুঃখেষুতুর্ধিগমনা সূখেষু বিগতম্পৃহঃ ।

বীতরাগভয়ক্রোধঃ স্থিতধীমুনিকচ্যতে ॥

যাহারা ব্রহ্মবশতঃ বাক্য বন্ধ করবেন তাহাদিগকে “বাচংযমা” বলে ।
ত ত্ বৃ দৃ কৃত্যাবস্ত বাচা শকাং যমঃ খঃ খিতৈত্যাৰ্বাজীতি মনঃস্বৌ হসন্ত
বাক্ শকাং যমঃ খেঃ নিপাতনাং অমন্তুত্বমিতি কেচিৎ ।

অহিংসাত্বেয় ব্রহ্মচর্যা পারগ্রহাঃ যমাঃ শৌচ সম্ভোষ তপঃ স্বাধ্যায়েশ্বর
প্রবেধানাঃ নিয়মাঃ । আধ্যাত্মিকং আত্মানাত্মবিবেক শাস্ত্রং নিরহং ক্রিয়মা
গর্ভরাহিতেন মদ্বর্মানুষ্ঠাতুঃ পুরুষশাস্ত্রঃ । মনুতে জানাতি মূনিঃ ।
নাম্নীতি ইঃ নিপাতনাং উড়ম্ উক্তম্ । এইরূপে কোষ ব্যাকরণে মুক্তাদি
শব্দের ব্যুৎপাদন ও অর্থ ব্যাখ্যা করা হইয়াছে । এ সম্বন্ধে আরও কিছু
বক্তব্য আছে :—

তপঃক্লেশ সহোদাত্তৌ বর্ণিনো ব্রহ্মচারিণঃ ।

ঋষয়ঃ সত্যবচসঃ স্নাতকশ্চাপ্নুতঃ ব্রতী ॥

যে নিজীতেক্রিয়গ্রামাঃ যতিনো যতয়শ্চ তে ॥

যে ঋষৌ । ঋষস্বি জ্ঞানসংসারয়োঃ পারং গচ্ছন্তি ঋষয়ঃ । ঋষীশ
গতো নাম্নীতি কিঃ রিষির্হসাদিশ্চ ।

মুনিঋষৌ স্তে বৃদ্ধেচ পিন্নালে কিংস্বকেহপিচ ।

অগস্ত্যো মূনিঃ খর্জুরী খর্জুরভীদি বোধিতি ॥

মুনিচ্ছনঃ পুমান্ সপ্তচ্ছেদে মুনিজ্ঞমঃপুমান্ ।

বকপুন্সে শোণকেচ মুনি-নির্দ্বিত ঈরিতঃ ॥

নৃত্যস্বামী শিখিন ঐড্য ! মুদা হরিণ্যঃ
কুর্কন্তি গোপ্য ইব তে প্রিয়মীক্ষণেন
স্বকৈশ্চ কোকিলগণাগৃহমাগতায় ।
ধন্বা বনোকস ইয়ানু হি সতাং নিসর্গঃ ॥

হে স্তবাহ, পরমানন্দে ময়ুরগণ নৃত্য করিতেছে, গোপী-দিগের দ্বায় হরিণীগণ বীক্ষণ দ্বারা এবং কোকিল সকল কর্ণসুখপ্রদ শব্দ দ্বারা নিজ গৃহাগত তোমার শ্রীতি সম্পাদন করিতেছে ; যেহেতু সাধুগণের স্বভাবই এইরূপ । অতএব এই বৃন্দাবনবাসীরা ধন্ব ।

সরসি সারস-হংস-বিহঙ্গা-
শ্চাকু গীতকৃতচেতস এত্য ।
হরিমুপাসত তে যতচিত্তা
হস্ত মীলিতাদৃশো ধৃতমোনাঃ ॥

হে সখি, যে কালে শ্রীকৃষ্ণ অধরে বেণু সন্ধান করেন, তৎকালে সরোবরস্থ সারস, হংস এবং অন্য পক্ষিগণ মনোহর বেণুগীত দ্বারা আকৃষ্ট-চেতা হইয়া চিত্তসংযম, নমনমুদ্রণ এবং মৌনধারণ করিয়া শ্রীকৃষ্ণের উপাসনা করেন ।

মুনিশব্দের পক্ষী অর্থ করিয়া আর এক প্রকার ব্যাখ্যা করা হইল । এক্ষণে মুনি শব্দের অস্ত্র মূর্খ ইত্যাদি অর্থ করিয়া অন্য এক প্রকার অর্থ করা যাইতেছে, তদ্ব্যস্ত প্রমাণ স্বরূপ নিম্নলিখিত ভাগবতীয় শ্লোক উদ্ধৃত করা যাইতেছে, যথা :—

কিরাত-হুণাক্-পুলিন্দপুকশা
আতীর শুক্লা যবনাঃ খসাদয়ঃ ।
যেহন্তে চ পাপা যদপাশ্রয়াশ্রয়াঃ
শুধ্যন্তি তস্মৈ তস্মৈ প্রতবিষ্যবে নমঃ ॥

কিরাত, হুণ, অক্, পুলিন্দ, পুকশ, আতীর, শুক, যবন এবং খস

প্রভৃতি পাপজাতি ও বাহারা কর্ম-দোষবশতঃ পাপাত্মা,—তাহারাও যে ভাগবতগণের আশ্রয় করিয়া সর্ববিধ পাপ হইতে শুদ্ধি লাভ করে, সেই প্রভাবশালী ভগবানকে প্রণাম ।

ধৃতির উদাহরণ পূর্বে একবার বলা হইয়াছে । ইত্যুগ্রে ধৃতিমন্ত পক্ষীদের উদাহরণে এক প্রকার ব্যাখ্যা করা হইয়াছে, তৎ পরে কি স্নাত হুনাক্” ইত্যাদি শ্লোক দ্বারা ধৃতিমন্ত মূর্খের আত্মারামত্ব প্রদর্শন করাইয়া অষ্টাদশ প্রকারের ব্যাখ্যা করা হইল ।

ধৃতি শব্দের অপর অর্থ পূর্ণজ্ঞান এবং দুঃখাভাব ।

কিঞ্চা 'ধৃতি' শব্দে নিজ পূর্ণতা দি জ্ঞান কয় ।

দুঃখাভাবে উত্তম প্রাপ্তো মহাপূর্ণ হয় ॥

ধৃতিঃ সাৎপূর্ণতাজ্ঞানদুঃখাভাবোত্তমাশ্চিতিঃ ।

অপ্রাপ্তাশ্চ নষ্টার্থানাভিসংশোচনাদিক্ ॥

জ্ঞান, দুঃখাভাব এবং উত্তমপ্রাপ্তিনিবন্ধন যে পূর্ণতা তাহাই পূর্ণতা । অর্থাৎ উক্ত হেতু সকল হইতে উদ্ধৃত মনের অচাঞ্চল্যকে ধৃতি বলে । অপ্রাপ্ত, অতীত এবং নষ্ট বিষয়ের শোচনাভাব প্রভৃতি উহা হইতে অগ্নে । এই শ্লোকের ফলিতার্থ এই যে ভগবদনুভব, ভগবৎসম্বন্ধ হইতে যে দুঃখাভাব হয় এবং ভগবৎসম্বন্ধ হইতে যে প্রেম উদ্ভিত হয়—তাহাতে যে চিত্ত পূর্ণতা প্রাপ্ত হয় তাহাই ধৃতি ।

কৃষ্ণপ্রেম দুঃখহীন বাহ্যান্তরহীন ।

কৃষ্ণপ্রেম সেবাপূর্ণানন্দ প্রবীণ ॥

কৃষ্ণপ্রেম দুঃখের অনাধিগম্য, অমৃবাহ্যকার অনধিগম্য এবং প্রবীণ সেবানন্দই পূর্ণতাস্বরূপ । এ সম্বন্ধে শাস্ত্রীয় প্রমাণ এই যে :—

মৎসেবয়া প্রতীতং তে সালোক্যা দি চতুষ্টয়ং ।

নেচ্ছন্তি সেবয়া পূর্ণাঃ কুতোহন্তং কালবিম্বুতম্ ॥

শ্রীভগবান্ বৈকুণ্ঠনাথ দুর্কসাকে কহিলেন, যখন আমার সেবারাৱী

পূর্ণ ভক্তগণ আমার সেবা দ্বারা প্রাপ্ত সার্বোৎকৃষ্ট মুক্তিচতুষ্টয় গ্রহণ করেন না, তখন তাঁহারা কালে ধ্বংস হয় যে স্বর্গাদি, তাহা কি নিমিত্ত গ্রহণ করিবেন ?

স্থবীকেশে স্থবীকাণি যশু স্বেধ্যাগতানি হি ।

স এব ধৈর্য্যমাপ্নোতি সংসারে জীবচক্লে ॥

যাহার ইন্দ্রিয়গণ ভগবানে গাঢ়াসক্ত, সেই ব্যক্তিই এইক্ষণ ভ্রুর চকল সংসারে ধৈর্য্য লাভ করেন ।

‘চ’ অবধারণে ইহা, অপি সমুচ্চরে ।

ধৃতিমন্ত হঞা ভজে পক্ষীমূর্খ চরে ॥

এই স্থলে “চ” অবধারণে এবং ‘অপি’ সমুচ্চয়ার্থে প্রযুক্ত হইয়াছে ; পরিপূর্ণ জ্ঞানশীল আত্মারামগণও হরি ভজন করেন :—এতদ্বারা উনবিংশ প্রকার অর্থ পাওয়া গেল ।

আত্মা শব্দের অন্য অর্থ বুদ্ধি :—

আত্মা শব্দে ‘বুদ্ধি’ কহে, বুদ্ধি বিশেষ ।

সামান্তবুদ্ধিযুক্ত যত জীব অশেষ ।

বুদ্ধো রমে আত্মারাম দুইত প্রকার ।

পণ্ডিত মুনিগণ, নিগ্রহ মূর্খ আর ॥

কৃষ্ণ কৃপার সাধুসঙ্গে রতিবুদ্ধি-পায় ॥

সব ছাড়ি শুদ্ধ ভক্তি করে কৃষ্ণ-পায় ॥

দুই প্রকার জীব দৃষ্ট হয়—বিশেষবুদ্ধিবিশিষ্ট এবং সামান্তবুদ্ধিবিশিষ্ট । আত্মা শব্দের বুদ্ধি অর্থ ধরিয়া এই শ্লোকের ব্যাখ্যা এই যে, পণ্ডিত মুনিগণ এবং নিগ্রহ মূর্খ এই উভয় শ্রেণীর জীবই কৃষ্ণ-কৃপার সাধুসঙ্গলাভে শুদ্ধভক্তি প্রাপ্ত হইয়া থাকেন । ইহার প্রমাণ দেওয়া যাউতেছে :—

অহং সর্বশ্চ প্রভবো মন্তঃ সর্বং প্রবর্ততে ।

ইতি মত্বা ভজন্তে মাং বুধা ভাবসমবিতাঃ ॥

আমিষ্ট ব্রহ্মরূপাদি প্রমুখ প্রাকৃত ও অপ্রাকৃত বস্তুসমূহের উৎপত্তি-স্থান এবং আমি সকলের নিয়ন্তা ; ইহা সৎগুরু মুখে অবগত হইয়া বৃষ্ণগণ প্রেমযোগে আমার ভজনা করেন ।

এই শ্লোকটি বিশেষজ্ঞদের সহজে প্রমাণ । নিম্নলিখিত শ্লোকটি অল্পজ্ঞদের পক্ষে প্রমাণ রূপে উদ্ধৃত হইয়াছে :—

তে বৈ বিনশ্যতি তরস্বি চ দেবদায়ঃ

শ্রীশূদ্রহুণশবরা অপি পাপপ্রীবাঃ ।

যত্নভূতক্রম পরায়ণশীলশিক্ষা-

তির্য্যগ্ জনা অপি কিমশ্রুতদারণা যে ॥

স্বী, শূদ্র, হুণ, শবর ও তির্য্যগ্ জাতি পাপজীবী অর্থাৎ শাস্ত্রবিরুদ্ধাচারী হইলেও অদ্ভুত পাদবিন্যাসশীল ভগবানের ভক্তের পবিত্র চরিত্রে যদি শিক্ষিত হয়, তবে তাহারাও ভগবন্তের অনুভব এবং তাঁহার মারা অতিক্রম করিতে সমর্থ হন । অতএব তাহারা বেদার্থ আলোচনা করিয়া ভগবৎরূপে চিত্ত সমাহিত করিয়াছেন, তাঁহারা যে ভগবন্তের জানিয়া মারা উত্তীর্ণ হইবেন তাহা আর কি বলিব ?

বিচার করিয়া যবে ভজে কৃষ্ণপার ।

সেই বুদ্ধি দেন তারে যাতে কৃষ্ণ পায় ॥

ভগবদ্গীতার “তেষাং সতত যুক্তানাং” এই সুপ্রসিদ্ধ শ্লোক টহার প্রমাণরূপে প্রযুক্ত হইয়াছে ।

সৎসঙ্গ, কৃষ্ণসেবা, ভাগবত, নাম ।

ব্রজে বাস, এই পঞ্চ সাধন প্রধান ॥

এই পঞ্চমধ্যে এক স্বল্প যদি হয় ।

সুবুদ্ধি জনের হয় কৃষ্ণ প্রেনোদয় ॥

টহার প্রমাণের অন্য নিম্নলিখিত শ্লোকটি উদ্ধৃত হইয়াছে :—

ছন্নহাতুতবীর্ঘ্যেহস্মিন্ শ্রদ্ধাচুরেহস্ত পঞ্চকে ।

যত্র স্বমোহপি সৎসঙ্গঃ সচ্ছিত্তাং তাবজ্ঞানে ॥

শ্রীভগবানের প্রভাব অতি অদূত এবং আমাদের বুদ্ধির অগোচর। তাঁহার শ্রীমূর্তি-সেবাদি-পঞ্চকে শ্রদ্ধা তো দূরের কথা, তাঁহাতে সদ্বুদ্ধি-জনগণের অল্পমাত্র সম্বন্ধে তাঁহাদের নিরাপরাধ চিত্তে ভাব-সংঘটনে সমর্থ।

সাধনভক্তি সম্বন্ধে চৌষটি অঙ্গ ভক্তির উল্লেখ করা হইয়াছে, তন্মধ্যে সংসঙ্গে বাস, কৃষ্ণসেবা, ভাগবত পাঠ ও শ্রবণাদি, শ্রীনাম জপ ও ভজে বাস ইহার অল্পেও যথেষ্ট ফললাভ হয়। মূল শ্লোকে লিখিত আছে, “সন্ধিয়াঃ” উহারই পয়ারে বঙ্গানুবাদে লিখিত হইয়াছে “সদ্বুদ্ধিজনের হয় কৃষ্ণপ্রেমোদয়।” স্মৃতরাং আত্মারামাঃ পদের অর্থ ‘বুদ্ধৌ রমন্তো জনাঃ’। বুদ্ধির সম্বন্ধে প্রমাণ আরও আছে যথা—“অকামঃ সৰ্বকামো বা” ইত্যাদি। উহাতে যে ‘উদারধাঃ’ পদটা আছে তাহাট ‘বুদ্ধ্যা মাম্’ পদের সার্থকতা-সূচক। উক্ত শ্লোকের বঙ্গানুবাদ পয়ার এই যে,—

উদার মহতী যার সর্বোত্তমা বুদ্ধি।

নানা কামে ভজে তবু পার ভক্তিগিদ্ধি ॥

ভক্তির প্রভাবে সেই কাম ছাড়াইয়া।

কৃষ্ণ পদে ভক্তি করায় গুণে আকর্ষণিয়া ॥

ইহার আরও দুইটা প্রমাণ শ্লোক আছে, একটা “আত্মারামশ্চ মুনয়ঃ”—অপরটা “সত্যং দিশত্রার্থিত” ইত্যাদি। এই দুইটা শ্লোক ঈতঃপূর্বে উদ্ধৃত হইয়াছে। বাকি সম্বন্ধীয় ব্যাখ্যা এই পর্য্যন্ত নিঃশেষিত হইয়াছে।

অতঃপরে “আত্মা” শব্দের ‘স্বভাব’ অর্থ ধরিয়া ব্যাখ্যা করা হইয়াছে।

‘আত্মা’ শব্দে স্বভাব কহে, তাতে যেই রমে।

আত্মারাম জীব যত স্বাবর জন্মে ॥

আত্মা শব্দের এক অর্থ স্বভাব, স্বভাব শব্দের অন্য অর্থ প্রকৃতি। ইহার অপর পর্য্যায় প্রধান। এই প্রধান সব সম্বন্ধে তমঃ ত্রিগুণাত্মক। এই ত্রিগুণাত্মক বস্তু সাধারণতঃ অদ্বন্দ্ব। দেহাদি নিখিল বস্তুই এই পদের

বাচ্য। এই স্বাভাবিক বস্তুতে যিনি রমণ করেন তাহাকেও আত্মারাম বলা যাইতে পারে।

জীবের স্বভাব কৃষ্ণদাস অভিমান।

দেহে আত্মজ্ঞানে আচ্ছাদিত সেই জ্ঞান ॥

জীবের প্রকৃত স্বভাব কৃষ্ণদাস, কিন্তু মায়ী স্বীয় বিশেষণিকা শক্তি বলে দেহাত্মকজ্ঞান দ্বারা জীবের প্রকৃত স্বভাবকে 'আচ্ছাদিত' করে। তখন দেহান্বিতেই আত্মজ্ঞান হয়। দেহ গেহ স্বাপ্নাদি লটগাই তখন জীবের আনন্দ হয়।

'চ' শব্দে এব অর্থ 'অপি' সমুচ্চয়ে।

আত্মারাম এব হঞা শ্রীকৃষ্ণ ভজয়ে ॥

সেই জীব সনকাদি সব মূনিগণ।

নিগ্রহ মূখ নীচ স্থাবর পশুগণ ॥

ব্যাস শুক সনকাত্মের প্রসিদ্ধভঞ্জন।

নিগ্রহ স্থাবরাণ্ডের গুন বিবরণ ॥

কৃষ্ণকৃপা হৈত হয় স্বভাব উদয়।

কৃষ্ণ গুণাকৃষ্ট হঞা তাঁহায়ে ভজয় ॥

জীব শব্দের অর্থ অতি বিস্তৃত ও ব্যাপক। যাহা আমরা 'অজীব' বলি, সূক্ষ্ম জ্ঞানীর নিকট তাহাও জীব বলিয়া প্রতিপাত হয়। স্থাবর জন্ম নামে যে ভেদ করণা করা হইয়াছে, উহা আপাতপ্রতীয়মান মূলদৃষ্টিনিবন্ধন প্রতীতিমাত্র মূলক। অতিক্রম স্থাবরাণ্ডেও জীবগুণ পরিলক্ষিত হয়। বৃক্ষাদিরও জীবন আছে, মহাতারতেও তাহার প্রমাণ আছে। মুনির শাপে অহল্যা পাষণ্ডে পরিণত হইয়াছিলেন। মায়ার প্রবলতর প্রভাবে, তমোগুণের নিদারুণ বৃত্তিতে জ্ঞান বিঘোররূপে সমাবৃত হইয়া অজ্ঞানে পরিণত হয়। গীতার কথিত হইয়াছে, "অজ্ঞানেনাবৃতং জ্ঞানং তেন মুষ্টি অস্তবঃ"। অজ্ঞান দ্বারা জ্ঞান সমাচ্ছন্ন হইয়া ধার, তখন অজ্ঞানও স্থাবরে পরিণত হয়।

ইহা স্বীকার না করিলে “সর্বং খন্দিৎ ব্রহ্ম” এই ক্রতি নিরর্থিকা হয় ।
ফলতঃ আধুনিক বিজ্ঞানও সর্বত্রই জীব-চৈতন্তের প্রমাণ প্রদর্শন করিতে
প্রয়াসী হইয়াছেন ।

এ সম্বন্ধে ইত.পূর্বে জীবতত্ত্বে যথেষ্ট আলোচনা করা হইয়াছে ।
সূত্র নগণ্য উদ্ভিদাণু হইতে জীবের ক্রমবিকাশপ্রাপ্তিতে সনকাদি জানী
ও নারদ শুকাদি ভক্তের ক্রমবিকাশ,—জীবজগতের এক অদ্ভুত ব্যাপার ও
ইতিহাস । তাই নিগ্রহ মূর্খ নীচ স্বাবর পশুগণ হইতে ব্যাস-শুক-নারদাদির
প্রসিদ্ধ ভজনের আত্মপূর্বিক ধারাবাহিক বৈজ্ঞানিক ইতিহাস প্রদর্শন করা
প্রকৃত পক্ষেই বৃহত্তম ব্যাপার ।

শ্রীমদ্ভাগবত আত্মারাম গ্লোকের ব্যাখ্যায় ইহার যে সূত্রপাত করি-
য়াছেন, তাহা অতি অদ্ভুত । পূর্বোক্ত ছত্রগুলি পাঠের সময়ে চিন্তাশীল
মনুষ্যের চিত্তে স্বভাবতঃই এই সম্বন্ধে এক বিশাল চিন্তার উদয় হয় । প্রথ-
মতঃ তিনি নিগ্রহ স্বাবরাদির কৃষ্ণভজনের ও কৃষ্ণকৃপালক স্বভাবোদয়ের
প্রমাণ শ্রীভাগবত হইতে প্রদর্শন করিয়াছেন, তদ্ যথা :—

ধন্তোন্নমন্ত্য ধরণী তৃণবীকৃৎস্বৎ-

পাদস্পৃশো ক্রমলতাঃ করজাভিমৃষ্টাঃ ।

নন্তোহিদ্ৰয়ঃ খগমৃগাঃ সদয়াবলোকৈ-

গোপ্যোহস্তুরেণ ভুজয়োরপি যৎস্পৃহাশ্রীঃ ॥

শ্রীকৃষ্ণ শ্রীবলদেবকে কহিলেন, হে অগ্রজ, অশ্রু (তোমার অবতার
সময়ে) তোমার পাদস্পৃষ্ট এই পৃথিবীও বৃন্দাবনস্থ তৃণশুল্ক,—নখস্পৃষ্ট
ক্রম ও লতা, তোমার কৃপাবলোকনে নদী, পর্বত, পক্ষী ও মৃগ এবং লক্ষীও
যাহাকে বাছা করেন, সেই বক্ষঃস্থলে অবস্থিত গোপীগণ,—ইহারা সকলেই
ধনু হইয়াছেন ।

ইহা আপাততঃ কবির কাব্যকথা মাত্র বলিয়া প্রতীয়মান হইতে
পারে কিন্তু বাহারা “সর্বং খন্দিৎ ব্রহ্ম” এই ক্রতির প্রকৃত তাৎপর্য

অবধারণ করিতে সমর্থ এবং শ্রীভগবানের খেচ্ছাময়ী শক্তির সর্বত্রই প্রাভব-
বৈভব অকৃতব করিতে সমর্থ, তাহার জানেন যে এই কবিষেও শাস্ত
সনাতন সত্য স্মৃতিষ্টিত। প্রকৃত কবির ভাষা,—দর্শন-বিজ্ঞানের ভাষা
হইতেও শাস্তী সত্যময়ী। আমাদের দেবভাষার কবির আসন অতি
উচ্চতম। কেবল ছন্দোবন্ধে লিখিত গ্রন্থই কবিত্ব নহে এবং তাদৃশ
লেখকগণকেও কবি বলা যায় না। যাহারা ব্রহ্মবিজ্ঞার অতিক্রম, তাঁহারাষ্ট
প্রকৃত কবি। তাই শ্রীভাগবতের প্রথমেই লিখিত হইয়াছে :—

তেনে ব্রহ্ম হৃদা ব আদি কবয়ে মুহুস্মি যৎসুরয়ঃ ।

হঠাৎ উপরে যাহারা নিকুঞ্জ-বিজ্ঞার অধিকার লাভ করিয়াছেন,
রসব্রহ্মের সরস ভাবে প্রবেশ করিয়াছেন তাঁহারা বাস্তবিকই মহাকবি।
তাঁহাদের নিকট ভগবৎরস,—“বেদ্যাক্ষরস্পর্শশূন্য-ব্রহ্মবাদসহোদরম্ ।
ভূধরে ভূতুরে, আকাশে পাতালে সর্বত্রই ভগবানের সত্তা ও তাঁহার
সৌন্দর্য্য-মাধুর্য্য দেখিয়া তাঁহারা বিমুগ্ধ হন। শ্রীভাগবতে এতাদৃশ পঞ্চগুলি
ঐ শ্রেণীর কবিরই কাব্যোচ্ছ্বাসময়ী বর্ণনা। আর একটা প্রমাণ দেওয়া
যাইতেছে :—

গা গোপকৈরনুবনং নয়তোক্রদার-
বেগুধনৈঃ কলপদৈস্তুভুৎসু সখাঃ ।
অম্পকনং গতিমতাং পুলকস্তরুণাং
নির্যোগপাশকৃতলক্ষণহো বিচিত্রম্ ॥

ব্রহ্মদেবীগণ কহিলেন, হে সগৌপন, আশ্চর্য কথা শ্রবণ কর, গোপণের
পাদবন্ধন রজ্জ্ব দ্বারা যাহাদের পরমসৌন্দর্য্য,—সেই রাম ও কৃষ্ণ যেকালে
গোপগণের সহিত বনে বনে গোচরণ করিতে করিতে মধুর এবং অক্ষুট
উদার বেগুধনি করেন, তৎকালে জীবের অম্পকন অর্থাৎ স্বাবর ধর্ম এবং
স্বাবরের পুলক অর্থাৎ জীব-ধর্ম সৃষ্ট জীব ।

অতঃপরে আর একটি উপাদেয় শ্লোক উদ্ধৃত করা যাইতেছে :—

বনলতা তুরব আত্মনি বিষ্ণুং
 ব্যজয়ন্ত্য ইব পুষ্পকলাঢ্যাঃ ।
 প্রণতভার বিটপা মধুধারাঃ
 প্রেমহৃষ্টতনবো ববৃষুঃ স্ম ॥

শ্রীব্রজদেবীগণ কহিলেন, হে সগি, শ্রীকৃষ্ণ বেণু দ্বারা যখন গোগণকে আহ্বান করেন, তখন বনলতা ও বনতরুগণ আপনাতে ক্ষুণ্ণ শ্রীকৃষ্ণের অভিব্যক্তি করিতে করিতে ফল পুষ্পাদির ভরে নম্রশাখা হইয়া এবং অঙ্করোদ্গম ছলে প্রেমে হৃষ্টতম্ব হইয়া নধুধারারূপ অক্ষবর্ষণ করিয়া থাকে ।

এই ভগৎ অনন্ত শক্তিশালী ভগবানের সৃষ্টি। সৃষ্টি ভগতে তাঁহার ইচ্ছা প্রতি পরমাণুতেই প্রতিফলিত হয়। সূতরাং ইহাতে বিশ্বয়ের বিষয় কিছুই নাই। অতঃপরে অজ্ঞান মূর্খ প্রভৃতির উদাহরণ স্বরূপ “কিরাত হুণাকু” ইত্যাদি শ্লোকটি উদ্ধৃত হইয়াছে ।

এই পর্য্যন্ত উনবিংশ প্রকার ব্যাখ্যা পাওয়া গেল। প্রথম উত্তমে ছয় প্রকার, দ্বিতীয় বারে এক প্রকার, চতুর্থবারে চারি প্রকার, পঞ্চম বারে দুই প্রকার ব্যাখ্যা শ্রীচরিতামতে প্রদর্শিত হইয়াছে যথা:—

আগে তের অর্থ কৈল আর ছয় এই ।
 উনবিংশ অর্থ হৈল মিলি এই দুই ॥

অতঃপর আরও অগ্রসর হওয়া যাইতেছে :—

এই উনিশ অর্থ করিল আঙ্গ শুন আর ।
 ‘আত্মা’ শব্দে দেহ কহে চারি অর্থ তার ॥

‘আত্মা’ শব্দের একটি অর্থ ‘দেহ’ স্বীকার করিলে ইহা হইতেও চারিটি অর্থলাভ করা যায় ।

দেহারামী দেহতন্মে দেহোপাধি ব্রহ্ম ।
 সংসদে সেহ করে শ্রীকৃষ্ণ ভজন ॥

ইহার প্রমাণ স্বরূপ পূর্বোক্ত "উনরমুণাসনে" শ্লোক উক্ত হইয়াছে।
দেহারামী কর্মনিষ্ঠ ধাস্তিকগণও সংসর্গ প্রভাবে শ্রীকৃষ্ণের ভজনাদি
প্রবৃত্ত হন।

কর্ষণ্যান্মরনাখাসে ধূম ধূম্রাঘ্ননাং ভবান্।

আপায়রতি গোবিন্দপাদপদ্মাসবং মধু ॥

শোনকাদি ঋষিগণ কহিলেন, হে সূত, এই অবিষমনীয় সত্রযাগের
ধূম সেবনে যাছাদিগের শরীর বিবর্ণ হইতেছিল, সেঠে আমরাগকে আপনি
সুমধুব শ্রীগোবিন্দের পাদপদ্ম-মকরন্দ পান করাইয়া আশাস প্রদান
করিলেন।

তপস্বী প্রভৃতি দেহারামিগণও সংসর্গে কৃষ্ণভজনে প্রবৃত্ত হইয়া
থাকেন, প্রমাণ যথা:—

যৎপাদসেবাতিক্রুচিপাথনা—

মশেষ-অম্মোপাচঃ মলং ধিয়ঃ ॥

সত্বঃ ক্রিণোত্বহমেধতী সতী

যথা পদাসুষ্ঠবিনুঃস্বতা সরিৎ ॥

শ্রীপৃথুমহারাজ কহিলেন, হে সত্যগণ, যাহার চরণ সেবাতিলাষ প্রতি-
দিন উত্তরোত্তর বৃদ্ধি প্রাপ্ত হইয়া তপস্বীদিগের অনাদিকাল হইতে উপচিত
সুন্ধি মল অর্থাৎ বাসনাকে পদাসুষ্ঠ বিনিঃসৃত গঙ্গার ত্রায় নিঃশেষে ক্ষয়
করেন, সেই হরিকেঠ ভজন করিবে।

দেহারামী, মর্ক্ককাম, সব আত্মারাম।

কৃষ্ণ কৃপায় কৃষ্ণ ভজে ছাড়ি সব কাম ॥

স্থানাতিলাষী তপসি স্থিতোহহঃ

স্বাং প্রাপ্তবান্-দেব-মুনীন্-শুভঃ ।

কাচং বিচিষ্মিব দিব্য বসুং

স্বামিন্ কৃতার্থোহস্মি বরং ন যাচে ॥

হে প্রভো, লোকে কাচ অন্বেষণ করিতে করিতে যেমন দিব্য রত্ন লাভ করে, আমিও সেইরূপ উৎকৃষ্ট স্থান পাইবার জন্য তপস্যায় দেবেন্দ্র মুনীন্দ্রগণের ছল'ভ তোমাকে লাভ করিলা কৃতার্থ হইলাম, আর কোনও বর যাচ'ঞা করি না।

আত্মা শব্দের দেহ অর্থ ধরিয়া চারি প্রকারের ব্যাখ্যান করা হইয়াছে। সূত্রাং সমষ্টিতে তেইশ প্রকারের ব্যাখ্যান নির্দ্ধারিত করা হইল। তৎপরে এখন আরও তিন প্রকার ব্যাখ্যা করা যাইতেছে।

এই চারি অর্থ সহ হইল তেইশ অর্থ
আর তিন অর্থ শুন পরম সমর্থ ॥

এখন আত্মারামাশ্চ পদে চে 'চ' আছে, এই চ এর সমুচ্চয় অর্থ করিয়া আত্মারামাশ্চ মুনয়শ্চ পদ সাধিত হয়। অর্থাৎ আত্মারামগণ ও মনিগণ কৃষ্ণকে ভজন করেন। "নিগ্র'হা অপ্যরুক্রমে" এই বাক্যাংশের মধ্যে যে 'অপি' শব্দ আছে, আহার অর্থ অবধারণ; 'চ' শব্দের আর একটি অর্থ আছে যথা—অম্বাচয়। অম্বাচয় অর্থের সম্বন্ধে পূর্বে উদাহরণ দেওয়া হইয়াছে। যেমন বটো, ভিকায় দাও; সুবিধা হইলে গাভীটাকেও নিয়া আসিও (বটো ভিকামট গাঞ্চানয়)।

এই অম্বাচয় অর্থে দুইটা বাক্য থাকে। প্রধান বা মুখ্য—আর একটি গৌণ। গাঞ্চানয় এই 'চ' কারটি অম্বাচয় অর্থে ব্যবহৃত হইয়াছে।

মুনি ব্যক্তি কৃষ্ণকে মনন করেন; মুখ্য অর্থে মনন। আত্মারাম হইয়া যে ভজন করেন, সেটা গৌণ অর্থ। সূত্রাং আত্মারামাশ্চ মুনয়শ্চ এখানে 'চ' শব্দের অম্বাচয় অর্থে প্রয়োগ করায় সমুচ্চয় অর্থ অপেক্ষা ত্তিন্ন অর্থে ব্যবহৃত হইল। চ কারের আর একটি অর্থ আছে,—এব। তাহার অর্থ এই যে, আত্মারামগণ কৃষ্ণ ভজন করেন এবং মনিগণও তাঁহার ভজন করেন। অগ্নির একটি নিন্দা অর্থ আছে। আত্মারামগণও কৃষ্ণকে ভজন করেন। এখানে নিন্দা অর্থে 'অপি' শব্দের প্রয়োগ স্বতন্ত্র একপ্রকার অর্থ হইতেছে।

নিগ্রহ শব্দ অরাজ এখানে আর একটা অর্থ করা যাউতেছে। নিগ্রহ শব্দের অর্থ এখানে ব্যাধ। এই কয়েক প্রকার অর্থের দ্বারা ছাঙ্গিন প্রকার অর্থ লাভ হইল। এখানে সাধুসঙ্গে কি প্রকারে ব্যাধ কৃষ্ণ ভজনে এবেশ পথ পাইল, সেট আখ্যানটির বর্ণনা করা যাউতেছে ; ইহাতে সংসঙ্গের মহিমা প্রকাশ পাইবে।

একদিবস নারদঋষি বদরিকাশ্রমে শ্রীনারায়ণ দর্শন করিয়া ত্রিবেণীতে শ্রানের অন্ত প্রয়াগে আসিতেছিলেন। পথিমধ্যে সুবিস্তৃত বনভূমি, বনপথ নির্জন ; কিন্তু হঠাৎ পথিমধ্যে একটা মৃগ দেখিতে পাইলেন। মৃগটা বাণবিদ্ধ, পা ভগ্ন, দাঁড়াইবার শক্তি নাই ; পথে পড়িয়া মৃগটা ছট্‌ফট্‌ করিতেছে,—দেখিয়া ঋষির মনে দয়ার সঞ্চার হইল। তিনি ভাবিতে ভাবিতে নীরবে গমন করিতে লাগিলেন। কিয়দ্‌রে অগ্রসর হইয়া দেখিলেন একটা শূকরও তদবস্থাপন্ন। দুঃখের উপরে আবার দুঃখ ; আরও কিয়দ্‌রে অগ্রসর হইয়া দেখিলেন ব্যাধের দ্বাণে একটা শশক মৃত্যু-যন্ত্রণায় ছট্‌ফট্‌ করিতেছে :—শশক স্বভাবতঃই নিরীহ, ক্ষুদ্র কোমল জীব। হিংসারীন কোমলপ্রাণ আহত মৃতপ্রায় শশকটিকে দেখিয়া নারদ ঋষির হৃদয় দুঃখে ব্যাকুল হইয়া উঠিল। তিনি হৃদয়ে দুঃখের ভার লইয়া আরও কিয়দ্‌রে গিয়া দেখিলেন, একটা ব্যাধ বৃক্ষাস্তুরালে লুকাইয়া মৃগবধ করিবার অন্ত বাণ উত্তত করিয়া রহিয়াছে। তাহার আকার অতি ভয়ঙ্কর, দেহ মসীবর্ণ, চক্ষু দুইটা রক্তিম, তাহার হাতে ধনুর্বাণ ;—যেন সাক্ষাৎ দণ্ডধর যম। মৃগগণ নারদকে দেখিয়া ভয়ে পালাইয়া গেল। উহারা নিভীক চিত্তে বনের পথে বিচরণ করিতেছিল। ব্যাধ মনে করিয়াছিল, বিধাতা বৃক্ষি তাঁহার অন্ত মৃগায় মূল্যবান্‌ লভ্য সংগ্রহ করিয়া দিয়াছেন। কিন্তু মৃগগণের পলায়নে তাহার সেই আশা বিফল হইয়া গেল ; নারদকে দেখিয়া তাহার ক্রোধের সীমা রহিলনা, সে নারদকে গালি দিতে উত্তত হইল। কিন্তু মহর্ষির প্রভাবে তাহার মুখ হইতে কোন কটুক্তি নির্গত হইল না।

সে আধ-আধ ক্রোধের ভাষায় বলিল, গৌসাই তুমি প্রমাণ পথ ছাড়িয়া এখানে আসিলে কেন ? তোমাকে দেখিয়াই-তো মৃগশুলি পালাইয়া গেল ।

নারদ অতি কোমল করুণ স্বরে বলিলেন, একটা কথা অজ্ঞাসা করিবার অন্ত তোমার নিকটে আসিলাম । পথে আধমরা বাণবিদ্ধ শশক শূকর ও মৃগ দেখিতে পাইলাম । উহারা ছট্‌ফট্‌ করিতেছে । ঐগুলি কি তোমার ?

ব্যাধ বলিল, আমার বই আর কাহার ? তখন নারদ আরও কোমল করুণস্বরে বলিলেন, তুমি অস্ত্রগুলিকে আধমরা করিয়া রাখা কেন ? একবারেই উহাদিগকে বধ করিলে ভাল হয় না কি ? ব্যাধ বলিল, গৌসাই সে কথা বলিতেছি, শুন । আমার নাম মৃগারি, আতিতে,— ব্যাধ—মৃগমারাই ল্যবসা । পিতার নিকটে এই ব্যবসাই শিক্ষা করিয়াছি । আধমরা জীব যখন ছট্‌ফট্‌ করিতে থাকে, তাহা দেখিলে আমাদের বড় আনন্দ হয় । নারদ একথা শুনিয়া আরও দুঃখিত হইলেন । মনে মনে ভাবিতে লাগিলেন, আহা একি বুদ্ধি ! বিধাতার সৃষ্টিতে মনুষ্য অতি উচ্চ জীব, আর সেই মনুষ্যের হৃদয় এমন নিষ্ঠুর ? তিনি ব্যাধকে কোনও কটুক্তি না করিয়া বলিলেন, ভাই তোমার নিকট আমার একটা প্রার্থনা আছে । ব্যাধ হাসিয়া বলিল, সেজন্য আর ভাবনা কি । শূকর, মৃগ, শশক, যাহা ইচ্ছা, তুমি লইতে পার । তুমি যদি মৃগের ছাল চাও, তাহাও দিতে পারি ; এমন কি বাঘের ছালও দিতে পারি ; আমার ঘরে চল । নারদ গম্ভীর ভাবে বলিলেন, ইহার কিছুই আমি চাহিনা । তোমার কাছে আমার যাহা প্রার্থনা তাহা এই,—

কালিহেতে তুমি যেই মৃগাদি মারিবে ।

প্রথমেই মারিবে, অধমরা না করিবে ॥

ব্যাধ আশ্চর্য্যান্বিত হইয়া বলিল, ওঃ, এই কথা । এ আবার একটা কি দান ? আমি মনে করিয়াছিলাম, তুমি বুদ্ধি একটা মরা শূকর চাহিবে ।

কিছা একটা হরিণ বা বাঁধের ছান চাহিবে । কিন্তু তা কিছ নর । ইহাতে তোমার কি লাভ হইবে ? আমি যদি আধমরা না করিয়া একবারে মারিয়া কেলি, তাহাতে তোমার কি লাভ ? নারদ বলিলেন, তুমি যে আধমরা করিয়া জীবগুলিকে কোলিয়া রাখ, ইহাতে জীবের বড় ক্লেশ হয় । কোন জীবকেই বাধা দেওয়া ভাল নয় । ইহাতে তোমার অন্ত্যন্ত কুফল ভোগ করিতে হইবে । হুম,—বাদ, জীব মারাষ্ট তোমার ব্যবসায় । তোমার পক্ষে ইহা বড় বেশী পাপের কথা নহে কিন্তু তুমি যে জীবদিগকে এইরূপে খাতিয়া দেও এবং সেট খাতিয়া দেখিয়া আনন্দ পাও, ইহাতে তোমার দুঃখের সামা থাকিবেনা । হুম ইহাদিগকে বেরূপ দুঃখ দিনে, অন্য জন্মাব্দে নাহায়াও তোমার সেটীকপ খাতিয়া দিবে ।

কনর্থে তুমি দত্ত মারিলে জীষেরে ।

ভারা তোমা তেহে মারিবে অন্য জন্মাব্দে ॥

বাদ্য নাগবে নারদের কথা শুনিচোল ; এ কথা শুনিয়া সে খপবাবার মত মাতা অবনত করিল । তাহার সরল মনে ভয়ের সঞ্চার হইল । সে ভক্ত-ভাঁত ভাবে বলিল, গোমাই তবে আমার উপায় কি ? আমি তো বাগ্য হঠতেই এই কুকর্ম করিয়া আসিতেছি ।”

এই ব্যাপারটা সাধুসম্মের মাহায়া । প্রথমঃ নারদের দর্শনে তাহার ব্রহ্মা সুসংঘত হইয়াছিল । সে কটু উচ্চারণ করিতে যাষ্টয়াও তাহা করিতে পারে নাই । ইহা সাধু-দর্শনের ফল । নারদকে দেখিয়া যুগগুলি পালাইয়া গেল, এই স্বার্থের ক্ষাত্তে ভীষণ ক্রোধ হওয়া তাহার পক্ষে স্বাভাবিক ; অপর কেহ হঠলে ব্যাধের সেই উত্তম বাণ তাহার ক্ষতি-কারকের বন্ধে পড়িয়া প্রতিশোধ লষ্টত কিন্তু সাধুদর্শনে তাহার মনের ক্রোধ কাযো পরিণত হইল না । ক্রোধের বেগ সহসা গামিয়া গেল । ইহা সাধু-দর্শনেরই অমৃতময় পুস্তাব । ইহার পরে নারদের প্রিয় সম্ভাষণে তাহার হৃদয়ে পরোপকারের ইচ্ছা সমুদিত হইল । সে নারদকে যোপর্জিত

যুগযুগক যুতপশু বা যুগ চর্যাদি দিতে চাহিল। * এই পরোপকারেচ্ছা-
আগরণ সংসঙ্গে সত্বপদেশ লাভেরই ফল। তাহার পরে নারদ যখন জীবের
'ক্লেশ বুঝাইয়া দিলেন, তখন তাহার মনে বাস্তবিকই অনুতাপের সূচনা
হইয়াছিল, এবং তাহার মন সাধুসঙ্গে নিষ্পাপ ও প্রসন্ন হইয়াছিল।
নারদ যেইমাত্র পাপের দণ্ডের কথা বলিলেন, তখন তাহার সরল নির্মল
হৃদয়ে ভয়ের উদয় হইল।

ব্যাধ বলিল, ঠাকুর, আমি পামর, অধম, আমার কি গতি হইবে ?

এই পাপ যায় মোর কেমন উপায়।

নিস্তার করহ মোড়ে পড়ে। তুয়া পায় ॥

নারদ আবার সেই করুণ কোমল কণ্ঠে দয়াদি চিত্তে আশ্বাসের ভাষায়
তাহার হৃদয়ে বিশ্বাস জন্মাইয়া বলিলেন, তুমি যদি আমার কথা রাখ তাহা
হইলে তোমার উপায় হইবে। ব্যাধের হৃদয়ে তখন শ্রদ্ধার আবির্ভাব
হইয়াছে কিন্তু সে শ্রদ্ধা দৃঢ় নহে, কোমলা। ব্যাধ কোমল কণ্ঠে বলিল,
ঠাকুর, আজ্ঞা করুন, কি করিতে হইবে। নারদ তখন একটুকু প্রভুত্বের
সহিত বলিলেন, হাতের ধনুক খানি আগে ভাঙ্গিয়া ফেল, পরে আমি
উপায় করিব। *ব্যাধের কোমল শ্রদ্ধায় তখন সংশয় আসিল। সে কাতর-
কণ্ঠে বলিল, ঠাকুর, ধনুক ভাঙ্গিলে বাঁচিবার উপায় কি ? নারদ হাসিয়া
বলিলেন, সেইজন্য আবার চিন্তা ? আমি অন্ন দিব ; প্রতিদিন বত অন্নের
প্রয়োজন হয়, আমি দিব।" তখন সংস্কারের প্রভাবে ব্যাধের হৃদয়ে পূর্ণ
শ্রদ্ধার উদয় হইল। তাহার মনে বিন্দুমাত্রও সংশয় রহিল না। কণার্ক বিলম্ব
না করিয়া সে ধনুক ভাঙ্গিয়া নারদের চরণে দণ্ডবৎ প্রণত হইয়া পড়িল।

ইহাকেই বলে গুরুপদাশ্র এবং গুরুবাক্যে স্নেহ প্রত্যয়। নারদ
তখন তাহাকে হাত ধরিয়া তুলিলেন এবং বলিলেন, আমি যাহা বলিতেছি
তাঁহা শুন। ঘরে যাও, ঘরে যাহা কিছু আছে সকলই সংপাতে দান
কর, কিছুমাত্র সঞ্চয় রাখিওনা, একখানি বস্ত্র মাত্র পরিয়া স্ত্রী পুরুষ

দুইজন ঘর হইতে বাহির হইবে, নদীর তটে একখানি কুটার করিয়া তাহার সম্মুখে একটা তুলসী বৃক্ষ রোপণ করিবে ; উভয়ে তুলসী পরিক্রমা করিবে, নিরন্তর কৃষ্ণনাম সঙ্কীৰ্ত্তন করিবে । আহাৰ্যের অন্ত ভাবিবে না, আমি প্রতিদিন ষথেষ্ট অন্নের যোগাড় করিয়া দিব । তোমরা দুইজনে যত খাইতে পার তাহাই লইবে অন্নের চিন্তা করিওনা ।

ব্যাধকে এইরূপ উপদেশ দিয়া ভগবান নারদ ঋষি ব্যাধের সমক্ষেই মৃতপ্রায় জীবদিগের দেহে কোমল হস্ত চালনা করিয়া তাহাদিগকে সুস্থ করিলেন । তাহারা সুস্থ হইয়া দৌড়িয়া চলিয়া গেল । এই ব্যাপার দেখিয়া ব্যাধ চমৎকৃত হইল । ব্যাধকে উপদেশ দিয়া নারদ চলিয়া গেলেন । ব্যাধ ঘরে ফিরিল, নারদের উপদেশানুসারে সমস্ত কার্য করিল । গ্রামে ধ্বনি পড়িল, ব্যাধ সস্ত্রীক বৈষ্ণব হইয়াছে । লোকেরা দেখিতে পাইল, নিষ্কিঞ্চন ব্যাধ নদীতটে তুলসী সেবন করিতেছে, তুলসী পরিক্রমা করিতেছে, ভক্তিপূরিত কাতরকণ্ঠে হরিনাম সঙ্কীৰ্ত্তনে মাতিয়াছে । গ্রামবাসিগণ এবং ভিন্ন গ্রামের জনগণ সাদরে নানাপ্রকার ভোজনসামগ্রী লইয়া ব্যাধের কুটারে উপস্থিত হইল । ব্যাধ আপনাদের প্রয়োজন মত যৎকিঞ্চিৎ রাখিয়া অবশিষ্ট উপস্থিত লোকের মধ্যে বিলি করিয়া দিল ।

এইরূপে পরমদয়াল শ্রীমন্নারদের কৃপায় সস্ত্রীক ব্যাধ হরিভক্ত হইয়া নাম সংকীৰ্ত্তনান্দে নিশ্চিন্তভাবে দিন বাপন করিতে লাগিল । নারদ কিছুদিন পরে তাঁহার অমুচর পৰ্ব্বতঋষিকে বলিলেন, তোমাকে আমার এক শিষ্য দেখাইব । চল, আমার সঙ্গে এস । এষ্ট বলিয়া দুই ঋষি নদী-তটে ব্যাধের কুটার সমক্ষে আগমন করিলেন । দূর হইতে গুরুদর্শন করিয়া ব্যাধ আশ্চর্য্যবাস্তে অগ্রসর হইতে লাগিল, কিন্তু পথে পদচালনা করিতে বিশেষ সতর্ক হইল, পাছে বা কোন কীটের উপরে পদ পতিত হয় । প্রণত হইবার পূর্বে সেই স্থানটা বস্ত্র দ্বারা কোমলভাবে ঝাঝিয়া গুরুদেবকে এবং পৰ্ব্বত ঋষিকে সে প্রণাম করিল ।

নারদ ব্যাধের এই ভাব দেখিয়া বলিলেন, তোমার এই কার্যে কোন আশ্চর্যের বিষয় নাই। হরিভক্তি দ্বারা লোকের চিত্ত হিংসাশূন্য হয়। তাহাদের অহিংসাদি গুণ সমুদিত হয়; তাহারা পরকে পীড়া দেয় না

এতে নহুদ্ভুতা ব্যাধ! তবহিংসাদয়োঃগুণাঃ।

হরিভক্তৌ প্রবৃত্তা যে ন তে স্যুঃ পরতাপিনঃ ॥

ব্যাধ ভক্তিপূর্বক ঋষিধ্বজকে আঙ্গিনায় আনিয়া কুশাসনে বসাইল এবং উভয়ের পাদপ্রক্ষালন করাইয়া সেই জল স্ত্রী পুরুষ উভয়ে ভক্তিপূর্বক পান করিল ও শিরে ধারণ করিল। উভয়ের দেহে কম্প পুলক অশ্রু প্রভৃতি সাত্ত্বিক বিকারের চিহ্ন উদ্ভিত হইল। উভয়ে আনন্দভরে কুম্ভ নাম করিতে করিতে উর্দ্ধবাহু হঠয়া বস্ত্র উড়াইয়া প্রেম-বিবশভাবে উধাও উদ্ভূ নৃত্য করিতে লাগিল।

প্রিয় পাঠক, ব্যাধ তখন কোন্ লোকে ছিল আপনি বলিতে পারেন কি? আমার মনে হয় ব্যাধ তখন এই দৈত্তাদারিদ্র্যময়, এই শোকদুঃখময়, এই আভিঘাত্যঅভিমানজনিত অত্যাচার উৎপীড়নময় দেশে ছিনেন না, ব্যাধ তখন প্রকৃতই গোলোকের প্রিয়ধন হরিনাম সঙ্কীৰ্ত্তন করিতে করিতে আনন্দময়ের আনন্দধামে পূর্ণানন্দ সম্ভোগ করিতেছিলেন।

দেখিয়া ব্যাধের প্রেম পৰ্বত মহামুনি।

নারদেরে কহে, তুমি হও স্পর্শমুনি ॥

অহো ধনোহসি দেবর্ষে! কৃপয়া যন্ত তৎক্ষণাৎ।

নীচোহপ্যাংপুলকো লেভে লুক্কোরতিমচ্যতে ॥

হে দেবর্ষে, আপনিই ধনু, যেহেতু আপনার কৃপায় নীচ প্রকৃতির ব্যাধও পুলকিত দেহে শ্রীকৃষ্ণের রতি লাভ করিয়াছে।

নারদ বলিলেন, ব্যাধ, তুমি অন্ন পাইতেছ তো? ব্যাধ ভক্তিভরে বলিলেন, যাহাকেই আপনি অন্নসহ পাঠাইতেছেন, তিনিই আসিয়া দয়া করিয়া অন্ন দিয়া বাইতেছেন। এত অন্ন পাঠাইবার কোন প্রয়োজন

নাট। এই দুইজনের জন্ম বৎসিকিৎ যাহা প্রয়োজন তাহাই যথেষ্ট। নারদ বলিলেন, আমি আশীর্বাদ করিতেছি, তোমরা উভয়ে চিরদিন এই আনন্দে কাল যাপন কর।

এই ব্যাধের প্রসঙ্গে সাধুসঙ্ঘের মহাত্মা বর্ণিত হইল। সাধুসঙ্ঘের প্রভাবে এইরূপেই কৃষ্ণ ভক্তির উদয় হয়।

এই পর্য্যন্ত ছাব্বিশ প্রকার ব্যাখ্যা করা হইল। এখন যেরূপ ব্যাখ্যা করা হইবে, তাহা বহুরূপ ব্যাখ্যানের ভাণ্ডার স্বরূপ। উহা স্থূলরূপে দুই অর্থে এবং সূক্ষ্মরূপে বত্রিশ অর্থে ব্যাখ্যাত হইবে।

আত্মা শব্দ দ্বারা ভগবান্ শব্দের প্রতিপাত্ত্ব নিখিল অর্থ বুঝা যায়। ইহার যেমন “স্বয়ং ভগবান্” অর্থ হয় তেমনি যৎকিঞ্চিৎ ভগবত্তা যে যে স্থলে দৃষ্ট হয় তৎসকলও বুঝায়। নারদ, ন্যাস, বশিষ্ট প্রভৃতি ঋষিগণকেও শাস্ত্রে স্থানে স্থানে ভগবান্ বলা হইয়াছে, মহাত্মা বলা হইয়াছে। এরূপ বিচারে আত্মা শব্দের ভগবত্তা অর্থে ব্যবহৃত স্থলমাত্রেই আত্মারাম শব্দের প্রয়োগ হইতে পারে। স্বয়ং ভগবানের বিবিধ অবতारे যাহারা রমণ করেন, তাঁহারাও আত্মারাম।

আত্মাশব্দে কহে সর্ববিধ ভগবান্।

এক স্বয়ং ভগবান্, আর ভগবান্ আত্মান ॥

তাঁতে রমে যেই সেই সব আত্মারাম।

ভক্তের সাধারণতঃ দ্বিবিধ বিভাগ আছে—বিধিভক্ত ও রাগভক্ত। এই দ্বিবিধ ভক্ত আবার প্রত্যেক চারি চারি প্রকার। যথা—সাধক, সাধনসিদ্ধ, নিত্যসিদ্ধ ও পারিষদ। ইহাদের মধ্যে সাধক আবার দুই প্রকার—জাতরতি সাধক ও অজাতরতি সাধক। ইহাদেরও আবার পূর্ববৎ বিধি ও রাগমার্গে উভয়ের সাকল্যে উহা প্রকার। বিধি ভক্তিতে দাস, সখা, গুরু ও কান্তাগণ, উদাহরণ-স্থল। এসম্বন্ধে শ্রীচরিতামৃতামৃতে লিখিত হইয়াছে :—

বিধিভক্ত্যে নিত্যসিদ্ধ পারিষদ দাস ।
 সখাশুরু কান্তাগণ চারিবিধ প্রকাশ ॥
 সাধক সিদ্ধ দাস, সখা, গুরু কান্তাগণ ।
 উৎপন্ন ভক্তি সাধক ভক্ত চারিজন ॥
 অজ্ঞাতরতি সাধকভক্ত ষোড়শ প্রকার ।
 বিধিমাগে ভক্ত ষোড়শ ভেদ প্রচার ॥
 রাগমাগে ঐছে আর ভক্ত ষোল ভেদ ।
 দুই মাগে আত্মারাম বত্রিশ বিভেদ ॥

এতদ্বারা ইহাই বুঝা যাইতেছে যে, বিধিমাগে পূর্বে লিখিত রূপে
 ভক্ত ষোল প্রকার, রাগমাগেও ভক্ত ঐ প্রকারের ষোল প্রকার, একুনে
 এই উভয় প্রকারের ভক্ত আত্মারামের সংখ্যা বত্রিশ প্রকার । ইহাদের
 সঙ্গে 'ম্নি' 'নিগ্র'হু,' 'চ' এবং 'অপি' এই চারি শব্দ যেখানে যে প্রকার
 অর্থে ব্যবহৃত হয়, সেই প্রকারে পদ সমন্বয় করিয়া ব্যাখ্যা করিলে আরও
 বত্রিশ প্রকারের ব্যাখ্যা পাওয়া যায় । ইতঃপূর্বে ছাব্বিশ প্রকারের ব্যাখ্যা
 প্রদর্শিত হইয়াছে, উহার সহিত এই বত্রিশ প্রকার যোগ করিয়া একুনে
 ৫৮ প্রকারের ব্যাখ্যা পাওয়া যায় ।

অতঃপরে এই ৫৮ বার আত্মারামের সহিত ঐতরেতর অর্থে 'চ' প্রযুক্ত
 করিয়া ৫৮ বার আত্মারাম অর্থাৎ আত্মারামাশ্চ, আত্মারামাশ্চ আত্মারামাশ্চ
 এই প্রকারের ৫৮ বার আত্মারামাশ্চ পদ রচিত করিয়া পরিশেষে এই সব
 লোপ করিয়া যদি একটা মাত্র পদে চ রাখা যায়, তাহা হইলে ঐ এক
 আত্মারাম পদে ৫৮ আত্মারামের অর্থ প্রকাশ পায় ।

এক বিভক্তিতে সমান রূপ শব্দ দৃষ্ট হইলে, তাহাদিগের মধ্যে একমাত্র
 শব্দ অবশিষ্ট থাকে, অপর শব্দের প্রয়োগ হয় না ; যেমন রামাশ্চ
 রামাশ্চ রামাশ্চ রামা শব্দ মাত্র থাকে, অপর রামাশ্চ শব্দের প্রয়োগ
 হয় না । ব্যাকরণের নিয়ম এই যে—স্বরূপাণামেক শেষ এক বিভক্তৌ।

উক্তানামপ্রয়োগঃ । যেমন অশ্বখ বৃক্ষাশ্ব, বট বৃক্ষাশ্ব, কপিল্য বৃক্ষাশ্ব বৃক্ষাঃ ;—সকল চকার লোপ করায় ভিন্নভিন্ন অর্থের লোপ হইল কেবল এক মাত্র বৃক্ষ পদ রহিল । পৃথক্ পৃথক্ বৃক্ষ বলিলে প্রত্যেক জাতীয় বৃক্ষের স্বতন্ত্র অর্থ বোধ হইত । কিন্তু এখানে তাহা না হইয়া কেবল এক মাত্র পরার্থেরই অর্থ বোধ হইল, যেমন “অস্মিন্ বনে কলস্তি বৃক্ষাঃ” । আটাল বার আত্মারামাশ্ব শব্দের পৃথক্ উচ্চারণ না করিয়া যদি একবার মাত্র আত্মারাম পদটি বলা হয়, তাহা হইলে এই অর্থ প্রতিপত্তি হইবে যে যত প্রকার আত্মারাম আছেন সকলেই শ্রীকৃষ্ণে অহৈতুকী ভক্তি কবেন । এই প্রকার ব্যাখ্যা করিয়া উনষাট্ প্রকার ব্যাখ্যা করা হইয়াছে ।

এতদর্থে শ্রীচরিতামৃতে লিখিত হইয়াছে :—

আত্মারামাশ্ব সমুচ্চয় কহি যে চকার ।

মুনয়শ্চ ভক্তিকরে এই অর্থ তার ॥

নিগ্রহা এব হঞা অপি নিদ্ধারণে ।

এই উনষষ্টে অর্থ করিল ব্যাখ্যানে ॥

উহার অর্থে নিম্নলিখিত রূপ হইবে :—পূর্বোক্তাষ্টাদিকপঞ্চাশৎসংখ্যাকাঃ আত্মারামাশ্ব মুনয়শ্চ নিগ্রহাএব উরুক্রমে অহৈতুকাং ভক্তিং কুর্বন্তি ।

সর্ব সর্বসমুচ্চয়ে আর এক প্রকার অর্থ হয় । উহার এই প্রণালী
এইরূপ:—

সর্বসমুচ্চয় আর এক অর্থ হয় ।

আত্মারামাশ্ব মুনয়শ্চ নিগ্রহাশ্চ কৃষ্ণেরে ভজয় ।

অপি শব্দ অবধারণে সেই চারিবার ।

চারি শব্দ সঙ্গে এব করিবে উদ্ধার ॥

উহার প্রয়োগরূপ প্রদর্শন করা যাইতেছে :—আত্মারামাশ্ব মুনয়শ্চ নিগ্রহাশ্চ উরুক্রমে এব ভক্তিমেব অহৈতুকীমেব কুর্বন্ত্যেব হরিঃ ইখন্তুত গুণঃ

ইতি । এই প্রকারে ষাট্ প্রকার ব্যাখ্যা করা হইল । অপর এক প্রকার অর্থ এই যে আত্মা পদে ক্ষেত্রজ্ঞ জীব বুঝায় । ব্রহ্মাদি কীট পম্বাস্ত জীব মাতেই পরমাআর শক্তি । শ্রীবিষ্ণুপুরাণের বিষ্ণুশক্তি পরা-প্রোক্তা ক্ষেত্রজ্ঞাখ্যা তথাপরা” ইত্যাদি শ্লোক এবং “ক্ষেত্রজ্ঞ আত্মা পুরুষ” অমরকোষের এই পর্যায়-বাক্যাংশ গ্রহণ করিয়া আত্ম পদের ক্ষেত্রজ্ঞ জীব অর্থ স্বীকার করা যায় । জীবমাতেই ভ্রমিতে ভ্রমিতে সুকৃতি ফলে সাধু সন্ন লাভ করিলেতৎপ্রভাবে শ্রীকৃষ্ণ ভজন করে । এই ব্যাখ্যা-ণের পূর্বে যে ষাট্ প্রকার অর্থ করা হইয়াছে তৎসকলই ইহার উদাহরণ । এস্থলে সর্ব সাবল্যে ৬১ প্রকার ব্যাখ্যান প্রণালী অতি সংক্ষেপে প্রদ-শিত হইল ।

প্রভু বলিলেন সনাতন প্রকৃত কথা এই যে শ্রীকৃষ্ণ-ভজনই জীবের একমাত্র প্রধানতম বা মুখ্যতম অভিধেয় ; সর্ববিধ ব্যাখ্যানই শ্রীকৃষ্ণ-ভজন-মূলক । সার্বভৌম ভট্টাচার্যের নিকটে এই শ্লোকের আঠার প্রকার ব্যাখ্যা করিয়াছিলাম কিন্তু তোমার সমক্ষে ষষ্টি প্রকার অর্থ স্মৃতি হইল । ইহাতে আমার কোনও গৌরব নাই । তোমার হ্রায় ভক্তের সঙ্গলাভে স্বতঃই শব্দ-ব্রহ্মের অনন্ত তরঙ্গ হৃদয়ে উচ্ছসিত হয় । ইহা কেবল তোমার হ্রায় ভক্তজনের সঙ্গেরই অমৃতময় ফল । ফলতঃ “ভক্ত্যা ভাগবতং গ্রাহং ন বুদ্ধ্যা নচ টীকয়া” এই প্রাচীন উক্তিই অতি বখাধ । ভক্তি দ্বারা ভাগবতের অর্থস্বরূপ হয় । উহা বুদ্ধি দ্বারা হয় না, টীকা দ্বারাও হয় না ।” ইহাই বলিয়া প্রভু নারব হইলেন ।

শ্রীপাদ সনাতন এই সময়ে ব্যাপিয়া বিশ্বয়-বিস্ফারিতমনে মহাপ্রভুর শ্রীমুখ পঙ্কজ-বিনিঃসৃত বচনামৃত বিভোর ভাবে পান করিতেছিলেন । প্রভুর ব্যাখ্যান পরিসমাপ্ত হইলে সনাতন অত্যন্ত বিস্মিত হইয়া মহাপ্রভুর শ্রীচরণে পতিত হইলেন । প্রভু তাঁহাকে ধরিয়া তুলিলেন । সনাতন সঙ্গল নয়নে কৃতান্তি পূর্বক স্তব করিতে প্রবৃত্ত হইলেন :—

সাক্ষাৎ ঈশ্বর তুমি ব্রহ্মেন্দ্র নন্দন ।
তোমার নিখামে সব বেদ-প্রবর্তন ॥
তুমি বক্তা ভাগবতে তুমি জ্ঞান অর্থ ।
তোমা বিনা অন্ত জ্ঞানিতে নহেকসমর্থ ॥

সনাতন এইরূপে মহাপ্রভুর স্তব করিতে প্রবৃত্ত হইলেন । প্রভু তখন তাহাকে বাধা দিয়া বলিলেন, আমাকে অত করিয়া একি বলিলে ? ভাগবতের স্বরূপ বিচার কর ; ভাগবত সাক্ষাৎ কৃষ্ণতুল্য ।

কৃষ্ণতুল্য ভাগবত বিভূ সর্বাশ্রয় ।
প্রতি শ্লোকে প্রতি অক্ষরে নানা অর্থ কয় ॥
প্রশ্নোত্তরে ভাগবতে করিয়াছে নির্দার । .
যাহার শ্রবণে লোকে লাগে চমৎকার ॥

এইরূপ বলিয়া মহাপ্রভু শ্রীভাগবতের দুইটী শ্লোক বলিলেন, যথা :—

ক্রহি যোগেশ্বরে কৃষ্ণে ব্রহ্মণ্যে ধর্মবর্ষনি ।
স্বাং কাষ্ঠামধুনোপেতে ধর্মঃ কং শরণংগতঃ ॥

শৌনকাদি ঋষিগণ কহিলেন, হে সূত্র, যোগেশ্বরগণের ঈশ্বর, ব্রহ্মণ্য এবং ধর্ম রক্ষক শ্রীকৃষ্ণ নিজ নিত্যধামে গমন করিলে, ধর্ম কাহার শরণাগত হইলেন, তাহা বল ?

কৃষ্ণে স্বধামপোগতে ধর্মজ্ঞানাদিভিঃ সহ ।
কলৌ নষ্টদৃশামেষঃ পুরাণাকৌহধুনোদিতঃ ॥

ভগবদ্বর্ষ ও ভগবৎজ্ঞানাদির সহিত শ্রীকৃষ্ণ, নিত্য লীলা স্থানে উপগত হইলে, কলিযুগে ধর্ম, জ্ঞান ও বিবেকরহিত জীবের নিমিত্ত এই পুরাণ সূত্র উদ্ভূত হইয়াছেন ।

সনাতন, আমি এই তো তোমার নিকট শ্রীভাগবতের একটী শ্লোকের ব্যাখ্যা করিলাম, কিন্তু ইহা বাতুলের প্রলাপ ভিন্ন লোকে আর কি মনে করিবে ? যাহার আমার মত বাতুল, তাহার ভিন্ন আর কে এইরূপ

ব্যাখ্যা প্রমাণ বলিয়া মনে করিবে ? আমি তো পূর্বেই তোমাকে বলি-
 গাছি, যে ভাগবতের প্রতি শ্লোকে, এমন কি প্রতি অক্ষরে নানা প্রকার
 অর্থ ব্যাখ্যাত হইতে পারে। এই আশ্চর্য শ্লোকটির কথাই ধরিয়া
 লওনা কেন ? ইহার প্রত্যেক পদে এমন কি, 'চ' কার অক্ষরটাতেই কত
 অর্থ তোমার সঙ্কলাভে আমার হৃদয়ে স্মরিত হইল ! এই দৃষ্টে ভাগবতের
 অর্থ জানিবে।

এইরূপে মহাপ্রভু শ্রীকৃষ্ণ চৈতন্য শ্রীপাদ সনাতনকে 'আশ্চর্য'
 শ্লোকের ৬১ প্রকার ব্যাখ্যান শুনাইয়াছিলেন, তিনি ইচ্ছা করিলে
 ৬১ সহস্র বা ৬১ লক্ষ ব্যাখ্যানও করিতে পারিতেন। শব্দ শাস্ত্রের তো
 পার নাই ? পাণিনীয় সূত্রের মহাতাষ্যকার শ্রীমৎ পতঞ্জলি মুনি বলিয়াছেন
 শব্দ-শাস্ত্র অপার। সূত্ররাং সর্ববিচার আদিগুরু, সর্ববেদের প্রবর্তক
 শ্রীকৃষ্ণচৈতন্য মহাপ্রভুর ব্যাখ্যান-বৈচিত্র্য সম্বন্ধে কোন বিশ্বয়ের কারণ
 নাই। শ্রীপাদ সনাতন, প্রভুর ব্যাখ্যায় এই শিক্ষা প্রাপ্ত হইয়াছিলেন যে,
 শ্রীকৃষ্ণে ভক্তি করাই সর্ববিধ শাস্ত্রোপদেশের প্রকৃত তাৎপর্য। জগৎ
 সহস্র প্রকার উপাসক আছেন বা থাকিতে পারেন কিন্তু প্রকৃত প্রস্তাবে
 ভগবানে ভক্তি করাই সর্বপ্রকার উপাসকের প্রধানতম কর্তব্য এবং ভক্তি
 ভিন্ন কোন উপাসনাই সুসিদ্ধ হয় না, ইহাই "আশ্চর্য" শ্লোকের সর্ব-
 প্রকার ব্যাখ্যার মূল তাৎপর্য।

উপসংহার

গীতাবলী

শ্রীপাদ সনাতনের রচিত গ্রন্থ সমূহ সম্বন্ধে তদীয় জীবন বৃত্তান্তে প্রথম খণ্ডে কিঞ্চিৎ আলোচনা করা হইয়াছে। শ্রীমদ্ভাগবতের বৃহত্তোষণী টীকা, সঙ্গীক বৃহদ্ভাগবতামৃত ও তাহার টীকা, শ্রীহরিভক্তি বিলাসের দিগ্‌দর্শনী টীকা, সংক্ষিপ্ত দশম চরিত ও সংস্কৃত গীতমালা শ্রীপাদ সনাতনের রচিত। এই সকল গ্রন্থের পরিচয় তদীয় জীবনবৃত্তে লিখিত হইয়াছে। হরিভক্তি বিলাস বৈষ্ণবগণের পক্ষে অতি প্রয়োজনীয় গ্রন্থ। শ্রীচরিতামৃতের মধ্য নীলাস্তর্গত চতুর্বিংশতি অধ্যায়ে 'আআরাম শ্লোক ব্যাখ্যার পরে হরিভক্তি-বিলাসের যে সকল সূত্র বর্ণিত হইয়াছে, তাহাও জীবনবৃত্তে এবং শ্রীকৃষ্ণ-শিক্ষামতে আলোচিত হইয়াছে। শ্রীভাগবতামৃত ভক্তিরই উদাহরণ সহ ক্রমবিকাশ প্রাপ্তির আদর্শ গ্রন্থ। ইহার প্রতিপাদ্য বিষয় 'গুলি গ্রন্থ-তাণ্ডিকায় বর্ণিত হইয়াছে। সুতরাং সেই সকল বিষয়ে এখানে আবার সবিস্তার আলোচনা করিতে হইলে গ্রন্থের আকার অত্যন্ত বৃদ্ধিপ্রাপ্ত হইবে। এই আশঙ্কায় সে ব্যাখ্যার হইতে নিরস্ত হইলাম। বিশেষতঃ এই অশীতিবর্ষ বয়সে এইরূপ গুরুতর ব্যাপার হস্তক্ষেপ করা অতি দুঃসাহসের কার্য, কেবল দৈহিক অপটুতা নহে, কর্মেন্দ্রিয়, জ্ঞানেন্দ্রিয়, মন ও বুদ্ধি সকলই নিরতিশয় দুর্বল হইয়া পড়িয়াছে। এই অবস্থায় কেবল ভগবচ্ছিন্তা ও শ্রীনাম গ্রহণাদি কার্য কোনরূপে চলিতে পারে। বহুল শাস্ত্রসিদ্ধ মন্তনপূর্বক শ্রীভক্তিগ্রন্থ বিরচন ও গ্রন্থ-মুদ্রণ-প্রমাদ-সংশোধন পূর্বক গ্রন্থ-প্রকাশ করা এই বয়সে আমার মত ভজনসাধনাদি-সম্পত্তি-বিহীন লোকের পক্ষে একবারেই অসম্ভব।

সমগ্র গ্রন্থে কঠোর গুরুতর কর্তব্যতার জন্য কেবল শাস্ত্র সিদ্ধান্ত-চর্চারূপ কঠিন কঙ্করময় শুষ্ক প্রান্তরের উপর দিয়া আমাকে বিচরণ করিতে হইয়াছে। ইহার স্থানে স্থানে মাধুর্য্যময় বন-উপবন-শোভা-সৌন্দর্য্য-মাধুর্য্য আশ্বাদনেব কিছু কিছু অবসর ঘটিলেও সেই সমস্ত স্থানে বেশীক্ষণ অপেক্ষা না করিয়া দ্রুতবেগে বিষয়ান্তরে অগ্রসর হইতে হইয়াছে। গ্রন্থ পরিসমাপ্ত করিতে পারিব কিনা, সিদ্ধভক্ত শ্রীপাদ কবিরাজ গোস্বামি মহোদয়ের জায় এই আকর্ষণ্য অস্ত্র অভক্ত জরাতুরের মনে সর্বদাই সেই আশঙ্কা হইতেছিল। কবিরাজ গোস্বামী ভগবৎপার্বদ এবং ভগবানের প্রত্যাদিষ্ট গ্রন্থকার। তাঁহার কার্য্যে বাধা বিপত্তির কোন আশঙ্কা ছিলনা, তথাপি তিনি আশঙ্কা করিতেন এবং ভক্তজন স্বভাবসুলভ বিনয় নয়তা ও দীনতার পরিচয় দিতেন। বৈষ্ণবোচিত সে নয়তা দীনতা প্রকাশ করারও আমার শক্তি নাই কিন্তু সময়ে সময়ে হৃদয়ে এক একটা প্রলোভনের উদয় হয়, তাহাতেই এইরূপ কার্য্যে প্রবৃত্ত হই।

এস্থলে আর একটা লোভ-সম্বরণ করা কঠিন বোধ হইতেছে তাহা এই যে,—শ্রীপাদ সনাতন-রচিত গীতাবলীর রসাস্বাদনের প্রয়াস। এই গীতাবলী স্বভাবতঃই সুমধুর, ইহার উপরে শ্রীভগবৎপার্বদ শ্রীপাদ সনাতনের প্রগাঢ় রসময় ভাবের মধুময় উচ্ছ্বাস এই গীতাবলীতে অভিব্যক্ত হইয়াছে। লোকে কথায় বলে “মধুরেণ সমাপয়েৎ”। এই গ্রন্থের উপসংহারে সেই মধুময়ী গীতিকা-সমূহের কিঞ্চিৎআলোচনা করিতে পারিলে সংস্কৃত ভাষা-অনভিজ্ঞ পাঠকগণের পক্ষে কিঞ্চিৎ তৃপ্তি হইতে পারে। ইহা মনে করিয়া এ সম্বন্ধে যৎকিঞ্চিৎ আলোচনা করা কর্তব্য বলিয়া বোধ হইতেছে।

শ্রীপাদ সনাতনের গীতাবলী অনন্ত মাধুর্য্যের ভাণ্ডার। ইহাতে ৪২টা গীত আছে। এস্থলে কয়েকটা প্রসিদ্ধ গীতি উদ্ধৃত করা যাইতেছে।

বসন্ত পঞ্চমী

অভিনব কুণ্ডল- গুচ্ছ সমুজ্জল-
কুঞ্চিত কুঞ্জল ভার ।

প্রণয়িজনেরিত বন্দন সহকৃত-
চূর্ণিতবরঘনসার ॥

জয় জয় সুন্দর নন্দকুমার ।

সোরভ সঙ্কট বৃন্দাবনতট
বিহিত বসন্তবিহার ॥ ক্র ॥

অধরবিরাজিত মন্দতরাস্মিত
লোভিত-নিম্ন-পরিবার ।

চটুল দৃগঞ্চল বচিতিরসোজ্জল
রাধা মদন-বিকার ॥

ভুবন বিমোহন মঞ্জুল নর্তন
গতিবলিত মণিহার ।

নিজ বসন্তজন সুদ্রংসনাতন-
চিত্তবিহরদবহার ॥

দোলোৎসব ।

কেলি-রস মাধুরা- ততিভিরতিমেহুরী
কৃতনিমিলনকুপশুপালং ।

হৃদি বিধ্বতচন্দনং ক্ষুরদংগ বন্দনং
দেহকুচি নিজিত তমালম্ ॥

সুন্দরি মাধবমবকলয়ালং ।

মিত্রকর লোলমুখা রত্নময় দোলয়্যা
চলিতবপুরতিচপলমালম্ ॥ ক্র ॥

চারু সনাতন তমু রণু রঞ্জন-
কারিসুহৃদগণ সঙ্গী ॥

গ্রন্থকার ধানাত্মীরাগান্বিত নিম্নলিখিত গানে শ্রীগোবিন্দচরণে প্রেম-
মাধুর্য-প্রাপ্তির প্রার্থনা করিতেছেন :—

যদপি সমাধিকু বিধিরপি পশুতি
ন তব নখাগ্রমরীচিং !
ইদমিচ্ছামি নিশম্য তবাচ্যত
তদাপি রূপাদ্ভূত বৌচম্ ॥
দেব ভবস্তুং বন্দে !

নম্যানস মধুকরমপয়
নিজপদপঙ্কজ মকরন্দে ॥ ৫ ॥

ভক্তিরুদঞ্চতি যতপি মাধব
ন ত্বয়ি মম তিলমাত্রী !

পরমেশ্বরতা তদপি তবাধিক
দুঘট ঘটন-বিধাত্রী ॥

অয়মবিলোল তরাণ সনাতন
কলিতাদ্ভূত রস ভারং ।

নিবসতু নিত্য মিহামৃত নন্দিনি
বিন্দুমধুরিন সারম্ ॥

এই গীতাবলীতে শ্রীপাদ সনাতন অষ্ট প্রকার নাগ্নিকার লক্ষণ এবং
তাহার প্রমাণ বিবৃৎ করিয়াছেন, তন্মধ্যে কলহাস্তরিতার একটি গান
এখানে উদ্ধৃত করা হইতেছে । এই গানটি অতি প্রসিদ্ধ । পদগায়কগণ
রসকীৰ্তনে কলহাস্তরিতার পালায় এই গানটি এবং ইহার পরবর্তী প্রোষিত
ভৰ্তৃকারু প্রমাণ স্বরূপ গানটি গাহিয়া শ্রোতৃবর্গের আনন্দ বর্দ্ধন করেন,

এই গান দুইটিও এখানে উদ্ধৃত করা যাইতেছে। প্রথমটা মলিত রাগে, পরেরটা গৌরী রাগে গাহিতে হয়।

১। নাকর্ণমতিস্বক্ৰুপদেশং ।
 মাধব চাটু পটলমপি লেশম্ ॥
 সৌদতি সখি নম স্বনরমধারম্ ।
 যদভ্যমিহ নহি গোকুলবারম্ ॥
 নালোকমার্গত মুক্হাঃ ।
 প্রণমস্তু দম্বিতমুবারম্ ॥
 হস্ত সনাতন গুণমাভিষাস্তং ।
 কিমধারমমহমুরসি ন কাস্তম্ ॥

২। কুর্ষতি কিল কোকলকুল উজ্জল কলনাদং ।
 জৈমিনিরিতি জৈমিনিরিতি জরতি সবিষাদমু ॥
 মাধব ঘোরে বিষোগতমসি নিপপাত রাধা ।
 বিধুর মলিন মৃষ্টিরধিক মধিক্রুবাধা ॥ ৫ ॥
 নীল নলিন মাণ্যমহহ বীক্য পুলকবীতা ।
 গরুড় গরুড় গরুড়েত্যভি রোতি পরম ভীতা ॥
 লম্বিত মৃগনাভি মগুরুকর্ম- মনুদানা ।
 দ্যায়তি শিতিকণ্ঠ মপি সনাতন- মনুলীনা ॥

গীতাবলীর সকলগুলি গানই অতি সুমধুর এবং প্রেমিক ভক্তগণের হৃৎহারস্বরূপ। এখানে সর্বশেষের গানটা উদ্ধৃত করিয়া এই প্রসঙ্গের উপসংহার করা যাইতেছে:—

রাধে নিজকুণ্ডলমসি তুলীকুণ্ডলমং ।
 কিঞ্চ সিক পিহমুকুটমদীকৃত ভবম্ ॥ ৬ ॥
 অশ্রুপত্ন হ্রস্ব কুসুম রচিতভাগত চূড়া ।
 ভীতিভিরতি নীলনিবিড় কুণ্ডলমহাগুড়া ॥

ধাতু-রচিত চিত্রবীথিরস্তসি পরিলীনাৎ।
 মালাপ্যতি শিথিল বৃন্তি রজনি ভৃঙ্গহীনা ॥
 শ্রীসনাতন স্মনিরভ্রমংস্ততিরপি চণ্ডং ।
 ভেঙ্গে প্রতিবিষভাব-দস্তাত্তব গণ্ডম্ ॥

শ্রীদশমচরিত

শ্রীচরিতামৃত-পাঠে জানা যায় শ্রীদশম চরিত নামেও শ্রীপাদ সনাতন-রচিত একখানি গ্রন্থ আছে। এই ব্রাহ্ম যুগলের জীবনযুগে এই গ্রন্থের কথা উল্লিখিত হইয়াছে। এই গ্রন্থখানিও গীতাবলীর স্তায় সুবমালা গ্রন্থে অন্তর্নিবিষ্ট হইয়াছে। ইহাতে নন্দোৎসব হইতে কংস বধ লীলা পর্যন্ত বর্ণিত হইয়াছে। সংক্ষিপ্ত ভাবে প্রত্যেক লীলা, ভিন্ন ভিন্ন ছন্দে কাব্য-লঙ্কার-নৈপুণ্যে ও অর্থালঙ্কার-নৈপুণ্যে রচিত হইয়াছে। শ্রীমদ্ বলদেব বিষ্ণুভূষণ গীতাবলী ও দশম চরিতকে শ্রীপাদ রূপ-বিরচিত বলিয়াই তদীয় টীকা-প্রারম্ভে বিধোষিত করিয়াছেন। কিন্তু আমরা চিরদিন হইতেই শুনিয়া আসিতেছি যে এই কাব্যও শ্রীপাদ সনাতনের রচিত। শ্রীপাদ কবিরাজ যে শ্রীপাদ সনাতন লিখিত দশমচরিত গ্রন্থের নামোল্লেখ করিয়াছেন উহা এই সুবমালাভুক্ত দশমচরিত ভিন্ন অন্য কোন কাব্য নহে বলিয়াই আমার ধারণা। শ্রীদশম চরিতের মঙ্গলাচরণের চতুর্থ পদ্যটি এই :—

মূলোৎখাতবিধায়িনী ভবতরোঃ কৃষ্ণান্যতৃষ্ণাক্রমাৎ ।

খেলন্তির্মুনি চক্রবাকনিচয়ৈ রচম্যমানা মুহঃ ॥

কর্ণানন্দি কলস্বনা বহুতু মে ভিহ্বাতটী-প্রাঙ্গণে !

ঘূর্ণন্তু রসাবলি স্তব কথা পীযুষ কল্লোলিনী ॥

হে কৃষ্ণ, তোমার চরিত-কথা-রূপ তটিনী সংসার-তরুর মূলোৎখাদিকা

কৃষ্ণ তৃষ্ণা ভিন্ন অপর তৃষ্ণা মাত্রই সংসার-তরুর প্ররোহ-সাধিকা। কিন্তু তোমার কথা-রূপ তটিনী কৃষ্ণ তৃষ্ণা ভিন্ন অপর তৃষ্ণার কয় করেন। তোমার কথা-রূপ-তটিনীতে নারদাদি মুনিরূপ চক্রবাকগণ আনন্দ-রস-পানে আনন্দিত হইয়া বিচরণ করেন। উহার কলধ্বনি কর্ণানন্দ-বিধায়িনী। উহাতে উৎকৃষ্ট রস-প্রবাহ ঘূর্ণিত হইতেছে। তোমার এই চরিত-কথা-রূপিনী পীযুষ-কল্লোলিনী তটিনী আমার রসনা-প্রাক্ষণে প্রবাহিত হউন।

শ্রীপাদ কবিরাজ এই পদ্যেরই ছন্দ, ভাব ও ভাষাবলম্বনে শ্রীচরিতামৃতে আদিলীলার দ্বিতীয় পরিচ্ছেদের মঙ্গলাচরণে নিম্নলিখিত শ্লোকটী লিখিয়াছেন :—

কৃষ্ণোৎকীর্ণন-গাননর্ডন-কলাপাথোজনি ভ্রাজিতা :

সদুক্তাবলিহংসচক্র-মধুপশ্রেণী-বিলাসাম্পদম্ ॥

কর্ণানন্দ কলধ্বনি বহতু মে জিহ্বা মরুপ্রাক্ষণে ।

শ্রীচৈতন্যদয়ানিধে তবলসলীলা-সুখা স্বধূনী ॥

এস্থলে দশমচরিতের অন্তর্গত সর্কলীলা মুকুটমণি কেবল শ্রীরাসলীলার পদগুলি উদ্ধৃত করা হইতেছে :—

১

পরিফুরতু স্তন্যরং চরিতমত্র লক্ষ্মীপতে
সুখাভুবননন্দিন সুদবতারবৃন্দস্ত চ ।
হরেরপি চমৎকৃতিপ্রকরবর্ধন কিন্তু মে
বিভক্তি হৃদি বিশ্বয়ঃ কমপি রাসলীলারসঃ

২

শারদবিধু- বীক্ষণমধু- বর্দ্ধিতমদপুরঃ
ইষ্টভজন- বনভজন- চিত্তকমলপুর
গোপযুবতি- মঞ্জলমতি, মোহনকলগীত
মুক্তসকল- কৃত্যবিকল- মৌবতপরিষীত

৩

যোষিদমল- নেত্রকমল- লোভিদশনমাল
কৌতুকধর- নিশ্চিতধর- নন্দবচনমাল
তন্নিশমন- সাক্ষনয়ন- ভীকৃতিরহুনীত
বল্লভজন- খেদশমন- বিভ্রমভরবীত ।

৪

শ্রামবিমল- কাঙ্ক্ষিপটল- ধৃতমদনলক্ষ
রক্তিমধর- যোষিদধর- চূষ-রচনদক্ষ
বিগ্রহপদ- যৌবতমদ- বীক্ষণপারিলীন
চণ্ডিমধর- ভক্তনিকর- মানভূজগবীন ।

৫

লোলগাতিভি- রাক্ষসমতিভি- রাভীরনভিদৃষ্ট
পুষ্পগুরুষু- বল্লীতরু- কুয়ুরিষু পরিপৃষ্ট
লক্কনলিন- গন্ধপুলিন- গোপাঙ্কুকতলীল
শব্দদামিত- রত্নরমিত- রাধিকবরশীল ।

৬

ফুলশুভম- বহুকুমুম- মণ্ডিতদয়িতাজ
কেলিতলিন- বক্তনলিন- ভূজিততদপাঙ্গ
নিভররতি- বন্ধনমতি- নিহুতনিজদেহ
প্রেমশরণ- বল্লভগণ- মানসকুশলেত ।

৭

দৃষ্টবিকল- রাধিনিখিল- যৌবতপরিহৃত
ভূরিকৃদিত- তৎতচ্ছদিত- বীথিভিরভিহৃত
বিকুবতম্- গোপশুভম্- লোচনপদবীত
চারুহসন- পীতবসন- কুমুমভরপীত ।

৮

নন্দিতমতি- ঘোষযুবতি- বাসসি বিনিবিষ্ট
 তুষ্টি-রচন চাক-বচন ধৃতকদম্বরিস্ট
 সম্ভবচয়- কুম্ভকদম- যৌবতততরাস
 কুম্ভকদন- চাকবদন- শোভিতমুহুহাস ।

৯

ধ্বিধ্বিযুবতি- মধাবসতি- বর্দ্ধিতকুচিকাম্য
 লকললিত- ভূকবলিত- চম্পকতিতসাম্য
 স্বস্বসবিধ- বোধিবিবিধ- বেঘযুবতিকুহ
 শঙ্করমুগ- দৈবতসুখ- বর্দ্ধিনটনবিঘ্ন ।

১০

মোহিতশশি- মণ্ডলবশি- খেচরমুনিযোষ
 কিঙ্কণিযুত- ন্পুরকুত- লস্তিতপরিতোষ
 সৌরভপুর- মিষ্টধপুর- রঞ্জিতমধুরাস্য
 সুষ্ঠমহিত- গীতসহিত- যৌবত ততলাস্ম ।

১১

বিশ্বকরণ- বৈষ্যহরণ- কারণকলগান
 রক্তিক্তিরূপ- রুদ্রপশুপ- ভীরুকলিতমান
 কুঞ্জিবলয়- তাণ্ডবলয়- ঘর্ণিতসুররাঞ্জি
 কোমলরণ- ষট্পদগণ- গুঞ্জিতভরভাজি ।

১২

তত্রহসি- রাসমহিসি- সংকৃতবরশোভ
 মৌক্তিকশুচি- সুশ্চিতকুচি- সৃষ্টযুবতিলোভ
 মার্জিতরতি- ংধিরযুবতি- মণ্ডলমুহুগণ্ড
 প্রেমললহ- কামকলহ- পণ্ডিতকুম্ভকণ্ড ।

১৩

বিলম্বভর- বস্তুনথর- চিহ্নিতনববাম
 সৌষ্ঠবযুত- কাস্তিভিরুত- কামমনসিকাম
 শান্তসলিল- কেলিকলিল- চিত্তযুবতিসিক্ত
 দীব্যদচির- জাতরুচির- দীপ্তিভিরতিরিক্ত ।

১৪

দেববিচিত- পুষ্পরচিত- বৃষ্টিভিরভিবৃষ্ট
 প্রেমসরল- কেলিতরল- গোপসুতমুদৃষ্ট
 বিস্মুরদিভ- নায়কনিভ- মঞ্জুলজলখেল
 চঞ্চলকর- পুষ্করবর- কৃষ্ণযুবতিচেল ।

১৫

রত্নভবন- সৎনিভবন- কুঞ্জবিহিতরঙ্গ
 রাগবিরত- ষৌবতরত- চিত্তবিলসদঙ্গ
 সঙ্কতনয়- নন্দতনয়- সুন্দরজয়বীর
 ধাম্যনাতট- মণ্ডলনট- রাসরচনধীর
 পাপিনিময়ি- দুর্গতিজয়ি- পাদভজনলেশ
 ধেহি করুণ- দৃষ্টিমরুণ- লোচননিখিলেশ

১৬

রশ্মোঃনিকুরুষ নির্ভর পরীরশ্মেণ লক্ণুতে
 ষিভ্রাণস্র তডিৎকদম্ববিলসং কানম্বিনী-বিলম্বম্
 ক্রীড়াড়ম্বরধূতজম্বমথন স্তম্বেরমোরু শ্রিয়ো
 রাসারম্বরসার্থিন শুব বিভো বন্দে পাদাশ্চোরুহম্ ।

ইহাই শ্রীপাদ সনাতন কৃত দশমচরিতের রাসবর্ণনা । এতদ্ভাষ্যতঃ
 শুবমালা গ্রন্থে শ্রীরূপ বিরচিত রাসক্রীড়ার অপর বর্ণনও আছে

এখানে কেবল মধুর ভাবে গ্রন্থোপসংহারের অন্তই কয়েকটি সুমধুর পদ উদ্ধৃত করা হইল। শ্রীপাদ সনাতন ও শ্রীপাদরূপের অনন্ত প্রেম ভক্তিময় রচনাবলী ভক্ত-সমাজের অশেষ কল্যাণপ্রদায়িনী। এই ভ্রাতৃযুগল শ্রীভগবৎপার্বদ। শ্রীগৌর গোবিন্দের শক্তি-সঞ্চারে ইহাদের হৃদয়ক্ষেত্রে তাঁহার উপদেশ-বীজাবলী অঙ্কুরিত হইয়া যেরূপ অশেষ শাখাসম্বিত পুষ্পফলশোভিত মহামহীকুহে পরিণত হইয়াছিল, তাহা জীবমাত্রেরই নিত্য প্রেমানন্দপ্রদায়ক। সেই মহাতরুর আশ্রয় ধাঁহারা গ্রহণ করেন, তাঁহারা অতি সহজেই ত্রিতাপ জ্বালা হইতে বিমুক্ত থাকেন; অতি সহজে তাঁহাদের অত্যন্ত দুঃখ-নিবৃত্তি হয়; কেবল দুঃখ-নিবৃত্তি নয়, কেননা সাংখ্যযোগ-সাধনাতেও তাহা লাভ হইতে পারে। কেবল আনন্দ সাক্ষাৎকার ইহার ফল নহে, বেদাস্তের সাধক মাত্রেরই সে আনন্দ-সাক্ষাৎকার লাভ করিতে পারেন। কেবল ভজন-নিষ্ঠাও এই মহামহীকুহের ফল নহে, চতুর্বিধ বৈষ্ণব ভক্তিতে তাহার অধিকারী। শ্রীরামানুজ, শ্রীমন্ন্যাসাচাৰ্য্য, শ্রীমন্নিস্বাক ও শ্রীমদ্বিষ্ণুস্বামী প্রভৃতি বৈষ্ণবাচার্য্যগণ তাদৃশ ভক্তি-ফল-লাভের উপদেশ করিয়াছেন।

কিন্তু এই মহামহীকুহের মূলোদ্ভিত সাধকগণ যে ভক্তি ফল প্রাপ্ত হন, তাহা অনর্পিতচরী উন্নত-উজ্জল-রসশ্রী ভক্তিরই অমৃতময় ফল। শ্রীপাদরূপ সনাতন যে শিক্ষা লাভ করিয়াছিলেন, তাহা কোন আচার্য্য প্রদত্ত নহে,— তাহা কোনও আচার্য্যের জ্ঞাত ছিলনা, কিন্তু সর্কাচার্য্যের শিক্ষাগুরু, সর্ববেদ-প্রবর্তক, সর্কাবতারের অবতারী, অখিলরসামৃতমূর্তি পূর্ণতম প্রেমানন্দ রসবিগ্রহ স্বয়ং ভগবান্ শ্রীশ্রীগৌরগোবিন্দ এই ভ্রাতৃযুগলকে ব্রজরসনিশ্চন্দিনী সৌন্দর্য্য-মাধুর্য্যময়ী প্রেম-ভক্তির যে উপদেশ দিয়াছিলেন, আচার্য্য সম্প্রদায়ের তাহা ইতঃপূর্বে অবিদিত ছিল। এই দুই পার্বদের হৃদয়ে মহাশক্তি সঞ্চার করিয়া স্বয়ং শ্রীভগবান্ যে শিক্ষাবীজ বপন করিয়াছিলেন, সেই শিক্ষামূলের মহামহীকুহ, অনন্ত শাখা বিস্তার করিয়া সংসার-

তপ্ত আঁচ-দিগকে শাস্তিসুখা ও সুরত সুরঙ্গল প্রেমভক্তির রসমাধুর্য
 বিতরণ করিতেছেন। এই ছই ক্ষুদ্র গ্রন্থে সেই শিক্ষামূলক
 ফলপ্রসূ মহাত্ম্যের বিন্দুমাঝের পরিচয় দিতে অসমর্থ হইয়া কেবল মুক-
 আস্থানবৎ অথবা মুকের স্বপ্ন প্রকাশের স্থায় অক্ষুট ভাবার মনোভাব
 প্রকাশ করিতে যাইয়া কেবল নিজের অযোগ্যতা ও অসমর্থতাটী বিলক্ষণ
 রূপে বুঝিতে পারিলাম। শ্রীভগবান্ ও তত্ত্বগণের কৃপার ইহাতে যদি
 এই অনভিজ্ঞের ও অতত্ত্বের বিন্দুমাঝে আত্মশোধনের সম্ভাবনা হয় তবে
 তাহাই আমার প্রতি শ্রীভগবান্ ও তত্ত্বগণের মহাকৃপা বলিয়া মনে করিব।

সপার্বন শ্রীশ্রীগৌরগোবিন্দ চরণে লিখনমিদং সমর্পিতমস্তু।

সমাপ্তোহয়ং গ্রন্থঃ।

ভক্তি-পুষ্পাঞ্জলি

দীনার প্রার্থনা

শচীশ্রুত জয় জয় গৌরান্দ-সুন্দর ।
প্রেমময় রসময় স্বর্ণ কলেবর ॥
স্বয়ং ভগবান্ পূর্ণতন অবতারী ।
সর্বশুভ সুখনাতা সর্বহিতকারী ॥
নিত্যানন্দ শ্রীঅষ্টৈত দেব গদাধর ।
শ্রীবাসাদি হন ঈর নিত্য সহচর ॥
শ্রীস্বরূপ দানোদর, রায় রামানন্দ ।
ভট্টাচার্য্য সার্কশৌম নিত্য সঙ্গিবৃন্দ ॥
শ্রীরূপ সনাতন ভট্টরঘুনাথ ।
শ্রীজীব গোপালভট্ট দাস রঘুনাথ ॥
এই ছয় গোশ্বামী ভক্তিরসের ভাণ্ডার
যাহা হতে হয় ব্রজ রসের প্রচার ॥
শ্রীগোরের যত সহচর অহুচর ।
ত্রিভুবন উদ্ধারিতে সবে শক্তিধর ॥
সবার চরণে মোর কোটি নমস্কার ।
ভক্তের পদরেণু ভরসা আমার ॥
সকল জনম-সার মনুষ্য জনম ।
হেন জনমের সার-গোবিন্দভজন ॥
কর্মযোগ জ্ঞানধ্যান বিবিধ প্রকার ।
বিহিত হয়েছে শাস্ত্রে বিধি-সাধনার ॥
অনু সব সাধনার কৃষ্ণ নাহি মিলে ।
কৃষ্ণপদ-প্রাপ্তি হয় শ্রীকৃষ্ণ ভজিলে ॥

গোপী অমৃত হৈয়া ভবে যেই জন ।
 সেই পায় ব্রহ্মরসে শ্রীকৃষ্ণচরণ ॥
 বৈধী রাগাচরণা ভক্তি ভাব ভক্তি আর ।
 রাগাখিকা কামাখিকা বিবিধ প্রকার ॥
 ভক্ত প্রেম, গোপী প্রেম, রাধাপ্রেমতত্ত্ব ।
 আনিলে সে জানা যায় প্রেমের মাহাত্ম্য ॥
 দয়াময় প্রেমময় বশোদা নন্দন ।
 রসময় লীলাময় রাধিকা-জীবন ॥
 রাধিকার ভাব কান্ধি অক্ষীকার করি ।
 গোর গোবিন্দরূপে এলেন শ্রীহরি ॥
 নিজে অম্বাদিয়া প্রভু গোপী-প্রেমানন্দ ।
 ভক্তগণে বৃন্দাভিলা রসের সঙ্গ ॥
 উন্নতউজ্জ্বলরসময়ী ভক্তি দিতে ।
 আসিলেন শ্রীগোবিন্দ এই অবনীতে ॥
 ভাব মহাভাব আদি প্রেমের সঙ্গান ।
 যারে-ভাবে মহাপ্রভু করিলেন দান ॥
 শ্রীরূপ সনাতনে শক্তি সঞ্চারিয়া ।
 ভক্তির অনন্ত রস দিলা বৃন্দাইয়া ॥
 মহাধন দুই ভাই রসের ভাগারী ।
 ব্রহ্মরস আবাদনে মহা অধিকারী ॥
 লিখিলেন বহু গ্রন্থ প্রভুর কৃপায় ।
 ভক্তিরস মহাসিন্ধু উথলিল তার ॥
 ছোট বড় ভাগবতামৃত দুইখানি ।
 অদ্ভুত অপূর্ব গ্রন্থ ভক্তি-রস-ধনি ॥
 ভক্তিরসামৃত-সিন্ধু, শ্রীভক্তি-বিলাস ।

বাঁহাতে অনন্তভক্তি রসের উল্লাস ॥
 ভক্তি বিলাসের ঢীকা দিক্ প্রদর্শনা ।
 ধার মধ্যে প্রবাহিত ভক্তি-তরঙ্গিণী ॥
 এষ্ট দুই গ্রন্থ ভক্ত-সাধকের ধন ।
 ছুরাচারো শুচি হয় করিলে পঠন ॥
 এষ্ট দুই গ্রন্থ পাঠে জীবন গঠন ।
 করে যারা নিয়মিত শ্রবণ কীৰ্ত্তন ॥
 করে যারা স্মরণাদি বৈধী উপাসনা ।
 শ্রীভরি করেন পূর্ণ তাঁদের বাসনা ॥
 তাহাদের বাগাশ্রুগা ভক্তি লভা হয় ।
 অচিরেই ভাবভক্তি হৃদে উপভয় ॥
 প্রেমভক্তি লাভ করে সেই ভক্তগণ ।
 আনন্দে ভঞ্জন গৌর গোবিন্দ চরণ ॥
 গোপী প্রেম সমুজ্জল রসের নিদান ।
 উজ্জল নীলমণি গ্রন্থে তাঁহার ব্যাখ্যান ॥
 সে যে কি আনন্দলীলা সিকুর উচ্ছ্বাস ।
 গোপী প্রেমায়ুতময় রসের বিলাস ॥
 নারিকারগণ, আর ভাবের বিচার ।
 সঞ্চারি সাত্বিক আন ভাব-জলস্রাব ॥
 জানিত কি কেহ এষ্ট প্রেমের সঞ্চান ।
 যদি না দিতেন প্রভু এষ্ট কৃপাদান ॥
 বিদগ্ধ মাধবে আর ললিত মাধবে ।
 প্রেমতত্ত্ব রসতত্ত্ব ভাবের বৈভবে ॥
 দিয়াছেন শ্রীলরূপ সব বুঝাইয়া ।
 প্রতিপদে মধু করে করিয়া করিয়া ॥

বহুদিন এই আশা ছিল মম মনে ।
 শ্রীচরিতামৃত পাঠ করিতাম যখনে ॥
 তখনই ভাবিতাম চৈতন্য চরিতে ।
 রূপ-সনাতন শিক্ষা বুঝিব কি মতে ॥
 আমার মতন আছে শত শত জন ।
 যাহাদের মনে আছে এই আকিঞ্চন ॥
 রূপা করি যদি প্রভু কোন ভক্ত দিয়া ।
 বাঙ্গালা ভাষায় তত্ত্ব দেন বুঝাইয়া ॥
 তবে যদি কথঞ্চিৎ ভক্তিতত্ত্ব সার ।
 অঙ্গদের বুঝিবার হয় অধিকার ॥
 এই মত ভাবিতাম বহুদিন ধরি ।
 এবে প্রভু দয়াময় বহু রূপা করি ॥
 করিলেন পূর্ণ মম মনের বাসনা ।
 সকলা হইল মম মনের 'কামনা' ॥
 ধন জন দেহ গেহ অনিত্য সকল ।
 এই আছে এই নাই এতে কিবা ফল ॥
 তথাপি এখন ধন্য ;—সংকার্যে লাগিলে ।
 বিলাসে বিফল হয় সর্কশাস্ত্রে বলে ॥
 সর্ককার্য্য শ্রেষ্ঠ কার্য্য সদগ্রন্থ প্রচাব ।
 ভক্তিগ্রন্থ পাঠে হয় ভক্তির বিস্তার ॥
 একখানি গ্রন্থ শত শত জন পড়ে ।
 দেশে দেশে প্রচারিত হয় ঘরে ঘরে ॥
 আর আর কীর্তি যত একস্থানে রয় ।
 কালের গর্ভেতে কালে হয়ে যায় লয় ॥
 সদগ্রন্থ সর্বত্রই সর্বকালে রহে !

আদিরে মানবগণ রাখে নিজ গৃহে ॥
 এক জনে পাঠ করে শুনে শত জন ।
 হৃদয়ে হৃদয়ে তত্ত্ব করয়ে ধারণ ॥
 ভীষণ ভারত যুদ্ধ কবে হয়ে গেছে ।
 কিন্তু শ্রীভারতগ্রন্থ সর্বত্রই আছে ॥
 অনিত্য ধনেতে যদি মিলে নিত্যধন ।
 কে না করে তার জন্ত দৃঢ় আকিঞ্চন ?
 এই সব মনে ভেবে এ ক্ষুদ্র প্রয়াস ।
 পুরালেন মহাপ্রভু মোর অভিলাষ ॥
 দীনার প্রার্থনা এবে শুকু শ্রীচরণে ।
 আশীর্বাদ ভিক্ষা যাচি সবার স্থানে ॥
 শ্রীরাধা-গোবিন্দ পদে যেন ভক্তি রয় ।
 ভক্তিভাবে রহে যেন পূর্ণ এ হৃদয় ॥
 ভজন সাধন হয় জীবনের সার ।
 ইন্দ্রজাল সম এই মায়ার সংসার ॥
 জীবের জীবন তবে জলের মতন ।
 কাল-সাগরেতে সরা করিছে গমন ॥
 দেহগৃহ পড়ে থাকে, গৃহী বায় চলি ।
 প্রাণহীন দেহ হয় ছাঠি ভস্ম ধূলি ॥
 কার বাড়ী কার ঘর বস্ত্র অলঙ্কার ।
 নশ্বর জীবের দেহ সকলি অসার ॥
 অসারকে সার ভাবি বৃথা কাল যার ।
 না চিনিস্ত সার বস্তু বিকুর মায়ার ॥ ..
 ভক্তি বিনা মায়ী ততে নাহিক নিস্তার ।
 ভক্তি বিনা যোগ জ্ঞান সব অন্ধকার ॥
 কৃষ্ণ ভুলি পড়ে জীব মায়ার গহনে ।
 খোঁজে সুখ, পায় দুখ মায়ার ছলনে ॥
 সাধুসঙ্গ, কৃষ্ণ কথা, সংশাস্ত্র-অবণ ।
 নাম জপ, ধ্যান পূজা অরণ কীর্তন ॥
 ব্রহ্মসহ তঁরু সঙ্গে ভক্তি শাস্ত্র পাঠ ।

খুলে দেয় হৃদয়ের অজান কপাট ॥
 দয়াময় শ্রীগোরাঙ্গ প্রেম অবতার ।
 প্রেম ভক্তি দিয়া জীবে করিলা নিস্তার ॥
 শ্রীরূপসনাতন মহাশক্তিধারী ।
 প্রেমভক্তি-রস-তত্ত্ব ভজন-মাধুরী ॥
 শিখাইল সব তত্ত্ব, শক্তি সফারিয়া ;
 তাঁহারা, করিল গ্রন্থ আবেশ লাগিয়া ॥
 অতি বৃদ্ধ অরাতুর সিদ্ধ কৃষ্ণদাস ।
 শ্রীচরিতামৃতে কিছু করিল প্রকাশ ॥
 তাহা দেখে মম মন মোতাক্ষে হৈল ।
 শ্রীগোরের কৃপাপাত্রে বাহু আনাইল ॥
 তিঁহোও তাদৃশ বৃদ্ধ, যথা কবিরাজ ।
 তাঁহার জানেন সব বৈষ্ণব সমাজ ॥
 তিঁহো সদা আপনাকে মানে দীনদীন ।
 শ্রমেতে তরুণ অতি, বয়সে প্রবীণ ॥
 তাঁহার কৃপায় আর শ্রীকৃষ্ণ-ইচ্ছায় ।
 ফলিল কিঞ্চিৎফল বাসনা-লতার ॥
 অকৈতব কৃষ্ণ প্রেম—জীব-প্রয়োজন ।
 প্রেম তত্ত্ব অতি গূঢ়,—বৃন্দাবন-ধন ॥
 এ নহে ভোগের বস্তু—প্রকৃতির খেলা ।
 এ নহে—কেবল মিলনের মহা মেলা ॥
 যে জন আলিয়ে হৃদে বিরহ-শ্মশান ।
 মরণে মরিয়া থাকে অপি শ্রাম-নাম ॥
 কোথা শ্রাম প্রেমময়—দেখা নাহি মিলে ।
 বিরহে বিরহে যুগ—যুগ যার চলে ॥
 হয় কি না হয় দেখা দেবের ঘটন ।
 তথাপি সকলত্যাগি তাহারি চিন্তন ॥
 দণ্ডে দণ্ডে পলে পলে পিপাসিত প্রাণ ।
 পল মাতে দেখিবারে করে আনন্দান ॥
 তথাপি তাহার হার না মিলে দর্শন ।

কি কঠোর সাধকের চাতক-জীবন ॥
 খালে বিলে নদীনেদে সাগরে সাগরে ।
 অনন্ত জলের রাশি রয়েছে সংসারে ॥
 জলদের জলবিন্দু—চাতক সম্বল ।
 তুষার মরিবে, তবু নাহি পিয়ে অঙ্গজল ॥
 একমাত্র কৃষ্ণ রত, অস্ত সর্বত্যাগ ।
 ইহাকেই বলে কৃষ্ণে গাঢ় অস্তুরাগ ॥
 এই ব্রহ্মরস শিক্তা দিলা দুই তাঁই ।
 ব্রহ্ম বিনা এরস না মিলে অস্তুঠাই ॥
 'হা কৃষ্ণ গোবিন্দ' বলি সতত রোদন !
 শ্রীরাধা-গোবিন্দ-লীলা সতত স্মরণ :
 হরে কৃষ্ণ মহামন্ত্র সতত জপন ।
 নিগূঢ় শ্রীলীলারস সতত মনন ।
 ভাগবত ভক্তিশাস্ত্র সতত শ্রবণ ।
 নামগুণ লীলা আদি সতত কীৰ্ত্তন ॥
 গোপী অন্তর্গত হৈয়া সতত সেবন :
 বাহু অন্তরে সদা যুগল অর্চন ॥
 মানসে শ্রীযুগলের শ্রীশাদ সেবন ।
 ব্যাকুল হৃদয়ে সদা যুগল বন্দন ॥
 সখার মতন সদা সমীপে বর্তন ।
 তাঁর পদে আশ্রিত্রির দৈত সমর্পণ ॥
 বৈষ্ণবের সদাচার নিয়ম-পালন ।
 কামক্রোধ মোহ মোহ ঘেবাদি বর্জন ॥
 সর্বদীবে শ্রীভিত্তাব সবার সেবন ।
 শ্রীকৃষ্ণচরণ সেবা ইত্যাদি নিয়ম ॥

সতত পালন করি বৈধীভক্তি-তর ।
 ইষ্টে রাগানুগভক্তি ক্রমে লভ্য হয় ॥
 ভাবভক্তি প্রেমভক্তি-ভক্তের সাধনা ।
 তদন্তে উপজে গোপীপ্রেম-উপাসনা ॥
 এইসব ভক্তিক্রম,—রূপ সনাতন ।
 দেখাইলা জীবগণে ভক্তির সাধন ॥
 বৈষ্ণব-আচাধাবর করি বহুশ্রম ।
 শ্রীগৌর-পাষণ-পদ করিয়া স্মরণ ॥
 ভক্তিশাস্ত্র মহার্ণব মণিয়া মথিয়া ।
 শিক্ষামৃত গ্রন্থদ্বয় প্রকাশ করিয়া ॥
 পুরালেন মন বাঞ্ছা চির আকাঙ্ক্ষিত ।
 আশা করি ইথে হবে জগতের হিত ॥
 বহুভাবে হয় ভক্ত বৈষ্ণব সেবন ।
 ভক্তিগ্রন্থ দিয়া সেবা—আমার মনন ॥
 বড় ভাগ্যে প্রকাশিত হলো গ্রন্থদ্বয় ।
 ভক্তগণের আশীর্ব্বাদে সর্বসিদ্ধি হয় ॥
 স্মরিয়া শ্রীগুরুপদ বৈষ্ণব চরণ ।
 শ্রীগৌরগোবিন্দ পদ করিয়া স্মরণ ॥
 শঙ্কর চন্দনে মাখা ভক্তিপুষ্পাঞ্জলি ।
 সমর্পিয়া যাঁচি আমি ভক্তপদধূলি ॥
 কৃপা করি কর সবে এই আশীর্ব্বাদ ।
 সখীগণ যেন মোরে করেন আত্মসাপ ॥

শ্রীমতী রাধারানী দাসী

প্রিন্টার—শ্রীঅমৃতলাল দাস

“অনুভূতিপ্রতিগ্ৰহকম্” ৯মঃ বিখ্যকোষ সেন, বাগবাজার, কলিকাতা ।

